













50455/B

A xxx Syd























THOMAS SYDENHAM.

*J. G. Seiller Sculpsit*



55450

THOMÆ  
SYDENHAM

MED. DOCT.  
AC PRACTICI LONDINENSIS

*Celeberrimi*

OPERA MEDICA

EDITIO NOVISSIMA variis variorum Præstantissimorum  
Medicorum Observationibus quàm maximè illustrata & aucta.

TOMVS PRIMVS.

*Cum ELENCHIS RERUM & INDICIBUS Necessariis.*



GENEVE.

Apud FRATRES DE TOURNES.

M. DCCXVI.

Cum Privilegio S. CÆSARÆ MAJESTATIS.



THE  
MAY 11 1892

MEMPHIS

ACCEPTED FOR DEPOSIT

OPERA MEDICA

27 MRS 2V 52 03





# BIBLIOPOLÆ LECTORI.



Ræclarissimi Viri Thomæ Sydenham, Medicinæ Doctoris, & Practici quondam Londinensis longè Celeberrimi, Opuscula quot quot hæctenus seorsùm prodire omnia, unicò Volumine comprehensa, Tibi, Lector Humanissime, sub majore quàm antea formâ, ac præteritis Editionibus multò correctiora, rursùs exhibemus. Hic proin habes, & Observationes Medicas, in Constitutionibus Epidemicis Londinensibus annorum 1661. 1662. 1663. 1664. 1665. 1666. 1667. 1668. 1669. 1670. 1671. 1672. 1673. 1674. & 1675. occurrentes; quales illæ evulgatæ fuere in Nobilissimi Autoris Nostri Operum Londinensi Editione, anni 1676. Et alias præterea quæ in Constitutionibus annorum 1676. 1677. 1678. 1679. 1680. imò etiam ex parte ad annum usque 1684. se obtulerunt: Item Dissertationes Epistolares super Lue Venerèâ, Affectione Hystericâ, Podagrâ & Hydrope: Quales itidem in ejusdem Doctissimi Autoris Nostri Editione Londinensi quartâ, annò 1685. superadditæ sunt. Imò Schedulam Monitoriam de Novæ Febris ingressû, & Febre Putridâ



## B I B L I O P O L Æ

Variolis Confluentibus superveniente, cum Dissertatiunculâ de mictû Sanguineo à Calculo renibus impacto, & Processibus integris in Morbis ferè omnibus curandis, à Fælicissimo hoc Practico, ut credunt, adhibitis, annexo etiam de Phthisi Tractatulô; qualia in Nostrâ Genevensi Editione, anni 1696. adjecta sunt. Utinam Accuratissimus Autor quicquid ad Medicam Praxim ulteriùs perficiendam, pari quàm quæ ab ipso perscripta sunt, diligentia adnotatum, typis mandasset! Sic abundè sanè instruerentur Medicorum Filii iis auxiliis quibus securiùs, magnò Ægrorum suorum emolumentò, in morbis curandis progrederentur. Verùm cum tot tantaque ab unius Viri, etiam laboriosissimi, ævò quantumvis longiùs protractò, sperare minimè liceat: A Doctore Medicò, nobis amicissimò, quique ea quæ jam proposuimus significavit, impulsus sumus ut in eorum quæ deficiebant aliquale supplementum, selectiora plura, undiquaque ex Accuratioribus Practicis conquisita, ac ea præprimis quæ Methodo Sydenhamianæ maximè affinia forent, huic ipsi nostræ Editioni infereremus; quò scilicèt, si non integram prorsùs Medicam Praxim, illam saltem minùs mancā, Tibi jam sisteremus. Cui Clarissimo Viro, tanquam in hisce materiis, ut ex ipsius multiplicibus Operibus constat, versatissimo, lubentes admodum annuentes, illud omne quod magis ad rem faciens præ manibus habebat, donec plura in sequentibus per otium exquirere, aut etiam ex propriò, ut pollicetur, penû promere, aliquando liceat, ab illò acceptum Tibi tradimus. Inter quæ non minimā sanè commendatione digna videntur, quæ jam exhibentur super Constitutionibus Epidemicis, in variis Europæ nostræ Urbibus & Regionibus, variis annis ac temporibus grassantibus;



## LECTORI.

tibus; & ad normam quam olim Magnus Hippocrates suô suaserat exemplô, quamque Sibi Excellentissimus Noster Sydenham prudentissimè in plenioram Artis Medicæ perfectionem, à Systematicis Autoribus forsân non parum retardatam, præstituerat, eventilatis atque examinatis. Atque hæc de nostrâ Editione satis. Additamenta autem quod spectat, quibus in ipsô Operis decursû Argumenta pro connexionem quam cum ipsô Autoris Textû habent indicandâ præfiguntur; eorum specialis Nota in subsequenti paginâ reperitur. Circa quod rursû observandum venit, quòd Capita quædam Constitutiones Epidemicas particulares variarum Sacri Imperii Urbium ac Regionum spectantia eò ipso ordine quo in prædictâ indicantur Notâ non exhibentur, quòdque pars eorum ad hujus Operis Sydenhamiani calcem refertur propter rationes in Admonitione ibidem adjectâ significatas.





# CATALOGUS TRACTATUUM

& DISSERTATIONUM huic

THOMÆ SYDENHAM Operum, Editioni adjectorum.

**B**ernardini Ramazzini, in Mutinensi Licæo Medicinæ Professoris,  
*Dissertationes tres, de Constitutionibus annorum 1690. 1691. 1692.  
1693. 1694. in Mutinensi Civitate & illius Ditione.*

Lucæ Schroeckii, Academ. Cæsar. Leopold. Natur. Curiosor. Præ-  
fidis, *Historia Constitutionis Epidemicæ Augustanæ, anni 1695.*

Michaelis Bernardi Valentini, *Constitutio Epidemica Hassiaca, anni  
1693. & 1694.*

Johannis Jacobi Harderi, *Constitutio Epidemica Basileensis, anni 1695.*

Gustavi Casimiri Garhliep, *Constitutio Epidemica Berolinensis, anni 1695.*

Michaelis Bernardi Valentini, *Constitutio Epidemica Hassiaca, anni 1695.*

Lucæ Schroeckii, *Constitutio Epidemica Augustana, anni 1696.*

Gustavi Casimiri Garhliep, *Constitutio Epidemica Berolinensis, anni 1696.*

Conradi Bertholdi Behrens, *Constitutio Epidemica Hildesiensis, anni  
1695. & 1696.*

Lucæ Schroeckii, *Constit. Epidem. Augustana, annorum 1697. & 1698.*

Joh. Jac. Harderi, *Constitutio Epidemica Basileensis, anni 1698.*

Gustavi Casimiri Garhliep, *Constitutio Epidemica Berolinensis, anni  
1697. & 1698.*

Sylvestri Samuelis Anhornii, *Constit. Epidem. Sangallensis, anni 1697.*

Caroli Raygeri, *Constitutio Epidemica Posoniensis, annorum 1695. 1696.  
& 1697.*

Lucæ Schroeckii, *Constitutio Epidemica Augustana, anni 1699. & 1700.*

Gustavi Casimiri Gahrlied, *Constitutio Epidemica Berolinensis, anni 1699.*

Joh. Jacobi Harderi, *Constitutio Epidemica Basileensis, anni 1699.*

Rudolphi Jacobi Camerarii, *Constitutio Epidemica Tubingensis &c., anni  
1699. & 1700.*

Ambrosii Stegmanni, *Constit. Epidem. Mansfeldiaca, anni 1697. & 1698.*

Gustavi Casimiri Garhliep, *Constitutio Epidemica Berolinensis, anni 1700.*

*Constitutio*



# CATALOGUS TRACTATUM.

*Constitutio Epidemica Vratislaviensis, annorum 1699. 1700. 1701.*

*Constitutio Epidemica Berolinensis, anni 1702.*

Lucæ Schroeckii, *Constitutio Epidemica Augustana, annorum 1701. 1702. 1703. 1704. & 1705.*

Ejusdem, *Constitutio Augustana, annorum 1706. 1707. 1708. 1709. & 1710.*

Joh. Jacobi Harderi, *Constitutio Epidemica Basileensis, anni 1700. & 1701.*

Gustavi Casimiri Garhliep, *Constitutio Epidemica Berolinensis, anni 1701. 1703. & 1704.*

Marci Gerbesii, *Constitutio Epidemica Labacensis, anni 1709. & 1710.*

Joh. Georgii Hoyer, *Constitutio Epidemica Mulhusina, anni 1700.*

Rudolphi Jacobi Camerarii, *Constitutio Epidemica Tubingensis, anni 1701. & 1702.*

Joh. Guilhelmus Bayerus, & Bernardinus Ramazzinus, *de Frigore Hyemali anni 1709.*

Lucæ Schroeckii, *Constit. Epidem. Augustana, anni 1711. 1712. & 1713.*

Marci Gerbezii, *Constit. Epidem. Labacensis, anni 1712. 1713. & 1714.*

Guilteri Harris, M. D. ac Celeberrimi Medicorum Londinensium Collegii Socii, *de Lue Venerea, ejusque origine, naturâ & curatione, Dissertatio.*

*De Contagiosâ Epidemiâ quæ in Patavinô Agrô, & totâ fere Venetâ Ditione in Boves irrepsit Dissertatio, habita à Bernardinô Ramazzino, in Patavinô Lycæo Practicæ Medicinæ Professore Primariô.*

Davidis Hamilton, Equitis Aurati, Regalis Societatis Londinensis utriusque Socii, nec non Magnæ Britanniae Reginae Medici Ordinarii, *Tractatus de Febre Miliari, seu Vesiculari: adjuncto super eadem febris historiarum fasciculô.*


Caroli Drelincurtii, Lugduni in Batavis Professoris Medici Senioris, *de Calculô Renum & Vesicae, Dissertatio.*

Martini Lister, D. M. è Societate Regiâ Londini, *Dissertatio Medicinalis de Calculô Humanô.*

Caroli Leigh, Med. Doctor. *Phthisiologia Lancastriensis.*

Guilhelmi Musgrave, M. D. Incltyti Medicorum Londinensium Collegii, & Societatis Regiæ Socii, *de Arthritide Symptomaticâ, Dissertat. Ejusdem, de Arthritide Anomalâ, sive Internâ, Dissertatio.*





# SERIES

## TRACTATUM & CAPITUM.

OBSERVATIONES Medicæ circa Morborum Acutorum Historiam & Curationem. Pag. 19

### SECTIO PRIMA.

CAPUT I. De Morbis acutis in genere.	Pag. 19
II. De Morbis Epidemicis.	21
III. Constitutio Epidemica Annorum 1661. 62. 63. 64. Londini.	27
IV. Febris continua hujus constitutionis.	29
V. Febres intermittentes.	46

### SECTIO SECUNDA.

CAP. I. Constitutio Epidemica Annorum 1665. & 1666. Londini.	62
II. Febris pestilentialis & pestis.	63

### SECTIO TERTIA.

CAP. I. Constitutio Epidemica Annorum 1667. 68. partim etiam 69. Londini.	78
II. Variolæ regulares.	79
III. Febris continua hujus Constitutionis.	98

### SECTIO QUARTA.

CAP. I. Constitutio Epidemica partis Anni 1669. atque integrorum 70. 71. 72. Londini.	104
II. Cholera Morbus.	106
III. Dysenteria.	108
IV. Febris continua hujus Constitut.	116
V. Morbilli.	120
VI. Variolæ anomala hujus Constitut.	123
VII. Colica biliosa.	127

### SECTIO QUINTA.

CAP. I. Constitutio Epidemica partis Anni 1673. atque integrorum 1674. & 75.	134
II. Febris continua hujus Constitut.	136
III. Morbilli.	143



# SERIES TRACTATUUM & CAPITUM.

IV. <i>Variola Anomala hujus Constitut.</i>	145
V. <i>Tusses Epidemica cum pleuritide &amp; peripneumonia supervenientibus.</i>	150
VI. <i>Anacephalæosis.</i>	156

## S E C T I O   S E X T A.

CAP. I. <i>Febres intercurrentes.</i>	159
II. <i>Febris Scarlatina.</i>	162
III. <i>Pleuritis.</i>	163
IV. <i>Peripneumonia notha.</i>	167
V. <i>Rheumatismus.</i>	170
VI. <i>Febris Erysipelatosa.</i>	171
VII. <i>Angina.</i>	176

THOMÆ SYDENHAM *Epistola Responsoria de Morbis Epidemicis* ab Anno 1675. ad Annum 1680. ad Robertum Brady M.D. 180

Bernardini Ramazzini, *Dissertationes tres de Constitutionibus annorum* 1690. 1691. 1692. 1693. 1694. *in Mutinensi civitate & illius Ditione.* 202

Lucæ Schroeckii, *Historia constitut. Epidemica Augustana, anni 1695.* 273

Michaelis Bernardi Valentini, *Constitutio Epidemica Hassiaca, anni* 1693. & 1694. 276

Johannis Jacobi Harderi, *Constitutio Epidemica Basileensis, anni 1695.* 277

Gustavi Casimiri Gahrlied, *Constitutio Epidemica Berolinensis, anni* 1695. ibid.

Michaelis Bernardi Valentini, *Constitutio Epidemica Hassiaca, anni* 1695. 283

Lucæ Schroeckii, *Constitutio Epidemica Augustana, anni 1696.* 284

Gustavi Casimiri Gahrlied, *Constit. Epidem. Berolinensis, anni 1696.* 288.

Conradi Bertholdi Behrens, *Constitutio Epidemica Hildesiensis, anni* 1695. & 1696. 292

Lucæ Schroeckii, *Constit. Epidem. Augustana, anni 1699. & 1700.* 300

Gustavi Casimiri Gahrlied, *Constit. Epidem. Berolinensis, anni 1699.* 306

Joh. Jacobi Harderi, *Constitutio Epidemica Basileensis, anni 1699.* 310

Rudolphi Jacobi Camerarii, *Constitutio Epidemica Tubingensis, anni* 1699. & 1700. 311

Ambrosii Stegmanni, *Constitutio Epidemica Mansfeldiaca, anni* 1697. & 1698. 315

Gustavi Casimiri Gahrlied, *Constit. Epidem. Berolinensis, anni 1700.* 318



# SERIES TRACTATVVM


<i>Constitutio Epidemica Vratislaviensis, annorum 1699. 1700. &amp; 1701.</i>	321
<i>Constitutio Epidemica Berolinensis, anni 1702.</i>	342
<i>Lucæ Schroeckii, Constitutio Epidemica Augustana, annorum 1701. 1702. 1703. 1704. &amp; 1705.</i>	347
<i>THOMÆ SYDENHAM, Epistola Responsoria de Luis Venereæ Historia &amp; Curatione ad Henricum Paman M. D.</i>	354
<i>Gualteri Harris, de Lue Venerea, ejusque origine, natura &amp; curatione Dissertatio.</i>	370
<i>THOMÆ SYDENHAM, Dissertatio Epistolaris ad Guilielmum Cole M. D. De Observationibus nuperis circa Curationem Variolarum Confluentium; nec non de affectione Hysterica.</i>	382
<i>Bernardini Ramazzini, de Contagiosâ Epidemiâ, quæ in Patavino Agro &amp; totâ ferè venerâ Ditione in Boves irrepsit, Dissertatio.</i>	437
<i>THOMÆ SYDENHAM Tractatus de Podagra &amp; Hydrope.</i>	437
<i>Guilhelmi Musgrave De Arthritide Symptomaticâ Dissertatio. Vide sub finem Operis.</i>	
<i>Ejusdem de Arthritide Anomala, sive Internâ, Dissertatio. Vide ibidem.</i>	
<i>THOMÆ SYDENHAM Scheda Monitoria de Nova febris Ingressu.</i>	507
<i>Davidis Hamilton, Tractatus de Febre Miliari, seu vesiculari: accessit Febris miliaris Historiarum Fasciculus.</i>	531
<i>THOMÆ SYDENHAM, de Febre Putrida Variolis Confluentibus superveniente.</i>	593
<i>EIUSDEM, de mictu sanguineo à Calculo Renibus impacto.</i>	599
<i>Caroli Drelincurtii, de Calculo Renum &amp; Vesicæ Dissertatio.</i>	605
<i>Martini Lister, Dissertatio Medicinalis de Calculo Humano.</i>	619
<i>THOMÆ SYDENHAM, Processus integri in Morbis ferè omnibus curandis, unâ cum graphicâ Symptomatum delineatione, &amp; Tractatulo de Phthisi nunc primum edito.</i>	641
<i>Caroli Leigh, Phthisiologia Lancastriensis.</i>	685
<i>Lucæ Schroeckii, Constitutio Epidemica Augustana, anni 1697.</i>	713
<i>Ejusdem, Constitutio Epidemica Augustana, anni 1698.</i>	718
<i>Iohannis Iacobi Harderi, Constit. Epidem. Basileensis, anni 1698.</i>	720
<i>Gustavi Casimiri Gahrliæ, Constit. Epidem. Berolinensis, anni 1697.</i>	721
<i>Ejusdem, Constitutio Epidemica Berolinensis, anni 1698.</i>	724
<i>Sylvestri Samuelis Anhornii, Constit. Epidem. Sangallensis, anni 1697.</i>	727
<i>Caroli Raygeri, Constitutio Epidemica Posoniensis, annorum 1695. 1696. &amp; 1697.</i>	729



## & C A P I T U M.

Lucae Schroeckii, <i>Constit. Epidemica Augustana</i> , anni 1701. & sequen- tium.	733
Ioh. Iacobi Harderi, <i>Constit. Epidem. Basileensis</i> , anni 1700. & 1701.	746
Gustavi Casimiri Gahrlied, <i>Constit. Epidem. Berolinensis</i> , anni 1701.	747
Ejusdem <i>Constitutio Epidemica Berolinensis</i> , anni 1703.	751
Ejusdem <i>Constitutio Epidemica Berolinensis</i> , anni 1704.	756
Guntheri Christophori Schelhameri, <i>Constitutio Epidemica Holsatica</i> anni 1706.	761
Marci Gerbezii, <i>Constitutio Epidemica Labacensis</i> , anni 1709.	762
Ejusdem <i>Constitutio Epidemica Labacensis</i> , anni 1710.	765
Ioh. Georgii Hoyer, <i>Constitutio Epidemica Mulhusina</i> , anni 1700.	767
Rudolphi Iacobi Camerarii <i>Constit. Epidem. Tubingensis</i> , anni 1701.	779
Ejusdem, <i>Schediasma ad Historiam Epidemicam</i> , anni 1702.	781
Iohannes Guilielmus Baierus <i>de frigore Hyemali</i> , anni 1709.	788
Bernardinus Ramazzinus <i>de frigore Hyemali</i> anni 1709.	791
Lucae Schroeckii, <i>Constitutio Epidemica Augustana</i> , anni 1711. 1712. & 1713.	798
Marci Gerbezii <i>Constitutio Epidemica Labacensis</i> anni 1712.	803
Ejusdem <i>Constitutio Epidemica Labacensis</i> anni 1713.	809
Ejusdem <i>Constitutio Epidemica Labacensis</i> anni 1714.	813
Guilhelmi Musgrave <i>de Arthritide Symptomaticâ, Dissertatio.</i>	
Ejusdem, <i>de Arthritide Anomalâ, sive Internâ, Dissertatio.</i>	





ELENCHUS RERUM.  
OBSERVATIONUM  
SECTIO PRIMA.

CAPUT I.

De Morbis Acutis in genere.

**M**Orbus natura conamen in agri salutem, Pag. 19. Morbi partim ab aëre, partim à varia Fermentatione, & Humorum Putrefactione, ibid. Pestis & Arthritidis Natura Medicatricis instrumenta, p. 20. Ratio Morborum Acutorum, ibid. Febres Intermittentes Acutis, licet minus propriè, accensenda, 21. Chronicorum ratio, ibid. Acuti ab aëris alteratione impressi Epidemici dicuntur, ibid. Acuti à particulari corporum ἀνομαλία, quovis cujuslibet anni tempore invadentes, Intercurrentes seu sporadici dici possunt, ibid.

CAPUT II.

De Morbis Epidemicis.

**E**Pidemicos, tum à propriis quibusdam symptematis, tum à medendi ratione dispari, differre ab invicem constat, p. 21. Februm Continuarum Epidemicarum diversa species, diversa omnino Methodo sunt curanda, ibid. Febres Stationariae ab occultà alteratione in terra visceribus aërem contaminante pendere videntur, p. 22. Stationariae dicuntur, quae Generalem anni Constitutionem sequuntur, neque extra illam comparent, ibid. Intercurrentes quae omnibus annis competunt ibid. Sensibiles aëris qualitates ad has producendas facere possunt, non ad illas, ibid. Unde Epidemicorum alii Regulares, ibid. Alii Anomali, p. 23. Epidemici vel sunt Vernales, vel Autumnales, ibid. Vernalium alii circa Aequinoctium Vernalium ad statum perveniunt, circa Solstitium aestivum evanescent; alii Aequinoctium Autumnale, Brumaleque Solstitium praestolantur, ibid. Cholera morbus per unum mensem, Dysenteria, Febres Quartanae, & Tertiariae Autumnales, vix ultra duos Epidemicè grassantur, ibid. Intermittentes Autumnales aliquamdiu sub Continuarum specie nonnunquam latent p. 24. Epidemici praedominantis genio οὐγγοι omnes se accommodant, ibid. Quò ab hyemis frigore presso, inferioris



## ELENCHUS RERUM OBSERVATIONUM.

*ferioris ordinis Epidemici se efferunt, p. 25. Diverſarum Februm rationes à cauſa morbifica in humano corpore aggeſtâ perperam deducuntur, ibid. In novis Febris ad magna remedia tardius procedendum; Indicationem à Ludentibus & Juvantibus præſertim eſſe ſumendam, p. 26.*

### CAPUT III.

Conſtitutio Epidemica annorum 1661. 62. 63. 64. Londini.

**T**ertiana hujus Conſtitutionis ab intermittentibus Tertianis aliis differentia, p. 27. Febris continua hæc intermittentium quaſi compendium, ibid. Unica hæc fuit Febris Continua ſpecies ab An. 61. ad An. 65. p. 28. Quo ordine morbi Epidemici hanc Conſtitutionem pervadebant, & ſe mutuo excipiebant, ibid. Febris Continua hujus Conſtitutionis aliarum omnium præcipua videtur, ibid. Cæteris etiam frequentior, ibid. Symptomata ejus magis peculiaria, ibid.

### CAPUT IV.

Febris Continua hujus Conſtitutionis.

**F**ermentationis atque Ebullitionis vocabula minus propriè in Februm negotio uſurpantur, p. 29. In quibus differt ſanguinis ebullitio à liquorum vinoſorum fermentatione, ibid. Febrilis ſanguinis commotio vel ad materia Heterogenea ſecretionem dirigitur, vel ad immutandam ſanguinis Diatheſin, ibid. In utroque caſu id maxime indicatur, ut ſanguis intra modum naturæ propoſito congruentem contineatur, p. 30. Quibus nocet Vena-ſectio, ibid. Quibus eadem prodeſt, p. 31. Quibus Emeticum eſt propinandum, quibus ab eo abſtinendum, ibid. Id ſi prætermiſſum fuerit, ubi indicabatur, Diarrhœa inſequitur ibid. At non ſemper in Febris malignis, ibid. In quo conſiſtit hujus Diarrhœæ periculum, ibid. Et ab exhibito Emetico, non verò ab aſtringentibus ſtatim ſiſtitur, p. 32. Emetica Antimonialia periculosa niſi copioſè diluantur, ibid. Ubi indicatur utrumque, Vena-ſectio Vomitorium debet præcedere, ibid. Emeticum in morbi initio propinandum, vel quovis morbi tempore, modo vires ferant, ibid. Periculum à vomitione cohibita, Emetico prius non propinato, p. 33. Poſt Emeticum hauſtus Paregoricus hora ſomni exhibendus, ibid. Nonnunquam etiam Diaſcordii doſis ſatis larga præſcribenda eſt, Vomitoria ex infuſione Croci Metallorum nullis infra adoleſcentiam conſtitutis tuto exhibentur, ibid. Sanguinis æſtus in nonnullis Vena-ſectione repetitâ, in aliis Clyſtere alternis diebus injecto frenandus, p. 34. Plura de uſu Emeticum, ibid. Cardiaca quibus conferunt, & quo morbi tempore exhibenda, p. 35. Materia Febrilis concoctio nihil eſt aliud quàm peccantis materiæ à ſanâ ſeparatio, ibid. Deſpumatio circa diem 14. peragitur, p. 36. Refrigerantia poſt diem 14. exhibita morbum protrahunt, ibid. Cardiaca moderatiora in morbi prin-

cipio,



## E L E N C H V S R E R V M

*cipio, calidiora in progressu adhibenda, ibid. Formula Cardiacorum, ibid. Si Fermentatio recte procedat nullis omnino remediis est opus, p. 37. Circa diem 15. Potio purgans sumenda est, ne scilicet sedimentum à Fermentatione hic illic depositum in sanguinem remigrans recidivam conciliet, ibid. Quare Purgatio non ita necessaria est post Febres, aliosque etiam morbos Vernales, atque post Autumnales, ibid. Purgationis omissio post morbos Autumnales, plurimum morborum fons, p. 38. Catharsis ad diem decimum septimum quandoque est differenda, ibid. Dieta & regimen Convalescentium, ibid. Vinum Maloganum annosum vel aliud è generosis, senibus in morbi fine confert ad phlegma viscosum expectorandum, ibid. Errores medentium quandoque in morbi malignitatem, & Scorbutum solent transferri, ibid. Non tamen negatur Febres alias malignas esse, alias cum Scorbuto complicari, p. 39. Refrigerantia & Enemata serius exhibita materia morbifica despumationem, maxime in grandævis, retardant, ibid. Adolescentulorum juxta cubantium calor his præ ceteris omnibus prodest. Cujus ratio redditur, ibid. Symptomata quedam hujus Febris propriam sibi curam postulant, p. 40. Phrenitis & vigilia quo pacto tractanda, ibid. Narcotica vigente Febre non prosunt, at in morbi declinatione præclaros effectus edunt, ibid. Ejus rei ratio redditur. ibid. Ante diem duodecimum, vel etiam decimum quartum, non sunt exhibenda, ibid. Ager, si id commodè fieri possit, prius est purgandus, p. 41. Vigilia post Febrem quo modo consopienda, ibid. Oleum Amygdal. dulcium in Tussi reliquis anteferendum, parcè at frequenter sumendum est, ibid. Narium Hemorrhagia huic Feбри symptomatica ut curanda sit, p. 42. Ea nonnunquam permittenda; utpote qua morbus Criticè aliquando solvitur, ibid. Post Hemorrhagiam immodicam quamlibet gurgandus est ager, ne recidivam patiatur, ibid. Singultus, senibus maxime accidens post copiosas evacuationes, sæpe mortis est prænuncius, ibid. Diascordii dosis liberalior specificis omnibus in eo sedando præfertur, p. 43. Diarrhœa, ob vomitorii in principio exhibendi omissionem oborta, Emetico sistenda est. Si ea exhibito Emetico nihilominus supervenerit, Enema Astringens injiciendum, ibid. Ad genuinam sanguinis depurationem duplex secretio requiritur, & quæ per Fæces fit, & quæ per flores, ibid. Hac sensim & paulo pleniori διαπνοή potius quàm sudore manifesto peragitur ut plurimum, ibid. Separatione hæc per flores jam facta, minus periculosa est. Diarrhœa, ibid. Passionis Iliacæ causa duplex, obstructio & irritatio, p. 44. Quo pacto ea producitur, ibid. Argenti vivi & Globulorum usus in Ileo parum conducunt, noxam sæpe inferunt, p. 45. Methodus quâ Ileus curandus est, ibid. Ventriculus prius est roborandus, quam ingeratur Catharticum, alias Emeticum evadet, ibid. Dieta & regimen hoc morbo laborantis, ibid. Et ab eo jam convalescentis, ibid.*

### C A P U T V.

#### Febres Intermittentes.

**I**N Februm Intermittentium Paroxysmis tria tempora spectanda sunt, Exhorrescentia, Ebullitionis, Despumationis, p. 46. Ratio harum omnium redditur,



## ELENCHUS RERUM.

tur, ibid. *Qui in Febris Paroxismo pereunt Exhortescentia tempore fato funguntur*, ibid. Unde est, quod redeunt Paroxismi, ibid. Paroxysmorum descriptio, p. 47. Paroxysmorum reduplicatio vel à materia Febrilis excessu atque activitate, vel à prostratis acri viribus producitur: in hoc casu Paroxysmus Adventitius Primarium insequitur, in illo cum antevertit, ibid. Utriusque ratio indicatur, p. 48. Febres Intermittentes Vernales sunt, vel Autumnales, ibid. Quae quidem Essentialiter distinguuntur, ibid. Vernales omnes vel quotidiana sunt, vel tertiana, ibid. Quare paucae Febres Continua Vere occurrant, nisi in Constitutione Epidemicâ, p. 49. Intermittentes Vernales rarissimè diurnae, semper verò salutares, ibid. Tertiana vernales à Phlebotomia & Catharsi indebitè celebratis, protrahuntur, ibid. Aegrorum ab his Convalescentium nonnulli in Maniam incidunt, ibid. Tertiana Autumnalis Epidemica haud semper vacat periculo, p. 50. Quartana Autumnales natu grandiores quandoque jugulant, ibid. Juniores non nisi appetente Selsitio Brumali, frequentius etiam Aequinoctio Verno, ab iis liberantur, ibid. Qui semel Quartanâ laboraverit, haud diu ab ea secunda vice multabitur, ibid. Intermittentes Vernales suo arbitrio possint permitti, cum neminem jugulent, ibid. Curantur nunc Emetico, ibid. nunc Diaphoreticis, nunc etiam Ene-matis, ibid. & p. 51. Phlebotomia manu liberaliori celebrata diurnas eas reddi-t, ibid. Intermittentes Autumnales haud ita faciliè submoventur, ibid. Earum Paroxismi plerumque una eademque diei hora variis agris contingunt, ibid. Harum Typus, præcipuè Epidemicarum, primis invasionis diebus difficulter distinguuntur, ibid. Quartana genuina Autumnis soboles, ibid. Quotidianam hac tempe-state nullam observavi unquam, ibid. Intermittentes Autumnales oriuntur à sanguine in decidentia statu constituto, & proinde impressioni morbifica magis ob-noxio, p. 52. In Febribus Autumnalibus tam Continuis quàm intermittentibus, Fermentatio, natura ductu, spatio horarum, 336. aut circiter peragitur, ibid. Excipiuntur tamen istae Febres, quae à levi aliqua offensa ex sex rerum nonnatu-ralium abusu ortum ducunt, p. 53. Adolescentulorum item Febres & eorum, qui sanguine spirituosus sunt præditi, ibid. Quae ad Fermentationem requirantur, ibid. Febres intermittentes aqua ac continua iis sunt curanda, quae ad despumationis opus perficiendum adhibentur ibid. Catharsis (nisi modo infra dicendo instituta) praesertim verò Phlebotomia in Intermittentibus Autumnalibus ubique nocent, p. 54. Intermittentium Tertianarum Autumnalium Curatio, ibid. Tertiana Dupli-cis Curatio, p. 55. Cortex Peruvianus inducias saepius quartana impetrat, quàm eam debellat, ibid. Magno cum acri emolumento exhibetur qui paulum ab ejus usu respirat à morbo, p. 56. Methodus exhibendi corticis, ibid. Idem & in Ter-tianis quàm Vernis, quàm Autumnalibus cum fructu exhiberi potest, ibid. In In-fantibus, & florentibus aetate, sive Tertianâ sive Quartana laborantibus, tota res natura permittenda, ibid. In provectoribus Fermentatio Cardiacorum & Corroborantis Dieta beneficio sustinenda, ibid. Aeris mutatio his necessaria est, jam perfectâ sanguinis despumatione; ante hoc tempus minus convenit, p. 57. Sal-tem oportet ut medicamento Cardiaco forti hoc temporis articulo utantur, ibid. Ca-



## E L E N C H U S   R E R U M.

*lidiore citius exhibita, vel morbum duplicant, vel in Febrim Continuum permutant, ibid. Sublato morbo ager sedulo purgandus est, ibid. At non nisi elapso mense uno à quo non Paroxysmi tantum, sed etiam ea alteratio, quæ diebus iis, in quos incidere debuerat Paroxysmus, persentiscitur, prorsus evanuerint, p. 58. Purgatio quoties repetenda, & quibus intervallis, ibid. Quorsum haustus Purgæ horâ somni assumendus singulis vicibus, ibid. Symptomata Febribus Intermitentibus Veris pauca superveniunt in declinatione, Autumnalibus plura & graviora, ibid. Hydrops hic symptomaticus unde oritur, p. 59. juvenes rarò obsidet, nisi à Catharticis per febris decursum sæpe iteratis, accersitus fuerit, ibid. Recens Catharticis & Aperientibus facile sanatur, ibid. Hydrops ex Febre Intermitente natus non nisi post Febris discessum Catharticis expugnandus, at infusionibus rad. Raphani rusticani, fol. Absinthii, Baccarum Juniperi. Cinerum Geniste, & similibus tentari potest, ibid. Infantum ventribus inflatis, Tussi, & Rachitidi quo pacto subveniendum, quoties à Febribus Autumnalibus ista nascuntur. ibid. Curatio non aggredienda priusquam Febris penitus evanuerit, ibid. Abdominis inflatio in pueris, & crurum tumor in adultis, Febres has brevi solvendas prænunciant, p. 60. Vera Rachitides rariùs occurrunt, nisi iis annis quibus Intermitentes Autumnales prædominium habent, ibid. Tonsillarum dolor post Febres sive Continuas sive Intermitentes, cum raucedine, oculis cavis, & facie Hippocraticâ mortem certò imminentem præmonstrant, ibid. Mania peculiaris Intermitentes diuturniores excipiens, modo longè diverso ab aliis ejus speciebus, Cardiacis sc. generosioribus sananda, ibid. Nec Vena-sectionem nec Catharsin, nec Enemata potest ferre, ibid. Mania communis alio modo tractanda est, p. 61. Eiusdem curatio, ibid. Febris Continua atque Intermitentes jam descriptæ, soli ferme erant morbi Epidemici qui per annos 1661. 62. 63. 64. emicuerunt. Eadem ab anno 1664. ad hunc usque Annum quo hæc edimus, rarissima Londini comparuere, p. 62. De Variolis hujus Constitutionis nonnulla, ibid.*

## S E C T I O   S E C U N D A.

### C A P U T   I.

*Constitutio Epidemica Annorum 1665, & 1666, Londini.*

**F**ebbris Continua Epidemica novi generis unâ cum morbis aliis Inflammatoriis grassari incipit, ibid. Ejus signa Diagnostica, ibid. Diarrhœa, quam in priore Febre diximus assumpto Emetico præcaveri potuisse, hic ab eodem provocabatur p. 63. Pestis sævissimè debacchatur. Varia ejus tempora, ibid.

### C A P U T   II.

*Febris Pestilentialis & Pestis.*

**F**ebrium nonnullarum, quæ pro Malignis vulgò habentur, symptomata, non à morbi indole, sed à Therapeia perperam administratâ proficiuntur, ibid. *Febris*



## E L E N C H U S   R E R U M.

Febris verè maligna cum Peste specie convenit, nec ab eâ nisi ob gradum remissio-  
riorem discriminatur, ibid. Variolæ & Pestis ostendunt morbos Epidemicos à di-  
versâ Aeris massæ crassi pendere, ibid. Qualis ea sit planè ignoratur, ibid. Pestis  
vix Britanniam nostram frequentius quàm post annorum circiter 40. revolutio-  
nem devastat, ibid. Febres quæ anno uno vel altero post graviores pestem grassan-  
tur pestilentes sunt, & similem medendi rationem sibi vendicant, ibid. Præter  
aeris διάθεσιν, requiritur etiam πύσματος à pestifero aliquo corpore vel imme-  
diatè, vel mediatè transmissi fomes ad pestem excitandam, ibid. Quæ ab aere  
jam infecto latius propagatur, ibid. Quoties Epidemica est tempore inter Ver ac  
Æstatem ambigente exoritur, ibid. Alio aliquo tempore oppido rarò, p. 65. Ae-  
ris dispositio quantumvis λοιμώδης, Pesti, excitanda per se impar videtur, ibid.  
Nec Pestis Epidemica erit nisi accedente idoneâ aeris Diathesi, ibid. Modus inva-  
dendi describitur, ibid. Repentina Exanimatio nisi in pestis admodum funesta  
exordio vix contingit, ibid. Quibus tumores sine Febre & gravi aliquo symptoma-  
te prorumpunt, ii nullâ egent Curatione, ibid. Morborum Essentia perinde ac  
Animalium stirpiumve nos latent, p. 66. Non causarum, sed methodi experien-  
tiâ comprobata cognitione, affectuum plurimorum curatio absolvitur, ibid. Pestis  
est Febris sui generis, à particularum sanguinis spirituosiorum inflammatione ori-  
ginem ducens, ibid. Febres Pestilentes ab inflammatione sunt remissiores, ibid.  
Ignis sacer Pestis imago quædam, ibid. Pestem ab inflammatione oriri pluribus ar-  
gumentis conficitur, p. 67. Alexipharmaca aliaque calidiora medicamenta per  
accidens, tantum profunt, sc. quatenus Diaphoretica sunt, p. 68. Vinum libera-  
lius haustum & Antidota fortiora complures verisimiliter in Pestem precipitarunt,  
ibid. In curandâ Peste, aut Naturæ succurremus ejusdem ductum sequendo, aut  
methodum tutiorem ab ejus methodo diversam substituendo, ibid. Alexiteria tam  
in hoc quàm aliis morbis omnibus, evacuationem potius sollicitando, quàm vir-  
tute aliquâ specificâ prodesse videntur, ibid. Pestis per Abscessus in Emunctoriis;  
Febris Pestilens, per Diaphoresin maximè ex Naturæ lege solvi videtur, p. 69.  
Diversa itaque his morbis medendi ratio adhibenda est, ibid. Sudores in Peste  
excitati nonnunquam funesti, ibid. Bubonis eruptionem materiam aliovorsum di-  
strahendo sæpe impediunt, ibid. In aliis morbis Naturæ ductum sequi in Peste ei  
renunciare Medicus tenetur, p. 70. Vel per sanguinis missionem, vel per sudo-  
res Pestis expugnanda videtur, ibid. Phlebotomia largâ manu ac repetitis vici-  
bus celebrata, nullo tumore protuberante, nemini adhuc, quod scimus, unquam  
funesta, ibid. Parca, vel tumore jam conspicuo, instituta, quare semper dam-  
nosa, ibid. Vena sectionem in Peste convenire plures iique gravissimi Scriptores  
jampridem senserunt, ibid. Botalli testimonium luculentissimum, exemplis pro-  
bantis innumeris, Vena-sectionem in omni Peste supra omnia remedia salutarem  
esse, ibid. Confirmatur idem Historiâ admirandâ & irrefragabili hîc apud no-  
stros, pag. 71. Pestilentis Fermenti per διαφύσιν dissipatio Evacuationi per Ve-  
na-sectionem quo nomine anteferenda, p. 72. Quibus illa urgetur difficultatibus,  
ibid. Macula purpureæ Pestilenciales à Fibrarum sanguinearum dissolutione oriri vi-



## E L E N C H U S   R E R U M .

*dentur, non secus ac Vibices à plagâ fortiori inflictâ ibid. Diaphoresi iusto prematurius abruptâ, Bubones prodire jam incipientes vel remaneant, vel nunquam ad legitimos Abscessus perducuntur, ibid. Idem in Variolarum Abscessulis etiam accidit eâdem de causâ, ibid. Quibus argumentis Author inductus est ut aliam ab eâ quam hætenus cum successu usurpaverat methodum, nova huic Febri adaptaret. p. 73. Febres Continua circa veris finem & initium æstatis vel in Intermittentes, vel in Pleuritides aliosque Generis Inflammatorii morbos promptissimè facessunt, ibid. Febris Pestilentialis (dubitatur an non vera Pestis illa fuerit) tam Peste jam incipiente grassari, quam eâdem parcius saviente ab Authore Vena-sectionibus repetitis curata fuit, p. 74. Sanguis hic aut sufficienti quantitate, aut non omnino detrahendus, ibid. Quam ob causam Author ab hac methodo desistere coactus est, ibid. Ejus rei Historia, ibid. Qualem deinde medendi rationem substituit, p. 75. Vena-sectio Diaphoresi præmissa, eam & tutiorem reddit, & expeditiorem, ibid. Capitis obtectio ad sudores ciendos multum confert, ibid. Vbi primum materia morbifica radii versus ambitum corporis se exporrigunt, alvi profluvium & Vomitiones ab iisdem orta ultro sedantur, ibid. Historiâ id confirmatur, ibid. Diaphoresis ad naturalis diei spatium semper continuanda, p. 76. Ab abstersione sedulo cavendum, ibid. Nec indusium nisi post horas 24. à finitis sudoribus mutandum, ibid. Si sudores citius abruptantur, recrudescit illico symptomatum sevitia, ibid. Objectioni Diemerbroeckii respondetur, contra prolixioris Diaphoresin, ibid. Ostenditur agros haud inde debiliores reddi, at vires è contra recipere, ibid. Ager in sudoris vigore iusculis ac sorbibilibus Confortativis refici potest, ibid. Catharticum postridiè exhibendum, p. 77. Mirus hujus Methodi successus in Febre pestilentiali, ibid. Tumore jam enato venam aperire Author non sustinuit, ibid. Quâ lege tutò id tentari posse videtur, ibid. Authoris sinceritas, ibid. Quid per Naturæ nomen intelligi is velit. ibid.*

## S E C T I O   T E R T I A .

### C A P U T .   I .

*Constitutio Epidemica Annorum 1667, 1668., partim etiam Anni 1669, Londini.*

**V**ariola in Constitutione Pestilentiali rarissima comparebant, Pag. 78. Quo anni tempore invalescebant maximè, quo minuebantur, ibid. Novum Febris genus cum Variolis exoritur, invalescens quoties illa vinuerentur, quoties invalescerent, recedens, ibid. Cum Variolis unâ etiam disparuit, p. 79. Diarrhoea se his comitem adjungit, ibid. Morbus hic nihil aliud esse videbatur quàm Febris quæ tum regnabat, introversa, ibid. Hæ Variola Genuina præ cæteris, ac Regulares; à quibus ut in suo genere perfectissimis, tum vera morbi Historia, tum medendi Methodus est desumenda, ibid. Non tantum Febris qua-

*dant*



# ELENCHUS RERUM.

dam propria, sed & peculiare Variolarum genus cuilibet Constitutioni peculiare competit, ibid.

## CAPUT II.

### Variolæ Regulares.

**Q**uo anni tempore ingrediuntur Variolæ Regulares, quo etiam Irregulares, ibid. Variolæ vel distinctæ sunt, vel Confluentes, ibid. Discretarum symptomata ubi primum invadunt, ibid. Eruptio quo tempore accidit & quo se habet modo, p. 80. Discretarum Historia, ibid. Confluentium Historia, pag. 81. & Morbi magnitudo unde aestimanda, p. 82. Salivatio in Adultis, in infantibus Diarrhœa, Confluentes ferè semper comitatur, p. 83. Febris in insuliu primo usque ad Eruptionem, dein circa tempus maturationis Pustularum præcipuè dominatur, ibid. Sub Vesperam exacerbatur morbus, ibid. Variolis Discretis laborantes octavo, Confluentibus verò, undecimo die maximè intereunt, p. 84. Illorum Catastrophe describitur, ibid. Regimen calidius quibus minus officiat, ibid. Horum item, ibid. Alia symptomata utrique generi Variolarum communia recensentur. Phrenitis sc. Affectus Comatosus, macula purpurea, p. 85. Mictus sanguineus, sanguinis sputum, à qua causa hîc nascantur, ibid. & Urina suppressio totalis quibus maximè contingit, & quo morbi tempore, p. 86. Symptomata à frigore suscepto oriunda pauca sunt & raro occurrunt, ibid. Inflammatio videtur hic morbus tum sanguinis, tum reliquorum etiam Humorum, ibid. Duo habet tempora, separationis & Expulsionis. ibid. Indicationes Curativæ duæ. 1. Ut aquabilis tenor Ebullitionis conservetur. 2. Ut abscessuli sustineantur debito modo, ibid. Cavendum ne nimium assurgat Ebullitio, & quamobrem, p. 87. Quo diutius natura separationem molitur, eo certius & universalius eandem absolvit, ibid. Regiminis justo calidioris noxa, ibid. Nondum constat vel unum ex eo perisse, quod Variolæ primò non eruperint, ibid. Ebullitio Vena-sectione, Clysteribus, Emeticis, Catharticis è contrario non est minuenda, p. 88. A Vena-sectionis atque aliarum Evacuationum usu promovetur sæpissimè Eruptio, nunquam impeditur, ibid. Argumenta contra remedia Evacuantia, ibid. Regimen calidius non tantum secretionis, sed quovis morbi tempore vitandum; & quâ de causâ, ibid. Cavendum pariter à frigore: à quo etiam pustularum Eruptio impeditur, pag. 89. Gradus caloris earum expulsionem promovenda accommodatissimus Naturalis omnino est, ibid. Cardiacorum usus quando indicatur, ibid. Repetitis Ebullitionibus in sanguine excitatis egrorum mors potiori jure tribuenda est, quàm Vena-sectioni, ibid. Curatio, ibid. Variolæ ante diem quartum, qui Eruptioni proprius est, haud temerè in cutem propellenda, p. 90. Nimiâ hâc diligentia ex distinctis Confluentes possunt fieri, ibid. Non opus est ut ager ante diem quartum lecto addicatur, ibid. Sanguinis mictus, & macula Purpurea ætate florentibus ideo nonnunquam superveniant, quod lectulo præpropere nimis affigantur, ibid. Cardiacum blandius die quarto exhiberi potest, si Eruptio parum pro votis succedat.



## E L E N C H U S R E R U M.

succedat. Laudanum liquidum & Diascordium reliquis præferuntur, p. 91. Nec vel urgente Diarrhœa citius est illud propinandum, ibid. In quo casu sanguis mittendus est, ibid. In Genere Discreto atque æstivo tempore, æger singulis diebus per horas aliquot è lecto potest surgere, ibid. Ejus commoda, ibid. In lecto quoties jugiter cubandum est, non sunt adjicienda stragula præter ea quibus sanus consueverat, p. 92. Sudores non sine ingenti periculo promoventur, ibid. Vinum Canarinum, vel aliud Cardiacum in fine morbi exhibendum, nè halitus putridi in sanguinis massam postliminiò revertantur, ibid. Dieta etiam calidior eandem ob causam, ibid. Discretum Genus ex sua natura omni vacat periculo, ibid. Phlebotomia regimen calidius minus periculosum reddit, ibid. Unde est quod tenuioribus æquior sit hic morbus? quàm divitibus, ibid. Variola confluentes haud minùs à Discretis discrepant, quàm ab illis ipsa Pestis, p. 93. Æger hîc in lecto assiduè continendus, at modicè tectus, nec uni ejus parti affixus. At persæpe versandus, ut evitentur sudores, ibid. Ptyalismus, qui Evacuationi per pustulas pleniori hîc substituitur, in vigore conservandus, ibid. Cum Eruptione incipit & die undecimo minuitur, ibid. Tumor faciei dicto die evanescit; cum quo si salivatio unà dispareat in lubrico sunt res ægri, ibid. Salivatio quo pacto promoveri possit, ibid. Narcotica ad sustentandum Ptyalismum præ cæteris quibusque faciunt, ibid. Quare non nisi Adultis ea sunt indulgenda, p. 94. Paregorica quæ adferunt Adultis commoda, ibid. Post plenam eruptionem ad morbi usque finem tuto & utiliter sumuntur, ibid. Qua horâ potissimum exhibenda sunt, ibid. In Variolis Confluentibus haud minùs certò Infantes Diarrhœa comitatur, quàm adultos Ptyalismus, ibid. Diarrhœa in hac Variolarum specie salutaris, in distinctâ non item. Muliercularum eandem sistentium operâ multa infantium millia perire, ibid. Facies ultimis morbi diebus Oleo Amygdalarum dulcium inungenda, p. 95. Sub hoc regimine à Cicatricibus non valde metuendum, ibid. Olea & Linimenta officiunt hîc magis quàm prosunt, ibid. Curatio symptomatum, ibid. Ad promovendum faciei intumesceniam Paregoricum debet propinari, ibid. Nonnunquam die octavo, sanguis è brachio copiosè extrahendus, ibid. Auræ etiam liberiori exponendus, ibid. Non quod pustula recedant perit æger, sed quod facies non turgescat, ibid. In quo Variolarum genere, & quo in casu Phrenitis Vena-sectionem indicat, ibid. Phreneticorum exempla suadent ut aere liberiori isti refocillentur, p. 96. Historia miranda cujusdam pro mortuo expositi, & eo pacto convalescentis, ibid. In Variolis Confluentibus, si æger die undecimo à saliva jam viscidiorè pene suffocetur, Gargarismate, vel etiam Emetico fortiori sublevandus est, ibid. Coma etiam sanguinis contemperatione ac ventilatione curatur, p. 97. Vt & macula Purpurea, ibid. Mictus sanguineus, & sanguinis è pulmonibus eruptio ubique mortem prænunciant, ibid. Urina suppressioni quo pacto occurrì potest, ibid. Pustularum depressio, & Diarrhœa in Variolis Discretis medicamenta Cardiacâ postulant, ibid. Vnde natus videtur rumor de crebrâ pustularum retrocessione, p. 98. Post morbum atrociorè sanguis quare è brachio extrahendus, ibid. Æger ad tres vel quatuor vices purgandus est, ibid. Crurum tumor sponte non facessens, quo modo tolli debet, ibid.

CAPUT



# ELENCHUS RERUM.

## • C A P U T. III.

### Febris Continua hujus Constitutionis.

**D**escribitur hac Febris, *ibid.* Ejusdem cum Variolis prosapia omnino fuit, p. 99. Methodo tamen eadem quâ illa curari non debuit, *ibid.* Natura hic evacuationem per Ptyalismum designasse videtur, *ibid.* Unde oritur Diarrhœa tam in hoc morbo quàm aliis Inflammatoriis, *ibid.* In Febre Constitutionis Intermittentibus Epidemica, materia erat crassior, non nisi præviâ Digestione à sanguine separanda, p. 100. In hac non item, *ibid.* Ejus Curatio *ibid.* In hac Febre, aliisque morbis Inflammatoriis, Phlebotomia & Refrigerantia parùm prodesse solent, si eger in lecto indefinenter se contineat, p. 101. Ager in hoc morbo à sudoribus non levabatur, sed inde pejus habuit, *ibid.* Quibus rationibus ductus Authorum plerorumque Theoria hic adversatur, *ibid.* Febris hac à nudo potius calore, quàm ab humore aliquo è sanguine expellendo, pendere videtur, *ibid.* Coctæ, non cruda sunt medicanda, tam sudores respicit quàm Dejectiones, p. 102. Vena-sectio & sanguinis Contemperatio Diarrhœam huic morbo familiarem, præ cæteris sistebant, *ibid.* Regimen Calidum & periculosius erat, & pluribus gravabatur symptomatis, *ibid.* Febris hac per Salivationem non rarò solvebatur, p. 103. Quâ abortâ nulla convenit Evacuatio, *ibid.* Refrigerantia Salivationem promovent, quam reprimunt Cardiacæ Calefacientia, *ibid.* Diarrhœa Epidemica sine Febre, ejusdem cum hac Febre essentia videbatur, eadem planè habens symptomata, & parem medendi Methodum postulat, *ibid.*

## S E C T I O Q U A R T A.

### C A P U T. I.

#### Constitutio Epidemica partis Anni 1669. atque integrorum 1670. 1671. 1672. Londini.

**Q**ui morbi ineunte Augusto 1669. sunt ingressi, p. 104. Cholera morbus mense Augusto ferè finiebatur, *ibid.* Quare Tormina sine Dejectionibus Dysenterias duratione non equabant, *ibid.* Febris Dysenterica, Dysenteriam se ad tempus subducente, magis grassabatur, *ibid.* Morbilli Variolis Anomalis Constitutionis Dysenterica viam sternebant, p. 105. Quo ordine varii morbi se ostendebant per annum 1670. *ibid.* Quo etiam, anno 71. *ibid.* Quo item, anno 72. *ibid.* Mensis Julius certissima est Februm Autumnalium Epochæ, uti Vernarum Februarius, 106. Morborum circulus per omnem hanc Constitutionem, *ibid.* Vti morbi Epidemici in subjectis particularibus, ita etiam Constitutiones Generales suas habent periodos, *ibid.*



# ELENCHVS RERVM.

## CAPUT II.

### Cholera Morbus.

**C**holera morbi descriptio, ibid. Cholera sicca, p. 107. Curatio Cholera morbi nec Catharticis, nec Astringentibus est tentanda, & quamobrem, ibid. Quo pacto perficitur, ibid. Egro in extremis ferè versante ad Laudanum rectè confugiendum est, p. 108. Cholera morbus qui quovis alio anni tempore invadit, ab hoc Legitimo toto cœlo distat, ibid.

## CAPUT III.

### Dysenteria.

**T**ormina sine Dejectionibus nec suâ naturâ nec Curationis methodo multum à Dysenteriis dissidebant, ibid. Dysenteria Autumnii initio solet invadere, appropinquanti Hiemi cedens pro tempore, p. 109. Dysenteria descriptio, ibid. Cardiacorum & regiminis Calidioris in hoc morbo incommoda, ibid. Intestina quandoque Gangranâ afficiuntur, ibid. Aphtha mortem imminuentem ut plurimum denunciant, ibid. Hic morbus licet Adultis, maximè Grandavis, saepe exitialis, Infantibus perbenignus est, p. 110. Epidemici ubi primum oriuntur principio magis spirituosus videntur inhaerescere, & ad occasum vergentes magis crassi indies atque humores redduntur, ibid. Id contigit ob refractas particularum inimicarum vires à quibus pendet Constitutio Epidemica, ibid. Probatum exemplo Pestis & Dysenteriarum, ibid. Curatio, p. 111. Dysenteria hac Febris videtur in intestina intro-versa, ibid. Humores acres venâ sectâ revellendi & per Cathartica educendi. Sanguis Contemperandus, ibid. Paregoricum quare temperariùs hîc exhibendum quàm post Purgationes solet, p. 112. Aqua Cardiaca temperatior post Venæ-sectionem & Catharsim semel celebratam concedenda; maximè Grandavioribus, ibid. Hi etiam lectulo magis addicendi, ibid. In morbo contumaciori Paregoricum singulis diebus manè & serò ad septimanas aliquot tutò potest, & debet exhiberi, ibid. Curatio alvi fluxus ad diarrhœam tantum assurgentis, p. 113. Infantes quo pacto in hoc morbo tractandi, ibid. Laudani Liquidi simplicior preparatio, ibid. Narcoticorum vis non tam ab artificiosa preparatione, quam ipsius Opii excellentiâ nativâ videtur pendere, ibid. Opium est remedium Cardiacum præstantissimum, si non unicum, hætenus cognitum, ibid. Dysenteria, incipiente illâ Constitutione, ad modum ferè Cholera morbi optimè curabantur, non item sequentibus annis, p. 114. Dysenteria eodem modo in Africâ per ea tempora sanabatur, ibid. Exempla aliquot adducuntur, ibid. Tenesmus sub finem huius morbi non est ab ulcere Recti, sed à materiâ mucosâ quâ intestina duplicantur, p. 115. Topicum qualecunque hîc nocet, ibid. Sola Dieta Analeptica prodest, ibid. Dysenteria inveterata Venæ-sectione repetitâ curata exemplum, p. 116. Dysenteria, cum non sit Epidemica, Laudani selius usu est curanda, ibid.



# ELENCHUS RERUM.

## CAPUT IV.

### Febris Continua hujus Constitutionis.

**F**ebbris Dysenterica describitur, ibid. Aphthæ unde tam in hac Febre, quam in Dysenteris pervicacioribus, p. 117. Aeris qualitates manifestæ non sunt causa Epidemicorum productivæ; eos tamen vel excludunt, vel admittunt pro tempore, ibid. Febris Stationaria quæ ad Epidemicum prædominantem attinet, Julio potissimum sævit: Autumno verò appropinquante, magno Epidemico cedit, ibid. Nominatæ Febres symptomata varia à suâ naturâ alienâ, à manifestis qualitatibus mutantur, ibid. Unde tot Febres Novæ vulgò audiunt, ibid. Febris speciem optime dignoscet qui ad alios morbos eodem anno ingruentes diligentius attenderit; Et ad symptomata modum Evacuationis spectantia, p. 118. Ad Methodum insuper, vel medicamentum, à quibus Febris facillimè vincitur, ibid. Februm Stationariarum symptomata vel intensiora sunt, vel remissiora, prout intenduntur vel remittuntur symptomata Epidemicorum ad quos pertinent, ibid. Febris hac eadem Methodo quæ Dysenteria curabatur ibid. Nisi quòd Paregorica Purgationibus interjecta obsessent, ibid. Tardius convalescentibus Laudanum in parva dosi, biduo triduove à postremâ Catharsi elapso rite concedebatur, p. 119. Aura liberior usus viribus renovandis imprimis conferebat, Febre Fugatâ, ibid. Unde ansa ad hanc Praxin instituendam data est, ibid. Ad comprobandam medendi Methodum in Acutis requiritur ut morbus quasi suoque genio cedat, ibid. Adolescentes stupore ad Carum accedente perculsi, maxime qui in sudoribus extorquendis operam collocarant, nulla Arte sublevari poterant, ibid.

## CAPUT V.

### Morbilli.

**M**orbilli quo anni tempore regnant, p. 120. Eorum descriptio ibid. Et historia, ibid. Regimen justo calidius quæ hic adferat incommoda, p. 121. Et quo pacto iisdem possit subveniri, ibid. Morbillorum curatio, ibid. Morbillis & naturâ Et Medendi ratione cum Variolis convenit, ibid. Infantes Febre, Dysenteria aliisque Accidentibus post Morbillorum discessum laborantes, Venæ-sectione solâ liberantur, p. 122. Phlebotomia haud minus tuta Infantibus quam Adultis, ibid. Convulsionibus Puerorum Dentientium præ Specificis quibuscunque opem fert, ibid. Infantum item Pertussi, vel Tussi Convulsivæ, ibid.

## CAPUT VI.

### Variolæ Anomalæ hujus Constitutionis.

**V**ariolæ Anomalæ Distinctæ quibus discriminabantur à Genere Distincto Regulari, p. 123. Ad Confluentiam naturam illæ propius accedebant, inflammationis majoris.

§§§§



## E L E N C H U S   R E R U M .

*majoris participes* , p. 124. *Confluentes Anomala* quibus discrepabant à *Confluentibus Regularibus* , *ibid.* *Curatio Variolarum* *anomalarum* utriusque generis , p. 125. *Inflammatiō in his quàm in Regularibus intensior* , *regimen temperatum magis adhuc efflagitabat* , *ibid.* *Fluxus Mensium* , *tempore non consueto* , *liberalem liquorum Refrigerantium usum suadet* & *quare* , p. 126. *Remedia Cardiaca* & *regimen calidius hîc adhibita plurimas mulieres pessunderunt* , *ibid.* *Historia cuiusdam fluxu mensium unâ cum Variolis laborantis insignior* , *ibid.* *In genere Discreto satis erat ut ager pro suis modo Cerevisiam tenuem potaret* , *ibid.*

## C A P U T   V I I .

### Colica Biliosa.

**Q**uo nomine hîc venit tractanda , p. 127. Vel *Dysenteriam diuturniorem* excipiebat , vel à *Febre* ordiebatur , *ibid.* *Ejus morbi descriptio* *ibid.* *In iliacam passionem facile transit* , p. 128. *Causa morbi est acris aliquis sive humor sive halitus è sanguine in intestina excussus* , *ibid.* *Curatio Vena-sectione* & *Cathartico Leniente perficitur* , *ibid.* *Si à fructibus Horariis aut cibo δυσπέντω oritur morbus* , *ventriculus est eluendus* & *Anodynum exhibendum antequam secetur vena* , *ibid.* *Quando intendenda sunt Catharticorum vires* , & *quam ob causam* , *ibid.* *In magna Ventriculi debilitate* & *Vomituritione* *Narcoticum Cathartico præmittendum* , p. 129. *Anodynum maxè* & *serò exhibendum quotidie* & *spatio inter Purgationes medio* , & *post singulas Purgationes* , *ibid.* *Tutissimè repetuntur Narcotica urgente hujusmodi dolore* , *non item ubi ille desierit* , *ibid.* *Enemata Carminantia diuturniorem morbum reddunt* , *ibid.* *Cum Evacuationes copiosiores non diu ante Colicæ adventum fuerint institutæ* , à *Paregoricis omnino incipiendum est* , *ibid.* *Ejus rei exemplum proponitur* , p. 130. *Equitatio* , *ceteris non proficientibus* , *Curationem nonnunquam absolvit* . *Cautiones circa eam* , *ibid.* *Exemplum memorabile* , *ibid.* *Unde est quod Equitatio tantum præstet in morbis Chronicis quam plurimis* *ibid.* *Qualis Dieta hîc conveniat* , p. 131. *In morbo diuturniore* , & *magna debilitate* *Aquæ Epidemicæ* , *Mirabilis* , *aut alterius similis usus debet concedi* ; & *quare* , *ibid.* *Dieta tenuis quare aliquandiu post depulsum morbum est observanda* , *ibid.* *Colica Hysterica Biliosa simillima* , *ibid.* *Quibus potissimum feminis contingit* , *ibid.* *Ejus descriptio* , p. 132. *Levissima animi commotio dolorem revocat* , *ibid.* *Exercitium item prematurè nimis susceptum* , *ibid.* *Vapores* , *sic vulgò dicti* , *symptomata pariunt parti quam obsederint accommodata* , *plerosque morbos affabrè simulantes* , *ibid.* *Colica Hysterica Biliosam nonnunquam mentitur* , *ibid.* *Quandoque etiam vel Renum* , *vel etiam Vesicæ calculum* . *Enematis* , *aliisque Lihotripticis exasperatur* , *ibid.* *Sedatur Anodyno* , *ibid.* *Nulla corporis pars* , *sive interna* , *sive externa* *ab ejus insultu eximitur* , *ibid.* *Nec Vena-sectio* , *nec Catharsis hîc celebranda* . *Nocent* & *Enemata* , p. 133. *Hic morbus à spirituum ἀταξία potius quàm vitio humorum videtur nasci* , *ibid.* *Emetica etiam frustra propinantur* , *ibid.* *In foeminis tamen temperamenti magis sanguinei* & *Viraginibus* , *nonnunquam vel Phlebo-*



## ELENCHUS RERUM.

*Phlebotomiâ, vel Catharsi, vel utrâque Anodyno via aperienda est, Hæc Methodus doloris symptoma tantum respicit, non causam morbi, ibid. Hic morbus in Ictero solet desinere, ibid. In cujus curatione nulla purgantia nisi Rhabarbarum & similia sunt usurpanda, ibid. Hujus Icteri curatio, ibid. Curatio Icteri communis, 134.*

## SECTIO QUINTA.

### CAPUT I.

Constitutio Epidemica partis Anni 1673. atque integrorum,  
1674. 1675.

**E**Xo'esciente Constitutione Dysentericâ, Nova suboritur circa initium Julii 1673. Syllabus morborum se per hoc triennium excipientium, quo ordine invalescebant, recedebantque, ibid. Dysenteria & Diarrhœa pro hujus Febris symptomatis potius quam morbis Essentialibus erant habenda. ibid. Post subitam tempestatis mutationem Catarrhi & Tusses se huic Febri adiungunt, unde nascuntur symptomata Peripneumonica & Pleuritica, Febre eâdem manente, p. 136. Constitutio hæc perquam est Anomala, ut & ejus morbi, ibid.

### CAPUT II.

Febris Continua hujus Constitutionis.

**N**Ascende morbo majora erant Inflammationis signa, quam eo jam provectiore, ibid. Symptomata huic Febri peculiaria recensentur, ibid. Affectus quidam Comatosus hanc Febrim comitabatur, nonnunquam in Aphoniâ desinens, p. 137. Qui eo passu discessit quo vires ager resumpsit, ibid. Remedia Calidiora & Diaphoretica symptoma hoc accersebant, ibid. Ubi primum erupit hæc Febris nullum habuit Epidemicum sibi cōgenov, unde ejus species difficilius investigabatur, ibid. Phlebotomia in hac Febre haud plus semel celebranda erat; repetitis Enematis ac Medicamentis refrigerantibus curatio absolvebatur, p. 138. Epispatica posteriori cervicæ applicita hic magis ex usu quam in aliis Febribus, ibid. Curatio, ibid. Enemata quo usque repetenda, ibid. Quare è lecto surgendum erat quotidie, p. 139. Cavendum tamen nè diutius quam par est ager à lecto abfuerit, ibid. In morbi declinatione tutius ager in lecto jugiter decumbit, quam vel initio, vel in statu, & quare, ibid. Diaphoresis non omni Febri debetur, ibid. Sudores à prævia Digestione fluentes prosunt, nocent alii, p. 140. Intermittentium Paroxysmi, & Febris ejus Constitutionis in cōgruū sudorem Criticum postulant, ibid. Febris item Pestilentialis vel primis morbi diebus, ibid. In hac Febris specie, quæ sine sudoribus potuit fugari non sine discrimine it sollicitabantur, ibid. Stupor Comatosus à nimia Curatricum



## ELENCHUS RERUM.

*diligentia sudores importunè provocantium, ut plurimum invitabatur, p. 141. Quo pacto symptoma hoc vincebatur, ibid. In Morborum curatione nocet quandoque festinatio, ibid. Etiam incongrua ciborum genera Convalescentibus nonnunquam indulgenda, p. 142. Spiritus Vitrioli ad Phrenesin debellandam egregiè consulit, ibid. Dysenteria symptomatrica quo pacto tollebatur, ibid. Diarrhœa à Narcotico, ubi opus erat, sistebatur, p. 143. Narcoticorum usus hoc solo in casu hîc erat probandus, ibid. Convalescentium sudores Nocturni unde orti, & quo modo tollendi, ibid.*

### CAPUT III.

#### Morbilli.

**M**orbilli Anomali hujus Constitutionis quibus maximè differabant à Regularibus jam descriptis, ibid. &c. Febris Morbillosa nec Venæ-sectionem tulit, nec Enemata: Methodo Morbillis dicata concessit, p. 144.

### CAPUT IV.

#### Variolæ Anomalæ hujus Constitutionis.

**V**ariola hujus Constitutionis nigras Anni 1670. satis referebant, p. 145. Putredinis majoris erant soboles, naturaque magis crasse ac inconcoctilis, ibid. Quanto mitior morbi species, tanto citius pustula ad maturitatem morbus ad finem perducitur, ibid. Per tres hæc Constitutiones, posterior Variolarum species priorcm semper exuperavit, tum quoad majorem putredinem, tum quoad morbi materiam minùs coctilem, ibid. Species nova hæc videtur è priore jam inveterascente suborta, p. 146. Morbi Epidemici ab aere effluviis à minerali aliquâ fermentatione repleto, oriri videntur, ibid. Eousque propagantur donec expiraverit subterranea illa halituum minera, ibid. Curatio, ibid. Indicationes planè contrarias suggerat hic morbus, ibid. Quæ in Variolis aliis Constituentibus feliciter cessit methodus, hîc non profecit, ibid. Spiritus Vitrioli omnem numerum absolvit, p. 147. Quo tempore & modo exhibendus, ibid. Quæ ab eo liberaliùs sumpto commoda, ibid. Nihil ab eo incommodi, licèt Salivationem ferè sistat, cujus vicem subeunt Dejectiones aliquot, ibid. Nullum Variolarum vestigium vel apud Hippocratem vel Galenum, unde excusatio Methodus nova, cùm Modernorum tantùm Curationibus adversetur, p. 149. In Curatione Februm Variolosarum eadem pariter de causâ innovandum fuit, ibid. Videntur morbi certas habere Periodos pro occultis alterationibus quæ terra visceribus accidunt, pro variâ scilicet ejusdem ætate ac duratione, ibid. Unde Nova Morborum species exoriuntur, prioribus etiam extinctis, ibid.

### CAPUT



## CAPUT V.

Tusses Epidemicæ cum Pleuritide & Peripneumoniæ supervenientibus.

**E**X improvisâ symptomatum mutatione Febris, quæ eadem manebat, pro Pleuritide Essentiali, aut Essentiali Peripneumonia ab incautioribus est habita, p. 150. Medendi Methodus eadem quæ Febrî hujus Constitutionis quadrabat; ab illâ verò quæ Pleuritidi veræ conveniebat, longè diversa, ibid. Non eo anni tempore invadebat Febris hæc quo solet Pleuritis, ibid. Curatio, p. 151. Tussis ex quâ προφάσει nascitur, ut & Febris eam comitans, ibid. Nova hæc Febris in Febris Stationariæ tum regnantis nomen & familiam statim transit, ibid. Tussis sine Febre, abstinentiâ à carnibus, moderato exercitio, & Ptisanâ Pectorali Refrigerante curabatur, ibid. Nec Narcotica, nec Liquores Spirituosi, nec Diaphoretica hic tutò usurpabantur ad sedandam Tussim, ibid. Et quare, Enemata (tam in hac quam aliis Febribus) fractis jam morbi viribus non sunt repetenda; maximè in Fœminis Hystericis, Virisque Hypochondriacis, p. 152. Pleuritis vera solâ repetitâ Vena-sectione curatur. In hac Febre semel, vel ut plurimum bis, venam secasse satis erat, ibid. De Pleuresi malignâ dictâ, quæ Vena sectionem non fert, p. 153. In Pleuresi symptomaticâ non multo plus sanguinis symptomatis ratione educendus est, quàm Febris nomine, a qua pendet, educi debuerat, ibid. In Februm Curatione Anni Constitutio, quatenus huic alterive Epidemico producendo, favet ob oculos semper est habenda ibid. Curatio tussis sine Febre, ibid. Malignitas in particulis calidissimis ac spirituosissimis, humorum in humano corpore contentorum naturæ adversantibus, consistere videtur, p. 154. Particulæ dictæ assimilando agunt, ibid. Hæ in Peste sudoribus eliminari possunt: Non verò in iis Febribus in quibus particula assimilantes non ita sunt subtiles, ibid. Usu Calefacientium adtuata, magis assimilant particula calidæ, & humores extenuati minus resistunt, ibid. Docet experientia Purpureas Februm maculas, & Variolarum Pustulas nigras à calefacientibus augeri. A regimine verò moderatiori minui solet, p. 155. Particulæ νοσπαι in Peste ita quandoque subtiles sunt, ut ne sanguinem quidem in Ebullitionem attollant, unde ager sine Febre perit, ibid. in malignis aliis Epidemicis ita parca Febris signa conspiciuntur, nonnunquam ob Confusionem in sanguine & humoribus, nonnunquam etiam ob metastasin minere maligna in Genus Nervosum, vel alias corporis partes, ibid. Nulla alia Methodus Medendi malignitati qualicunque, præter eam quæ Epidemico cui inhaeret, debetur, ibid.

## CAPUT VI.

Anacephalæosis.

**Q**uinque Constitutionum Genera; quinque nimirum aeris Diatheses, quæ totâdem Februm Epidemicarum species peculiares producebant, hoc tractatu



## E L E N C H U S   R E R U M.

describuntur , p. 156. Harum prima , Deputatoria quæ dici potest , præcipua Natura Febris videtur , ibid. Huic adaptantur Axiomata quæ tradiderunt Hippocrates aliique Medici Antiqui : Sequentibus Februm speciebus vix accommodanda , ibid. hæc Constitutione Febres continuæ in Intermittentes , utpote sibi cognatas , facile transibant , in aliis verò rarissime , ibid. Febris continua species potest dignosci , primò ab aliis Epidemicis eo locorum tum grassantibus , p. 157. Secundò à propriis cujuslibet Febris symptomatis , ibid. Agri sive sudatio , sive siccitas in hoc vel illo morbi tempore , Febris speciem præ ceteris demonstrat , ibid. Cognitio speciei Novæ Febris vertente primùm anni Constitutione , à per diligenti atque accuratissimâ circumstantiarum omnium observatione pendet , p. 158. Indicatio à juvantibus & Ledentibus sumenda ad Curationem saltem relinquitur. ibid. Vbi nondum constat , quid sit agendum , nihil agendo & Medico & Agro optimè consulitur , ibid.

## S E C T I O   S E X T A.

### C A P U T   I.

#### Febres Intercurrentes.

**F**ebres Stationaria quæ à particulari anni Constitutione pendent & singula suo ordine grassantur. Intercurrentes quæ cum Stationariarum quibuslibet , ut etiam & secum invicem eodem anno indifferenter commiscentur , pag. 159. Intercurrentes sunt Febris Scarlatina , Pleuritis , Peripneumonia Notha , Rheumatismus , Febris Erysipelatosa , Angina. In his , Febris morbus Primarius videtur , & reliqui Affectus tantùm ejus symptomata , vel xpiçewç modum , vel partem in qua illa sit , spectantia , ibid. Intercurrentes nonnunquam , licet non ità frequenter ac Stationaria , Epidemicè grassantur , p. 160. Duo hæc Februm Genera quoad Causas externas sæpenumerò conveniunt , ibid. Plures præmaturâ Vestium Adjectione , & subitâ Refrigeratione post exercitium , quàm Peste , Gladio & Fame simul omnibus , pereant , ibid. Vestes quibus quis assueverit non nisi mense uno ante Solstitium Æstivum sunt deponenda , ibid. Quoties hi morbi Essentiales non sunt , sed Februm Stationariarum symptomata , istâ Methodo tolli debent quâ Febris illa curatur , ibid. In genere ad Anni Febrim serio attendendum est , p. 161. Qualia sunt symptomata quæ invasionem Febris Stationaria comitantur , talia omnino erunt symptomata quæ insultum sive Pleuritidis , sive Angina sequuntur , quoties ejusmodi Febris Accidentia sunt tantùm ; quo ab Essentialibus morbis distinguuntur , ibid. Anni tempus quo Intercurrentes plerique infestare solent , Essentiales ii fuerint , an symptomatice , subinnuit , ibid. In februm curatione maximi momenti est scire quâ portâ sit excludenda materia Febrilis , ibid.



# ELENCHUS RERUM.

## CAPUT II.

### Febris Scarlatina.

**E**X eunte aestate ut plurimum invadit: infantes praeter ceteris, p. 162. Descriptio morbi, ibid. Curatio, ibid. Nec Vena-sectione, nec Enematis, nec Cardiacis est opus. A carnibus tantum & spirituosus liquoribus ager abstineat, nec foras prodeat, nec lecto perpetuo affigatur, ibid. Quid agendum, si convulsiones vel coma supervenerint, p. 163.

## CAPUT III.

### Pleuritis.

**Q**uare tempore inter Ver & Aestatem medio potissimum invadat, ibid. Temperamento sanguineo praeditos Rusticosque frequentissime aggreditur, ibid. Morbi historia, ibid. Febris quandoque supervenit, saepissime ex intempestivo ac praepostero Calidorum Medicamentorum usu, p. 164. De Pleuriticorum sanguine quaedam notatu digna, ibid. Curatio Pleuritidis, p. 165. In adultis raro minori quam 40. circiter unciarum sanguinis impensa sanatur, p. 166. Diarrhoea repetita Venasectione sistitur, ibid. Ager è lecto quotidie eximendus ad horas aliquot, ibid. Hic morbus Expectorationi eliminandus non sine ingenti periculo committitur, p. 167. Curatio puncturae tendinis, ibid.

## CAPUT IV.

### Peripneumonia Notha.

**S**ub Hyemis exitum emergit: Paulo habitiores & crassos, virilem aetatem assuetos, vel praetergressos, liquoribus spirituosus addictos praecipue aggreditur, ibid. Morbi descriptio, p. 168. In habitioribus nulla fere Febris indicia, vel ob interceptam Circulationem, vel Pituita, quae sanguis gravatur, copiam, ibid. Curatio Vena-sectione, Remediis Pectoralibus, & Diata Refrigerante perficitur, ibid. In crassioribus maxime aetatis florem praetergressis cum minus feliciter cedat Vena-sectio, repetita, Catharsis crebrior est substituenda, ibid. Sanguis è brachio acri in lecto jacentis extrahendus, ibid. Vera Peripneumonia à Pleuritide in eo tantum differt quod Pulmones universalius afficiat, p. 169. Notha haec Peripneumonia ab Asthmate sicco distinguitur Febre, quam illa semper habet comitem, ibid. Quam egregia praestat spiritus vini in ambustorum curatione, ibid.



# ELENCHUS RERUM.

## CAPUT V.

### Rheumatismus.

**A**nnis florentes maxime, atque Autumno præcipue invadit: à repentino frigore post calefactionem admissa plerumque oritur, p. 170. Morbi historia, ibid. Febris sæpe recrudescit ob materiam morbificam ab intempestivo externorum usu percussam, ibid. Arthritis sæpe audit hic morbus, quoties à febre sejungitur: non est tamen, ibid. Eo desinente æger nonnunquam membrorum motu ad mortem usque privatur, ibid. Lumbago Rheumatica, alia hujus morbi species, describitur, ibid. morbi curatio, p. 171. Viraque morbi species ab inflammatione orta, Venesectione & refrigerantibus tollenda est, ibid. Ab Anodynis abstinendum, quorum usu morbus figitur, ibid. Quo tempore purgandus æger, p. 172. Dolores à Rheumatismo imperite tractato reliqui pro Scorbuticis sæpe habentur, ibid. Scorbutus non ita frequens apud nos morbus est atque à vulgo putatur, ibid. Multi ex iis Affectibus qui Scorbutici audiunt, vel effecta sunt morborum Fientium, vel nondum perfecte devictorum reliquia, ibid. Probatum illud exemplo Arthritidis, Podagræ, atque Hydropis, ibid. Methodus Medendi non adulterinis illis symptomatis, sed ipsi morbo, seu perfecte formato est accommodanda, p. 173. In Rheumatismo inveterato longius spatium inter Vena-sectiones repetitas est interponendum, ibid. Fontanella in crure, & spiritus quivis Volatilis hic prosunt, ibid. Rheumatismi scorbutici curatio. p. 174.

## CAPUT VI.

### Febris Erysipelatosa.

**D**escribitur morbi species notissima, ibid. Describitur species alia rarius occurrens, ibid. Curatio materiam peccantem Evacuantibus, partibus jam impaetam Discutientibus, & sanguinem contemperantibus, absolvenda, ibid. Topici etiam post Catharsin applicandis, p. 175. Quæ diata hic conveniat, ibid. Pruritus ferini curatio, ibid.

## CAPUT VII.

### Angina.

**T**empore Ver atque Æstatem interjacente Juvenes præ cæteris, & temperamento sanguineo præditos, Rufos item, invadit, p. 176. Morbi descriptio, ibid. Curatio sanguine copiose detracto primum è brachio, mox ex Ranulâ utraq; ; Litu ex melle Rosaceo & spiritu Vitrioli; Gargarismate; dein Catharsi persicitur, p. 177. Enema etiam Refrigerans & Emolliens quotidie injiciendum est. A carnibus omnino, à Lecto per horas aliquot singulis diebus abstinendum, ibid. Angina symptoma-



## E L E N C H U S   R E R U M.

*symptomata eadem Methodo quâ Febris cujus symptoma est, debet curari, ibid. Nonnulla Febres intercurrentibus annumeranda, vulgò pro symptomatis tantum habentur. Hujusmodi sunt Hemorrhagia Narium, Hemoptoe, ibid. Describitur Narium Hemorrhagia, ibid. Eiusdem Curatio, p. 178. Quo nomine Catharsis hic instituenda, ibid. Hemoptoe ejusdem ferè indolis cum Hemorrhagiâ jam tractatâ, ibid. Eandem ferè quam Hemorrhagia Methodum medendi sibi vindicat, nisi quod Catharsin minùs ferat; à qua, præsertim repetitâ, ager faciliè in tabem conjicitur, ibid. Conclusio, p. 179.*

---

### Epist. Resp. prima.

**A** Nnus 1676. eosdem peperit morbos quos prægressi. 1673. 74. & 75. Pag. 183. Exolescente hac crasi, mitiores quàm pro suo genio evadebant morbi, & minùs Epidemici, 184. Non tam manifesta, quam occulta aeris temperies morbis Epidemicis favet; nisi quod symptomata aliquando, ibid. Morbilli licet non admodum Epidemici, longius tamen quàm pro more suo procurrebant, ibid. Non tamen diversam medendi methodum ab usitatâ postulabant, ibid. Exeunte æstate cholera morbus Epidemicè sæviebat, atrocioribus solito convulsionum symptomatis stipatus, ibid. Anodyna fortiora, & frequentiora quàm aliàs unquam indicabantur, ibid. Historia eo laborantis, & convalescentis, ibid. Usque agenda, & repetenda est Laudani liqu. dosis cum symptomata subjugaveris, ibid. Tres sunt affectus in quibus ex opio parata indicantur, p. 185. Dosis & repetendi vices cum symptomatis magnitudine sunt conferenda, ibid. Annum 1677. sicco pede præterit Author, per integrum ejus decursum valetudinarius, ibid. Anno 1678. Febres intermittentes per 13. annos exulantes Epidemicæ rursus audiunt, ibid. Hyeme paululum fatigantes Variolis, aliisque per id temporis Epidemicis locum cedebant, ibid. Olim quartanæ frequentius occurrebant, nunc dierum aut Tertianæ, aut Quotidianæ, & moris planè diversi, ibid. Cardiacis, & regimine calido adeò præter indolem suam incruduere, ut tacto cerebro haud pauci extinguerentur, p. 186. In Tertianis, & quotidianis per sudorifica curationem moliri periculosum est, ibid. Ita enim quæ intermittebat febris fit continua, ibid. Æthiologia ejusdem, ibid. Venæsectio & Catharsis morbum protrahunt, ibid. Nonnunquam è longo Corticis Peruviani usu species quadam Rheumatismi scorbutici inducitur; sed rarissimè, & faciliè curatur, ibid. Cortex insignium est virium non in hoc tantum morbo, sed & in uteri, & ventriculi affectibus, ibid. ob quæ præjudicia, & rationes temerè deductas Cortex malè audit, ibid. Vel ipsos curavit quos purgavit, p. 187. Haud illa nobis arroganda sunt facultates quas Natura negavit, ibid. Provocantur philosophi ad unicam differentiam specificam in naturâ enodandam, ibid. In morborum curatione non oportet alicui hypothese indulgere: sed rejectis speculationum commentis, experientiam cum rectâ ratione conjunctam tanquam Indicem, atque Magistram sequi, ibid. Cortex Peruv. 25. plus minus abhinc annis primum cœpit inclarescere, ibid. Dux causa memorantur ob quas in desuetudinem abierat, ibid. Herculeum

§§§§§

est



## E L E N C H U S   R E R U M.

est medicamentum si quâ par est curâ propinatur, p. 188. Quibus rationum momentis ductus est Author ut hanc suam methodum excogitaret, ibid. Methodus exhibendi, ibid. vel in formâ pilul. vel Electuar. vel in Infus. ibid. Si ob idiosyncrasiam (quod sæpè accidit) expurgetur ager, cum Laudano est exhibendus, p. 189. Eadem methodus (sed in dosi minori) valet in tertianis, & quotidianis, ibid. Tertianæ, quotidianaque non ita rarò in continuarum ferè speciem vergunt, præsertim agro regimine justo calidiore multato, ibid. In quo casu à remissione quantumlibet exiguâ oportet Corticem ingerere, nec paroxysmum præstolari, ibid. Maximè continuis apyrexiam conciliat Cortex, modò regimine justo calidiore non impediatur ejus vis, p. 190. nec obstat vinum in quo exhibetur, ibid. Quò magis proclivis est in continuitatem febris, eò majori in dosi detur Cortex, ibid. Quibus arridet infusio paretur, ibid. Si vomituritio incessez laudatâ hic methodo est compescenda, & tum Cortex ingerendus, ibid. Teneræ infantum ætati Iulapium accommodatur, ibid. Quare in tertianis sæpè, & quotidianis medicam, non nisi post biduum curationem absolvit, ibid. Si omni adhibitâ cautelâ ager recidivam patitur, decoctum amarum exauctorato cortici succenturietur, p. 191. Ager nec à cibo, nec potu qui ad stomachum facit, arcendus est, fructibus horariis, & liquoribus frigidis exceptis, ibid. Carnibus eupeptis, & euchymis vescatur, vinoque modicè utatur, ibid. Aura frigidior vitetur, ut & omnes evacuationes, blandiss. enim Catharsis, vel enema è lacte saccharato in recidivâ discrimen conjicit, ibid. Febres intermit. Symptomatis stipatæ quæ Apoplexiam veram mentiebantur, ibid. Quibus indiciis judicandum, ibid. Cautio de methodo medendi, ibid. Senes imperitè tractati in Diabetem aliquando incidunt, 192. In omni Diabete invigorandus est sanguis, ibid. Methodus therapeutica, ibid. Medicam. formulæ, & diætæ, ibid. Eadem methodo, (nisi quod præmittenda est phlebotomia & Catharsis) sanatur & fluor muliebris, ibid. In tertianis vernalibus, temperamento sanguineo, & florente ætate quid agendum, p. 193. Methodus in gratiam pauperum, ibid. Anno 1679. sub initium Julii eadem febres vires redintegrabant & mense Augusto immanissimè debacchabantur, p. 194. Cum Novembri subingrediebantur tussis è τῷ ἰσχυρῷ τῷ αἵματι, quarum mala indoles adumbratur, ibid. Ad tussim puerorum convulsivam proximè accedebant, ibid. In earum causam inquiritur, ibid. Curatio rectè instituitur venæsectione & Catharsi, ibid. Pectoralibus gratificamur agris, sed non diu iis immorandum, & quare. ibid. Sudorifica non ita tuò adhibentur, p. 195. Sæpè iis accenditur Pleuritis, ibid. Misso sanguine, & epispastico Nucha applicato Catharticum propinquetur ibid. Quæ solâ methodo tussis puerorum convulsiva expugnatur, ibid. Ratio rodditur quare in omnibus morbis epidemicis phlebotomia Catharsi præmittenda est, ibid. Cui multiplex experientia, dux & magistra opt. suffragatur, p. 196. Empirici & scioli perstringuntur, ibid. In accurata Naturæ operationum observatione vera praxis med. fundatur, ibid. Febres duas è tribus in medicinâ faciendâ partes occupant, ibid. In quem scopum unicè collimant Empirici in earum curatione, Non facile dijudicant speciem, ibid. variæ sunt, ibid. Quævis peculiarem postulat medendi methodum, ibid. Eadem per diversos gradus diversè tractanda, ibid. Minutiora quæ observanda sunt non facile enumerantur, p. 197. Semper erit quod

posteri



## ELENCHUS RERUM.

posterius adjiciant, ibid. Tusses modò dicta si imperite tractarentur febrem accendebant, ibid. methodus therapeutica, ibid. In febre à tussi si ter purgetur ager, sufficit, ibid. Post mensem unum vel alterum cessabat Tussis, sed Febris quoad cetera ejusdem indolis grassabatur, ibid. Eadem febris usque ad initium Anni 1680. se extendebat, ibid. Febres intermitt. cum surgente anno apparebant, ibid. Perseverabant ad initium anni 1685. sed non adeò epidemicè ac in 4. primis annis, ibid. Generalis constitutio intermitt. producendis favet, ibid. Verosimile est Febrim depuratoriam postliminio reversuram, p. 198. In Peste, & febribus inflammatoriis obest cortex, ibid. Epidemici alii alios ordine excipient. ibid. Ager Rheumatismo laborans si phlebotomiâ liberiori manu celebratâ curetur, variis morbis obnoxius redditur, ibid. Dieta è sero lactis phlebotomia loco substituta, p. 199. Historia, ibid. Leviora sunt ingenia quæ res vilipendunt quòd simplices sunt, & aperta, ibid. Dicta methodus aliis etiam morbis accommodaretur, ibid. Casus rarior cujusdam qui mercurium subl. corros. deglutiverat, repetitis aquæ tepidæ haustibus ab Orci faucibus erepti, p. 200. Cautio de dieta lactea in virilem ætatem prætergressus, & vino assuetis, ibid. Post tertiam venesectionem Cath. exhibeantur, repetanturque, ibid. Ità viam sternes paregoricis, ibid. Purgantia sint è lenitivis, ibid. Affectus quidam qui febres intermittentes excipiebat nunc Rheumatismum, nunc dolorem nephriticum emulans commemoratur, p. 201. Eandem vendicabat medendi methodum quam morbus cui adhærebat, ibid.

### Epist. Resp. Secunda.

**N** Il vetat, at jubet charitas luis venereæ curationem docere, p. 356. Quando primum hic morbus Europam appulit. p. 357. Cujus regionis Endemius, ibid. Magnâ celeritate grassabatur primum, nunc languet indies, ibid. Centum retrò annis Gonorrhœa Virulentæ speciei se primum ostendebat, ibid. Quot modis propagatur, ibid. Quibus gradibus procedit, p. 358. Varia enumerantur symptomata, ibid. Constrictio virgæ erectæ dolorifica est signum *ωαδονωμονωτάτον*, p. 359. ardor urinae, caruncula in urethrâ erosa, undè Ischuria, scroti inflammatio, ibid. Quomodo Gonorrhœa adolescit in veram luem, ibid. Bubones, dolores vagi nocturni, ibid. Crustulae, & porrigines leprosæ, Exostoses, ulcera Phagedenica, Tragedia Catastrophe, ibid. Natura luis essentialis nos latet, p. 360. Nec Mercurius, nec ligna exsiccantia propriè hic audiunt specifica, ibid. Alia debet esse evacuatio in Gonorrhœâ, alia in lue formata, ibid. Gonorrhœa curationis cardo in remediis catharticis vertitur, ibid. Quibus præ cæteris purgantibus cedit, ibid. Dieta refrigerans à carceribus ad metas: ibid. methodus observanda circa Catharsin, p. 361. Quid denuò faciendum si purgationi non cesserit Gonorrhœa, ibid. Quid in Idiosyncrasis, ibid. Quid in iis qui agre purgantur, ibid. Dieta inter curandum, p. 362. In quo casu vena tundenda, ibid. Catharsis hîc ad instar omnium est, p. 363. Qui mundificat benè, bene sanat, ibid. Incommoda ex aq. mineralibus, & aliis adstringentibus, ibid. Item è lignis exsiccantibus, ibid. Methodus curandi,



## ELENCHVS RERVM.

glandem præputio connectam, & inflammata, ibid. atque etiam scrotum inflamm. ibid. Lues confirmata non nisi per salivationem ab hydragyro excitata potest extirpari, p. 364. In ejus curatione corporis per evacuanda preparatio damnatur, ibid. *Vi* & correctiva in unguent. & Cathart. ibid. Ager ter inungendus, ibid. Quibus remediis Ptyalismus extimuletur, p. 365. Gradus salivationis sedulo observandus, ibid. Quid si purgaretur ager, ibid. Convalescente agro potius promoveri debet ptyalismus: quam cohiberi, ibid. Refrenandus tamen in statu si justos limites transiliret, p. 366. Post salivationem non necessaria est Catharsis, ibid. Cautio ne salivatio importunius urgeatur, Φύσις ἀντιπαθήσας, ibid. Quâ methodo optatâ potiaris arena, ibid. Mercurius dicatur specificum mediatum, p. 367. Quid agendum si Lues & Gonorrhœa unâ stabulentur, ibid. Curatio Exostosis, p. 368. oris exulcerati, ibid. Diata, & reliquum agri regimen, ibid. Quare hoc morbo mulctati in Galliam commigrare cogantur, ibid. Quo tempore carnes teneriores indulgenda, sint agro, p. 369. Hec methodus usitatâ expeditior, minus periculosa, & recidiva minus obnoxia, ibid.

### Dissertatio Epistolaris.

**R** Actiones quæ Authorem instigârunt ad observationes hasce edendas, p. 385. Febres interm. quæ primùm Anno 1677. caput extulere, an. verò 1681. regnabant, iis tempestatibus grassabantur maximè, quæ cum earum indole magis faciebant, ibid. Quo ordine morbi se invicem excipiebant, ibid. Variola ὀνιδιαντικῆται facta sunt, ibid. Quâ datâ occasione macula purpurea extrudebantur, p. 386. & Variolæ insigniter confluebant, ibid. Cur magis, minúsve periclitatur ager pro exanthematum numero ibid. Sanguinis mictus, & macula purpurea, vel paucissimis, vel nullis apparentibus pustulis ærum è medio tollant, ibid. Status diverso tempore pro ratione morbi, ibid. Confluentes tantò distinctis periculosiores, quanto confluentibus pestis, ibid. Juvenes in ætatis flore omnium maximè periclitantur, ibid. Pustula & phlegmonis comparatio, ibid. Densa pustularum eruptio coercenda, & quare, p. 387. Unde oritur, & à quâ πρὸφάσε, ibid. Die sexto ab invasione omne pustularum examen conspicitur, ibid. Quo morbi tempore ager in solidum lecto adjudicandus, ibid. Essentia morbi videtur in inflam. consistere, p. 388. E quâ varia symptomata oriuntur, ibid. Peccantem materiam in sanguine solâ febre amolitur Natura, in massâ carneâ apostemate, ibid. Pus resorpium sanguinem inquinat, ibid. Ptyalismus ab intenso febris calore sistitur, ibid. Eventus pendet à iactò fundamento, ibid. Quot mala à regimine calido oriuntur & à modicè frigidiusculo commoda, p. 389. In quo casu ager libero aeri exponendus est, ibid. Quomodo accidat ut ager in morbi principio tollatur, ibid. Sanguinis missionem non tanti esse ac ejusdem contemperatorem probatur instantiâ, p. 390. Quantum valet reiterata Catharsis sanguine nondum inquinato, ibid. Objectiones contra regimen moderatum retorquentur, ibid. Incommoda à pustulis præpopere elicitis, p. 391. Lecti calor quantus, ibid. Nec febris coercenda, nec sudor provocandus, ibid.



## E L E N C H U S   R E R U M.

ibid. *Ager lecto arcendus ne forte variola forent è confluent. genere*, p. 392. Nihil suo iudicio tribuit author nisi quatenus experientia conformi, ibid. Dogmatici invidiam depellit, ibid. Quocunque modo tractentur variola, aliquando insigniter confluent, p. 393. Quantum dandum agrorum appetitionibus, p. 394. Natura, non Arti mos est gerendus, ibid. Morbi acuti sunt qui DEVM habent Authorem sicut Chronici ipsos nos, ibid. Quale bonum esset Ars medica si verè Ars esset, ibid. Infantes spasmò correpti ut tractandi, p. 395. Quantum hic errari solet quum symptomata pro affectibus essentialibus habentur, ibid. Post spasmos in infantibus raro insigniter conflunt variola, è contrà, post affectus comatosos, ibid. In utrovis affectu quo modo tractandæ, ibid. Quo enormiora sunt symptomata, eò magis conflunt variolæ, ibid. Post missum sanguinem Emeticum eradicativum exhibendum, p. 396. sp. vitrioli cerevisiæ tenuiori immiscendus, ibid. Liberior aëris appulsus magis confert ad sanguinem contemperandum quam evacuantia quavis, ibid. In quibus hæc methodus observanda, ibid. Die ab invasione sexto ager lecto addicetur, ibid. De variolis confluent. tantum hic agitur, ibid. Medicamenta paregorica sunt hic quasi specifica, p. 397. Quò sedatiores sunt sanguis, & spir. eò commodius & separatio fit mat. variolosa, & pustula adollescunt, ibid. Quo nomine syr. de Meconio laudano liquido est preferendus, ibid. Dosis symptomatum gradui adaptanda, ibid. De adultis impræsentiarum agitur, ibid. Infantibus tamen aliquando danda sunt hypnotica, ibid. Toties repetenda sunt, donec metam attigeris, p. 398. observatio, ibid. Calor lecti eludit medicamento vires, p. 399. Quod etiam in Febris intermit. aliquando accidit, ibid. A sextâ ab Invasione nocte ad 17. exhibendum Anodynum, ibid. Temporiùs in ultimis morbi diebus ob paroxis. vespertinum, ibid. aquâ Dosi, p. 400. si agro nauseam creaverit syr. de meconio, laudanum liq. ejus vices suppleat, ibid. objectioni respondetur de discrimine Ptyalismum retundendi, ibid. Quare non aque indicatur Diacodium in infantibus, quo casu propinandum, ibid. Duo Cardines in quibus variolarum curatio vertitur, ibid. die decimo epispast. nucha applicandum, & quamobrem, ibid. Die undecimo vix micat pulsus, ibid. Allium incisum pedum plantis admovendum à die octavo donec ager extrà aleam positus fuerit, p. 401. Dieta per totum morbi decursum, ibid. Vino instante maturatione indulgendum, ibid. sudores evitentur, ibid. Casus rarior, ibid. Variola insigniter confluentes licet ut plurimum, non tamen semper tertio ab invasione die erumpunt, p. 404. Omnia hæc theoremata ad confluentes tantum pertinent, ibid. Historia insignior de quodam à Petechiis, & mictu sanguineo faciliter liberato, ibid. Par methodus in causarum paritate ( quantum feri utriusque morbi Genius ) adhibeatur, p. 406. Non Phantasia, sed phenomenis præcticis litat Author, ibid. Probi medici officium, ibid. Unde est quod quæ Medica appellatur, confabulandi potius quam medendi Ars evasit, p. 407. Naturæ operationes deprehendimus, sed modus operandi, nos semper latebit, ibid. Instantia in Cerebro, ibid. Non quæ librorum lectio suggestit, sed quæ propria experientia, docuit, hic tradit Author, ibid. Affectus hysterici Chronicorum pars media sunt, p. 408. Paucissima scemina, vel viri sedentarii ab iis liberantur, ibid. Affect. hysteric & hypochon. analogia, ibid.



# ELENCHUS RERUM.

ibid. Omnes ferè affectus emulatur, ibid. Apoplexiam refert, & Hemiplegiâ solvitur, p. 409. Quas præcipuè adoritur foeminas hac species, ibid. Spasmos gignit horrendos Epilepsia per similes, ibid. Strangulatus uteri quibus temperamentis familiaris, ibid. Exteriorem capitis partem impetens cum vomitione enormi clavum hystericum parit cholorosi laborantibus familiarem, ibid. Cordis palpitationem excitat in infirmioribus, & febre albâ pallescentibus, ibid. Tussim etiam hystericam, quæ pituitâ scatentes fatigat, ibid. Iliacam passionem mentitur cum frequenti vomendi nixu, & bile porraceâ rejectâ. Ictero solvitur paroxysmus, ibid. Desperatio de salute indivisus ejus comes, ibid. Quo corporis habitu locum habet hac species, ibid. Paroxysmum Nephriticum mentitur, p. 410. Calculum vesicæ, & Ischuriam parit: sed rarissima est hac species, ibid. In iis qui fractis sunt viribus à repetitis ejus insultibus, ibid. Nunc vomitiones excitat, nunc Diarrhœam sed sine dolore, ibid. Quibus competunt, ibid. Partes exteriores carnemque musculosam infestans dolores excitat tumoresque, ibid. Differentia inter hosce tumores, & hydropicos, ibid. dentibus licet sartis tectis ab omni que defluxu liberis atrociss. & expugnatus difficillimos dolores affigit, ibid. dolorem in Dorso certo certius persentiscunt quotquot hoc affectu tanguntur, p. 411. partem cui insederat teneram relinquit, ibid. Externarum partium refrigeratio quasi viam sternit, ibid. de spirit. dejectione, sive subsidentiâ conqueruntur agre, ibid. In Risus, & lachrymas effunduntur nullâ datâ ansâ, ibid. Limpida urina copiosè reddita est signum pathognomonicotaton, ibid. Flatu nidorosi, & ructus acidi, ibid. Atrocissima animi pathemata in sinu foveant, p. 412. Qui hisce affectibus tentantur ingenio ut plurimum pollent, ibid. difficile est multiformes affectus hystericos enumerare, ibid. Cause eorum procatartica, p. 413. Diagnos. Cause ἀπονομήναι, ibid. Antecedens, ibid. Cur plures foeminae quam mares lis fatigantur, ibid. Speciei illius quæ Vteri strangulatus dicitur, descriptio, & origo, p. 414. Illius quæ Colicam biliosam, emulatur, ibid. Color viridis in rejectis unde, ibid. Clavi hystericæ ætiologia, p. 415. urina limpida, ibid. Historia, ibid. Ptyalismus hystericus unde, p. 416. Frigus, Fletus, & Cachinni, ibid. Casus cujusdam fletui immodico ex nullâ ἀποφάσει obnoxii, ibid. Infirma spirituum σύστασις quot animi, & corporis intemperies parit, ibid. Morbi fomitem in materia non delitescere instantiâ elucidatur, p. 417. Spirituum ἀτάξια humores putridos aliquando gignit, p. 418. Hinc etiam ἀνορεξία, chlorosis, & hydrops testium, ibid. Diathesis hystericæ est causa primaria, ibid. Quemadmodum & μίαισμα spirituosum in febre quartanâ, ibid. Præcipua indicatio curativa sanguinis corroboracionem indigitat, ibid. Quare venesect. & Catharsi premillendæ, ibid. Ab Anodyno aliquando & remediis vulgò dictis hystericis curationis tela ordiendæ est, p. 419. Post Venesect. & Cathars. omnia agre videntur in pejus ruere, ibid. Remedia chalybeata per 30. dies sumantur, ibid. Nihil magis erigit spiritus, ibid. Indicium est effectus in cholorosi, ibid. In quibus, Venesect. & Catharsi omissis cum chalybe rectâ incipiendum, ibid. Nuda chalybis substantia quâvis ejusdem præparatione efficacior, ibid. Crude forsân minera vis maxima, ibid. Ab Officiosa Chymicorum sedulitate medicamenta sæpe nativis spoliantur viribus, ibid. Præcipue eorum vires à Naturâ, p. 420. Quod testantur Opium, & cortex Peruv. ibid. Syr. chalybis à substantia



## E L E N C H U S   R E R U M.

*eiusdem secundus* . *ibid.* Et in *chalybis* , & *aquar. mineralium* usu *Cathartica* melius omittuntur , *ibid.* Repetita *Cathartica* in *imbecillis* , & *infantibus* plurimum efficiunt , *ibid.* Unde tumores in infimo ventre , glandula praternaturales in mesenterio , &c. *ibid.* Post evacuationes universales confortentur sanguis , & viscera , p. 421. Medicam formulæ quæ huic intentioni inserviunt , *ibid.* In ventris tumoribus post longas febres intermitt. repetita *Catharsis* indicatur , *ibid.* At in *Rachitide* verâ semel , vel his ad plurimum , & dein alterantia , *ibid.* Non pauci infantes à *Catharticis* sæpè repetitis interempti sunt , *ibid.* Objectioni fit obviam de *chalybis* aculeis in intestinis hæsuris nisi expurgentur , *ibid.* *Hysterica* dicta remedia in formâ solida usurpanda sunt , p. 422. Methodus & remed. formulæ , *ibid.* Si *chalybeata* perturbent , *laudanum* singulis noctibus sumendum , p. 423. ubi symptomata mitiora sunt , *pil. hyster.* sufficiant , *ibid.* *Idiosyncrasie* sunt observandæ , *ibid.* Instantia in *laudano liq. syr. de meconio* vices gerente , *ibid.* Si *chalybs* malò vincendo par non sit adeunda *aq. minerales* , *ibid.* observanda inter bibendum , p. 424. ob purgativa iis mista difficilius operantur , *ibid.* *Infus. clavorum equinorum* se modo debet. assumantur , eundem cum *aq. miner.* effectum sortiuntur , *ibid.* In quo casu *aq. Bathonienses* adeunda , *ibid.* *Theriaca Androm. vis* , *ibid.* *Vinum Hispan.* vel corroborantibus medicatum vel simplex quantum valet , p. 425. *Cort. Perv.* ad spir. invigorandos eximia est vis , *ibid.* præcipuè in foeminis quæ spasms urgentur , *ibid.* diata lactea in temperamento bilioso tenui , & colicâ hystericâ affectis , *ibid.* sed non omnibus ex aquo convenit , *ibid.* Nihil tamen ideo impensè sanguinem & spiritus firmat , fovetque ac diu multumque equo vehi , p. 426. Historia notabili comprobatur , *ibid.* Nec in *hypochondriacis* magis quam in *tabidis phthi-* sicisque penè deploratis locum habet hoc exercitii genus , p. 427. Inter *chronicos Phthisis* duos ferè Trientes jugulant , *ibid.* Nec *Mercurius* in *Lue Venerea* , nec *Cortex* in intermit. efficaciores extent , quàm in hac curandâ ( observatis observandis ) exercitium laudatum , *ibid.* In *Paroxysmo hystérico* ad fœtida confugiendum quæ spiritus ab excursibus in ordines compellunt , p. 428. Quacunque fuerint , huic Intentioni inserviunt , *ibid.* Si vehemens dolor , vomitio enormior , aut *Diarrhœa* incesserit so'o *laudano* cohibentur , *ibid.* In quibus evacuationes præmittendæ , & quamobrem , *ibid.* In quo casu à *laudano* incipiendum , p. 429. Vomitiones enormes dosin max. & sæpissimè repetitam indicant , *ibid.* *Paregoricum* vel in formâ solidâ exhibeatur , vel vehiculo parco , *ibid.* Capitis motus vomitionem provocat , *ibid.* Recidiva ut præcavenda , *ibid.* A dolere , & vomitione Medicis frequentius imponitur quam aliis quibuscumque symptomatis , p. 430. In illa specie quæ *paroxysmum Nephriticum* imitatur judicanda quàm graviter errari solet , *ibid.* Ut & illa quæ *calculum renum* , colicam biliosam vel *Iliacam* passionem simulat , *ibid.* Quas repetitis suis evacuationibus Medici non solum non compescunt , sed irritant , *ibid.* præsertim emetico propinato , *ibid.* de *Diagnosi* ergò sedulo cavendum , p. 431. Plurimæ puerperæ pereunt quòd debitò citius è lecto exurgunt , undè lochiorum suppressio , phrenesis , spasmi , febres , *ibid.* Vix decima perit mulier vel ex dolore , vel quòd vires partui ferendo non sint , *ibid.* Ad diem saltem decimum jacere debent , *ibid.* Indicationes curativæ duæ , p. 432. Si remedia



## E L E N C H U S   R E R U M.

remedia usurpari solita votis non respondeant ab iis temperandum, *ibid.* Emplast. hyst. umbilico admoveatur, & elect. cum Julap. hic laudato exhibeatur, *ibid.* Si hac malum non devincunt Laudanum una saltem vice tentandum, *ibid.* Quod aliquando lochiorum fluxum revocat, *ibid.* Narcotica cum hystericis & emmenagogis propinentur, *ibid.* Si non sequantur lochia rejiciantur narcotica & hystericis ac Emmenagogis enema addatur, *ibid.* Enema non repetendum sed temporis *συμπαχία* prestolanda, p. 433. Post diem 20. res ferè in vado est, *ibid.* Si remedia nihil proficientia obstinaciùs ingerantur, & morbum, & spir. perturbationem augent, *ibid.* Historia, *ibid.* In quo casu boni Medici est rem totam aliquandiu Naturæ committere, *ibid.* sæpè fluxus mensium immodicus sive in puerperio sive extrà idem Affectus hystericus causa sit, p. 434. prima species post partum laboriosiore primis solum diebus ingruit, & brevi se proripere solet, *ibid.* victus sit incrassans, *ibid.* Medicam. formulæ, *ibid.* species altera licet omni tempore accidit circa et. anno 45. vel 50. quo menses cessaturi sunt precipuè invadit, *ibid.* HystERICA fortiora evitentur, *ibid.* methodus medendi cum medicament. form. *ibid.* Vteri procidentia Curatio, p. 435. Conclusio, *ibid.*

### Tractat. de Podagrâ.

**Q**Uos precipuè invadit Podagra, p. 459. diversus ejus mos pro ratione subjecti, & tempore invadendi, *ibid.* Quo tempore, & modo Podagra regularis agrum aggreditur, p. 460. Quo ordine, & quibus stipata phenomenis partes laessit, *ibid.* Paroxysmus graphicè depingitur, *ibid.* Nunc hîc, nunc illîc tragedias excitat, *ibid.* Dolor semper noctu recrudescit, mane verò remittitur, p. 461. Ex serie paroxysmorum, constat paroxysmus, *ibid.* In diversis diverso tempore solvitur, *ibid.* Quomodo se habet ager quoad urinam, alvum & appetitum, *ibid.* Pruritus in discessu & pedum desquamatio *ibid.* Pro majori, vel minori unius paroxys. sævitiâ, vel seriùs, vel citiùs revertit proximus, *ibid.* In Podagrâ inveteratâ, vel indebitâ medicatione turbatâ phenomèna sunt diversa, *ibid.* Pedes peccantis materia sedes genuina sunt, p. 463. Jam varias corporis partes occupat, *ibid.* In digitis &c. tophos generat, in cubitis tumorem album excitat, *ibid.* Femur, genuque, &c. ut impetit, *ibid.* Per annum ferè integrum durat paroxis, *ibid.* Paroxysmi particulares diutius sæviunt, nec ante diem 14, castra movent, *ibid.* In interval-  
lis artus sunt, *ibid.* Quantò magis ager ambulando pedes firmare contendit, tantò periculosius morbi fomes visceribus imminet, p. 463. Venarum hamorrh. dolore, ructu nidoso, appetitûs prostratione infestatur, *ibid.* Urina illam imitatur quæ in Diabete excernitur. Dorsum, alieque partes moleste pruriunt, *ibid.* Dolores in metartaso lancinantes, & spasmi in tendinibus musculorum tibiæ ut agrum invadunt, *ibid.* Doloribus recedentibus agritudines, lassitudo spontanea, & in diarrhoeam propensio succedunt, *ibid.* In Podagrâ diuturniore agritudine potiùs quàm dolore conficitur paroxysmus, *ibid.* Quò vehementior est dolor, eò citiùs præterlabitur paroxysmus, & diutius abest, & vice versâ, *ibid.* Calculum renum in quamplurimis parit, p. 464. qui aliquando meatus urinarios obstruens agrum è  
medio



## E L E N C H U S   R E R U M

medio tollit , ibid. *Animus corpori compatitur , unde ager variis passionibus obnoxius est , ibid. Morbi Catastrophe , ibid. Plures divites , & sapientes ; quam pauperes , & fatuos interemit , ibid. Si quas feminas ( quod perraro est ) non nisi vetulas , & viragines infestat , ibid. Neque pueri , neque juvenibus minores verâ , & genuinâ podagrâ vexantur , p. 465. Leviculam tamen vellitationem præsentiant quibus ex traduce morbi seminium impressum est , ibid. Morbus ἀνέμια ortum debet , ibid. Qui vino , veneri , laboribus improbis , studiis intensis , ceterisque quæ spiritus exhauriunt , coctiones destruunt , & partium tonum laxant , nimium indulgere , hunc morbum accersunt , ibid. In curatione , Venesectio , Catharsis , & sudores non indicantur , p. 466. Venesectio ut pugnat cum judicatione quam causa antecedens sibi vendicat , præcipue in iis qui ætate sunt proveciores , ibid. Quo modo hydropis aditus aperitur , ibid. Quando in juvenibus locum habet , p. 467. Ut ab Emeticis , & Catharticis ager de vita periclitatur , ibid. Ab humoribus intro versus intestina sollicitatis quæ mala ingruunt , ibid. Catharsis nec paroxismo ad peccantem materiam minuendam , nec in fine ad reliquias amolendas , nec ad venturi aditum præcavendum omnino prodest , ibid. Unde spirituum ὀνείασι infirmatur , & disjicitur , p. 468. Quo pacto fiat ut ager confestim convalescat , sed pœnas impofterum ab ἀταξία pendat dirissimas ibid. Quibus nominibus sudores officiant , ibid. In omnibus morbis demptâ solâ Peste , sudores proliferare non tam Medici est , quàm Naturæ provincia , ibid. Hic affectus ob contrarias indicationes curatu per difficilis est , p. 469. Causa Antecedenti , & Continenti obviam eundum est , ibid. Quo sensu causa continens intelligenda est , ibid. Præcipua curandi intentio in eo verti debet ut Coctioni consulatur , p. 470. Quæ propriè digestiva appellantur , ibid. Medicamenta quæ hanc intentionem adimplent , ibid. Cautio in iis sumendis , ibid. Quo in casu , quantò major est simplicium numerus , tantò potentiùs medicamentum operatur , ibid. Forma Electuarii quo Author uti solet , ibid. Quo nomine theriacæ Androm. præferendum est. p. 471. Inter simplicia cortex Peruv. primas obtinet in sanguine corroborando , ibid. Quantum hujusmodi medicamina in aliis Chron. plerisque juvant , ibid. differentia inter morbos acutos , & chronicos , p. 472. Ejus causa indagatur , ibid. Qui morbi Epidem. audiunt , qui intercurrentes , & sporadici , ibid. Indigestio communis est Chronic. parens , ibid. Ex eo probatur quod senes magis hisce affectibus obnoxii sunt quàm juniores ; & ad eos gignendos magis facit hyems quàm æstas , p. 473. equitationis emolumenta , in morbis chronicis plerisque , Phibisi præcipue , stupenda sunt , ibid. Herba excalescentes quæ adferunt commoda , ibid. Licet in Podagrâ ledant , in aliis tamen chronicis plerisque venesectio , & Catharsis corroborantibus , & digestivis præmittenda sunt , ibid. Sed quum morbi cujusque curatione remed. corrobor. innititur , evacuationes qualesque efficiunt prorsus , p. 474. Digestiva haud obiter , sed assidue , & constanter sunt usurpanda , ibid. nam quum erroribus sive his , sive illis , tota corporis œconomia sit quasi funditus ever-  
sa ; eadem de novo extruenda , atque redintegranda est , ibid. In digestivoram usu , præcipue in paroxys. intervallis perseverandum , p. 475. In cibo , potuque quæ mediocritas servanda , ibid. Cur agri palato , consulendum , ibid. Unicâ ciborum specie*

§§§§§

singulis



## E L E N C H U S   R E R U M.

*singulis partibus vescatur, ibid. Acris, sale condita, & aromata evitentur, ibid. Prandere tantum expedit, ibid. Liberaliorem cerevisia tenuioris haustum ob calculum renum generari aptum nocte sibi indulgeat, ibid. Dieta lactea quâ ratione magis obest, quàm prodest, ibid. Potus sit Cerev. tenuis Lond. p. 476. Vinum de facto officit, & quare, ibid. neque tutius à vino assuetis liquores nimis refrigerantes in usum revocantur, ibid. Quis modus in potu statuendus, ibid. Copia, & luxus nativæ, tum animæ, tum corporis rectitudini vim infert. p. 477. Ab ineunte ætate satis commodè potaretur aqua, ibid. In Podagrâ inveteratâ potus dieteticus (cujusmodi hic forma præscribitur) plurimis nominibus prodest, p. 478. Quando primum commodissimè in usum trahitur, ibid. In quo casu vinum Hispanicum, illudque præ aliis agro indulgendum, p. 479. Ob quas rationes lectus maturè petendus, præcipuè hyemis tempore, ibid. Animi pathemata, nimique ad studia, & res serias applicatio spirituum systasin solvunt, ideoque evitanda sunt, ibid. Ceteris omnibus quæ indigestionem impediunt, sanguinem corroborant, & partibus firmitudinem conciliant exercitium corporis facile palmam præripit, p. 480. Quotidianum & moderatum sit oportet, ibid. Quod qui spernit ad calculi generatio-  
erit proclivior & in discrimine ne à materiâ tophacea in articulis admodum auctâ omni motu privetur, ibid. Exercitatio non tantum tophorum generationi officit, sed veteres, & induratos plerumque solvit, ibid. Equitatio aliis exercitiis præferenda est, p. 481. Frequenter curru vehi eodem ferè recidit, ibid. Idque ruri potius aere perflato, & salubri quàm in urbe, ibid. Quam improvidus senex Veneri indulgens, ibid. Regimen hoc utut religiosè à quovis observetur, ab enor-  
mioribus podagra insultibus tutetur, eum tamen ab omnibus immunem præstare non valet, p. 482. Totius corporis habitus, quoad fieri possit, in paroxysmorum inter-  
vallis est immutandus, ibid. Morbi fomitis expulsio Natura, (ut in Febris intermitt.) permittenda est, ibid. Qui symptomatis coercendis incumbit, morbi curationem remoratur, ibid. De errore in victu ab agro summopere cavendum, ibid. A motu currûs minùs dolebit, quàm in Cathedrâ quiescens, p. 483. A quo etiam somnus invitatur, ibid. & Calculus quadantenus præcavetur, ibid. Atque etiam  
totali artuum ad motum impotentia occurritur, ibid. Morbi digestionem sine exer-  
citio in senibus frustra quis speret, ibid. In quo casu lectus, & Dieta tenuis neces-  
saria sunt, ibid. In quo exercitium, ibid. Ipse dolor aliquando amarum licet, magnum tamen est remedium, ibid. Inter symptomata à quibus ager in paroxismo  
de vita periclitatur ventriculi debilitas cum torminibus maximè est familiare, p. 484. Qua data ansa ingruit, ibid. Ei mitigando vinum Canariense confert maximè  
sed nec illud, nec Cardiacorum aliud quodlibet agrum si exercitio non utatur, ser-  
vare posse existimandum est, ibid. In quo casu ad laudanum statim confugiendum  
est, ibid. In quo sudores provocandi, p. 485. Quibus Author aliquando suæ vitæ  
consuluit, ibid. materia peccantis in pulmonum lobos metastasis qua methodo curan-  
da, ibid. sudores hic sedulo evitentur, ibid. In paroxysmo nephritico ut ager tra-  
ctandus, ibid. Plures indebita medicatione quàm podagra perimuntur, ibid. Re-  
media externa nocere quandoque possunt, prodesse nunquam, ibid. Ustulatio partis  
affectæ Hippocratem non latebat, p. 486. Nihil interest utrum Moxa, an lino  
crude*



## E L E N C H U S R E R U M

*crudo fiat, ibid. Dolorem aliquatenus mitiget, sed causam Podagra Antecedentem non attingit, ibid. In doloribus quorum in partibus internis sedes est, locum non habet, ibid. De specificis quanta hic, & alibi decantentur, p. 487. Venasectio, & Purgatio alternatim celebrata in contusionibus, continui solutione & quavis organorum latione quantum valeant, ibid. Quisquis alia petit medicamenta ad Lucianum relegandus est, ibid. Therapeia radicalis adhuc in Democriti puteo latet, p. 489. Quam tamen quandoque inventum iri Author nullus dubitat, ibid. Unde elucescet quantum hallucinati sunt dogmatici in morborum essentiis dignoscendis, ibid. Et quam inauspicato in febrium causis investigandis vel solertissimi ingenia sua exercuere, ibid. Cujus rei Cort. Peruv. repertio exemplum est satis luculentum, ibid.*

### De Hydrope.

**O**mnis hominum etas, sexus omnis ab Hydrope nonnunquam infestatur, p. 490. *Fœminæ magis quam viri ei obnoxie sunt, ibid. Hi ætate ingravescente, illæ ubi jam parere desierint, ibid. Foveæ à digitorum impressione in surarum parte inferiore primum mali indicium, ibid. Quare non perinde certum in fœminis, atque in maribus, ibid. In senibus verò à multis annis Asthmate laborantibus hydropem non certò indicant, ibid. Si generaliter loquamur, suræ, & tibiæ intumescences etiam in viris pro signo hydropis supervenientis habende sunt, ibid. Pedibus cruribusque ad extremum extensis in abdomen ruentes aquæ, dein & umbilicum exomphalon quandoque constituunt, p. 491. Tria hunc mortuum stipant symptomata, Dyspnœa, urina paucitas, & sitis intensa, ibid. Unde originem trahunt, ibid. Pro rata qua partes quas obsidet morbus, augentur, alia magis magisque gracilescunt, ibid. Impetu tandem in viscera nobiliora, & vitalem arcem facto, ager cataclysmo quasi submersus perit, ibid. Causa morbi in genere est sanguinis debilitas, ibid. Illi debilitando quæ operam commodant, ibid. Hydrops testium in fœminis obiter notatur, ibid. Aliæ sunt due species in fœminis hydropem mentientes, ibid. Illa carniū intra abdomen excrescentia præternaturali, hæc flatibus ortum debet: quæ ingravitationis signa pariunt, ibid. Neutra harum ad morbum de quo agitur, referenda est, p. 492. Quas præcipuè exercent, ibid. Indicationes curativæ due, aquas contentas evacuare, & sanguinis robur instaurare, ibid. Cathartica quæ vel segniùs, vel mitiùs operantur, officiunt magis, quàm prosunt, ibid. Vtrum ægri corpus facile, an ægrè Catharticis, cedat sollicitè inquirendum, ibid. Purgatio per Hydragoga non tantum non imminuit tumorem, sed adauget, ibid. Quare expurgatio fortis, vel nimia, iusto debiliori præferenda est, ibid. Quas ob causas maxima celeritate quam ægri vires ferre queant, aquæ exantlandæ sunt, p. 493. Hydragoga quem usum obtinent in iis qui difficiles, quem in iis qui faciles purgati sunt, ibid. In istis qui Catharsi promptè cedunt syr. de spina Cervina aquas sat copiosè elicit, ibid. Id habet incommodi hic syrupus quòd inter purgandum ingentem sitim provocet, ibid. Catharticis lenioribus opus suum cum bona euphoria non peragentibus, fortiora sunt tentanda, quod historia probatur, ibid. Quo casu hydragoga sola vix volis restarent, sed lenioribus calcaris*



## ELENCHUS RERUM.

*vice permista, efficacissima evadunt, p. 494. Potionis forma pro robustioribus, ibid. alia ibid. Tertia calefaciens inter purgandum, tum & corroborans, ibid. In iis qui agrè purgantur aliis σπασμώτεπα sunt Elaterium, & infus. Croci metal., ibid. Emeticae operationis ratio investigatur, p. 495. Cecos dari meatus ex ab dominis cavitate in intestina de facto liquet, ibid. Hippocrates in scenam ducitur, ibid. Quàm curiosa corporis humani inspectio, & fabrica notitia, tum Medicis, tum Chirurgis necessaria est, ibid. In acutis quibuscumque, & Chronicis plerisque specifica quædam inest proprietas à nulla corporis contemplatione in lucem eruenda, p. 496. Mens divini Senis in loco suprà citato explicatur, ibid. Majora licet organa pateant, exiles tamen meatas oculos acutiss. vel microscopio exquisitissimè elaborato adjutos effugiunt prorsus, ibid. Cognitio nostra ad τὸ ὄν assurgat, sed τὸ διόν nullatenus attingat, ibid. Et quæ innotescunt, & ad quæ cecutimus impellunt ut divinum Artificem suspiciamus, & adoremus, ibid. Chymia laus, & emolumenta intra quos limites coercenda, ibid. Medicina faciendæ defectus in eo non vertitur quòd nesciamus quo pacto huic, aut illi intentioni satisfacere debeamus; sed quòd non satis sciamus quenam sit illa intentio cui satisfaciendum est, p. 497. Ad iudicium in hac re rite formandum naturalia morborum phenomena atque juvantia, & lædencia diligenter observata, collata, & trutinata conferunt maximè, ibid. Exquisitissima speculationum dissertationes quàm labili fundamento innituntur, ibid. Hypotheses solidas, & genuinas Praxi quadantenus originem debere exemplo comprobatur, ibid. Vomitus ab Emetico excitata hydropicorum aquas αἰώ, καὶ νάτω potenter evacuat, p. 498. Hydropica cujusdam curatio Emeticis, & Catharticis absoluta, ibid. Tria hic notatu dignissima, p. 499. Ἀταξία ab evacuationibus excitata ut occurrendum, ibid. In quo casu convenit ut tota res evacuantibus per inferiora committatur. Decoct. ex interiore cortice Sambuci eodem modo quo Crocus metal. morbum hunc depellit, non autem vi aliqua specifica, ibid. In quibus casibus Emetica & Cathartica malum augent, totaque curatio in sanguine, ac visceribus corroborandis, firmandisque vertitur, p. 500. Huic Intentioni aeris mutatio, & exercitium quale quale demum sit, apprimè respondent, ibid. In Constitutione infirma, & hystericis, aquæ diureticis educenda sunt, ibid. Efficacissima è salibus lixivialibus sunt, ibid. Medicam. forma, ibid. Cineres genistæ in vino Rhen. ac quantum hic valent, ibid. Aquis evacuatis, debilitas sanguinis medicam. calefacientibus, & corroborantibus præcaveri debet, præsertim in ætate provecioribus, p. 501. Quæ in Podagra laudantur hic locum habere possint, ibid. Vinum à quo in podagra abstinendum, pro potu ordinario in hydrope usurpetur, ibid. morbi plerique Chronici Indigestioni ortum debent, ibid. In essentielles & específicas morborum tam Chronicorum, quam acutorum differentias penetrare non datum est, ibid. Curationem in utriusque non ad essentialem eorum naturam, sed ad causam magis generalem dirigere cogimur, ibid. Curandique methodum naturæ, vel experientia indicibus accommodare, ibid. Ager inter curandum, post portas aquis datas, vel vinum, vel Cerevisiam generosiores potare teneatur, ibid. Liquores generosi, modò spir. distillatione elicit non sint, soli aliquando hydropicos in principio curant, ibid. Cerevisia medicata pro pauperibus, pro ditioribus vina, & Ele-*

*stuarium.*



## E L E N C H U S   R E R U M.

*Stuarius digestivum laudantur , p. 502. Liquores minus generosi parè admodum bibendi , ibid. Sitis ut restringenda , ibid. Chalybs in hydrope incipiente hanc infimum sibi vendicat locum , ibid. Allium solum hunc morbum deputi aliquando , ibid. Cujusmodi hydrops evacuantia non deposcit , ibid. Quam sanguinis correptioni navatur opera , totaque res in eo solum cardine vertitur , ager nullo modo expurgandus est , ibid. Ità enim tumor qui minui cœperat , augebitur , ibid. Merbis ad supremum gradum proventus artis subsidia spernit , p. 503. Quare tamen Medici est non animo cadere sed morbum tanquam nuper cœptum aggredi , ibid. Topica in forma Cataplasmatum , vel linimenti minus nocent , ibid. Unguent. & Cathart. fortioribus confecta atque abdomini applicata quas turbas faciunt , ibid. Vesicatoria gangrenam sæpè invitant , ibid. Quare vulnus leviss. in hydropicorum carne curatu est difficillimum , ibid. Conclusio , ibid. Post scriptum de Febre hyemali cujus historia & curatio traduntur , p. 505. Schedula monitoria de nova Febris ingressu , p. 507. Processus integri in morbis ferè omnibus curandis , p. 646.*

§§§§§§ §

PRIVÆ



PRIVILEGIUM  
SACRÆ CÆSAREÆ MAIESTATIS.



CAROLUS Sextus Divinâ favente Clementiâ, electus Romanorum Imperator semper Augustus, ac Germaniæ, Hispaniarum, Hungariæ, Bohemiæ, Dalmatiæ, Croaciæ, Sclavoniæ Rex, Archidux Austriæ, Dux Burgundiæ, Styriæ, Carinthiæ, Carniolæ & Wirtembergæ, Comes Tyrolis &c. Agnoscimus & notum facimus, tenore præsentium, quod, cum Nobis Nostri & Sacri Imperii fideles dilecti *De Tournes Fratres Bibliopola Genevenses* humillimè exponi curârint, se *Thomæ Sydenham* Medicinæ Doctoris, Opera omnia Medica variis *Cœlii Aureliani Martini Listeri*, *Caroli Drelincurtii*, *Bernardi Ramazzini*, aliorumque præstantissimorum Medicorum Observationibus, quàm maximè illustrata & aucta in quarto in bonum publicum prælo committere constituisse, vereri autem nè, quod fieri soleat, alii etiam Typographi quæstûs gratiâ eisdem Libros fraudulenter cum magno supplicantium dispendio imitentur, prælo committant, distrahant atque venundent, ideoque Nos supplices orarint ut dicta Opera Medica Privilegio Nostro Cæsareo contra omnes ejusmodi fraudes præmunire clementer dignaremur. Nos submissæ pariter & æquæ huic petitioni annuendum censuerimus. Idcirco omnibus & singulis Typographis, Bibliopolis, Bibliopegis aliisque quibuscunque Librariam negotiationem exercentibus firmiter inhibemus, & vetamus, ne quis prædicta Opera Medica per decem annorum spatium ab hodierna die computandum, in sacro Romano Imperio, Regnorumque & Provinciarum Nostrarum Hereditariarum finibus simili aut alio Typo vel forma sub quovis alio prætextu sive in toto sive in parte recudere, vel alio recudenda dare, alibi impressa apportare, vendere vel distrahere clam vel palam citra voluntatem & absque dictorum *Fratrum De Tournes*, ipsorum hæredum & successorum expresso & in scriptis obtento consensu & licentia præsumat. Si quis verò secus faciendo & Privilegium & Interdictum hoc Nostrum violare, aut transgredi ausus fuerit, Eum non modo ejusmodi libris perperam quippe recusis & adductis, quos prædicti *De Tournes* eorumque hæredes ubicumque deprehensos sive propriâ autoritate, sive Magistratûs auxilio sibi vendicare poterunt; de facto privandum, sed & pœna insuper quinque marcarum auri puri Fisco Nostro seu Aerario Imperiali ex semisse ex altero verò semisse parti læsæ pendendâ omni spe veniæ præcisâ mulctandum decernimus; dummodo tamen libri illi tenorem hujus Nostri Privilegii in fronte præimpressum ad cujusque notitiam exhibeant eorumque consueta exemplaria ad minus quinque ad Consilium Nostrum.



## P R I V I L E G I U M

Nostrum Impèriale Aulicum quam primùm transmittantur. Mandamus ergo Universis Nostreis, & sacri Imperii, Regnorumque & Dominiorum Nostrorum hereditariorum subditis & fidelibus dilectis, cujuscunque statûs, gradûs, Ordinis, Dignitatis aut Præminentiae existunt, tam Ecclesiasticis, quàm sæcularibus, præsertim verò iis, qui in Magistratu constituti & proprio, vel superiorum suorum nomine & loco juris & justitiæ rationem exercent, ne quemquam Privilegium hoc Nostrium temerè ac impunè transgredi aut violare patiantur, quin potius contumaces, quos compererint, præscripta pœna plecti, aliisque modis coërceri curent, quatenus & ipsi eandem mulctam pendere noluerint. Harum testimonio Literarum manu Nostrâ subscriptarum, sigillòque Cæsareo munitarum, quæ dabantur in Civitate Nostra Viennæ die vigesimâ primâ Augusti, Annò millesimò septingentesimò decimò quartò, Regnorum Nostrorum Romani tertio, Hispanicorum undecimò, Hungarici & Bohemici verò quartò.

## C A R O L U S

( L. S. )

Vidit F R I D. C A R. Comes  
de Schönborn, m. p.

*Ad Mandatum Sac. Cæsar. Majestatis proprium*  
J. S. Hayeck de Waldstätten, m. p.



*[Faint, illegible text at the top of the page, possibly bleed-through from the reverse side.]*

8200182

121

1000 1000 1000

*[Faint, illegible text in the lower middle section.]*



THOMÆ  
SYDENHAM,  
MED. DOCT.  
OBSERVATIONES  
MEDICÆ,  
CIRCA  
MORBORUM  
ACUTORUM  
HISTORIAM  
ET CURATIONEM.





A M I C I S S I M O V I R O

D O M I N O

JOHANNI MAPLETOFT,

M. D.

In Collegio Greshamensi

APUD LONDINENSES

P R O F E S S O R I,

Nec-non Societatis Regiæ ibidem SOCIO.



VO omnino sunt (Humanissime Vir) de quibus hic mihi tecum agendum est: Primum ut causas exponam, quibus impulsus Tractatum hunc meum in publicum edo; alterum, quamobrem eundem Tuo potissimum nomini dicandum censeo, Primum quod attinet, tricesimus jam agitur annus, à quo Londinum petens, ut inde Oxonium denuo proficiscerer, (à quo primi belli calamitas me ad annos aliquot distinnuerat) in virum Doctissimum & maxime ingenuum Dominum D. Thomam Coxe, (qui per eos etiam annos, atque ad hunc usque diem Medicinam magna cum celebritate facitavit,) Fratri meo tunc ægrotanti consulentem, auspiciatò inciderem; qui quidem Vir, pro nota sua humanitatè suavitæque morum me percontatus est, cui me demum Arti, intercisa jam repetens studia, sumptâque togâ virili, pararem addicere. Ego vero incertus adhuc animi, & de medica Arte ne vel somnians quidem, tanti viri hortatu atque authoritate permotus, nescio.



nescio quo fato meo, me ad eam seriò accinxi. Et sanè si quando hæc nostra conamina vel minimum in publica commoda cesserint, illi grato animo accepta referenda erunt, quo Promotore atque Auspice ea studia primum sum aggressus. Post annos aliquot in Palæstra Academica insumptos Londinum reversus, ad Praxim Medicam accessi, quam cum intento admodum oculo omnique adhibita diligentia curiose observarem, mox in eam veni sententiam, quæ mecum ad hodiernum usque diem crevit; Hanc scilicet Artem haud rectius perdiscendam esse, quàm ab ipsius Artis exercitio atque usu; veroque admodum esse simile, quòd qui ad naturalia morborum Phænomena oculos animumque accuratissimè maximeque diligenter adverterit, in eliciendis Curativis Indicationibus veris ac genuinis maximè pollere debeat. Huic itaque me Methodo totum tradidi, satis securus, quòd Naturam si sequerer Ducem, etiam Avia terrarum peragrans loca, nullius antè Trita solo, nusquam vel latum unguem à recto tramite discederem. Hoc me filo regens, primò ad pressio-rem Febrium observationem animum appuli, & post devoratum haud mediocre tedium, & molestissimas mentis agitationes, quibus me ad annos aliquot fatigandum permisi, tandem in methodum incidi, quæ istæ possent sanari; quam etiam, amicis flagitantibus, in lucem promendam jamdudum concessi. Cum verò ab illo tempore novas Febrium species, mihi hætenus incognitas, sibi invicem jugiter succedentes animad-verterim, statui apud me quæ ad eas pertinebant singula, vel ab eisdem pendebant, summâ quâ possem diligentia in unum congerere; quo tandem aliquando prioris cœpti mei tenuitatem atque angustias paulò accuratiori ac magis absolutâ horum morborum Historiâ pensare valerem. Sed dum hæc animo versarem, atque indagarem sedulò, & proinde jam in eo totus essem, ut pro multifariis Naturæ mutationibus & versatili ingenio Medendi, Methodum, ceu Gladium Delphicum, procuderem omnibus parem, statim didici me ideo tantum aperuisse oculos, ut pulvere, haudquaquam verò Olympico, jidem complerentur, atque his quidem, proprii cerebri phantasmata, illis, nullum me prorsus habere ducem planè viderer. Quamvis optassem Lucubrationes hæc meas non nisi annorum porrò aliquot experientiâ auctas & confirmatas typis evulgasse, contumeliis tamen ac sannis procacissimi cuiusque Ardelionis tandem plus satis delassatus, amicis eo usque morem gessi (inter quos cum honore mihi semper nominandus est saga-



cissimus Vir Dominus Doctor Gualterus Needham, tam Medicæ Artis, quàm rei Literariæ decus, & laus) ut mihi tandem consulerem, ac iustam pararem Defensionem; ea nempe facta prodens scriptis publicis quæ ingenuos, quod spero, omnes mihi Patronos conciliabunt. Cæteros quod attinet, expectabo scilicet, quemadmodum acutè Romanus Philosophus, ut quicquam Calumniæ sit sacrum, cui nec Rutilius sacer fuit, nec Cato? Si qui itaque reperiantur, quos præ immanitate quadam ac asperitate naturæ convitiandi libido adhuc incesserit, rectene an secus scripserim haud æstimantes equâ lance, qui vitio statim vertunt, si quis novi aliquid, ab illis non prius dictum, vel etiam inauditum, in medium proferat, huiusmodi ego homines æquo me animo laturum spero; certè convitiatorum ferram neutiquam reciprocabo. Illud tantum opponam, Viro Christiano sanè perdignum, quod olim Titus Tacitus, obtrecenti Metello regessit: Facile est in me dicere, cum non sim responsurus: Tu didicisti maledicere; Ego, Conscientiâ Teste, didici maledicta contemneré. Si tu Linguae tuæ Dominus es, ut quicquid lubet effutias; Ego Aurium meatum sum Dominus, ut quicquid obvenerit audiant inoffensæ. Atque hæc sunt, quorum victus pondere Librum hunc luce donandum esse sentiebam.

Tibi verò (Charissime Vir) eundem dedicatum volui, tum ob mutuam quâ nos invicem complectimur Amicitiam Benevolentiamque; tum etiam quia nemo te melius judicare valeat, si quo in loco aut pretio habendæ sint quas hic trado Observationes, cum per septennium, quod jam ultimò excurrit, plura è præcipuis atque insignioribus, quæ sequentes exhibent pagellæ, Tute etiam oculis usurpaveris. Vti verò eâ tu es morum integritate probitateque notissima, ut religio tibi sit fictis insinuationibus alios in errorem pellicere, (maxime ubi de Corio humano agitur) ita eâ etiam polles sapientiâ atque eruditione, quæ tibi à me imponi, si id seriò agerem, nullatenus paterentur; multo minus tu tibi imposueris istis experimentis, quibus in tuis etiam ægris nonnullorum, quæ vel hîc descripsi, vel tibi alias affirmavi, veritatem comprobasti. Nosti præterea, quàm huic meæ Methodo suffragantem habeam, qui eam intimius per omnia perspexerat, utrique nostrum conjunctissimum Dominum Johonnem Lock, quo quidem Viro, sive ingenio iudicioque acri & subactò, sive etiam antiquis, hoc est, optimis moribus,



## DEDICATORIA.

vix superiorem quenquam inter eos qui nunc sunt homines, repertum iri confido; paucissimos certè pares. Verum non opus est, ut ulterius tuam fidem sollicitem, de qua jamdiu persuasissimus sum. Ceteros quod attinet, jacienda alea est, quæ utcunque ceciderit, sortem haud gravatè feram. Cum enim jam senex sim, & summi Numinis favore, tantum mihi sit Viatici, quantum restat viæ, de reliquo dabo operam, ut nec ipsi mihi, neque aliis molestus eum assequar felicitatis modum, quem ita eleganter depinxit Vir magnus:

Felix ille animi, Divisq̃ue similimus ipsis,  
Quem non mendaci re splendens Gloria Fucō  
Sollicitat, non fastosi mala gaudia Luxûs.  
Sed tacitos finit ire dies, & paupere cultu  
Exigit innocuæ tranquilla silentia vitæ.

Quod restat, exorandus mihi es, ut hoc propensi in te animi, & quo te prosequor, Honoris pignus æqui bonique consulas; præsertim cum nullo jure Tibi imputari possint quotquot in hoc Opere navi ac σφαλ-  
matica comparuerint, quorum omnium in me solum cudenda est faba; nec tu plectendus, si quia ego fortè deliravero. Quamlibet neque ejus quem exantlavi laboris omnis mihi fructus perierit, cum vel ex erroribus & hallucinationibus meis ansam nactus fuero, quâ omnibus palam faciam, quantâ te colam amicitia, & quod ex animo sim

Tibi semper addictissimus

THOMAS SYDENHAM.





# P R Æ F A T I O



Uemadmodum à natura ita comparata est humani corporis Fabrica, ut nec præ jugi particularum fluxu sibi semper constet, nec præ externarum rerum vi sui juris ubique permaneat, unde multiplex ægritudinum cohors terris ab omni ævo incubuit; sic procul omni dubio à multis jam sæculis ante natum non *Græcum* modo, sed ( qui mille annis hunc antecessit, ) *Ægyptium* *Æsculapium*, hominum ingenia investigandæ medelæ necessitas exercuit. Et profectò, ut quis primus ædificiorum, aut vestimentorum usum ad depellendam cœli inclementiam instituit, nemo facile dixerit, ita & *Artis Medicæ* Natales, ut *Nili* fontem indigitare nequimus; cùm ista, perinde ac cæteræ artes, in usu nunquam non extiterit, licet nunc frigidius exculta, pro vario temporum ac regionum habitu. Quantum *Veteres*, ac inter primos *Hippocrates*, præstiterunt, abundè notum est; quibus scilicet, ac eorum scripta compilantibus maximam *Therapeutica* solertiæ partem acceptam ferimus. Quin & succedentibus deinde sæculis emicuit nonnullorum industria, qui aut *Anatomia*, aut *Pharmacis*, aut *Methodo* *varquæ* operam navando, Medicinæ pomœria ampliare pro virili fategerunt: ut taceam nec in hac nostra *Britannia*, ipsoque hoc seculo defuisse, qui in omni scientiarum genere, quo res Medica adaugeri possit, optimè meruerunt; quorum quidem laudes impari calamo non attingo. Cæterum quantacunque fuerint aliorum conamina, semper existimavi mihi vitalis auræ usum frustra datum fore, nisi & ipse in hoc stadio versatus, symbolum aliquod, ut cunque exiguum, in commune *Medicinæ* ærarium contribuerem. Quocirca post diuturnam meditationem, ac diligentem fidamque annorum aliquam multorum observationem tandem aliquando decrevi; Primò sententiam meam in medium proferre, quæ demum ratione Medendi scientia ulteriùs promoveri possit: Deinde meorum in hoc negotio conatum specimen aliquale in lucem dare.

Sentio autem nostræ Artis incrementum in his consistere, ut habeatur (1) *Historia*, sive morborum omnium descriptio quoad fieri potest graphica & *naturalis*; (2) *Praxis* seu Methodus circa eosdem *stabilis* ac *consummata*. Sanè morbos crassè depingere satis ob-



vium est: atqui Historiam eorum ita conscribere, ut evitetur Censura, quam *Clariss. Verulamius* in nonnullos ejusmodi Promissores vibravit, longue majoris est negotii: *Satis scimus* (inquit Vir Nobiliss.) *haberi Historiam Naturalem, mole amplam, varietate gratam, diligentiam sæpius curiosam, Attamen si quis ex ea fabulas, & authorum citationes, & inanes controversias, Philologiam denique & ornamenta eximat (que ad convivales sermones, hominumque doctorum Noctes potius, quam ad instituendam Philosophiam sint accommodata) ad nil magni res recidet. Longè profecto abest ab ea Historia, quam animo metimur.* Similiter etiam & morborum curationes promovere facillimè proponuntur; Atqui hoc ita præstare, ut verba in facta transeant, atque eventus promissis respondeant, magis ardui moliminis illi judicabunt, qui vident haberi apud Scriptores Practicos morbos complures, quos nec illi ipsi Scriptores, nec quispiam hætenus Medicorum sanare valuerunt.

Quod autem spectat ad *Historiam Morborum*, si quis rem attentius perpendat, facile videbit scribentem ad multo plura animum debere advertere, quàm vulgo existimatur. Quorum pauca hæc impræsentiarum attingere suffecerit.

Primò, expedit ut morbi omnes ad definitas ac certas *species* revocentur, eadem prorsus diligentiam ac *ἀκρίβειαν* quàm id factum videmus à *Botanicis* scriptoribus in suis *Phytologiis*. Quippe reperiuntur morbi, qui sub eodem genere ac Nomenclatura redacti, ac quoad nonnulla symptomata sibi invicem consimiles; tamen & naturâ inter se discreti diversum etiam medicandi modum postulant. *Cardui* quidem nomen ad plures herbarum species extendi nemo nescit: at verò parum accuratè faciet rei herbariæ scriptor, qui generalem hujus plantæ descriptionem, quàm scilicet à cæteris stirpibus discrepat, proponere contentus, propria interim & peculiaris cujusque speciei signa & characteres, quibus ab invicem discriminantur, contempserit. Eodem planè modo nec satis est scriptori communes duntaxat morbi alicujus *πολυειδὲς* apparentias annotasse. Esto sanè non omnibus morbis eandem contingere varietatem; tamen complures esse, qui, licet ab authoribus sub eodem titulo citra ullam speciei distinctionem tractentur, dissimillimâ sint indole, in sequentibus pagellis, uti spero, palam fiet. Imo etiam ubi distributio in species reperitur, id fit plerumque, ut *Hypothesi* alicui, quæ veris Phænomenis substruitur, suus reservetur honos; ac proinde ejusmodi discriminatio non tam ad morbi, quàm ad Authoris ingenium, philosophandique theoriam accommodata est. Quantum Medicinæ obfuerit *ἀκρίβειαν* hac in parte defectus, ostendunt multorum morborum exempla; quorum nempe curationes hodiè non desideraremus, si scriptores,



dum Experimenta & Observationes Medicas benevolo saltem animo communicârint, unius scil. speciei morbus pro alio speciei diversæ substitutus non fefellisset. Atque hinc etiam arbitror profectum esse, quòd materia Medica in sylvam tam immensam, sed fructu perexiguo, excreverit.

Porro autem in scribenda morborum Historia, seponatur tantisper oportet quæcunque *Hypothesis Philosophica*, quæ scriptoris iudicium præoccupaverit; quò factò tum dènum morborum *Phænomena* clara ac *naturalia*, quantumvis minuta, per se accuratissimè adnotentur; exquisitam *Pictorum* industriam imitando, qui vel naves & levissimas maculas in imagine exprimunt. Enim verò dici vix potest, quot erroribus ansam præbuerint *Hypotheses* istæ *Physiologicae*, dum scriptores, quorum animos falso colore illæ imbuerint, istiusmodi Phænomena morbis affigant, qualia, nisi in ipsorum cerebro, locum nunquam habuerunt, debebant autem in conspectum venire, si Hypothesis, quam ipsi pro concessa ac rata habent, constaret veritas. Adde quòd si quando symptoma aliquod, quod cum dicta Hypothesi appositè quadret, revera morbo competat, cuius typum delineaturi sunt, tum illud supra modum evehunt, ac planè reddunt ἐν μὲν ἰδέσθαι, quasi in hoc scilicet totius negotii cardo verteretur: sin Hypothesi minùs congruat, aut prorsus silentio, aut levi saltem pede transmittere consueverunt, nisi fortè beneficio subtilitatis alicujus Philosophicæ in ordinem cogi, ac quoquo modo accommodari possit.

Expedit autem tertio, ut in describendo aliquo morbo peculiaris & perpetua Phænomena seorsim ab *accidentalibus* & adventitiis (qualia sunt, quæ non tantum ob ægrotantium temperiem & ætatem, sed etiam ob rationem medendi diversam variè se habent) enarrentur. Nam sæpè accidit, ut facies morbi variet pro vario medicandi Processu, ac nonnulla symptomata non tam morbo quàm Medico debentur; adeò ut eodem morbo laborantes, sed varià methodo tractatos; varia etiam symptomata exerçant. Unde nisi cautela adhibeatur, necesse est, ut admodum vagum & incertum sit circa morborum symptomata iudicium. Prætereo, quòd *Casus oppidò rari* ad morborum Historiam propriè non pertineant; quemadmodum & in descriptione *Salviae*, v. g. Erucarum morsus inter signa discriminantia istius plantæ neutiquam recensentur.

Denique, *Anni tempestates*, quæ scilicet cuivis morborum generi potissimum faveant, diligenter observandæ sunt. Non inficior nonnullos esse omnium horarum; alii tamen, nec pauciores, occulto quodam Naturæ instinctu, annorum tempora, non secus quàm quædam aves aut plantæ, sequuntur. Sæpè quidem  
subiit



## P R Æ F A T I O.

subiit mirari hoc morborum quorundam ingenium, fatis obvium, à paucis tamen, fuisse hætenus observatum, cum quo sydere stirpes, aut pecudes solemmniter procreentur plurimi curiosius adnotarint. Sed quæcunque sit hujus oscitationis causa, pro certo statuo tempestatum, in quibus ægritudines ingruere consueverunt, notitiam multum Medico prodesse, tam ad speciem morbi dignoscendam, quam ad ipsum morbum extirpandum; atque horum utrumque minus feliciter evenire, ubi istiusmodi observatio negligitur.

Hæc quidem etsi non sola, saltem insigniora sunt, quæ in scribendâ morborum Historia observari convenit. Cujus *Historia* utilitas ad Praxim, omnem æstimationem excedit: ac præ qua subtiles Disquisitiones ac argutiolæ, quibus Neotericorum libri ad nauseam ferè inferciuntur, nullo in numero sunt habendæ. Quâ enim aut compendiosiore aut etiam aliâ viâ, vel causæ morbificæ, quibus obviam eundem est, deprehendi, vel indicationes curativæ elici possunt, quàm certâ ac distinctâ peculiarium symptomatum perceptione? Neque enim ulla est circumstantia tam levis aut exigua, quæ suos vius ad utrumque non habeat. Nam ut demus aliquid varietatis à temperamento individuorum, & tractandi ratione proficisci, nihilominus adeò æquabilis ac sibi ubique similis est naturæ ordo in producendis morbis; ut in diversis corporibus eadem plerumque reperiantur ejusdem morbi symptomata; ac illa ipsa, quæ in *Socrate* ægrotantes observata fuerint, etiam generaliter ad *Hominem* quemcunque eodem morbo laborantem transferri possint; non secus ac universales plantarum Notæ ad omnia cujusque speciei individua ritè se diffundunt. Qui v. g. *Violam* accuratè descripserit quoad colorem, saporem, odorem, ac figuram, cæteraque id genus; omnibus ubique terrarum *Violis*, quæ sub ea specie continentur, Historiam illam in plerisque ferè omnibus convenire faciliè animadvertet.

Et quidem existimo, nos ob eam potissimum causam accuratio-  
ri morborum Historiâ ad hunc usque diem destitui, quia scil. plerique eos pro confusis inconditisque Naturæ, malè se tuentis & de statu suo dejectæ, effectis tantùm habuere, ac proinde laterem lavare crederetur is, qui justam eorundem enarrationem moliretur.

Sed ut ad rem revertamur. Non minus certò etiam à minutissimis morbi circumstantiis Indicationes curativas possit Medicus desumere, quàm ab ejusdem sumpsit Diagnostica. Atque adeo non semel mihi in mentem subjit, quòd si morbi cujuslibet Historiam diligenter perspectam haberem, par malo remedium nunquam non scirem adferre, variis ejusdem Phænomenis viam, quâ mihi



incedendum foret, haud dubiam præmonstrantibus; Quæ quidem Phænomena, si inter se sedulò conferantur, manu quasi ducerent ad Indicationes illas maximè obvias, quæ ex intimo naturæ sensu, non verò Phantasiæ erroribus depromuntur.

Atque his sanè gradibus, & ut ita dicam, his adminiculis ad cælum ascendit, ad medicinæ nempe fastigium. Medicorum ille *Romulus*, nunquam satis laudatus *Hippocrates*, qui hanc Arti Medicæ insuper struendæ solidam ac inconcussam subternens basin, viz, *ῥέσων φύσις ἰντροί*, i. e. *Naturæ morborum medicatrices*, id egit, ut morbi cujuslibet Phænomena aperte traderet: nullâ Hypothesi adscitâ, & in partes per vim adactâ: ut in ejus libris *Morbi, de Affectionibus*, &c. videre est. Regulas etiam quaidam tradidit ex observatione methodi istius, quâ utitur natura tam in morbo provehendo, quàm in eodem amolliendo, natas; cujuscumque sunt *Coactæ Prænotiones, Aphorismi*, & reliqua id genus. Atque in his ferè stetit magna illa Divini senis *Σύγγραμματα*, non ab irritò laicivientis Phantasiæ conamine desumpta, ceu vana ægrorum in omnia, sed legitimam exhibens Historiam earum Naturæ operationum, quas in hominum morbis edit. Cùm verò dicta *Σύγγραμματα* nihil esset aliud: quàm exquisita naturæ descriptio, par erat omninò, ut in praxi eò tantùm collimaret, ut eidem laboranti, quibus posset modis subvenire contenderet; unde etiam non aliam Arti mandat provinciam, quàm ut deficienti naturæ succurrat, effrænem coerceat & in ordinem redigat; utrumque verò hoc, tum passu illo, tum etiam methodo, quibus natura morbum expellere satagit atque amovere: Animadvertenter nempe sagacissimus Vir, quod sola Naturæ *ὡς ῥέσων κείνης, καὶ ἔχοντες τὰ πάντα πάντα*. Atque hæc omnia peragit Natura paucissimis simplicissimisque adjuncta remediorum formulis, alicubi etiam prorsus nullis.

Altera ab hac Methodus, quâ Ars medendi, si quid ego judico, possit ulterius provehi, in eo potissimum cardine vertitur; ut certa aliqua, & consummata undique ac fixa *Methodus medendi* in publica commoda tradatur, eam intelligo, quæ satis magno Experimentorum numero corroborata suffultaque, huic vel illi morbo devincendo suppar invenitur. Neque enim satis esse arbitror, ut successus particulares, sive Methodi cujuslibet, sive etiam Remedii, scriptis prodantur, si neque illa universaliter atque in omnibus scopum attingere deprehendatur, (positis saltem his vel illis circumstantiis.) Contendo verò ego nos æque certò scire debere, hunc illumve morbum expugnatum iri, si huic aut alteri intentioni satisfecerimus, ac certò jam scimus, nos hoc aliove remedii genere huic aut alteri intentioni satisfacere posse: quod quidem licet non semper & ubique, frequentissimè



tamen, καὶ ὡς ἐπὶ τὸ πολὺ votis respondet exhibentium, ita *senna fo-*  
*liis* v. gr. alvum subducimus, *Papavere* invitamus somnum. Non  
 is sum, qui negem, debere Medicum animum diligenter adver-  
 tere ad particularia, tum Methodi, tum Remedii eventa, qui-  
 bus est usus in morborum curatione, & in usus suos reponere,  
 tam ad sublevandam memoriam, quam ut ansas inde arripiat,  
 quibus paulatim peritior evadat Medicus, tandemque post diuti-  
 na, & repetita sæpius experimenta, Methodum sibi figat firmet-  
 que, à qua in hujus aut illius morbi curarione ne hilum sibi rece-  
 dendum putet. Observationes autem particulares in lucem dare,  
 non ita magnam, me iudice, adfert utilitatem. Nam si id tan-  
 tum agit *Observator*, ut nos doceat hunc morbum semel, vel eti-  
 am sæpius huic remedio cefsisse, quid mihi, obsecro, profuerit,  
 si infinitæ ferè medicamentorum decantatissimorum copiae, quæ  
 jamdiu obruimur, adhuc aliud mihi hæcenus inauditum accref-  
 cat? Quòd si repudiatis cæteris omnibus remediorum formulis,  
 huic me unicè addixero, annon innumeris ferè experimentis pro-  
 banda mihi venit ejus vis, innumeræ etiam circumstantiæ truti-  
 pandæ, tum ægrum, tum ipsam Methodum spectantes, ante-  
 quam ex observatione solitaria fructum aliquem queam decerpere?  
 Si *Observatori* nunquam non responderit Medicamentum, quare  
 in particularibus versatur, nisi aut sibi diffidat ipse, aut minuta-  
 tim potius quàm in solido imposuisse orbi videri præoptet? Quàm  
 verò in proclivi sit densissima hujus generis volumina conscribere,  
 nemo vel mediocriter in praxi versatus ignorat; uti nec econtra  
 quàm sit illud difficile, perfectam & confirmatam undique Me-  
 dendi Methodum in quovis morbo condere ac stabilire. Si vel  
 unus tantum per singula mundi sæcula hoc modo unicum tractave-  
 rit morbum, Medendi Ars (quæ Medicorum est provincia) à mul-  
 tis retrò annis ad ἀκμὴν pervenisset, omnibus absoluta numeris,  
 saltem in quantum fert mortalium fors. Quæ verò fundi nostri est  
 calamitas, jamdiu ab antiquissimo & peritissimo duce *Hippocra-*  
*te*, & prisca Medendi Methodo, causarum conjunctarum (utpo-  
 te quæ certò se prodant) cognitioni superstructæ, descivimus;  
 unde est, ut quæ hodiè exercetur, à Logodædalis conficta, con-  
 fabulandi magis sit Ars, quàm Medendi. Sed ne hanc ego dicam  
 temerè imegisse videar, fas mihi sit è via parumper deflectere,  
 quo scilicet evincam Causas illas remotiores, in quibus assignan-  
 dis & in lucem extrahendis hominum Curiosorum & περιγῶν va-  
 næ speculationes unicè desudant triumphantque, prorsus esse ἀνα-  
 αλήτως ac inscrutabiles; solas verò proximas & conjunctas à nobis  
 posse cognosci, atque ab his solis Indicationes curativas esse mu-  
 tuandas.



Observandum est itaque, quod si Humores vel diutius, quam par est, in corpore fuerint retenti, ( quia sc. Natura eosdem concoquere nequeat, ac deinceps expellere; ) vel ab hac aut illa aëris Constitutione labem morbificam contraxerint; vel denique contagio aliquo venenato infecti in ejusdem castra transierint; his inquam modis & his similibus, dicti Humores in formam substantialem, seu *speciem* exaltantur, quæ his aliisve Affectibus cum propria Essentia convenientibus se prodit; quæ quidem symptomatica, licet minus cautis videantur oriri, vel à natura partis, quam humor obsedit, vel à natura humoris ipsius, antequam hanc induerat speciem, nihilominus reverà Affectus sunt ab essentia dictæ speciei in hunc gradum recens evectæ, pendentes. Adeo ut quilibet *morbis specificus* Affectio sit ab hac vel illa specifica Exaltatione; vel specificatione succi cujusdam in corpore animato ortum ducens. Sub hoc genere potest comprehendi maxima pars morborum, qui certum aliquem typum ac formam agnoscunt. Et profectò haud minus se Natura methòdo astringit in his tum producendis, tum maturandis, quàm in *Plantis*, sive etiam *Animalibus*. Quinimò ut cui libet sive Plantæ, sive Animali proprii quidam ac peculiare Affectus competunt, ita se res habet in qualibet succi cujusvis Exaltatione, ubi semel in *speciem* proruperit. Exemplum hujus rei satis luculentum quotidie nobis ingerunt, & ob oculos ponunt variæ istæ Excrecentiarum species, quas Arbores, Fruticeque emittunt, vel ob succi Nutritii perversionem & depravationem vel alias ob causas, in forma scil. *Musci*, *Visci Fungorum*, aliorumque id genus: quæ omnia *Essentia* sunt sive *Species*, à parente, seu Frutice, diversæ planè atque distinctæ. Et sanè qui seriò atque ad amussim pensitaverit *Φαιβόπνευ* illa, quæ Febrem v. g. *Quartanam* comitantur; Quod viz. rere semper sub Autumno ingreditur; quod certum ordinem ac typum ubique servat, revolutiones periodicas quarto quoque die non minus certò repetens, quam suas repetit Horologium, sive aliud quoddam ejusmodi *αὐτομάτως*, ( nisi ab accedente aliquo extrinsecus adveniente hic ordo perturbetur; ) quod cum rigore ac notabili frigoris sensu aggreditur, quem excipit caloris perceptio non minus sensibilis, quæ tandem in sudore effusissimo terminatur; quod denique morbus hic, quemcunque demum invaserit, vix ante *Vernum Aequinoctium* abigi poterit & fugari; Qui hæc, inquam, omnia pensiculatius trutinaverit, haud minus firmis rationibus inducetur, ut credat, morbum hunc *speciem* esse, quàm sunt illæ, ob quas credit Plantam esse speciem, quæ parem semper ad normam è terra nascitur, floret, interitque, atque in reliquis afficitur pro ratione Essentiæ suæ; neque facile comprehendi



di potest, quâ fiat ut hic *morbis* oriatur à combinatione sive principiorum, sive qualitatum evidentium; cum *planta* substantia ac species distincta in rerum natura ubique agnoscatur. Illud interim non diffitemur, quòd cum species sive Animalium sive Plantarum singulæ (demptis perpauca) per se subsistant, istæ Morborum Species ab his dependent humoribus, à quibus generantur.

Tametsi verò ex jam dictis constare videatur morborum plerorumque causas inscrutabiles prorsus esse, ac ἀνεξιχνύστες, non tamen insolubilis erit illa questio, *Quo pacto sanari possint?* cum de causis remotioribus nos hoc asseramus: Nemo autem est qui non videat curiosos istos speculatores in causis primo primis ferè ac remotissimis indagandis, ac in lucem (ut ut invitâ Minerva ac reclamante naturæ sensu) protrahendis operam perdere; immediatas verò & conjunctas, ceu ante pedes jacentes, contemnere, quæ tamen necessario debent cognosci, & possunt etiam, sine ficulneis hujusmodi adminiculis; cum Intellectui se apertè sistant, vel proprii sensus testimonio, vel Anatomicis Observationibus ab aliis jampridem factis, resectæ. Atque ut impossibile planè est, ut Medicus eas morbi causas ediscat, quæ nullum prorsus cum sensibus habent commercium, ita neque est necesse; abundè enim sufficit, ut sciat, unde immediatè oritur malum, talesque ejus effectus atque symptomata, ut inter hunc aliumque morbum hujus non dissimilem, valeat accurate distinguere. In *Pleuritide* v. g. diu atque incassum se fatigabit aliquis, nec tamen mente assequetur pravam illam Crasin & malè coherentem sanguinis texturam, quæ prima est hujusce mali origo; qui verò causam à quâ immediatè producitur rectè cognoverit, & ab aliis morbis quibuscunque ritè valeat distinguere, non minus certò curandi scopum attinget, etiam neglectâ otiosâ istâ atque inutili remotissimarum causarum indagine. Sed hæc ὡς ἐν

παρόδῳ

Jam verò si quærat aliquis, an ad prædicta in Arte Medica desiderata duo (Veram scilicet & Genuinam morborum *Historiam*, & certam confirmatamque medendi *Methodum*) non etiam accedat tertium illud, Remediorum nempe *Specificorum Inventio*? Assentientem me habet & in vota festinantem. Etsi enim *Methodus* sanandis morbis *Acutis* maximè accommoda mihi videatur, quibus exigendis cum natura ipsa certum aliquem Evacuationis modum statuerit, quæ cunque *Methodus* eidem fert opem in promovenda dicta evacuatione, ad morbi sanationem necessario conferet; optandum est tamen, ut beneficio *specificorum*, si quæ talia inveniri possint, æger rectiori semitâ ad sanitatem proficeret; & (quod majoris etiam momenti est) extra alcam malorum, quæ sequuntur aberrationes istas, in quas sæpe invita dilabitur Natura in morbi causâ



expellenda, (ut ut potenter & doctè ei ab assistente Medico subveniatur) possit collocari.

Verùm quod ad morbos *Chronicos* sanandos attinet, licet nihil dubitem ultiores in medendo profectus vel à sola *Methodo* posse sperari, quàm qui in primam statim cogitationem incurrant, attamen plus iatis constat deficere illam in curatione *Chronicorum* aliquot vel maximè spectabilium inter eos, quibus homines urgentur; quod ob hanc præcipuè causam usu venit, quia scil. Natura in hujuscemodi morbis non habet Methodum tam efficacem, quàm materiam morbificam foras ejiciat, [perinde atque in *Acutis*] quò nos cum eadem manus jungentes & ad debitum dirigentes scopum, morbum debellare valeamus. In vincendo itaque morbo Chronico is demum jure meritoque Medici nomen sibi vindicat, penes quem est ejusmodi medicamentum, quo morbi *Species* possit destrui: non qui id tantum agit, ut è primis secundisque qualitatibus nova aliqua introducatur, & prioris subeat vicem; quod fieri quidem potest non extinctâ specie: v. gr. calefieri potest, aut refrigerari, qui *Podagrâ* laborat, vigente adhuc *podagrâ*, necdum devictâ. Methodo hâc, quàm diversæ tantum qualitates introducuntur, morbi *Specifici* non magis immediatè perdomantur, quàm ignis gladio extinguitur. Quid enim, obsecro, Calor, Frigus, Humidum, Siccumvè, aut è secundis qualitatibus, quæ ab his pendent, alia aliqua ad morbi curationem faciet, cujus essentia in harum nullâ consistit? Si quis hic objecerit, satis magnum Remediorum Specificorum numerum jamdiu nobis innotescere, hunc ipsum, si examen paulò diligentius instituerit, in oppositas partes facile transiturum confido, cùm unicus *Cortex Peruvianus* à suis militet. Toto enim cœlo distant, quæ huic allive *Indicationi Curativæ* specificè respondent Medicamenta, cui si faciamus satis morbus abigitur; & quæ hunc aliumve *Morbum* specificè atque immediatè persanant, nullo habito respectu ad hanc aut illam Intentionem sive Indicationem Curativam: v. gr. *Mercurius* & *Sarsæ radices* in *Lue Venerea specificæ* vulgò audiunt, quæ tamen pro specificis propriis atque immediatis non debent haberi, nisi argumentis satis validis atque irrefragabilibus possit confici, *Mercurium* nullâ excitata *Salivatione*, *Sarsæ* verò radices sine motis *sudoribus* tam egregiam operam præstitisse. Ad hanc pariter normam alii etiam morbi allis Evacuationibus curantur, cùm tamen quæ adhibentur Remedia, non magis propriè competant immediatæ curationi istorum morborum, qui eis sanantur Evacuationibus, quibus faciendis ejusmodi remedia maximè propriè designantur, quàm *Scalpellum Phlebotomum Pleuritidis*; quod tamen nemo opinor *Specificum* hujus morbi facile appellaverit.



*Specifica* proinde medicamenta, si ad hanc mentem nostram restringantur, non cuius homini contingunt, neque oscitantibus temerè se ingerunt; nullus tamen dubito, quin in exundanti illa plenitudine, quâ turget Natura diffluitque, ita iubente *Optimo Maximo* rerum omnium *Conditore*, in singulorum præservationem prospectum pariter sit de curatione malorum magis insignium, quæ homines vexant; idque pro foribus, & in patrio cujuslibet iolo. Et sanè dolendum est *Plantarum* naturam nondum magis exploratò nobis innotescere; quæ mihi videntur reliquæ omni, quâ pater, *Materiæ Medicæ* palmam præripere, & quæ inveniendorum, de quibus jam diximus, Remediorum uberrimam nobis spem faciunt: Cum *Animalium* partes cum humano corpore nimium convenire videantur, nimium dissidere *Mineralia*; unde est quod Mineralia Indicationibus potentiùs respondere, quàm vel plantas vel ex animalibus delumpta, lubens fateor; at non specificè tamen mederi, eo quo diximus sentu ac modo. Me quod spectat, non hîc aliud mihi sumo præter laborem ac tædium hæc atque hujusmodi diu multumque jam per aliquot annos animo verlandi, necdum mihi tam feliciter cessit, ut cum prudenti fiducia, quæ de his cogitaverim, in publicum dare ausim.

Quantumlibet verò mihi præ cæteris arrideant *Plantæ*, non tamen is sum, qui eximia illa Medicamenta ex alia tribu desumpta, quæ vel hoc, vel alio aliquo sæculo hominum industriâ arque labore Intentionibus aptè respondentia reperta fuere, contemniam. Inter quæ primum sibi locum vendicant, quæ nomine *Guttarum Doctoris Godard* insigniuntur, & à Viro *Doctissimo & solertissimo* tam Methodi quàm Remediorum indagatore, *Domino Doctore Goodall* præparantur; quorum vim ac efficaciam in attingendo, ad quem vulgò diriguntur, scopo, cæteris quibusque *Spiritibus Volatilibus* jure præfero.

Coronidis loco, cum in hac introductione fuerim pollicitus, me daturum specimen eorum, quæ in hujus Artis augmentum ut cunque conatus sum; fidem liberare jam tentabo in tradendis *Historiâ Curationeque Acutorum Morborum*. Qua in re licet satis advertam, me supinis atque ignorantibus fructum omnem eorum, quos per meliores vitæ annos corpore animoque exant lavi laborum, expositurum, malum tamen pessimi hujus sæculi genium satis habeo perfectum, ut non aliam ex hac semente, quàm convitiõrum atque contumeliarum messem expectem; Meque famæ meæ longè melius consuluisse, si inanem aliquam atque inutilem speculationem commentatus fueram. Hoc verò mihi perinde est: Mercedem aliunde præstolor. Si quis hîc objiciat alios æquè in hac artè versatos non idem mecum de his rebus sentire; meum non est, quid sentiant alii, disquirere, sed meis observationibus adstruere fidem, quod ut faciam,



faciam; Lectoris patientiam desidero tantum, non favorem. Res ipsa etenim brevi loquetur, an fideliter & sincero animo hinc egerim, an econtra ad instar sceleratissimi hominis morumque profligatissimorum, homicidam me præstiterim vel in terra defossus. Illam tantum mihi veniam peto, quod minus accuratè quàm proposueram morborum Historiam ac Curationem descripsero; cum non tam metam figam, quàm animos jis addam, qui feliciore ingenio præditi ad hoc opus posthac se accingent, quod jam ego imperfectè molior.

Unum adhuc restat; de quo monendus est Lector, mihi in animo non esse, sequentes paginas infinito particularium observationum numero distendere, quibus Methodo ibidem traditæ fidem astruam: Frustra enim & cum tædio Lectoris repeterentur ista singulatim, quæ in summas contraxi. Satis autem habui ad calcem Observationis cujuslibet Generalis (saltem quæ ad annos nuperos spectat) Particularem hinc illic adnectere, quâ Methodi præcedentis medulla contineretur. Hoc interim spondeo, nullam à me Methodum Generalem fuisse evulgatam, quæ experienciâ reiteratâ non est stabilita, atque confirmata.

Sed & spe frustrabitur, qui ingentem Remediorum, seu Formularum sylvam hinc expectaverit, cum Medici judicio permittatur, ut pro re natâ jis utatur; mihi sufficit innuisse, quibus Indicationibus satisfaciendum est, quo etiam ordine & tempore; Etenim in eo præcipuè stat Medicina Practica, ut genuinas Indicationes expiscari valeamus, non ut remedia excogitemus, quibus illis satisfieri possit; quod qui minus observabant, *Empiricos* armis instruere, quibus Medicorum opera imitari queant.

Quod si quis objecerit, me in aliquibus non tantum medicamentorum pompæ renunciasse, sed ea insuper remedia proposuisse, quæ ad materiam medicam vix possit referri, adeò sunt simplicia atque inartificiosa; vulgaribus tantum opinor ac plebeiis animis hac in re displicebo. Norunt enim Sapientes, Bona ea esse omnia, quæ sunt utilia, atque *Hippocratem*, dum Folium usum in *Ileo* sanando proponit, & in *Cancro* nihil prorsus agendum precipit, (atque ejusmodi alia, quæ in singulis ferè pagellis scripta leguntur,) non minus benè de re medica meruisse, quàm si pomposius remediorum formulis omnia implevisset.

In animo erat & *Chronicorum* morborum *Historiam* tradere, eorum saltem, quos frequentissimè tractaveram, sed cum operosius id sit, cumque harum, quas jam edo, Lucubrationum fortunam experiri primùm libuerit, impræsentiarum supersedendum mihi esse duxi.



# AUTHORI, IN TRACTATUM EJUS DE FEBRIBUS.


**F** Ebriles æstus, victumque ardoribus orbem  
 Flevit, non tantis par Medicina malis.  
 Nam post mille artes, Medicæ tentamina curæ,  
 Ardet adhuc Febris, nec velit arte regi.  
 Præda sumus flammis; solum speramus ab igne,  
 Ut restet paucus, quem capit urna, cinis.  
 Dum quærit Medicus Febris causamque modumque,  
 Flammarum & tenebras, & sine luce faces;  
 Quas tractat patitur flammæ, & Febrè calescens,  
 Corruit ipse suis victima rapta focis.  
 Qui tardos potuit morbos, artusque trementes  
 Sistere, Febrili se videt igne rapi.  
 Sic faber exesos fulsit tibicine muros,  
 Dum trahit antiquas lenta ruina domos.  
 Sed si flamma vorax miseras incenderit ædes,  
 Unica flagrantés tunc sepelire salus.  
 Fit fuga, tectonicas nemo tunc invocat artes,  
 Cum perit artificis non minus usta domus.  
 Se tandem Sydenham Febrisque Scholæque furori.  
 Opponens, Morbi quærit, & Artis opem.  
 Non temerè incusat tectæ putredinis ignes;  
 Nec fictus, Febres qui fovet, humor erit.



Non bilem ille movet, nulla hic pituita: Salutis  
 Quæspes, si fallax ardeat intus aqua?  
 Nec doctas magno rixas ostentat hiatu,  
 Quæis ipsis major Febribus ardor inest.  
 Innocuas placidè corpus jubet urere flammæ,  
 Et iusto rapidos temperat igne focos.  
 Quid Febrim extinguat, varius quid postulat usus,  
 Solari ægrotos quâ potes arte, docet.  
 Hactenus ipsa suum timuit Natura calorem,  
 Dum sæpè incerto, quo calet, igne perit:  
 Dum reparat tacitos malè provida sanguinis ignes,  
 Prælusit busto, fit calor iste rogos.  
 Iam secura suas foveant præcordia flammæ,  
 Quem natura negat, dat Medicina modum.  
 Nec solum faciles compescit sanguinis æstus,  
 Dum dubia est inter spemque metumque salus;  
 Sed fatale malum domuit, quodque astra malignum  
 Credimus, iratam vel genuisse Stygem.  
 Extorsit Lachesi cultros, Pestique venenum  
 Abstulit, & tantos non sinit esse metus.  
 Quis tandem arte novâ domitam mitescere Pestem  
 Credat, & antiquas ponere posse minas?  
 Post tot mille neces, cumulataque funera busto,  
 Victa jacet parvo vulnere dira Lues.  
 Ætheriæ quanquam spargant contagia flammæ,  
 Quicquid inest istis ignibus, ignis erit.  
 Delapsæ cælo flammæ licet acrius urant,  
 Has gelida extinguere non nisi morte putas?  
 Tu meliora paras victrix Medicina; tuusque,  
 Pestis quæ superat cuncta, triumphus erit.  
 Vive liber, victis Febribus ignibus; unus  
 Te simul & mundum qui manet, ignis erit.

J. LOKC A. M. Ex æde  
 Christi Oxon.





# OBSERVATIONVM MEDICARVM

CIRCA

## MORBORVM ACVTORVM

Historiam & Curationem

### SECTIO PRIMA.

#### CAPUT I.

##### *De Morbis Acutis in genere.*

**D**ICTA T ratio, si quid égo hic iudico, Morbum, quantumlibet ejus Causæ humano corpori adversentur, nihil esse aliud quàm Naturæ conamen, materiæ morbificæ exterminationem in ægri salutem omni ope molientis. Cum enim hominum genus, ita volente supremo rerum omnium arbitro ac moderatore *Deo*, variis impressionibus, forinsecus advenientibus, excipiendis aptum natum sit, fieri non potest quin idem variis etiam malis fuerit obnoxium: quæ quidem partim ab istis aeris particulis nascuntur, quæ, cum corporis humoribus malè convenientes in idem se insinuaverint, nudo sanguini permistæ, corpus omne morbifico afflant contagio; partim à variis fermentationum generibus, vel etiam putrefactionibus humorum, qui in corpore ultra justum tempus ideo sunt commorati, quia scilicet jisdem digerendis primùm, dein excernendis, vel ob nimiam eorundem molem vel qualitatem incongruam, suppar idem non fuit. Hisce rerum circumstantiis ita intimè essentiae humanæ intertextis complicatisque, ut nemo quisquam se ab aliis in solidum queat liberare, Na-  
tura



tura de ejusmodi methodo, ac symptomatum concatenatione sibi prospexit quibus materiam peccantem atque alienam, quæ totius Fabricæ compagem aliter solveret, è suis finibus possit excludere. Quamlibet autem frequentius longè quàm fierit cernimus, illum, ad quem remediis hisce ingratis collimat, sanitatis scopum attingeret, nisi ab ignaris a recto quem tenet cursu detorqueretur, verumtamen cum sibi relicta vel nimio opere satagendo, vel etiam sibi deficiendo hominem letho dat, ferreæ illi atque insolubili mortalitatis legi obsequitur cui debemus nos nostraque. Recte enim *Boethius*, atque ex rerum sensu.

*Constat eternâ positumque lege est,*

*Constet ut genitum nihil.*

Sed ut instantiâ unâ alterave jam dictorum veritatem asseramus, Ipsa *Pestis* quid, obsecro, aliud est quàm Symptomatum complicatio, quibus utitur natura ad inspiratas unâ cum aere particulas ~~per~~ *per* emunctoria, Apostematum specie vel aliarum eruptionum opera, ex uti udas? Qui *Arthritidis* nisi Naturæ providentia ad senum sanguineum, atque expurgandum corporis profundum, ut cum *Hippocrate* loquamur? Potest & idem affirmari de plerisque aliis morbis perfectè formatis.

Jam verò nunc hoc munere celerius fungitur natura, nunc verò tardiùs, provariâ methodo quâ causam morbificam deturbare nititur. Nam cum *Fbris* opem deposcit, quâ adjutrice particulas inquinatas à sanguine divulsat, divulsasque progressu adhuc ulteriori per Sudores, Diarrhœam, Eruptiones, aut aliam istiusmodi evacuationem expellat; cumque in sanguinis massâ corpore pertenui ac fluido res omnis peragatur, idque motu partium violentiore, necesse omnino est, non solùm ut subitò vel in salutem ægri vel in mortem determinetur (prout sc. Natura vel materiam morbificam Criticè norit solvere, vel ab eadem oppressa fatiscat) sed etiam ut pejora vehementioraque symptomata se ubique comites adjungant. Atque hujusmodi plane sunt morbi isti quos *Acutos* appellamus, qui velociter sc. atque cum impetu & periculo ad statum moventur. Quamvis, si minus accuratè, haud tamen minus verè loquamur, isti etiam morbi pro Acutis sint habendi, qui, licèt respectu Paroxysmorum, si omnes simul sumantur, tardiùs moveant, respectu tamen Paroxysmi cujuslibet particularis, citò atque etiam Criticè ad finem perveniunt, quales sunt Febres intermittentes omnes.

Ubi verò continens morbi materia ejus est indolis ut febrem in partes suas pertrahere non valeat ad dictæ materiæ separationem universalem; aut cum hujusmodi materia parti alicui affigitur quæ eidem explodendæ prorsus est impar, sive ob propriam conformationem (uti se res habet in materia Morbificâ *Paralyticorum* nervis impactâ, in materia item suppurata in civitate Thoracis *Empyricorum*) vel ob defectum caloris naturalis & spirituum, [ ut cum Pituita in pulmones decidit vel Senio vel Tussi diuturniore labefactatos ] vel denique ob continuum materiæ novæ affluxum, quâ sanguis viatus & ad ejusdem eliminationem unicè dispositus, partem obruit gravatque:



que : In his , inquam , casibus , vel tardè admodum ad coctionem pervenit materia , vel non omnino ; adeoque morbi ab hujusmodi materia concoctili provenientes *Chronici* & nuncupantur & sunt : A duobus his itaque principiis sibi invicem contrariis , de quibus modò egimus , morbi alii *Acuti* , alii verò *Chronici* exurgunt.

*Acutos* quod spectat , quos impræsentiarum tractare mihi est animus , eorum alii à secretâ atque inexplicabili Aëris alteratione hominum corpora insufficientis , gignuntur , neque à peculiari sanguinis & humorum crasi omnino dependent , nisi quatenus occulta aëris influentia dictis corporibus eandem impresserit : Hi durante arcanâ illâ aëris constitutione nec ultrâ pergunt lacerare , neque alio ullo tempore invadunt. *Epidemici* hi dicti sunt.

Acutorum alii ab hâc vel illâ particulari corporum particularium *ανωμαλία* oriuntur , qui cùm à causa magis generali non producantur , ideo neque plures simul corripiant. Hi insuper *Acuti* quibus liber annis & quolibet anni tempore indifferenter invadunt ; exceptis tamen jis quæ dicemus , ubi de genere hoc peculiariter agetur. Hos ego *Acutos Intercurrentes* sive *Sporadicos* appello , quia nullo non tempore contingunt quo *Epidemici* grassantur. Ab *Epidemicis* primum exordium mihi sumam , generalem eorundem historiam ante omnia proponens.

## C A P U T I I.

## De Morbis Epidemicis.

**N**ihil quicquam , opinor , animum universæ quâ patet Medicinæ pomœnia perlustrantem tantâ admiratione percellet , quàm discolor illa & sui plane dissimilis Morborum Epidemicorum facies , non tam quâ varias ejusdem anni tempestates , quàm quâ discrepantes diversorum ab invicem annorum *Constitutiones* referunt , ab jisque dependent. Quam tam aperta prædictorum morborum diversitas tum propriis ac sibi peculiaribus symptomatis , tum etiam medendi ratione ; quam hi ab illis disparem prorsus sibi vendicant , satis illucescit. Ex quibus constat , Morbos hosce , ut ut externâ quadante-nus specie & symptomatis aliquot utrisque pariter supervenientibus convenire paulò incautioribus videantur , re tamen ipsâ , si bene adverteris animum , alienæ admodum esse indolis , & distare ut *Ara Lupinis*. Haud equidem satis scio , an diligentius examen ( quali ritè instituendo vix unius hominis brevis ætas par esse videatur ) nos edoceret , Epidemicorum alios continuâ quadam serie , ceu facto circulo , alias semper excipere ; an verò omnes indiscriminatim nulloque servato ordine , pro occulta Aëris diathesi & inexplicabili temporum ratione , mortales incessere. Hoc saltem pro comper-to habeo ex multiplici accuratissimarum observationum fide , prædictas morborum species , præsertim Febres continuas ita toto , quod ajunt ; cælo differre , ut quâ Methodo currente anno ægrotos liberaveris , eâdem ipsâ an-



no jam vertente forsitan è medio tolles: quodque, ubi semel in genuinam Medendi rationem, quam hæc vel illa Febris species sibi vendicat, auspicato inciderim, ad eundem scopum collinans (favente, ut fit, optimo Numine) metam quasi semper attingam, respectu ad temperamentum, ætatem & reliqua ejusmodi ulquequaque habito, donec extinctâ illâ specie novoque gliscente malo, anceps rursus hæreo, quâ mihi viâ insistendum ut ægris subveniam, ac proinde nisi ingenti adhibitâ cautelâ intentisque omnibus animi nervis, vix ac ne vix quidem possum efficere ne unus aut alter eorum, qui se primi meæ curæ commiserint, vitâ periclitetur, donec investigato jugiter tandemque perispecto morbi genio, ad eundem perdomandum recto pede & intrepidus denuo procedam.

Quamvis autem diversas diversorum annorum habitudines, quoad manifestas aeris qualitates, maximâ quâ potui diligentia notaverim, ut vel exinde causas tantæ Epidemicorum vicissitudinis expiscarer, me tamen ne hilum quidem hæcenus promoveri sentio; quippe qui animadverto annos quoad manifestam aeris temperiem sibi planè consentientes, dispari admodum morborum agmine infestari, & viceversâ. Ita enim scres habet. Variæ sunt nempe annorum *Constitutiones*; quæ neque calori, neque frigori, non sicco humidove ortum suum debent, sed ab occultâ potius & inexplicabili quadam alteratione in ipsis terræ visceribus pendent, unde aër ejusmodi effluviis contaminatur, quæ humana corpora huic aut illi morbo addicunt determinantque, stante scilicet præfatæ Constitutionis prædominio, quæ exacto demum aliquot annorum curriculo faceffit atque alteri locum cedit. Unaquæque harum Constitutionum generalium propriâ ac peculiari sibi Febris specie funestatur, quæ extra illam nusquam comparet, cujusmodi Febres idcirco *Stationariæ* nobis audiunt.

Adhæc sunt & particulares quædam ejusdem anni, ut ita, dicam, Crases, in quibus licet secundum manifestas aeris qualitates, ejusmodi Febres quæ generaliore anni Constitutionem sequuntur magis minusve Epidemicè grassentur, vel seriùs ocysive ingruant; præ cæteris tamen ejusmodi Febres, quæ omnibus in universum annis competunt (quas idèò *Intercurrentes* voco) ab hoc illove manifesto aeris temperamento ortum ducunt; verbi gratiâ, *Pleuritis*, *Angina*, & reliquæ ejusdem farinae, quæ à subito calore, intensius ac diuturnum frigus statim excipiente, plerumque invadunt. Potest itaque fieri, ut sensibiles aeris qualitates ad illas quidem Febres producendas faciant, quæ in qualibet constitutione se exerunt; non verò ad illas alias quæ certæ alicui constitutioni quasi propriæ ac peculiæres existunt: Fatendum tamen est; prædictas aeris qualitates corpora nostra ad huius illiusve morbi Epidemici generationem magis minusve disponere; quod & de quocunque errore circa *sex res non naturales* dictum volo.

Animadvertendum autem est, Epidemicorum alios in hoc aut illo anno regulariter & eodem semper modo se habere, jisdem planè phænomenis & conformi symptomatum agmine in plerisque ferè omnibus quos adoriuntur, sti-



patos, atque eâdem prorsus viâ sibi fugam & exitum parantes. Ex his itaque tanquam in suo genere perfectissimis, vera & certa Morborum Epidemicorum Historia ediscenda est atque tradenda.

Sunt vero alii aliorum annorum Morbi, qui licet Epidemicorum insigniantur nomine, enormes tamen sunt & perquam *anormali*, utpote qui nulli se Typo patiuntur astringi, & revera mali sunt moris, tum quoad incertam symptomatum varietatem certissimamque dissimilitudinem, tum quoad methodum quâ se ipsi expediunt & amoliuntur. Hæc tanta illorum disparitas exinde oritur, quod scilicet quælibet Constitutio morbos parit; à morbis ejusdem generis, qui alio tempore grassabantur, multum abludentes, quod non tantum in Febris locum habet, sed in plerisque aliis Epidemicis.

Neque hic finitur *Orestes*: restat enim & aliud paulò subtilioris *Scenopææ* luxuriantis, si fas est dicere, naturæ lusus; quod nempe idem morbus in ipsissima anni constitutione varia sæpe & dissimili se facie ostentat, quod ad tempora attinet Principii, Status, & Declinationis; quod quidem tantum potest esse momenti; ut pro ejus arbitrio Curativæ Indicationes ponendæ sumendæve fuerint.

Porro observandum est, Epidemicos quoscunque in duos omnino ordines dispesci; *Vernos* dico, & *Autumnales*: & quamvis fieri potest, ut alia qualibet anni tempestate subnascantur, ad illam tamen sunt relegandi, Ver Autumnusve fuerit, quam proximè contingunt: Accidit enim nonnunquam, aëris temperiem cum Epidemicorum aliquo in tantum conspirare, ut, eo fauctore, antetempus sibi debitum miseros invadat, & è contra est, ubi tam parum illis inter se convenit, ut corpus præ-dispositum non nisi aliquandiu post aggrediatur. Cum itaque *Ver* dico vel *Autumnus*, non de ipso statim *Æquinoctio*, sive *Verno* sive *Autumnali*, ad amissim loquor.

Epidemicorum, qui *Verno* tempore grassantur, alii maturè admodum se ingerunt, mense scilicet *Januario*, & exinde pedetentim increbescentes circa *Æquinoctium Vernale* ad Statum perveniunt, à quo sensim imminuti circa *Solstitium Æstivum* evanescent, nisi quod paucissimi postea forsitan hunc illumve petant. In horum numero sunt *Morbilli*; ut & *Febres Tertianæ Vernales*, quæ, licet seriùs aliquanto emergant, *Februario* nempe, tamen apperentes *Æstivo Solstitio* pariter se subducunt. At verò alii *Vere* orti, & de die in diem invalescentes non nisi sub *Æquinoctium Autumnale* statum indipiscuntur, quo præterlapso paulatim cedentes tandem adventante brumali frigore vertuntur in fugam; hujusmodi sunt *Pestis* ipsa, & *Variolæ*, istis annis quibus eorum utervis aliorum morborum prædominio fuerit potitus.

[*Cholera Morbus* ex Epidemicorum Autumnalium familia, mens. *Augusto* exorsus, intra angustos unius mensis cancellos conclusus percurrit sua tempora, Sunt tamen alii qui eadem tempestate prognati usque ad hyemem excurrunt, v. gr. *Dysenteria*, *Febres Quartanæ*, & *Tertianæ Autumnales*, Hi omnes utut eorum aliquos quos semel invaserint longiori vel breviori tempore affligant, plerum-



que tamen intra duorum mensium spatium & nomen & Epidemicorum naturam prorsus amittunt.

*Febres* autem speciatim quod attinet, observandum est, maximam earum partem, quæ *Continuæ* sunt nulla hucusque nomina, in quantum à Constitutionis generalis Influentia pendent, obtinuisse, appellationes autem quibus dignoscuntur ab insigni aliqua alteratione sanguini impressâ, vel evidentiori symptomate mutuari. Hac ratione *Putridæ* dicuntur, *Malignæ*, *Petthechiales*, &c. Quandoquidem verò singula fermè constitutio præter has quas parturit Febres, ad alium morbum aliquem magis Epidemicum eodem tempore propagandum proclivis est celebrioris nominis, cujusmodi sunt *Pestis*, *Variolæ*, *Dysenteria*, &c. non satis video, cur istiusmodi Febres non potius sortirentur nomina à Constitutione, quatenus horum morborum alterutri producendo faver, eodem illo tempore quo comparebant, quàm à qualibet sanguinis alteratione, vel symptomate particulari, quæ diversæ speciei febribus pari jure possunt competere. *Intermittentes* verò nomina sibi desumunt ab intervallo Paroxyfmi interjecto, atque hoc quidem charactere satis discriminantur, si variarum etiam anni tempestatum quibus contingunt, Veris sc. & Autumnii, habeatur ratio. Licet nonnunquam earum aliquæ de Intermittentium natura revera participant, nullo charactere admodum visibili easdem prodente. Ut cum præmaturæ *Julio* mense, v. gr. Intermittentes Autumnales ingrediuntur atque increbescunt, non statim genuinum Typum induunt, (quod intermittentes Vernis quidem solemne est) sed continuas Febres ita per omnia imitantur, ut nisi castigatissimo utrasque examine trutinaveris, ab invicem discriminari non possint, at retuso paulatim Constitutionis impetu, & frænata vi, jam in Typum regularem migrant, atque exeunte Autumno, larva abjecta, Intermittentes se esse, quales ab initio reapse fuerunt, palam fatentur, sive Quartanæ illæ fuerint, sive Tertianæ; quod si non diligenter animadverterimus, cum magno ægrorum nostrorum malo medicantes hallucinabimur, dum hujusmodi Febres, quæ ex Intermittentium numero sunt, pro Continuis veris & genuinis habeantur.

Porro, quod sedulo advertendum, quum plures aliquot horum morborum eundem fatigent annum, unus eorum aliquis reliquorum prædominio potitur, cæteris in ejus quasi ditionem reductis, & parcius id temporis sævientibus, ita ut illo augescente imminuantur hi, eodemque rursus imminuto, mox recrudescant. Atque ita vicissim mortales laceffunt, prout anni genius & sensibilis aëris temperies huic aut illi magis sufragantur. Qui verò morbus circa Æquinoctium Autumnale maximopere furit & cumulatissimam edit stragem, totius anni Constitutioni nomen impertit suum; quisquis enim fuerit morborum, qui ea tempestate præ cæteris invaluerit, principatum omnium qui isto anno invadunt obtinuisse facile deprehendetur, cujus ingenio Epidemici, quotquot sunt, σύχροναι se accommodant, in quantum eorum fert natura; v. gr. cum *Variolæ* eo tempore latissimè depopulantur, Febris toto anno sparsim oberrans ejusdem planè inflammationis est particeps, quæ



Variolas parit. Uterque nempe Morbus ad eandem ferè normam adoritur, maximaque inter maximè propria utriusque Symptomata intercedit cognatio, (excepta Variolarum eruptione, & reliquis, quæ ab illa pendent) ut ex ingenti illo tum ad spontaneos sudores, tum ad salivam excernendam propensione, in qua utrisque convenit, abundè constat. Pariter, cum *Dysenteria* dicto tempore præcipuè fuerint grassatæ, Febris, quæ eo anno infestat, earundem indolem non leviter æmularur, nisi quod illæ causam morificam per sedes eliminant, & pauca alia exinde nascantur symptomata, ) quodrum à consimili utriusque morbi insultu, tum etiam quòd utroque malo correpti Aphthis similibusque invicem symptomatibus admodum sint obnoxii, satis evincitur. Et sanè *Dysenteria* de quâ agitur, ipsissima illa Febris est; hoc tantùm discrimine, quòd introvertatur & in intestina se exonerans per eandem viam sibi faciat. Notandum autem est, Epidemicorum illum principem, qui sub *Æquinoctio Autumnali*, ceu rupto aggere torrens, omnia straverat, ingruente hyemis frigore intra suum se alveum condere: cum exadverso Epidemici inferioris ordinis, qui sub eo merentur, tunc temporis præsertim ingravescant & rerum potiantur, donec dictus anni princeps eorum vires denuò frangat & deleat nomen.

Postremò observandum est, quoties Constitutio aliqua varias Epidemicorum species parit, singulas has species genere ab illis differre, quæ cum idem planè nomen sortiantur, aliâ tamen Constitutione generentur. Quotcunque sint autem Species illæ peculiare, quæ in una eademque Constitutione invadunt, in communi unâ atque generali causâ singularum productrice, omnes conveniunt, hâc scilicet aut alia aëris Diathesi peculiari; & ex consequenti quantocunque ab invicem, quoad Typum & Formam specificam, intervallo distent, Constitutio tamen omnibus communis subjectam singularum materiam ad ejusmodi conditionem atque statum effingit formatque, ut præcipua symptomata, quæ ad particularem evacuationis modum nihil attinet, omnibus paria sint; singulis etiam in hoc conspirantibus, ut eodem pariter omnes tempore & intendunt sævitiam & remittant. Notandum est insuper, quibus annis variæ illarum species grassantur uno eodemque tempore, eas omnes modo quo primùm agrediuntur, atque invasionis symptomatis consentire.

Hinc itaque cernere est, variam admodum & accuratam naturæ methodum, quam ad morborum generationem adhibet, quam nemo hominum arbitror, hactenus pro rei dignitate satis observando est assecutus. Atqui ex pauculis hisce omninò conficitur (cum specificæ Popularium morborum differentie, nominatim Februm, arcane annorum constitutioni innitantur) incassum desudare illos, quotquot diversarum Februm rationes à causâ morifica in humano corpore aggesta deducunt; nam liquidò pater, quemlibet, pancreaticè licet valentem, si certa quædam hujus nostræ regionis loca adeat, Febre ibidem grassante intra dies aliquot laboraturum: vix autem credibile sit, manifestam aliquam mutationem ab aëre præfati viri humoribus tam brevi intervallo iri. Neque minus difficile est, generales regulas Febris his debel-



landis accommodare & certos aliquos limites figere, quos ultra citraque progredit, aut in jisdem consistere, non liceat. In hac itaque tam spissa rerum caligine, nihil mihi prius est, quàm quando novæ Febres grassari incipiant, cunctari paulisper, & ad magna præsertim remedia non nisi suspensò pede ac tardius procedere; diligenter interim illatum ingenium atque morem observare; quibus itidem præsidiorum generibus ægri juventur vel lædantur, ut quamprimum his repudiatis, illis utamur,

Verbo dicam, Epidemicorum Species omnes juxta Phænomenon suorum varietatem in classes redigere, ac characteres cujusque idiopathicos enucleare, nec non propriam medendi rationem unicuique sigillatim accommodare, ut res est multi otii ac summè ardua, ita etiam cum nullo certo (aut saltem nondum explorato) annorum ordine emergant, ad justum de jisdem observationum apparatus congerendum fortassè unius Medici ætas non suffecerit. At verò hic labor, ut ut sit improbus, prius est exantlandus, quàm nos aliquid memoratur dignum in extricanda tam multifaria horum morborum serie præstitisse jure possimus gloriari.

At verò quibus demum modis rationem reddemus distinctarum specierum *Epidemicorum*, qui non tantum, quatenus saltem nobis liquet, fortuito incursant, sed etiam qui uno anno aut certa aliqua annorum serie jisdem sunt generis, anno alio specie ab aliis aliis distinguuntur? Nulla hîc mihi unquam methodus æquè commoda est visa atque illa, quæ per sufficientem annorum numerum protensa, eodem illos ordine describeret, quo se invicem excipiebant & insequabantur. Quod ut jam pro meo modulo efficiam, Historiam & Curationes Epidemicorum, qui ab anno 1661 ad Annum usque 1676 (per 15. videlicet annorum spatium,) depopulabantur, ex accuratissimarum, quas mihi facere licuit, observationum fide orbi erudito tradam. Cum mihi impossibile planè videatur, effectum id dare, vel causas eorundem exortus assignando à manifestis aëris qualitatibus desumptas, vel multò etiam minus à particulari aliqua dyscrasia in sanguine atque humoribus, nisi in quantum secretæ aëris influentiæ illa deberetur. Quin & magis adhuc, si fas est dicere, impossibile fuerit Variorum Epidemicorum Species tradere, qui a specificis aëris alterationibus oriuntur, quantumvis in proclivi illud esse videatur, istis videlicet qui Februm nomina attexere norint notionibus, in speculatione istarum alterationum, quæ in sanguine humano atque ejus humoribus per hanc illamve principiorum degenerationem fieri possunt, malè fundatis. Quo quidem pacto, cum non naturam sequamur, optimam semper ducem, sed conjectandi libidini indulgeamus, tot nobis erunt morborum species, quot comminisci placuerit: Eam nobis interim arrogamus licentiam, quam nemo facilè Botanico concesserit, à quo in describenda Plantarum Historiam sensuum requirimus testimonium, ac fidem, non rationis Commentationem, quantumlibet istâ polleat, atque aliis longè antecellat.

Haud equidem tantum mihi sumo, ut me in his, quæ jam trado, omnem absolvisse numerum existimem, fortè ne in recensenda quidem universa



Epidemicorum familia ; multo minus in me recipio , ut qui morbi elapsis , de quibus nobis sermo est , annis , ordine infra dicendo se mutuò exceperunt , venturis sæculis eundem perpetuo servaverint , Unum hoc molior , ut quo pacto hæc se res habuit nuper , astipulante paucorum aliquo annorum observatione , enarrem , quod ad has scilicet regiones spectat & hanc in qua degimus Urbem , ut meum , quale quale sit , symbolum conferam ad opus inchoandum , quod , si quid ego iudicando valeo , in maximum humani generis emolumentum cedit , ubi tandem à Posteris , quibus integrum Epidemicorum curriculum venientibus anni sibi invicem succedentium intueri dabitur , ad umbilicum perducetur.

## CAPUT III.

*Constitutio Epidemica annorum 1661, 62, 63, 64, Londini.*

**A**Nno 1661 Febres Autumnales Intermittentes , quæ jam ab aliquot retro annis obtinuerant , de novo vires redintegrabant ( *Tertiana præsertim mali moris* ) sub initio Julii , & quotidie increbrescentes , mense Augusto quàm immanissimè debacchabantur , inque multis locis , correptis ferè integris familiis , maximam hominum stragem edebant ; dein verò sensim decrescientes superveniente hyemis frigore extinctæ sunt , perpaucos Octobris mense aggressæ. Quæ dictæ Tertianæ famulabantur Symptomata , illa ab Intermittentium Tertianarum aliorum annorum Symptomatis , his præsertim discriminabantur. Ægri Paroxysmus atrocior , lingua magis nigra siccaque , extra paroxysmum *ἀπυρεξία* obscurior , virium & appetitûs prostratio major , major item ad paroxysmum ingeminandum proclivitas , omnia summata Accidentia immaniora , ipseque morbus quàm pro more Februm Intermittentium funestior. Si quando ætate proveciores , aut etiam Cachecticos invasisset , quibus pariter vena secta , aut aliæ quævis evacuationes minuissent vires , nunc ad duos nunc ad tres menses perdurabat , *Quartana* , rariores licet , Febres jam descriptas comitabantur , utrisque verò primum brumæ imperium non sustinentibus ( neminem enim , ante intractum , feriebant ) subsequuta est *Febris continua* , ab intermittentium Autumnalium genio in hoc tantum abhorrens , quod hæc stasis solum temporibus , illa continenter urgebat. Etenim eodem fermè modo ægros adoriebantur ; qui utrisque pariter vehementer laborabant , vomituriabant , cum partium externarum siccitate , siti , linguæ nigredine ; & sudoribus sub morbi finem materia morbifica in utrisque promptissimè exterminabatur. Quinimò vel hinc liquebat , Febrim hanc ad Autumnalium Intermittentium classem attinere , quod rarò admodum surgente anno comparet. Dicta itaque Febris Continua Intermittentium quasi compendium quoddam : & è contra singuli earum Paroxysmi compendium hujusce mihi videbantur ; atque adeò discrimen in hoc maximè versari , quod *Continua* conceptam semel effervescentiam *convulsis* eodemque



semper tenore perficerent; *intermittentes* autem partitis vicibus ac diversis temporibus eâdem defungerentur. Quanto autem jam tempore prædicta Febris continua invaluerat dicendo non sum, quum mihi hætenus satis fuerat ad generalia Februm Symptomata attendere; utpote qui nundum vel juxta varias annorum crases, aut ejusdem anni varia tempora easdem distinguere posse animadverteram. Hoc saltem scio, unicam fuisse *Continuam* Febris speciem usque ad annum 1665, ac *Intermittentes Autumnales*, quæ ad illum usque annum frequentes incurfabant, jam deinceps rarissimas occurrisse.

Sed ut ad rem redeamus: *Febris illa Tertianæ*, quæ dicto anno omnia longè lateque fuerat prædata, eodem elapso intra angustiores limites se continuit: insequentibus verò Autumnis *Quartanæ* Epidemicis reliquis prædominabantur, stante hac æris Constitutione. Quartanis semper post Autumnum vena contrahentibus, *Febris continua* (quæ per hoc omne tempus, parcius licet se immiscuerat) jam inclementius debacchabatur ad usque ver, quo tempore *Febres Intermittentes Vernales* succedebant, quibus ad Calendas Maii pariter fatiscentibus, *Variolæ* hinc & inde sparsim se ostendebant, quæ denuò ad conspectum *Epidemicorum Autumnalium* (Febrem continuam volo & quartanas) terga dabant victoribus. Hoc ordine Morbi Epidemici integram hanc æris Constitutionem pervadebant, & se mutuò insequentur. De his mihi sermo erit in specie, & nominatim tum de Febre hac, tum etiam de Intermittentibus, sive Ver sive Autumnum attinerent, quibus hæc constitutio præ cæteris infamabatur.

Telam ordiar ab hac *Febre Continua*, quæ aliarum, quotquot sunt, omnium præcipua & Coryphæa mihi videtur, eo quod Natura in hac præ aliis quibuscunque uniformiter & ad eandem ferè normam tum Materiam Febrificam ad debitam Concoctionem perducit, tum coctam certo ac præfinito tempore exigit eliminatque. Ad hæc, quandoquidem illæ annorum constitutiones, quæ Intermittentes Autumnales promovent, communibus annis multo sæpius recurrant, quàm illæ, quæ ad cæteros Epidemicos faciunt, necessario sequitur, ut quæ illas comitatur Febris Continua frequentius accurreret.

At præter Symptomata, quæ cæteras Febres stipabant, dicta Febris sequentibus insuper urgebatur: Ager plerumque animam tantum non agebat, vomituriebat, lingua sicca & nigra ingens ac subitanea virium consternatio, & partium externarum siccitas. Urina ubique vel crassa, vel tenuis, utraque ex æquo cruditatis indicium. In morbi declinatione, Diarrhœa, nisi fortè Medicus principio obstitisset, superjungebat, unde Morbus pervicacior redditus diutius affligebat. Sed suoapte ingenio ac propria indole vix ultra diem 14, vel 21. perdurabat, quo primum tempore, oborto sudore vel potius leni madore, morbus solvebatur. Neque prius Urinæ Coctionis signa prodebant, quod jam ut plurimum eveniebat. Quin & alia superveniebant Symptomata, quoties hic morbus minus peritè tractabatur. At verò tum hæc, tum etiam omnis morbi genius clarius elucescent, ex peculiari Me-



thodo, quam olim, huic Febri accomodaveram, quam itaque hac transferam, (saltem quod ad rem nostram apprimè faciat) prout jamdudum typis evulgaveram, Quo quidem tempore nondum mihi innotuerat, aliam aliquam Febris speciem in rerum natura inveniri.

## C A P U T IV.

*Febris Continua Annorum, 1661, 62, 63, 64,*

1. **P**rimò quidem adverto inordinatam illam massæ sanguineæ commotionem Febris hujus seu causam, seu comitem, à natura concitari, vel ut heterogenea quædam materia in eadem conclusa, ac ipsi inimica seceratur; vel ut sanguis in novam aliquam diathesin immutetur.

Atque in hoc negotio magis arridet latius & generalius *Commotionis* vocabulum, quàm vel *Fermentationis*, vel *Ebullitionis*; quippe quod inanis λογισμὸς occasionem præscindat, quam fortassis istiusmodi voces (quæ etiam si explicationem non incommodam admittant, tamen minus propriæ, ac non nihil duriores nonnullis videntur) haud satis caverent. Quamvis enim Cruoris in Febribus *commotio*, liquorum vegetabilium alias *fermentationem*, aliàs etiam *ebullitionem* æmuletur; non desunt nihilominus, qui eandem non uno modo ab utraque plurimùm differre arbitrantur. De *Fermentatione* unum alterumve ab illis sumatur exemplum. Primò, licet fermentescentia liquida vinosam quandam indolem ita nancisci soleant, ut spiritum ardentem ex ipsa distillatio eliciat, atque in acetum facilè desciscant, quod ipsum insigni acore pollet, & spiritum acidum destillando exhibet; neutram tamen ejusmodi mutationem in sanguine hætenus observatam fuisse contendunt.

Deinde adverti volunt, quod cum in liquoribus vinosis *fermentatio* & *depuratio* eodem tempore peragantur, & quasi paribus passibus procedant, *depuratio* tamen sanguinis in Febribus ejusdem *estuationem* non comitetur, sed consequatur, id quod in paroxysmo febrili per sudores, soluto, vel oculorum testimonio, patere existimant.

Quod autem ad *Ebullitionem* attinet, difficilior illis hæc videtur analogia, quæque experientiam habet summopere refragantem, in multis nimirum casibus, quoties non adeò effrænis est cruoris, orgasmus, ut *Ebullitionis* appellationem mereri possit. Verùm utut sit, (neque enim hisce controversiis me ullatenus immisceri patiar; ) quandoquidem *Fermentationis* & *Ebullitionis* vocabula apud recetiores Medicos plurimùm invaluerunt, ego quoque eadem subinde usurpare non dubitaverim dummodo ex jam dictis satis constet voces istas in hoc Tractatu clariori solummodo dicendorum explicationi inservire.

Porro febrilem hanc sanguinis commotionem ob materiæ cujusdam heterogeneæ, ipsique naturæ adversantis, secretionem ab eadem concitari, omne genus febrium, quæ eruptionibus stipantur, testatum facit, utpote in quibus,



istius ebullitionis sanguinis beneficio, sit excretio ad cutim excrementi in eodem latitantis, & pravâ qualitate affecti,

Quinimo nec, meâ quidem sententiâ, minus liquet, febrilem sanguinis commotionem sæpè (ne dicam sæpiùs) non aliò collineare, quàm ut ipse sese in novum quendam statum, & diathesin immutet, hominemque etiam, cui sanguis purus & intaminatus perstat, febris corripi posse; sicuti in corporibus sanis evenire, frequenti observatione compertum est, in quibus nullus apparatus morbificus vel quoad plethoram, vel quod cacochymiam fuerit, nulla insalubris aëris anomalia, quæ febris occasionem subministraret. Nihilominus etiam hujusmodi homines, præcedente insigni aliquâ aëris, victûs, cæterarumque rerum non-naturalium [ut vocant] mutatione, identidem febre corripiuntur, propterea quò eorum sanguis novum statum, & conditionem adipisci gestit, qualem ejusmodi aër aut victus postulaverint; minimè verò quòd particularum vitiosarum in sanguine stabulantium irritatio, febrem procreet. Etsi nequaquam dubitem materiam in sanguinis despumatione post febrilem commotionem, solemniter excretam, vitiosam esse, quamvis sanguis laudabilem antea diathesin obtinuerat (id quod vix magis mirandum est, quàm quòd esculentorum portiones aliquot corruptæ & fœtidæ evadât, postquam insignem in corpore alterationem subierint, ac jam à reliquis segregatæ fuerint.

II. Secundo ita mecum reputo, Indicationes veras, ac genuinas, quæ in hoc morbo consurgunt, in eo versari, ut sanguinis commotio intra modum naturæ proposito congruentem, sistatur; eâ nimirum ratione, ut nec hinc plus æquo gliscat, unde periculosa symptomata insequi solent, nec illinc nimium torpeat, quo pacto vel materiæ morbificæ protrusio impediretur, vel sanguinis novum statum affectantis labefactarentur conatus. Adeò ut sive materiæ heterogeneæ irritanti, sive cruori res novas molienti febris ortus debeat. Indicatio utrobique eadem existat. Hisce positis fundamentis Therapiæ methodum hoc ritu instituo,

Quoties mihi cum ægris res est, quorum sanguis vel per se imbecillior existit, [uti fere in pueris] vel justâ spirituum copia destituitur (ut in decliviori ætate, atque etiam in juvenibus diuturno aliquo morbo confectis) à venæ sectione manum tempero. Enimverò si Phlebotomiam his imperarem, sanguis etiam num citra ejusmodi imminutionem plus satis debilis, desputationi suæ obeundæ prorsus impar redderetur; unde totius massæ perversio, ac proinde forsân ipsius ægri interitus sequeretur (quemadmodum si cerevisiæ aut alius cujusvis musti fermentatio intempestivè sistatur; liquores illi vitium plerumque contrahunt] Quippe particularum, quas semel exterminare cœperit, quæque, tametsi dum reliquæ cruoris massæ æquabiliter immiscerentur, puræ extiterant, jam vero putredinem deterrimam acquirere, & cæteros humores gravi inquinamento inficere habiles evaserint, consortium natura ferre amplius non potest. Quanquam haud me lateret ægros temeraria sanguinis missione mulctatos, convenientium Cardiacorum usu aliquando servari, sanguinemque ad tenorem defæcationi suæ peragendæ doneum restitui posse. Sed præstiterat plagam non infligi, quam sanari.



Attamen ubi in contrariæ indolis sanguinem incido, qualis in juvenibus athletico habitu & temperamento sanguineo præditis reperiri consuevit, primum in curatione locum Phlebotomiæ attribuo; quæ (præterquam in casibus inferius memorandis) sine salutis periculo hæc omitti nequit. Nam aliàs non solum præ nimia sanguinis ebullitione, Phrenitidum, Pleuritidum, aliarumque id genus inflammationum periculum immineret, sed præ copia etiam, impeditio omnimoda Circulationis, & torius massæ quasi strangulatus consequeretur.

Mensuram quod attinet, mihi solemne est eam duntaxat sanguinis quantitatem detrahere, quantum conjicere liceat, quæ ægrum ab incommodis, quibus immodicam ejusdem commotionem obnoxiam esse diximus, incolumem præstet. Æstuationem verò illam deinceps rego ac moderor, Phlebotomiam vel repetendo, vel omittendo, Cardiacis calidis vel insistendo, vel parcendo, ac denique alvum vel laxando, vel compescendo, prout motum illum vel efferari, vel languescere animadverto.

Post Venæ sectionem (siquidem ipsa juxta casus præmemoratos necessaria fuerit) sollicitus sedulusque inquirō, nunquid ægrum vel vomitus, vel inanis aliqua vomendi propensio sub Febris initium inturbaverit. Id si contigerit, omnino medicamen *Emeticum* præscribo, nisi vel ætas tenella, vel insignis aliqua debilitas ægri ab eo temperandum suaserit. Sanè Vomitorium propinare, ubi istiusmodi prægressa est vomendi proclivitas, adeò est necessarium, ut nisi humor ille expellatur, in sentinam complurium malorum difficultum sit abiturus, quæ crucem figent Medico toto durante medicationis tempore ægrumque in haud leve periculum conjicient. Ex horum præcipuis, & maxime solitis est *Diarrhæa*; quæ ut plurimum in defervescentia Febris consequitur, quotiescunque Emetica, quando ea suadebat indicatio, omissa fuere. In febris quippe progressu, ubi malignum in ventriculo humorem nonnihil subegerit Natura, & ad intestina amandaverit, illa ab acri humore ex hoc in stomacho fonte perpetim scaturiente usque adeò corroduntur, ut non possit non insequi *Diarrhæa*. Observavi nihilominus in Febribus inflammatoriis, quæ malignæ vulgò habentur, omissionem Vomitorii, tametsi talis vomendi propensio præcesserit, *Diarrhæam*, quemadmodum in hac Febre, necessariò, non inferre; sed de ista re plura in sequentibus.

Jam autem in eo versatur istiusmodi *Diarrhææ* periculum, quòd æger satis jam morbo debilitatus, enervatur ulterius, & præterea (id quod majoris est in ipsius noxam momenti) in febris declinatione, quo tempore contrahere se sanguis, ac viam suam exerere debebat ad despumationis officium peragendum, penitus præpeditur hac emissionem.

Jam verò nequid dubites humorem hunc in ventriculo nidulantem, nisi fortè vomitu eliminetur, hanc Tragædiam (*Diarrhæam* dico) quasi ex insidiis aliquanto post daturum, inquisitione instituta nunquam fere non comperies, siquando Febrim hanc *Diarrhæa* comiteretur, ægrum in morbi principio in vomitum proclivem fuisse, nec tamen Emericum fuisse propinatum. Porro etiam



etiam compertum habebis, etiamsi proclivitas illa ad vomendum jampridem præterierit, Diarrhœam tamen quamprimùm Vomitorium exhibueris plerumque cessaturam; dummodo Emetico ferendo pares fuerint ægri vires: Sæpiùs autem observavi Diarrhœâ semel oborrâ, medicamenta adstringentia vel nihil omninò, vel parùm admodum ad eandem sistendam conferre, sive introsumpta, sive exteriùs applicata.

Emeticum, quale passim à me propinatur, hujusmodi ferè est: *℥ Infus. Croc. Metall. 3vj. Oxy mel. Scillit. & Syr. Scabios. comp. āā. 3ß. M. F. Emet.* Quod hauriri jubeo tempore pomeridiano, duabus horis post leve prandium. Verùm quò tutiùs, ac felicius vomitio subsequutura succedat, illud etiam in mandatis habetur, ut *Zythogala ℥vj.* vel viij, sint in promptu, quippe quòd periculosa sint ista medicamenta, nisi copiosè diluantur: Ideoque quoties vomuerit æger, aut alvum exoneraverit, è vestigio sumendus erit haustus: quo facto, & inania illa tormina præcaventur, & vomendi conatus auspiciò procedunt.

Sæpe miratus sum dum fortè materiam vomitu rejectam aliquando curiosè contemplabar, eamque neque mole valde spectabilem, nec parvis qualitatibus insignem, quâ factum fuerit, ut ægri tantum levaminis exinde senserint; Nempe vomitu peracto, sæva illa symptomata (nausea, v. c. anxietas, jactationes, suspiria luctuosa, linguæ nigredo, &c.) quæ & ipsos excruciant, & adstantes perterrefecerant, mitigari solent ac solvi, quodque morbi reliquum est *indolens* tolerari.

Illud hîc loci non omittendum erit, si ægri conditio utrumque auxilium postulaverit [Venæsectionem intelligo, & Vomitorium] tutum omnino esse, ut Venæsectio Emetici exhibitionem præcedat; aliàs enim dum vasa sanguine distenta sunt, periculum imminet ne ex violentis illis vomendi conatibus vel rumpantur vasa pulmonum, vel Cerebrum lædatur, affuso cum impetu sanguine atque effuso, adeoque æger Apoplexia correptus pereat. Cujus rei quamvis historias aliquot commemorare possim, illis tamen hic supersedere visum est. monuisse contentus maxima hac in re cautela utendum esse.

Siquis autem quærat, quo tempore Febris Vomitorium exhiberi velim, dico, In ipso planè Febris initio, siquidem optio daretur, Emeticum propinarem: ita enim fiet, ut ab horrendis illis symptomatibus, ex humorum in ventriculo, locisque vicinis delitescentium illuvie ortum ducentibus, ægrum præmuniamus; imo vero & fortasse in ipsis quasi incunabilis opprimamus morbum, qui alias cum ægroti periculo grandescet, ac longævus evadet; nutritus nimirum dictis illis humoribus, qui vel substantia sua in penitiores corporis partes transmissi cum sanguinis massa commiscentur, vel ex ipsa mora pejores facti, atque venenata pravitate inquinati, ex foco suo jugiter per transeunti sanguini malignam auram afflabunt. Hujus rei (ne longius abeamus) Cholera morbus exemplum nobis exhibet; fit enim aliquando ut intempestiva opera vomitum in illo morbo cohibere satagentes (sive illud Laudano fiat, sive adstringentibus medicamentis) eo cohibito non minus periculosa



culosam malorum catervam invehant. Humores enim acres corruptique, quorum exclusionem tantisper permittere oportuerat ut satis evacuarentur, hoc pacto repulsi vires suas, ac sævitiam in sanguine exercent, febremque accendunt, quæ ut mali moris, & gravibus symptomatis stipata esse solet, ita nisi propinato Emetico, tolli vix poterit, etiam ægro jam nequidem vomituri-  
ente.

Quod si nobis [ ut sæpe fit ] sero accersitis non licuerit Emeticum propinando, ægrorum saluti sub febris initium consulere certè tamen convenire existimaverim ut quovis morbi tempore illud fiat, modo vires eo usque morbos non attriverit, ut Emetici vim ferre jam amplius nequeant. Equidem ego die febris duodecimo vomitum imperare non dubitavi, etiam cum æger vomituri-  
re desiisset, neque sine fructu: Eo namque Diarrhœam sustuli, quæ sanguinem in peragenda despumatione impedivit; quin & serius idem facere minimè dubitarem, nisi viriam attrittarum ratio prohiberet.

Vesperis, celebrata jam vomitione, semper illud ago ut tumultum ab Emetico in humoribus excitatum consopiam, & quietem conciliem; ideoque sub noctem, vel hora somni Paregoricum quempiam hastum exhibere jubeo. Ex g. *℞ Aqua. papav. rhead. ℥ij. aq. Mirab. ℥ij. syr. de mecon. & syr. papav. errat. aa. ℥ss. M. F. Haustus.*

At si vel ob copiosam sanguinis jacturam, quam curationis decursu passus est æger, vel ex movendi frequentia, dejectionibusque in Emetici hujus usu factis, vel ex præsentis ejusdem ἀπορροή, vel ex debilitate ejus, vel ex Febris jam declinantis vetustate, nullum jam supersit in posterum concitandæ nimæ Ebullitionis periculum; tum metu procul habito, vice haustus præscripti, Diascordii satis largam dosin vel impermixti, vel aquæ alicui Cardiacæ sociati exhibere jubeo. Præclarum sane Medicamentum, modo ea quantitate exhibueris, quæ remedii potius quam tituli mensuram impleat.

Hic autem loci, priusquam de Emeticis dicendi finem faciam, prætereundum non est, omnino tutum non esse [ saltem in hac Febre ] Vomitoria ex infus. Croc. Metall. parata, puerulis, ullisve infra adolescentiam constitutis vel minima quantitate exhibere. Optarem equidem ut illius loco alia nobis tutiora, sed satis interim efficacia suppetere, quæ humorem hunc in febris declinatione ferè semper Diarrhœam minitantem radicitus extirpare possit, vel saltem ut medicamento aliquo idoneo acrem istam materiam, ejusque vim corrosivam ita mutare liceret, ac retexere, ut commovere Diarrhœam nequireret. Sæpiùs profectò mihi molestum illud accidit, quòd ad infantes, puerosque febre correptos accersitus, indicationem conspexi, quæ quidem medicamento usum suavitatis cujus ope extra periculum collocari potuissent, quod tamen exhibere, veritus infelicem exitum, non sum ausus. Verùm in adultis nullam inde noxam hæctenus observavi, modò cum cautionibus prædictis Emeticum propinetur.

Vomendi exantlato negotio, illud mecum ulteriùs disquirere soleo, utrum evacuationibus prægressis non obstantibus, sanguis etiamnum adeò exæstuet,



ut illius effervescentiæ limites adhuc ponendi sint, ac sufflumen addendum; an vero eosque elanguerit ut indigeat incitamento; vel denique, an Fermentatio ad gradum idoneum, ac debitum reducta permitti sibi absque ægri periculo possit. De horum singulis nonnulla mihi dicenda sunt.

1. Itaque si sanguis eo usque exæstuet ut merito adhuc suspicari liceat, ægrum vel Phrenitidi, vel alii alicui molesto symptomati, ex nimia sanguinis ebullitione prognato, obnoxium esse, postridie Emetici exhibiti *Enema* præscribo. Ut *℞ decocti communis pro Clystere ℥ij. Syr. Violarum & Sacchari calinaris aa. ℥ij. M. F. Enema.* Idemque repeti, pro re nata jubeo, quo sæpe fit ut sanguine nonnihil ventilato refrigeratoque, illius effervescentia satis compescatur. Interdum tamen usu venit, ut Venæ sectionem etiam semel adhuc atque iterum repetere necesse sit, nempe in temperamentis admodum sanguineis, & ætate florentibus, aut in jis qui nimio vini usu inflammatoriam quandam diathesin sanguini suo impresserunt. Verum plerumque tanto, tamque insigni remedio (quale quidem est repetita Venæ-lectio) non opus est; ac proinde, si prædictos casus exceperis, effervescentiam illam Enematum adminiculo satis reprimemus. Quare si sanguis nimium æstuet, atque effervescat, singulis, vel alternis diebus, prout res postulaverit, Clysterem injici jubeo, idque ita fieri ad decimum usque morbi diem vel circiter. Verumtamen si magna vis sanguinis missa fuerit, vel æger sit ætate provectâ, tunc temporis Enemata nulla impero, etiam si sanguis multum efferbuerit. In his etenim casibus, uti metendum non est, ne omissis Clisteribus, ebullitio concepta eo usque procedat, ut insignis alicujus, & infesti symptomatis periculum immineat; ita certissimum est, eorundem usu sanguinis rebur, ac vim, atque (ut ita dicam, etsi minus proprie) tonum relaxari, eatenus quidem, ut in senibus præcipuè (neque enim illis Enemata tam prospere, ac juvenibus cedere solent) Naturæ opus interturbetur, atque impediatur. Quod si vena secta quidem fuerit, sed non multum sanguinis emissum, tunc, uti dixi, Clysteres ad usque decimum, plus minus diem impero; nonnunquam etiam ad usque duodecimum; quod in illis præsertim obtinet, quibus sanguinem demere non audeo. Sunt enim, qui post intermittentes Autumnales (sive Tertianæ fuerint illæ, sive Quartanæ,) febribus continuis, ex purgationis, in præcedentis morbi fine, defectu, corripuntur; His si sanguinem miseris, periculum est, ne sedimentum illud, quod prægressa fermentatio deposuerat, in massam sanguineam resorbeatur, novasque turbas excitet. Venæ-sectionis itaque loco, rebus ita se habentibus, Clysteribus utor, & quidem ad diem usque duodecimum, modo æger sit juvenis, atque fermentatio nimis exaltata.

2. Verum è contrario, si Venæ-sectionem adhibueris, si ve omiseris, si sanguinis effervescentia nimis elanguescat, adeoque stimulo egeat, ne Naturæ juvendæ impar fuerit, tunc equidem si Clysteribus etiam ante diem decimum, multoque magis eo præterlapso, prorsus abstinendum arbitror. Quorsum enim jacentem jam, & nimis elanguidam fermentationem ulterius compescere atque reprimere conaremur? Quod si vero post tempus illud, in mor-



morbi nempe declinatione, Clysteribus utaris, profecto non minus absolum id fuerit, atque ab omni ratione alienum, quam si quis effervescenti Cerevisiæ nimis amplum spiraculum aperuerit: Etenim aperto illo spiraculo præpeditur Natura, quo minus ad morbificæ materiæ separationem unitis viribus incumbat. Postquam igitur vel mediantibus evacuationibus idoneis, atque opportunis, æger *ἐξ αὐτῶν* positus fuerit, quantum ad illa symptomata attinet quæ ex nimia ebullitione nascuntur, vel morbus jam declinaverit, quanto magis astrictam illi alvum præstitero, tanto magis eam extra periculi aleam colloco; nempe febrili materia ad sui concoctionem suaviter, ac blande propendente. Quocirca si præcedentes, evacuationes, sanguineæ massæ quasi laxitatem quandam induxerint, vel inducere minentur, vel æger ante debitum tempus febre levatus fuerit, vel etiam febris ad ultimam suam periodum pervenerit, non solum Enemata procul haberi volo; sed & Cardiacorum opem atque auxilium suggerendum arbitror, atque mox ad alvum adstringendam memet accingo.

*Cardiaca* vero quod sepectat, quoniam usu mihi compertum est, eadem propere nimis exhibita non contemnendam noxam inferre (vena scilicet non dum secta metuendum est ne materia cruda adhuc existens in Cerebri membranas, &c. aut pleuram decumbat) ideo curæ mihi semper est, ne Cardiacæ exhibeantur, dummodo vel nihil omnino, vel parum sanguinis emissum, nullaque alia insignior evacuatio facta fuerit, aut æger ætatis viguorem nondum exegerit, neque enim video, quorsum sanguis ejus per se satis locuples, ulterius in ipsius perniciem ditesceret: Locuples autem atque opulentus satis est, neque succendiculis eget, quamdiu evacuationes insignes calorem ejus insitum non prostraverint. Hujusmodi ægris domi nascuntur Cardiacæ, & quæ foris adduntur, aut frustranea sunt, aut etiam damnosa: quapropter ego vel nulla omnino, vel saltem levissima permiserim. Interim vero si æger ex profusis evacuationibus lassus & languidus, vel ætate fuerit provectus, solemne mihi est, Cardiacæ vel in ipso febris initio propinare; Morbi autem die duodecimo, negotio tunc temporis ad secretionem vergente; medicamentis calidioribus liberalius indulgendum censeo, imo paulo maturius idem fieri potest, modo non metuendum sit, ne febrilis materia in partes principes præceps agatur; Namque hoc tempore quò magis calefecerim, eò magis concoctionem acceleravero. Neque reverà cogitando assequi possum, quid sibi velint Medici, cum sua præcepta toties ingeminant, de remediis ad promovendam febrilis materiæ concoctionem administrandis, id quod in morbi initio accersiti sæpè faciunt; nihilominus tamen eodem ipso tempore medicamenta ejusmodi imperare non dubitant, quæ febrim scilicet attemperare possint. Profecto enim est Febris ipsa Naturæ instrumentum, quo partes impuras à puris secernat: hoc illa modo planè imperceptibili præstat ab initio, atque etiam in *ἀρχῇ* morbi, verum in ejusdem declinatione apertius, atque manifestius idem opus aggredditur, id quod ex urina cernere licet. Materiæ febrilis *concoctio* nihil aliud reverà significat, quàm peccantis materiæ à sana separationem. Hanc igitur



ut acceleres, non satagendum nescio quibus attemperantibus, sed Febris effervescentia tamdiu permittenda est, quamdiu salus ægforum passa fuerit, cum autem finem spectat, atque declinationem, secretionem jam conspicuam, tunc quidem calidioribus medicamentis illam à tergo insequemur, ad rem eò celerius ac certius perficiendam. Atque hoc reipsa est, febrilis materiæ concoctionem promovere; cum evacuationes & refrigerantia moras nectant, & curationem impediant, ipsamque sanitatem jam appropinquantem abigunt, uti sæpius à me fuit observatum.

Si fermentatio satis progrediatur, despumatio circa diem decimum quartum perageretur: Verum si refrigerantia quælibet seriùs adhibueris, atque ita eorum ope effervescentia sufflaminetur, mirum non est, si febris ad diem vicesimum primum, quin & in effœtis corporibus malè tractatis multò longius excurrat.

Illud porro observatu dignum est, quandoque accidere, ut æger Clysterum aliorumve catharticum usu circa declinationem morbi intempestivè præscriptorum, parùm alleviari videatur, imò nonnunquam Apyrexiam omnimodam frui, post diem autem unum alterumve senties, non tam pristinam febrim vires suas redintegrasse, quàm novam accendi, rigor nimirum, atque horror subito invadet, quem mox excipiet calor atque febris, idem stadium (nisi forsitan in intermittentium classem se reponat) decursura, quod in præcedentibus monstratum fuit. Cum ita se res habeat, non aliter tractandus est æger, quàm si antea febre non detentus fuisset, verum quoad res agendas calcata jam vestigia repetenda; despumatio enim, quæ cœptæ jam ebullitioni debetur, non nisi prædicti temporis, scilicet 14. dierum spatio perageretur, utcumque molestum fuerit ægro, à prægresso morbo satis jam debilitato, eousque sanitatem expectare.

*Cardiaca*, quæ adhibeo, passim sunt ejusmodi, quæ statim subindicabo, quorum *moderatiore* utor in morbi principio, æstuatione maximè fervente; gradatim ad usum calidiorum, juxta morbi progressum, vel ebullitionis gradus pergens; semper memor licere, siquidem multum sanguinis missum, vel æger senex fuerit, ut Cardiaca fortiora administrentur, quàm cum vel nulla præcesserit Venæsectio, vel æger ætate floruerit.

*Moderata* autem illa quæ dixi, Cardiaca fiunt ex aquis stillatitiis (*verb. gr.*) Borag. Citr. Scord. compos. fragor. Theriacal. cum admixtis Syrup. Melissophyl. Fernel. Caryophyl. & de succo Citr. &c. *fortiora* vero ex pulver. è Chel. Cancro. Comp. Bezoar. Confect. de Hyacinth. Theriac. Androm. aliisve ejusdem indolis. Quæ sequuntur in frequenti usu sunt.

℞ Aq. borag. citri, Scordii compos. & cerasor. nigr. aa. ℥ij. aq. cinamomi hordeati ℥i. margarit. preparat. ℥ij. sacchari crystallini q. s. Misce, summat cochl. iiij. sæpius in die, præcipuè in languoribus.

℞ Aq. totius citri, & fragor. aa. ℥iiij. aq. cord. frig. Saxon. ℥i. aq. theriac. stillat syr. melissophyl. Fernel. Caryophyl. & de succo citri, aa. ℥ss. Misce. f. Iulapium, de quo capiat sæpius.

℞ Pulv. è chelis cancrorum compos. lap. bezoardici Oriental. & Occiden-  
talis.



tal. contrayerva, aa. ℥j. fol. auri n. j. Misce, f. pulvis subtilissimus :  
Capiat ad quant: gr. xij quoties opus fuerit, ex syr. è succò citri, & Ca-  
ryophyll. aa ℥ij. superbibendo cochl. aliquot Iulap præscript.

4 Aq. theriac. stillat. ℥iiij. semin. citri ℥ij. contundantur simul & f. Emul-  
sio. Colaturæ adde sacchari perlati q. s. ad gratum saporem, sumat cochl.  
2. ter in die.

Plures vero formulas recensere supervacaneum arbitror, quoniam & in-  
numeræ sunt, aut esse saltem possunt, & in morbi decursu juxta varia ejus  
tempora, ac diversa symptomata variandæ sunt.

3. At si Fermentatio neque nimium æstuet, neque langueat, eam in  
isto gradu relinquo, nec ullis remediis utor, nisi ægrorum, vel amico-  
rum quibus stipantur, importunitas à me aliquid extorqueat, quod ipsis  
citra instituti, & scopi mei fraudem placeat.

Atque hoc loco non prætermittam, me sæpius ad *tenuis conditionis ho-  
mines*, quorum crumena prolixo apparatusi Medico ferendo non erat, ac-  
cerditum, nil fecisse aliud post Venæ sectionem, & vomitionem peractam [ si-  
quidem eas postulasset indicatio ] nisi quod ipsis præscriberem, ut toto morbi  
tempore lecto defixi, non nisi juscula avenacea, & hordeacea vel similia hau-  
rissent; tenuem cerevisiam ( dempro frigore ) moderate biberent ad sitim sedan-  
dam; Enema ex lacte Saccharato singulis, vel alternis diebus usque ad diem  
decimum, vel undecimum injici curarent; & versus febris finem, cœpta jam  
separatione, siquidem legnior esset, ad eam juvandam fortiolem subinde potum  
Cardiacorum loco, bibere ipsis permisi: Atque ita sine ulteriore aliquo appa-  
ratu, nisi quod leve Catharticum in fine morbi addere soleam, eos salvos,  
& incolumes dimisi.

Sed ut ad institutum meum revertar, si prædicta methodus sollicite ob-  
servata fuerit, usitato circa 15 diem, tum ex laudabilis in Urina separationis  
signis, tum etiam ex manifesta omnium symptomatum remissione, percipio tem-  
pestivum tunc esse potionem purgantem exhibere, quæ sedimentum è prægres-  
sa fermentatione hic illic depositum subducatur; quod nisi tempestive factum fue-  
rit, periculum est ne in sanguinis massam remigret: ejusdemque febris reci-  
divam conciliet, vel etiam suâ in partibus naturalibus, ad quas amandatum  
fuit, morâ, in mineram tenacium deinceps in corpore malorum feracem  
abeat. Nimirum separatione jam factâ, humores crassi ac impuri ex arteriis  
sanguini in venis refluxo immissi, regressum ejus facile impediunt, ex quo  
varia obstructionum, ac tandem fermentorum genera nascuntur.

Ubi tamen animadvertendum, non adeò planè necessarium esse post febres  
Vernales, atque post Autumnales purgationem celebrare; idque propterea,  
quòd sedimentum à Vernalibus depositum tum copiâ, tum qualitate terrea,  
malignaque ab autumnali superetur. Quod ipsum etiam in Variolis obrinet.  
multisque morbis aliis Verno tempore grassantibus, in quibus purgantium  
omissio non tam grave periculum [ quod ego quidem observaverim ] quàm  
in casibus prius memoratis inferre solet.



Et sanè non multùm is à veritatis scopo aberraverit, qui affirmaret ab hoc capite [ purgandi scil. post morbos Autumnales omissione ] plurium morborum colluviem, quàm ab ullo alio, quo demumcunque causarum fonte, dependere.

Si valdè debilis sit æger, vel alioquin perfectà adeò depuratio facta non fuerit, ut audacter possim purgans exhibere die decimo quinto, rem differo ad decimam septimam; quo tempore sequentem, vel similem, pro ratione ægri virium, potionem propino. ℞. *Thamarind. ʒß. fol. sennæ ʒij rhabarb. ʒiß. Coq. f. q. aq. Colatura ʒiij. dissolve manna, & syr. rosac. aa. ʒj. Misce, f. potio cap. mane.*

Purgatione peractâ, ægrum, hæctenus lecto, expræscripto meo defixum, surgere, & paulatim ad pristinam victûs rationem reverti jubeo. Ea quippe, quam ad hoc usque tempus præscripsi, eadem propemodum est cum illa, quam modo commemorabam; Uti juscula avenacea, & hordeacea, panatellæ ex panè & vitello ovi, in aqua cum saccharo confectæ; juscula tenuia ex decocto pulli, Cerevisia tenuis lupulata, cui quandoque æstuante ardore Febrili, immisceri potest succus Aurantiorum recens expressus, & super ignem ad cruditatis tantummodò sublationem coctus, & his similia, quamvis juscula avenacea sint instar omnium. Negare verò cerevisiam tenuem, quæ subinde in mediocri quantitate sumatur, severitas est minimè necessaria, imò sæpenu-merò etiam detrimentosa.

Accidit interdum [ maximè in senibus ] ægrum Febri jam curatâ, & corpore satis jam superque purgato, nihilominus valdè debilem esse; & quandoque tussi, interdum etiam scœratu, magnam glutinosi, viscosique phlegmatis copiam expectorare: quod symptoma non tantùm ægro terrorem iniecit, sed & ipsi Medico; præsertim minùs cauto, imposuit, eumque in opinionem induxit, quasi affectus iste Phtisi viam sterneret; licet observaverim ego, rem adeò periculosam non esse. Hoc in casu ægrum jubeo Vinum Malaganum; annosum, vel Falemum, sive Muscatum, cum pane tosto ei immisso bibere, quod crasin sanguinis multùm prægressa æstuatione debilitati ( proindeque nuper-ingestorum succis assimilandis imparis ) corroborans, symptoma illud paucorum admodum dierum spatio abigit, ut crebra experientia mihi constat.

Hac ipsa, quam proposuimus ratione, ægrum à multis affectibus, symptomatibusque, quæ malignitati tribui solent, tutum præstabimus; cum nihil magis solitum sit Medicis in arte sua minus exercitatis, quàm quando medicamentis nimis refrigerantibus, vel usu Enematum intempestivo, crasin sanguinis ita relaxarint, Naturamque in perficienda sanguinis depuratione adeò debilitarint, ut animi deliquia, aliaque symptomata ( quæ genuina sunt ejusmodi impedimentorum arte positorum effecta ) contingant, *malignitati* culpam transcribere: at si diuturnitas, in quam abierit morbus, eum ab hoc vitio vindicet, tùm quicquid eos in medela deinceps fatigat, id *Scorbuto* acceptum referunt: quamvis re ipsa neque symptomata, quæ accidebant, quamdiu vige-



bat morbus, *malignitatis* erant effecta, neque ea, quæ contigerunt in declinatione ejus *Scorbuti*, sed utrumque rei malè gestæ debetur, quemadmodum crebrò id à me observatum est.

Non quòd ego, aut quisquam alius, qui Morborum historiam vel delibaverit, nescius esse possit. Febres esse, quæ non intemperie sola, aut putrido tantùm calore, sed etiam maligna qualitate (cujus signa evidentissima in ægris non possunt non apparere) constent: vel etiam quod inficias eam, complicari aliquando cum Febre *Scorbutum* & complures alios morbos posse; hoc tantùm dico, has affectiones immeritò sæpè in litem vocari.

Si fermentatio sanguinis ritè processerit, fiet omninò materiæ morbificæ despumatio intra tempus modò dictum. At si remedia refrigerantia, vel Enemata seriùs exhibita fuerint, multò longiùs excurreret Febtis, præcipuè in hominibus grandævus, malè à medico curatis; ad quos quandoque accersitus, postquam Febri per quadraginta dies & ampliùs laboraverant, nihil non expertus fui, quo despumationem sanguini inducerem: sed nempe usque adeò debilitatus erat sanguis, partim senio, partim Enematibus, & medicamentis refrigerantibus, ut neque Cardiacis, neque ullis aliis corroborantibus remediis scopum meum assequi possem; sed vel illorum Febris virium suarum tenax permanebat, vel alioqui, si adesse videretur ἀπυρεξία, vires ægrorum admodum prostratæ erant, & tantùm non emortuæ.

Aliorum autem remediorum successu frustratus aliò consilium vertere sæpè coactus fui, cum successu non vulgari; nempe adolescentulorum vivum vegetumque calorem ægris applicando. Nec est quod quis multùm miretur, hac methòdo, licet inusitata, ægrum tantoperè corroborari, naturamque debilitatam juvari, ut semet à materiæ secernendæ, eliminandæque reliquiis exoneret; cùm proclive sit intelligere, insignem effluviorum vegetorum copiam à sano, & athletico corpore in corpus ægri exhaustum transfundi. Neque unquam comperi iteratam calentium linteorum applicationem ullatenus id præstare valuisse, quod modò præscripta methòdus præstiti, ubi calor applicatus tum magis est humano corpori congener, tum simul blandus, humidus, æqualis, perennisque. Atque hæc ratio, spiritus, & halitus, forsitan Balsamicos, in ægri corpus immittendi, ex eo quo ipse illam adhibui tempore, licet aliena primum videretur, ab aliis cum successu felici fuit adhibita: neque profectò me pudet hujus remedii meminisse, tametsi petulci quidam homines, atque arrogantes, omniaque vulgaria ingenti supercilio contemnentes, me forsitan hoc ipso nomine aspernabuntur. Ego enim proximi mei commodum, ac salutem vanis illorum opinionibus longè anteferebam censeo.

Methòdus hæcenus enarrata, si quis illam prudenter, & cum destinato animi consilio observaverit, ægros, si non ab omnibus, saltem à plerisque molestis illis symptomatibus immunes præstabit, quæ hanc Febrem vel comitari, vel eidem supervenire solent, quæque Medicum animi ancipitem, atque sæpe in curationis decursu consilii penè expertem reddunt, imò & illius curæ commissos non rarò è medio auferunt, etiamsi morbi natura mortem



non interminari visa sit. Sed quandoquidem vel ægrorum culpa Medicum non satis opportunè accersentium, vel ipsius Medici minori sive peritia, sive cautela, ejusmodi accidentia sæpissimè oborta cernuntur, non gravabimur peculiarem eorundem curam summam hîc attingere; verùm ad ea tantùm symptomata me restringam, quæ, tametsi sæpenumerò præverti potuerint, modò via atque ordine prædicto quis usus fuisset; cùm tamen semel acciderint, diversam quandam, sibi que propriam curam postulant.

Atque ( ut hinc ordiar ] si æger, vel calidiora medicamenta minùs propere atque intempestivè sumendo, vel calido nimis temperamento sua natura fretus, in \* *Prænitidem* prolapsus fuerit; vel ( quod proximè illuc accedit ] si non omninò dormiat, sæpè exclamet, aut inconditis vocibus utatur, si vultu ac loquela ferociat, si medicamenta, potumve communem avidè & quasi raptim bibat, vel denique urinam habeat suppressam; in hoc, inquam, casu, liberaliori manu, quàm suprà indulsi, ad venæ sectionem, clysteres, ac medicamenta refrigerantia me accingo, verno tempore præfertim, [ quo etiam aliàs symptomate hoc non apparente, juvenes atque vegeto calore præditi; ejusmodi, auxilia sine multo discrimine admittunt ] atque talibus remediis utens, ægrum eousque sustinere conor, donec in diuturnitatem aliquam affectus excurrat, quo tempore non admodum difficile erit eum & à morbo & à symptomate una eademque opera liberare: id quod fiet *Narcoticum* aliquod medicamentum in largiori paulò dosi exhibendo. Quamvis enim febre vigente, quæ *vaporositas* vi prædita sunt non omninò prosint, neque destinatum à Medico scopum feriant, tamen opportunè, & in declinatione morbi adhibita, præclaros effectus edunt: antea verò prodesse non possunt, partim quia fermentationem vi atque impetu procurrentem sistere nequeunt, etiam in maxima dosi exhibita, partim verò ( quod quidem majoris adhuc momenti est ) materiæ peccanti tunc temporis massæ sanguineæ æquabiliter admistæ, neque versus separationem adhuc vergenti ab exhibitio hujusmodi medicamento manus injicitur, adeoque depuratio illa tantopere expetenda impeditur. Verùm sive hæc ratio sit hujusce phænomeni, sive alia aliqua magis abstrusa, judicent illi quibus animus atque otium est talia speculati. Interim ex fideli atque idoneo observationum plurimarum complexu rem ipsam certissimam esse pronuncio. *Laudanum*, vel alia quævis Narcotica in principio, augmento, vel statu hujus febris ad symptomata hoc levandum, vel non prodesse omninò, vel, quod sæpe accidit, etiam obesse; verùm in ejusdem morbi declinatione eadem mediocri dosi adhibita non sine successu usurpari. Semel equidem Narcotico die morbi duodecimo usus sum, nec frustra; citiùs autem nunquam prosperè exhibitum novi. Quod si autem illius usum ad decimum quartum usque diem distuleris, tanto magis proficuum evadet, separatione nempe perfectiori tum facta. Neque verò hæc mora, tametsi forte astantes magnopere perterrefaciet horrendum hoc symptomata, mortem statim subinfert; cùm sæpe observaverim, hanc rem plerumque inducias ferre posse ac solere, donec ad Narcotica descendere fuerit opportu-



opportunitum; saltem si caveatur ne *Cardiacis*, calidisque medicamentis adhibitis, intemperies coopta accendatur uberius, quo casu ægri subito pereunt. Narcotica, quibus ego uti soleo, sunt vel *Laudanum Lond* ad gr. 1. ℞. vel sequens. *Rec. fl. Paralyf. M. 1. Coq. f. q. aq. cerasor. nigr. Colatura ℥iij. Dissolve syr. de meconio ℥℞. succi limonum Cochl. ℞. Misce. vel. Rec. aq. cerasor. nigr. ℥℞. aq. Epidemica ℥ij. laudani liquidi. gutt. xvj. Syr. Caryophyll. 5j. misce.*

Illud unicum hîc addere placet, quod ad hanc rem observasse non inconsum arbitror; nempe si symptoma hoc eousque inducias ferat, & Febris adeo in diuturnitatem abeat ut æger ante assumptum Narcoticum commodè purgari possit, medicamentum illud tanto felicius effectum suum editurum, Quocirca ego imperare soleo Pil. coch. ma. ℥ij. in aq. Betonicæ dissolut. atque hoc 10 vel 12. horis ante Narcotici exhibitionem. Neque metuendum est à tumultu illo, quem calidior illa massa pil. aliàs excitare solet; subsequen- tis enim Narcotici vis pensabit illas turbas, & quietem suavissimam, blandissimamque inducet.

Quodsi vigiliæ ultra febrem excurrant, cessantibus aliis symptomatibus, observavi, linteum in aqua rosar. immersum, & frigide sincipiti, ac temporibus applicatum, plus quam Narcotica quævis prodesse.

Sæpe accidit ægrum per totum morbi decursum \* *tussi* molesta divexari; nimirum commota vehementer ac tumultuante sanguinea mole, omnibus jam ad seditionem & partium studia spectantibus, sit ut humores quidam soluti diffluentisque e massa sanguinis per vascula pulmonaria, vel etiam per diapedesin in tracheæ membranam interiorem, teneriorem scilicet atque exquisito sensu præditam, transferantur: hinc *tussis* oboritur; quæ primò sicca est, quoniam tenuis adhuc materia vim expultricem eludit; mox crassescit, atque expectoratu difficilis evadit, eò quod sensim febrili calore torreatur, atque assetur: hinc fit, ut suffocationis metu percellatur æger, urpote cui vires desunt ad lentam hanc viscidamque materiam tussi eliminandam. Ego in hoc effectum rarò alio aliquo medicamento utor præter *oleum amygdalarum dulcium* recenter expressum, nisi forsan acciderit, (accidit autem aliquoties) ut ægrotus oleum prorsus aversetur; tunc enim vulgaribus illis pectoralibus, ut licet, opem ferre conamur. Interim oleum illud amygdalarum, siquidem illo per ægrum uti licuerit, Bechicis aliis anteponendum censeo, ob eam causam præcipuè, quòd cum necesse sit hæc liberalius, & majori quantitate exhibere, modò prodesse velimus, hoc pacto ventriculum jam satis superque debilem & ad nauseam proclivem oneramus; nonnunquam etiam eadem opera præpedimur, ne reliqua, eodem ipso tempore transigenda, procuremus. Neque verò satis aut intellectu assequor, aut experientia eo ductus sum, cur ab huius olei, quod jam diximus, usu in febribus abhorreamus, eo quod scilicet inflamabile sit, adeoque metuendum, ne febrim adaugeat. Fac enim illud sua natura calidum esse, certè tamen calor ille tantus non est, ut aliundè non abundè pensetur: præ cæteris enim manifesta vi pectora conducit; aperit-  
que



que vias, ac lenit, adeoque expectorationem promovet, qua (præsertim si copiosior acciderit) tum exoneratur sanguis à molesto humore, commodè jam excreto, tum eadem operâ nonnihil refrigeratur, adeoque me non admodum malè habet, siquando viderim symptoma hoc intercurrere, cujus beneficio non parum etiam ægro beneficii accedit. Illud unicum nunc moneo, unâ eademque vice tutum non esse, totis cochlearibus hoc oleum exhibere; periculum enim est, ne & ventriculo nauseam & alvo fluxum inducamus; parcè itaque sed frequenter interdium noctuque propinandum erit, quo non solum expectoratione facta tussim leniemus, verum etiam, quod alicujus momenti est, attritas ægri vires blando nutrimento nonnihil solabimur.

Fit nonnunquam, ut \* *hemorrhagia narium* superveniat; sive quòd medicamenta nimis calida in morbi initio fuerint exhibita, sive quòd ebullitio non satis coërcita fuerit, ægro nempe vel in florenti ætate constituto vel anni tempestate coadjuvante. Hoc si fiat, non admodum juvabunt ea quæ ad sistendum sanguinis motum vulgò fieri consueverunt, qualia sunt venæ sectiones, ligaturæ, medicamenta adstringentia, atque agglutinantia, vel etiam sanguinis acrimoniam contemperantia, &c. quamvis enim pro Medicorum consilio, ac prudentiâ, his atque hujusmodi aliis uti liceat; in eo tamen cardo rei vertitur, ut idoneo aliquo medicamento sanguinis ebullitioni frænium imponatur, quod sistat, figatque illius impetum in præcipitia quæque ruentem. Verum quidem est, si symptoma seorsim spectetur, ea quæ supra enumeravimus (ac venæ sectionem potissimum) accommodata satis esse, nec ego ipse dubitarem jisdem uti; sed nempe symptomatis hujus causam (saltem si phlebotomiam exceperis) non satis attingunt, quam profectò non majori ratione per prædicta tollere, quàm si gladio ignem extinguere satageres. Ego itaque in hoc casu, frustra aliis tentatis, tale quidpiam adhibere soleo, quale nunc subnectam. *Rec. aq. portulacæ, & papaveris erratici aa. ℥i℥. syr. de meconio ℥vi. syr. paralyseos ℥℥. M. f. haustus.* Nolim autem hæc ita intelligi, quasi hæmorrhagiam quamlibet ita statim curari velim, quin potius illa sæpe permittenda est, atque ægro plurimum prodesse potest, partim nimiam ebullitionem reprimendo, partim etiam criticè aliquando morbum solvendo. Atque revera parum proderit huic symptomati frænium prædictum aptare, priusquam illud aliquantisper excurrerit, vel etiam priusquam vena in brachio secta fuerit. Illud diligenter advertendum est, hanc ipsam, atque alias omnes immodicas hæmorrhagias peculiare illud obtinere, quod quamprimum illæ quomodocunque sedatæ fuerint; nisi leniens aliqua purgatio celebretur, metus est ne recidivam æger patiatur; proindeque purgandum erit, quamvis [ si Febris tempora spectentur ] serius aliquanto id fieri soleat, atque debeat, nisi symptoma hoc accesserit.

Hoc symptoma plerumque senibus accidit post copiosas evacuationes, vel persecessum ex diarrhœa, vel maximè per vomitiones, atque sæpenumero mortem præ foribus adesse denunciat. Ingenuè fateor, me mihi met ipsi de  
\* *Singultus* causa disquirenti satisfacere non posse; nihilominus observavi  
\* *Narium hemorrhagia, \* Singultus.* sæpe



sæpe illum ex turbis, ac tumultu ab asperioribus medicamentis in ventriculo, locisque vicinis excitato, ortum ducere, quibus sedandis atque in pristinam pacem reducendis cum naturæ vires non suffecerint, sit ut ingens periculum immineat: proindeque consentaneum existimavi curam eo dirigere, ut quod natura per se nequibat, artis adminiculo suffulta perficeret. *Diascordium* igitur larga dosi exhibitum, nempe ad ℥ij. à scopo meo non aberravit; cum *semine anethi*, aliisque, quæ tanquam specifica decantantur, usus nihil profecissem.

Si in morbi hujus decursu \* *Diarrhœam* obortam conspexeris, quæ [uti jam alicubi supra notavimus] accidere tum solet, cum in morbi initio vomitorii propinandi indicatio se obtulit, neque tamen illud propinatum fuit; dico in hoc casu convenire, ut quovis morbi tempore ( nisi vires contra indicaverint ) *emeticum* exhibeatur, etiamsi jampridem illa ad vomendum propensio præterierit. Quoniam autem hac de re satis opinor in superioribus pagellis à nobis dictum est, illud hoc in loco duntaxat annectam, quid facto sit opus, si exhibito licet emetico nihilominus *Diarrhœa* supervenerit. Quod tamen oppidò rarum est, nisi in Febre inflammatoria, ubi vomitorium, hoc symptoma non solum non impedit, sed quandoque creat, quod notatu dignum est. Itaque cum sic se res habuerit, præ quibusvis astringentibus hujusmodi clysterem profuisse comperi. *Rec. Cort. granator. ℥℔. ros. rubr. p. j. Coq. in lactis vaccini s. q. Collatura ℥℔. dissolve Diascordii ℥℔. M. F. Enema.* Non suaferim ut majori quantitate Clysterem injicias, quamvis enim propria vi adstrictionem polliceatur, metuendum tamen est, ne sua mole laceffat intestina, adeoque fluxum alvi, quem consopire animus erat, uberius provocet.

Sed forsitan objiciet his aliquis, magis è re videri, ut, præsertim declinante morbo, *diarrhœam*, si quidem acciderit, permittas potius quam listas, quandoquidem fluxus ille alvi nonnunquam criticus est, morbumque solvit. Respondeo, me non inficias iturum, fieri aliquando, ut Febris per hanc portam sibi viam faciat, atque effugiat; verum illud rariùs accidit, quàm ut illius spe quicquam moliamur: quin & ratio illa, quâ de medelâ Februm universim loquuti fluxus hujusce sistendi necessitatem ostendere conati sumus, etiam hic omnino locum obtinet. Nunc autem illud addendum est, meâ quidem sententiâ animadversione non indignum, nempe ad genuinam sanguinis depurationem non tantum necessariam esse illam quarundam partium secretionem, quæ per *feces* fit, sed requiritur etiam ut secernentur aliæ, tanquam *flores*, id quod in aliis etiam liquoribus opulentis atque heterogeneis quotidie cernimus. Itaque si *Diarrhœæ* nimium indulseris, mediam solummodò depurationem, tanto perè expetitam, procurabis, atque etiam forsan, quod postremo in loco rejiciendum erat, primò excernetur. Fateor equidem separatione illâ per *flores* jam factâ ( quæ, ut obiter id attingam, sensim, & sine sensu peragi solet, atque plerumque paulò pleniori *Diarrhœâ* potiùs, quàm sudore manifesto ) *Diarrhœam*, si fortè acciderit, periculi non multum interminari: Sciendum tamen est, illam tum non aliunde accidere, quàm quòd purgatio subducendis *fæci-*



bus dicata, non opportunè exhibita fuèrit, quæ quidem fæces morâ suâ fermenti alicujus maligni indolem adeptæ, intestina jam ad excretionem irritant, stimulantque; ut omittam dicere, liquidissimam illam excrementorum consistentiam (tali enim formâ plerumque visuntur) satis indicare ea pro criticâ morbi solutione habenda non esse.

Forfan etiam inter symptomata Febris supervenientia recenseri potest \* *Iliaca passio*, eo quod vomitus enormes qui initio Februm accidere solent, huic occasionem quandoque subministrent.

Horrenda hæc affectio est & huc usque omnium fere judicio funesta, ex intestinorum motu inverso, ac præpostero originem ducens. Nimirum intestinorum fibræ, quæ à superioribus versus inferiora contrahi debent, contrahuntur ad superiora, & quæcunque in intestinis continentur non versus alvum, sed ventriculum protruduntur, & impetu facto ad os regurgitant; adeo ut Enemata, quantumcunque acria, Emetica evadant, ubi etiam Cathartica per os assumpta per vomitum subito excernuntur. Et, mea quidem sententia, exquisitus ille, ac intolerandus dolor huic morbo superveniens, non aliunde oritur, quam ex præpostero intestinorum motu, modò dicto. Cum enim sinus illi quos multiplices intestinorum circumvolutiones constituunt, ita à naturâ formati sint ut ad descensum fæcum quàm aptissimè conducerent, cum ji, inquam, motui suis fibris contrario cedere cogantur, exoritur inde prædictus dolor; qui quidem uni parti instar terebelli infigitur, cum aut valvula quæ ad initium coli apposita excrementorum ad ileon regressum impedit, aut alia quævis membrana ad sinum pertinens, vim hujus præposteri impulsus sola sustinet.

Hujus verò inversionis, unde dolor ille exoritur, duplicem causam assignare licet. Obstructionem nempe, vel irritationem.

Primò igitur quæcunque intestina vehementer obstruunt, ut nihil per inferiora descendere valeat, hunc contrarium in intestinis motum ut producant necesse est, & nemini non notum. In horum censum ab Authoribus referri solent fæces induratae, flatus crassi magnâ copiâ collecti, ac intestina velut in nodum convolventes, constrictio intestinorum in hernia, inflammatio denique, alique tumores magni, qui cavitatem internam intestini occludunt. Interim verò haud negandum, quòd motus contrarius hisce causis originem debens, potius ingestorum, quàm intestinorum motus habendus, neque hæc totius intestinorum ductus inversio est, sed illorum tantum, quæ supra sedem istius obstructionis sita sunt. Quam ob causam *affectio iliaca* hinc profecta a me *notha* appellatur.

Secundò verò opinor, quòd in affectu iliaco causa inversionis peristaltici intestinorum motus ut plurimum ita se habet. Nimirum ex tumultuante sanguine in Febre nuper concepta, in ventriculum & proxima intestina deponuntur humores acres & maligni, ex quibus ventriculus primò motum suum invertere, ac violento impetu materiam molestant in eo contentam per os rejicere cogitur: Ventriculi tandem motui validiori intestina *tennia* ipsi conti-



nua jam debilitata cedunt, & cum his demum *majora* in consensum trahuntur, vomituriente ventriculo quasi choream ducente. Hunc affectum *verum ileum* voco, & ille hujus loci est. Methodus eum curandi hæctenus ferè incognita fuit, quicquid nonnulli jactent de usu *argenti vivi*, & *globulorum*, quæ præterquam quòd parum conducunt, noxam sæpè haud contemnendam inferunt. Ego cum felici successu hæc methodo utor.

Quando liquet ex Clysteribus per os rejectis & aliis signis verum esse ileum tunc in hæc tria enitor: 1. Ut contrarius iste ventriculi motus, qui similem motum in intestinis efficit, impediatur. 2. Ut intestina acri humore debilitata corroborentur. 3. Ut ventriculus ac intestina ab istis humoribus liberentur. Quibus indicationibus ut satisfaciam, curationem hoc ritu instituo: Primò *salis absinthii* ℞i. ex cochleati uno *succi limonum* mane, & serò sumendum præscribo, intermediis verò temporibus *aqua mentha stillatitia* sine saccharo, aliove quovis additamento cochlearia aliquot bis quaque horâ propino, cujus vel solius repetito usu & vomitus & dolor ex eo natus subitò evanescent. Dum hæc fiunt *catulum viventem* nudo ventri indefinenter accumbere jubeo. Postquam verò dolor cum vomitu per spatium bidui tridui omnino cessaverit, tum *pil. coch. maj.* ℞i. in *aqua mentha* dissolutam exhibeo, quam etiam aquam (quò certius vomitus recursum prævertam) toto cathartico tempore sæpius sumendam injungo. Neque catulus removendus, antequam usum pilularum æger aggrediatur.

Observavi frustra pilulas istas vel quodvis aliud catharticum, utcumque forte propinari, donec ventriculo corroborato, atque adeò ad motum naturalem reducto intestina etiam ad proprium motum æque reducta fuerint. Aliàs enim cathartica omnia intus assumpta emetica evadent, & plus damni quàm commodi inferent. Inde est quod remediis purgantibus viam facere non aggredior donec per spatium quoddam medicamentis istis ventriculum respicientibus usus fuerim.

Victum valde tenuem ægro præscribo, ita ut nonnisi cochlearia aliquot jussuli ex pullo Gallinaceo parati forbenda bis vel in die permittam. Interim verò ut per totam ægrotationem in lecto decumbat jubeo, donec perfectæ sanationis signa appareant, ac etiam post sanationem per longum tempus in prædictæ aquæ usu persistere & laneis duplicatis ventrem à frigore bene defendere impero, quo minus recidiva fiat, cui hic affectus præ omnibus aliis est obnoxius.

Pauca hæc universam meam in curando hoc affectu methodum exhauriunt, quam à nemine consulto ob simplicitatem suam & splendidioris sive verborum, sive pharmacorum apparatus defectum, aspernatum iri confido.

Atque hæc sunt illa symptomatata, quæ in febre hac occurrere solent. Sunt autem & alia quædam, quibus memorandis nunc supersedebimus, partim quidem, quoniam ea minoris momenti sunt; partim verò, quod peculiarem nullam curationem postulent, febre enim ritè tractatâ sponte suâ cessant.

De *Febre continua* hujus Constitutionis, ac de symptomatibus ejus hæctenus.



## CAPUT V.

Febres Intermittentes Annorum, 1661, 62, 63, 64:

Quandoquidem, ut jam sumus præfati, quæ prædictos annos omnes Constitutio pervasit, producendis omnium generum *Intermittentibus* tam egregiè favit, quas tum de illis feci observationes haud indiligentes, hîc impertiam: Addam insuper & quæ de paucis illis intermittantibus observavi, quæ ab illo deinceps tempore sporadicè contigerunt, quò minus orationis filum insequentium deinceps annorum historiam complectentibus, cogar intercidere.

Primo loco quo naturam illarum atque genium conjectura saltem assequamur, advertendum est, quòd in paroxysmis Febrium intermittantium hæc tria tempora spectanda sunt. 1. Tempus *Exhorrescentiæ*. 2. Tempus *Ebullitionis*. 3. Tempus *Despumationis*. Et quidem ad *exhorrescentiam* quod attinet [ut de his rebus summam loquar] ego illam exinde oriundam arbitror, quòd materia Febrilis, quæ nondum turgescens à massa sanguinea utcunque assimilata fuerat, jam tandem non solum inutilis verum & inimica naturæ facta, illam exagitat quodammodo atque laceffit, ex quo fit ut naturali quodam sensu irritata & quasi fugam molita, *rigorem* in corpore excitet atque *horrorem*, aversationis suæ testem & indicem. Eodem planè modo, quo potiones purgantes à delicatulis assumptæ, aut etiam toxica incautè deglutita, horrores statim inferre solent, aliaque id genus symptomata. Natura itaque hoc pacto irritata [ut ad tempus *ebullitionis* jam transeamus] quò facilius hunc hostem à suis cervicibus depellat, *fermentationem* aggreditur, solemnem nempe machinam, quâ in Febribus & quibusdam aliis acutis morbis uti consuevit, cum sanguinis molem ab intestinis inimicis liberare conetur: hujus enim effervescentiæ beneficio disjunctæ peccantis illius materiæ partes, quæ sanguini æquabiliter admixtæ fuerant, aggregari quodammodo incipiunt, atque adeò leviori operâ subigi possunt, ut ad despumationem opportunæ evadant. Et quidem ut hoc fiat, vel ex eo plurimum referre constat, quod qui ex Febribus Intermittentibus moriuntur, siquidem in paroxysmo pereant, in primo illo tempore [*exhorrescentiæ* scilicet] fato fungantur, nam si ad tempus effervescentiæ pertigerint, saltem pro illa vice non moriuntur. Atque per hæc duo tempora res ægrorum in angusto versantur; quibus elapsis, tertium tempus, quod *despumationi* dicatum est, insequitur, quo succedente symptomata omnia primo leviora fiunt, atque tandem planè evanescunt. *Despumationis* autem nomine nihil aliud significatum volo, quàm materiæ Febrilis jam subactæ, & quasi devictæ, expulsionem, seu separationem; atque illud quod separatur, partim (ut in aliis liquoribus cernere licet) *florum*, partim *fecum* rationem & sortem obtiner.

His ita positis, videamus quomodo fiat, ut redeat Paroxysmus, quando quidem ægrorum sors in yado jam constituta videtur. Nimirum Febrilis ma-



teria nondum tota emigravit, sed quemadmodum apum Embrya statim temporibus sensim succrescunt, ita latens hæc materia pro typorum ratione denuò caput effert, ac novum negotium naturæ faceßit, idem stadium decurrens, quod in præcedentibus modò ostendimus. Nunc autem si quis à me causam quæsierit, cur fomes ille delitescens effervescentiâ præcedenti non satis subactus, ac proinde cum reliqua materia peccante non expulsus, proindeque novas tragædias daturus, non eodem modo in omni Febre intermittenti progrediatur [nam nunc unum, nunc duos, nunc tres dies exigit, priusquam ad maturitatem perveniat, novumque Paroxysmum exciter,] de hac re, inquam, si quis mihi negotium exhibeat, ego plane me nescire fateor. Neque verò quisquam alius, quod sciam, in hac causa tam præclarè se gessit, ut arcanum hoc opus naturæ satis enarrasse videatur. Ego Philosophi nomen non ambio, & qui titulum illum se mereri existimant, atque me fortassis hoc nomine culpandum putabunt, quòd in hæc penetralia non irrumpere conatus sim, moneo illos, ut in aliis naturæ operibus, quæ ubique nobis observantur, vires suas experiri velim, antequam aliis dicam scribant. Libenter enim quæserim, cur *equus* ad ἀκμὴν suam pertingat septem annorum spatio, *homo* 21. cur in *plantarum* regno, hæc mense *Majo*, illa *Iunio*, ista alio florere soleat, ut innumera alia nunc sileam. Quod si doctissimos quosque viros non pudeat suam ignorantiam in his rebus palam fateri, non video, cur mihi vitio verti debeat, si in re non minus difficili, atque forsitan prorsus inexplicabili, manus ab αἰτιολογίᾳ abstineam: quippe cum persuasissimus sim, naturam non minus hic loci quam in aliis quibuscunque, methodo quadam certa atque ordine progredi: *quartanosa* enim (ut sic dicam) ac *tertianosa* materia non minus naturæ legibus subjacet, jisque regitur, quam alia corpora qualiacunque.

Cum rigore atque horrore in universum *Intermittentes* omnes incipiunt, cui mox calor succedit, atque huic deinceps sudor; Per utrumque paroxysmum, tum illum quo friget æger, tum quo plus satis incalescit, vomiturit ut plurimum, vehementer ægrotat, cum siti & linguâ aridâ, &c. Quæ quidem Symptomata, jisdem omnino gradibus recedunt quibus provehitur sudor, quo uberius prorumpente Paroxysmus solvi videtur. Satis rectè valet qui modò ægrotabat, donec Paroxysmus periodo sibi consueta denuò recrudescat; in *Quotidianâ* scilicet quolibet *ὡς ἀπὸ μέγας*, in *Tertianâ* alternis diebus, in *Quartana* tertio quoque die, calculatione videlicet facta ab unius Paroxysmi initio, ad initium subsequenteris. Licet haud rarò ingeminentur posteriores duo, ita ut *Tertiana* quolibet die invadat, *Quartana* per duos dies continuos, tertio quidem ab insultu libero manente; quandoque etiam ter tribus diebus continuis infestet, cum *Triplex Quartana* est, morbo ab isto, quem primum assumpsit, Typo nomen sortiente.

Quæ sanè Paroxysmorum reduplicatio nonnunquam à materia Febrilis excessu activitateque nimia producitur, quo in casu Paroxysmus *adventitius* *primarium* antevertit; nonnunquam etiam à virium prostratione, cum in *Ægro* nempe nimium illæ fuerint dejectæ, & Paroxysmi vigor retusus, five re-



frigeratione intensiore, siue etiam evacuationibus præter modum effusis: in hoc verò casu cum Paroxysmus adventitijs primarijs insequitur, mitius insuper, neque ita prorsus diu atque alter ægrum affligit. In priore instantia, materiæ turgescencia siue ὀγκασμός tardius revertentem & sibi debitam periodum nequaquam præstolatur, ac proinde aliquanto præmaturius despumatione sua defungitur: in posteriore autem cum sanguis non jam ea vi polleat, quæ materiæ Febrili uno impetu excutiendæ sufficiat, mox alium de novo Paroxysmum substituit, quo ejus reliquias è sinu suo exturbet. Quinimo è duabus hisce causis sibi invicem adversantibus fortè etiam pendet tam Paroxysmorum Anticipatio in Febre Intermittente ordinaria atque regulari, quàm eorundem tardior accessio; quarum utraq; in his Febribus frequenter occurrit, quæ νοχθήμεγον omne percurrunt, vel solitum Paroxysmi tempus anticipantes, vel eò leius accedentes.

Febrium autem Intermittentium quædam *Veris* sunt, quædam *Autumni*: quamvis enim in tempestatibus intermedijs nonnullæ oboriantur quoniam tamen illæ & minus frequentes sunt, & ad prædictas reduci possunt [illas nempe quibus magis appropinquant id circo omnes sub duobus hisce generibus, *Vernalibus* nempe, atque *Autumnalibus*, complectar. Tempora ad quæ particulariter ὡς ἐπὶ τὸ πάλυ referuntur, menses sunt *Februarii*, atque *Augusti*; licet quandoque maturius invadant, tardius etiam nonnunquam; prout scilicet uberior parciorve in aëre apparatus, vel ad easdem producendas facit, vel officit, & ex consequenti magis etiam minusve Epidemicæ deprædantur. Cujus rei exemplum habemus satis obvium in Febribus Intermittentibus Autumnalibus Anni 1661. quo anno memini foeminam quandam ædibus meis vicinam primo Quartanæ suæ Paroxysmo, ipso scilicet *Johannis festo* correptam fuisse. Et complures alii circa idem tempus præmaturum Febribus illis correpti fuisse, quæ postmodum adeo Epidemicæ evaserunt; quod argumento est magnum tum fuisse in istâ quæ tunc obtinebat aeris temperie, ad istos morbos apparatus, qui deinceps procedente anno stipatiores grassabantur.

Et quidem usque adeo necessaria est hæc Febrium distinctio, ut nisi eandem in praxi sedulo contemplemur, neque de earum duratione prognostico aliquo rite facto quicquam pronunciare, neque quomodo regimine ægrorum corpora curare poterimus, habita tum tempestatum, tum naturæ Febrium diversæ ratione. Verum quidem est Febres utrisque tempestatis ingenium non planè dissimile nancisci, siue modum spectes primi insultus, qui cum horrore primum incipit, mox in calorem erumpit, ac tandem per sudorem solvitur; siue typorum discrimina, quorum respectu quædam *Tertianæ* sunt, tum *Veris*, tum etiam *Autumno*. Interim tamen non dubito, quin Febres istæ totâ suâ naturâ siue essentialiter distinguantur.

Atque ut de \* *Vernalibus* primò dicam, illæ ferè omnes vel *Quotidianæ* sunt, vel *Tertianæ*, & vel serius, vel ocyùs ingruunt pro vario tempestatis apparatu. Nam per brumale frigus spiritus concentrati vires in suo recessu sibi



quirunt, quos appropinquantis postea solis calor jam vegetos evocat, qui cum viscidis humoribus (minùs tamen viscidi sunt hi, quàm quos in Autumno prægressi fervores excoxerunt ac torrefecerunt) commissi, quos durante hyeme natura in sanguinis massâ congesserat, dum avolare nituntur implexi detinentur, & quasi irreciti, adeoque vernam hancce ebullitionem concitant. Eodem plane modo quo vasa cerevisia repleta atque in arena vel cella frigida diutius reposita, si igni admoveantur, tumultum statim concipiunt, & liquor ad volatum pronus est. Sanguis hoc modo affectus purgationem sui molitur, atque spirituum volatilium ope negotium hoc sat cito peragit, nisi forte nimia viscidorum succorum vi instructus fuerit, qui fermentationem cœptam remorentur, & licet hoc ipsum accidat, effervescencia tamen verna raro continua, sui que similis manet, verum dissiliat atque in diversos Paroxysmos quasi findi solet. Sanguine enim opulenti hisce spiritibus jam turgido, natura negotium suum quasi præceps aggreditur, & quarundam partium secretionem admodum perfectæ solutionis per Paroxysmos particulares peragit, priusquam universali separatione defungatur, Atque hæc mihi quidem ratio non inidonea videtur, quod verna tempestate, præsertim illa quæ æstatem propius attingit, paucæ Febres continuæ occurrant, nisi forte constitutio fuerit Epidemica. Fermentationes enim tunc temporis abortivæ vel subito consopiantur, vel ad intermissionem properant; vel denique partes humorum ad separationem proniores, præmaturè & cum vi quadam alio transferuntur; ex quo mox *Angina*, *Peripneumonia*, *Pleuritides*, aliæque id genus pestes succrescunt, quæ desinente potissimum Vere caput suum exerunt.

Animadverti *Febres Intermittentes Vernales* rarissime fuisse diuturnas; semper verò salutare; ita ut vel maxime senex, vel debilis quispiam, officiosissima damnosissimaque imperitissimi cujuslibet *παισιν* modo probus is fuerit, e medio vix queat tolli. Contigit mihi tamen videre *Tertianas Vernales*, quæ ob Phlebotomiam, & Catharsin indebite celebratas, & regimen insuper cum morbo malè quadrans, moras traxere etiam usque ad tempus illud quo Autumnales solent invadere; quæ tempestas cum hujus morbi genio sit admodum contraria, eundem continenter extinguit; Ægro interim frequenti Paroxysmorum reduplicatione, & duratione longiore ita penè confecto, ut in extremis versari videatur; quæ nihilominus (quatenus mihi hæcenus observare licuit) semper est eluctatus. Neque in convalescentibus ab hoc morbo mihi adhuc subijt videre gravissima illa symptomata quæ, ut infra dicitur, intermittentes Autumnales diuturniores sequuntur; *Lethalem* intelligo *tonsillarum inflammationem*, *ventrem induratum*, *tumores Hydropicos*, &c. Plus semel tamen adverti ægros à morbi diuturnitate, & Paroxysmorum ingeminatione [accedentibus ad malorum cumulum evacuationibus repetitis] ad summam debilitatem redactos, ubi primum cœperint convalescere, in *Maniam* incidisse, quæ pari cum illo passu recessit, quo eorundem vires de novo redintegrabantur.

*Intermittentes vero Autumnales longè aliter se habent. Primò enim*  
*Intermittentes Vernales,* *Tertiæ*



*Tertiana*, licet quibus annis Epidemica non est, & sanos invadit, citò nonnunquam se proripit, neque pluribus stipatur Symptomatis, quam quæ Verno tempore contingere solent *Tertianæ*; ubi tamen Epidemice grassatur, & ætate provectiores, aut pravos corporis habitu præditos ferit, haud vacat periculo; quin etiam ad menses duos, vel tres, fortè etiam in sequuturum usque Ver tyrannidem exercet. Deinde *Quartana* & periculosiores sunt, & obstinatior longè quam sunt illæ de quibus ultimo diximus: Ubi enim natu grandiores impetunt, eosdem paucis adhuc Paroxysmis multatos quandoque jugulant; quo in casu æger tempore *exhorrescentiæ*, incunteque adeo Paroxysmo ut plurimum moritur, quod jam dictum. Quod si æger in senectutis tantum fuerit confinio, nec dum ejus limen prætergressus, licet non in eodem versetur discrimine ne inter Paroxysmos primo laceffentes luce privetur, haud tamen facile à Febre hac elabetur, nisi vertente anno, appetenteque illo tempore quo primo corripiebatur. Nonnunquam etiam *haeret lateri lethalis arundo*, nec nisi à morte, languescenti decutitur. *Quartana* interim Typum subinde variat, plurima etiam parit Symptomata, *Scorbutum* v. gr. *Ventrem induratum*, *Hydropem*, &c. Juniores vero ferendo huic morbo pares sunt, à quo nonnunquam circa *Solstitium Brumale* liberantur, frequentius tamen non nisi adveniente *Verno Aequinoctio*, vel etiam Autumno insequenti, ubi sc. venæ sectionem aut Catharsin admiserint. Sæpe non sine stupore sum intuitus, infantes tenellos cum hoc morbo per totos menses sex commissos, nec oppressos tamen, sed de eodem, *Herculis* instar pueri, in cunis triumphantes.

Hic notandum, quod cujuscunque demum ætatis aut temperamenti fueritis qui *Quartana* corripitur, si quolibet alio vitæ tempore (vel etiam ab hoc remotissimo) eadem semel laboraverit, non diu admodum eum secunda hac vice fatigabit morbus, sed post paucos aliquot Paroxysmos sponte sua solvetur, quod scitu dignum erat.

\* *Intermittentium* autem *Vernalium* curationem quod spectat, licet illas suo semper arbitrio permittendas existimaverim, & nihil prorsus movendum, cum nemo quisquam, quod sciam, earum unquam opera satis concesserit; atque ex adverso, qui illas abigere sategerunt, remediis præsertim evacuantibus, id tantum egerint, ut morbus inde confirmatior pertinacius obisteret, si tamen importuna ægri impatientia medici opem obnixè efflagitet, *Intermittentes Vernales* variis modis, & quidem cum optato exitu aggredi licet, uti mihi non infrequenti observatione abunde constitit.

Nonnunquam *Emeticum* tempestive propinatum, ut nempe ante Paroxysmum negotio suo defungi possit, foelicissimè successit; præsertim si quantitatem mediocrem *Syr. de Meconio*, vel cujuscvis Narcotici post finitam Emetici operationem, exhibueris immediate ante Paroxysmi insultum.

Est ubi sanitatem videas restitutam per *diaphoretica*, quæ sudorem in Paroxysmi solutione obortum promoveant, ægro interim optime stragulis cooperito, id quod tantopere, ac tamdiu faciendum est, quamdiu vires ægri patian-



ur. Atque hoc in Veris Intermittentibus, præcipue Quotidianis, sæpe obtinuit: humoribus enim in hac tempestate non admodum crassis existentibus, solutio alias imperfecta futura, in perfectam adolescit, quod quidem in Autumno nunquam accidit.

Quid quod Clysteris in diebus intermittentibus per triduum vel quatrimum adhibiti beneficio, Tertianas aliquando curaverim.

Interim si ob Phlebotomiam liberiori manu celebratam [ quo tempestas ipsa parum cautos facilè inclinat, ] vel ob ægri debilitatem antecedaneam spiritus illi qui subito ad despumationem se accingerent, pauperiores facti minus valeant, accidere potest, ut hujusmodi Febres Vernales auxiliis quibuscunque frustra tentatis, Autumnalium, diuturnitatem æmulentur. Sed sane non solent illæ eousque durare, quippe quæ vel sponte sua desinant, vel leviore remedium ope facile in fugam vertantur,

\* *Intermittentes autem Autumnales* non tam levi opera se amoveri patiuntur. De illis igitur nonnulla mihi dicenda sunt. Si autumnalis Constitutio fuerit Epidemica, circa *Iunium* adultum solent invadere. Sin minus, *Augustum* præstolantur, & *Septembris initium*: in subsequentibus vero mensibus rarius occurrunt.

Cum earum ingens aliquod agmen simul invaserit, observare licebit earum Paroxysmos plerumque una eademque diei hora contingere, accessionibus nunc prævertentibus, nunc postponentibus, simili planè modo, atque eodem tenore, nisi quod accidere queat ut ordo ille medicamentis adhibitis, quæ retardandi vel præcipitandi vi pollent, in quibusdam corporibus immutetur vel pervertatur.

Observandum est etiam quod in principio Februm Intermittentium (Epidemicarum præcipue quæ Autumno contingunt) haud ita id proclivi est Typum sub primis Invasionis diebus rite distinguere, quandoquidem Febre continua adscita primum adoriuntur, neque facile est aliquandiu, nisi diligenter adverteris animum, quicquam aliud præter aliqualem morbi remissionem deprehendere, quæ tamen paulatim in perfectam desinit Intermissionem, & Typum anni tempestati apte respondentem.

Typorum ratione vel *Tertianæ* sunt, vel *Quartanæ*. Atque de Quartanis quidem illud merito affirmari potest, eas genuinam esse Autumnis sobolem. Utæque profecto ea affinitate inter se connexæ sunt, & sæpenumero vices permutare, saltem ad tempus, deprehendantur, mox fortassis ad pristinum genium redituræ. Sed Tertianæ Vernales Quartanarum typos nunquam induunt, cum toto (ut ita dicam) cœlo à se invicem distinguantur. Neque porro observavi unquam hac tempestate Quotidianam contigisse. nisi quis Tertianam duplicem, vel triplicem Quartanam hoc nomine censuerit *ἀκυρόλογως* appellandam.

Has autem Febres intermittentes eo fore modo suam originem nancisci arbitror, quem nunc summatim attingemus; Nempe anno surgente atque progressu, sanguis etiam pro rata proportionem exaltatur [ haud secus ac vegetabilia quævis augmentis atque declinationibus suis anni cursum referunt ]



donec ad *ἀκμὴν* suam, ultimumque vigorem pervenerit; hinc parallelis moribus cum tempestatibus anni pergens, eo declinante relaxari tandem & ipse incipit; ac tum præcipue cum ab accidentali aliqua causa promotus fuerit, puta sanguinis immodica jactura, frigore admissio, cibis crudis atque excrementiis, balneorum usu intempestivo aliisque non paucis. Jam verò sanguis in hoc decidentiae statu constitutus impressioni morbificæ cuicunque obnoxius est, quam in illum faciet quælibet aeris constitutio quæ hoc tempore dictis Inter-  
mittentibus est Epidemica. Atque huc spectat ebullitio mox inducta, qua liquorem sanguineum quandoque valde degenerem corripiente, Febris inde oriunda mali moris esse solet, & malignis atque horrendis symptomatibus plenissima. Illud utcunque accidit ut sanguis spiritibus suis magnam partem exutus, & ab æstate præcedenti plurimum adustus, ebullitione sua non nisi tardissimis motibus defungatur, suæque despumationi longissimam periodum postulet.

Jam vero ut manifestum evadat quam difficulter hæc Febres ( Autumnales puta ) curationem admittant, hoc loco perpendendum est: Continuarum hujus tempestatis, atque intermittentium discrimen in eo maxime versari; quod *Continua* conceptam semel effervescentiam *συμῆξις* unoque tenore perficiant, *Intermittentes* autem partitis vicibus ac diversis temporibus eadem defungantur. Interim in utrisque fermentatio naturæ ductu peragitur spatio horarum 336. aut circiter, neque enim citius aut tardius massa sanguinea in humano corpore ordinario repurgatur, si negotium naturæ permiseris: haud secus ac pomatium suam, vinum atque cerevisia suam, ac peculiarem habet periodum, quâ depurentur. Quamvis autem in Febribus intermittentibus sanguis nonnunquam ( ut in Quartana contingit ) sex mensium spatio despumationem suam moliatur, ac tandem perficiat; non tamen ( si ritè calculum ponas ) plus temporis in eadem absolvenda impenditur, quam quod in continuis impendi naturaliter solet; quatuordecim enim *νοχθήμερα*, sive dies naturales efficiunt horas 336; tribuendo nempe horas quinque cum dimidia cuilibet Paroxysmo Quartanarum, habebis in Quartana valorem 14 dierum, h. e. horas 336. Jam si quis dixerit quartanam, verbi causâ, [ eadem enim reliquarum intermittentium ratio subintelligenda est ) ultra sex mensium spatium aliquando excurrere, antequam periodum suam absolvat; respondeo, idem etiam non rarò in continuis Febribus hujus constitutionis spectari, quæ sæpe ultra dies quatuordecim protrahuntur: in utroque nimirum casu si effervescentiam [ præsertim circa Febrium finem ] ritè atque ordine decurrere, ac sustineri vegetam curaveris, despumatio intra prædicti temporis spatium, hoc est, quatuordecim dierum, vel 336. horarum peragetur: quòd si verò effervescentiam illam seu fermentationem refrigerantium medicamentorum, aut Clysterum usu tunc temporis ( scilicet versus Febrium declinationem ) importune inhibueris, & quasi frænum illi injeceris, mirum non est, si in longum evagentur, ordinæ quippe naturæ perturbato. Namque hoc modo relaxatur quodam modo sanguinis humani tonus, unde se ad despumationem accingere



cum effectu nequit. Imò verò in Corporibus debilibus & effœtis idem aliquando vel sponte accidit, nisi cardiacorum ope naturam in illis languentem adjuveris, quo sanguini despumando par sit.

Verùm illud hîc jam porrò notandum arbitror, ea quæ de fermentationis spatio atque continuatione suprâ tradidimus, de illis solummodo Febribus intelligenda esse, quæ statam quandam naturam atque habitum nactæ sunt. Sciendum enim est, neque me præterit, Febres quasdam esse, tum continuas tum intermittentes, quæ transeuntis & incerti genii sunt, neque in suis effervescentiis ad destinatam periodum pertingunt. Hujus generis sunt quæ à levi aliqua offensa ex sex rerum non-naturalium, quas appellant, ut cibi, potûs, aëris, & his similibus, abusu, nonnunquam ortum ducunt, his enim morbis correpti subito sæpe convalescunt. Idem etiam adolescentulis, sanguine puro, ac multis spiribus referto præditis, aliquando accidit: nimirum Febres illorum spirituosâ quâdam ac nimis tenui, volucrique materiâ, fermentationes suas citius perficiunt, ac celeri gradu spatia sua emensæ evanescent. Ad fermentationem enim illud primò requiritur, ut materia fermentescibilis, sive illa sanguis sit, sive vinum aut alius aliquis liquor quilibet, eâ tenacitate & viscositate polleat, ut spiritus implexos, atque irretitos eatenus detinere valeat, ut in liquoris massa moveri atque agitari possint, eodem ferè modo, quo aves visco captræ, aut muscæ atque apiculæ melle detentæ, motitare quidem, & murmura sua peragere possunt, avolare interim non valentes. Neque tamen, (ut obiter illud dicam) eam tenacitatem obtinere debent liquores memorati, ut spiritus prorsus obruant opprimantque, adeò ut non omnino moveantur.

His jactis fundamentis (quæ quidem nescio an aliis, mihi certè ratione non contemnendâ niti videntur) mirum non erit, si illis non aliam medendi methodum superstruam, quàm quæ in Febribus continuis ad despumationis debitum opus ritè perficiendum, adhibenda videatur: cum nimirum illæ à continuis nullo discrimine sejungantur, si ordinem spectes, quo natura earundem materiam expellere solet, scilicet per effervescentiam certâ periodo comprehensam. Etsi quod ad earum speciem, atque naturæ proprietatem attinet, illas & à continuis, & à se invicem plurimùm differre non diffitear. Itaque vel methodum, quâ se natura liberare ab hoc morbo solet, cautè sollicitèque observando indicium sumere oportet, quo fermentationem abortam acceleremus, atque ita ad sanitatem ægros perducamus; vel in ipsam causam specificam penetrando, danda erit opera, ut remediis efficacibus ac specificis morbo obviam eatur. Ab horum alterutro indicationes sumendæ sunt. Ego utramque viam ingressus aliquando fui, atque illæ (uti opinor) verecundiâ profiteri possum, non sine summa cura atque attentione animi indefessa, sed nondum eam felicitatem adeptus sum, ut Autumni Febres intermittentes certâ aliquâ praxi atque medicandi ratione tollere possim, antequam statas illas Fermentationes [ de quibus suprâ locuti sumus ] peregerint, utcunque molestum hoc febricitantibus videatur; qui eousque sanitatem suam expe-



Stare inviti coguntur. Revera autem si quis inter mortales reperiatur, qui sive methodo aliquâ certâ, sive remedio specifico adhibito, Febrium harum intermittentium cursum non solum inhibere, sed etiam omnino abrumpere novit, existimo eum omni jure teneri, ut humano generi rem illam summopere expectendam patefaciat: quod si non fecerit, ego illum nec boni civis, nec prudentis viri nomen mereri pronunciare ausim; neque enim civis boni est, illud in rem suam vertere, quod toti generi humano tam ingens beneficium apportet, nec viri prudentis, divinâ benedictione semetipsum privare, quam à summa bonitate liceret expectare, si ad publicum bonum promovendum se accingeret. Honoris autem ac divitiarum longè minor apud probos, ratio habetur, quam virtutis & sapientiæ.

Quantumlibet autem fuerit difficile, Intermittentes has Autumnales certò fugare, tradam tamen quicquid ad earundem curationem præ reliquis facere mihi visum est.

\* Intermittentium Autumnalium curationem non sine ingenti discrimine per Catharsin tentari, [nisi eo, quem mox dicemus, modo instituantur] præsertim vero per Phlebotomiam, frequentis nimis observatione jam olim didici. Etenim in Tertianis [maximè si ea Constitutio admodum fuerit Epidemica] hâc methode sanandis, nisi Chirurghi gladiolus eodem ictu, quò venam pertundit, ipsam etiam Febrem confodiat, dictæ Febres, etiam in vegetioribus & Athleticè cætera valentibus, non nisi longò temporis tractu expugnari se patiuntur: in provectioribus autem diutinum Febris cruciatum tandem etiam mors excipit, quam præ foribus jam esse haud rarò denunciat lethalis illa Tonsillarum inflammatio, cujus fecimus mentionem. Adde, quòd Venæsectio alia etiam symptomata illa maturius accersivit, quæ Febres Autumnales Intermittentes in statu declinationis vel comitari diximus, vel à tergo sequi. Quartanariis verò in tantum obest Phlebotomia, ut Juvenes, qui à morbo alias intra sex menses fuissent liberati, per sex adhuc alios ab eodem detineantur: Ætateque provectiores, qui nisi sanguinem detraxissent, intra annum poterant sanari, morbum etiam ultra statum illud tempus alere periclitantur, ac denique ab eodem victi succumbere. Quæ de venæsectione jam dixi, levi operâ ad Catharsin possunt transferri, nisi quòd hæc non usque adeò perniciofa sit, nisi crebrò repetita.

*Intermittentes Tertianas Autumnales* hoc pacto aggredior. Ægro in lectulo composito, & stragulis undiquaque cooperto, sudores provocho sero lactis Cerevisiato, cui Salviæ folia incocta fuere, quatuor circiter horis ante Paroxysmi adventum; quibus jam obortis mox præcipio, ut devoret ℥ij. *Pilularum Cochiarum majorum* solutarum in ℥j. sequentis misturæ. ℥. *Aq. vitæ* ℔j. *Theriac Andromach.* ℥iij: *Crocī Angl.* ℥j. *M.* stent simul pro usu. Hæc ubi assumpserit, in sudoribus continuo eliciendis persistat, donec elapsæ fuerint aliquot horæ ab illo tempore, quo Paroxysmus ingruere debuerat, magnâ cum cautelâ se muniens contra illas sudationis interruptiones, quas illi fortè creabunt dejectiones aliquot a medicamento Cathartico profectæ. Sæpiùs

\* *Intermittentium Autumnalium Curatio,*

*mihi*



mihi ex animi voto cessit medicamentum hoc in fugandis Tertianarum Paroxysmis, quàm usu receptum illud ad eundem scopum tendens, Decoctum sc. *Rad. Gentian. Summit. Centaur. &c.* cum pauca *Senna* atque *Agarici* quantitate. Cum enim duos illos contrarios sudandi ac dejiciendi motus eodem tempore exciter, eundem cum vulgari isto effectum obtinet, ordinatum scil. Paroxysmi processum confundendo atque interturbando; idque efficacius, nec tamen tuto minus. Atque hac sanè methodo Intermittentes Autumnales Tertianas benè multas pepuli; necdum præstantiorem alium experiri his annis mihi licuit.

In *Tertiana duplici*, quæ Typum variavit, ob Ægrum vel evacuationibus vel alio quovis modo debilitatum, sudor pari etiam modo provocandus, & pari temporis intervallo à futura Paroxysmi invasione, vel medicamento jam laudato (omittantur verò *Pilula Cochiae*, cum nec tutum sit, nec ad rem faciat, Cathartico jam ab eodem fractas ægri vires amplius dejicere, & Paroxysmis ejusdem ope ingeminatis suppetias ferre] vel diaphoretico alio aliquo *σφαικιστήριον* atque efficaci, quod etiam repeti potest Paroxysmo genuino proxime subsequente: In summa ægri debilitate à dicta Paroxysmi ingeminatione Electuarium, quod jam sequitur, præscribo: *℥ Conserv. fl. Borag. Buglos. an. ʒj. Conserv. Arthos. ʒβ. cortic. citri condit. Nucis Mosch. cond. Theriac. Andromachia. ʒiij. Consec. Alkermes ʒij. M. F. Opiata*, de qua capiat ad magnitudinem avellanæ mane & vesperi, superbibendo cochl. 6. sequentis Julepi *℥ Aquæ Vlmariæ & Theriacalis stillat. an. ʒiij. Syr. Caryophil. ʒj. M.* vel hujus loco Aquam aliquam Epidemicam simpliciorum saccharo dulcoratam exhibeo, interdicto Enematum usu; ægro Juscula è pullorum carnibus, Avenacea, &c. concedo.

*Quartanarum* quod attinet Curationem, nemo est, opinor, in hac arte vel mediocriter versatus, qui nesciat quam parum votis respondeant methodi istæ omnes, quæ huic medicorum opprobrio eluendo hætenus destinantur, si *Corticem Peruvianum* excipiamus, qui tamen inducias sæpius impetrat morbo, quam eundem debellat, cum postquam ad septimanas duas vel tres delituerit, magno cum ægri emolumento, qui ab illo male multatus paululum interim respirat, mox de novo recrudescens haud segnius quam prius laceffit; atque ut plurimum, quotiescunque demum repetatur illud medicamentum, non nisi longo temporis tractu expugnatur. Referam tamen quicquid de methodo ejusdem exhibendi habeo compertum.

Curandum est ante omnia ne præmaturæ nimis hic Cortex ingeratur, antequam morbus suo se Marte aliquantisper protriverit (nisi collabescentes & jam fractæ ægri vires eundem temporiùs sumendum esse distaverint) neque enim illud solum est metuendum, ne à præproprio ejus usu inefficax iste reddatur, & spem ægri fallat, sed etiam ne de ægri vita agatur, si sanguini omni fermentationis nisu se despumanti eam derrepente injiciamus remoram. Proximo loco, neque Cataracti, multò minus Venæ-sectione, subducenda est materiæ Febrilis pars aliqua, quo liberius cortex suo fungatur munere: cum enim ab utraque



descent Paroxyfmi, evanefcente femel pulveris vi. Mihi etiã magis è re fore videtur, ut fanguinem dicto medicamine fenfim, longioreque à Paroxyfmi intervallo leviter inficiamus, quàm ut uno omninò icu Paroxyfimum jam instantem tentemus confodere; hoc enim pacto & plus temporis remedio conceditur, quò fuum opus plenius abfolvat, & evitatur quicquid id eft periculi, quod ægro poterit oriri ex fubito ifto atque intempeftivo nimis fufflamine, quo Paroxyfimum jam invalefcentem, atque omni fe ope exerentem conatur opprimere. Poftremò brevibus iftis temporis intervallis reperendus eft pulvis; ut non protinus evanefcat priore dofis virtus, antequam altera exhibeatur: crebrâ enim repetitione iftâ ~~in~~ tandem recuperabitur, profligato in folidum morbo. His adductus rationibus hanc ego methodam cæteris antepono: *Peruviani corticis ℥j. cum Syrup. Rosar. rubr. ℥ij.* mifceatur; æger verò quantitatem Nucis molchatae majoris mané & ferò quotidie devoret diebus à genuino Paroxyfmo vacuis, donec confectionem omnem abfumpferit. Repetatur porrò ad très alias vices interjectis femper diebus quatuordecim.

Neque fortè cum minori fructu ufurpari poterit cortex hic in Tertianis, quâ Vernis, quâ Autumnalibus, quàm in Quartanis, adhibetur. Sed ut vera loquamur, nec Artem ~~ἀπορροισνύσας~~ ostentemus; Si harum Febrium alterutrâ correptus æger vel infans fit, vel ætate floreat, convenit omninò [ quantum ego hætenus edoctus fum ] nihil medicamentorum quorumvis ope, aut aëris, ac diætæ mutione moliri: Nihil enim hinc mali natum hucusque intellexi, fi modò totam rem naturæ permiferim. Id quod ego non fine admiratione, præcipuè in infantulis, sæpè observavi; fanguine namque depuratione fuâ defuncto, Febres illæ fponte fua evanuerunt. Quod fi autem è contrario vel ftictiori aliquo regimine utaris, vel medicamenta purgantia fubinde adhibeas, [ adhiberi fcilicet folent eo prætextu, ut obftructiones expediantur, atque humores in primis viis ftabulantes exturbentur ] vel fi, quod præcipuum eft, in constitutione Epidemica Venæ-fectio celebretur, fiet ut morbus in longiffimum tempus procurrat, atque interim ut ægri mille fymptomatis, jifque periculofiffimis exponantur.

Si verò febricitantes provectioris ætatis fint; ex utroque morbo (Tertianas dico Autumnales, ac Quartanas) (non folum diuturnitatis, verùm etiam ipfius mortis grave periculum imminet. Hic itaque Medicum illud agere oportet, fi neque cortice *Peruviano*, nec aliâ quâvis methodo morbum fubmovere valuerit, ut naturæ faltem fuppetias ferat, eamque illis adminiculis fublevet, quibus ad negotium fuum peragendum opus habuerit. Certè enim in effæctis corporibus, nifi fermentatio cardiacorum, & corroborantis diætæ, ut vini *absinthitis* ac id genus fimilium, beneficio fuflineatur, illud accidet ut ægri incertis atque fruftraneis Paroxyfimis divexati debilitentur, atque morbus eoufque duret, donec languida prius natura Paroxyfmo aliquo graviore correpta, ad ebullitionis tempus pertingere non poffit, adeoque in ipfo exhorrefcentiæ tempore diem fuum obeant ægroti. Atque hoc in fenibus non raro



usu venit, qui longâ Cathartorum serie debilitati fuerunt, imò, ut aliquando visum est, in ipso vel primorum Paroxysmorum rigore penitus defecerunt, cum exhibito cardiaco satis forti saltem ad tempus aliquod sustineri potuissent.

Cum sanguis tempus illud exegerit, quod ad despumationem suam perficiendam requiritur, necessarium est, ut provectoris ætatis ægri eodem ipso tempore, vel paulò antea insignem aliquam æris mutationem subeant, sive [quod potius optandum esset] in calidiorē aliquam regionem commigrando, sive mutando saltem locum, in quo primum hoc morbo correpti sunt. Mirum sanè est, quantum valeat hæc æris mutatio ad morbum hunc prorsus abigendum. Interim ut ante hunc temporis articulum ær mutetur, non tantum non necessarium est ad sanitatem ex hoc morbo restituendam; sed & minùs convenit. Etiam si enim quis in regionem quantumcunque Australem & calidam migraverit, sanguis tamen ejus in morbo hoc motu semel constitutus, depurationem suam ut peragat necesse est; quod quidem beneficii frustra expectabitur ab inusitato novoque ære, priusquam procedente atque adulto jam sanguinis motu, sanitatis recuperandæ capax fuerit. Insignis ergò illa æris mutatio tumdemum adeunda est, cum primum æger à Paroxysmo liberari potest: Exempli causa: In Quartana, quæ primum in Autumno invasit, non citiùs ær mutandus est, quàm circa Februarii initium. Interim si æger mutare locum vel nolit, vel commodè nequeat, oportebit ut hoc ipsius temporis articulo, forti aliquo medicamento utatur, cujus eæ sint vires, ut uno quasi ictu languescentem illam depurationem potenter promoveat, & si fieri poterit, perficiat. Ad hanc rem consulerem ego, ut *Electuarii de Ovo vel Teriaca Andromachi (sesqui) drachma in aqua Cælestis*, vel *aqua Vitæ communis unciis duabus dissoluta exhibeatur*, duabus scil. horis ante paroxysmum. Id quod à me, cum successu non infelici, in morborum hujusmodi declinatione factum est. Licet agnoscam calidiora hæc citius exhibita vel morbum duplicare, vel in Febrim continuam permutare, quod à *Galenò* jamdudum observatum est. Idem in juvenibus hoc morbo detentis fieri potest, cautelâ adhibirâ. Ut autem in puerili ætate idem fiat, non tantum non convenit, verum etiam periculo non vacare dudum observavi.

Priusquam huic argumento clausulam addamus, illud monendum venit. Ea quæ de Februm Autumnalium intermittantium duratione, atque de tempore ad sanguinis despumationem requisito jam dicta sunt, ita intelligenda esse ut nos solum illud nunc spectemus, quod Natura vulgaribus atque usitatis tantum medicamentis suffulta, præstare soleat. Nequaquam enim eo consilio de his rebus ita locuti sumus, ac si doctos ac solertes Medicos despondere animum velimus, atque vel de melioribus medendi rationibus excogitandis, vel nobilioribus remediis inveniendis spem totam abjicere, quorum ope hujusdi morborum sanationem accelerent; tantum enim ego profectò ab hoc proposito absum, ut non desperem vel à me ipso tale quidpiam sive methodi, sive remedii aliquando repertum iri.

Sublato morbo æger sedulò purgandus est; incredibile enim dictu, quanta



morbis vis ex purgationis defectu post Febres Autumnales subnascatur. Miror autem hoc à Medicis minus caveri, minus etiam admoneri. Quandoque enim horum morborum alterutrum paulò provectioris ætatis hominibus accidisse vidi, atque purgationem etiam omissam, certò prædicere potui periculosum aliquem morbum eosdem postea adoriturum, de quo tamen illi nondum somniaverant quasi perfectè jam sanati.

Omnino interim cavendum est, ne purgetur æger, nisi morbo penitus depulso. Quamvis enim partes Naturales illuvie istâ, quam in illas congeffit Febris, hoc pacto quadantenus sublevare videantur: nova tamen materia derepente succrescet, Febre scil. à Cathartici impetu, atque humorum agitatione jam revocata, eandem suppeditante; ac proinde id tantùm à Purgatione lucri fecerimus, ut morbus contumacior evadat. Quotidiana id nos docent eorum exempla, qui in morbi *ἄρῃ*, ut *Theoria* isti morem gerant, quæ in tollendis obstructionibus, & evacuando humore melancholico, qui mali fons & origo vulgò habetur, Curationis spem omnem ponit, repetitis purgationibus miserè plectuntur; quibus sanè, quicquid id demum est humorum, quod à corpore divellitur atque eliminatur, compertissimum est nobis Febrem altiores exinde radices agere, & pertinaciùs stationem suam tueri, quàm si non fuerit proritata. Quapropter religio mihi est Catharticum propinare ante tempus illud, quo non tantùm Paroxyismi perceptibiles, sed etiam alteratio ista, qualis qualis ea fuerit, quæ diebus illis, in quos Paroxyismus incidere debuerat, persentiscitur, omninò evanuerint, atque unus insuper mensis fuerit elapsus, quo quidem effluxo Potionem aliquam ex Lenitivis vulgaribus præscribo, atque eandem semel in septimana ad menses duos tresve subsequentes repetendam impero; addito etiam singulis vicibus hausto aliquo Paregorico, horâ somni assumendo, finitâ jam medicamenti operatione; ut nempe Paroxyismo se de novo ingerendi ansam præscindamus, quæ aliter fortè arriperet ex occasione tumultûs atque orgasmi, quos vel mitissima excitant Cathartica.

Purgationibus instituendis idcirco spatia ista ampla interpono, ut sc. æger à recidivæ metu liberetur, quæ quidem à nimis crebra & confertim repetita sanguinis atque humorum exagitatione, de facili poterat induci. At cum jam ista res vacet periculo, Apozema sequens frequenter usurpari poterit. *℞. Rad. Rhabarb. Monachor. ℥ij. Rod. Asparag. Brusci, Petrosel. & Polipod. quer. an. ℥j. Cortic. Median. fraxini, & Tamarisci an. ℥℔. fol. Agrimon. Ceterach, & capill. Ven. an. M. j. Sennæ mund. ℥℔. (irrorat. ℥ij. vini albi) Epithimi ℥℔. agarici troch. ℥ij. sem. fœnicul. Diij. Coq. in aqua fontana ad ℥℔. sub finem adde succi aurantiorum ℥ij. In colatura dissolve Syr. Cichor. cum Rheo, & Magistral. ad melancholiam an. ℥℔. F. Apozema, de quo capiat ℥℔. singulis matutinis per triduum, & repetatur quoties opus fuerit.*

Ut tandem *Symptomata* illa memoremus, quæ Febres intermittentes in declinationis statu coarctantur, observandum est, Vernarum paucissima esse, si ad illa comparentur, quæ Autumnalibus accidunt, tum quia non ita diu hærent istæ, tum etiam, quia in humoribus non usque adeò terrenis, & minus etiam malignis fundantur.



Primum hic sibi locum vendicat, subinde occurrens \* *Hydrops*; unde primò quidem Crura intumescunt, deinde etiam venter; qui exinde nascitur, quòd scil. sanguis crebris illis fermentationibus, quas peperit morbi diuturnitas, [ præcipue in natu grandioribus ] plures Spirituum manipulos prodegit, unde summâ eorundem inopiâ jam laborans, succos cum alimentis ingestos non amplius valet assimilare, quorum cruda adhuc indigestaque moles in crura tandem deponitur, atque his jam distentis, neque ulterius quicquam admittentibus, in ventrem etiam, unde verus *Hydrops* formatur. Rarò autem juvenes obsider hæc malorum Ilias, nisi Catharcis per Febris decursum sæpe numero iteratis eandem inconsultò nimis accersiverint.

Verùm *Hydrops* ex causâ memorata superveniens aperientium & cathartico- rum usu facilè sanatur, si modò recens fuerit. Neque mihi molestum est, quoties hunc natum morbum audio atque intelligo, nempe de rei exitu omnia bona tunc temporis animo concipiens: Nonnullos enim usu Apozematis jam appropriatorum persanavi.

Veruntamen observavi, frustra esse, si quis *Hydropem* ex Febre intermittenti natum, medicamentis purgantibus tollere conetur, Febre illâ adhuc durante: Febris enim hoc pacto radices profundius agere deprehendetur, non autem amovebitur *Hydrops*; expectandum itaque; donec Febris exulet, ac tum demum negotium prospere suscipiendum.

Verùm enim verò si tam importunè atque acriter instet symptoma hoc, ut ejus curatio non eo usque videatur differenda, donec Febris recessus Cathartico- rum usum permittat, aggredienda omninò illa est Infusionibus *rad. Raphani rustici*; *summitat. Absinthii*, & *centaurii min. baccarum juniperi, Cinerum Geniste*, &c. in vino factis; quæ non solum huic symptomati obsistunt, effœtas sanguinis vires de novo instaurando, sed naturæ etiam de morbo jam triumphaturæ tempori subveniunt.

\* Infantes autem post Febres Autumnales tum Continuas, tum Intermit- tentes, Hectici aliquando fiunt. Ventres eorum inflati, tumentes, ac duri evadunt; sæpe etiam tussis, aliquaque tabidorum symptomata subnascuntur, quæ *Rachitidem* planè mentiantur. Hos ego sequenti modo tractandos consulo. Paretur potio Cathartica quam in Febrium continuarum fine assumendam præscripsi. Hujus capiat infantulus Cochli. j. vel ij. plus minus pro ætate, mane per 9 dies, uno atque altero die, si opus fuerit, intermisso. Interim verò purgatio ita moderari debet ac regi, dosin vel augendo vel minuendo, ut ultra 5 vel 6 sedes singulis diebus non procedat. Post finitam catharsin totus venter inungatur linimento aliquo aperitivo per aliquot dies. Sequenti uti soleo. ℞ *Ol. lilior. & tamarici an. ℥ij. Succo rad. brionie & apii an. ℥j bulliant ad succorum consumptionem, addendo unguenti de althæâ & butyri insulsi an. ℥j. gummi ammoniaci in aceto soluti ℥ss. cera flava q. s. f. linimentum.* Sanè quamplurimi infantes, etiam verâ *Rachitide* laborantes, hæc methodo à me liberati fuerunt.

Veruntamen [ ut ante monuimus ] cavendum sedulo ne purgationem aggrediamur, nisi Febre jam perfectè fugata; licet enim hoc pacto humoris in



partes naturales amandati portio quædam evacuari non sine causa videri possit, nihilominus ab ipsa Febre nova subinde pravæ materiæ copia suggeretur, quæ non solum purgationem reddet frustraneam, verum & ipsum morbum diuturniorem præstabit, ob rationes antea memoratas.

Observatu non indignum est, quod cum Febres Autumnales teneram ætatem diu cruciarint, nulla spes sit easdem abigendi, donec abdominis regio, circa lineam præcipue, indurati atque tumefieri occæperit; jisdem enim gradibus quibus hoc symptoma supervenerit, Febris etiam fugam meditatur. Neque forte ex meliori aliquo prognostico morbum hunc brevi abiturum dixeris, quam si sedula animadversione suboriri hoc symptoma perspexeris. Idem porro in crurum tumoribus obtinet, qui in adultis aliquando spectantur.

Ventris tumor qui Infantibus accidit post has Febres, quibus annis aëris constitutio Intermittentibus Autumnalibus progignendis Epidemice determinatur, tangentis digitum haud aliter ferit, ac si materiam aliquam conrinerent viscera in Scirrhum induratum; cum quiallis annis, simili licet *ωροφάσει*, contingit, tactum ita afficit, ceu Tensio tantum foret Hypochondriorum a subiectis flatibus. Hinc nisi annis quibus intermittentes Autumnales prædominium habent, veræ Rachitides rarius occurrunt, quod observatu dignum.

*Tonsillarum dolor & inflammatio* post Febres sive Continuas, sive Intermittentes, cum deglutiendi primum difficultate & molestia, supervenientibus deinceps raucedine, oculis cavis, & Hippocratica facie, mortem certo imminentem præmonstrant, intercisa plane omni reddintegrandæ sanitatis spe. Funesto huic symptomati producendo evacuationes justo copiosiores in ægris vi morbi jam ferè attritis, ut & longiorem Febris moram sociam operam ut plurimum commodasse observavi.

\* Multa alia sunt accidentia quæ morbos hosce consequi solent ob purgationem vel non omnino, vel non rite celebratam, quibus impræsentiarum enumerandis supersedebimus, cum curationis eadem fere ratio sit utrobique, nempe sedimenti ab effervescentia præcedanea depositi repurgatio, quippe quod sua mora malis hujusmodi materiam præbuerit. Quanquam licet hîc loci non contemnendum symptomatis genus referre, quod non tantum purgationibus & evacuationibus aliis quibuscunque, Venæsectioni præsertim, cedere dedignatur, verum & ab illis vires sibi acquirit. Illud autem peculiaris quædam est ac sui generis *Mania* Intermittentes diuturniores (Quartanas præcipue) nonnunquam excipiens, quæ communem medicandi rationem aspernatur, & post evacuationes fortiores abhibitas in miseram quandam stultitiam degenerans, non nisi cum ipsa ægrorum vita terminatur. Miratusque sæpenumero sum nullam hujus rei mentionem ab Authoribus factam fuisse, cum non raro accidisse viderim. Cum reliquæ Amentię species copiosis evacuationibus, & Venæsectione, & Catharsi ut plurimum persanentur, hæc neutram potest ferre. Sed cum jam æger in sanitatis limine est, si vel Enema ex lacte saccharato semel injeceris, statim de novo recrudescet malum. Et si

\* *Mania spes quædam.*

reite-



reitatís Purgationibus , venæ-ſeção neque contranitamur , ejuſmodi evacuationes morbi quidem ſeſociam poſſunt domare , ægrum vero certiffime non tantum Fatuum , ſed & incurabilem omnino reddent. Quod quidem nemo mirabitur , qui ſecum reputaverit , alteram Amentix ſpeciem à nimis exaltata & vivida ſanguinis craſi produci , hanc vero ab ejuſdem debilitate , & ut ita dicam , vapiditate à diutina Fermentatione quam invexit Febris , qua mediante Spiritus functionibus Animalibus obeundis impares plane ſunt.

Huic malo ad hunc modum mederi ſoleo. Ægro ter in die Cardiacum aliquod è Generoſioribus exhibeo doſi paulo liberaliori , e. g. *Theriacam Andromachi. Elect. de ovo. pulverem Comitiffæ. pul. Gualteri Raleigh* , vel ſimilem in *Aq. Epidemicâ, Theriacali* , vel aliâ. Poſſunt etiam in aliâ quavis formâ exhiberi Cardiacâ medicamenta. Æger interim victu quidem moderato, Analeptico tamen , & Potu generoſiore reficiendus eſt ; foras ne exeat , in lecto ſe diu multumque contineat. Alvus ſub hoc regimine juſto erit aſtrictior , unde ut etiam à calidiorum medicamentorum uſu à Febre quis ſibi metuat , ſed vano prorsus timore ; cum ſpiritus antecedente morbo pene exhausti novum deinceps non valeant accendere. Poſt aliquot ſeptimanas paulatim in melius proficiet , quo tempore omitti poſſunt Cardiacâ ad dies pauculos , Diætâ vero Analeptica jugiter inſtituenda , & poſt brevem intermiſſionem repetendus eſt denuo Cardiacorum uſus , atque in eo perſiſtendum donec integra ſanitate fruatur.

Dicta methodus *Maniam* etiam quæ has Febres minimè exceperit , quandoque ſanavit , frigidiori ſc. atque infirmiori temperamento præditis. Anno nuper elapſo *Sarisburyam* accerſebar , ut cum Medico erudito & ſagaci , mihique conjunctiſſimo , Domino Doctore *Thomas* ſcæminæ nobili conſulerem , cui imaginatio haud parum fuit læſa. Verum adhibitis , etiam cum jam prægnans eſſet , remediis modò dictis , ad ſanam omnino mentem rediit.

Attamen *Mania communis* , quæ vegetis hominibus atque etiam nulla Febre prægreſſa , accidere ſolet , alius ſane proſapiæ eſt , ac proinde longè diverſa , quoad evacuationes , methodo tractanda , tametiſi vel in hac ſpecie , ea quæ cerebrum atque ſpiritus animales corroborant , haud omitti debent. Curationem autem ejus , etſi non ſit hujus loci , obiter tamen prædictæ ſpeciei ſubnectere non gravabor , ne quis fortè præ ſimilitudine morborum in errorem illabatur.

In Junioribus ac ſanguineo habitu præditis , mittatur ſanguis ex brachio ad uncias octo vel novem bis vel ter , diebus tribus inter ſingulas venæ-ſecciones interpoſitis : Deinde ſemel extrahatur ſanguis ex venis jugularibus. Ultra hunc modum repetitæ venæ-ſecciones ægrum potius in *ſtultitiam* ducunt , quam curationem abſolvunt. Poſtea aggrediatur uſum *Pil. ex duobus* , quarum drachmam ſemis vel ſcrupulos duos ( pro ratione operationis ) capiat ſemel ſingulis ſeptimanis ſtato die , ita ut ſi , verbi gratia , die lunæ primo Pilulas aſſumpſerit , præciſè eodem ipſo die , nec frequentius , ſequentibus ſeptimanis eadem repetentur per longum tempus , uſque dum perfecte convaluerit. Hac methodo humores qui in hoc morbo mentis arcem impetere ſolerent , ſenſim in inferiores ſedes dilabentur , alia quaſi *πόρῃ* eis inducta.

Die-



Diebus à purgatione liberis per totum decursum Electuario sequenti, vel alio medicamento eadem virtute prædito, utatur.

℞ *Cons. Absinth. Rom. Anthos, & Theriac. Androm. aa. ℥j. cons. flaved. Aurant. Angelic. condit. nuc. mosch. condit. aa. ℥℔. cum s. q. syrup. Caryophil. f. Electuarium*, capiat ad magnitudinem nucis moschati bis in die, superbibendo haustulum vini Canarini, cui fuerint frigide infusi Flores *Paralyseos*.

*Febris Continua* atque *Intermittentes* quas supra descripsimus, soli ferme erant morbi Epidemici, qui durante illa Constitutione quæ per annos 61, 62, 63, 64. regnabat, emicuere: quot retro annis eum obtinuerant principatum, non habeo dicere, id certo scio, quod ab anno 64. ad Annum usque 77. rarissimæ omnino Londini comparuere.

Dicendum mihi etiam erat de *Variolis*, quales nam scilicet erant istæ quæ tum contingebant, respectu habito ad Constitutionem illam; quandoquidem [ut jam subindicavi] vario admodum se habent modo pro varia Constitutione qua incessunt: sed cum non satis attente per id temporis animum ad eas adjecerim, missas jam facio: id tantum tradam illis peculiare, quod sc. jis annis labentibus, sub initio Maii confertissimæ invadebant, supervenienti vero Epidemicorum Autumnalium cohorti (Febrem volo Continuum, atque Intermittentes) locum dare solebant. In pustularum summitate foveolæ quædam ad instar capitum acicularum minorum plerumque subsidebant; atque in discreto genere æger octavo maxime die periclitabatur, quo tempore, abrupto derepente qui hucusque dimanaverat sive sudore, sive madore, externa exarescebant, nec revocari poterat sudor Cardiacis quibuscunque; æger phrenitide, atque anxietate insigni corripiebatur, cum magno dolore & ægritudine, utinam frequenter, at in parva quantitate, reddebat, ac intra paucas horas de magna spe decidens, ad plures migrabat.

## SECTIO SECUNDA.

### C A P U T I.

*Constituto Epidemica Annorum 1665, & 1666. Londini.*

**P**Rægressa Hyeme frigidissima, & sicco gelu in veris usque tempora inde finenter perdurante, cum ex improvise solveretur, fine sc. Martii, inunteque, ex Anglorum Computo, Anno 1665. *Peripneumonia, Pleuritides, Angine*, alique id genus morbi Inflammatorii magnam derepente stragem edebant: quo ipso tempore caput etiam extulit *Febris* quædam *Continua Epidemica*, à Febrium Continuarum genio, quæ præcedenti Constitutione



vigebant, longe diversa; quarum vix ullæ ea anni tempestate solebant invadere. Dolor Capitis quam in priore illa intensior, & vomitiones adhuc magis immanes ad hanc Febrem accedebant; in plerisque *Diarrhæa*, quam prius diximus assumpto Emetico præcaveri potuisse, jam ab eodem provocabatur, nec tamen cessabat Vomitio. Externa hîc pariter ac in Febribus Constitutionis præcedentis sicca reperiiebantur, attamen, præmissa maximè Venæsectione, æger in sudorem solvi poterat, quo provocato leviora mox Symptomata; atque hoc nullo non morbi tempore fieri potuit, cum in Febre prægressa nec tuto ante diem 13 vel 14. id tentaveris, nec facilè voti fueris compos. Sanguis sæpe Pleuriticorum, & Rheumatismo laborantium sanguinem colore referebat, non vero usque adeo Gelatina illa albescente qua illorum sanguis prætexitur. Hæc primo erant Phænomena hujus morbi *Διαγνωστικά*, Anno vero surgente ipsa *Pestis* irrupit magno symptomatum Pathognomicorum numero stipata, *Carbunculis*, viz. *Bubonibus*, &c. Hæc indies magis ac magis invalescens, circiter Æquinoctium Autumnale *ἀκμήν* attigit, quo jam instante unius septimanæ decursu octo plus minus hominum millia delevit; tametsi duo ad minimum Civium trientes ob metum contagii se in rus subduxerant; à quo tempore receptui canere cœpit, & urgente Brumali Frigore tantum non evanuit, nisi quod sparsim unum atque alterum hinc inde feriret per omnem hyemem, & insequentis veris exordium; quo appetente & ipsa omnino est delata; mansit tamen *Febris*, quamvis non ita Epidemica, excurrente integro anno sequente, imò ad Ver usque ortum Anni 1667. De his nonnulla hîc subnectam.

## C A P U T. II.

### *Febris Pestilentialis & Pestis Annorum 1665, 66.*

**I**N superioribus obiter admonui è febribus nonnullas in malignarum classe vulgo reponi, cum indomita symptomatum sævitia, quæ huic opinioni patrocinari videtur, non à venenosa morbi indole, sed à therapeia perperam administrata proficiscatur. Nam cum ad morbi solutionem à natura destinatam haud satis attenditur, sed alia medendi ratio temerè instituitur, hinc perturbatâ totius corporis œconomiâ, ac omnibus susque deque conversis, non modò tristissima rerum facies ultra consuetum morbi morem inducitur, verùm morbus jam à seipso alius, etiam anomalis accidentibus velut alienigenarum satellitio stipatur. Atqui *Febris verè maligna* non est omnium dierum morbus, utpote quæ ab aliis Februm speciebus ob symptomatum anomaliam eâ nomenclatura utcunque insignitis, totâ suâ ideâ ac ingenio dissideat. Reverâ enim cum ipsissimâ Peste specie convenit, nec ab ea, nisi ob gradum remissionem, discriminatur. Quocirca utriusque affectûs ortum ac curationem in eodem capite complectar.

Aëris massæ occultam ejusmodi sive crasin sive texturam obtingere, quæ  
diversarum



diversarum diversis temporibus ægritudinum ansa atque pararia existat, nemini obscurum est; qui modò animadvertit unum eundemque morbum certâ aliquâ tempestate infinitam mortalium vim corripere, ac Epidemicum fieri, aliàs tamen unum alterumve hominem afflixisse contentum, ulterius non grassari. De variolis, ac imprimis de Peste, hujusce capitis argumento, res est sat superque manifesta.

At verò quæ qualisque sit illa æris dispositio, à qua morbificus hic apparatus promanat, nos pariter ac complura alia, circa quæ vecors ac arrogans Philosophantium turba nugatur, plane ignoramus, quicquid sit, hoc saltem nomine Dei Opt. Max. clementiam ac bonitatem meritissimo jure veneramur, quod æris constitutiones λοιμώδεις, id est, Pestem malorum omnium immanissimum, ac humano generi maximè internecinum inferentes, rarius evenire voluerit, quam quæ cæteris affectibus minùs exitialibus suscitandis inserviant. Unde fit quod hunc orbem nostrum *Britannicum* Pestis vix frequentius quàm post annorum circiter triginta vel quadraginta intervalla (summo sc. pernicipi vigore, at tota furiarum acie) adoriatur. Quæ per annos aliquot Pestem insigniorem subsequentes, sparsim occurrunt pestiferorum funera, paulatim imminui ac evanescere solita, Pestilenti aeris diathesi etiamnum ex parte perseverandi, nec dum in aliam salubriorem penitus immutatæ attribuenda sunt, quippe quæ antegressæ messis duntaxat spicilegia reputari debeant. A quibus etiam nuperæ luis reliquiis, fit ut Febres quæ anno post graviolem Pestem uno aut altero passim grassantur, Pestilentes esse soleant; & licet aliquibus veræ Pestis notis destitutæ, tamen ejusdem naturam ac indolem quamplurimum referant, nec non consimilem medendi rationem sibi vindicent, quemadmodum inferius ostendemus.

Verum præter istam aeris constitutionem, ceu causam communiolem, accedat oportet & alia procatactica, nimirum μιάσματος sive seminii à pestifero aliquo corpore, vel immediate ac propiore consortio, vel mediate ac per fomitem aliunde transmissi, susceptio. Hoc enim si instante qualem diximus aeris diathesi fieri contingat, ab exigua primum scintilla mox horribile erumpit incendium, ac densatis undique funeribus, universo æri per istum terræ tractum à Peste, tum laborantium halitibus, tum mortuorum cadaveribus, labes & contagium inducitur; adeò ut ad tristissimæ ægritudinis propagationem jam non ampliùs vel fomite, vel personali consortio opus sit, verum quemcunque hominem, vel summa cura à Peste correptis semotum, ipse aer cum spiritu intro subiens per se ac suo Marte inficere valeat, modo ille corpus habeat humoribus ad afflatum excipiendum paratis, refertum.

Quamquam autem hic morbus, cum duntaxat sporadicus existit, nullo tempestatis discrimine paucos aliquot, tradito quasi per manus contagio, affligat, tamen ubi adest etiam Epidemica aeris constitutio, exoritur circa eam anni partem quæ inter Ver ac Æstatem ambigit, utpote quæ ad producendam ægritudinem, cujus essentia in humorum φλογώσεω sive inflammatione, ut post ea ostendemus, imprimis consistit, maximè idonea atque ac-



accommodata sit. Porro & sua habet Incrementi ac Declinationis tempora, non secus ac cæteræ rerum naturalium species. Nascitur eo quo diximus tempore, crescente anno adolescit, eodemque vergente collabascit, donec tandem ærem in diathesin huic morbo adversantem, glacialis bruma transmutet.

Quod si tempestatum anni vicissitudines in hunc affectum nihil imperii exercerent, verum seminium Pestilentielle, nulla aeris mutatione domabile de alio in alium perpetua propagationis serie transmitteretur, fieri non posset, quin ubi in frequentiorē aliquam Urbem semel pedem intulisset continuatâ strage funera usque & usque densaret, donec tandem nemo superesset, in quem Pestilentis miasmatis labes impingat. Atqui contrarium sæpè evenisse animadvertum est numero extinctorum, quos unica mensis *Sextilis* septimana ad aliquot millia extulerat, sub *Novembris* exitum valdè imminuto ac propemodum nullo. Nec tamen diffiteor fieri posse, quod & nonnulli authores factum prodiderunt, ut Pestis aliis etiam anni tempestatibus caput primum exerat; hoc autem rariùs accidit, nec ejusmodi lues in populum admodum debacchatur. Interea, æris dispositionem quantumvis λειμώδη pesti suscitandæ per se imparē esse vehementer suspicor, quin Pestilentia morbum alicubi semper superstitem aut per fomitem, aut per pestiferi alicujus appulsum, è locis infectis in alios deferri; ibidemque non nisi accedente simul idoneâ æris diathesi popularem fieri. Aliàs enim non assequor, quâ fiat, ut in eodem cœli tractu dum unum aliquod oppidum Peste gravissimè affligitur, aliud non longè distitum, omnem commercii necessitudinem cum loco contagioso cautè inhibendo, prorsus immune se præstiterit; quemadmodum non ante multos annos Pesti per universam ferè *Italiam* immaniter grassanti, *Magni Ducis* cura atque prudentia aditum in *Hetruriae* fines penitus interclusit.

Primus insultus rigorem ac horrorem, quemadmodum & Februm intermittentium accessiones, ferè perpetuum habet comitem. Mox vomitus enormes, dolor circa cordis regionem, ac si torculari premerentur, Febris ardens usitatâ symptomatum συνδρομή stipata, indefinenter ægros divexant, donec aut mors ipsa, aut benigna *Bubonis* vel *Barotidis* eruptio, quæ materiam morbificam foras ablegat, eos ab luctuosissimo discrimine liberet. Rariùs quidem accidit, ut circa ullam Febris præensionem ingruat, ac homines de improvviso è medio tollat, *maculis purpureis*, præsentanei interitus nuntiis, etiam dum in foro versantur, erumpentibus. Quæ repentina exanimatio [quod animadversione dignum] nisi in Pesti admodum funestæ exordio vix contingit, remittente ac refractâ jam lue, aut in annis, in quibus non existit popularis, nunquam observata est. Fit etiam nonnunquam, ut tumores prorumpant, nec Febre, nec graviore aliquo symptomate prægresso, quanquam suspicor rigorem, & horrorem leviusculum, ac minus perceptibilem semper præcessisse. Quibus autem hoc obtingit, jis integrum est per publicas plateas pro lubitu obambulare, ac communia vitæ munia, sanorum more, spretâ omni regiminis curâ, obire.

Cæterum quod ad morbi essentiam spectat, eam enucleatè definire in me-



non suscipio. Nec fortasse hominibus cordatioribus rem minùs importunam ille facere videbitur, qui à me postulârit, quid hæc aut illam ægritudinis speciem constituat, quàm ego etiam facerem, si ab illo idem de *Equo* v. c. inter animalia, vel de *Betonica* inter stirpes vicissim sciscitarer. Nimirum certissimis ubique legibus, ac artificio sibi soli intellecto rerum omnium generationes natura parens exequitur, quæque uspiam è causarum gremio in actum ac quasi in lucem educit, eorum essentias, quidditates, ac differentias constitutivas, altissimis tenebris obvelat. Hinc unaquæque morborum non minus quam animalium, aut vegetabilium species, affectiones sibi proprias perpetuas, ac pariter univocas ab essentia sua promanantes, sortita est. Neque interim magnopere urgebit ista Quæstio, Qui demum morborum medela administrabitur, dum causæ ipsorum nos latent? Quandoquidem non causarum, sed methodi convenientis atque experientia comprobata cognitione, affectuum plurimorum curatio absolvitur. Sed ut ad rem redeamus. Quoniam similiarum omnium morborum ortus à qualitatibus vel primarum, vel secundarum vitio (quod solum in hac rerum caligine nobis licet) deducere solemus, propè est ut credam Pestem peculiarem ac sui generis Febrim esse, quæ à particularum sanguinis spirituosiorum *inflammatione*, originem ducit, utpote cujus naturæ subtilissimæ, præ tenuitate sua, maxime proportionatæ ac adæquatæ videntur. Quod si subtilitate qua potest maxima pollet (ut in principio & statu constitutionis Epidemicæ videre est) subito ac quasi ex improviso calorem nativum dissipat, & ægrum è medio tollit: Cadaveribus interim hujus morbi ferociâ tam subito extinctorum maculis purpureis undique conspersis, atque fœdatis; nempe Fibris cruoris præ intestini conflictus violentia dissiliens, & compage ipsius prorsus dissoluta. Atque hæc tragœdia præ hujus quasi flammæ subtilitate eximia, etiam sine aliqua sanguinis Febrili ebullitione, vel alterius ægritudinis præsentione, cietur. Secus quàm ut plurimum accidit, ubi causa morbifica minùs subtilis existit, & quasi obtusiori telo vitam impevit. Discriminis modus pinguiori exemplo sic adumbretur. Si acus vel quid aliud cuspide graciliori præditum pulvinari supponatur, ac vi adigatur, illud, æque ac ab obtusiore instrumento similiter adactò, in sublime non attollitur, sed perforatur. Verùm ejusmodi subitanea extinctio rariùs occurrit, nec nisi [ut supra innuimus] circa initium Pestis, vel incrementum. Etenim, ut in aliis Febris, plerumque rigor atque horror primùm invadit, quem calor mox excipit, & tantisper excurrit, donec particulæ cruoris inflammatae provido naturæ ductu ad Emunctoria amendantur, ac ibidem ad instar, phlegmonum communium in pus vertantur. Jam si inflammatio adhuc remissior existat; Febres, quas pestilentes vulgò appellant, producere solet; ut in fine pestilentis constitutionis sæpenuerò accidit, ac forsitan etiam uno alterove post anno, donec ista Februm species prorsus dispareat.

Certè, me judice, in inflammatione ista, quam Latini *Ignem Sacrum* appellant, quandam Pestis imaginem non obscuram intueri licet. Est enim morbus hic apud saniores Medicos Febris Continua à sanguinis parte tenuiori



corruptâ ac inflammatâ originem ducens, quâ ut natura se liberet, eam in corporis aliquam partem externam expellit, in qua tumor, aut potius (cum tumor adeò notabilis sæpe non appareat) *Macula rubra*, lata, dispersa, quam *Rosam* appellant, oritur, Solvitur autem ista Febris, postquam uno atque altero die ægrum afflixit, criticè per hunc tumorem, & proinde aliquando in glandulis sub alis, vel in inguinibus dolor, ut etiam in Peste fieri consuevit. \* Et ferè invadit hoc malum ut Pestilentia, cum horrore & insequenti calore Febrili, ita qui ipsum ante non sunt passi, existiment lue pestifera se corripi, donec tandem in crure aut alio loco sese affectus prodat. Quibus accedit quod & maligni aliquid huic morbo inesse nonnulli Authores suspicantur, ac proinde curationem in sudoriferorum atque alexipharmacorum usu constituunt. Hæc quidem flamma, ubi Ebullitionem commoverit, cujus ope particulæ sanguinis leviusculè ustulatæ ac quasi syderatæ brevi spatio foras ablegantur, sponte sua, nec ulteriore noxam molita, extinguitur.

Verumtamen Ignis noster isto *Sacro* longè *divinior* est, ut qui summa qua pollet substantiæ tenuitate intimiores corporis recessus ad instar fulgetri permeare aptus natus sit spiritibus cruoris derepente profligatis, ipsiusque compage nunquam citius dissoluta, quam Natura præcipiti malo oppressa, Ebullitionem Febrilem (solemnem nempe machinam qua quicquid sanguini infestum est, suis è finibus amovere satagit) concitare valeat.

Quod si quis mihi hic litem paret de eo quod hunc morbum ab inflammatione oriri existimem, is attendat non modo Febris præsentiam, sed & complura alia huic sententiæ suffragari, nempe sanguinis detracti calorem, qui Pleuriticorum ac Rheumatismo laborantium sanguinem plane æmulatur; adustam *Anthracum* faciem, Pyrotici actualis impressioni non absimilem; nec non *Bubones* ipsos, qui inflammationem æquè solemniter excipiunt ac eandem alii cujuscunque generis tumores consequi solent, uti & inflammationes pleuræque omnes in abscessum terminantur. Quin & anni tempestas qua Epidemica Pests ut plurimum exoritur, ad hanc rem symbolum suum conferre videtur, Eodem enim tempore, nimirum quod inter vernum æstivumque medium est, *Pleuritides*, *Angina*, aliæque inflammati sanguinis affectiones populariter ingruere consueverunt: quemadmodum etiam nunquam frequentiores mihi visæ sunt, quàm per aliquot septimanas, quæ nuperæ *Pestis Londinensis* exortum antecesserunt. Nec vero nullius est momenti illum ipsum annum tot millium strage funestum, alioquin mitissimum ac saluberrimum exstitisse; omnesque qui à Peste immunes perstiterunt nunquam meliori valetudine usos fuisse; quin & eos qui ab eadem convaluissent, cachexiæ aliisque affectibus à residuâ priorum morborum labe provenire solitis, non magis obnoxios deinceps vixisse. Quibus accedit, quod & quantæcunque latitudinis, *Apostemata* & *Carbunculi*, postquam inflammatæ particulæ una cum sanie decessisset, Chirurgicis auxiliis, jisque non admodum conquisitis, facilè sanata fuerint.

Verum perquirat hîc fortasse aliquis, si Pests in inflammatione quadam com-

\* Vid Sennertum, lib. 2. cap. 16. de febr., Sympt. contin.



stat, qui fiat ut medicamenta calidioris census, qualia sunt *Alexipharmaca* ropè omnia, tam ad hujusce affectus Therapeiam, quam Prophylaxin tantum fructu usurpentur. Cui respondeo, illa duntaxat per accidens auxilium ræstare, nempe Diaphorescos, quam suscitant, beneficio, quo particulæ sanguinis inflammatae diffilantur, atque exterminantur. Quòd si fortè exhibita sudores commovere non valeant [ ut persæpè accidit ] mox sanguinis incendium b additio calore magis efferatum, eorum noxam palàm proclamat. Prophylaxin ut verbo attingam, non sum nescius etiam ad illam *Antidotarium* calidorum usum passim deprædicari, at quo emolumento adhuc probandum estat. Imò vinum liberius ingurgitatum, aliquaque fortiora præservativa statis horis dietim assumpta, complures, qui aliàs salvi intactique verisimiliter permansissent, in hunc affectum coniecerunt.

Quod ad harum Februm *Therapeiam* attinet, erunt fortassè, qui me temeritatis atque arrogantiae eo nomine insimulabunt, quod ab Urbe dum nupera Pestis grassaretur, maximam partem complurium miliarium intervallo semotus, adeoque observationum copiâ minus instructus, de hac re tamen disserere sustineam. Verùm cum Medicis illis longè peritioribus, quibus per totum calamitosæ luis decursum inter media pericula & mille mortis imagines commorandi animus ac fiducia non defuisset, tamen ea, quæ crebriori usu de hujusce morbi ingenio annotassent, in lucem edendi voluntas hætenus defuit, mitiorem, uti spero, de consilio meo sententiam laturi sunt omnes boni, quòd meam de truculentissimo affectu sententiam, paucis quidem, sed propriis observationibus superstructam, in medium expromam.

Ac primus quidem locus *Indicationibus curativis* debetur, quæ eò in universum dirigendæ sunt, aut ut naturæ ductum in exterminando morbo accuratè sequentes, eidem subsidiariam porrigamus manum; aut ut methodo, quâ natura in intestino hoc hoste debellando uti solet, minimè fidentes, diversam ac tuciores ex nostro penu atque artificio vice illius substituamus. Nisi fortè hic aliquis regerat rem etiam satis feliciter per pestifuga alexiteria geri posse, quorum ingentem apud Practicos copiam reperire est. Verumenim verò annon auxilium quod præstant hujusmodi medicamenta, potius manifestæ ipsorum facultati, quâ sudores affatim proliciendo simul materiæ morbificæ exitum aperiant, quàm occultæ cuidam indoli, qua à Natura ad Pestilentis malignitatis labem delendam donata fuerint, referri debeat, magnam atque ancipitem habet disceptionem. Nec de hisce tantummodo, sed & de aliorum morborum Alexiteriis dubitare fas est, utrum evacuationem aliquam sollicitando, potius quam virtute quadam specifica ægrotantibus non succurrant. Qui enim, v. gr. in *lue Venerea*, vel *Mercurium* vel *salsaparillam*, veneni in isto morbo reperti alexipharmaca abjiciat, adducenda sunt ei curationum exempla, in quibus ille sine sputo aut secessu hæc verò sine sudoris suscitatione sanitatem aliquando restituerit; quod ego quidem credo ei admodum difficile futurum. Mihi autem verisimile est, peculiare Pestis remedium, propriumque ipsius pernicipi alexiterium adhuc in naturæ sinu abditum delitescere, nec eandem nisi ratione quadam mechanica tolli posse.

Quo-



Quocirca ut intentionem illam priorem paulò plenius expendamus, quæ eò spectat ut Naturæ in materiæ morbificæ exterminatione suo more & modo auxilium suppeditetur; advertendum venit, quòd in verâ Peste Natura, dum neque sponte suâ aberrat, neque vi aliquâ transversim agitur, per *abscessum* aliquem in Emunctoriis erumpentem, unde materiæ exitus patescit, negotium suum exequitur. Atqui in Febre, quam Pestilentem nuncupamus, mediante diaphoresi per universam corporis superficiem idem efficitur. Unde colligere est, pro diversa, quam natura in utroque morbo præmonstrat, via ac ordine, etiam diversam medendi rationem institui debere. Nimirum si quis materiam veræ Pestis, ope sudoris amoliri satagat, is diversa à natura via insistit, utpote quæ id per apostemata molitur. Contra vero qui alias quam per sudores Febris Pestilentis materiam eliminare tentat, is cursum instituit cum naturæ ductu ac *potius* nequaquam convenientem. Cæterum in Peste vera, quoniam idoneo ac certo remediorum genere naturalis morbificæ materiæ ejectio, id est, apostematum eruptio promoveri possit, nondum constat; nisi quis fortè victum corroborantem atque Cardiaca ad illud conferre posse existimet; quæ tamen multum dubitarem ne ægrum, jamjam plus æquo calefcentem, in majorem æstum conjiciant. Certè sudores in hoc casu frustra esse compertissimum habeo; quanquam haud inficior post magnos sudores ad trium quatuorve horarum spatium productos, ac deinde abruptos, tumorem se in conspectum dare, quem ego a sudore proficisci minimè arbitror; utpote quo vigente, nullum appareat eruptionis indicium, finito quidem veluti per accidens consequatur, nimirum cum jam aliquam sarcinæ partem, quæ naturam plus satis gravabat, sudores abstulerint, ac corpus à Cardiacis ad Diaphoresin suscitandam propinatis vehementius incalascit. Verum quam fallax & infida sit hæc peccantis materiæ per apostemata à sudoribus foras evocatæ, exterminatio, testor funestos eorum exitus, qui hoc modo tractati fuerunt, è quibus vix tertius quisque (ut modestissimè dicam) medicationis ac morbi periculum evasit. E contra vero multi, quibus laudabili ritu tumores eruperunt, etiam dum negotiis suis intenti versarentur, nec ullius sive naturalis sive vitalis, sive denique animalis facultatis læsione percepta, sanitatem brevi recuperarunt; nisi qui malo suo fato in medicastum aliquem incidentes, ejusque monitu, quantumvis corpore pariter ac animo optime valentes, ad sudandum in cubilibus compositi, ab eo ipso tempore deterius se habere inceperint, ac demum ingravescentes ægritudine, inauspicati consilii noxam suo interitu comprobarent. Verum lubricam atque aleæ plenam in se esse hujusce morbi per tumores judicationem ex eo manifestum est, quo interdum *Bubo* qui primum laudabiliter ac cum symptomatum remissione protuberavit, postea ex improvviso dispareat, ejusque loco *Macula purpurea*, certissimi mortis indices, succedant; cujus retrocessionis causa magnis illis sudoribus ad eruptionem promovendam destinatis, jure tribuenda videtur, ut qui bonam materiæ partem, quæ tumoris molem inferre ac sustentare debuerat, alioversum per ambitum corporis distrahendo ac dissipando leves in auras difflasserint. Ut ut si, hoc sal-



rem planissime constat, cæteris affectibus, à Dei Opg. Max. benignitate, certam amoliendæ causæ morbificæ rationem, huic autem, enormium delictorum flagello, non nisi lubricam admodum & versatilem adjunctam esse. Atque hinc fortasse non minus commode, quàm à *malignitate*, ut loqui amant, eximiæ perniciiei causa atque origo peti possit. Nam & in *Arthritide* aliisque morbis, qui exiguam habent malignitatis suspicionem, materiæ morbificæ recursus non minori certitudine fatum accersit. Ex quibus omnibus manifesto consequitur, Medicum, qui in aliorum morborum medicatione, naturæ ductum ac propensionem pressim, ac passibus æquis sequi tenetur, hîc ejusdem auspiciis renunciare debere. Cujus effati veritatem, quia paucissimi hactenus perspexerunt, hinc numerus eorum, quos tumulo Pestis intulit, haud paulo auctior evaluit.

Quare cum minime securum sit in exterminando hoc morbo naturæ vestigiis insistere, proximo loco dispiciendum venit, quâdemum arte secundæ quam diximus Intentioni satisfiat, nempe aliam atque à Naturali diversam, hujusce morbi solutionem aggrediendi. Hoc autem dupliciter omnino fieri posse existimo; scilicet vel per sanguinis missionem, vel per sudores. Priorem quod attinet, non sum nescius sacram apud plerosque audire in hoc morbo venæsectionem. Verùm vulgi præjudicia parùm moratus, rationum in hac quæstione momenta, quâ par est æquitate atque candore, paulisper expendam. Ac primum quidem Medicorum, qui grassante nupera lue in Urbe perstiterunt, fidem appello, Numquis eorum, Phlebotomiam largâ manu ac repetitis vicibus, nec non tumore nullo adhuc protuberante celebratam, Peste laborantibus funestam esse animadvertit? Parcâ quidem, vel tumore jam conspicuo, sanguinis detractionem semper damnosam esse, neutiquam mirandum est; Si quidem cum mediocris tantum quantitas cruoris adimitur, hinc Naturæ, quæ tumori protrudendo totas intendit vires, rei administratio è manibus eripitur, nec interea alia satis efficax materiam morbificam evacuandi, ratio substituitur. Apparente autem jam tumore, celebrata venæsectio, cum à peripheria ad centrum trahat, motui naturæ, qui fit à centro ad circumferentiam, inducit motum planè adversantem. Hihielominus vix quicquam frequentius factitatum videas, quàm Phlebotomiæ, perverso hoc ritu administratæ, noxam, à contrariæ patronis universim ac in genere adversus sanguinis in hoc morbo detractionem validissimi argumenti loco torqueri; uti in *Diemerbroeckio* aliisque Observationum scriptoribus passim videre est. Quod ad me attinet, equidem eorum ratiocinationi assentire non possum, donec intellexero, quid Quæstioni superius propositæ respondeant. Sanè venæsectionem in Peste convenire, complures, jique gravissimi scriptores jam pridem senserunt, quorum præcipui sunt *Ludovicus Mercatus*, *Joannes Costæus*, *Nicolaus Massa*, *Ludovicus Septalius*, *Trincavelius*, *Forestus*, *Mercurialis*, *Altomarus*, *Paschalius*, *Andernachus*, *Pereda*, *Zacutus Lusitanus*, *Fonseca*, alique. Verùm qui totum curationis negotium in copiosa, qualem nos postulamus, sanguinis detractione collocaverit, unus, quod sciam, reper-



tus est *Leonardus Botallus*, medicus superioris sæculi celeberrimus, quem, ne solus in hac palæstra versari videar, Lector accipiet suis ipsius verbis de hac re differentem. \* *Ego* (inquit) *ut uno verbo dicam, nullam Pestem esse puto, cui hæc non possit esse salutaris supra omnia remedia, modo opportune & quantitate convenienti usurpata sit, propterea quod aut tardius aut parcius quam opus esset, aut quod utroque modo circa eam usurpandam peccatum sit.* Et paulò post hæc subjungit; *At in tanta timiditate & parca detractiōe qui fieri potest ut quis recte possit judicare quantum ea in Pestilenti morbo prodesse valeat, aut obesse? Non enim morbus pro cuius curatione requirebatur detractio librarum quatuor sanguinis, in quo una tantum detrahitur, si hominem interficiat; ideo interficit, quia sanguis est missus, sed quia non justo modo missus est, nec forte etiam opportune. Verum nebulones nequissimi & ignavissimi in id semper culpam convertere sategunt, non quod nocuit, sed quod per fas & nefas à cunctis vituperari exoptant. Aut si id nequitia non faciant, ignorantia tamen prava dispositionis efficiunt: utraque certe perniciosa, sed illa magis.* Quæ omnia experientia confirmaturus, paulò inferius sic pergit; *His observatis nemo rationis capax jure in his morbis vituperare missionem sanguinis potest, sed mirifice & tanquam divinum auxilium commendare, extollere, & confidenter usurpare; quod ipse profectò ab annis quindecim facio. Ideo in morbis Pestilentibus, in obsidione Rupellarum, & mortibus Hannoniæ ab hinc quadriennium, & Parisiis toto hoc biennio, & Cameraci anno proximè actò, in omnibus meis ægrotis (qui innumeri fuerunt) nullum præsentius ac salutaris reveri ipsa largâ & tempestivâ sanguinis missione.*

Deinde ad curationum exempla descendit, quæ brevitati studens, huc transferre superledeo. Libet tamen rei in hac nostra *Britannia* ante aliquot annos gestæ historiam oppido raram ac à proposito nostro non alienam, hîc loci apponere.

Cùm inter cæteras belli civilis calamitates, quæ hanc patriam nostram miserrimè afflixerunt, pestis etiam multis in locis grassaretur, ac fortè in *Castrum Dunstar*, quod in provincia *Sommertocensi* situm est, aliunde invec-ta, aliquot præsidiariis cum macularum efflorescentia derepente examinatis, complures etiam alios corripuisset. Chirurgus quidam qui à longa in regionibus exteris peregrinatione redux tunc temporis stipendia inter alios faciebat, à præsidii præfecto enixe rogat ut sibi liceret commilitonibus suis truculento morbo correptis pro virili succurrere, quo annuente, singulis ægris, statim à primo morbi insultu, atque nullo adhuc tumore conspicuo, sanguinem ingenti copia detraxit donec pedibus deficere inciperent, nam stantibus ac sub dio vena pertusa est, nec aderant vascula quæ cruoris in terram effluentis mensuram definirent. Hoc facto eos in tuguriola sua ad decumbendum dimisit. Et quanquam à Phlebotomia nullum omnino remedium adhibuit, tamen ex complurimis jis, quos hoc modo tractasset, mirum dictu, ne unus quidem desideratus est. Vir Nobilissimus juxta ac morum probitate atque fide specta-

\* *Cap. 7. de curatione per venæ sectionem.*

bilis



bilis *D. Franciscus VVindham*, militum Tribunus, ac prædicti castrî tunc temporis Præfectus, mihi hæc retulit, & etiamnum in vivis est, pro eâ quæ est humanitate rei gestæ veritatem cuilibet dubitanti confirmaturus.

Quid mihi met. ipsi circa hanc rem singulare ac memoratu dignum aliquando observare contigit, Lector inferiùs accipiet, ubi pauca ea, quæ desæviente nupera Peste *Londinensi* à me usu atque experienciâ annotata fuerunt, inferiùs ostendam.

Hujusce autem praxeos utilitatem etsi non mente tantùm ac judicio assessor, verùm etiam reipsâ atque editis experimentis dudum exploravi, tamen Pestilentis fermenti per diaphoresin dissipatio, præ ejusdem per Venæsectionem evacuatione mihi multis nominibus arridet; utpote quæ nec ægrorum vires æque prosteruat, nec medicum infamiæ periculo objiciat. Atqui & hæc difficultatibus suis non vacat; primò enim, multis, ac præsertim calidioris temperamenti juvenibus, sudores ægriùs proliciuntur; cujusmodi ægros, quò hydroticis fortioribus, ac cumulationi tegumentorum pondere diaphoresin conciere satagas, eò in manifestius Phrenitidis periculum adduces; aut quod tristioris adhuc ominis est, vanâ spe alisquantisper lactatus, tandem pro sudoribus *Exanthemata Pestilentialia* elicies. Cùm enim præcipua hujusce mali labes in spirituosiori massæ sanguineæ parte resideat, unde crassiorum particularum exagitatio nonnihil languidior, quàm in aliis inflammationibus plerumque existat, tenuior illa portio novi caloris accessione in majorem rabiem acta, impetu demum facto omnes cruoris fibras ultra texturæ modum distensas prorsus frangit ac comminuit. A qua fibrarum sanguinearum dissolutione macularum Pestilentialium causam petendam esse censeo, quippe non secus ac *vibices* à plaga fortiore in partem aliquam corporis musculosam inflicta, primò intensius rubicundæ in cute efflorescunt, ac brevi post tempore livorem quendam aut nigredinem induunt.

Deinde verò, in corporibus quæ satis promptè in sudorem solvuntur si diaphoresis justo præmaturiùs [nempe totâ materiâ morbosâ nondum penitus dissipatâ] abrumpatur, bubonum, qui laudabiliter quidem sub finem sudoris prodire inceperant, postea deterior evadit conditio. Nam subductâ quæ eos in molem attollere deberet materiæ parre, aut de facili intrò remeant, aut saltem ad legitimos abscessus, nunquam perducuntur, [quemadmodum etiam in Variolis accidere solet, quoties æger per primos dies impensius sudavit] recepto autem denuò intra muros hoste ferali, in sanguine commoratio excitatur, cujus operâ eo, quo superiùs inuimus, modo sæpè ecchymata imminentis lethi indicia foras propelluntur.

Verùm quibusnam modis his aliisque difficultatibus obviam iri possit, ut luculentiùs pateat, quid in hoc morbo à me pro modulo meo factum observatumque fuerit, initio à nuperæ luis primordiis ducto, summâ fide edissero lubet.

Nobilem fœminam ineunte *Majo* anno 1665. ætatis circiter 21. annorum, ac temperamento sanguineo præditam invisi, Præter Febrem ardentem, quæ paulò



paulò ante invaserat, vomitiones importunæ, aliaque symptomata febrilia ægram excruciabant. Curationem à Venæsectione auspicatus, posterodie ad præcavendam Diarrhœam, [quæ, ut in hujusce Tractatus initio monuimus, ob omisam, quod postulabat in principio morbi vomendi propensio, Emetici exhibitionem, defervescente Febre supervenire consuevit] Vomitorium imperavi, quod satis commodè ventriculi saburram elicuit. Postero mane, cum ægram iterum adirem, ei alvum profluere intelligo, quæ res ab aliquot annorum usu insolentior visa, mihi non levem sollicitudinem iniecit. Exinde autem Febrem non vulgaris generis esse judicavi, (quemadmodum etiam eventus docuit) proindeque aliam ab ea, quæ superius tradita est, quæque constanti successûs serie hæctenus à me usurpata fuisset, medendi rationem sibi vindicare. Quocirca adscito in negotii societatem medico alio seniore, venæsectio, quam ægrotantis ætas, temperamentum, ac inordinata sanguinis ebullitio flagitare videbantur, ex communi nostro consilio iterum celebrata est; etiam cardiaca moderatè refrigerantia propinata, ac denique clysmata alternis diebus injecta sunt. Sub finem ægitudinis, quoniam symptomata valdè anomala ac inconsueta (malignitatis egregiæ indicia vulgò habita) ingruiebant, ex Alexipharmacorum classe fortiora aliquot præscripsimus. Quibus tamen omnibus nequicquam proficientibus, ægra circa diem decimum quartum è vivis excessit. Insolitam hujusce Febris ingenium per aliquot post dies animum meum variè exagitabat; ac tandem in memoriam revocans, summum ardorem, etiam post reiteratam venæsectionem in prædicta ægra perseverasse; ruborem genarum adfuisse; cruoris aliquot guttulas paulò ante mortem è naribus fluxisse; nec non sanguinem ipsius in acetabulis refrigeratum, ei qui à Pleuriticis detrahitur, non absimilem fuisse, quin & tussim aliquam & obscuros quosdam in partibus vitalibus dolores emicuisse; porrò & eam anni tempestatem incubuisse, quæ finem veris ac initium æstatis complectitur, quæque Febris continuis producendis minus esset idonea, [illæ enim hoc tempore suâ sponte quasi dissiliunt & in intermittentium classem se reponunt, vel in Pleuritides atque id genus alias inflammationes præcipites ruunt] denique Pleuritides eo ipso tempore admodum populares fuisse: His inquam omnibus ritè perpensis, in eam deveni sententiam, ut Febrim hanc, etsi pathognomicis Pleuritidis, aut etiam Peripneumoniæ signis destitutam, tamen symptomatis rationem habuisse judicarem, inflammationis cujusdam respectu circa partes spirituales delitescens, etiamsi nullus aderat lateris dolor, nulla insignis spirandi difficultas. Ut rem contraham, eò tandem deveni, ut eadem omninò mihi methodo procedendum fuisse in prædicto casu arbitrarer, quâ in Pleuritide sæpius cum successu singulari usus fueram. Quæ sententia deinceps feliciter atque ex voto cessit. Vocatus enim non multò post ad hominem consimili prorsus modo ægrotantem, reiteratis venæsectionibus, quales ad Pleuritidem supra laudantur, curationem commisi & absolvi. Circa mensis modò memorati exitum atque initium *Junii*, complures operam meam implorantes ab eadem Febre (quæ jam valdè populariter grassabatur) prædictæ



praxeos beneficio convaluerunt. Ab hoc tempore immaniter debacchari coepit calamitosa illa Pests quæ eo tandem truculentia devenit, ut septem dierum spatio totidem animarum millia in hac una urbe extrinxerit.

Febri autem illi, de qua modò loquebar, an pestis appellatio attribui mereatur, non a usini definitò pronuntiare. Hoc tamen exploratè cognitum habeo, omnibus, quos illo & aliquanto post tempore ipsissima Pests cum universo symptomatum sibi peculiarium apparatu, in mea vicinia afflixit, eandem tàm in primo morbi insultu, quàm in decursu, accidentium *συμπτώματα* adfuisse. Cæterum cum proximo pariete ardente propiùs ædibus meis immineret periculum, ego tandem amicorum suasu numerosissimis fugientium turbis me adjunxi, familiâ etiam meâ ad aliquot ab Urbe lapides subductâ. Eò tamen vicinis meis maturiùs redi, ac dum calamitosæ illius luis in tantum perseveraret sævitia, ut fieri non potuit; quin meliorum medicorum penuriâ ad Pestiferorum auxilium advocarer. Nec multo post complures Febricitantes invisi, quorum Febrem, illius quæ ante decessum meum tam prosperis ægrorum rebus, à me tractata fuisset, morem atque genium æmulati non sine magna admiratione deprehendi, Ideoque propriâ experientia fretus ceu duce, quibuscunque præceptis umbratilibus anteponendo, Phlebotomiam similiter administrare non dubitavi.

Hunc autem ritum imminuendi liberalius sanguinem (cui etiam Prisanæ ac diætæ id genus refrigerantis usus accessit) in multis ægris miro profectu continuavi, donec tandem in nonnullorum tractatione solito successu destitutus præ adstantium protervia, qui præiudiciis inanibus occupari debitam sanguinis quantitatem auferri non patiebantur, (magno ægrotantium malo, quibus, saltem dum in hoc cardine curandi scopus versaretur, sanguis aut sufficienti quantitate, aut non omninò detrahendus fuerat,) insignem obicem conatibus meis oppositum sensi, ac proinde alium à venæ sectione huic morbo occurrendi modum reperiri, magnopere ex usu futurum judicavi. Nocummenti quod aliquando insons dedi, non ex eo, quòd sanguinem ademerim, sed quòd ex voto eundem adimere impeditus fuërim, exemplum hîc adducam. Vocatus ad juvenem quendam, temperamento sanguineo ac habitu athletico præditum, quem Febris uehementior cum doloribus capitis vertiginosis, vomitu enormi, aliisque id genus symptomatibus à biduo corripuerat, cum nullum adesse tumoris signum interrogatus responderet, statim liberali manu sanguinem emitti imperavi, cujus refrigerati superficies puriformem Pleuriticorum sanguinem referebat præscriptâ etiam prisanâ cum jussulis ac Julapiis refrigerantibus. A meridie pro secunda vice parem sanguinis jacturam subiit, quâ etiam sequente aurorâ similiter mulctatus est. Sub hujus autem diei exitu ægrum meum invisens, eum quidem multo melius se habere, & nihilo minus amicos ejus ad ulteriorem venæ sectionem animis vehementer obstinasse deprehendò; quam tamen ego denuò celebrandam esse enixè contendi, superesse alteram duntaxat venæ-sectionem dictitans, quæ ægrum in sicco collocaret;



sin contra niti pergerent, satius fuisse, ut nullo omnino sanguine detractio curatio persudores instituta fuisset; uno verbo, ægrum certo certius interiturum. Prælagium eventus confirmavit; nam dum hæc altercatio rei agendæ occasionem corrupisset, maculæ purpureæ postridiè eruperunt; nimirum materiæ peccantis reliquiis, quas radicitus evacuari oportuit, cum jam omnem abscessus spem Phlebotomia toties repetita abstulisset, morâ suâ universam cruoris massam pervertentibus, ejusdemque compagem subtilitate eximiâ disrum-  
pentibus, Æger autem post aliquot horas satis concessit. Cum ergo frequentior hujusmodi obstaculorum occursum mihi molestiam faceretur, magna cogitandi sollicitudine mecum agitavit, ecquis demum reperiri possit medendi modus, qui morbum non minus efficaciter abigeret, nec hominum offensionem æquè incurreret. Re diu multumque apud animum meum deliberata, tandem in hanc methodum incidi, quam nunquam non proficuum, ac omnibus numeris absolutam deinceps expertus sum.

\* Primo, siquidem tumor nondum protuberaret, sanguinem pro ægrotantis viribus ac temperamento, moderatè detraxi, quo factò, Diaphoresis, cujus aliàs sollicitatio in nonnullis corporibus non modò summam habebat difficultatem, verum etiam majoris incendii, proindeque cæthymatum purpureorum periculum minitabatur, facilis erat atque expedita. Atque hanc sanguinis jacturam, quæ utut exigua aliàs gravissimum incommodum attulisset, diaphoreseos immediate insequentis beneficium abunde compensavit. Post Venæsectionem [quam in lecto celebrandam curavi, cum jam omnia ad sudores proliciendos in promptu essent] ne vel minima interposita mora stragulis ægrum obrui, ac laciniam laneam sincipiti alligari jussi, quæ quidem capitis obrectio ad sudorem ciendum plus proficit quam quis facile crediderit. Deinde, si vomitus non adesset, hæc & similia hydrotica exhibui; *℞ Theriac. Androm. 3℔. Elec. de ovo. ʒj. pul. è chel. cancror. comp. gr. xij. cochinnell. gr. viij. croci gr. iiij. cum s. q. succi. hermes. f. bolus, quem sumat. 6â quâque horâ, superbibendo Cochln. vj. seq. Iulapii.*

*℞. Aq. Card. benedicti & scord. comp. an. ʒiij. aq. theriac still. ʒij. syr. caryophil. ʒj. misc. f. Iul.*

Quod si vomitio interpellaret, ut in Peste ac Febribus Pestilentialibus sæpissimè accidit, medicamentum sudoriferum tantisper propinare distuli, donec solo tegumentorum pondere (nisi quod linteaminis pars subindè ad colligendos halitus vultui superinduceretur) sudor promanare inciperet. Nam [quod quidem observatu summe dignum est] cum materiæ morbificæ radii versus ambitum corporis sese exporrigant, illico alvi profluvium & vomitiones, ab eisdem introrsum reflexis, ac in ventriculum & intestina decumbentibus provenientes, ultro sedantur; Adeo ut quantacunque stomachi subversio præcesserit, assumpta deinceps medicamenta probè retineantur, ac ad sudores ex voto proliciendos conducant.

Memini cum me aliquando Pharmocopola quidam ad fratrem suum ex



Febre Pestilentiali graviter egrotantem vocasset, atque ego de medicamento ad sudorem suscitandum exhibendo, sermonem injicerem, retulit se jam varia eaque fortiora sudorifera incassum propinasse, siquidem æger omnia vomitu rejecerat. Cui ego, adduceret, inquam, ex omnibus jis quæ antea exhibuisset vel ingratisimum ac summe fastidiosum, ne illud deinceps evomeretur. Promissi fidem eventus liberavit; quippe æger, ubi à sola stragulorum mole paululum maduisset, largiorem *Theriace Venete* bolum deglutivit ac retinuit, cujus beneficio in copiosiore sudore coniectus incolumitatem recuperavit.

Sed ut ad institutum redeam, inceptam jam diaphoresin haustibus *Zyth-galæ salviæ alteratæ*, vel *cerevisiæ*, cui *macis aliquantulum incoxerit*, subinde repetitis, ad naturalis diei spatium continuari præcepi, absterfione interim omni religiose interdictâ; imò nec infra quatuor ac viginti horas à sudoribus finitis indusium utcunque madidum ac immundum mutari permitto; Id quod summa cautela observari velim. Quod si sudatio angustiori temporis limite circumscribatur, recrudescit illico symptomatum sævitia, atque agroti salus, quam proluxior diaphoresis extra aleam constituisset, in acie novaculæ relinquitur.

Et profecto *Diemerbroeckium* aliosque nequeo satis mirari, quoties adverto eos tam levi prætextu ad diaphoresin interpolandam adduci, ut scilicet ægrotantium viribus consulatur. Primò enim ægrum sudore diffluentem viribus melius quam antea constare, nemini in hujus morbi medicatione vel tantillum versato non potest esse animadversum. Quid me in hac re usus atque experientia docuit, palam eloqui ac etiam propugnari non verebor. Multi me authore in 24. horarum diaphoresin coniecti tantum abest, ut se exinde debiliores factos quærerentur, quin totius quantum supervacanei humoris sudando decessisset, tantundem novi roboris sibi accrevisse profiterentur. Circa horas autem aliquot posteriores sæpe non sine stupore observavi erumpere sudorem quendam, priore illo, quem vis medicaminum expresserat, magis naturalem, genuinum, copiosum, quique multo plus levaminis afferret, plane ac si vere criticus foret ac totius morbi eradicativus. Porro in summo sudoris vigore jusculis ac sorbilibus confortativis ægrum reficere, quid secum trahat incommodi non video, ideoque ad nihilum recidit illa objectio de virium ad longos sudores perferendos impotentia. Si qua igitur defectio sub finem imminere videatur, jusculi ex pullo tantillum, vitellum ovi, vel his similia sorberi permitto; quæ cum cardiacis & haustibus ad sudorem continuandum ex more destinatis, virium labefactioni abunde succurrunt. Cæterum in re adeò manifesta non opus est, ut plura argumenta adducam: Etenim, quod hujus praxeos utilitatem palam proclamat, videre est, quod quandiu æger sudore diffluit, benè se habere existimet, nequeminus ex astantium judicio res tota invado constituta videatur; Atqui quam primum corpus ardescere incipit ac sudor abumpitur, omnia in pejus ruant morbo quasi postliminio redeunte.

Per horas à finito sudore viginti quatuor, moneo ut frigus caute vitetur, indu-



indusium sponte sua in corpore arescere permittatur, potulenta omnia calidi-  
usculè hauriantur, & Zythogalæ salvia alteratæ usus etiamnum continuetur. In  
sequenti luce commune Catharticum exhibeo, *ex infusione sc. thamarind. fol.*  
*senna. rhabarb. cum manna, & syr. rosar. sol.* Atque hâc medendi ratione,  
anno à Peste proximo; complurimis Febre Pestilentiali correptis sanitatem  
restitui, adeo ut ne unus quidem ex eo morbo mihi desideratus est, postquam  
eandem exercere inceperam.

Verum ubi tumor jam enatus fuerit, venam aperire, etiam in corpore ad  
sudandum quantumvis inhabili, hætenus non sustinui, veritus ne materia  
morbifica in depleta vasa confestim remeante, subitaneus ægri interitus de-  
stinatam diaphoresin anteverteret, Nihilominus fortasse satis tutò admini-  
strari poterit Phlebotomia, modò confestim ab ea peracta, ac nulla mora in-  
terjecta eliciantur sudores, qui ad spacium superius requisitum producti, om-  
nem tumoris molem paulatim absumere ac dissipare valeant; idque longè mi-  
nore salutis periculo, quam si legitima apostematis maturatio, quæ in præci-  
piti affectu admodum incerta ac fallax existit, seriùs expectaretur.

Denique, ut ad calcem tandem perveniam, sicubi circa Theoriam me hal-  
lucinatam fuisse Lector deprehendat, errori veniam peto; verum quod ad Pra-  
xim attinet, profiteor me omnia ex vero tradidisse, nihilque uspiam propo-  
suisse, nisi quod probe exploratum habeam. Sanè cum supremus vitæ meæ in-  
stabit dies, confido mihi adfuturum alacrem in præcordiis testem, me non  
solum ægrorum omnium, cujuscunque demum sortis, qui sese curæ meæ con-  
crediderant, summâ fide ac diligentia salutem procurasse (quorum interim  
nemo à me aliàs tractatus est, quàm ego memet tractari cuperem, si mihi ex  
jisdem morbis ægrotare contingeret) verum etiam pro ingenii modulo omnes  
animi nervos in hoc intendisse, ut si quo modo fieri possit, morborum me-  
dela post cineres meos majoricum certitudine administraretur; ratus quantu-  
lancunque in hoc scientiæ genere accessionem, etsi nihil magnificentius,  
quam *odontalgia* aut *clavorum pedibus* innascentium curationem edoceat,  
longè maximi faciendam esse, præ inani subtilium speculationum pompa, ac  
levicularum rerum notitia, quæ fortasse Medico ad abigendos morbos non  
magis ex usu futura est, quam *Architecto* ad construendas ædes *Musica* artis  
peritia.

Unicam hanc annotatiunculam, ne quis fortè sinistrâ interpretatione men-  
tem meam detorqueat, aut eam saltem non satis assequatur, postremo loco  
subjungam. In præcedenti nempe Diatriba, *Nature* nomine sæpius utor, il-  
lique varios effectus attribuo, perinde quasi rem aliquam singularem & seor-  
sim subsistentem, sed per totam hanc mundi machinam ubique diffusam sub  
hoc titulo mihi repræsentarem, quæ ratione aliqua & consilio freta corpora  
quævis regeret ac moderaretur, quale quidpiam de *Mundi Anima* nonnulli  
Philosophorum cogitasse videntur. Verum ad me quod attinet, uti nec rerum,  
ita nec verborum novitatem affecto; adeoque antiquam quidem vocem, sed  
sensu [ni fallor] & sobrio, & à sanis omnibus non intellecto solum, verum  
etiam



*Constitutio Epidemica An, 1667. & 1668,*  
etiam usitato, in hisce pagellis usurpavi. Ego enim, quoties *Naturam* nomi-  
no, toties *causarum naturalium complexum* quendam significari volo; quæ  
quidem causæ brutæ licet, atque omni consilio destitutæ, non tamen sine  
summo consilio reguntur, dum suas quæque operationes edunt, suosque effe-  
ctus exequuntur. Nimirum supremum illud Numen, cujus vi producta sunt  
omnia, & à cujus nutu dependent, infinita sua sapientia sic disponit omnia, ut  
ad opera destinata se certo quodam ordine atque methodo accingant, ne-  
que frustra quicquam molira, neque nisi quod optimum est, ac toti Re-  
rum Fabricæ, suisque privatis naturis maximè accommodum, exequentia pe-  
rinde atque *automata* non pro suo, sed artificis consilio moventur.

## SECTIO TERTIA.

### C A P U T I.

*Constitutio Epidemica Annorum 1667, 1668. partim etiam Anni 1669,  
Londini.*

**A**Nno 1667, appetente Æquinoctio Verno, *Variola*, quæ durante il-  
la, quæ proximè est prægressa, constitutione Pestilentiali, vel prorsus  
delituerant, vel rarissimè comparuerant, caput cœperunt attollere, jamque  
indies latius grassantes, sub Autumno *Επιδημιώτατοι* factæ sunt; aliquo tempo-  
re paulatim imminuta vi, superveniente brumali frigore parcius laceſcebant;  
at proximo Vere adolescente, postliminio invaluit hic morbus viguitque, donec  
ab insequentis hyemis gelu, uti prius, reſo impetu cœrceretur. Posthæc  
tertio demum cum Vere surgente increbuit, at jam languidior, & succiso  
quasi poplite, minus late dominabatur, quam duabus quæ præcellerant æstati-  
ribus: Mense verò Augusto 1669 penitus intercidit, *Dysenterix* Epidemi-  
cæ locum cedens. Labente primo illo biennio, quo hæc *Constitutio* regna-  
bat, *Variolæ* plures in urbe aggrediebantur, quam unquam alias, quantum  
ego memini, seu prorsum spectes, seu retro: Quo non obstante, cum genui-  
næ per id temporis fuerint, neque mali moris paucos jugulabant, si ingentem  
laborantium numerum reputemus.

Quo primum tempore *Variolæ* incessabant, & novum quoddam *Febris* ge-  
nus exortum est, à *Variolis*, quales se tum gerebant, non multum abhor-  
rens, si pustularum eruptionem demas, & quæ ab illa pendent, de qua in se-  
quentibus speciatim agemus. *Febris* hæc licet multo pauciores invaderet quàm  
*Variolæ*, easdem tamen duratione æquabat: Hyeme verò cum jam illæ mi-  
nuerentur, invaluit, atque, illis Vere novo invalescentibus, recessit, prædo-  
minium *Epidemicorum* hujus constitutionis hoc pacto illis relinquens; Nihilominus



lominus per hæc tempora non planè desit unquam, donec tandem cum Variolis mense Augusto 1669 omnino disparuit.

Binos hosce morbos Epidemicos & tertius comitabatur, ultima præsertim ætate, quam dicta Constitutio defamabat, *Diarrhœa* scilicet, aeris Constitutione jam tum ad subsequentem *Dysenteriam* vergente: Utut verò hæc se res habuerit, id saltem constabat, morbum hunc Febrem quæ tunc regnabat, ita proxime attingere, ut nihil aliud esse videretur, quàm ipsa Febris introversa & visceribus incumbens.

De tribus hisce morbis, qui soli in hac *Constitutione* Epidemicorum nomen sibi jure vendicabant, sigillatim jam agam, a *Variolis* initium faciens; quas idcirco paulo fufius tractabo, quoniam quæ per hos annos regnabant, mihi Genuinæ præ cæteris & *regulares* maximè videbantur, utpote eadem prorsus exhibentes *Φαινόμενα*, & parili symptomatum agmine omnes, quotquot adoriebantur, ubique impetentes, & à quibus proinde, tanquam in suo genere perfectissimis, tum vera morbi Historia, tum etiam medendi methodus est desumenda. Notandum enim est, non tantum Febrem quandam propriam & peculiarem cuilibet peculiari constitutioni competere, sed peculiare etiam Variolarum genus, quæ hanc quidem speciem referunt durante hac annorum serie, aliam verò annis sequentibus, quantumlibet inter se convenire videantur quoad certa *Φαινόμενα* omnibus communia. Ita ludit natura in morborum Epidemicorum generatione! Sed ut ad rem redeam; Variolarum hujus generis Historiam ante omnia prescribam; quas ideo *Regulares* mihi licebit indigare, ut ab *Anomalis* subsequentium annorum valeam dispescere: Tum etiam methodum adjiciam, quæ mihi in earundem *Σεβαστεία* ex animo votoque maximè cessit.

## C A P U T I I.

*Variolæ Regulares An. 1667, 68 & partis 69.*

**V**ariolæ, quibus annis Epidemicè grassantur, si *Regulares* etiam sint atque mitiores, circa *Æquinoctium Vernum* [ uti hæc, de quibus sermo nobis est ] ingrediuntur; quibus verò annis non tantum grassantur Epidemicè, sed & *irregulares* atque periculosioris sunt generis, maturius nonnunquam mense puta *Januario*, invadunt. Integras familias contagio suo afflantes, nemini parcunt, cujuscunque demum ætatis is fuerit, nisi prius hoc morbo laboraverit; Neque tamen eximuntur illi, quos adulterinum Variolarum genus aliquod, ad hunc morbum nihil attinentium, prius obsederit. Duplex est harum species, ( ut & Variolarum, quæ quibuslibet annis infestant; ) vel sunt enim *Distinctæ*, vel *Confluentes*; quæ licet essentialiter, ut ajunt, non differant, per illustriora tamen quæ hanc comitantur speciem, *illam* verò non item haud difficulter ab invicem discriminantur.

I. *Interdistinctæ* vel *Discretæ* cum rigore atque horrore invadunt, quos mox excipiunt calor intensus admodum, Capitis & dorsi vehemens dolor, vomituri;



mitutio, tingens in sudores propensio (quod de Adultis dictum volo, neque enim in infantibus hujusmodi *διαθεσις* mihi unquam observare contigit, vel ante pustularum eruptionem, vel etiam post,) doloris sensus in partibus, quæ scrobiculo cordis subjacent, si manu premantur, stupor etiam & somnolentia, in infantibus præsertim, nonnunquam & Paroxyismi Epileptici: Qui si infantes Dentitione jam perfunctos corripuerint, suspicor ego ubique, Variolas in procinctu stare, quæ intra pauculas horas se exerente Prognostico ut plurimum fidem conciliant, & auctoritatem; ita ut si fortè infans insultum Epilepticum sub vesperam, quod fieri solet, patiatur, Variolæ sequente aurorâ in conspectum se dederint; & [quod sæpè sæpius observavi] quæ Variolæ infantes statim ab hujusmodi paroxyismi aggrediuntur, pustulas emittunt magnitudinis conspicuæ, mites etiam sunt, atque boni moris, & rarissimè confluunt. Atque hæc ferè sunt illa symptomata, quibus hic morbus sub initio stipatur, quæque eruptionem pustularum ut plurimum antecedunt. Quamvis interim hic loci consentaneum fuerit subindicasse, in sanguine laxiori atque *ευμελαλήτω* nonnunquam accidere, ut separationis periodus sensim atque gradatim sine insigni aliqua ægritudine transigatur, priusquam expulsio materiæ pustularum eruptione se prodatur.

*Variolæ discreta quarto* ut plurimum die, (si primum etiam inclusis) ab invasione erumpunt, nonnunquam serius aliquanto, ante illum verò rarissimè; quo quidem tempore vel minuuntur admodum symptomata, quod plerumque fit, vel etiam penitus evanescunt; ac proinde jis affectus satis pulchrè sibi videtur valere, nisi quod adulti in sudores propensi vix ab illis possit cohiberi, utut leviter tegantur; quæ quidem *διαθεσις* non nisi pustulis jam maturationem attingentibus ægrum deserit, idque suâ demum sponte. Eruptionem quod spectat, hoc se ferè habet modo: Primò pustulæ subrubræ, tenuissimarum acicularum puncta æquantes magnitudine, sparsim se produnt, faciem imprimis occupantes, vel etiam collum & pectus, dein corpus universum. Per id temporis & fauces dolor infestat, qui unâ cum pustulis surgentibus augetur, quæ indies grandescunt, & in majus fastigium elevatæ cutem carnesque vicinas rubore afficiunt atque inflammatione.

Circiter enim *octavum* à primo insultu diem [quam in hoc morbo Epocham ubique servo] intervalla, quæ prius subalbebant, pro pustularum, quibus obsidentur, numero, rubere jam incipiunt, atque in molem attolli, non sine partium dictarum dolore tensivo & lancinante; qui in horas auctus inflammationi & tumori prædictis viam sternit; ita ut progrediente morbo palpebræ usque adeò impleantur extendanturque, ut æger luce quandoque privetur; qui quidem palpebrarum tumor vesicam inflatam ac resplendentem per easdem extensam non male refert. Est etiam ubi temporius oculis capiuntur ægri, si nempe major pustularum vis à prima eruptione se in illos effuderit. Proximæ à facie intumescunt manus, digitique pro pustularum numero distenduntur. Usque ad hunc diem pustulæ, quæ faciem obsederant, læves ad tactum fuere atque rubræ, jam vero asperiores evadunt [quod quidem primum est inci-

pientis



pietis maturationis indicium] & subalbidæ; paulatim insuper succum quendam luteum, colore à favo non abludentem, evomunt. Faciei interim & manuum inflammatio ad summum evecta apicem, colorem exhibet in pustularum interstitiis satis floridum, & Rosarum Damascenarum æmulum. Et sanè quo mitiores sunt Variolæ & genuinæ magis, eo etiam magis tum ipsæ pustulæ tum & cutis in earundem interstitiis dictum calorem ad vivum exprimunt, qualem jam descripsi. Uti verò quæ faciem occuparunt pustulæ, asperiores quotidie ac magis flavæ pro maturationis ratione; ita e contra, quæ manus & reliquum corpus; minus asperæ, albæque magis conspiciuntur indies.

Die *undecimo*, faciei tumor atque inflammatio satis apertè recedunt, & pustulæ tam faciei quàm reliqui corporis jam maturitatem, & justam magnitudinem adeptæ, (quæ his annis ad pisum grandiusculum ascendebat) exarescunt deciduntque; atque, in hac variolarum specie, die *decimo quarto* vel *decimo quinto* ut plurimum funditus pereunt. Veruntamen manuum pustulæ, cæterarum partium pustulis pertinaciores plerumque, recentes adhuc albæque, diei unius aut alterius morâ illas vincunt. Faciei & reliqui corporis pustulæ desquamatione, at verò manuum quæ sunt, disruptione abitum sibi parant. Pustulis faciei succedunt squamulæ furfuraceæ, quas aliquando excipiunt foveæ cutis. Etenim ubi primùm decidunt pustulæ, nulla adhuc in cute cernitur inæqualitas; at verò hujusmodi squamulis exurgentibus recedentibusque vicissim, tandem excavantur foveæ istæ, quæ sæpenumero inconvalescentibus ab hoc morbo diu visuntur, quamvis rarò admodum *Variolæ Interstinctæ* ulla sui linquant vestigia; atque illæ fermè solæ, quæ sex postremis anni mensibus invasere, cum quæ hos præverterint, nullas cuti notas imprimant, nisi fortè confluerint, ut postea dicetur. Decurrente morbo omni, æger vel constipatam prorsus habet alvum, vel saltem rarissimè dejicit, Atque hæc de Variolis *Discretis* dicta sunt.

2, Symptomata cum *Discretis* communia habet & illa Variolarum species, quas *Confluentes* appellavimus, nisi quòd hîc atrociora sint omnia: Febris scilicet, anxietas, atque ægritudo, vomituritio, &c. immaniùs affligunt, quibus signis Medico sagaci etiam ante eruptionem *Confluentes* se produnt; Nihilominus non ita promptè hîc in sudores dissolvitur æger ac in alio genere jam suprâ descripto, ubi magna, ut fit, eisdem propensio ut plurimum prænunciat variolas, quæ mox erumpent, minimè confluræ: Diarrhœa insuper nunnquam eruptionem præcedit, & ad diem unum alterumve post illam protrahitur; quod quidem in *Discreto* Variolarum genere nundum mihi contigit observare.

*Tertio* ut plurimum die erumpit species hæc, ante illum aliquando, vix unquam post illum; cum *Discreta* vel ipso die *quarto* inclusivè à primo insultu morbi, vel postea, ante illum rarò admodum se monstrent. Quantoque magis quartum illum diem præverterint Variolæ, tanto etiam confluent magis, Quamvis autem, ut generaliter loquamur, *confluentes* diem quartum vix præstolentur unquam; sit tamen, licet oppido raro, ut ob atrocius aliquod



symptoma, ad quartum vel quintum usque diem differatur eruptio: Verbi gratiâ, acutissimus dolor nunc in regione lumborum, Paroxyismi Nephritici æmulus, nunc in latere, qualis Pleuriticos vexat, nunc in artibus, ut in Rheumatismo, nunc denique in ventriculo cum ingenti ægritudine & vomitu enormi ante eruptionem ægrum fatigat angitque. Hisce in casibus, licet infrequentes sint, Variolas solito seriùs erumpere animadverti, utpote ab immani symptomatum dictorum violentiâ constrictas atque impeditas: Quæ quidem symptomata solitis vehementiora, cum agmen ducant, mihi satis apertè indicant secuturas Variolas & è *Confluentium* genere esse, & periculo minime vacare.

At verò [quod jam proximè dicendum] licet in *Discretis*, mox ab eruptione (uti dictum est) quæ morbi in insultum comitabantur symptomata, nullum jam amplius facebant negotium, in *Confluentibus* longè aliter se res habet; cum ram Febris quam alia symptomata etiam ad multos dies à pustularum eruptione ægrum discrucient.

Variolæ dictæ nunc Erysipelatis ritu, nunc Morbillorum, erumpunt, à quibus non nisi à Medico in his morbis versatissimo distinguuntur, saltem quo ad faciem externam: Nam qui ad dispar in utroque morbo eruptionis tempus, aliasque circumstantias, quas utriusque historia longè ad invicem discrepantes exhibet, sedulo animum adverterit, haud difficulter hunc ab illo discriminaverit. Crescente morbo non in molem aliquam spectabilem, uti *Discretæ*, attoluntur, quæ faciem præsertim occupavere; at sibi invicem implicitæ primò se habent instar vesiculæ rubræ vultum omnem contegentis, quem maturius etiam in tumorem elevant, quàm solent *Discretæ*: dein ad instar pelliculæ albæ vultui agglutinatæ, solitam cutis superficiem non multum superantes. Præterlapso diè *octavo*, pellicula alba quotidie paulatim magis exasperatur judice digito, & ad colorem fuscum, non verò flavum, ut in *Discretis* accidit; intenduntur indies tum asperitas, tum etiam cutis color, donec tandem pellicula dicta latioribus laminis desquamatur, quod in quibusdam faciei partibus, si morbus truculentior fuerit, non nisi post vicesimum diem solet contingere. Quantò atrociores fuerint Variolæ, tantò magis pustulæ maturescentes ad colorem subfuscum vergunt, tantò etiam lentiùs, si suo utantur genio, abscedunt; ut econtra quantò minus confluerint, tantò magis & flavescunt, & se ocyus proripiunt. Pellicula hæc seu scabies omnia pervadens, ubi primùm deciderit, nullâ quidem scabritie vultum afficit, at verò mox illam excipiunt squamulæ furfuraceæ indolis perquam corrosivæ, quæ non modò patientiores excavant foveas, quàm solent Variolæ distinctæ, sed etiam faciem cicatricibus fœdè deturpant. In *Confluentium* genere, si admodum sævierit morbus, humerorum etiam & dorsi cuticula nunquam deperditur, nudatis partibus subjectis expositisque.

Animadvertendum est autem, Morbum hunc magnum æstimari, non pro Variolarum frequentia, quæ reliquum corpus, sed pro earum numero tantum, quæ faciem obsedere; quæ si his tanquam injectâ arenâ ubique contegatur, utut paucae atque *Discretæ* sint eæ, quæ in reliquo corpore cernuntur, haud



minus periclitatur æger, quam si membra omnia denso agmine pervaserint: Atque ex adverso quantumlibet spissè truncum & artus occupaverint, si in facie rariores comparuerint, magis in vado res est. Quod de numero diximus, & de Variolarum more potest affirmari, malusne scilicet is fuerit, an secus, vultus apertè indicat.

In *Confluentium* genere ubique observavi Pustulas manuum atque pedum majores fuisse, quàm reliqui corporis, & quò altiùs ab artuum extremitate truncum versus ascenditur, eò sensim minores & contractiores semper extitisse. Atque hæc de *Pustulis* censui dicenda.

Sunt verò & alia symptomata duo, quæ Variolis *Confluentibus* accidunt, haud minoris momenti, quàm vel Pustulæ ipsæ, vel tumor; vel aliud quodlibet è prædictis; *Salivatio* nempe in adultis, atque in infantibus *Diarrhæa*. Horum prius ita perpetuum se comitem adjungit, ut unicum tantum viderim Variolis *Confluentibus* laborantem; nullâ superveniente Salivatione: Posterius autem, nempe *Diarrhæa*, Infantes hac specie laborantes non ita certò discruciat. Utrum providens natura has evacuationes idcirco substituerit, quòd in pusillo hoc ac humili genere materia morbifica ita penitus nequeat exterminari, ac in pusillis istis majoribus ac magis fastigiatis generis *Discreti*, nullus definitio, cum Historiam tantum scribam, non solvam Problemata. Hoc certo scio, quod non solum Variolas *Confluentes* plerumque commitantur, sed etiam quod quæ per illas fit evacuatio tam est necessaria, quam sunt vel Pustulæ, vel faciei & manuum intumescencia.

Dicta *Salivatio* nonnunquam sub primum eruptionis tempus se prodit, nonnunquam non nisi postridie, biduove præterlapso. Materia primò tenuis excernitur, ac facile ad tempus aliquod rejicitur, ægro interim multa linthea eadem nocte conspurcante. Neque sanè multum cedit Ptyalismus hic alteri illi qui ope *Mercurii* excitatur, nisi quod non ita male oleat. Die autem ferè *undecimo* saliva viscidior jam facta, ægerrime excreatur; siticulosus est æger, tussit subinde inter bibendum & potus per nares revertitur, atque ab hoc die cessat ut plurimum Salivatio; licet aliquando, (rarius tamen id accidit,) ubi per diem unum alterumve omnino cessaverit, tandem postliminio recrudescat. Dicto autem die, undecimo scilicet, tumor faciei una cum Salivatione imminui incipit, ac tunc primum ejus loco manus intumescere solent, aut debent.

*Diarrhæa* non ita mature infantes solet invadere, atque adultos *Ptyalismus*; quocunque vero tempore ingruerit, nisi ante sistatur, singula morbi stadia decurrit.

In utraque Variolarum specie Febris à primo statim insultu ad eruptionem usque præcipuè dominatur; qua peracta inducias ferè dat usque ad pustularum maturationem, & tempus in quo pus conficitur, quo demum elapsos prorsus desinit.

Observavi semper in morbo vehementiori, ægrum sub vesperam quasi Paroxysmo laborasse, & funestiora symptomata vespertinis præsertim horis se ostendere, atque exacerbari.

En justam Variolarum hujus generis Historiam; vera ac genuina hujusce morbi Phænomena, prout scilicet naturaliter se habet, complectentem: De



*Accidentibus Anomalis*, quæ eidem, ubi minus rectè tractetur, superveniunt, jam proximè differemus.

Animadvertendum est itaque, ista quæ die *octavo* in genere *Distincto* occurrunt Symptomata Anomala, & quæ *undecimo* die in *Confluente*, (facto semper à primo morbi insultu computandi initio] maximum ad ægri sive vitam, sive interitum pondus habere, magisque ad amissum expendi debere, cum liquido constet, maximam eorum partem qui utrolibet morbi (sc. *jam descripti*) genere intereunt, præfatis singulatis diebus defungi. Primò enim qui *Discretis* Variolis laborat æger, cum satis promptè sudoribus diffuat, (quod hîc in adultis fieri solere jam diximus, ac sibi omnia bona promittat, si morbi, ut sperat, virus per cutis poros hoc pacto amandaverit; diligenter ideo huic methodo insistit, tum remediis Cardiacis intro assumptis, tum regimine calidiore, ut par est, adhibito; [atque hæc eo facit lubentius, quod tum ab hac Methodo in principio sibi melius videatur habere, tum etiam ad male fundatam Astantium opinionem propiùs accedat,] Tandem vero eliminatis per *διαφύσιν* particulis istis quæ ad pustularem elevationem, atque intumescenciam faciei debuerant facere, die *octavo* quæ turgescere, & per interstitia pustulis interjecta inflammari debuerat facies, flaccida è contra reperitur, & albescent interstitia, licet interim rubescant pustulæ atque eleventur, etiam post ægri mortem Qui ad hunc usque diem nullo negotio manaverat sudor, jam subito suaque sponte evanescit, neque remediis ullis Cardiacis, vel etiam calidissimis, revocari potest. Æger interim Phrenitide corripitur, anxietate, jactatione, ægritudine vehementibus; urinam parcè reddit, ac frequenter; ac tandem paucissimarum horarum spatio amicorum spem fallit, & ad plures migrat. Veruntamen hîc est notandum, quod, si paucæ compareant Variolæ, hyems si fuerit, æger ætate provector, aut venæ-sectio fuerit celebrata, regimen illud calidius in quod jam animadvertimus, non ita certo faciei turgescenciam impedit, & proinde mortem accersit, atque ubi confertæ Variolæ, Ver æstasve fuerit, æger ætate florens, neque sanguis detractus.

At vero in *Confluentibus* maxime periclitatur ægri, & plerique etiam moriuntur die *undecimo*; nam cum hoc fere tempore *Salivatio*, quæ ægrum hactenus in tuto posuit, soleat desinere sponte suâ, nisi faciei intumescencia adhuc aliquantulum persistens, ac manuum insigniter jam incipiens ejus vicem subeat, necesse est ut pereat æger: Id enim est perpendendum, quod in hoc Variolarum genere, ubi pustulæ tam sunt exiguæ, non Salivatio tantum, sed faciei insuper & manuum intumescencia ad materiam morbificam rite eliminandam omnino requiruntur; quarum utralibet, si vel non adsit, vel ante justum tempus recedat, ægro protinus moriendum est. Jam vero nimio sæpius evenit in morbo calidiori, ut sanguinis crasi à regimine præfervido disjecta fractaque, atque eo usque accensa ut particularum inflammatarum exterminationi sensim faciendæ non amplius competat, [ut quæ sudoribus importune extortis debentur mala jam taceamus,] hinc vel non omnino intumuerint facies manusque, vel tumor ille una cum salivatione evanuerit, quam-



vis enim faciei tumor ipso hoc die aliquantisper debeat remitti, non debet tamen nisi post diem unum alterumve omnino recedere, manuum interim tumore persistente vigentēque; quo quidem vix aliud est minus fallax Convalescentiæ *πορρωσιν*, uti neque contrario certum magis imminentis periculi indicium.

Sed utut id sit; materia Ptyalismi quæ ad hunc usque diem cruda fuit, tenuis, & facilè excreabilis, viscida jam facta & tenax, ægro suffocationem intentat; Potus quem assumit in pulmones ferè dilabitur, unde cum Tussi violenta per nares rejicitur, voce est rauca; somnolentia & stupore corripitur ingentibus, oppressus undique vi morbi, atque in hujusmodi agone ut plurimum extinguitur, eo quem jam diximus die.

Sunt & alia adhuc symptomata, quæ in quolibet morbi statu occurrunt, tam *Discreto* Variolarum generi, quam *Confluenti* pariter communia.

*Phrenitis*, v. g. à nimia sanguinis ebullitione nonnunquam ægrum corripit, & caloris tam parum est patiens, ut magnis viribus, ac furibundo nisu injectasprehendentium & lecto incarcerantium manus eludere conetur.

Aliquando eadem causa effectum longe diversum, seu contrarium, ut videtur, producit, Affectum sc. *Comatosum*; ita ut æger nunquam fermè evigilet, nisi continuo pulsu excitatus.

Est etiam ubi in hoc morbo, perinde atque in Peste, laxata, inflammationis vi, sanguinis compage, *macula purpurea* se ostendant Pustulis interspersæ, mortis ferè semper Prænunciæ. Frequentius hoc evenit, ubi aeris Constitutio morbo isti Epidemico grassanti præ cæteris favet. Aliquando in pustularum summitate maculæ nigræ exiguæ, aciculatum capita vix æquantes, in medio vero subsidentes, se produnt variis in locis; quæ cum nimio fervori ortum debeant suum, tandem beneficio regiminis magis temperati fuscum colorem acquirunt, posteaque pederentim subflavum illum, qui variolis genuinis, ac suum morem obtinentibus, naturaliter competit; quod satis liquido cernitur in illa quæ circa morbum hunc versatur praxi, in quo omnia Symptomata eo, sunt mitiora, quo magis pustulæ maturitatem adeptæ ad dictum colorem accedunt, atque è contra.

Adolescentum porrò, & ætatis flore vigentium, [ præcipuè si vino, aut alio quovis liquore spirituofo se nimium impleverint ] usque adeo in hoc morbo nonnunquam sanguis accenditur furitque, ut per Arterias & vesicam viam sibi faciat, & qua data porta ruat; quo quidem *mictu sanguineo* vix aliud symptomata pejoris notæ atque ominis invenire licet, per omnem hujus morbi tragediam.

Ab eadem insuper causa nonnunquam, licet rarius, sanguis è pulmonibus ejicitur. Utraque vero Hæmorrhagia hæc sub morbi initio plerumque contingit, pustulis nondum erumpentibus, vel si in quibusdam locis se ostendant, in plerisque tamen aliis adhuc sub cute densæ latent, atque ejus sunt generis, quæ in maximè *Confluentes* adolescerent, nisi jam dictum symptomata ægri morte morbum finierit.



Aliquando etiam *Vrina suppressio* totalis ad malorum cumulum accedit, in juvenibus præsertim, idque in statu, vel etiam declinatione *Discreti* generis.

Sunt & alia symptomata, quæ à *apophsæ* aliqua jam dictis contraria interdum oriuntur, si nempe æger à frigore nimis intenso fuerit læsus, vel si præter jus fasque vena fuerit pertula ad ingentem vim sanguinis amissionem, aut alvus nimia Catharsi subducta, unde pustulæ nonnunquam fastigiis cedunt & de repente confidunt, superveniente insuper *Diarrhœa*, à qua ægro, (adultus si fuerit, ut supra innuimus,) ingens est discrimen, & anceps morbi exitus, materia sc. Variolosa intro versa, ita ut natura eidem per cutis poros debite exterminando impar prorsus inveniatur. Huc accedit, quod faciei manuumque tumor ab his retunditur, qui non minus in boni ægri rebus est censendus, quam ipsa Pustularum eruptio, nisi ex fuerint *perpauca*.

Quæ vero à suscepto frigore pendent symptomata, raro admodum occurrunt, si cum illis conferantur quæ à contrario, calidiori nempe regimine, nascuntur; Cum enim morbus hicce inter calidissimos jure optimo habeatur, longe minus ab hac parte peccatur, quam ab altera.

Qualis vero sit hujus morbi essentia, ob naturalem & communem mihi cum reliquis hominibus Intellectus defectum, nescire plane me fateor; veruntamen prædicta symptomata pensicularim trutinata mihi videntur subindicare, *Inflammationem* eum esse (à cæteris tamen Inflammationibus specie diversam] tum sanguinis, tum reliquorum humorum, in qua amolienda, per dies priores duos tresve id agit natura, ut particulas inflammata digerat coquatque, quas postea in corporis habitum ablegatas maturat adhuc, & sub Abscessulorum forma suis demum finibus expellit. Quapropter ut fundamento alicui medendi methodus superstruatur, notandum est, duo esse hujus morbi tempora, quorum primum *separationis* est, secundum *expulsionis*. Atque primum quidem illud tempus plerumque cum Febrili ebullitione transigitur, quod tribus vel quatuor primis diebus peragi solet, quorum decursu natura id satagit, ut partes ejusmodi inflammatas seligat congregetque quæ sanguinem laceßunt, atque etiam ut illas in carnosas corporis partes relegatas ibidem deponat, quo facto pristina quiete fruitur, sedato jam tumultu, qui, dum hoc ageretur, in sanguine ciebatur. *Separatione* sic ope ebullitionis, in sanguine peracta, *Expulsio* jam locum obtinet, quæ per reliquum morbi tempus, mediantibus parvis illis *abscessibus*, in carne perficitur. Sicut enim à natura abscessuum sua specie non abluunt, ita parem cum aliis, cruditis maturationis, atque exarescentiæ statum percurrere solent; quæ omnia si ritè atque laudabili modo absolvant & exequantur, in tuto res est, cum exinde curationis summa dependeat; sin minus, omnia pessum ruitura sunt. Et quidem postremum hoc negotium, priori illo *separationis* opere, tanto plus temporis sibi vendicat, quod prius illud in tenui fluidoque corpore transigatur, atque in ipso (ut sic dicam) naturæ foco; posterius autem denso spissoque theatro, atque à vitæ fonte paulo remotiori, partes suas exequi cogatur.

His ita præmissis, Indicationes exurgunt: 1. Ut æquabilis ille tenor ebullitionis



litionis in sanguine conservetur, qui neque nimis properè separationem nimia sua vi perficiat, neque tamen torpido nimis motu eandem remoretur, vel non satis idoneam præstet. 2. Ut abscessuli, pustulæve summa cura sustineantur, quo debita tempora percurrentes, tandem contentam in se materiam omnino avehant, ipsæque etiam evanescant.

Ut itaque paucis de *primo* agamus; sollicitè inprimis cavendum est, hoc tempore præsertim, ne nimium assurgat ebullitio, sive id fiat ex congestis stragulis, sive ex aere loci in quo decumbit æger, igne nimium excalesfacto, sive ex calidorum medicamentorum & cardiacorum usu; præcipue vero ab his cavere oportet, si æger in ætatis flore constitutus fuerit, vel sanguinem habeat generosiori potu nimis exaltatum, vel anni tempestas aut Verna sit, aut saltem ultra ætatis initium non processerit. Hinc enim fiet, ut separatio, quæ sensim lentisque gradibus peragi debebat, ut ad universalem quandam despumationem opportunius pergat, præcipiti cursu feratur; atque ita vel non satis idoneus partium numerus congregetur, vel [ quod forte contingat ] nonnullæ partes ad secretionem damnentur, quas alias Natura illam subire nolisset; nisi quod ultra debitos limites excurrere coacta, noxam hanc sibi creet: secretis enim illis, quæ ad separationem minus opportunæ sunt, aliorum illuc propendentium motus, eorum commixtione impeditur, adeoque redduntur expulsionis minus accommodæ. Mihi quidem rationi consentaneum videtur, ut quo diutius natura *separationem* molitur, ac perficit; dummodo ebullitio non omnino torpeat, eo certius atque universalius eadem *separatio* absolvatur. Atque ex illa sic absoluta, curationis insequentis successus potissimum ut dependeat necesse est, uti ex methodo contraria, contrarius plane rei exitus; ex calido enim isto regimine nihil boni nascitur, sicut ex præcoci fructu, nihil frugi: cum frequenter usu veniat, ut vel in Phienitidem æger prono lapsu ruat; vel (quod peioris notæ est) sudores ingentes oboriantur, ex quibus partes non secerni aptæ, neque *puris* naturæ respondentes (quod ipsum tamen pus genuina soboles est hujusce excretionis) eliminantur, vel ex cardiacis illis administratis, calidaque custodia, Variolæ nimis protrusæ in unum confluant, fœdo certè spectaculo, tristemque eventum interminanti,

Atque hæc & hujusmodi symptomata ex his erroribus progigni solent, cum ex altera illa methodo nihil unquam mali observaverim. Natura enim sibi permessa negotium suum suo tempore exequitur, materiamque debito ordine ac via tum secernit, tum etiam expellit, ut (in Junioribus præsertim vegetisque temperamentis) nostra ope, nostris artificiis, atque auxiliis non indigeat, suis viribus optimè instructa, suis opibus locuples, suo denique ingenio satis edocta. Neque sanè vel ipse vidi, vel fando accepi, quenquam ex eo periisse, quòd Variolæ primò non eruperint, etsi nimis multi perierint, quorum Variolæ primùm laudabiliter, & cum summa spe erumpentes, postea recedentibus pustulis præmaturè detumuerunt.

Quemadmodum autem inconsultum est atque periculosum, calidioris regimi-



nis vel Cardiacorum ope cœptam ebullitionem nimis evehere ; ita è contrario non minus vacat periculo mediantibus venæ-sectione , clysteribus , emeticis , catharticis , aut id genus aliis eandem minuere , cum hoc pacto partium separabilium commoda secretio plurimum impediatur. Licet enim vulgare illud atque tralatitium argumentum , quo adversus Phlebotomiam , aliasque evacuationes utuntur ( nempe quòd non liceat à circumferentia ad centrum movere humores , cum natura in hoc morbo contrarium affectare videatur , ) nullarum planè virium sit ; eo quòd ex earundem usu contrarius omnino effectus , subitanea scilicet variolarum eruptio , sæpissimè consequi deprehendatur ; aliæ nihilominus rationes in promptu sunt , quæ vehementer suadent , ut , siquidem ullo modò vitari possit , ab hac praxi manus abstineamus. Namque [ ut earum præcipuas paucis attingamus ] per hasce evacuationes , non tantum ebullitio nimis imminuitur , cujus interim ope partes despumandæ accuratè secerni debuerant , verum etiam illud ipsum subducitur , quod cœptæ secretioni quasi pabulum continenter suppeditaret ; unde sæpenumero contingit , ut variolæ primùm laudabili impetu erumpentes [ eoque fortasse melius , quòd evacuationes jam dictæ præcesserant ] paulò post ex improvviso quasi re-percussæ detumescunt , idque ob eam potissimum causam , quòd materia desit , quæ quasi à tergo præeuntem insequeretur , atque agmen clauderet. His verò non obstantibus , si vel minimum suspicari liceat variolas mox erumpentes è Confluentium genere futuras esse , utile prorsus erit , ut non solum sanguis quàm primùm mittatur , sed & Emeticum propinetur , ob rationes alio in loco , fusè dicendas.

Tandem ut ad secundam illam Indicationem pedem promoveamus ad tempus *expulsionis* accommodatam ; quo tempore materia separata ; parvorum abcessuum sive pustularum ope , amandatur atque expellitur ; nempe illud hic agendum est , ut pustulæ debito modo sustineantur , quo ritè atque ordine destinatam periodum assequantur.

Sicut itaque supra satis , ut opinor , ostensum est , imprimis periculosum esse , si æger præsentī Febre , at pustulis vix dum apparentibus , in ipso *secretionis* tempore nimium calefiat ; ita etiam non minori periculo plena res est , si idem quovis morbi tempore fiat , atque illo præsertim quod ad *expulsionis* initium vergit , crudis adhuc existentibus pustulis : Quamvis enim sanguis , peracta jam *separatione* , atque relegata ad carnosas partes materia , ab intestino tumultu magnam partem immunis sit , interim tamen tener adhuc , recensque , ac vix novo statu & quasi textura indutus , *ευπαθής* est , facileque vi caloris immodici undecunque appellentis afficitur , atque adeo levissimo momento irritatus flammam concipit , & in novam ebullitionem proclivis est ; quæ quidem nova ebullitio , non , uti prior illa , *separationem* jam molitur [ illam quippe peractam supponimus ] verum illius loco non tantum symptomata superius memorata excitat , sed & cœptam per pustulas *expulsionem* interturbat , & contentam materiam exagitando noxam parit. Vel itaque partes jam secretæ , atque in corporis *ἐξω* depositæ , vehementi illo rapidoque sanguine



sanguinis ebullientis cursu abreptæ in ejusdem massam resorbentur ; vel partes carnosæ ultra gradum suppurationi debitum excalefactæ, minus commodè illam exequentur ; vel denique fortassis oborta hac nova ægritudine, sanguinis œconomia, ipsarumque carniū tonus pervertitur, usque adeo ut materiam illam expulsam vincere, eamque solemni more abscissum coquere nequeat.

Interim non usque adeo nos illuc intentos esse oportet, quo ebullitionem nimiam in sanguine prævertamus, ut ægrum frigoris injuriis exponendo, pustularum eruptio impediatur. Gradus ille caloris ad harum expulsionem promovendam accommodatissimus, naturalis sit oportet, atque ejusmodi, quæ carnosarum partium temperie conveniat, quique hunc excedit, aut ab eodem deficit, utrinque periculosus est.

Ex dictis itaque satis manifestum videtur, in quam incerto lubricoque sit loco, tum, morbus ille, de quo loquimur, tum praxis medica, quæ eidem accommodanda est. Atque etiam exinde pronunciare aſsim, illius famam, qui in medicando hoc morbo frequenter sese exerceret, in angusto versari ; quandoquidem nun vulgus solummodo mortis causam satagenti nimis Medico transcribere paratum sit, verum etiam ejusdem artis professores calumniandi ansam inde cupide arripiant, atque coram iniquis judicibus causam dicentes, severissimam sententiam facilè eliciant ; eo scilicet consilio, ut ipsi pluris æstimentur, & super aliorum ruinis viam sibi sternant ad famam : id quod viris literatis indignum prorsus est, imo & vilioribus Artificibus, modo probitatem colant. Hinc porro cernere est, quod minus mirum sit, si Nutricibus, per se nimium plerumque officiosis & satagentibus ; res male sæpenu-mero succedat ; Nempe res ardua est, & quæ muliercularum ingenium atque judicium superat, gradum caloris huc requisiti definire, præsertim cum anni tempestas, ægrorum ætas, & vitæ ratio, aliaque huc spectantia simul pensanda veniant, id quod prudentem profecto atque sagacem Medicum omnino postulat.

Si contigerit, ut vel Phlebotomia minus opporune celebrata, vel admissio frigore pustulæ reciderint, vel facies ac manus detumuerint, Cardiacis utendum est. Sed cavendum tamen, ne in his exhibendis nimii simus : Quamvis enim sanguinem ademeris, fieri tamen potest, ut virium inde jacturam metuens, adeoque Cardiacis aut fortioribus aut sæpe repetitis utens, novam ebullitionem ex improvviso suscitet. Nimirum sanguis adhuc tenuior est, & vim calidioris stimuli facilè sentit ; unde fit, ut sæpe repetitæ ebullitiones in eodem excitentur, quibus ægrorum mors majori jure tribuenda est quàm prægressæ venæ-sectioni. Atque hæc generatim de his, quæ primariis Intentionibus satisfacere possint, dicta sunt.

\* Jam ut calcata vestigia repetam, ac ad Praxin propiùs accedam : Quamprimum manifesta hujus morbi indicia se produnt, ægro aura liberiore, vino, ac carniū esu interdico, cervisiam verò tenuiorem pane tosto leviter tepesactam

M

pro

\* *Curatio,*



pro potu ordinario, ac subinde pro arbitrio hauriendam concedo; pro victu etiam juncula avenacea, hordeacea, poma cocta, aliaque, quæ neque frigoris neque caloris vim aliquam egregiam obtinent, aut ventriculo concocturo molestiam exhibent, injungo. Nec vulgarem illam rusticamque dietam admodum improbo, nempe ut lacte cum pomo cocto & contuso vescatur, modò cautum sit ut eo per vices utatur, & modicè, dempto etiam lactis frigore. A regimine calidiore protinùs inhibeo, ut & ab usu medicamentorum Cardiacorum quorumcunque, quibus variolas in cutem ante diem *quartum* qui eruptioni proprius est ac naturalis, temerè propellere nonnulli satagunt: Cum pro certo habeam, eò magis universalem fore materiæ Variolosæ separationem, quo tardiùs istæ prorumpunt, proinde & securiores possumus esse ne se denuò intro condant, & rectius maturescant, cum, si ante tempus extrudantur, præcipitatur materia cruda adhuc atque inconcocta, quæ ad instar fructuum præcociorum inani spe lacta. Adde, quòd ab hac nimium festinata diligentia periculum est (in calidioribus præsertim temperamentis ac vegetioribus, quorum principia Activa plus satis Cardiacorum suppleant vicem) ne natura nimis incitata coactaque, universam pene corporis substantiam in variolas effundat; ita ut jam *confluant* illæ, quæ, nisi plus æquo properasses, in *distinctarum* ordine lætiori omine substitissent. Porò non ideò statim foras propellendæ sunt Variolæ, ubi primum aliqua morbi hujus suspicio oritur, quia sc. æger ante eruptionem vehementer ut plurimum laborat angiturque, cum ne vel una quidem instantia possit ostendi, quempiam ideo interjisse, utut graviter ægrotaverit, quod non mox prodirent Variolæ, vel naturam ipsam ferius ocys extrudendis defuisse, nisi sicubi regimine calidiore & remediis Cardiacis, præmature ingestis, fuerit impedita. Etenim non semel observavi in junioribus & temperamento sanguineo præditis, regimen calidius, & Cardiaca eo animo exhibita ut Variolas ante justum tempus exturbent, ita parum eruptionem accelerasse, ut eidem è contra obicem ponerent: Sanguine enim his modis excalesfacto, & in motum violentiorem, quàm qui materiæ Variolosæ separationi ritè peragenda par esset, concitato, certa tantum quædam morbi indicia se prodidere, latentibus intra cutim pustulis, neque se ultra efferentibus, quibuscunque denuò Cardiacis sollicitarentur, donec tandem sanguine ad moderatam debitamque temperiem redacto, concessa sc. Cerevisia tenuiori, demptoque partim stragulorum, quibus torrebatur onere, pustulis exiturientibus commodam viam stravi, atque ægrum intuto, Favente Numine, collocavi. Neque magis, si quid ego judicando valeo, ab illis stat Ratio, qui ægrum ita pertinaciter ante diem *quartum* lecto addicunt, modo cubiculi ambitu se contineat, quàm ab his, qui adeo præmature atque intempestive Cardiaca ingerunt; Etenim *Sanguinis mictus, macula purpurea*, & reliqua symptomata lethalia, [de quibus supra] eo tantum nomine, præsertim ætate florentibus, superveniunt, quod nempe lectulo præpropere nimis affigantur. *Quarto* vero die lectulo ægrum adjudico, ac tum temporis, si eruptio parum pro votis succedat, recte exhiberi potest Car-



diacum aliquod blandius, unica saltem vice, quo exigantur pustulæ. Inter ista quæ huc faciunt medicamenta, *Paregorica* dicta, qualia sunt *Laudanum Liquidum*, *Diascordium*, &c. si in pauca quantitate Aquis Cardiacis appropriatis admisceantur, cæteris prælucent: Hæc enim cum sanguini æstuanti frænum injiciant, Natura materiam morbificam opportunius atque liberius ejicit, atque amolitur. Neque etiam consulerem, Cardiacum ante hunc diem propinare vel urgente *Diarrhœa*, atque illud, ut videtur, indicante. Licet enim, quod antea innuimus, nonnunquam Variolarum *Confluentium* eruptionem præcedat *Diarrhœa* (quæ oritur ab halitibus inflammatoriis, vel humoribus à massa sanguinis per primos dies exagitati atque æstuantis, in intestina exoneratis) non tamen hic magis deerit natura dictis materiæ variolosæ halitibus in corporis habitum propellendis, [quo facto, sua jam sponte sistetur *Diarrhœa*,] quam solet in halitibus istis extrovertendis eliminandisque, qui in ventriculo in versi sub initio morbi vomitum provocant.

Anima advertendum verò est, quod si ad adolescentem vegetiorem accersor, & qui insuper liberaliore sive vini sive liquoris cujuscunque spirituosæ computatione morbo ansam dedit, non satis habeo ad frænandam sanguinis ebullitionem, ut tam Lectulo, quam Cardiacis abstineat, nisi ad hæc sanguis è brachio mittatur: Quod si non concedatur, obtinente vulgi præjudicio, missionem mihi saltem esse petendam existimo. Superinducta enim Inflammatione ista, quam sanguini impressit liquorum spirituosorum Fervor, intenso illi calori, quem hic morbus naturaliter comitem habet, ita fuerit sanguis, ut non raro in vesicam vasorum ducto irruat; vel maculas pariat purpureas, aliaque ejusmodi symptomata, quæ per omnem morbi decursum crucem figunt Medico, atque ægrum è medio tollunt. Atque hæc de illis quæ ante pustularum eruptionem sunt peragenda.

Ubi primum eruperint Pustulæ, jam proximò diligenter mecum perpendo, an *Discreti* fuerint generis, an verò *Confluentium*; cum longo hæc intervallo ab invicem distent, quantumlibet convenient quoad symptomata quædam utrisque communia. Si itaque ex pustularum magnitudine, & paucitate, tardioreque eruptione, tum etiam Ægritudinis, aliorumque symptomatum gravissimorum; quæ in *Confluentibus* etiam post eruptionem fatigant, evanescencia, de genere *Discreto* mihi constet; ægrum Cerevisia tenuiori, jusculis avenaceis, hordeaceis, &c. reficiendum curo, modo quem suprâ descripsimus. Atque si tempore æstivo eoque calidissimo Variolæ non ita multæ obtineant, quorsum attineat ægrum in lecto jugiter stratum obrutumque detinere, ego quidem non video, Quin potius singulis diebus, per aliquot horas de toro surgat, eâ lege, ut tam loco, quam vestitu, frigoris pariter ac caloris nimii incommoda præcaveantur. Quid quod ægroto à cubili quandoque abstinente, morbus minori cum molestia, ac etiam breviori spatio temporis sua peragat, quam si eidem continenter affigatur, quod non modò ægritudinis tedium adauget, verum etiam Febrilem æstuationem fovet, & prodeuntibus vesiculis dolorificam inflammationem conciliat. Quod si aut frigidior anni



tempestas, aut copiosior Exanthematum eruptio perpetuò decumbendi necessitatem ægrotanti imponat, prospicio, ut non intensiore caloris gradu, vel adjectis pluribus stragulis in lecto decumbat, quàm quibus in prospera valetudine uti solebat, accenso interim non nisi hyemè incumbente, manè & serò foco mediocri. Neque etiam exigo, ut in eodem loco semper jaceat, nempe ne sudores erumpant, quos ego tum rationibus supra allatis, tum ipsâ experientiâ frerus, fidenter affirmo non absque ingenti periculo promoveri posse.

Determinante morbo, cùm alituum à materia jam in pus conversa prodeuntium eruptio liberior à pustulis tandem crustosis ac duriusculis impediatur, abs re non erit *Vini Canarini semi-cocti cochl. 5 vel 6*, vel aliud medicamentum Cardiacum temperatum exhibere, ne scilicet halitus illi putridi in sanguinis massam postliminio revertantur. Et sanè jam nunc, neque prius, Cardiacis locus est. Eodem pariter tempore Diæta paulò calidior & Cardiaca magis potest concedi; juscula v. gr. ex pane & cerevisia saccharata, è farina avenacea cum cerevisia & saccharo, &c. Neque aliis omnino erit opus, in genere scil. *Discretò* ac leniori, si æger hac Methodo ac diæta, utrisque moderatis, se tractari patiat; nisi fortean inquietudo, vigiliæ aut alia symptomata Phrenitidem minitantiâ, Paregoricûsûm subinde suadeant.

Hæc sanè, reclamante licet immani isto ac malè fundato hominum præjudicio, quod ex adverso militat, vera est ac genuina Methodus huic Variolarum generi medendi, & obtinebit demum, me vitâ functo. Et licet non negem, multos regimine admodum opposito tractatos nihilominus convalescere, fatendum est tamen, [ & sane dolendum etiam, si nobiscum reputemus quàm omni prorsus periculo vacat ex sua natura hoc *Discretum* genus ] plurimos etiam interire, quin & alii complures satis pariter concederent, nisi vel à frigidiorè tempestate, in quam incidit morbus, vel à Phlebotomia [ aliter supervacanea atque inutili ] nuper celebrata servarentur. Quo nomine, si vel obstinatio amicorum, vel ægri diffidentia prædicto regimini intercesserit, tutius mihi videbatur sanguinem detrahère; quod quidem, licet in hac specie per se officiat (quatenus sc. & separationem perturbat confunditque, & pabulum insuper tum pustulis, tum tumoris elevandis destinatum subducit) aliquantisper tamen secuturum regimen calidius pensat; ac proinde hanc, quam non nisi coacti usurpamus, Methodum, non usque adèò periculosam atque ancipitem reddit.

Ex dictis [ ut obiter attingam ] facile erit vulgare illud Problema solvere; quò fiat sc. ut perpauci adèò è plebe hoc morbo pereant, si ad eos comparentur, qui inter divites eodem trucidantur; quod quidem vix ad aliam causam potest referri, quàm quòd ob rem domi angustiorè, & agreste vivendi genus, vix illis fiat copia sibi nocendi regimine magis accurato ac delicatiori. Quinimo & plures inter vulgus jugulavit hic morbus, ex quo *Mithridatii*, *Diascordii*, *Decocti C. C.* &c. usum didicere, quàm in sæculis *indolentioribus* quidem, at magis *sapientibus*; cùm in singulis fermè ædibus reperitur stolidi aliqua ac sciola muliercula, quæ in hominum perniciem, quam non didicit,



Artem exerceat. Atque hæc de Variolarum, quas *Interstinctas* appellavimus, curatione.

At si *confluant* Variolæ, periculosa plena res alicui est; arbitror enim ego, genus hoc non minus ab altero illo discrepare, quàm ab hoc ipsa pestis, licet apud hominum vulgus, quibus nomina & verba pro rebus sunt, utriuslibet Curatio ex æquo prædiceretur. In hac morbi specie, cum intensioris sanguinis inflammationis proles sit, major pariter adhibenda est cura, ne calefiat æger, ut in prioris Curatione jam dictum est. Quamvis autem species hæc ex sua natura majorem sibi vendicat refrigerationem, quàm altera ista, ad promovendam tamen faciei ac manuum intumescuntiam, (sine qua de ægro actum est) & pustularum elevationem atque augmentum, tumetiam, quia æger ob exulcerationes dolorificas lecto abstinere nequeat, expedit, ut in eodem contineat & se, & manus etiam suas, modò stragulis modicè contactus sit, & concessa fuerit venia ab hac in illam lecti partem corpus pro arbitrio suo transferendi, ut in genere *Discreto* innuimus. Præsertim verò morbo exeunte, cum jam appetat *Febris Maturatio*, non tantum hac libertate privandus est æger, sed monendus etiam, ut eam utatur, quin & versandus per æpè nocte atque interdiu, ut ingens calor contemperetur, & evitentur sudores, quibus amandatur lenis iste humor, quo diluendæ sunt Variolæ, ut mitescant.

Quandoquidem verò, ut diximus, *Ptyalismus* hanc speciem jugiter comitatur, qui cum è præcipuis sit Naturæ evacuationibus, atque hinc in ejus locum, quæ per pustulas fieri debuit, substituitur, [quæ quidem per pustulas evacuatio in hac specie humili ac depressiore non æquè atque in altera procedit] summopere annitendum est, ut dicta Salivatio in vigore persistet & conservetur, nec ante diem suum sistatur, vel remediorum calidorum usu, vel à cerevisia tenui aut simili alio liquore liberaliter hauriendo, ægrum arcendo. Jam cum Ptyalismus mos sit naturaliter se habentis, ut cum prima eruptione incipiat, & die *undecimo* minuatur, neque tamen nisi post diem adhuc unum aut alterum omnino desinat, si ante diem illum penitus cesset, inlubrico sunt ægri res. Nam cum faciei tumor [per quem nonnihil materiæ morbificæ evacuetur] nunquam non eo ipso die dispareat, si Salivatio eodem pariter tempore se subducatur, æger materiâ Variolosâ jam putrescente, ceu veneno, inficitur; cumque nulla amplius detur porta, per quam evacuari possit, in busti limine constituitur; nisi fortè [quod fit nonnunquam] manuum intumescuntia, quæ ut seriùs quàm illa faciei se ostendit, ita tardius recedit, ejus sit molis ac momenti, ut ab Orci faucibus illum eripiat, *Salivatio*, quæ tanti hinc est tamque necessaria, admodum promovetur, si ægro affatim propinetur Cerevisia tenuis, vel liquor alius quilibet, qui nec illum calefaciat, nec ad sudores provocet.

Præter hæc verò, ut consopiantur vehemens illa sanguinis ebullitio, quæ hæc Variolarum species alteram illam longè superat, & sustentetur *Ptyalismus*, (necessaria nempe hujusce morbi evacuatio) conveniunt medicamenta *Narcotica* præ aliis quibuscunque: quæ licet ob vim, quæ donantur, incrassan-



tem, educendæ Salivæ videantur officere, jamdiu tamen ego me isto liberavi præjudicio, atque eadem in hoc morbo adhibui, astipulante ubique rerum eventu, modò æger pubertatem excesserit. Sanguis enim Infantium Puero-  
rumque (qui per integrum morbi stadium plerumque satis benè dormiunt (cùm  
mitius ferveat, minus hujusmodi eget sufflamine; atque insuper horum usu  
*Diarrhœa*, quam in hoc morbi genere infantibus evacuationem natura insti-  
tuit, cum ægri damno sistitur. Adultis verò *Paregorica* Medicamenta, si fre-  
quenter usurpentur, hæc adferunt commoda: Primò, somnum moderatè con-  
ciliando, efferam minus sanguinis ebullitionem ac proinde Phrenesin cohibent,  
præcaventque. Dein, ab eorum usu Faciei & Manuum intumescencia,  
quam insignem in hoc morbo natura habet evacuationem, rectius procedit.  
Quinetiam, quod non parum facit ad ægri securitatem, cum non rarò justo  
citius detumescat facies cum malis ægri rebus, tumor Narcoticorum ope ad  
debitum usque naturæ terminum suffulcitur & protrahitur; mitigato enim  
sanguinis fervore, radii inflammati opportunè ad manus, faciem atque om-  
nem corporis superficiem pro morbi ingenio feruntur. *Ptylasmus* denique  
hisce propagatur, qui licet vi medicamenti ita fortiter incrassantis ad horas  
aliquot sistitur in quibusdam, mox tamen aucto novis hisce suppetiis robo-  
re, insurgit denuò natura, & cœptum opus feliciter peragit. Quin etiam  
animadverti *Salivationem*, quæ circa diem *undecimum*, aliquando etiam  
citius, cum ingenti ægri periculo minui solet, exhibitis plus semel *Paregori-  
cis* de novo fuisse redintegratam, nec ante diem *decimum quartum*, alicu-  
bi etiam & post illum, desisse. Propino ego ut plurimum vel *Laudani* liquidi  
guttas 14. aut circiter, vel *Syr. de Meconio* ℥j. in *Aq. flor. Paralys.* vel simi-  
li stillatitia solutam: Quæ si Adultis post plenam eruptionem ad morbi usque  
finem singulis noctibus propinentur, non modò incommodi nihil, sed & ma-  
gnum inde emolumentum capient, quod frequenti experienciâ didici. Expe-  
dit verò, ut censeo, paulò temporius quàm aliter fieri solet, *Paregoricum* ex-  
hibere; facilè enim observatu est in Variolis pessimi moris, *caloris*, ut ita  
dicam, *Paroxysmum* vesperi plerumque ægrum inquietudine, anxietate, aliis-  
que symptomatis laceffere, quæ si *Paregoricum* horâ sextâ septimave vesper-  
tinâ sumatur, aliquatenus præcaveri possint.

Proximo loco, cum in Variolis *Confluentibus* haud minus certò *Infantes*  
*Diarrhœa* comiteretur, quàm *Adultos Ptyalismus*, naturâ, ut suprà osten-  
dimus, alterutram harum evacuationem materiæ morbificæ eliminandæ ubi-  
que constituyente, ut nec hîc *Ptyalismo*, ita neque istic *Diarrhœa* frenum in-  
jicio, cùm utrumque ex æquo sit absurdum: Malè locata interim impruden-  
tium aliquot muliercularum opera in sistenda hujusmodi *Diarrhœa*, multa  
infantium millia letho dedit, dum falsò secum reputant, *Diarrhœam* par in  
*hac* Variolarum specie atque in *Distincta* discrimen apportare; nesciæ scili-  
cet, *illic* tantum officere *Diarrhœam*, ubi per pustulas fit evacuatio, *hic*  
verò naturæ opus illam esse, morbo effugium quærentis. Missâ itaque *Di-  
arrhœâ*, καὶ τῇ φύσει ex præcepto Divini senis συμπαρίτω, quo cœpi pede per-  
go;



go ; in cunis ut nunc jaceant infantes, ut nunc istinc auferantur, consulo ; & si fuerint ablactati, eandem, quam superius Adultis, Diætam istis concedo.

Ultimis morbi diebus, cum facies ob pustulas crustosas, duras aridasque fermè riget, eandem *oleo Amygdal. dulc.* inungo persæpè, tum ad mitigandum dolorem à rigiditate ortum, tum ut effluvia calidiora liberiùs exhalent.

Facies ne cicatricibus deturpetur, nihil quicquam molior ; cum *Olea, Lini-menta, &c.* id tantum agunt, quò tardius evanescant albi isti furfures, quibus se invicem pellentibus excipientibusque, postquam æger jam lecto surrexit ac mediocriter valet, paulatim succedunt, fœdæ illæ cicatrices. Sed ab his non valdè metuendum est ægro, ubi ob regimen, moderatius pustulæ minus exacerbata nullam qualitatem Causticam contraxère.

\* Jam verò, licet Methodus hæc ( si cautè scil. ac prudenter circumstantiis particularibus accommodetur ) prædicta illa à natura abhorrentia atque periculosa symptomata præoccupet, & securum atque perbenignum morbum reddat ; à quacunque tamen causa extorta sint hæc, me nondum accersito, necesse habeo in aliquibus, quæ hîc subnectam, aliâ viâ insistere, eadem ut submoveam atque debellem.

Imprimis igitur, si in *Discreto* genere ob regimen justo calidius, & continuos sudores, ægri facies dic *oçtavo* non intumescat, ( pustulis interim satis dense se exerentibus ) sed flaccida sit, & palleant pustullarum interstitia, in casu posito, ultra quod ad temperatum magis regimen, & compescendum sanguinis *ὀργασμὸν* velis remisque contendo, *Paregoricum* aliquod medicamentum è vestigio hauriendum præcipio ; quod quidem somnum blandè conciliando ( nisi plus nimio cerebrum incaluerit ) & mitigando proinde effrænem sanguinis ferociam, sanguinem unâ cum calore ad faciem, prout morbi ratio postulat, tempestivè determinat. Quod si eo usque processit malum hæc *προφάσις* ortum, ut sudor, qui huc usque copiosè manavit, sponte suâ defecerit, æger Phrenitide corripiatur, de vehementi queratur ægritudine, urinam paucam at frequenter reddat ; jam non aliis auxiliis ( cum in propinquo mors sit ) ægro subveniri posse autumo, quàm vel Narcotica affatim exhibendo, vel sanguinem liberaliter extrahendo, corpusque auræ exponendo. Et profectò haud ita temerarium atque *ἀΓΓρων* videbitur, quod jam proposui, si ad illos animum advertamus, qui ob copiosas narium Hæmorrhagias subitò ingruentes, ferreas imminentis lethi manus salvi evasère. Illud insuper est perpendendum, quòd in extremo hoc agone non idcirco instat mors, quòd pustulæ intrò recedant, [ extant enim hæ eminentque cum insigni rubore, etiam animam agente ægro ] sed quòd facies non turgescat ; ad promovendam verò hanc faciei intumescentiam, quicquid id demum est, quod ad sanguinem contemperandum facit [ Venæ-sectionem autem & modicam refrigerationem eam vim obtinere nemo, opinor, negaverit ] necessariò æquè ac Paregoricorum usus, atque ob easdem planè rationes, debet conferre.

Non hæc ita velim intelligi, ac si in qualibet *Phrenitide*, Variolis superveniente, [ cum nullum hîc syptoma frequentius occurrat ] Venæ-sectionem

\* *Curatio Symptomatum.*

nem



nem statim suaderem, sed in illa tantum, quæ ideo accidit, quia facies non turgescit, in *distincto* sc. genere, & pustulis copiâ satis magnâ comparentibus; vel ubi ob regimen admodum calidum; & Cardiacorum usum, sanguis ad eò efferus est, atque ultra omnem modum evectus, ut inducias ferre nequeat, donec medicamentis *Paregoricis*, & reliquis eodem facientibus, ad debitam temperiem reduci possit. Cum enim ita se res habent, Medicus ad conscientiam suam potius, quàm ad incertam famam se componens, vel sanguinem, ut antè dictum, detrahare debet, vel ut æger aëre liberiori refocilletur, præcipere: Quod ut satis efficeretur, sæpè mihi vi. sum est in tali agone phrenetico, ut æger lecto aliquantisper exurgeret, quo facto plures à morte liberavi. Præter ista verò, quæ oculis ipse usurpavi, innumera sunt illorum exempla, qui his modis quasi Orci faucibus erepti sunt. *Phreneticorum* enim nonnulli Nutricum curam fallentes ( miris sc. artibus utuntur homines ita affecti ) atque è lecto dilapsi aëris frigori semetipsos etiam noctu exposuerunt: Alii frigidam vel furtim, vel raptim nacti, vel etiam precibus à nutrice emendicatam hauserunt, adeoque felici errore salutem jam planè desperatam consequuti sunt.

Unicam hîc loci historiam adscribere non gravabor, quam ab eo ipso accipi; ejus res agebatur. Is nempe *Bristolium* profectus, juvenis adhuc, inque ipso ætatis flore, circa mediam æstatem Variolis correptus est, jisque paulo post Phrenitis accessit: Nutrix in urbem ingressa, interim ægrum suum aliorum curæ commisit, mox nempe reditura. Verùm dum paulo diutius moratur, ægrotus (ut astantibus visum est) interea moritur. Astantes & anni tempestatis, & habitûs ægri, crassi scil. atque corpulenti, rationem habentes, ne oleret cadaver, è lecto sublatum ac nudum mensæ imponunt, linteo superstrato; Nutrix tandem rediens, accepto nuncio, cameram intrat tristissimo spectaculo interfutura; mox amoto linteo, vultuque conspecto, sub obscura quædam vitæ indicia conspici sibi visa est, ac proinde statim projectum corpus in lectum reposuit, adeoque sub manu consilium capiens, ac nescio quid satagens, ægrum suum in vitam revocavit, atque diebus aliquot interpositis sanum conspexit.

Sed ut ad propositum revertar; Proximo loco, si in Variolis *Confluentibus* Saliva eo usque excocta sit & viscida ob calorem præcedentem, ut tantum non suffocetur æger, (quod *undecimo*, ut suprâ diximus, die non insolens est,) *Gargarisma* necessariò in usum trahatur, & ut sæpè die nocteque siringâ in fauces sedulò injiciatur, seriò imperandum. Componatur verò illud è Cerevisia tenui, vel aquâ Hordei, cum melle Rosarum. Vel sequens usurpari poterit: *℞. Cort. Plmi 3vj. Rad. glycyrrhiz. ʒß. Passular. enucleat. n. xx. ros. rubr. p. ij. coq. s. q. aq. ad ʒß. colaturâ dissolv. Oxymel. simp. & mel. ros. aa. ʒij. M. s. f. Gargarisma.* Quod si æger ritè fuerit tractatus, *Ptyalismus*, etiam cum jam coeperit imminui, ita pulchrè suo fungetur munere, ut hoc remedio opus non fuerit. Et profectò ubi eò res rediit, ut æger singulis momentis à suffocatione periclitetur, stupore obrutus, & spiritu ferè undiquaque præcluso, non



non satis tutò huic remedio fiditur: Aegro ita ad incitas redacto *Emeticum* peropportune ac feliciter nunnunquam exhibui ex *Infusione Croci Metallo- rum*, sed dosi paulò majori, sc. ad  $\zeta j\beta$ ; quando, ob eximiam, quâ laborat æger, stupiditatem, minor dosi haudquaquam operabitur, atque interim eos exagitando humores, quos nequeat educere, ægrum in magnum vitæ discrimen conjiciet. Sed neque huic remedio satis fidere possumus, atqui (quod verè dolendum) aliud adhuc certius desideratur ad truculentissimum hoc symptoma debellandum, quod solum ac suo Marte eos ferè omnes jugulat, quotquot in hac Variolarum specie *die undecimo* intereunt.

Cætera quæ in hoc morbo accidunt symptomata, ut *præcaventur* ope regiminis moderati, ita ab eodem pleraque etiam *tolluntur*: e. gr. ut *Phrenesis* antedicta, à nimia cerebri excalescione prognata, sanguine quovis modo paululum ventilando curatur, eadem Methodo & *Comati* (quod alteri contrarium prorsus videtur symptoma, & ab obstructione corticis cerebri fit, dum halitus calidiores à sanguine regiminis ac medicamentorum calidorum usu attenuato, magnâ copiâ ac vi illic impelluntur) facile occurritur.

Eadem hæc sanguinis contemperatione & *Maculas Purpureas* vidi sublatas: Sed neque hæc neque aliâ Methodo quâcunque, vel *mictum sanguinis*, vel violentam ejusdem è pulmonibus eruptionem adhuc sufflaminare potui; utraque verò *Hæmorrhagia* hæc, quatenus mihi hætenus observare licuit, indubie mortem prænuntiat.

In *Vrinae suppressione*, quæ juniores ac vegetos nonnunquam incessit (à confusione sc. magna & spirituum *algia*, ejusdem excretioni subservientium, ob sanguinem & humores nimio fervore agitados) omnes *Diureticorum* tribus in auxilium accersivi, sed nihil æquè feliciter hîc mihi cessit atque è lecto eximere ægrum, qui postquam adstantium manibus suffultus cubiculum bis terge circumambulaverit, mox urinam satis copiosè reddet, haud parvo cum levamine. Testes hîc possum compellare Medicos quosdam è familiaribus meis, qui in hoc casu ex meo consilio idem fieri præceperunt, neque eos fefellit eventus.

At verò quæ à materiæ Variolosæ repercussione ob frigus extremum, vel evacuationes indebitè factas, proveniunt symptomata, usu *Cardiacorum* & conformi regimine sunt tollenda, qui tamen non ultra spatium, quo ista perstant, continuandus. Horum præcipua sunt Pustularum depressio seu procidentia, & *Diarrhœa* in Variolis *Discretis*. Neque enim in *Confluentibus*, vel Pustularum depressio mali quidquam ominatur, cum ea sit morbi natura; neque *Diarrhœa* infantum jisdem laborantium, cum salutem ista adferat, non periculum. In utroque hoc casu potio Cardiaca ex *Aquis stillatitiis* appropriatis, cum *Diascordio*, *Laudano liquido*, &c. jure optimo concedetur, idque non tantum ad dicta symptomata submovenda, sed quolibet morbi tempore, si æger de cordis dolore atque ægritudine conqueratur. Sed ut verum loquamur, symptomata hujus generis oppidò rara sunt, si cum iliis conferantur, quæ extremorum alteri, exitiabili magis, licet minus culpato, debentur.



tur. Et quidem opinor, remorem illum, qui de crebra pustularum retrocessione invaluit, ex eo natum esse, quod qui earundem depressionem in genere *Confluentium* observaverint, illam pro materiæ Variolosæ ob susceptum frigus recessa habuerint, cum nihil sit hic præter morbi morem: Atque in genere *Distinctæ*, idem suspicantur, quia sc. pustularum eruptionem atque augmentum ante diem expectant, cum non satis attenderint ad tempus illud, quo natura fructum hanc ad maturitatem solet perducere.

Ægro jam convalescente pustulisque deciduis, ubi per dies aliquot carnes idem degustaverit, circa diem nempe *Primum & vicesimum*, sanguinem è brachio extrahendum censeo, si morbus fuerit vehementior; cum inflammatio, quam sanguini impresserunt Variolæ, sive adultus fuerit æger, sive infans, non minus Venæ-sectionem indicet, quàm colluvies, quæ eidem accrevit, Catharsin: quod satis liquet, *tum* à sanguinis colore, qui post atrociorum morbum educitur, Pleuriticorum sanguini omninò similis, *tum* etiam à magnis utris inflammationibus, quæ post morbum hunc in oculos decumbunt, aliisque diris sanguinis excalescenti & a morbo depravati effectibus; unde etiam, qui antea pancreaticè valebant; postea cum humoribus calidis acribusque in pulmones, aut aliam aliquam partem depluentibus, per reliquam vitam omnem configunt. At si pauciores extiterint pustulæ, Phlebotomiâ non opus erit. Post venæ-sectionem Catharticum exhibeo ad tres vel quatuor vices.

A hæc, ægro à *Confluentibus* Variolis jam diu liberato, & è lecto quotidie surgenti nonnunquam accidit *Crurum tumor* ferus ac molestus; qui tamen vel sponte facessit post Venæ-sectionem & Catharsin, vel usu Herbarum Emollientium ac Discutientium, (quales sunt *Malva, fol. Verbasci, Sambuci, Lani, cum flor. Chamomillæ & Meliloti,*) in lacte coctarum, facile fugatur. Atque hæc de Historia Variolarum quæ hosce annos grassatæ sunt, quas, ut ab aliis speciebus, quæ insecutæ sunt, dirimam, *Legitimas* appellare libuit.

### C A P U T III.

*Febris Continua Annorum 1667, 68, & partis 1669.*

**I** Am ut de *Febre* illa dicam, quæ durante *Variolosâ* hæc *Constitutione* dominabatur, & cum Variolis ingressa, stetit cum illdem, ceciditque. Ita se hic res habuit; Doluit æger in regione, quæ cordis scrobiculo subjicitur, nec sustinuit, ut manu illa premeretur; quod quidem symptoma non memini me observasse in alio morbo præter hanc Febrem, & hanc speciem Variolarum. Capitis dolor, & calor rotius corporis, ut etiam Petechiæ, satis manifesto indicio se prodebant. Sitis interim non urgebat. Lingua sanorum similis non raro comparuit, nisi quod quandoque albidula, sicca rarissimè, nunquam verò nigra. Æger in spontaneos eosque effusissimos sudores ab initio morbi solvebatur, sed cum nullo levamine; quinimo ubi calidioribus medicamentis & regimine provocabantur isti, periculum erat, ne mox Phrenitide corripere-

Petechia-



Petechiarum insuper numerus augebatur, atque alia symptomata adhuc efferebantur omnia. Urinæ separatio, quæ satis videbatur laudabilis *vel* ab initio, spem faciebat salutis; neque tamen æger magis exinde in melius proficiebat, quam post *διαφύπνιν*, de qua prius diximus. Si minus rectè tractaretur hic morbus, diutissime protraheretur plerumque; neque Crisi aliquâ factâ, nec sponte more aliarum Februm definens, sed vehementibus symptomatis miserum excrucians ad septimanas sex vel octo, nisi mors intercederet. *Ptyalismus* quandoque satis copiosus sub finem accedebat, si nempe nulla insignior præcellerat evacuatio, atque ægro Julapia refrigerantia imperata fuerant, quod quidem, si neque evacuationibus, neque usu Medicamentorum calidorum fuerit interceptus, morbus ultra spem omnem fugam sibi quærebat.

Ut verò Febris hæc ab ista aëris Constitutione Epidemica pendebat, quæ eodem tempore Variolas producebat, ita profecto dicta Febris, si non eadem planè esset, ejusdem ferè cum illis naturæ atque indolis per omnia videbatur, demptis solummodo symptomatis istis, quæ eruptionis vel consequentiæ, vel effecta erant necessaria: Nam eodem modo uterque morbus aggrediebatur, dolor idem in partibus, quæ cordis scrobiculo subjacent, si manus admove-retur, linguæ item color, urinæ consistentia, & Sudores spontanei copiosi ab initio oborti ubique respondebant. Propensio itidem quam habebat hic morbus, quoties in flammam vehementiorem assurgeret, se per *Ptytilismum* exonerandi, eadem prorsus erat atque in Variolis hinc, quoties scilicet *confluebant*. Cum insuper hæc Febris eo præcipuè tempore sæviret, quo latius quam unquam aliàs, quantum ego observavi, hinc locorum grassabantur Variolæ, nemini dubium esse potest quin ejusdem omnino sint prosapiæ. Id certò scio, Phænomena practica omnia, quæ Curationem respiciebant, eadem planè fuisse in utroque morbo, exceptis istis, quæ Variolarum eruptio, ejusque effecta in isto morbo indicabant, quæ, cum nulla esset in hac Febre, indicari proinde non potuere; quod quidem mihi abundè constabat ex accuratissimis illis observationibus, quas feci dum utroque morbo laborantes tractarem. Quapropter danda mihi est venia [non quod nova rerum nomina affectem, quæ perinde mihi sunt invisæ atque illi cui maxime, sed ut hanc Febrim à cæteris distinguam] ut istam à similitudine quam cum hac Variolarum specie habet, *Febrim Variolosam* insigniam.

Ut verò Febris dicta Variolas referebat, nemo tamen sanus eadem illam methodo debere curari facile sibi persuaserit, cum in his mediantibus Abscessibus particulæ inflammatae in habitum corporis amendantur eliminanturque; in hac Febre autem non nisi per Salivationem ejiciantur: Qui enim in morbi principio manabant sudores profusi, *Symptomatici* erant, non *Critici*; cum natura non aliam hinc evacuationem videretur designavisse quam *Salivationem*, quam tamen ipsa eadem natura pervertit ut plurimum, vel *Diarrhæa*, quæ sæpissimè à radiis inflammatoriis per arterias mesentericas in intestina delatis, atque eadem ad excretionem sollicitantibus, exoritur, (quod etiam in *pleuritide* usu venit, aliisque Febribus Inflammatoriis, ob sanguinis par-



ticularumque fervidarum orgasmum, ut eventilentur Catagentium (vel immensis etiam *sudoribus*, qui morbum hunc pariter cum Variolis ex naturæ præscripto ubique comitabantur: quibus: cum symptomatici essent ipsi, *Salivatio* quæ Critica aliàs erat futura, aliò derivabatur; ita ut nisi evacuationem aliam suggereret Ars, ad septimanas aliquot perseveraret morbus, nec aliarum Februm more Concoctionem subiret.

Sed ut paulò ulterius progrediamur, quò & Febris hujus naturam rectius capiamus, & ea pariter subternamus, quibus *Indicationes Curativæ*, tanquam immobili fundamento, superstrui possint; omnino animadvertendum est, quòd in *Febre* illâ, quæ in *Constitutione Intermittentibus Epidemicâ*, vige bat, materia quæ à sanguine erat sejungenda tantæ erat crassitudinis, ut separari nequiret sine præviâ Digestione, quâ ad debitam evacuationem disponeretur, (determinato scil. ad hoc tempore,) idque [vel *διάρροη* paulò pleniori, vel Dejectionibus Criticis; ita ut id tantum negotii Medico daretur, sic se ad morbi genium accommodare, ne ex una parte in symptomata periculosa assurgeret atque ebulliret, neque ex altera ita parum effervesceret ut materiæ inimicæ exterminandæ impar prorsus esset, cum Febris Naturæ instrumentum, fuerit, ad hujus secretionis opus debita opera fabricatum. Quin & in *Peste* materia aliqua reperiebatur à sanguine segreganda; sed cum subtilissimarum fuerit partium & maximè inflammabilium, (ita ut quandoque ubi summè exacuerentur, sanguinem, fulguris instar, pervaderent, nec ebullitionem quidem in eodem ciere valerent] ictu oculi per eum trajiciebat, nec nisi in glandula aut parte aliqua externa sistebatur; ubi irretita carnes circum jacentes primò in inflammationem, postea in *Apostema*, pertraxit. Est autem *Apostema* Naturæ machina, quâ ista, quæ carnibus infesta sunt, amolitur, sicut *Febris* ejusdem est machina, ad difflanda ea, quæ sanguinem malè habent. Quo in casu, Medicorum est, evacuationem materiæ Pestilentialis, quam per hos abscessus natura molitur, prout decet, regere; nisi fortè quis magis consultum esse putaverit, aliam aliquam evacuationem substituere, quæ magis penes illum fuerit, ejusque arbitrio certius obtemperaverit, quàm illa Naturæ. Eodem etiam modo procedit Natura in expellenda *Variolarum* materia, licet ea species sit inflammationis pinguioris ac magis crassæ, quæ per pustulas ubique sparsas ejicitur, *Carbunculorum* loco ac *Bubonum* &c. Atque in hoc etiam casu *Indicationes Curativæ* eò sunt dirigendæ, ut naturalis per pustulas evacuatio ritè administretur. Jam verò cum in hoc *Febris Inflammatorie* genere, de quo nunc agimus, non inveniatur crassior illa materia, non nisi præviâ Digestione egerenda, sicut in Febre superius descripta, incassum Ebullitioni obsecundamus ad obtinendam hujusmodi Digestionem quinimo econtra, haud leve est periculum, ne huic viæ insistentes, stimulos addamus morbo, cujus *esse* in inflammatione plus satis violentâ consistit: atque porrò, cum natura nullam huic Febri evacuationem per modum eruptionis constituerit, quod in Febre Pestilentiali & Variolis fieri cernimus, (utut rebus aliis posteriori huic morbo respondeat,) necessariò in hoc stabit rei summa, ut

sedetur



sedetur *inflammatio* evacuationibus & medicamentis contemperantibus. Hunc mihi proponens scopum, hujusce Febris Curationem aggressus sum, quæ methode hac haud difficulter expugnata fuit.

\* Ad ægrum accersitus, mox sanguinem è brachio educendum curavi, modò nimia debilitas, præsertim verò provectior ætas, non contra - indicaret; & Venæsectionem insuper alternis diebus ad duas adhuc vices repetendam jussi, nisi redeuntis sanitatis signa aliter suaderent. Diebus interjectis *Enema* è lacte & saccharo, vel simile injiciendum præcepi; præscripsi & Julapium sequens vel aliud ejusmodi, frequenter per omnem morbi decursum assumendum; *℞ Aq. Portul. Lactuc. fl. Paralyf. an. ℥iiij. Syr. de Limon. ℥iβ. Syr. Viola-cei ℥j. Cap. ℥iij.* quater vel quinquies in die, & ad libitum; serum lactis, Aquam hordei, & similia ejus farinæ pro Potu ordinario concessi; pro victu juscula etiam Hordeacea, Avenacea, Panatellam, Poma cocta, &c. jusculis verò è carne pullorum, vel aliâ quacunque interdixi.

Præ reliquis omnibus edixi ne se in lecto assidue contineret, sed illo abstineret bonam diei partem, idque quotidie; quando observaverim in hac Febre, (uti etiam in *Pleuritide, Rheumatismo*, aliisque omnibus morbis Inflammatoriis, in quibus abigendis Venæsectio & Refrigeratio primas obtinent,) medicamenta summè Refrigerantia, & repetitam sæpissime Phlebotomiam ne hilum prodesse, dum interim æger lecto indefinenter affixus, ejus calore torreatur, æstare præsertim. Quocirca nec sudores quibus subinde difflebat æger, ab hac methode refrigerandi, tum Medicamentis exhibitis, tum jugem lecti usum vetando, me deterrebant: Etsi enim, sumpta à plerumque juvantibus *Indicatione*, magnum sibi quis inde emolumentum haud injuria pollicitaretur, refragabatur tamen ubique experientia, qua magistra didici, ægrum non modò nihil exinde commodi capere, sed è contra vehementius incallescere; ita ut non rarò *Phrenesis, Petechiæ*, cæteraque pessimi ominis symptomata, mox hujusmodi sudores exciperent, quæ non tam à morbi *malignitate* quam *sinistro regimine* oriri videbantur.

Si è contra dicatur, jam laudaram Februm curandarum Methodum Authorum Theoriæ omnimodè adversari, qui omnes uno ore pronunciant, Febrim per *διαφύεσιν* rectissime ac maximè naturaliter expediri; hæc habeo quæ pro me militent, præter certissimæ ac constantis Experientiæ testimonium mihi in hujus particularis Febris curatione nunquam non suffragantis. Suppono ante omnia viros doctos, qui sudorum provocationem ad tollendam Febrem efflagitant, eos velle sudores qui à prævia Digestione humoris aliqujus in sanguine stabulantis excernuntur, in quo humore elaborando præparandoque ut per *διαφύεσιν* eliminentur, natura certo aliquo ac determinato tempore fuerit occupata. Verum enim verò longè aliter hic se res habet; æger enim à primo statim morbi impetu in sudores uberrimos solvitur, qui soli morbi hujus pars magna sunt, & si Phænomenis omninò omnibus sit habenda fides, morbus hicce à nudo potius calore & sanguinis æstu, quàm ab humore aliquo delitescente, & post debitam Concoctionem à sanguine per sudores



dores expellendo, pendere videtur. Quod si demus, hujusmodi humorem Digestione maturandum in hac Febre, pariter atque in multis aliis reperiri, quorsum attinet, Naturæ [ cuius enormiora molimina in ordinem redigere opis est nostræ ] plus nimio satagenti morem gerere, hujusmodi sudores vel Cardiacis provehendo, vel regimine calidiore, cum non minus sudores respiciat quàm Dejectiones tritum illud Axioma, *Cocta, non cruda, sunt medicanda.*

Stante hac Constitutione, accersebat ad virum doctissimum D. D. *Morrice* (qui tum temporis *Londini*, jam *Petuvorthiæ* Medicinam cum laude facit, ) hac Febre cum effusissimis sudoribus & frequentibus Petechiis laborantem; Consentientibus aliis aliquot medicis, utrique nostrum familiaribus, Vena secta fuit, surrexit è lecto, absterfo primum sudore, Medicamentis & Diætâ Refrigerantibus usus est, præsentissimo cum levamine, multis malis atque periculosis symptomatis mox difflatis, &, cum eadem methodo insisteret, intra paucos dies sanitati restitutus est.

Sed ad rem: Neque etiam *Diarrhœa*, quæ Febrim hanc sæpissime comitabatur, me à Dicta Methodo vellatum unguem dimovit; quinimò expertus sum ( cum sc. ab halitibus inflammatoriis è sanguinis massa per Arterias Mesentericas in intestina excretis, atque eadem vellicantibus, illa nasceretur ) nihil huic profluvio sistendo æque conducere atque Venæ-sectionem, & sanguinis contemperationem, *aquâ Hordei*, *sero lactis* atque aliis supra nominatis procurandam.

Hæc sanè Methodus optimè mihi cessit in hujus morbi curatione, ad quam quidem apta nata præ cæteris mihi videtur. Non quod ego nunquam via longè contraria incedentibus spectator interfuerim, adhibitis sc. Cardiacis & calido regimine, ægro nihilominus à morbo sæpe liberato, ita tamen ut mihi semper videretur is non mediocri discrimen adiisse, nulla id suadente necessitate: Etenim *Petechiæ*, quæ aliter perpaucae erant, his modis numerosissimæ scatebant; sitis, quæ ut plurimum vix molestabat, jam intensius urgebat; Lingua, quæ alias humida solebat esse, neque à sanorum linguâ, nisi quòd, ut diximus, subalberet aliquantisper, multum abhorrrens, sicca in hoc regimine arefactaque, quin & nigra sæpe comparebat. Postremò illi ipsi sudores, quos Cardiacorum usu extorquere satagebant, tandem eorundem ope penitus interciderè: Exacta enim per corporis habitum nimis larga seri copia, sanguis humori istiusmodi ulterius suppeditando par non erat, cumque ista qua diluì debuerat humiditate in solidum jam spoliaretur, exarescebat protinus æger; atque in externis partibus constringebatur, omnino præter naturæ morem quem in hac Febre observare solet, donec tandem sanguis humiditate ab absumptis mutuata denuò repletus, partim Medicamentorum, partim etiam Febris vi, serum hoc recens ingestum, accum illo Febrem, à finibus suis pelleret. Quæ quidem Crisis erat coacta nimis, & nimis periculosa, & ( quod adhuc pejus ) rariùs etiam contingebat.

Jam verò, ut supra monuimus, Febris hujus solutio, ut etiam Variolarum,  
[ quæ



[ quæ soror ejus germana meritò audiunt, ] per *Salivationem* non rarò fiebat; quæ quidem nunquam non salutaris fuit, ita ut eâdem liberaliùs procedente tam maculas revera purpureas, quàm Febrim ipsam evanescere oculis vidi meis. Oborta itaque *Salivatione*, nulla omnino Evacuatio convenit, nec quæ venâ pertusa, nec injecto quæ sit Enemate; cùm ab utraque periculum sit, ne humor alio divertatur. At serum lactis, atque alia refrigerandi vi pollentia necessariam in *Salivatione* elicienda operam navabant, ut è contra Cardiaca, & quæcunque alia calefaciebant, materiam inspissando ejusdem educationi officiebant.

Superstite adhuc Febre hâc, necdum extincta penitus, anno maximè 1668. \* *Diarrhœa*, sine manifesto aliquo Febris indicio, Epidemicè grassabatur: Jam enim *Constitutio* ad *Dysentericam* illam accedebat, quæ insequenti anno invaluit, ut jam proximè dicemus. Hanc nihilominus eandem ego censui Febrim esse cum *Variolosâ* adhuc regnante, formâ tantùm diversâ, atque aliò [sesymptomata efferentem. Cum enim mihi constaret, rigorem atque horrorem hanc etiam *Diarrhœam* præcedere solere, atque illam insuper ut plurimum ex eadem *epidemiâ* invadere, ex qua solebat ista quæ tùm depopulabatur Febris, verisimile mihi est visum, Febrim hanc ortum suum debere radiis inflammatoriis in intestina inversis, atque eadem ad expulsionem hanc sollicitantibus; cùm interim sanguinis massa, ope hujus diverticuli à malis, quos aliter radii isti attulissent, effectibus integra maneat atque illæsa, nullo Febris visibili signo exterius se prodente. Adhuc æger partes cordis scrobiculo accumbentes manu premi non tulit [ quod quidem symptoma & *Variolis* & *Febr* hujus *Constitutionis* accidisse jam pridem ostendimus. ] Idem etiam dolor, atque eadem carniū teneritudo sæpenumerò externè in Epigastrium protendebatur; nunnumquam etiam inflammatio, quæ in Apostemate, atque ægri morte demum terminabatur. Quæ omnia luce clarius indicabant, *Diarrhœam* hanc ejusdem omnino naturæ fuisse atque essentiæ cum illâ, quæ tùm dominabatur, Febr. Sententiam hanc meam magis adhuc ratam faciebat, felix eventus quem Venæ sectio, & Medicamentorum, Diætæ, atque Regiminis refrigerantium usus, quæ in *Febris Variolosæ* curatione usurpasse nos sæpe diximus, in sananda etiam hac *Diarrhœa* perpetim habuere, utpote quæ huic Methodo promptè cessit: Cùm verò alia longè diversâ tractaretur, sive exhibitis *Rhabarbaro* aliisque *Catharticis lenitivis* [ ad deturbandos sc. mordaces istos succos, qui intestina ad hujusmodi Excretiones purabantur irritasse ] sive etiam Astringentibus; ex levi, suâ natura, morbo inexitialem sæpissime evasit; ut, qui eo anno concinnabantur *Diem obeuntium Indices*, plus satis testantur. Atque hæc dicta sunt de *Morbis Epidemicis*, qui ab hac *Constitutione* pendebant.



# SECTIO QUARTA.

## CAPUT I.

*Constitutio Epidemica partis Anni 1669, atque integrorum 1670, 1671, 1672, Londini.*

**I** Neunte *Augusto* \* An. 1669, *Cholera Morbus*, immania *Ventris tormina sine Dejectionibus*, uti etiam *Dysenteria*, quæ per decennium jam parcius comparuerat, grassari cœperunt; *Cholera Morbus*, quem nunquam antehac ita fuisse Epidemicum animadverteram, hoc non obstante, eo etiam anno, uti semper, intra *Augusti* cancellos stetit, vix in priores *Septembris* Hebdomadas evagatus. *Ventris autem Tormina absque dejectionibus* ad *Autumni* exitum usque perseverabant, & *Dysenterias* comitabantur, quibus etiam latius spargebantur illa: Superveniente verò hyeme tormina ista sine dejectionibus, penitus disperebant, nec deinceps infestabant per sequentes Annos quibus vigeat hæc *Constitutio*, qua nihilominus *Dysenteria* ἐπιδήμιον ἔτι τὸς sæviebant. Cujus rei hanc ego causam fuisse arbitror, quod scilicet *Constitutio* ista nondum ita perfectè in *Dysentericam* transierat, ut symptomata illa omnia quæ *Dysentericos* affligunt, in singulis valeret producere. Etenim insequente *Autumno* cum jam redirent tormina, nullo non symptomate Pathognomonico stipatus incessit morbus. Inter *Tormina* hæc dejectionibus cassâ, & *Dysenterias* jam memoratas quæ ubique populabantur, exoriebatur & novum *Febris* genus, utrique morbo comes, quæ non eos tantum invadebat, qui priorum alterutro laborabant, sed etiam illos, qui ab utroque adhuc immunes perstabant; nisi quòd nonnunquam (at rarius id quidem) ventris tormina admodum levia accederent, nunc soluta alvo, nunc verò astricta; quæ cum illam *Febrem* quadantenus referret, quæ morbis præfatis non infrequenter adhærebat, *Febris Dysenterica* nomine ab aliis distinguenda est; maximè cum, ut mox docebimus, à *Dysenteria* genio atque indole in eo tantum recederet, quòd *Dejectionibus* istis caruerit, quæ in *Dysenteria* indefinenter molestabant, cæterisque iis effectibus, quæ huic evacuationi necessario debebantur. Appetente jam *Brumali* frigore *Dysenteria* ad tempus se subduxit; *Febris* autem *Dysenterica* magis grassabatur; *Variolæ* etiam, at mitiores, & fractis admodum viribus quibusdam in locis impetebant.

\* Anno verò subsequente vix dum ingressu, ipso nempe *Januario*, successere *Morbilli*, qui indies auctiores facti, nullam ferè familiam, nullos saltem infantes intactos sinebant, atque ad *Vernum* usque *Æquinoctium* sensim invalescentes, ab illo tempore jisdem ferme quibus insurrexerant gradibus



dibus paulatim referebant pedem, & *Julio* mense evanescere, non amplius visi per eos annos omnes, quibus dominabatur *Constitutio* hæc, nisi quod proximo anno ea ipsa tempestate, qua in præcedente, eruperant, rari hac illac dissiparentur.

*Morbilli* isti *Variolarum* generi, mihi hætenus non cognito, viam sternebant, quas ut à cæteris distinguam, ob Phænomena irregularia inusitataque à me observata [ quæ postea in earundem *Historia* tradentur ] à præcedentis *Constitutionis* Variolis longè distantia, *Variolas Anomalas Constitutionis Dysentericæ* compellare lubet, *Variolæ* hæ, licet morbillis longe infrequentiores, non paucos tamen aggrediebantur, donec inchoante mense *Julio*, *Febres Dysentericæ* prævalerent, *Epidemicæ* incurstantes; approximante verò *Autumno*, *Augusto* scilicet, *Dysentericæ* postliminio revertebantur atque omnia pervastabant, etiam inclementius quàm prægresso anno desævientes. *Hyberno* tamen frigori terga dederunt, ut prius. Verumenimverò his fugatis *Dysentericæ Febris* & *Variolæ* hyemem omnem funestabant.

At circa initium *Februarii* \* *Anni* insequentis, substitutis *Tertianis Intermittentibus*, uterque morbus rarior prodibat. Dictæ *Intermittentes*, licet non admodum *Epidemicæ*, frequentiores tamen erant, quàm quovis alio tempore observasse me memini, à quo sc. expiravit *Constitutio* ista, quam sibi adeò faventem illas habuisse supra notavimus. Atque hæ, pro more *Intermittentium Vernarum*. Solstitio æstivo vix præterlapso omnino evanescere. Incipiente mense *Julio*, *Dysentericæ Febres* quam præcedentibus annis obtinuerant stationem de novo repetebant, *Autumno* verò aliquantum provectiore, *Dysenteria* jam tertio regressa est, sed contractior quàm anno ultimo elapso, quo ad *impulsum* pervenisse videbatur, supervenienti autem *Hyemi* tertium etiam cessit. *Febre Dysentericâ*, & *Variolis* reliquam eam tempestatem iterum contristantibus.

\* Cùm verò, ut jam monuimus, sub ingressu utriusque anni præcedentis morbus aliquis valde *Epidemicus* invalesceret, *Morbilli* scil. exoriente Anno 1670, *Intermittentes* autem *Tertianæ* Anno 1671 inchoato, quorum prædominio ita intercidebantur *Variolarum* copiæ, ut fines suos, prædictis annis incuntibus, longè lateque propagare nequirent: Hæc inquam de causa remoto jam obice, ( nempe initio *Anni* 1672 ) cùm solæ dominarentur *Variolæ*, *Epidemicè* admodum ex consequenti grassabantur, donec subintrante rursum *Julio*, *Febres Dysentericæ* denuò invaderent, quæ redeuntibus jam quædam *Augusto* *Dysentericiis* mox faceſcebant; *Dysentericæ* verò non pauciores tantum quàm prioribus annis fuerant, sed mitiora insuper apportabant symptomata. Porro *Variolis* hinc indeque simul sparsis, haud facile erat dictu, quis morbus præpolleret. Existimo quidem ego, *Constitutionem* æris ad *Dysenterias* progignendas minùs facientem, *Variolis* eam subministrasse facultatem, quâ pari passu procedere valerent, secus atque iis annis quibus *Dysentericæ*, *Augusto* mense confertim magis trucidabant. *Hyems*, ut solebat, *Dysenterias* ablegavit, sed neque *Febrem*, nec *Variolas*: *Variolæ* hæc etiam pro more suo, exulantibus *Dysentericiis*, rerum denuò potiebantur, & per omnem reli-



quam brumam regnabant. Quinimò subsequēte Vere, ut etiam æstatis initio, huc atque illuc deferebantur, longè tamen miriores quàm pro hoc genere.

Verùm enim verò quando assero, *Epidemicorum* alterum ab altero, ut clavum à clavo; pelli, non statim dico, eum, qui pellitur ac cedit, morbum in solidum evanescere, at verò rariùs invadere. Durante enim hac *Constitutione* uterque morbus reperiebatur, etiam illa tempestate qua cum minùs conveniebat; e. gr. *Dysenteria*, etsi morbus *Autumno* maximè proprius, unum fortasse aut alium, licèt raro admodum, Vere incessēbat.

Satis itaque evicimus, quod per integram hanc *Constitutionem*, subintrante *Iulio* [qui mensis certissima est *Februm Autumnalium Epocha*, uti *Vernarum Februarii*) *Febres Dysenterica* grassabantur; *Autumno* vero jam se propiùs admovente, *Dysenteria* (morbus, si accuratius loqui velimus, verè *Autumnalis*) iisdem succedebant, quas ab hyeme difflatas excipiebant *Febres Dysenterica & Variola*; quæ quidem *Variolæ* non eam tantùm hyemem, sed & subsequens etiam Ver, nec non æstatem illi conjunctam peragrabant, donec reverso *Iulio*, à *Febribus Dysentericis* Epidemicè prædantibus ejicerentur. Atque hæ rerum erant vices dum vigeret prædicta *Constitutio*.

Observare insuper est, quod sicuti *Epidemicorum* quilibet in subjecto particulari suas habet periodos, *Augmenti* sc. *status*, & *Declinationis*; ita etiam *Constitutio Generalis* quæcunque, quæ huic alterive morbo Epidemicè producendo favet, pro ratione temporis quo dominatur suas etiam periodos habet, quatenus sc. indies magis ac magis Epidemicè grassatur, donec à *summu* attigerit suam, atque exinde iisdem ferè gradibus decrescat, donec tandem penitus exoluerit, alteri *Constitutioni* locum cedens. Symptomatum enim quod attinet vehementiam, atrociora sunt omnia ubi primùm se ostendit; quæ quidem paulatim mitescunt, & in *Constitutionis* Catastrophe tam sunt benigna atque *εὐφρόνεια*, quàm patitur morbi natura, in quo fundantur; quod satis demonstrant *Dysenteria*, & *Variola* hujus *Constitutionis*, ut mox fusiùs declarabimus. Hujus *Constitutionis* morbos particulariter tractandos aggredior, eo quem ipsi servarunt ordine.

## C A P U T. II.

### *Cholera Morbus An. 1669.*

**M**orbus hic, qui, ut antea diximus, Anno 1669. se latius diffuderat, quàm alio quovis anno, quantum ego observaveram, eam anni partem, quæ Æstatem fugientem atque Autumnum imminem complectitur, unice ac eadem prorsus fide, qua veris primordia Hirundines, aut insequentis tempestatis fervorem Cuculus, amare consuevit: Qui ab ingluvie ac crapula nullo temporis discrimine passim excitatur affectus, ratione symptomatum non absimilis, nec eandem curationis methodum respuens, ramen alterius est subelli. Malum ipsum facile cognoscitur, adsunt enim vomitus enormes, ac pravorum humorum cum maxima difficultate & angustia per alvum dejectio, Ventrìs ac intestinorum dolor vehemens, inflatio & disten-



& distentio; Cardialgia, sitis Pulsus celer, ac frequens, cum æstu & anxietate, non raro etiam parvus & inæqualis; insuper & nausea molestissima, sudor interdum diaphoreticus, crurum & brachiorum contractura, animi deliquium, partium extremarum frigiditas, cum aliis consimilis notæ symptomatis, quæ astantes magnoperè perterrefaciant, atque etiam Augusto vigenti quatuor horarum spatio ægrum interimant. Est etiam & *Cholera sicca* à spiritu, flatuoso suprâ & infrâ erumpente, idque sine vomitu vel secessu; cuius unicum duntaxat exemplum me vidisse memini, ineunte hujus anni Autumno, quo tempore prior illa species mihi creberrimè & factò quasi agmine sese obtulit.

\* Sedulâ mentis applicatione, & multiplici etiam experientiâ edoctus, quod si hinc acres istos humores, fomitem, morbi Cathartici expellere conarer, idem agerem, atque is, qui ignem oleo extinguere satagit, cum Cathartici vel lenissimi operatio omnia magis perturbaret, & novos insuper excitaret tumultus: Et si ex adverso medicamentis Narcoticis aliisque astringentibus in ipso statim limine primum humoris impetum compescerem, dum naturali evacuationi obfisterem, & invitum humorem detinerem, æger, inimico visceribus incluso, bello intestino indubiè conficeretur. Has, inquam, ob causas, mediâ mihi viâ insistendum esse duxi, ut partim scilicet humorem evacua-rem, partim etiam diluerem; morbum itaque hâc arte mihi à multis retrò annis comperta ac comprobata, toties quoties in ordinem coëgi,

Pullus tenerior in tribus circiter aquæ fontanæ congiis elixatur, adeò, ut carnis saporem vix perceptibilem liquor referat; hujus decocti (vel defectu ejus, liquoris possetrici) capaciores aliquot cyathos æger tepidè exhaustire jubetur, eodemque tempore bona ejusdem quantitas pluribus *Enematis* successivè injiciendis inservit, donec quâ per superiora, quâ per inferiora, tandem omne jusculum absumptum; ac denuò rejectum fuerit. Hisce haustibus, pariter ac Clysteribus, Syruporum *Lactuce, Violarum, Portulacæ, Nymphaeæ*, eorumve alicujus, Uncia subinde admisceri poterit; quanquam & citra ejusmodi additamenta, jusculum ipsum per se rem satis commodè exequatur. Ita Ventriculo insigni liquoris quantitate sæpiùs onerato, atque, ut sic dicam, subverso, ac reiterata Enematum injectione, humores acres vel foras eliminantur, vel retusâ acrimoniâ ad debitam temperiem revocantur. Exantlato hoc eluvionis penso, quo tres vel quatuor horas sibi vendicat, medicamentum aliquod *Paregoricum* curationi coronidem imponit: Mihi hoc crebro in usu est, ℞. *Aq. Paralys.* ℥j. *Mirab.* ℥j. *Landani liquidi gutt*, xvj. cujus loco Narcoticum quodvis officinale succenturiari poterit. Atque hæc quam proposui diluendi humores via multo tutius ac expeditius, quam quæ vel per evacuationem, vel per astringentia vulgò instituitur, periculosissimo affectui occurrit, quippe cum ab *illis* tumultus concitior & ferocior evadat, ac omnia susquedeque vertantur; hæc econtrâ hostem in mediis visceribus detineant, ac ex advenâ reddant planè inquilinum; ut taceam, protracto in longitudinem morbo præter



periculum ex ejusmodi mora, quâ in massam sanguinis tandem humores vitiosi irrepunt, atque mali moris Febrim faciliè accendunt, etiam ægris gravissimi mali tædium procreari.

At verò diligenter est animadvertendum, quòd si non accesserit Medicus, nisi postquam æger vomitu ac dejectionibus ad horas aliquàm multas continuatis, puta 10 vel 12, fuerit exhaustus, & jam frigescent extrema membrorum; hoc, inquam, casu, omissis aliis quibuscumque auxiliis recto cursu ad sacram hujus morbi anchoram, *Laudanum* intelligo, confugiendum est; quod non tantùm exhibendum est urgentibus Symptomatis, sed etiam cessantibus Vomitu ac Diarrhœâ manè & serò quotidie repetendum, donec pristinas vires æger, ac sanitatem tandem receperit.

Hic morbus, quantumlibet Epidemicus, rarissimè tamen [quod suprà dictum est] *Augusti*, quo primum cœpit mense, terminos excessit; ex quo mihi subest contemplari elegantissimum illud subtilissimumque artificium, quo utitur natura in Epidemicorum natalibus atque ortu; Licet enim eadem prorsus maneant causæ, unde plures sub finem *Septembris* æquè ac mense præcedente, hoc morbo possunt corripì, nimia sc. Fructuum Horariorum ingestio; eundem tamen non sequi videmus effectum: Quisquis autem *Cholera morbi legitimi*, quòcum solo nobis impræsentiarum res est, Phænomena studiosè collegerit, fatebitur morbum istum; qui quovis alio anni tempore invadit, quamvis ex eadem occasione prognatum, atque eorundem symptomatum nonnullis stipatum, ab hoc nostro toto cœlo distare, haud aliter ac si in ære peculiaris mensis hujus lateat reconditum ac peculiare quiddam, quod specificam hujusmodi alterationem soli huic morbo adaptam, vel cruori vel Ventriculi fermento valeat imprimere.

### C A P U T I I I.

*Dysenteria partis Anni 1669, atque integrorum 1670, 71, 72.*

**V**Entris tormina sine dejectionibus initio *Augusti* 1669, ut suprà innuimus, invadere cœperunt; & excurrente eo Autumno, *Dysenterias*, quæ cum iisdem ingrediebantur, æquabant numero, ne dicam exuperabant. Febris nunc iis accessit, nunc aberat. *Dysenteriarum* per id tempus grassantium torminibus dicta Ventris tormina omnino respondebant; atrocissima nempe hæcerant, & per intervalla cruciabant, nullæ verò sequebantur Dejectiones vel *Stercorosæ*, vel *Mucosæ*. Pari passu cum *Dysenteriis* per *Autumnum* hunc omnem procedebant, sed, ut jam docuimus, non cum iisdem per Annos sequentes hujus *Constitutionis* Epidemicè amplius invadebant. Cum verò tormina hæc sine dejectionibus neque naturâ suâ, neque illâ, quâ promptissimè sopiebantur methodo, à *Dysenteriis* multum dissideant, ad has me conféro.

Animadverti, morbum hunc uti nunc, ita ferè semper, *Autumni* initio invadere.



vadere solere, & appropinquanti hyemi pro tempore cedere; cum verò annorum series eidem Epidemicè producendo nimium faveat, unum alterumve, etiam quovis alio tempore potest ferire; quin & circa *Veris* ingressum, fortè etiam maturius, [ si nempe aura calidior intemperantiori gelu de repente soluto mox supervenerit ] plures aliquot incessere. Unde, perpauci licet fuerint, qui hoc corripiantur morbo, cum tamen id tempore ita alieno contingat [ satis scio illam *Constitutionem* haud mediocriter huic morbo suffragari. Atque ita se res habuit per eos annos, quibus *Dysenteria* ita latè depopulabantur; quandoque enim circa finem hyemis aut *Veris* initium, uti dictum, hic morbus hunc illumve vexabat.

*Nunc* cum rigore horroreque aggreditur hic morbus, quos sequitur totius corporis calor, utin Febribus solenne est, ] atque hunc brevi post ventris tormina; ista verò dejectiones: Sæpè verò nulla antecedit Febris præsensio, agmen autem ducunt tormina, dejectiones subsequantur: Semper tamen adest ingens cruciatus, & intestinorum depressio cum dolore, quoties exoneratur alvus, cum crebris itidem dejectionibus, & molestissimo viscerum omnium quasi descensu. Dejectiones *mucosæ* sunt omnes, non *stercorosæ*, nisi quod nonnunquam stercorosa interponitur, idque sine dolore insigni: Mucosis hisce dejectionibus intertexuntur sanguinis quædam lineamenta; quandoque tamen ne minimum quidem sanguinis per omnem morbi decursum iisdem admiscetur; quo non obstante, [ modò frequentes sint Dejectiones, cum ventris torminibus & colluvie mucosâ, morbus haud minus rectè *Dysenteria* vocabitur; quàm si unà maneret sanguis. Interea temporis æger, si vel ætate floreat; vel Cardiacorum ope incalcescat, febricitat linguâ subalbidâ quadam mucilagine densè obsita, &, si vehementius fuerit excalefactus, nigrâ etiam atque sicca: Prosternuntur admodum vires, dissipantur spiritus, nullum non adest Febris malè moratæ indicium. Non dolores tantum summos atque ægritudinem adfert hoc malum, sed, nisi peritè tractetur, ingens etiam in vitæ discrimen ægrum perducit; cum enim jam imminuræ caloris Vitalis ac spirituum copię à crebris hisce dejectionibus ante exhaustiantur quàm peccans materia possit è sanguine exturbari, manuum ac pedum frigore superveniente, à morte periclitabitur, etiam intra morborum acutorum periodos oppetendâ; quod si intentatas *Parcarum* manus hâc vice eluserit, plura tamen diversi generis symptomata miserum expectant: v. gr. nonnunquam progressu morbo, loco filamentorum sanguineorum quæ eodem incipiente dejectionibus permixta conspici solebant, *sanguis sincerus*, ne muco quidem intermixto, largiori quantitate singulis conatibus egeritur, quod, cum corrosionis majorum aliquot vasorum quæ intestina perreptant, argumentum sit, ægro interitum minatur. Nonnunquam etiam intestina à magno illo incendio, quod excitavit materiæ calidæ atque acris ad partes læsas affluxus copiosior, *Gangrena* insaniabili afficiuntur. *Aphthæ* insuper exeunte morbo oris interna faucesque sæpe numero obsident, imprimis ubi corpus diu fuerit excalefactum, & materiæ peccantis evacuatio medicamentis astringentibus impedita, non exacto prius per-



Cathartica morbi fomite, Atque hæc quidem mortem imminentem ut plurimum denunciant. Quòd si prædicta symptomata superaverit æger, & morbus in longum trahatur, tandem intestina ordine quæque suo deorsum versus affici videntur, donec in *rectum intestinum* malum omne detrudatur, & in *Tenesmum* desinat; quo factò, longè secus atque in Dysentericis Dejectiones *sercorosæ* vehementissimum intestinæ dolorem inferunt, alvi scilicet scæcibus teneriora adhuc intestina inter descendendum radentibus; cùm Dejectiones *Mucosæ* eo tantùm tempore inferiori intestino, *Recto* nempe, molestias creent, quo materia in eo solo conficitur atque inde excernitur. Hic autem morbus licet *adultis*, maximè *grandævis*, haud rarò exitialis, *Infantibus* nihilominus perbenignus reperitur, qui ad menses aliquot ab eodem quandoque afficiuntur sine quovis incommodo, modò res naturæ permittatur.

Quantum cum hac, quam descripsimus, affinitatem habeat *Endemia* ista *Hibernorum Dysenteria*, non satis scio, cùm nondum ea mihi innotuerit; quin & in his, quas incolimus, regionibus quomodo se habeat *Dysenteria*, quam jam depinximus, si ad illas referatur quæ aliis annis infestabant, mihi pariter incompertum est, cùm fieri quidem possit, ut variæ enascantur *Dysenteriarum*, species, ut sunt *Variolarum* & *Epidemicorum* aliorum, diversis *Constitutionibus* propriæ & quæ proinde medendi methodum in aliquibus diversam sibi suo jure vendicent. Neque est, cur hos Naturæ lusus hac in re tantopere demiremur, cùm in confesso apud omnes sit, quòd quo profundius in quæcunque Naturæ opera penetremus, eo luculentius nobis affulgeat ingens illa varietas & divinum pene artificium operationum ejus, quæ captum nostrum longissimè superant. Adeò ut quisquis ille fuerit, qui in se receperit hæc omnia mente assequi, & multifarias Naturæ operationes *νακαπόδας* indagare, partim magnis ausis excidit, neque voti per omnia compos reddetur: Convitia interim, [ si quid judicando valet, ] pro repertorum vel utilissimorum quam fecit semente, certò certius sibi metenda proponet, idque eam tantùm ob causam, quòd primus invenit.

Porro observandum est, quòd *Epidemici* omnes ubi primùm è Naturæ sinu emergunt exiliuntque, quantum ex eorum Phænomenis licet conjicere, principio magis spirituoso ac subtili videntur inhærescere, quàm ubi jam magis adoleverint, quoque magis ad occasum vergunt, eò magis indies crassi atque humorales fiunt: Etenim quales quales demum fuerint inimicæ istæ particulæ, quas aëri intimè permixtas *Constitutionem Epidemicam* formare opinabimur, omninò par est, ut easdem majori agendi potentiâ per ea tempora pollere existinemus, quibus primùm eruperint, quàm postquam earum vires fuerint refractæ. Ita primus mensibus, quibus grassabatur *Pestis*, nullo ferè non die ejus contagio afflati, dum in triviis versarentur, inopinanter extincti sunt, nihil prorsus mali præsentientes, cùm, ubi morbus magis adoleverat, neminem, nisi Febre atque aliis symptomatis præcedentibus, unquam prostravit: Ex quo abundè conficitur, morbum hunc in ipsis incunabulis magis efferatum atque acutum fuisse, quam post principia, licet pauciores pri-



primâ acie jugulaverit, acto jam sc. quem habebat in humana corpora influxu. In *Dysenteriiis* pariter, de quibus jam agimus, omnia universim symptomata atrociora sub primo morbi ingressu comparebant, & licet, si ad ægrorum numerum respexeris, latius indies malum serperet, donec tandem ad statum provenisset, in quo ex consequenti plures interibant quàm ineunte morbo; symptomata tamen sub initio sæviebant magis quàm in *statu*, ac multo adhuc magis quàm in *Declinatione*, & cæteris paribus plures pro ægrorum numero Ἐλαβε πορφύρεος θάνατος καὶ μόξα κραδίη. Adde quòd quo diutius perseverabat morbus, eo magis Humoralis etiam videbatur; v.g. primo quo invasit Autumno, quamplurima nullis omnino Dejectionibus molestabantur; Torminum verò quod spectat atrocitatem, Febris intensiorem, subitam virium prostrationem, aliaque symptomata, insequentium annorum Dysenterias longo intervallo post se reliquit. Quinimò Dysenteriae cum Dejectionibus, quæ primæ incessabant, principio magis spirituosæ ac subtili videbantur inhærere, quàm quæ illas sequebantur. Etenim in primis Dysenteriiis & conatus & ad delidendum irritatio majores erant, tum etiam frequentiores; ipsæ verò Dejectiones; stercorosæ præsertim, & minores, & magis insolentes: Quibus autem gradibus morbus in genere se promovit, jisdem etiam imminuebantur Tormina, Dejectiones verò magis stercorosæ erant, donec tandem fatiscente *Epidemicâ* hâc *Constitutione* Tormina vix perciperentur, Dejectionesque *stercorosæ* magis essent quàm *mucosæ*.

\* Ut ad Curativas Indicationes tandem procedamus, cùm varia quæ huic morbo accidunt symptomata, diligenter ac maturè mecum pensitassem, *Febrem* eum esse (sui sc. generis) in intestina introversam deprehendi, cujus ope humores calidi atque acres in massa sanguinea contenti atque eandem exagitant, per Arterias Mesaraicas in dictas partes deponuntur: unde à vehementiori sanguinis atque humorum eo contententium impetu patefactis vasorum orificiis, sanguis per sedem effunditur. Interea temporis importuno intestinorum nisu, quæ omnem adhibent operam ut humores acres continuò instantes expellant, mucus iste quo naturaliter obducuntur, singulis sedibus, nunc parcius, nunc copiosius, unà egeritur. Poinde ultrò se *Indicationes* offerre videbantur, neque mihi aliud quippiam incumbere existimavi, quàm ut primùm acres istos humores secta vena immediate revellerem, quo facto insuper reliquam massam contemperarem, tum etiam dictos humores per Catharticæ subducerem.

Hâc itaque Methodo sum usus; Quo primùm accersabar die, venam cubiti tundendam suasi, eadem nocte & *Paregoricum* propinavi, & sequenti aurorâ Potionem hanc Catharticam Lenitivam, mihi familiarem, *℞. Tamarind. ʒʒ. fol. Sennæ ʒij Rhei ʒiʒ. Coq. s. q. Aquæ, Colaturæ ʒiij. dissolve Mann. & Syr. Ros. solut. an. ʒi. m. f. Potio* sumenda summo mane Hanc ego potionem Electuario cuilibet cum Rhei pauca quantitate parato, soleo præponere; licet enim *Rhabarbarum* Cholerae atque acrioribus quibusque humoribus evacuandis sit dicatum, attamen nisi *Manna* aliquid, aut *Syrupi Ros-*



*sacai*, vel aliud ejusmodi, ea quantitate admisceatur ut ad pleniorē Catharsin allurgat, in *Dysenteriis curandis* non admodum conducit. Quandoquidem verò satis est obvium Medicamenta Cathartica etiam lenissima, & tantum *ἔκκωρστικά*, ventris tormina intendere, spirituum etiam dejectionem, atque *αταξίαν* universalem ægro inferre, adventitio nempe illo tumultu quo sanguinem ac humores commoverent inter operandum; capropter solenne mihi est *Paregoricum* temporius aliquanto subjicere quàm post Cathartica consuevinus, hora sc. pomeridiana quacunque, modò Catharticum suo defunctum munere videatur; quo sc. quem concitavi motum denuò sufflaminare valeam. Deinceps ad duas adhuc vices dictum Catharticum præscribo, alternis scilicet diebus hauriendum; Paregoricum etiam post singulas Purgationes, quo supra monuimus tempore. Hoc insuper diebus à Purgatione vacuis tam mane quam serò exhibendum curo, quo sc. symptomatum ferociam debellem, atque inducias impetrem, dum cum humore peccante exterminando mihi res est. *Anodyno* autem utebar maxumè *Laudano liquido*, guttis nempe 16. vel 18. in Aqua qualibet Cardiacâ, pro dosi una.

Post Venæ-sectionem & Catharsin semel celebratam per totum morbi decursum Cardiacum quodvis è temperationibus, ut *aq. epidem. aq. scord. comp.* & his similibus, subinde degustandum concessi. *Ex. gr. ℥. aq. cerasor. nigr. & fragor. an. ℥iij. aq. epide. scordii comp. & cinnamomi hordeat. an. ℥j. margarit. preparat. ℥i℞. Sacchari Chrysalini q. s. adde aq. rosarum Damasc. ℥℞. (ad gustum sc. gratiorem) mis. bul. de quo cap. coch. iiij. vel v. in languoribus, vel ad libitum.* Hæc autem imprimis in senioribus ac Phlegmaticis usurpavi, quo nempe spiritus magna Dejectionum vi, quod in hoc morbo usu venit, prostratos erigerem quadantenus, & refarcirem: Potus erat Lac coctum cum Aquæ triplo; aut *Decoctum album* [quod appellant] *ex C. C. C. & micæ panis albiss. an. ℥ij. coctis in aq. font. ℥iij. ad ℥iij. & postea s. q. sacchari albiss. edulcoratum*: aliquando etiam lac Cereviliatum; vel, ubi dejectio virium ad postulaverit, *Aq. font. ℥iij. cum Vini Canarini ℥℞. simul coctæ* pro potu ordinario frigide assumebantur. Panatella item nonnunquam vescebatur, nonnunquam jusculo è carnibus ovinis macilentioribus Grandæviores lectulo magis addixi; Aquam item Cardiacam illis familiarem liberalius indulsi, quàm infantibus aut junioribus par erat. Laudata Methodus omnibus, qui mihi hætenus innotuere, in hoc morbo vincendo facile palmam præcipuit, qui perraro ultra tertiam Purgationem duravit.

Quod si morbus præfractior his non cederet, dictum *Paregoricum* ægro exhibui singulis diebus mane, & hora somni, donec omnino convalesceret; imò quo certius adhuc hic affectus debellari potuerat, Laudanum prædictum octava quaque hora, *i. e.* ter spatio diei naturalis, propinare non dubitavi, idque in majore dosi quàm supra recensui, nempe ad gutt. xxv. si prior dosis fluxui cohibendo haud par fuerat. Insuper *Enema ex latis vacc. librâ dimidiâ, & Theriac. Androm. sesquiuncia* sing. diebus injiciendum curavi, quod quidem in quibuscunque alvi dejectionibus mirè confert. Nec vel minimum quidem incom-



incommodi à tam frequenti Medicamenti Narcotici repetitione mihi adhuc videre contigit [ quantamlibet noxam inde sequuturam comminiscantur inexperti, ] licet plures noverim qui in morbo contumaciori idem ad septimanas aliquot continuas quotidie usurpaverint. Hic autem admonendum, quòd cum alvi fluxus ad *Diarrhæam* tantum assurgat, satis erit ut [ Phlebotomiâ ac Catharsi fortiori omiſſa *Rhabarbarum* solum singulis matutinis exhibeatur, nempe ejusdem pulv. ʒß. ( plus minus pro ægri virium ratione ) in Bolum s. q. *Diascordii concinnata*, addendo ol. *Chym. cinnamomi* gutt. ij; noctibus autem insequentibus *Paregoricum ex aq. Cinnamomi hordeata* ʒj. & *laudan. liquid. gutt. xiiij.* Diætam interim observando qualem in curatione *Dysenteriae* supra descripsi, atque etiam singulis diebus, si opus fuerit, clysterem injiciendo ibidem laudatum. Sed hoc obiter.

Ut unica instantia ( neque enim pluribus Convalescentium exemplis, nulla cogente necessitate, Lectori tædium creabo ) Methodum jam à me propositam commendatam faciam; Vir pietate atque Eruditione insignis *Th. Belke* S. T. P. & *Comiti Sancti Albani* à Sacris Domesticis, durante hac Constitutione *Dysenteria* Acutissima laborans, me in subsidium accito, ipsissima hac methodo restitutus est.

*Infantes* hoc morbo correpti eodem planè modo erant tractandi; sanguinis tamen extrahendi quantitate, tum etiam Medicamentorum, tam Cathartici, quàm Anodynini viribus pro annorum ratione imminutis; ita ut v. gr. Narcotici guttæ duæ infanti unius anni suffecerint.

*Laudanum Liquidum*, quod in quotidiano, ut dictum, usu mihi erat, hanc ad normam simpliciore præparavi. ʒ. *Vini Hispanici* ʒvj. *Opii* ʒij. *Croci* ʒj. pulv. *Cinnamomi*, & *Garyophyllorum an.* ʒj. infundantur simul in B. M. per duos vel tres dies, donec liquor debitam consistentiam acquirat; Colatura servetur pro usu. Hanc nostram præparationem *Laudano* Officinarum solido anteferendam virtutibus quidem non censeo, sed ob formam saltem commodiorem, & majorem Dosis certitudinem, eidem antepono; cum sc. Vino, Aquæ Distillatæ, aut liquori alii cuicunque instillari possit. Et profectò non hîc mihi tempero, quin gratulabundus animadvertam, Deum Omnipotentem πάντων σωτήρα εἶναι non aliud remedium, quod vel pluribus malis debellandis par sit, vel eadem efficacius extirpet, humano generi, in miseriarum solamen, concessisse, quàm sunt *Opiata*, Medicamenta sc. ab aliquâ *Papaverum* specie desumpta. Et quamlibet sunt nonnulli, qui credulis persuadere velint, omnem ferè Narcoticorum, *Opii* præsertim ipsius, virtutem ab artificiosa ac debita, quam soli adhibent, præparatione pendere; qui tamen experientiâ judice certaverit, & tam simplicem succum à natura oblatum, quâ ejus præparata cum diligenti observatione in usum frequenter revocaverit, nullum ferè discrimen intercedere comperiet, & mirando illos effectus, quos edit, nativæ ipsius plantæ bonitati atque excellentiæ, non verò artificis polydædali solertiæ deberi certò sciet. Quinimo ita necessarium est in hominis periti manu organum, jam laudatum Medicamentum, ut sine illo manca sit



ac claudicet Medicina, qui verò eodem instructus fuerit, majora præstabit, quam quis ab uno Remedio facile speraverit: Rudis enim sit oportet, & parum compertam habeat hujus medicamenti vim, qui idem sopori conciliandos demulcendis doloribus, & Diarrhœæ sistendæ applicare tantum novit, cum ad alia plurima, gladii instar *Delphici*, accommodari possit, & præstantissimum sit Remedium Cardiacum, unicum penè dixerim, quod in rerum natura hætenus est repertum.

Hæc Methodo erant tractandæ *Dysenteria* in genere. Observandum est autem, quòd cum primo quæ ingrediebantur anno, indolis magis subtilis, uti dictum, ac spirituosæ essent, quam quæ sequentibus annis infestabant, idcirco non ita promptè Catharticis parebant Medicamentis, atque illis, quæ tam sanguinem diluebant contemperabantque, quam acres istos humores, qui ex eodem in fistulam intestinalem excernebantur. Quamobrem primo autumno, quo *Tormina sicca* & *Dysenteria* invadebant, Methodum sequentem constanter ad utrumque morbum abigendum adhibui, eventu ubique astipulante; donec appetente frigore eandem etiam anno eodem minus efficacem esse sentirem, atque annis sequentibus, cum jam magis à subtilitate recederet morbus, prorsus inutilem.

Ita verò processu, si æger ætate florens febricitaret, cubiti venam tundendam præcepi, atque elapsa hora una aut altera, eundem ingesto affatim liquore diluendum, ut in *Cholera Morbo*, factitaram; non verò, ut illic, juscule à carnibus pullorum, aut Lacte Cerevisiato, ac Lactis ipsius sero, quod eadem qua illic copia frigide propinandum, tepide verò inferius injiciendum curavi, nec Saccharo adjecto, nec alia re quacunque. Tormina, & Dejectiones sanguine permixtas, rejecto jam quarto Enemate semper evanescere animadvertēbam: Hoc labore exantlato, & transmissio sero lactis omni (quod duarum triumve horarum spatium fiet, si diligenter operam navaverit æger) lectulo protinus cum commisi, ubi brevi sponte sua in madorem solvebatur (à sero lactis sanguini immixto,) quem ad horas 24 continuari, minime provocari jubebam; nihil interim concedens præter Lac crudum paulò tepefactum, quo etiam utebatur solo ad dies tres vel quatuor postquam è lecto surrexerat. Si vel ob lectuli, vel lactis usum nimis præmaturè intermissum, recidivam pateretur æger, eadem vestigia denuò repetenda erant. Hæc Methodus, si certa atque expedita fuerit, non ideo à viro quolibet prudente repudiabitur, quòd fastoso Remediorum apparatu non se vendit.

Hujusmodi *Febrem* symptomatis, qualia supra descripsimus, stiparam iis in locis & temporibus reperiri quibus *Dysenteria* Epidemicè regnat, & Methodum hanc quam delineavimus, eidem omnino deberi, testimonio viri probi atque eruditi Doctoris *Butler* amplius confirmabitur, qui Nobilissimum D. D. *Henricum Howard*, à S. Maj. Regia *Britannica* ad *Moroccensem* in *Africa* Legatum comitabatur; quibus in regionibus, ut mihi ipse retulit, observavit *Dysenteriam* per ea tempora, uti semper, Epidemicè grassari, & *Febrem*, quæ cum illa jungebatur, omnino illi similem quam depinximus;



quibus ille medebatur tam in urbe *Tingitanâ* quam aliis in locis, sive *Nostrates* essent ægri, sive *Mauri*, dicta Methodo, felici semper exitu. Quam quidem neuter alteri debemus, sed pari fortuna in eandem dissitissimi incidimus. Profitebatur autem, optimè istic sibi celsisse in illius morbi Curatione Methodum illam, qua liquoris diluvio submerguntur *Dysenterie*. Atque existimo ego, omnino par esse ut in Calidiori isto Climate longè rariùs successu careat hæc Methodus quàm in nostra *Britannia*.

Primo illo Autumno quo vigeat hæc *Constitutio*, *Daniel Coxe* M. D. vir ingenio & eruditione ornatissimus, *Dysenteria* acutissima laborans; me quem consuluit suadente, ope Methodi jam laudatæ, Citò, Tutò, & Jucunde sanatus est; post tertium sc. quartumve Enema, dum lecto assiderem, & Tormina & Dejectiones sanguineæ evanescere; nec qualibet re alia, præter lecti ad dictum spatium patientiam, & Lacteam Diætam, ad sanitatem redintegrandam opus habuit. Eodem planè modo & idem postea alios quam plurimos hoc malo affectos restituit exeunte eo Autumno. Anno autem proximo, illum etiam idem molientem spes fefellit.

Jam olim diximus, quod sæpenumero hic morbus, si diutius excurrat, intestina seriatim omnia deorsum versus afficiat, donec tandem omnis ejus vis in *Rectum* decumbat cum assidua desidendi cupiditate, qua nihil præter Mucosum quiddam & subcruentum excernitur. Hoc si fiat, frustra erit, me judice, qui medicari sataget vel quavis Methodo prædicta, vel Clysteribus Abstergentibus, Glutinantibus atque Astringentibus quæ pro variis ulceris, quod supponitur, temporibus injici solent; vel etiam Foru, Inseffu, Suffumigiis, ac Suppositoriis dictos scopos respicientibus. Liquet enim, hoc ab ulcere *Recti* non procedere, sed ex illo potius: quod *Intestina* quibus gradibus vires resumpserint, ipsæ etiam materiæ morbificæ reliquias in *Rectum* derurbaverint; quod quidem indefinenter proripitum singulis sedibus mucosam illam materiam, qua ex naturæ providentia intestina duplicantur, elidit. Corroboranda est itaque pars affecta, quo possit, aliorum intestinorum exemplo, jam fatiscentes mali reliquias funditus eliminare. Hoc autem ea sola præstabunt, quæ corpori in genere vires adjicere apta nata sunt. *Topicum* enim, qualecunque id demum fuerit, parti dolenti applicatum, cum Alienum quid sit, contactu molesto debilitatem magis adferet, quam robur subministrabit. Tolerandum itaque est ægro, donec Diæta Analeptica & liquore aliquo Cardiaco, qui palato arridet maxumè, pro libitu ingesto, revocari possint vires; quibus redeuntibus, pari passu suaque sponte proripiet se hoc *Tenesmi* symptoma.

Accidit etiam nonnunquam, licet rarò admodum, ut *Dysenteria* sub initio non ritè curata, particulare subjectum ad annos aliquot discruciet, integra sanguinis massa Crasin quasi *Dysentericam* jam indepta, unde acres calidique humores intestinis continuò suppeditantur, ægro interim singula vitæ munia mediocriter bene obeunte. Hujus specimen se mihi obtulit non ita pridem in muliere quadam meis ædibus vicina, quæ per tres annos hujus *Constitutio-*



*nis* postremos hoc malo continenter exercebatur. Cum remedia quàm plurima esset experta antequam ad me accederet, Venæ-sectionem tantum, missis cæteris præsidiiis quibulque, celebrandam censui, quam ut sæpius repeterem, longioribus tamen intervallis, tum sanguinis color, Pleuriticorum sanguinis æmulus, tum insigne illud quod post singulas vices magis ac magis augmentum sentiebat levamen, mihi addebant animos; cujus ope tandem pristinam sanitatem consequuta est.

Antequam finiam, hoc est notandum, quòd tametsi in his annis quibus *Dysenteria* adeò Epidemicè grassarentur, evacuationes priùs memoratæ Prorsus necessariae erant antequam ad usum Laudani deventum fuisset; attamen in *Constitutione* quavis huic morbo minùs faventi, istæ tutò omitti possint, ac curatio compendiosiori viâ, solo nempe usu Laudani, absolvi, eo quem descripsimus modo. Atque hæc de *Dysenteriis* dicta sunt.

#### C A P U T I V.

*Febris Continua partis Anni 1669, atque integrorum  
1670, 71, 72.*

**E**IO ipso tempore, quo sæviebat *Dysenteria*, & *Febris* quædam illi simillima, quæ *Dysentericis* accidere sæpè solebat, unà exorta est quæ quidem non eos tantum, quos jam sauciaverit *Dysenteria*, sed ab illa prorsus immunes, (nisi quod subinde, at rarò, tormina haud quidem atrocia, nunc *cum* Dejectionibus, nunc *sine* illis, paterentur ægri) pariter incessit: Easdem enim ubique *morphos* seu causas manifestas & apparentes habuit, quas *Dysenteria*, eadem etiam per omnia symptomata, quæ *Dysentericorum* Febrem comitabantur. Ita ut, si evacuationes per alvum *Dysenteria* laborantium excipias, & quæ ab istis necessariò pendebant symptomata, dicta *Febris* ejusdem prorsus naturæ cum ipsis *Dysentericis* videretur; & deinceps per hujus *Constitutionis* decursum omnem, parem cum illis subiit symptomatum quorumlibet alterationem, eisdem scilicet differentiis, quoad Augmentum, Statum & Declinationem, affecta, quibus afficiebantur in genere *Dysenteria*. Hæc itaque *Febris Dysenterica* mihi audiebat.

Memorata *Febris* nonnunquam, uti dictum, cum alvi Torminibus, sed mitioribus, ingrediebatur (prioribus annis maximè, quibus invasit,) vel ista ad eam post accedebant, sæpius verò nulla erant. Sudores, qui in Febre *Constitutionis* prægressæ copiosissimi erant, ut suprà notavimus, in hac rari ac parci, sed Capitis dolor in hac quàm in illa specie immanior: Linguae ægrorum, licet humidæ atque albæ, ut in altera specie, crassâ insuper pelliculâ oblinebantur. Rariùs hæc per *Ptyalismum* sibi fugam quærebat, quod in alia non erat infrequens. Ad *Aphthas*, cum jam diceßum meditaretur, erat propensior, quàm vel prior ista, vel alia quævis *Febris* species, quàm mihi hæcenus contigit videre, huic etenim perquam familiare fuit (uti & Febri. etiam illi e



illi, quæ Dysenteriis supervenit] cum jam ferè desineret, materiam fœdam atque acrem è sanguine in os atque gulam deponere, unde nascebatur dictum symptoma, in iis præsertim, quos contumacior morbus diutius maceraverat, & regimen justo calidius amplius infirmârat.

Eodem etiam morbo generabantur *Aphthæ* istæ, quæ *Dysenteriis* pervicacioribus cum Febre conjunctis nullo non die accidebant; præsertim si præter regimen calidius evacuationes etiam per alvum medicamentis astringentibus prius fuerint coërcitæ, quàm morbi fomes è venis Phlebotomiâ & Cathar-  
si exigeretur.

Hæc erant certissima hujusce Febris *æthereæ*; reliqua symptomata varia-  
bant quotannis, & pro manifestis æris qualitatibus certis quibusdam tempo-  
ribus, & pro Dysenteriae in genere progressu, tum etiam vario ejusdem statu,  
Sed ut hæc clariùs intelligantur, cum hoc præsertim artificio in *Epidemico-  
rum* productione triumphet natura, rem paulò aliùs repetam. Notandum est  
itaque, quòd, licet æris *qualitates manifestæ* non eam vim cuilibet *Con-  
stitutioni* imprimant, ut causæ sint Epidemicorum, qui ad illam propriè  
referuntur Productivæ, [ cum à recondita arque inexplicabili ejusdem con-  
ditione fluant isti, ] pro tempore tamen in eos habent potestatem, & proinde  
intromittuntur *Epidemici*, aut etiam excluduntur, prout illis favent qua-  
litates manifestæ, vel adversantur; *Universalis* autem *Constitutio* eadem  
prorsus manet, sive eam promoverint istæ, sive quadantenus retardarint.  
Unde etiam est, quòd, cum varii *Epidemici* in eandem incidant *Constitutionem*,  
hic aut ille morbus particularis eâ potissimùm tempestate se exerat, ad quam  
sensibiles æris qualitates eundem destinaverint, atque alteri demum *Epi-  
demico* locum cedat, quem sc. diversæ subsequenter temporis qualitates ad-  
vocarint. Ex quo fit, ut Febris *Stationaria*, quæcunque demum illa sit,  
quæ ad *Epidemicum* eo anno regnantem attinet, *Iulio* mense potissimùm  
sæviat, cujus initio plures hominum catervas simul aggreditur; *Autumno*  
verò appropinquante, magno illi Epidemico, à quo annus insignitur, rursus  
invalescenti decedit, & parcius infestat, ut quilibet semper annus satis docet.  
Excalescentia enim à prægressa æstate hominum corpora Febres, *Constitutio-  
ni Generali* propriæ quæ sunt, promptissimè eo tempore invadunt; appe-  
tente verò *Autumno*, quo qui prædominatur *Epidemicus*, fasces resumit,  
istis omninò recedendum est,

Sicuti verò nominatæ *Febres* sensibili æris Qualitati acceptum referre de-  
bent, quòd jam hoc mense exoriantur; ita etiam symptomata varia, à sua na-  
tura, quatenus ab ejusmodi *Constitutione Generali* pendent, prorsus aliena,  
à manifestarum qualitatum, quæ in illum incidunt *mensem*, peculio su-  
munt mutuo. Hinc est, quòd quibus annis dictæ Febres hoc mense turba-  
tim ingrediuntur, variis symptomatis novis stipantur, præter illa, quæ eis  
sunt propria, quatenus ab ejusmodi *Constitutione Generali* procreantur, ex-  
dem tamen ipsæ maneant, licet apud vulgus ob *φαινομένων* diversitatem  
*Novæ* quorannis *Febres* audiant. Ad paucas verò tantum septimanas perseverant



symptomata hæc magis peculiaria, quibus elapsis propria solummodo symptomata, quæ eis accidunt, quatenus Febres sunt *Stationaria* talis *Constitutionis*, reperiuntur per reliquum annum.

Hoc tum in aliis liquebat Febribus, tum magis peculiariter in *Dysentericis* mensis *Julii* 71. & 72. in quatum *priore* vehementer agitudo, & Bilis æruginosa, cum magna in Diarrhæam propensitate sub morbi finem, continuè observabantur. In *posteriore*, doloris sensus in partibus corporis musculosis, Artibus maximè, ad Rheumaticorum ferè dolores accedens: Faucium insuper inflammatio, mitior tamen quàm in Angina laborantibus. Utraque tamen hæc in eadem *Febre specifica* coibant; & eadem planè medendi ratione utraque profligabantur, differebant autem respectu tantùm qualitatum sensibilium, quibus donabantur tempora illa, in quæ incidebant. Improvisa verò subitaneaque harum Februm circa dicti mensis initium eruptio, & noua ad tempus aliquod peculiarium symptomatum facies ( licet neque specie distarent, neque methodo medendi, quam postulabant, à Febre illa, quæ integrum percurrerat annum: ) Hæc, inquam, plus satis evincunt, quàm sit difficile certam Febris speciem omni tempore è Phænomenis elicere; licet eam satis rectè possit dignoscere, qui ad alios morbos eodem anno ingruentes diligenter attenderit, & propria insuper Febris symptomata, quæ ad hunc vel illum *Evacuationis* modum spectant, ritè observaverit. Nec parum facit ad investigandam Febris speciem consideratio, siue Methodi, siue Medicamenti, à quibus eadem minimo cum negotio expugnatur.

Quod ad reliquas symptomatum, Febres *Stationarias* comitantium, differentias spectat, *varia* Constitutionis tempora ex tantùm respiciunt, atque eo nomine vel sunt intensiora, vel remissiora, illa prout intenduntur, vel etiam remittuntur, symptomata aliorum Epidemicorum, ad quos ipsa perrinent.

Sed ut ad rem revertamur. *Febris* hæc, quæ cum *Dysenteria*, ut supra dictum, est ingressa, parem cum iis passum tenuit, nisi quòd se paululum subduceret, dum alii horum annorum Epidemici prævalerent; persistebat tamen illa, nunc plures, nunc pauciores petens, durante hac *Constitutione*.

\* Pro huiusce *Febris Curatione*; cum observassẽm, uti prius dictum, Phænomena *Febris Dysentericorum* quamplurimum eadem planè esse cum illis, quæ huius anni *solitarias* comitabantur, consentaneum mihi videbatur sanatos iri ægros meos, si evacuationem illam quadantenus imitarer, quâ natura materiam illam corrosivam atque acrem, quæ & ipsius *Dysenteria*, & supervenientis Febris causa *Continens* est, solet ablegare. Ac proinde eadem ipsâ Methodo, tum quoad Venæ-sectionem, tum repetitas Purgationes, Febrem hac aggressus sum; quam in *Dysenteria* curatione supra fusiùs deduximus; Nisi quod *Paregorica* Purgationibus interjecta non tantùm non hîc juvare, sed & obesse deprehenderim, [ secus atque in *Dysenteria* ] cum ab his detineretur materia illa, quæ Catharsi eliminari debuerat. Puliculâ Avenaceâ, Hordeaceâ, Panatellâ, & similibus sub primis morbi diebus victabat æger; potus erat

\* *Curatio.*

Core



Cerevisia tenuis parum repecta: Post celebratam verò semel iterumve Catharsin nulla suadebat necessitas pullorum carnibus, aut similibus Eueptis ægro interdiceret; cum hæc per Purgationem Medicatio ea indulgeat, quæ non poterant concedi, si alii viæ insisteretur. Tertia ut plurimum Purgatio, interposito semper die, morbum absolvit; neque tamen perpetuum id fuit, sed aliæ insuper nonnunquam instituendæ erant. Si Febre jam pulsâ, fractiores adhuc essent ac magis effœtæ ægri vires, atque is tardius convalesceret (quod *Hystericis* frequentissimè accidebat, ] *Laudano* in parva dosi exhibito easdem restaurare, & spiritus transfugos ac dissipatos in desertas stationes revocare conabar; rarò autem remedium illud repetebam, neque unquam præscripsi, nisi biduo triduove à Postrema Catharsi. Nihil verò æquè ad renovandas vires refocillandosque spiritus faciebat, atque auræ liberior usus mox ut Febris recesserit.

Ansam autem ad praxin hanc instituendam hinc primùm arripui, quod nempe, nascente fermè *Constitutione* hac, dum irrequieto sollicitoque animò novæ hujus Febris naturam volutarem, ad juvenculam mihi vicinam advocabar, Febricitantem quidem illam atque acerbissimo sincipitis dolore ferè enectam, aliisque symptomatis, quibus *Febrem Dysentericam* onerari jam diximus: Hæc cum à me interrogaretur, & de modo, qua Febri primùm invadebat, & de ejusdem duratione, falsa est se à *Dysenteria*, quæ tum ubique ferè grassabatur, à quatuordecim retrò diebus fuisse liberatam; cui sive suâ sponte discedenti, sive medicamenti ope depulsæ protinùs successit dicta Febris cum dolore capitis; Quibus ego me rectissimè occurrere posse conjectabam, si *Dysenteria* loco aliam evacuationem substituerem, ejus simillimam, quâ præclusâ Febris oborta est; ac proinde methodo suprâ laudatâ eandem restitui; Atque huic quidem se promptissimè debebant hujus *Constitutionis* Febres. Semper enim rebar non sufficere ad comprobandam in *Acutis* Medendirationem, ut feliciter ea cederet, (cùm ab imperitissimarum muliercularum temeritate sanentur nonnulli,) sed requiri adhuc, ut morbus nullo negotio victus quasi inopre genio cedat, atque abitum affectet, quantum ejus fert natura. Sed hæc obiter.

Ineunte *Junio* 1672. Vir Nobilissimus, ac Prudentissimus Dominus Comes *Salisburyensis* hac Febre laborans cum torminibus (alvo tamen non solutâ, accersiri me jussit, & Methodo propositâ sanitati redditus est. Neque alia mihi nulla fuit opus, dum hæc stare Febris.

In adolescentibus, aliquando & in paulo provectioribus, Febris hæc caput nunquam petebat, unde delirabant, non quidem ut in aliis Febribus Phreneticorum more, sed quasi stupore, ad *Carum* proximè accedente, parulsi. Hoc illis præ cæteris accidebat, qui sub morbi principio in sudoribus quoquo modo exorquendis operam inauspicato collocarent. Non id mihi contingebat Feliciter, ut his sublevandis par tunc temporis essem, licet nullum non moverem lapidem, nullumque non è remediis hætenus notis in suppetitas advocarem. Atque hæc de Febre hujus *Constitutionis* possint sufficere.



## CAPUT V.

Morbilli Anni 1670.

**S**ub initio *Januarii* 1670. (ita ut solent præmaturè *Morbilli* sunt ingressi, atque indies magis invalescebant, donec instante *Verno Aequinoctio* adepti, exinde iisdem gradibus imminuti tandem *Iulio* sequenti penitus exstinguerentur. Horum jam ego Historiam [cùm omnium, quos hæcenus vidi, in suo genere perfectissimi illi mihi videantur,] certam atque exquisitam, quatenus mihi tum observare licuit, literis consignabo.

Ortum habet hic morbus, atque Occasum temporibus supranotatis. *Infantes* plerumque aggreditur, omnesque adeò ex illis, iisdem mœniis conclusos. A rigore atque horrore, calorisque & frigoris, quæ se mutuo *primo* die expellunt, inæqualitate tragœdiam orditur; tandem affulgente *secundo* die in Febrem consummatam desinit, vehementi ægritudine, siti, inappetentia, lingua albâ, [non verò siccâ] tussiculâ capitis atque oculorum gravedine, & somnolentiâ perpetuâ stipatam. Plerumque etiam è naribus atque oculis stillat humor; atque hujusmodi lacrymarum in oculos effusio certissimum est signum morbillorum ingruentium. Cui & hoc addendum haud minùs certum, quod etsi in facie, exanthematum specie, hic affectus ut plurimum se prodit, in pectore tamen non tam exanthemata quàm maculæ latæ & rubræ superficiem cutis non superantes, conspiciuntur, sternutat æger tanquam à suscepto frigore, intumescunt palpebræ [paulò sc. ante eruptionem,] vomit, sæpius tamen laborat *Diarrhœa* cum Dejectionibus coloris subviridis, Dentientibus autem maximè id convenit. Infantes etiam per hunc morbum solito sunt morosiores. Ingravescunt ut plurimum symptomata ad *quartum* usque diem, quo tempore plerumque (licèt ad diem *quintum*, aliquando differantur) circa frontem & reliquam faciem maculæ parvæ rubræ, pulicum morsibus persimiles, prodire incipiunt, quæ tam numero quàm magnitudine auctæ, racematim coalescunt, & faciem maculis rubris majusculis variæ figuræ, interstinguunt. Quæ quidem maculæ rubræ è parvulis quibusdam papulis rubris haud longè ab invicem distitis, supra cutis superficiem paululum elevatis, conflantur, quarum protuberantia, digito leviter admoto, tactu potest deprehendi, licet oculorum longiùs remotorum aciem ferè effugiat. A facie, quam primò solam occupant, sensim ad pectus ventremque, crura deindè ac tibias se diffundunt hæ maculæ, licèt truncum atque artus rubore inficiant tantum, nulla eminentia sensibili cutis æquabilitatem transgressæ. Eruptione *Morbilorum* non perinde deliniuntur symptomata, atque *Variolarum*; Vomitus tamen post eruptionem nunquam observavi; Tussicula nihilominus, Febrisque intenduntur, cum spirandi difficultate, oculorum debilitate defluxioneque in eosdem decumbente, somnolentiâ perpetuâ, atque inappetentiâ, uti priùs adhuc perseverantibus. Die *jexto*, aut circiter, frons & facies asperescunt,



facies asperescunt, emonientibus pustulis, ruptâque cuticulâ, & per id temporis maculæ per reliquum corpus & latissimæ sunt, & maxime rubescunt. *Octavo* circiter die maculæ in facie evanescent, & vix in reliquo corpore cernuntur; *nono* verò nullæ sunt prorsus, facie atque artubus, quandoque & toto corpore quasi farinâ conspersis, particulis scilicet disruptæ cuticulæ paulum elevatis & vix cohærentibus, quæ morbo jam abituriente in frustra distrahitur, & postea à toto corpore squamularum formâ decedit. Evanescent itaque *Morbilli* die ferè *octavo*, quo tempore vulgus (à spacio quo perdurare solent *Variolæ*, deceptum) eisdem introverti affirmat, licet reverà illi cursum à natura destinarum absolverint, & symptomata quæ iisdem recedentibus superveniunt ex eo nata autumat, quod justo citius se intro *Morbilli* receperint. Observare enim est, Febrem atque spirandi difficultatem tunc temporis augeri, importuniùs urgere Tussiculam, ita ut nec interdiu, nec etiam noctu ferè somnus possit obrepere. Infantes præsertim subregimine calidiori, aut, qui calidioribus usi sunt medicamentis ad promovendam Morbillorum eruptionem, huic malo sunt obnoxii, quod Morbillis jam facessentibus se ostendit, unde in *Peripneumoniam* conjiciuntur, quæ plures jugulat, quàm aut *Variolæ* ipsæ, aut symptomata quodcunque ad eum spectans morbum; licet omni prorsus periculo vacent *Morbilli*, si modò perite tractentur. His etiam non rarò accidit *Diarrhæa*, quæ vel morbum statim excipit, vel etiam ad plures septimanas excurrit post morbi, omniumque ejus symptomatum fugam; haud sine magno ægri discrimine, in quo abhinc ortâ spirituum profusione continuâ, versatur. Aliquando etiam post regimen intensè calidum Exanthemata livescunt primò, mox nigrescunt; id verò *Adultis* tantùm contingit, de quibus conclamatum est, ubi primùm nigredo ista conspicitur, nisi Phlebotomia & temperationis regiminis refrigerio iis acturum subveniat.

\* *Morbillis* ut naturâ, ita & medendi, quàm sibi poscit hic morbus, ratione, cum *Variolis* satis convenit: Medicamenta, & regimen calidiora periculi plenissima sunt, utut frequenter in usum revocentur ab ignaris ægrorum Curatricibus, eo animo ut morbus à corde procul submoveatur. Feliciter præ aliis mihi cessit methodus illa, quâ æger ad dies binos solum ternosve ab eruptione lecto adstringebatur, quo sanguis leniter pro morbi genio particulas inflammatas faciliè separabiles, à quibus offendebatur, per cutis spiracula diffilaret, nec Iodicibus, nec igne, præter modum, quem sanus tenebat, adjectis: A carnibus quibuscunque arcebam, juscula avenacea hordeacea, & similia, nonnunquam & pomum coctum concedebam; Potus vel erat Cerevisia tenuis vel Lac cum Aquæ triplo coctum. Tussim, quæ huic morbo ferè assidua est, decocto aliquo Pectorali subinde hausto delinitam volui; uti etiam eclegmate aliquo eundem scopum attingente. At præ reliquis *Diacodium* omni nocte ab ipso morbi insultu per totum ejus decursum exhibendum curavi. Ex gr. ℞. Decoct. pectoral. ℥ss. syr. violac. & capill. Veneris an. ʒij. mis. f. Apozema. Cap. ʒiij. vel iiij. ter vel quater in die. ʒ. ol. amygdal. dulc. ʒij. syr. violac. & capill. Ven. an. ʒj. sacchari cand. albi q. s. mis. f. eclegma, de quo sæpius



*lambat, præcipuè quando tussis urget. ℥. aq. cerasor. nigr. ℥iij. syr. de me-  
conio ℥i. mis. f. haustus, sumendus sing. noctibus.* Si verò infans fuerat æger,  
minuenda erat tam Pectoralium quàm Narcotici dosis, pro ratione sc. ætatis.

Rarissimè perit qui hoc utitur regime; nec præter necessaria atque inevi-  
tabilia morbi symptomata, novis insuper malis atteritur: Tussis præ reli-  
quis fatigat; à qua tamen nihil est periculi, nisi morbo jam prætergresso,  
cumque adhuc per septimanam unam aut alteram persistat, auræ liberioris  
usu, ac remediis Pectori dicatis, haud difficulter fugatur; quinimo sponte  
sua & paulatim decrescit & tandem fatiscit.

Si autem æger à Cardiacorum, vel Regiminis justo Calidiorum usu,  
post eorum diceissum [ quod valde est familiare ] Febre vehementi atque *Dysp-  
næa* aliisque Accidentibus, qualia *Peripneumonicos* solent affligere, in viæ  
discrimen adducatur, felicissimo semper eventu vel tenerrimorum infantum ve-  
nas in brachio secui, eductâ ea sanguinis quantitate quam ætas viretque indica-  
rent. Quandoque etiam, urgente morbo, Phlebotomiam iterare haud sum-  
veritus. Profectò haud paucos Infantes hoc statim symptomate cecandos,  
benedicente summo Numine, misso sanguine eripui. Infantibus autem ac-  
cidit illud post *Morbillosum* recessum, quibus ita est exitiale, ut inter præcipu-  
os *Parcarum* ministros jure habeatur, plures jugulans quàm vel ipsæ Variolæ;  
nec dum mihi visus est qui certa alia methodo, eidem potuit occurrere. Quin-  
& *Diarrhæa*, quam *Morbillos* excipere diximus, Venæ-sectione pariter  
sanatur; cum enim halitibus inflammati sanguinis in intestina ruentibus  
ortum suum debeat (quod etiam in *Pleuritide*, *Peripneumoniâ*, aliisque qui ab  
*inflammatione* creantur, morbis usu venit) à quibus illa ad excretionem sti-  
mulantur, sola Venæ-sectio levamen adferet; à qua tum revelluntur acres isti  
humores, tum etiam sanguis ad debitam redigitur temperièm.

Neque est cur quis miretur me in teneris infantibus Venæ-sectionem instituend-  
dam suadere, cum sanguis, quantum ego hætenus potuerim observare, haud  
minus tutò ex eorum venis quàm ex adultorum extrahatur. Et profectò ita est  
illa necessaria, ut nec symptomati memorato, nec aliis quibusdam quæ infanti-  
bus accidere solent, omiſsa phlebotomia certo mederi valeamus. Exempli gratia,  
quo pacto Puerorum *Dentientium Convulsionibus*, quæ nono decimoque men-  
se superveniunt, (cum Gingivarum intumescencia doloreque, à quibus com-  
primuntur nervi atque irritantur, unde etiam Paroxyismi isti nascuntur) sine  
Venæ-sectione opem feremus; Quæ sola in dicto affectu *specificis* quibuscun-  
que vel decantatissimis, quæ hætenus innotuere, longè est anteferenda; quo-  
rum nonnulla adventitio calore nocent etiam, & dum occulta aliqua proprie-  
tate morbo adversari creduntur, manifesto calore eidem militant, atque ægrum  
ac plures deducunt. Prætereo impræsentiarum ingens illud solarium quod ad-  
fert Venæ-sectio Infantum *Pertussi*, (quam Noltrates vocant *Hooping Cough*)  
in qua Remedia quælibet Pectori dicata post se linquit intervallo.

Quo de horum symptomatum *Morbillis* decedentibus supervenientium,  
curatione jam diximus, nonnunquam etiam eisdem florentibus potest com-  
petere



petere, si nimirum artificiali, si fas est dicere, atque adscititio calori ea debeantur. Hoc anno 1670<sup>o</sup> famulam Dominae Anna Barington hoc morbo laborantem, unâ cum Febre, Dyspnœa, Maculisque purpureis corpus omne deturpantibus, aliisque symptomotis quam plurimis periculosissimis, Medicus invisebam; cum regimini, & Medicamentis, quæ satis multa usurpaverat, calidioribus ista omnia tribuerem, sanguinem à brachio extrahendum curavi, & Pisanam Pectoralem atque Refrigerantem sæpe assumendam præscripsi, quorum ope, & regiminis simul temperationis, & maculæ, atque alia omnia symptomata pedetentim evanescebant.

Hicce Morbus, mense *Januario*, ut dictum est, natus, ad *Æquinoctium* usque *Vernum* crescebat indies; à quo tempore imminuta paulatim vi, sequenti *Julio* planè desiit; nec est reversus per omnes annos quibus hæc *Constitutio* dominabatur, nisi quòd insequenti Vere, nonnullibi, licet rariùs, se ostenderet, de *Morbillis* hæc dicta sunt.

## C A P U T V I.

*Variola Anomala Annorum 1670, 71, 72.*

**M**orbilli prædicti, (quod jam supra innuimus,) *Variolarum* speciem ab illa quam propagaverat *Constitutio* præcedens, diversam introducebant, eodem ferè cum illis tempore ingredientem, initio scil. *Januarii* 1669. 1670. quæ licet non usque adeo Epidemica atque ipsi Morbilli eodem tamén comitabatur per omne illud tempus quo dominabantur, atque iis etiam fatiscientibus, per reciduos hujus *Constitutionis* annos perseverabat, *Dysenteriiis* nihilominus primas concedebat, sub auspiciis *Autumni* iisdem faventis atque amicissimi, grassantibus; *Hyeme* verò, *Dysenteriiis* aliena tempestate pressis, denuo recrudescebat hæc de qua agimus species. Atque hunc servabant ordinem per singulos hujus *Constitutionis* annos, nisi quòd postremo quo illa vigeat *Autumno*, Anno sc. 72. (languescente jam ista *Constitutione*, & *Dysenterias* jam exollescentes segnius promovente) *Variola* præter solitum hoc quoque tempore grassabantur, atque ita pares *Dysenteriiis* concurrebant, ut haud facile esset dictu, quis morbus plures occuparet; licet quantum ego conjectando valui, prævalere *Dysenteria* adhuc videretur. Quin & hæc etiam *Variola*, ad exemplum Epidemicorum aliorum quorumlibet, primo statim insultu atrociores erant, atque indies increbrescebant donec ad statum pervenissent, quem semel transgressæ, tum quoad symptomatum vehementiam, tum ægrorum numerum, sensim imminuebantur.

Sed ut particularia earum Phænomena referamus; haud parum præter opinionem mihi primum comparebat hoc *Variolarum* genus, cum animadvertirem istud quam-plurimis Phænomenis insignioribus ab eo differre quod produxerat *Constitutio* præcedens, & in quibus observandis me operam satis



sedulam olim collocasse rebar, Hæc tantum earum Phænomena ab alterius generis Phænomenis dissidentia, impræsentiarum tractabo; prætermisissis iis quæ cum Variolis ita prolixè supra descriptis habebant communia.

*Discretum* Variolarum genus his tantum à genere *Discreto communi* alterius *Constitutionis*, determinabatur: Primò, quòd cum in iis, quoties erant *interstinctæ*, Eruptio diem *quartum* prævertere non soleret, hîc in *tertium* plerumque incidebat; quod *Confluentibus* solenne quidem est. Deinde non ad eam magnitudinem, procedente morbo, hîc assurgebant pustulæ atque in alio genere; magis autem exasperabantur in minori mole, & sub diebus ultimis ubi jam maturuerant *nigræ* frequentius visibantur. Illud etiam addam, quod nonnunquam, licet rarius, ægri etiam paucissimis notatum pustulis, *Ptyalismus*: haud secus atque in *Confluentibus*, exerceret. Ex quibus conficitur, *Distinctas* hujus *Constitutionis* Variolas, ad *Confluentium* naturam propius accedere, atque *Inflammationis* magis intensæ esse participes, quàm quæ in *Distincto* Genere usu venire solet.

*Confluentes* verò ab aliis, quas per alios annos ego observaveram, *Confluentibus*, in multis, quæ jam recensabo, discrepabant. Nunc *secundò* nunc *tertio* die se primùm monstrabant, specie tumoris subrubri, atque uniformis, vultum omnem contegentis, *Erysipelate* quidem densioris, nullo ferè visibili pustularum discrimine; reliquum corpus congeries quædam [ceu panni laiores,] ex infinitis propemodum pustulis rubris efferatis in unam conflantem variegabant, inter quas sparsæ, in femoribus præcipuè, vesiculæ quædam satis conspicuæ, ambustorum ad instar, sero limpidiore distentæ eminebant; quod quidem disrupta subinde pellicula copiosè effluebat, subjecta carne nigredine & Sphacelo quasi affecta. Rarius autem occurrebat hoc tam dirum symptoma, idque primo tantum mense quo hæc species regnabat: Quo tempore inter alios ita malè multatos, ineunte *Januario* 1669. 1670. accersiri me curavit vir probus, nomine *Collins*, Zythepta in Parochia S. *Egidii*, cujus filius adhuc infans vesiculas habuit in femoribus Juglandem nucem exæquantem, sero limpidiore repletas; quibus disruptis substrata caro quasi mortificata omnino comparebat, atque non ita diu post æger fatis concessit; quæ & eorum omnium fors fuit, quos hoc tam funesto symptomate correptos vidi unquam. Die *undecimo* circiter, pellicula alba resplendens tumori subrubro, variis faciei partibus, & paulatim vultui omni obducta est. Pellicula hæc alba brevi post materiam quandam crustosam splendens eructabat, colore quidem neque flavo, neque fusco, (qui duo in aliis Variolarum speciebus reperiuntur,) sed rubro saturato, concretum sanguinem imitante, qui maturecente pustula ad nigrorem indies magis accedebat, donec tandem facies integra nigredine, fulliginis omnino æmula, tingeretur: Cumque in alia Variolarum *Confluentium* specie dies *undecimus* in maximum vitæ discrimen ægros adduceret, & plerisque emorientium supremus esset; in hac specie æger nisi regimine immoderatè calido oppressus mortis refrigerium maturius præoccupasset: *decimum quartum* ut plurimum diem, aliquando etiam *decimum septimum* expecta-



expectabat, quo demum elapso salva res erat. Notandum est tamen, quod qui lethaliſſimis iſtis veſiculis ac mortificatione, quæ nonnullis primo menſe quo hæc ſpecies invadebat accidiffe memoravimus, Libitinæ deſtinabantur, intra paucos dies ab eruptione interibant.

Et Febris, & ſymptomata alia omnia quæ vel præcedebant, vel comitabantur hoc Variolarum genus, graviora erant quàm in præcedente, & Inflammationis adhuc majoris manifeſta dabant indicia. Ægri ad Salivationem erant procliviores; Puſtulæ & efferatiores, & mole longe minores; ita ut non facilè, ubi primum apparebant, ab *Eryſipelate* quis eas diſcreverit, vel etiam à *Morbillis*; niſi quod hi ex die Eruptionis, & aliis ſignis in historia morbillorum ſupra reſenſis, certò innotescant. Puſtulis decidentibus furfures diutius hærebant, fœdioraque ſtigmata inurebant cuti.

Operæpretium eſt & illud adjungere, quòd durante hac anni *Conſtitutione*, quâ tam Epidemicè æviebant Dyſenterici, *Variola* regimine juſto calidiorè provocatæ per Dyſenteriam nonnunquam viam ſibi facerent, quod ne ſemel accidiffe hætenus quidem animadverteram.

Obſervare autem convenit, *Variolas* hæſce non ita diris ſymptomatis per omnia ſua tempora fuiſſe ſtipatas; poſtquam enim binos exegerant annos, tertio, ſc. 1672, mitelcere cœperunt, & exuto nigre colore, paulatim ad flavum illum, & *favorum* ſimilem, accedebant, qui *Variolis Legitimis* maturiſcentibus eſt propius, ita ut poſtremo hujus *Conſtitutionis* anno, benignæ plane eſſent & boni moris, habita generis ratione. Quo non obſtante, ſatis liquebat illas ad aliam prorsus Claſſem relegandas eſſe, ex puſtularum nimirum exiguitate tam eximia, ad ſalivationem diſpoſitione, atque aliis.

Quamlibet ob cauſarum Differentiæ cujuſlibet ſpecificæ qua immergiſſimur, ignorantiam, impoſſibile fuerit *rationem* harum Variolarum *formalem* comprehendere, quatenus ab illis, quas alia promit *Conſtitutio*, contradiſtinguuntur, mihi tamen liquido conſtabat ex ſingulis Phænomenis *inflammationem* in his quàm in illis longè immaniorẽ fuiſſe, ac proinde omnem medendi rationem in eo ſtare, ut pluribus adhuc repagulis liſteretur eſſrænata ſanguinis Ebullitio. Id autem maximè efficiebatur (poſt *Hypnotica* dicto modo exhibita] regimine temperato, indulgendo ſc. ægro uſum liberaliorem liquoris alicujus qui non eum excalefaceret, ſed potiùs fervidiſſimum iſtum æſtum (quo hic morbus, puſtulis maximè ad maturitatem jam pervenientibus, miſeros præ cæteris quibuſque morbis fatigat atque exurit) illico commitigaret. *Decoctum Album* dictum, ex pane ſc. & C. C. C. exigua quantitate in multa aqua factum, & Saccharo dulcoratum hic juvabat; at Hydrogala è tribus Aquæ partibus & Lactis una ſimul coctis, & ægri palato & votis magis ut plurimum; refrigerando reſpondit; nec eo tantum profecit ingeſti liquoris copia, quo inſignem calorem, cum *Maturationis* Febre præcipuè vigentem, reſtingueret, ſed quatenus Ptyaliſmum etiam promoveret, atque eundem diutius protraheret, quam poterat fieri ſi æger nimio æſtuaret calore; Præter hæc omnia, sæpenumero ita bene ceſſiſſe liquores hoſce affatim hauſtos



observavi, ut eorum usu *Variolæ*, quæ cum pessimis *Confluentia* signis exhibant, progrediente morbo *Distinctæ* sint factæ; pustulæ quæ maturescen-tes rubram primò, mox nigram materiam aliter evomissent, flavissimæ com- parerent; pro efferatis insuper atque minutulis, *benigne* atque optimi mo- ris haberentur.

Neque etiam *Fluxus Mensium*, qui fœminis hoc morbo laborantibus haud infrequens accidit, liberalem horum liquorum usum quicquam prohibet; imo vero & suadet, si nempe tempore non soluto isti fluant. Etenim non jam alia de causa periclitatur fœminæ, nisi quod sanguis ab immodico morbi calore plus justo attenuatus, qua data porta ruat, naturæ ductus sequens; præsertim ubi noxia *Curatricum* temeritas, regimine calidiori, & *Decocto C. C. cum floribus Calendulæ, &c.* adhibitis, oleum igni affuderit, Quicquid autem sanguinem potenter diluit contemperatque, licet non immediatè, in quantum tamen ejusdem fluxum cohibet, tum pustulis, tum faciei manuum- que tumori in statu conservandis necessariò conferet: cum ex adverso Remedia calidiora, licet ad hunc scopum rectius videantur collimare, cum tamen ju- gem hunc sanguinis fluxum promoveant, longissimè aberrant. Quinimo nec dubium mihi est quamplurimas mulieres hoc errore periisse, dum sc. Assisten- tes, ne pustulæ ob sanguinis fluxum considerent, veriti, malo huic Cardia- cis medicamentis, & regimine adhuc calidiori adhibitis occurrere niterentur, quo facto misellas certiùs pessunderunt; quantumlibet *adstringentia* varia Cardiacis admiscentes, Hæmorrhagiam sistere, atque pustularum unà tumo- risque debitam elevationem tueri lategerint.

Haud ita pridem *Dominam* tam virtutibus quàm stirpe prænobilem, *Va- riolis* nigris & mali moris laborantem, tractavi. Quamvis autem ab initio iis omnibus illi interdixeram, à quibus sanguis exagitari poterat, cum tamen temperamento esset admodum sanguineo, viridi juventâ vegetâque, fervida etiam anni tempestas accederet, derepente, tertio scilicet die ab eruptione, ita largo *Mensium profluvio*, tempore illis non debito, correpta est, ut astantes mulieres eam jam abortivisse suspicarentur. Licet hoc symptoma ad dies multos importunè urgeret, non tamen idcirco existimavi Lactis & Aquæ usum à me præscriptorum, intermitteri deberi: quid quod magis jam necessari- um illum esse, & liberalius adhuc indulgendum censuerim? quod etiam per omnem morbi decursum factitavimus, præsertim cum appeteret *Febris Ma- turatio*. Quo quidem tempore Medicus Doctissimus, Candidissimusque, Dominus *Do. Millington*, ejusdem mecum olim *Collegii Socius*, jam ami- cissimus, ad sociam operam invitabatur; qui cum omnia satis bene respondere, pro hujus morbi genio animadverteret, mihi lubens assensit, ut pergeret ægra dictos liquores affatim haurire, quos ipsa sibi gratissimos, & tam ad salivam facere, quàm ad refrigerium & refectiorem sæpè affirmabat. Cùm verò jam indurati facies cœperit, & crustâ obduci, ab halitibus putridis à materia pu- rulenta, quæ in hoc pessimo *Variolarum* genere malè olebat, intromittendis ægræ nostræ metuentes, vini Canarini semicocti cochlearia paucula, semel in die assu-



assumenda, vel quoties in ventriculo ægritudinem aliquam persentisceret, concessimus. Pauculis hisce, nisi quod haustulum etiam *Paregoricum* horâ somni quotidie imperavimus, convaluit; neque delirio, neque alio quovis symptomate, præter dictam Hæmorrhagiam, grave aliquod periculum minitante. Facies manusque satis intumescabant; pustulæ, quantum tulit morbi species, satis magnæ erant; Salivatio copiosa & facilis ad metas usque; postremo quantumlibet pustulæ, quæ faciem obsidebant, cum maturescerent nigredinem affectare viderentur, in plerisque tamen ejus partibus flavescebant.

Quibuscunque verò caloris atque inflammationis gradibus *Variolarum* species, huic *Constitutioni* peculiaris, alias aliarum *Constitutionum* species superaverit, cum tamen *Discreta* essent Pustulæ, vel saltem paucae, docuit experientia, non opus esse tantâ prædictorum liquorum quantitate ingerenda; satis autem fuit, ut æger pro sitis modo atque imperio cerevisiam tenuem potaret, jusculis Avenaceis, Panatellâ, & pino cocto subinde, vesceretur, & si ex Ephebis excesserat, *Paregoricum* ex Syrupo de meconio, cum vel ægrotaret, vel ob nimias vigilias delirare inciperet, assumeret. Neque aliud quicquam tentabam (nisi quòd ægros lecto addicerem) ubi pustulæ raræ comparebant. Arque hæc solâ Methodo Charissimus mihi filius, *William Sydenham* distincto hujuscemodi Variolarum genere laborans mense Decembri 1670, favente Numine, restitutus est.

De Variolis hujus *Constitutionis* nihil superaddam, cum jam aliam speciem fusiùs tractaverim, à quibus hæc in eo tantum discrepant, quod naturæ scilicet calidioris fuerint, & magis inflammatoriæ; unde sequitur, diligentiorē adhuc operam fuisse navandam, ut restingeretur intensior iste calor, qui tam iis naturalis erat, & ægro ita certum minitabatur incendium.

## C A P U T. VII.

### *Colica Biliosa* An. 1670, 71, 72.

**P**ER omnes hujus *Constitutionis* annos, cum sanguis ad humores cholericos fervidusque in viscera deponendos propensior esset, *Colica Biliosa* præter solitum plures invasit; qui morbus licet *Chronicis* annumerari debeat, ac proinde extra oleas mihi sit, cum tamen ab eadem sanguinis indispotione penderet hoc tempore, à qua & *Epidemici* plerique qui tum grassabantur, vel eo nomine hic mihi veniet tractandus, præcipue verò quia animadverti, morbum huncce eadem planè præcessisse symptomata Febrilia, quæ *Dysenteriam* per illa tempora regnantem præcedere solebant; atque eundem etiam aliquando (quod supra notavi) *Dysenteriam*, quæ post diuturnos cruciatus ægrotandæ valedixisse videretur, fuisse insecutum. Ubi verò *Dysenteriam* diutinam non excipiebat, plerumque à Febre ordiebatur, quæ per horas aliquot tantum affligens, in hunc morbum solebat desinere. Juvenes ut plurimum temperamento calido ac bilioso præditos, ætate præsertim adoritur. Intesti-



horum dolor atrocissimus est, & præ cæteris omnibus, quibuscum mortalium calamitosissimi committuntur, maximè intolerabilis. Intestina nonnunquam quasi in jectâ fasciâ constringit, nunc in punctum contractus quasi terebello perforat: subinde remittitur dolor, mox recrudescit Paroxysmus, quem æger præsentens, vultu miserabili atque ejulatu ceu præsentem exhorret, & averfatur. Sub initio hujus morbi non ita certò ad unum aliquod punctum determinatur dolor atque in ejusdem progressu; neque tam crebra est vomituritio, neque alvus ita pertinaciter *Cathartorum* vim eludit; quo autem magis augetur dolor, eò obstinatiùs in puncto figitur; vomituritio succedit frequentior & major alvi Adstrictio; donec tandem ab ineluctabili horum symptomatum vi *totalis Peristaltici intestinorum motus inversio* (nisi maturius quis tulerit suppetias) atque *Iliacæ Passio* procurantur; in quo morbo *Cathartica* Medicamenta omnia in *Emetica* statim transeunt: Enemata etiam injecta, unà cum alvi facibus, per omnem intestinorum ductum sursum lata, vomitu ejiciuntur. Quæ hoc modo excernitur materia, sincera si fuerit atque *ἀπύρνη*; vitidis aliquando, aliquando etiam flava, aut insoliti cujusdam coloris spectatur.

Cum singula hujus Affectus Phænomena, eum ab acri aliquo sive humore sive halitu, è massa sanguinea in intestina excusso, nasci apertè doceant, Indicatio Curativa primaria mihi hæc est, ut sc. evacuetur dictus humor, tam *Antecedens* in venis, quàm *Continens* in visceribus conclusus; altera verò ab hac, ut Anodynorum usu & compescatur humorum eò tendentium impetus, & mitigetur immitissimus dolor.

\* Sanguinem itaque è brachii venis paulò liberaliùs educi [si nempe id fuerit hætenus intentatum & post horas 3. vel 4. Anodynum exhiberi curo. Postero die Catharticum aliquod Lenitivum præscribo, interposito die uno repetendum, ad tertiam etiam nonnunquam vicem, prout humoris reliquæ plures mihi videntur, aut pauciores. Observandum est autem, quòd si malum hoc sive Fructibus Horariis nimis avide ingestis, sive alii cibo cuicunque *δυσπείπτη* originem suam debeat, unde sc. succi pravi corruptique primùm in sanguinem transmittebantur, atque ex eodem postliminio in viscera; rebus, inquam, sic stantibus, ventriculus ante omnia eluendus est. Lacte Cerevisiato affatim hausto, & per vomitum rejecto, quo exantlato, Anodynum propinandum est; sequenti autem die primùm vena secanda, & in cæteris eo, quem jam docuimus, ordine procedendum.

At verò cum & doloris vehementia, & vomituritio, ob quam intestina ad inversionem quasi feruntur, Catharticorum operationi obsistant; intendendæ sunt eorundem vires, neque Leo subere excipiendus, frustra enim mitius Catharticum exhibueris, nisi fortè æger alvo sit facilè solubili, quod diligenter inquirendum est: Cum enim hujusmodi medicamen viam sibi facere per intestinorum canales non valeat, æger ab eo læditur magis, dum scilicet ab ejusdem inefficaci agitatione & vomitus & dolor augentur. Potio Cathartica Lenitiva ex infusione *Tamarind. fol. Senn. & Rhei*, in qua dissolvi possunt



*Manna*, & *Syr. Rosaceus*, Cathartici aliis anteferenda; cum humores minus exagitet & commoveat: Cum tamen sive ob ægri adversationem medicamenti formæ liquidioris; sive vomituritionem, in ventriculo retineri vix queat, Pilulæ necessariò in subsidium vocandæ; inter quas *Cochiæ* mihi præ cæteris semper placuere, utpote certissimo pede quam cæperunt viam insistentes, tum in hoc casu, tum in aliis plerisque. Ubi verò tanta est sive Ventriculi debilitas, sive etiam Vomitorio, ut nec Pilulæ possint detineri, ibi remedium primò *Anodynum* impero, & paucis horis elapsis *Catharticum*, eo temporis spatio interjecto, ut *Catharticum* à *Narcotico* tanto distet intervallo, ut ab eo non vincatur & pereat; eas autem in ventriculo moras trahat, quæ ad virtutem purgativam eidem communicandam sufficiant, ut suam demum exerat operationem, cessante altero. Licet *Catharticum*, modò id possit fieri, diu post *Anodynum* rectissimè propinatur, cum etiam ad horas duodecim ab hoc assumpto, alvus isti ægriùs respondeat, atque non nisi operosiùs solvatur.

Cum autem hic uti in aliis plerisque morbis in quibus indicantur *Narcotica*, *Catharticum* semper dolorem intendat (saltem finitâ jam operatione, quâ quidem vigente mitiùs nonnunquam cum ægro agitur, ) idcirco solenne mihi est *Anodynum* ingerere, ubi primùm expiravit *Cathartici* *ἐνέργεια*. Quale quidem mane etiam & serò quotidie hauriendum impero, spatio sc. omni inter Purgationes medio, quo certiùs dolorem consopiam, donec Catharsis debitè fuerit celebrata.

Peractâ *Cathartici* humorum *ἐργασίαν* compescere (quod jam solum restat agendum) *Anodyno* mane & vespere jugiter exhibito, contendo; quod etiam sæpius aliquando est repetendum: nec unquam mihi contigit, dolores vehementiores sedare posse nisi Dosi largiori & reiteratâ; quæ enim alteri malo debellando par esset, ab hoc vincitur, violentiâ doloris remediis vires frangente. Tutissimè autem repetuntur *Narcotica* urgente hujusmodi dolore, non item ubi ille desierit. Quamobrem doloris indicium secutus, *Narcoticum* repeto, donec vel cessaverit ille, vel admodum fuerit mitigatus; eo nihilominus interjecto temporis spatio, ut compertum mihi sit, quid à dosi præcedente sperari debeat antequam alteram superaddam. Plerumque verò, nisi ubi summè viget dolor, *Paregoricum* mane & serò exhibitum sufficiet. *Anodynum* mihi familiare *Laudanum* istud *Liquidum* est suprâ descriptum, cujus gutta xvi in Aqua Cardiaca stillatitiâ solvuntur, vel augetur dosi pro doloris magnitudine.

Simplicissima hæc Methodus, quâ primùm Humor peccans Venæsectione & Purgatione evacuatur, deinde *Narcoticorum* ope conciliatur quies, semper mihi felicissimè cessit præ aliis quæ mihi hætenus innotuere omnibus, Cum *Enemata* Carminantia, eo fine injecta ut humores acres exterminent, crabrones irritent tantùm, & concitato humorum tumultu diuturniorem raddant morbum. Hic autem imprimis animadverti volo, quod licet tam Phlebotomiam quàm Catharsin huic sedandi Methodo necessariò esse præmittendum affirmavero, nonnunquam tamen, re ita postulante, ea utrâque omissâ à *Paregoricis* ordiendâ tela est. Exempli gratiâ, ubi ob prægressam ægri-



tudinem aliquam Evacuaciones copiosiores non ita diu ante *Colicæ* adventum institutæ fuerint ; ( non rarò enim ob viscerum debilitatem , maximè si accedat major caloris gradus à vino, vel spirituosò liquore alio immodice hauſto, qui nupet ab alio convaluère morbo in hunc præcipitantur ) hoc , inquam , in casu non modò non necessarium , sed & noxium esse censeo , alia insuper adjiciendo Cathartica novos excitare tumultus , atque omnia denuò perturbare. Illud jam taceo, quod in hoc Affectu æger ut plurimum , priùs quàm consulatur Medicus , repetito *Emetatum* usu intestina satis proluit ; ita ut partim hac de causa , partim ob diuturniorem morbi moram *Narcotica* ferè sola in usum videantur revocanda.

Mense *Augusto* 1671 , Nobilissimus Dominus Baro *Annesly Colicâ Biliosâ* laborans cum cruciatu intolerabili , & frequenti vomituritione , jam ab aliquot diebus ad Castellum de *Belvoir* accersiri me jussit , nullum non *Enematum* genus , atque alia insuper remedia à Medicis Doctissimis Experientissimisque eo locorum degentibus præscripta jam tentaverat. Ego nullis usus ambagibus , repetitum *Narcoticorum* usum ad normam jam traditam suasi , quorum ope propediem convaluit , & mecum ad urbem sanus rediit.

Quandoquidem autem dolor hic præ cæteris quibusque ex sua natura recidivus fit , omnis ei revertendi ansa *Anodino* bis quotidie ad aliquot dies exhibito præscindenda est. Quòd si , quoties intermittitur *Narcoticum* , dolor subinde recrudescat , [ ut nonnunquam fit ] nihil à me hæcenus excogitari potuit , quod ad persanandum agrum ita certò faceret atque *Equitatio* , vel in curru vectio , quo longiora itinera confici debuère , *Anodyno* interim mane & serò indefinenter propinato. Hujusmodi enim exercitiis materia morbum committens in corporis habitum deducitur , & sanguis perpetuâ agitatione comminutus de novo quasi depuratur ; ipsaque demum intestina caloris nativæ excitatione haud parum corroborantur ac refocillantur. Nec pudet fateri , me dicto exercitio in partes adscito morbum hunc , cui alio quovis modo devincendo par non fui , plus semel penitus expulisse. Neque verò illud tentandum est , nisi post evacuationes debitas sufficienter celebratas , neque ab eo nisi post dies aliquam multos desistendum.

Pauper quidam mihi vicinus , qui & adhuc est superstes , *Colicâ Biliosâ* vehementissimâ per hos annos laboravit , quam *Catharticis* , *Clysteribus* , *Globulisque plumbeis* devoratis expugnare , diu , sed frustra erat conatus : Hic Ego ad frequentem *Narcoticorum* usum confugi , neque pœnitendâ operâ , quam diu enim ista repeterentur , satis rectè habuit , sed cùm his palliaretur tantum malum , non extirparetur , ) revertebatur enim ut primùm erat exhausta *Narcoticorum* vis . ) Ego hominis misertus , & gravi morbo , & re angustâ afflictiſſimi , Equum ex meis commodabam , quo iter dicto jam modo peragendum aggrediretur ; eoque ad dies pauculos continuato , viscera eas vires recipere , ut morbi reliquiis excutiendis paria jam essent , & sine *Anodynorum* præsidio omnino convalesceret.

Et ut quod res est loquar , non in hoc tantum casu , sed in morbis aliis



*Chronicis* quàm pluribus hoc exercitii genus nunquam non cum uberrimò fructu usurpatum memini, modò quis in illo improbiùs perseveraret. Si enim nobiscum reputemus ventrem inferiorem, in quo disponuntur organa secretoria, hoc maxumè exercitio vibrari, eaque succussionibus aliquot mille uno in die exagirati solere, facile credemus, eadem succum quemlibet recrementitium ibi impactum ope dicti exercitii posse excutere, & (quod majoris adhuc est momenti) validioris istà caloris nativi excitatione ita corroborari, ut munere, quod iis mandavit natura, in sanguine depurando rectè defungantur.

*Dietam*, si janior fuerit æger & calidioris temperamenti, refrigerantem atque incrassantem impero, puta Hordei cremorem, Panatellam, &c. & tertio quoque die, si latret adhuc stomachus, pullum teneriorem, merulamve piscem coctum; Porum non alium concedo, quàm cerevisiam tenuem mitemque, vel lac cum Aquâ coctum, neque ulterius quidquam indulgeo, nisi Equitatio ad redintegrandam sanitatem necessaria, pleniorum victum & generosiorum postulet liquorem, quibus rependantur spirituum exercitio exhaustiendorum damna.

Quinimò observatione constat, quod ubi hic morbus minùs peritè tractatus diutissimè fatigaverit, ita ut viscera elanguescerent, atque æger extremâ jam macie atque debilitate tantum non esset confectus, in hoc inquam, casu liberalior sive *Aqua Epidemica*, sive *Mirabilis*, sive alius demum cujuscunque, quâ sanus maximè delectabatur, usus, hoc tempore eundem ultra spem omnem juverit; hujus enim ope paucissimæ istæ caloris nativi spirituumque reliquæ excitabantur, & fermentum præternaturale visceribus adhærens, & novis paroxysmis fomitem subinde ministrans, à liquoribus magis spirituosus extinguebatur.

Porro ut in morbi curatione, ita etiam & eodem jam depulso, Diæta illa tenuis, de qua diximus, adhuc aliquandiu est observanda. Cum enim morbus hic recidivam præ aliis omnibus affectet, atque insuper sedem sibi delegerit præcipua Coctionis instrumenta [*viscera* intelligo, jam ab eodem infirmata] vel levissimus hujus generis error malum haud leve confestim apportabit. Quocirca tam in hoc, quàm in cæteris omnibus viscerum Affectibus cibi *δυσπεπτοι* cane pejus & anguesunt vitandi; & qui conceduntur, *εὐπεπτοι* eâ tantum quantitate semendi, quæ ad vitam sustinendam possit sufficere.

\* Fœminarum nonnullas vexat *Affectus Hyperici* species quædam, *Colicam Biliosam* ita adunguem referens, tam doloris acerbitate, quàm situm etiam humoribus coloris flavi viridisque vomitu rejectis, ut mihi obiter tractanda veniat, ne à quopiam pro jam dicto morbo hæc habeatur.

Quæ habitu corporis laxo crudoque sunt mulieres cum hoc malo præ cæteris conflictantur, quæque alio aliquo Affectu Hysterico jam pridem laboraverunt, aut (quod sæpenumero fieri solet) quæ à partu difficili ac laborioso ob natum infantem grandiusculum, qui vires & naturam maternas nimis exhaustit,



vix evasere. Regionem ventriculi, nonnunquam & paulo inferiorem, dolor haud mitior quam in Passione Colicâ Iliacâve primum obsidet, quem vomitiones sequuntur enormes, nunc viridis materiæ, nunc verò flavæ. His accedit (quod sæpe observavi) major animi dejectio desperatioque quam in morbo alio quocunque. Post diem unum alterumve faceffit dolor, qui post paucas septimanas revertitur, nihilo lenius sæviens quam antequam solveretur Paroxysmus, *Icterus* quandoque satis spectabilem, comitem sibi adsciscit, intra dies pauculos sponte evanescentem. Cessantibus jam symptomatis omnibus, ubi ægra sibi satis valere videatur, levissima animi commotio, sive ab ira sive à dolore ea fuerit excitata (quibus hoc in casu promptissimè afficiuntur fœminæ] dolorem ferè revocat; quod etiam & de Ambulatione, & de alio exercitio quolibet præmaturè nimis suscepto dicendum est; cum ab huiusmodi causis eleventur vapores in habitu corporis laxo atque imbecilliori. *Vapores* cum vulgo dico, cum sive istiusmodi sint, sive *Convulsiones* particularum partium, utrovis pariter modo solventur *φαινόμενα*. Hi vapores, sive *Convulsiones* hæ, ubi hanc illamve corporis regionem invaserint, pariunt symptomata, ei, quam invasere, parti accommoda; ac proinde licet unum atque eundem ubique morbum faciant, plerosque tamen quibus miseri cruciantur affabre simulant; quod vel ex hoc liquet Affectu, qui cum partes *Colo* adjacentes invaderit, *Colicam Biliosam* ad amissim imitatur. Neque minùs id patet in multis aliis corporis partibus eodem morbo tactis; e. g. nonnunquam *Renam* alterum vehementissimo dolore afficit, unde vomitus immanis; atque etiam per ureteris ductum per sæpe delatus, *calculum* simulat, & cum ab Enematis aliisque medicamentis Lithontripticis & calculo exturbando dicatis exasperatur, uno eodemque tenore diutissimè affligit subinde etiam (præter morem suum, cum per se omni vacet periculo) ægrum ad plures deducit. Vidi insuper & symptomata ab eodem prognata, quæ *vesica calculum* omnino referebant: Non ita diu est, à quo noctu excitabar, ut Comitissæ mihi vicinæ, dolore in vesicæ regione admodum violento & urinæ suppressione derepente correptæ, consulerem: Cum ego illam Affectibus Hystericis variis obnoxiam certò scirem, atque ex eo augurarer, non isto eam, quem putabat, laborare morbo, Enemata, quæ parabat ancilla, injici non patiebar, ne ab iis cresceret morbus, at horum loco, atque Emollientium, v. gr. *Syr. de Althæa, &c.* quæ adferebat Pharmacopola, *Narcoticum* exhibui, quod symptoma illud subito compescuit. Neque sanè vel una aliqua pars corporis ab huius mali insultibus penitus eximitur, sive interna ea fuerit, sive externa, ut sunt Fauces, *Coxæ*, *Crura*, in quibus omnibus dolorem excitat intolerabilem, atque, ubi discesserit, teneritudinem quandam quæ tangi recuset, relinquit, perinde ac si carnes multo verberare fuerint emollitæ.

Quemadmodum autem quædam ad *Colicæ Hystericæ* historiam pertinentia obiter tradidi, ne sc. illa pro *Biliosa* falso haberetur; ita & quædam etiam alia *παρόσια* attingam, ad *Symptomatis* doloris, qui eam comitatur, curationem faci-



cientia: *Curatio* enim *radicalis*, quæ *morbum* sublatâ causa tollit, alterius omnino est & speculationis, & loci.

Venæ-sectio & repetitæ purgationes, quæ in *Colica Biliosa* incipiente aper-  
tissimè indicantur, hîc locum non habent nisi in casu infra dicendo. Docet  
enim experientia, & exasperari dolorem, & invalescere symptomata alia om-  
nia, à tumultu, quem ista cient, adjuta; atque adeò plus semel animadver-  
ti, *Enematum*, vel lenissimorum, repetitionem, continuam symptomatum  
seriam invexisse. Experientiæ ratio etiam astipulabitur, quæ morbum hunc  
à spirituum potius *ἀταξία* atque inordinato motu, quàm humorum vitio ali-  
quo produci dictabit, si expendamus nempe circumstantias illas, quibus ut  
plurimum originem suam debet: Hujusmodi sunt, magnæ atque indebitæ san-  
guinis profusiones, motus animi uti etiam & corporis violentiores, & alia id  
genus. Quæ omnia, remedia illa suadent proscribenda, à quibus major spi-  
rituum perturbatio possit excitari, atque eorum loco *Anodyna* esse usurpanda,  
licèt *viridis* ac pravus materiæ vomitu rejectæ color contrarium indicare vi-  
deatur: Subtilior enim est atque minutior colorum speculatio, quàm ut eva-  
cuationibus, quas ipso facto nocentes deprehendimus, auctoritatem concilia-  
re valeat. Nullusque dubito, morbum hunc (qui licèt acerbissimum dolo-  
rem, nullum, tamen vitæ discrimen apportat) ob errores hoc nomine com-  
missos, lethalem sæpenuerò evadere. Adde, quod si quis *Emeticam* vel  
fortissimum hodie propinaverit, ut sc. eam, quam putat, morbi mineram ex-  
hauriat, ægra postero die materiam æquè viridem aut pravi alterius coloris,  
atque erat prior illa, evomet.

Observandum est tamen, eam quandoque sanguinis atque humorum co-  
piam reperiri, quæ *Narcotici* operationi eò usque obsistat, ut, quamlibet  
sæpissimè repetatur, orgasmum tamen cohibere nequeat, nisi secta prius ægra  
vena, aut alvo subducta; quod in fœminis temperamenti magis sanguinei at-  
que viraginibus mihi subiit notare. Si ita se res habeat, vel Phlebotomia,  
vel Catharsi, fortè etiam utraque, *Anodyna* via aperienda est. Celebrata  
enim harum utraque, *Narcoticum*, quod prius summâ licet dosi exhibitum nihil  
quicquam profecit, jam etiam in mediocri dosi, effectum obtinebit cui destina-  
batur. Ratò autem hoc contingit, neque tum reiteranda sunt hæc remedia.  
Quibus præmissis, ubi opus iis fuerit, in *Anodynis* eâ methodo, quam in *Colica*  
*Biliosa* proposuimus exhibendis progrediendum est, quæ crebrius parciusve sunt  
ingerenda pro doloris recedentis ratione. Quæ quidem Methodus præsens  
atque instans vehementissimi doloris *symptoma* tantum respicit; cum non  
hîc loci illam, qua morbi *causæ* occurritur, tractandam in me receperim.

Cum verò hic morbus tam in Hypochondriacis, quàm Hystericis (nam ut-  
troque, ut alio loco dicitur, par est ratio) sæpissimè in *Ictero* desinere soleat,  
atque iisdem passibus quibus hic ingreditur, iste se proripiat; observandum oc-  
currit, quòd in hac *Icteri* specie curanda Cathartica omnia, vel omnino omit-  
tenda, vel si adhibenda fuerit, *Rhabbarbaro* solùm, vel leni quovis Medica-  
mento utendum. Etenim metuendum, ne à Catharsi novi tumultus cieantur, ac



proinde Symptomata omnia postliminio recurrant. In hoc itaque casu nihil omnino agendum, cum Icterus huic occasioni originem debens, sensim sponte sua facessat, ac tandem brevi temporis spatio penitus evanescat: Sin autem Icterus longas moras nectat, atque non nisi ægre discedere videatur, ad Remedia confugiendum. Hoc uti soleo, ℥. Rad. Rub. Tinctur. & Curcumæ an. ʒj. Chelidon. maj. cum toto, & summitat. Centaur. min. an. M. 1. coq. in æqualibus partibus vini Rhenani & aquæ font. ad ℥ij. Colatura dissolve syr. de quinque Radicibus ʒij. M. s. f. Apozema, capiat ℥ss. calidè mane & serò usque dum convaluerit. At ubi Icterus per se invadit, Colicâ neutiquam prægressâ, omnino oportet, ut præter alterantia jam dicta, etiam Cholagoga, i. e. que per alvum bilem subducunt, ægro exhibeantur, nempe semel vel bis antequam aggrediatur usum præscripti Apozematis, & postea semel singulis septimanis durante ejusdem usu. Ur ℥. Electuar. è succo rosar. ʒij. Rhabarb. subtiliss. pulv. ʒss. Cremor. tartari ʒj. cum s. q. syr. Cichor. cum Rheof. Bolus. Sumat. summo mane, superbibendo vini Rhenani haustulum. At si vel his diu continuatis morbus adhuc obstiterit, ad Aquas ferreas, quales sunt istæ Tunbrigenses, adeundum, quæ ex ipso fonte bibendæ sunt singulis matutinis dum convaluerit. Atque hæc de morbis hujus Constitutionis.

## SECTIO QUINTA.

### CAPUT I.

Constitutio Epidemica partis Anni 1673. atque integrorum  
1674, 1675.

**C**Irca initium mensis \* Julii 1673. alia quædam Febris species est ingressa, Constitutione verò necdum ita ad eam unicè dispositâ, ut penitus excluderentur Constitutionis præcedentis morbi, non admodum fuit Epidemica. Nondum enim desierat ista Variolarum species, quæ Anno 1670. primum cœpit invadere, licet jam & rariùs occurreret, & mitiora essent symptomata, ita ut bini hi morbi pari ferè passu procederent, neuter verò multum grassaretur: Priori Constitutione nondum ita prorsus evanescente, ut nullos proferret morbos veteris profapiæ, [ Dysenteria enim perpauca adhuc reperiebantur, ] neque Novâ ita adhuc confirmatâ, ut eos produceret, qui alios exterminarent omnes.

Et per Autumnum hunc & Hyemem omnem Variolæ pari cum hac Febre incedebant passu, neutro tamen morbo admodum grassante, atque interim tantum non exstinguebantur Dysenteria. Novembri autem tum currente, post acerrimum Gelu ad dies aliquot perdurans, succedente insperatò tempestate



pestate calidiori, quàm ego me per istud anni tempus unquam observasse memini, pauculae Dysenteriae & paulò ante, & circiter Festum *Nativitatis Domini* hîc illic spargebantur: Hæ autem extremum morientis Lucernæ conatum referebant, mox enim morbus hisce [ ista saltem ejus species ] omnino intercidit.

\* Præmaturè admodum sequente Anno, mense sc. *Januario*, invadebant *Morbilli*, haud minùs Epidemici atque erant isti, qui eodem fermè tempore Anni 1670 fuerant ingressi. Etenim in nullam non ferè familiam se insinuant, infantes præ cæteris omnes adorti. Non autem perinde Regulares erant, neque Typum ita ad amissim servabant, atque isti, qui prædicto anno infestabant. De hac autem illorum ab invicem discrepentiâ plura dicam, ubi de illis agam particularius. Hi magis indies magisque grassabantur ad *Æquinoctium* usque *Vernale*, à quo tempore jisdem gradibus decresebant, donec paulò post elapsum *Solstitium Æstivum* tandem evanescerent.

Sicut autem *Morbilli Epidemici*, qui invadebant initio anni 1670, *Variolas nigras* ibidem descriptas, introducebant, hi pariter haud minùs Epidemici, qui initio hujus anni comparebant, *Variolarum* speciem introduxêre isti persimilem. Cum enim (quod prius est notatum) *Variolæ* præcedentis *Constitutionis* post priores annos duos pustulas emitterent minùs ac minùs nigricantes, majores insuper sensim & majores donec sub finem anni 1673, pro speciei ratione, mites essent & benignæ, jam receptâ pristinâ feritate, & pessimis symptomatis stipatæ revertabantur. Invaluit hæc *Variolarum* species Autumno proximo, longiùs etiam in Hyemem excurrens quæ, cum solitis calidior multò esset, morbo favebat; appetente verò tempestate frigidiorè imminuta est, Febri jam grassanti mox locum cedens.

\* *Febris* hæc, quæ per annum perseverarat omnem, initio *Julii* 75. longè lateque depopulata est; sed Autumno jam appropinquante in viscera cœpit converti, nunc *Dysenteriae* symptomatis, nunc *Diarrhæa* se prodens, licet quandoque neque hanc haberet comitem, neque illam, sed caput magis tentabat, stupidiore reddens ægros. *Variolæ* interea, quæ jam pauculos hinc inde affecerant, sub *Æquinoctium Autumnale* penitus disparebant, vix unum alterumve jugulantes. Jam enim *Febris* alios vincens Epidemicos, anni prædominio potiebatur. Observandum est nihilominus, quòd cum proclivior esset *Febris* hæc materiam morbificam in viscera deponere, quæ *Dysenteriam* quandoque, sæpius autem *Diarrhæam* excitabat, ex hac occasione Ventrîs Tormina eam edidisse stragem vulgò putabantur, quæ Febri huic revera fuerat imputanda; licet nemo, qui ægros hoc Autumno tractaverit, nescius sit, quantum invaluerit hæc *Febris*; ut nec etiam, *Dysenteriam* dictam & *Diarrhæam* pro symptomatis magis quàm morbis Essentialibus ac Primariis haberi debuisse.

Hunc *Febris* ista cursum tenuit per omnem Autumnum, nunc caput petens, nunc viscera, ubique sæviens sub persona symptomatum iis partibus accidentium, ad finem usque *Octobris*: Quo tempore quæ eo usque tepida atque



ad instar æstatis placida fuerat tempestas, derepente in frigidam humidamque est mutata; unde etiam *Catarrhi & Tussis* increbuerunt magis quam alio ullo, quod memini, tempore. Quod autem maximi erat momenti, Tussibus hisce supervenire solebat *Febris* hujus Constitutionis *Stationaria*, quæ ansa hinc arreptâ & magis grassabatur, & quædam etiam symptomata variabat. Cum enim paulò ante, insulcus, ut jam dictum, in præfatas partes plerumque fieret, nunc in pulmones & Pleuram præ cæteris detorquebatur, unde symptomata nascebantur *Peripneumonica: & Pleuritica*: licet eadem omnino Febris esset, quæ *Julio* 1673. ingressa sine quavis symptomatum alteratione progrediebatur, donec *Catarrhi* isti accederent.

Hi *Catarrhi & Tusses* usque ad exitum *Novembris* perseverabant, quo elapso derepente minuebantur. Febris autem eadem planè mansit atque erat antequam *Catarrhi* se ostenderent, licet nec ita prorsus Epidemica, neque iisdem symptomatis stipata, cum horum utrumque per Accidens à *Catarrhis* penderet. Quinetiam recedentibus *Catarrhis Variolæ* hinc indespargi cœperunt, ejusdem planè generis cum *Variolis* anni præcedentis; sed cum jam secundum fermè annum explevissent, non ita atrocia erant symptomata, ac ubi primùm invaderent. Quamdiu adhuc stabit hæc *Constitutio*, dicere non habeo; id certò scio illam perquam *Anomalam* atque irregularem hæcenus fuisse, atque morbos omnes per eam natos ejusdem omninò indolis.

De hujus *Constitutionis* Epidemicis, eo quo se invicem ordine excipiebant, jam agam.

## C A P U T. II.

### *Febris Continua An. 1673, 74, 75.*

**H**Æc, perinde atque alii Epidemici, mox ab ingressu socia habebat symptomata, quæ indicia haud obscura dabant majorem & spirituosam magis tunc esse inflammationem, quam ubi morbus magis adoleverat. Etenim primo quo invadebat anno, uti & Vere insequente, symptomata Pleuritica Febris superveniebant, & sanguis è venis extractus [saltem pro primâ & secundâ vice] *Pleuriticorum* referebat sanguinem, at morbo jam provectiori cessabant ea signa Inflammationis intensioris.

Præter symptomata Febribus *universis* communia, hanc Febrem ista sequebantur: Ut plurimum afficiebatur æger dolore Capitis & Dorsi satis atroci, stupore item, & dolore Articulorum, Artuumque tensivo, imò & totius corporis, at mitiori aliquanto quam Rheumatismo laborantes. Primis diebus calor & frigus sibi invicem succedebant, quandoque etiam ineunte morbo æger in sudariunculas erat propensior. Lingua, ubi Febris suo genio erat permessa, nec sicca, nec à colore naturali multum recedens, nisi quod magis alberet, neque sitis multum urgebat: Quòd si excalefieret æger ultra ordinariam Febris sortem, lingua aridissima erat cum flavedine subfusca, sitis

etiam



etiam intendebatur; Urinaque, quæ aliter colorem ferè naturalem servare solebat, intensè rubebat.

Febris hî tantùm gravata symptomatis, si peritè tractaretur, die *decimo quarto* ægro valedicebat; pertinacissima, *primo post vicesimum*.

Inter hujusce Febris symptomata eminebat affectus quidam *Comati* haud dissimilis, quo correptus æger obstupebat delirabatque, imò ad septimanas aliquot dormitabat nonnunquam, nec nisi valido clamore expergiscebatur, à quo ægrè excitatus oculos aperiebat tantùm, & post ingestum sive medicamentum, sive potum, cui assueverat, mox in stuporem dilabebatur ita quandoque profundum ut in Aphonia desineret absolutissima.

Qui sic fuerat affectus æger ubi ad se rediit, die *vicesimo octavo* vel *trigesimo* cœpit convalescere; cujus primum signum erat, quòd cibi aut potûs genus aliquod insuetum aut absurdum deperiret. Convalescentis caput ad dies aliquot debile atque infirmum, nunc versùs hanc partem, nunc illam mutabat; aliaque aderant signa, quæ caput plurima fuisse passum ostenderent. At quo passu vires restituebantur, eo ipso dicebat dictum symptoma.

Quandoque non tam dormitabat æger, quàm tranquillè delirabat, incongrua tamen subinde effutens ceu iratus, ac mente motus; at non eò excaecescentiæ & furoris ascendebat, quo solent ii, qui à Variolis atque aliis Febribus Phrenetici fiunt; à quibus hic in eo etiam discriminabatur, quòd per intervalla abruptè dormiebat, stertebat etiam profundius. Adhæc non ita erat acutum hoc symptoma atque illud, sed erat diuturnius. *Pueris* etiam hoc plerumque accidebat, aut iis, qui nondum adoleverunt, illud *Adultis* maximè. In utrisque verò si ingererentur Calidiora remedia & sollicitarentur sudores, malum in caput facilè transferabatur, & dictis symptomatis ansam præbebat.

Ubi Verò symptoma hoc nec sponte suâ accessit, nec medicamentorum vi coactum, morbus intra diem *decimum quartum* terminabatur ut plurimum, nonnunquam etiam intra tertium quartumve, quod factum vidi.

*Autumno 1675.* ut supra innuimus, Febris hæc per Dysenteriam sibi fugam quærere, nonnunquam & per Diarrhœam affectabat: Harum posterior præcipuè sæpe excurrerat, stupore adhuc manente. Utraque verò quantum diligenti observatione assequi poteram, nihil erat aliud, quàm Febris symptoma.

\* Curationem hujus Febris quod attinet; sub primum introitum, nempe *Julio 1673*, tum ex variis phænomenis ab istis longè diversis, quæ præcedentem comitabantur, tum ex eo quòd Catharticis minus pareret, quibus felicissimè Febres omnes Constitutionis prægressæ deviceram, statim didici, Febrem hanc esse alterius planè familiæ, & diutius, quàm solebam aliàs, in ejus specie investigandâ hærebam, & ex consequenti anxius dubitabam, quem mihi Curationis scopum proponerem, Quo enim tempore primum erupit hæc Febris, nullum habuit alium Epidemicum sibi σύγγενον, cujus perspecto genio de hujus naturâ verisimile aliquid conjectare possem, cùm Variolæ, uti dixi, quæ illam comitabantur, nigrarum istarum, quæ anno 1670 invase-



rant, reliquias omnino referrent, jamque & mitissimæ essent & tantum non exolerent. Nihil mihi itaque aliud jam restabat; nisi ut in hunc morbum nudum & ab aliis sepositum accuratissimo examine inquirerem, atque oculo ad *juvantia & Ledentia* quàm diligenter maximè potui semper intento, viam pro virili, Exploratoris instar, prætentarem. Atrox capitis dolor, propensioque quam habebat hic morbus ad dolores lateribus infigendos, tum etiam sanguis Pleuriticorum similis, me statim edocebant, Inflammationem haud mediocrem huic Febri subesse, nec tamen eam posse ferre largiorem istam evacuationem, quæ Pleuritidi convenit: Sanguis enim post primam aut secundam saltem vicem detractus Glutinis colorem, quo regebatur superficies, protinus amisit, nec repetita adhuc venæ-sectione levabatur æger, nisi fortè morbus in Pleuritidem veram transiret; quod nonnunquam accidebat post regimen justo calidius, præsertim primo *Vere* quo invadebat, sc. *Anno 1664*; quo tempore à solis accessu occasionem nactus (cum etiam nondum adolesceret morbus & principio magis spirituosio inniteretur quàm postea) ad genus Peripneumonicum videbatur accedere. Cum verò & experienciâ & exemplo à repetitâ Phlebotomiâ deterrerer, licet luce clarius esset Febrem hanc, præcipuè sub primum ingressum, haud parum inflammatoriam fuisse, nihil jam restabat, quo ejus calor restingui posset præter *Enemata* sæpius repetenda, & medicamenta Refrigerantia. At præter hos Affectus Inflammationem apertè prodentes, illud *suporis* Phænomenon, Febri huic quàm alii cuilibet familiaris, omnino indicabat, continuò repetenda esse Enemata, quibus materia Febrilis, quæ ita promptè caput petebat, ab eo diverteretur; quin & Venæ-sectioni repetitæ, quam ægri tulit propria hujus morbi natura, substituebantur illa, atque ejus pensabant defectum, sanguinis fervorem placidè ac sensim contemperantia, & causam eliminantia morbificam. Porro judicabam Emplastrum *Epispastica* satis ampla cervici posteriori applicita in hac Febre potius ex usu fore quàm in aliis, quibus materia Febrilis haud ex æquo caput tentabat; Etenim à cruciatu & fervore vehementibus, quos dicta Epispastica parti, cui imponuntur, solent imprimere, materia, quæ secus in caput ascenderet, in locum affectum corrivatur. His, & regimini ad eundem refrigerandi sanguinis scopum facienti, tandem morbus quasi naturaliter sponteque suâ cedebat, quantumlibet læviret, si methodo ab hac diversâ cum quis aggrediretur; quod mihi ab experimentis plus satis frequentibus abundè liquebat.

Hunc itaque cursum institui: Sanguinem é brachii venis mittendum, eâ quantitate, quæ ægri viribus, ætati, aliisque circumstantiis convenire mihi visa est, ante omnia curabam, atque eodem ferè tempore Emplastrum Epispasticum bene largum Nuchæ applicandum. Die proximo Clysterem Lenitivum ita tempori injiciendum præcepi, ut ante noctem sedari posset tumultus, qui ab eo inter operandum excitaretur, horâ scilicet secundâ tertiâve post meridiem. Repetebatur Enema illud singulis diebus donec imminueretur morbi vis. Quo quidem tempore ab eo cessandum esse duxi, imò & maturius, si nempe Febris diem quartum & decimum excessisset, jamque inveterasceret; quo in casu licet



licet ab Enematis præcedentibus debellata non fuerit, eadem tamen post elapsos hos dies supervacanea esse comperi: Morbi enim acie per Ebullitionem prægressam jam retusâ, atque ægro *ἔξω βέλγας* constituto, & à symptomatis violentioribus, quæ ab eo pendebant, securo, nihil prius erat, quàm ut morbum suo uti Genio, & quasi sensim deflagrare, ac suis viribus ruere sineremus. Quod mihi semper cessit melius quàm evacuationem qualemcunque violentiorem hoc tempore moliri. Ægro interim carnibus interdixi, cerevisiam verò tenuem ad arbitrium concessi.

Restat & aliud, quod, quia multiplici experientiâ astipulante ægris optimè solebat vertere, in describendo hujusce morbi regimine mihi minimè prætereundum fuit, nempe ut æger quotidie lecto abstineret, saltem ad horas aliquot; vel si id vetaret major ejus debilitas, vestes saltem indueret, & supra lectum cubaret, capite paulò elatiori, Etenim cum magnum illum impetum, quo Febris in caput ferebatur, & inflammatoriam simul sanguinis Diathesin contemplerer, subiit mihi in mentem, ægrum à corporis positura nonnihil emolumenti capere posse, si nempe ea talis fuerit, ut à circumambiente nullatenus augesceret calor (quod omninò fieri necesse est, si in lecto se jugiter contineat) neque sanguinis in capitis arcem tendentis impetus promoveretur, cum illinc cerebri fervor intendatur, proindeque spiritus animales calefiant atque exagitentur, à quibus & vehementior cordis vibratio & Febris augmentum.

Quantumlibet autem ægris conducat in Febribus omnibus, quæ inflammationis intensioris sunt participes, ut non semper lecto incarcerentur, animadvertendum est tamen, eosdem, si diutius, quàm par erat, pro una vice à lecto abfuerint, declinante præsertim morbo, in dolores vagos, qui in *Rheumatismo* desinere possint, nonnunquam de facili incidere; nonnunquam etiam superficiem corporis *lætero* deturpari; quæ si cui contingant, lecto addicendus est, quo apertis cutis spiraculis commodè diffilari possint istiusmodi particule, quæ malorum alterutri fomitem præbent; hoc verò ad diem unum aut alterum tantum, sudore non provocato: Hujusmodi autem Accidentia oppidò rara sunt, nec nisi in Febris declinatione comparent unquam; quo tempore cum jam morbus mitior est, longè tutius ægro permittes, ut in lecto assidue decumbat, quam vel initio, vel in statu; quinimò per hoc tempus id magis confert ad materiam Febrilem digerendam, quæ, si æger maturius lecto affigatur, efferatur magis atque incenditur.

Hic si quis objecerit, dictam Methodum, licet ad sanguinis impetum à capite amolendum reficiendumque ægrum, satis commodam, minus tamen expedire, eò quòd evacuationi persudores, quæ materia Febrilis jam concocta eliminanda omninò erat, officiet: Respondeo, nihil agere contra sentientem, nisi prius argumentis confecerit hujusmodi evacuationem omni Febri deberi, quod haud ita in proclivi atque facile est. Docet enim Experientia, non autem Ratio, quanam Februm species per Diaphoresin, & quæ per Catharsin si exterminanda, &c. Quinimo est cur arbitremur, dari quas-



dam Februm species, quas Natura methodo sibi peculiari, sine visibili aliqua Evacuatione, ablegat, reducendo scil. in sanguinis massam eique assimilando materiam illam morbificam, quæ cum eodem minus quadrabat. Quæ ego nixus ratione, sæpenumero tam in hac Februm specie, quàm aliis, modò intermittentes non essent, mox a primo insultu, totoque sanguine nondum inquinato, easdem in ordinem redegi, imperato tantùm Cerevisiæ tenuissimæ, quoties ac quantum desiderarent; potu, eluque tam jussulorum, quàm aliorum, cujuscunque generis sint, ægris interdicto; Permissis interim & exercitii consueti usu, & aurâ liberiore, nullâque prorsus evacuatione vel semel institutâ. Sanè omnimodâ solùm hujusmodi per biduum triduumve, abstinentiâ liberos meos, ac amicitia mihi conjunctissimos, curavi; Verùm hoc remedio non nisi in junioribus ac temperamento sanguineo præditis est utendum.

Quòd si demus, Naturam non aliâ methodo quàm per Diaphoresin morbum vincere posse, an non eos volumus sudores; qui morbo jam fatiscente prorumpunt & à præviâ Digestione fluunt, non verò istos, qui primis morbi diebus protrusi, ab interrupta furentis naturæ œconomiâ nascuntur? Hujusmodi, opinor, sudores non erunt promovendi, at compescendus potius tumultus ille, cui ortum suum debent. Istiusmodi autem sudores multas Februm species; licet non omnes, solent comitari. Neque enim sum nescius, quædam Februm species ejus esse indolis, ut in *παραμυή* sudorem hunc Criticum sibi postulent: Tales sunt particulares Intermittentium Paroxysmi; magna item & frequentissima Naturæ Febris ab illa pendens Constitutio, quæ ad Intermittentes Epidemicè producendas unicè facit. In his enim, si cui methodo insistatur, quæ non eò tendit, ut materia morbifica digeratur primùm, dein per sudores eliminetur, augebitur morbus: Quocirca nullæ hîc evacuationes locum habere debent; nisi quatenus morbi impetum primis diebus, quibus aggreditur, sufflaminare valent, ne inter medentium operas æger fato succumbat. Quin & Febris Pestilentialis causa, cùm tenuissima sit & perquam subtilis, vel primis morbi diebus, sudoribus diffuari potest, suffragante ubique experientiâ.

Istis autem in Febris, in quibus ordinario symptomatum ductu, & si suo genio uti permittantur, nusquam videmus naturam materiam morbificam jam præparatam tempore præfinito evacuare solere; nescio an non plus satis temerarius is fuerit, qui sudore provocando vii morbo inferre cogitet, atque ægrum eâ sola methodo restituere, cùm ut docet divinus senex, *τῆς φύσεως ἀντιπαρῆσθαι, καὶ ἐὰν πᾶν*: Atque illud quidem usu venire autumo in Febre hac particulari, de qua hîc agimus, quam, multiplici experientiâ edoctus, satis scio sine sudoribus fugari posse; ægrum etiam, dum eosdem importuniùs sollicitamus, sæpenumerò nullâ cogente necessitate in manifestum vitæ discrimen conjici, à materia morbifica in caput sursum latâ: Attamen neque in hac Febre, neque in alia qualibet, vel ex eis, quæ sudores Critico solvi non solent, si fortè hujusmodi sudor morbo jam imminuto sponte supervenerit, quem ex symptomatum omnium remissione debitæ concoctionis sobolem esse arbitramur, medicorum prudentissimus quisque cum contemnet; ubi verò non



ita sponte exit, quî certò scire possumus, an non hominem è medio tollamus, dum humores regimine & cardiacis calidioribus ad ejusmodi sudores disponere nitimur? Si quis fortè in Thesaurum inciderit, nisi decipiat, humo toller; stultus autem sit oportet, qui hâc fretus fortunâ omnem adhibet operam, ut alium ejusmodi cum vitæ periculo adipiscatur. Quo vero cunque modo hæc se res habeat, mihi abundè constat, solam Febrem calorem eum secum adferre, qui materiæ Febrili ad Coctionem præparandæ possit sufficere, neque eo intensiorem à regimine fervido forinsecus accersendum.

Præfatam Methodum per Venæ sectionem atque Enemata in hujusce febris curatione quàm felicissimè succedere comperiebam; eam verò, quoties à Diaphoreticis lacefferetur, non solum Anomalique moris symptomata, sed etiam dubium semper exitum habuisse; Inter symptomata eminebat tacitum illud delirium, quod non tam insanâ loquacitate se prodebat, quàm *stupore* Coma æmulante, quod, uti diximus, huic Febri frequens solebat accidere. Hoc symptoma, [ licet nonnunquam sponte suâ ortum illud viderim, ] à nimia tamen Curatricum diligentia in provocandis sudoribus malè posita, ut plurimum invitabatur: Hoc enim pacto materia morbifica, quæ in hac Febris specie sudoribus morem gerere recusabat, vehementer exagitata in caput tandem elevabatur cum ingenti ægrorum discrimine.

Jampridem animadverti in Curatione Febris Constitutionis alterius, quod per ultimos annos hujusmodi *Stupor* Pueros maximè, atque eos, qui ex ephebis vix excefferant, subinde invadebat, sed nec ita profundus, nec perinde Epidemicus atque erat is, qui hanc Febrem comitabatur. Neque tamen illum, licet huic inferiorem, multò minus hunc, ubi primùm ingrederetur morbus, edomare potui; licet nullum non lapidem moverim, repetitis Venæsectionibus, non in brachiis tantùm, sed cervice etiam & pedibus, Emplastris Vesicatoriis, Cucurbitulis; Enematis, Diaphoreticis omnis generis, &c. in partes adscitis. Tandem statui, post sanguinem è brachio eductum, Epispasticum Cervici applicatum, atque Enemata duo vel tria è Lacte & Saccharo injecta primis morbi diebus, nihil quicquam amplius moliri nisi quod ægrum & à carnibus, & à liquoribus spirituosus quibuscunque arcerem: Ad naturæ methodum interim attendebam, cujus ego vestigiis inhærens symptoma hoc superare tandem discerem. Morbus interim cui invigilabam, tutò, licet tardè recedens, tandem evanuit. Huic itaque methodo insistendum mihi esse duxi in Febris, quas deinceps tractavi universis; quod quidem, si & symptomatis magnitudinem & eventum ubique votis respondentem spectamus, haud parvimenti mihi videtur.

Et sanè mihi nonnunquam subiit cogitare, nos in morbis depellendis haud satis lente festinare, tardiùs verò nobis esse procedendum, & plus Naturæ sæpenumero committendum, quàm mos hodie obtinuit. Errat enim, sed neque errore erudito, qui Naturam Artis adminiculo ubique indigere existimat. Namque id si fieret, parciùs humano Generi eo prospexisset, quàm postulat speciei Conservatio: cum ne minima sit proportio inter morborum ingruen-



tium frequentiam, & facultates quibus pollent homines ad eosdem fugandos, vel iis sæculis, quibus Medendi Ars maximè caput extulit, & à quampluribus exulta est. Aliis in morbis quid hoc profecerit nescio. Illud satis scio ex diligenti observatione mihi astipulante, quòd in Febre, de quâ jam agimus, dictum symptoma post usurpatas evacuationes generales, Venæ-sectionem dico, & Enemata, solo tempore feliciter solebat vinci.

Anteà diximus, Convalescentiæ prænuncia Signa ut plurimum ad diem usque *Tricesimum* differri solere, (in *stupore* scilicet paulò confirmatori) ægro nonnunquam etiam *Aphoniâ* correpto: quibus elapsis, incongruum aliquod atque absurdum sive cibi, sive potus genus importunè flagitabat, Ventriculi fermento à morbo diuturniore impense vitiato. Hoc in casu, quandoquidem jam exhaustæ corporis vires refectione omnino indigerent, lubens ea etiam concessi, quæ minùs ægro convenire viderentur, modò palato magis arriderent.

Mense Septembri 1674. filium novennem Librarii cujusdam ædibus meis vicini, nomine *Not*, hâc Febre unâ cum symptomate jam sæpe memorato laborantem tractabam: Extracto è brachio sanguine, & Clysteribus per primos aliquot morbi dies continuos injectis, importunissimæ Matri obstabam, quæ rem ocyùs expedire acriter urgebat quàm ego cum salute filii stare posse arbitrabar. Datis itaque induciis, nulloque medicamento alio propinato præter Julapium aliquod è vulgaribus, quod pacandæ quidem matri potiùs destinabatur, quàm filio restituendo, trigesimum circiter diem melius habere cœpit; edulia varia etiam absurda miserè discupiens, quorum pars aliqua concedebatur, licet nullo alio nomine concedi debuisset; atque ita tandem prorsus convaleuit.

Quamvis autem *Stupor* hic ad *Comatis* accedens naturam, huic Febri aliis symptomatis frequentius superveniebat, quandoque tamen, at rariùs, *Phrenesis* absque stupore nonnullos invadebat, in quâ æger insomnes dies noctesque agebat, nullâ ratione poterat regi, aliâque patiebatur symptomata iis similia, quæ vel ab aliis Febribus, vel à Variolis in Phrenesin actos infestabant. Inducias non tulit symptoma hoc, ut solebat. Affectus Comatosus jam memoratus donec fieret digestio, ægrum verò intra paucos tollebat, nisi inflammatio cohiberetur. Atque hîc mihi suppetias præ cæteris tulit *Vitrioli spiritus*, quem post Venæ-sectionem atque Enematis unius alteriusve injectionem cerevisiæ tenui instillatum pro potu ordinario concessi: Qui intra dies paucos & somnum conciliabat, & sanitatem, superatis symptomatis, ægro reddebat: quod quidem nullâ aliâ methodo efficere valebam. Atque hoc reiteratâ sæpe Experimentiâ mihi abundè constabat.

Febri huic, Autumno 1675. & *Dejectiones Dysentericæ* superveniebant, quandoque & *Diarrhœa*. Istas ego statim perspexi *Symptomaticas* fuisse huic Febri, non verò, ut in Constitutione præcedenti, *originales* & primò ortas. Quo non obstante, cùm morbi causa in sanguinis massâ clauderetur, Venæ-sectionem ea indicabat; quæ quidem, propinato etiam post Narcotico ad duas vices, symptomati huic debellando par erat.



*Septembri 1675.* Domina Conysby juxta Equilia Regia habitans me accersivit, laboraverat ea hâc Febre, ventris torminibus derepente jam correpta, quæ deinceps excipiebant Dejectiones sanguineæ ac mucosæ: Licet protritæ jam ab aliquot diebus, ob morbum diutinum, vires essent, maximè verò à Dejectionum frequentia quæ nocte prægressâ multum sangaverant, sanguinem tamen è brachio statim educendum curavi, & paulo post Narcoticum exhibendum, quibus peractis ea ipsâ nocte Dejectiones stercorosæ conspiciebantur. Mane & vesperi sequentibus Narcoticum repetebam prædictum, imperato etiam medicamento Cardiaco moderatori quo spiritus refocillarentur: atque ab his statim convaluit.

*Diarrhæam* quod attinet: quæ eodem ferè anni tempore huic Febri haud rarò accidebat, minùs adhuc ista faceffebat negotii, cùmque ea neque ægro prodesset, neque etiam officeret, quantum mihi observare licuit [sive adesset stupor, sive etiam abesset] nullam ab illa indicationem Curativam elicere valebam, modò intra eos staret limites ut æget ab eâ de virâ non periclitaretur: quo in casu Narcoticum sine dubio indicabatur, atque in eo solo probandus Anodynorum usus per omnem morbi hujus decursum, ingens enim illa propensio qua hâc Febre laborantes in stuporem ferebantur, ab his intèndebatur, ac proinde nisi urgente necessitate in usum nunquam erant revocanda.

Notandum est haud rarò accidere tam ab hâc Febre quàm Febris aliis convalescentibus, iis maximè quos illæ diutiùs maceraverant, nec nisi post longas magnasque evacuationes tandem dimiserant, (præsertim si invalidiori essent corporis habitu,) ut noctu in lecto cubantes incalescerent primùm, mox sudore diffuerent, à quibus vehementer infumabantur, & vires tardiùs recipiebant, nonnulli etiam præcipitabantur in tabem. Cùm symptoma hoc non aliunde nasci existimarem quàm à sanguine ob morbum contumacioris eo utque depauperato debilitatoque, ut succos, quos recenter advectos nequireret assimilare, per sudores ejicere moliretur; ita affectis author semper fui, ut singulis auroris noctibusque cochlearia quinque vel sex Vini Malacensis annosioris haurirent, cujus omni agris vires crescebant jugiter, & evanescebant sudores. Atque hæc de Febre hujus Constitutionis continuâ, quam ob insignem stuporem eam ferè semper comitantem, lubet *Comatosam* appellare.

### C A P U T. I I I.

*Morbilli Anni 1674.*

**O** Riente anno, mense sc. *Januario 1673, 1674.* ingressa est *Morbillorum* species quædam ab eâ diversa quæ eodem mense Anno 1669, 1670. invaserat; neque tamen minùs Epidemicè læviebant hi atque isti, sed non perinde erant regulares, neque ita constanter Typum observabant: Nunc enim citiùs, nunc seriùs erumpebant; cùm in alia specie, eruptio in diem ab invasione *quartum* semper incideret. Adhæc humeros, & cæteras trunci partes pri-



primùm occupabant ; cùm isti alteri faciem primùm peterent , & in reliquum corpus paulatim spargerentur. Nec hâc in specie observare licuit , nisi rarissimè , eas cuticulæ desquamations ad instar farinæ inspersæ , quoties recederent morbilli ; quæ in aliâ specie haud minùs certò conspiciebantur , quàm post Febris Scarlatinæ decessum conspici solent. Plures insuper è medio tollebant , quoties imperitè tractarentur , quàm priores illi. *Febris* enim & *Dyspnœa* , quæ Morbillis abiturientibus solebant accidere ; vehementiores erant , & *Peripneumoniam* hîc propius referebant , quàm in altero genere. Quantumlibet autem fuerint *Anomali* atque irregulares hi *Morbilli* quoad jam memorata symptomata , in præcipuis tamen latis iis competeat Historia quam de morbilis tradidi , cùm morbos An. 1670. Epidemicos describerem , quæ idcirco impræsentiarum repetenda non erit. Hi , uti etiam Priores isti , ad Vernalis usque Æquinoctium invalescebant , à quo tempore descrecentes , appetente Solstitio æstivo , aut non diu post , evanuerunt.

\* Curatio , cùm nullâ ferme in re ab illa differat quam in Morbillorum historiâ jam fusè tradidi , exinde petenda est. Unicam tantùm hîc , pro meo more , instantiam adferam Methodi quâ illas aggrediebar.

*Februario* 1674. Domina virtutibus ornatissima , atque in exemplum nata , Comitissa *Sarisburiensis* me accersivit : Infantium unus tantùm tum temporis ægrotabat , mox reliqui [ 5 autem vel 6 erant ] quos omnes eâdem methodo tractavi. Lectulo eos addixi ad dies binos ternosve ante eruptionem , ut sanguis , pro suo genio , particulas facile separabiles morbum committentes , per cutis poros eliminaret. Neque autem vel stragulis , vel igni quibus sani assueverant , quidquam adjici patiebar ; ab esu carniarum arcebam , juscula Avenacea , Hordeacea , ac subinde pomum coctum concedens , cerevisiam tenuem insuper , vel lac cum aquæ triplo coctum pro potu. Urgenteque pro more Tussi , Ptisanam Pectoralem sæpe assumendam præscripsi. His peractis omninò convaluerunt , brevi illo spatio quod hic morbus solet percurrere ; neque vel per ejus decursum , vel eodem fatisciente , symptomate quovis morbo huic non familiari , tentabantur.

Duobus primis mensibus quibus hæc morbillorum species se prodebat , intercorrebat & *Febris* quædam *Morbillosa* hic illic sparsa , in quâ *ἐκθύματα* nonnulla per truncum corporis , colli præsertim posteriora , atque humeros erumpebant , *Εκθύματα* Morbillorum imitantia ; à quibus in illo saltem distinguebantur , quod non universum corpus pariter occuparent , quas diximus partibus contenta : Febris etiam ( licet ejusdem planè generis ) immanior erat , & ad dies 14. nonnunquam etiam plures , protraheretur. Nec Venæ-sectionem tulit hæc Febris , nec Enemata , ab utrisque irritata ; at Methodo quæ Morbillis superius dicata est , lubens concessit. Atque hæc de Morbillis fuerunt dicenda.



## CAPUT IV.

Variola Anomala An. 1674, 75,

**Q**uemadmodum Morbilli Epidemici initio anni 1670 incurfantes *Variolas nigras* ibidem delincatas introduxere, ita etiam hi, qui haud minus Epidemicè grassabantur initio Anni 1674, Variolarum speciem introducebant tam earum similem, ut eadem istæ revixisse omnino viderentur, non aliæ subnasci: cum enim (uti jam diximus) in priore illà variolarum specie post elapsos priores annos duos, pustulæ minùs indies nigrae comparerent, & grandiores etiam pedetentim conspicerentur, donec exeunte anno 1663, morbus jam mitis, habitû generis ratione, ac benignus esset, jam pristina ferociâ, & in fausto malorum symptomatum agmine stipatus denuò revertebatur. Etenim pustulæ fuliginem nigredine æquabant, ubi nempe confluerint; & æger non priùs extingueretur quàm ad maturitatem istæ pervenerint; immaturæ enim fusca tantùm erant colore. Pustulæ quinetiam perpustillæ erant si numerosæ, (Pauca enim ubi fuerant tantùm, haud erant minores, quàm in aliis Variolarum generibus, nigrae verò rarissimè.) Verbo dicam, istas quas anno 1670. descripsimus satis referebant; licet non in omnibus cum iis quadrarent, distarent autem pauculis quibusdam, quæ quidem majorem sub his quàm illis putredinem latere, naturæque eas esse magis crassæ & incoctilis ostendebant: Maturæ enim pejus olebant, ita ut eisdem graviter laborantes præ fœtore vix quirem accedere. Tardiùs etiam periodum absolvebant, hærebantque diutiùs, quàm ulla species alia adhuc videre contigit.

Notatu interim est perdignum, quòd quantò mitior est morbi species, tantò citiùs pustulæ ad maturitatem, atque morbus ad finem perducitur. Ita in specie istâ regulari Variolarum Confluentium quæ anno 1667. ingressa est, Dies *Undecimus* maximum adferebat vitæ discrimen, quo semel elapso, non ampliùs ut plurimum ægro metuendum erat. In proxime sequenti specie anomala Confluentium, quæ initio anni 1670 cœperunt invadere, æger die *Decimo quarto* vel ad extremum *Decimo septimo* maximè periclitabatur, quos si æger superaverit, salvus omnino erat, nec quenuquam post hunc diem ab hoc morbo interemptum hætenus observavi. At verò in hac specie Confluentium, æger etiam post diem *Vicesimum* contrucidabatur; nonnunquam & si convalesceret, quæ paucorum fors erat, non tantum tibiæ intumescebant, (quod quidem in Variolis Confluentibus quibusque familiare est,) sed brachia insuper, humeri, crura, partesque aliæ; qui quidem tumores ab intolerabili dolore *Rheumaticorum* per omnia æmulo, tragœdiam ordiebantur; postea haud rarò suppurabantur, & in sinus ingentes & partium musculosarum apostemata desinebant, ægro in vitæ periculo etiam ad multos dies à discessu Variolarum adhuc versante. Adeò ut mihi luculenter constaret de gradibus quibus hic se Epidemicus promoveret per tres hæc Constitutiones, quarum

T

poste-



posterior priorem semper exuperavit, tum quoad majorem putredinem, tum quoad morbi materiam minùs coctilem.

Videntur autem mihi hæc quas jam tracto *Variola*, nova quædam Variolarum species, è priore jam inveterascente suborta. Quamvis pro aëris diathesi eum producente Epidemicum, Variolæ nigræ, quæ initio anni 1670 primùm se ostendebant, ad *παγαλμὴν* suam usque progredierentur, tamen ad instar recidivæ alicujus morbi à materia pristina denuò fermentescente, aër rursùs ad Variolarum productionem faciens, ex veteri penu easdem deprompsit; qui quidem morbus redintegratus sumptisque de novo viribus, reviviscere planè & quasi rejuvenescere videbatur. Tanto autem magis anomalæ hæc erant, tantòque magis intensam redolebant putrefactionem, quanto materia, è quâ generabantur, istâ crassior erat atque sæculentior, ad quam præcedentes primùm ortum referebant. Quod ut magis elucescat, existimandum omnino est, nullam ejusmodi diathesin in ipso aëre supponi debere, quæ hunc hoc in loco Epidemicum propager, alium verò longè diversum in alio non ita multùm distante; hoc enim si fieret (fit autem subinde) quilibet ventorum morus Constitutionem diffilare valeret; vero autem similis mihi videtur hunc vel illum particularem aëris tractum effluviis repleri à minerali aliquâ fermentatione, quæ aërem, per quem feruntur, particulis nunc huic animalium generi, nunc alteri exitialibus, contaminantia, morbos variis terræ Affectibus appropriatos eò usque propagant, donec expiraverit subterranea illa halituum minera; quæ pariter in novam denuò fermentationem agi possit; ex reliquiis nempe materiæ exolescentis, uti in casu jam memorato. Mihi verò, qui non ultra quàm res ipsa loquitur sapere audeo, perinde est, an hæc, an alia aliqua Hypothesis Phænomena rectiùs solvat. Id saltem pro comperto habeo, quas jam tractavi Variolas, præcedentis Constitutionis Variolis fuisse simillimas, nisi quòd & crassiorem naturam, & putredinem longè intensiorem redolere viderentur. Quibus etiam de causis duabus, ubi admodum *confluerent*, plures orco dabant, quàm species alia quælibet, quam mihi hætenus videre contigit; & si quid meo iudicio tribuendum sit, Pestem ipsam, pro numero sc. ægrotorum, pernicie æquabant, licet, ubi *Discreta* invaderent, haud certius intentarent periculum, quàm alia quævis species, & tam pustularum magnitudine, quàm colore, aliisque circumstantiis boni se moris esse faterentur.

\* Curationem quod attinet; Jam à multis annis miratus sum Indicationes planè contrarias, quas hic mihi morbus subinauere videbatur. Hinc enim luce clarius fuit, à calidiori regimine symptomata, quæ à nimia inflammatione pendent, statim produci, Febrim scil. Phrenesin, maculas purpureas, & similia, quibus hic morbus præ cæteris quibusque est obnoxius, inde verò regimen justò frigidius faciei manuumque intumescen-tæ, quæ hic apprimè, est necessaria, officere, & pustulas flaccidiores reddere. Postquam hæc diu multumque apud me satis anxie revolveram, intellexi tandem, utrique huic incommodo eodem simul tempore posse occurrì. Uiam enim Aquæ cum Lacte co-

\* *Curatio*



*Æ*; Cerevisiæ tenuis, aut liquoris alterius similis liberaliorem concedendo, penes me erat internum sanguinis, *ὀξύμηνον* frænare; Atque ex adverso ægrum in lectulo jugiter detinendo, ne brachio quidem exerto, blando ejus calore pustularum elevationem & faciei manuumque intumescuntiam valebam promovere. Neque hæc secum methodus pugnare videtur; sanguis enim, eruptione jam finitâ, particulas inflammatas in corporis habitum eructasse putandus est, neque jam stimulis ad ulteriorem materiæ secretionem indigere: Ita ut, cum jam in habitu corporis, maturandisque Abscessulis rei cardo versetur, id tantum sit agendum *sanguinis* nomine, ut sc. sanguis ab halitibus calidis, à carne pustulis obsessâ retrò agendis, satus tectus conservetur; *Pustularum* verò, ut blando partium externarum calore ad maturitatem illæ perducantur. Jam verò, utut feliciter mihi cesserit hæc Methodus, uti priùs docui, in Variolis aliis *Confluentibus*, in istis tamen hujusce Constitutionis illa me fefellit, ita ut eorum plerique qui vehementius laborabant interirent, siue methodo jam à me laudata, siue regimine & Cardiacis calidioribus uterentur. Omnino itaque intellexi, desiderari adhuc aliquid præter ista, quæ vel ad compescendam sanguinis ebullitionem, vel ad pustularum elevationem, manuumque atque faciei intumescuntiam facerent; desiderari scilicet aliquid, quod Putrefactioni magis intensæ, quam in his Variolis præ cæteris quibusque observaram, vincenda par esset. In mentem mihi tandem venit *Vitrioli Spiritus* quem existabam utrique intentioni, tum Putredinis oppugnandæ, tum perdomandæ caloris ferociæ, satisfacere posse. Quamobrem Ægro sibi relicto, donec & dolor & vomituritio, quæ eruptionem præcedere solent, jam desinerent, & Variolæ conferto agmine prodirent omnes, tandem die *quinto sextove* dictum *spiritum* cerevisiæ tenui ad levem aciditatem instillatum, pro potu ordinario concessi ad libitum sumendum, liberalius verò, cum appareret Febris maturationis, quem Potum, donec perfectè convalesceret, imperavi usurpandum quotidie.

Hic spiritus, ceu morbo reverâ specificus, symptomata omnia ad miraculum ferè compescebat. Facies & maturius, & longè altius intumescerebat. Variolarum idterstitia, ad calorem magis rubrum, & Rosæ Damascenæ æmulum magis accedebant: Pustulæ quoque minutissimæ grandescerebant, saltem quantum ea species pateretur: Pustulæ etiam quæ aliter nigre comparuissent, hîc materiam quandam flavam & colore Favum referentem eructabant. Facies deinceps, pro nigra; colore flavo saturato ubique tincta conspiciebatur; Celerius maturecebant, atque tempore alia omnia diei unius aut alterius spatio, citius percurrerant. Hæc autem accidebant omnia, si liquorem nempe laudatum liberalius haurirent: Quapropter, quoties ægrum copiam subjugandis symptomatis debitam respuere animadverterem, spiritum istum, vel Syrupo aliquo in cochleari permistum, vel Aquæ Destillatæ cum Syrupo junctæ additum, subinde ingessi quo pensaretur sc. liquoris parcior usus.

Varia hujus Medicamenti commoda recensui, incommodi ne minimum quidem ex eo natum hæctenus potui deprehendere: Licet enim Salivatio die *undecimo decimove* ferè ab eo sistatur, cujus vicem per id temporis Dejectio-



nes aliquot subire solent; tamen ab his minus ægro erit periculi, quàm ab ista fuit; Quandoquidem, quod plus semel diximus, qui Variolis *Confluentibus* laborant, eo præcipuè urgentur discrimine quod saliva his diebus viscidior reddita fauces præcludat, cui quidem symptomati hoc in casu Diarrhœa succurrit, quæ vel sponte sua desinet, vel saltem, ubi nullum amplius à variolis periculum est, Lacte & Aqua mistis, & Narcotico assumptis faciliè compescitur.

Ægro interim in lecto jacenti, inclusis quoque brachiis, stragula præter solita adjici non patiebar; concessi etiam, ut ab hac in illam lecti partem se pro arbitrio transferret, ad sudores arcendos, in quos proclivissimus erat, hoc non obstante remedio. Jusculis interim avenaceis atque hordeaceis victitabat, nonnunquam & pomo cocto. Ultimis diebus, si vel langueret æger vel ægro-  
raret stomacho, Vini Canarini cochlearia tria quatuorve indulsi. Haustum verò Paregoricum jam à quinto sextove die singulis vespers temporius propinandum Adulto (Infantibus enim eo non erat opus; ] præscripsi; *Laudani Lique di 6. guttas 14. in Aq. fl. Paralyf.*

Die decimo quarto ægrum è lecto surgere permisi; vicesimo primo sanguinem è brachio educendum curavi, Catharticum deinde ad duas vel tres vices exhibui; quibus peractis ægri facies coloratior ac magis vivida conspiciebatur, quàm solebat eorum, quos hic morbus ita malè mulctaverat: Adde, quòd Methodus laudata vix patitur faciem cicatricibus deturpari, quæ ab humoribus calidis efferatitque proveniunt cuticulam rodentibus.

Die Julii 26. 1675. Vir Nobilis mihiq̃ue Amicus Dominus *Elliot* Regi à cubiculo, Domesticum è suis meæ curæ commisit, ferâ hâc Variolarum *Confluentium Nigrarum* specie propediem laboraturum: Habebat is annos octodecim circiter, temperamento erat admodum sanguineo, & in hunc morbum & nimia Computatione recens inciderat: Confluebant pustulæ densiore agmine quàm alias vidi unquam, ita ut nulla ferè inter eas intercapedo linqueretur, quâ distingui possent. Remedii hujus *Σχίσματος* confusus viribus, venam nullus secui, licet tempus quo accersebar, id mihi liberum faceret, atque etiam secare debuissim, cùm à nimia Vini ingurgitatione invitaretur morbus. Post Eruptionem finitam, die viz. quinto vel sexto, *Spiritum Vitrioli* in lagenas aliquot cerevisiâ tenui repletas jussi instillari, atque hunc Potum ordinarium concessi pro arbitrio sumendum. Die octavo ea sanguinis quantitas è naribus fluxit, ut Nosocoma hoc symptomate territa, me ocys accersendum putaret: Adveniens ego, cùm ab immodico sanguinis calore & impetu inusitato illud oriri animadverterem, Cerevisiam tenuem dicto spiritu imprægnatam uberius adhuc hauriendam imperavi, quo factò Hæmorrhagia dicto citius est coercita Salivatione satis copiosâ, faciei & manuum intumescentiâ, pustularumque augmento ritè procedentibus, morbus se satis feliciter expedivit; nisi quod ultimis diebus Dejectiones aliquot mucosæ sanguine æque interpellarent, quæ fortè nullum facessissent negotium, si venam, eo quo diximus nomine, mox accersitus aperuissim. Nihilominus nullo alio præsidio Dylen-  
teri-



teriam adoriebar, quàm Narcotico illo, quod aliàs etiam, si hoc symptoma non urisset singulis noctibus fuisset assumendum, quo vis ejus retusa erat donec evanescerent pustulæ; posteaque extractâ è brachio sanguinis quantitate satis largâ, Lactèque atque Aquâ affatim haustis, subito convaluit.

Eodem fere tempore quidam è meis vicinis Dominus *Clench* duos mihi liberos sanandos tradidit; quatuor annos habebat alter, alter adhuc lactebat, nec dum sextum mensem attigerat. Pustulæ utrisque perpusillæ erant, *Confluxiles* admodum, & ad Erysipelatis modum prodibant, generisque nigri dicti. *Vitrioli spiritum* utrisque in potu omni instillandum curavi, quem non obstante ætate, Junioris præsertim, tenellulâ, ne hilum averfabantur; quin & nullo symptomate graviore affecti convaluere illico. Amicissimus mihi vir, Dominus Doctor *Mapletoft*, utrosque mecum invisens, ætate majorem jam convalescentem reperit, minorem verò in cunis adhuc laborantem.

Animadvertendum est autem, quòd, sicuti Variolæ hujus Constitutionis quæ non confluebant, satis erant benignæ, ita neque remedio jam præscripto opus habebant; satis verò erat istâ eas Methodo tractare quam generi *Distincto* iam supra deberi docuimus.

Habes jam, Lector, quæ de *Variolis* mihi erant dicenda omnia; quæ licet non nemo fortasse parvi penderit pro sæculis genio, scio tamen ego haud parvo mihi labore, curâ atque industriâ, per multos annos continuos ea stetitisse; neque jam à me fuisse evulganda, nisi vicisset charitas in proximum, & studium aliis benefaciendi, vel pretio existimationis propriæ, quam satis intelligo à subjecti novitate gravandam fore. Neque tamen video, cur aliquem male habeat nova Methodus ei morbo medendi, cujus nec apud *Hippocratem* vestigium ullum, nec apud *Galenum* invenitur, (nisi quis forrè locus difficillimâ rationatione torqueatur,) cum quæ à Modernis adaptantur Curationes, a magnis illis rei Medicæ luminibus non institutæ, æquo jure ab his negliguntur, atque ab illis magnifunt.

Quin & pari ratione nemini mirum debet videri, si quid immutavero in ea Methodo, quâ expugnandæ sunt istæ Febres quæ ab iis pendent Constitutionibus, quæ Variolis Epidemicæ sunt; Etenim si in prioribus illis mundi sæculis Variolæ nusquam gentium comparuerint, sequitur neque istiusmodi Febres uspiam locorum extitisse unquam. Vero autem simillimum est, ne quid dicam audacius, Variolas nondum tunc temporis in rerum naturâ fuisse reperi-  
tas: si enim per antiquiora tempora perinde atque nunc dierum hic morbus invaluisset, sagacissimum *Hippocratem*, opinor, is nunquam latuisset; qui cum morborum Historias & clariùs intellexerit, & descripserit accuratiùs quàm Post-natorum quispiam, & hujus etiam descriptionem genuinam, atque simplicem pro suo more nobis reliquisset. Quocirca opinari mihi fas sit, morbos certas habere periodos pro occultis illis atque adhuc incompertis Alterationibus, quæ ipsius terræ accidunt visceribus, pro variâ sc. ejusdem ætate ac duratione: quodque, sicuti alii morbi jam olim extiterint, qui vel jam ceciderunt penitus, vel ætate saltem pene confecti exoleverint: & rarissimè com-



parent (cujusmodi sunt *Lepra* atque alii fortasse nonnulli;) ita qui nunc regnant morbi aliquando demum intercident, navis cedentes speciebus, de quibus nos ne minimum quidem harialari valemus. Hæc se ita res habere potest, quicquid de eâ videatur nobis *βραχυβίαις*, qui heri tantum nati sumus, cras forte interituri, neque quas de morbis Authores, vel antiquissimi, con-gesserunt rationes, ævi multò productioris, si cum Antiquissima mundi Epo-châ eæ conferantur.

## C A P U T. V.

*Tusses Epidemica Anni 1675, cum Pleuritide & Peripneumoniâ  
supervenientibus.*

Cum tempestas placida ac tepens, inò verò æstatis simillima, præter-  
solitum ad postremos usque *Octobris* dies perseveraret, Anno 1675, eam verò mox exciperet alia multum diversa, frigida scilicet atque humida subito ingruens, *Tusses* ubique numerosiores grassabantur quàm alio quovis, quod memini, tempore, nemini ferè parcentes, cujuscunque is fuerit sive æ-tatis, sive temperamenti, integras verò simul familias pervadentes. Neque numero tantum erant spectabiles (cùm quælibet hyems haud paucas nobis generet) sed etiam ob anceps illud periculum, in quod eos, quos affecerant, per accidens conjiciebant. Cùm enim *Constitutio*, & jam, & per Autum-num omnem modò elapsam, in producenda Febre Epidemica supra descri-  
ta omnes nervos intenderet, cùmque jam nullus existeret morbus alius Epi-  
demicus, cujus contranisu hujus vires aliquantisper possint refringi, *Tusses* istæ Febri sternebant viam, atque in eam quàm libentissimè commigrabant. Interea, quemadmodum *Tussis* Constitutioni opitulabatur in Febre produ-  
cenda, ita etiam Febris occasionem ex *Tussi* natam arripiens, jam *Pleuram* ac *Pulmones* haud aliter invadebat, ac caput invaserat vel septimanâ illâ, quæ harum *Tussim* exortum fuerat prægressa; Quæ tam improvisa symptomatum mutatio nonnullis, qui minus diligenter adverterant animum, ansam præ-buit, Febrem hanc pro *Pleuritide Essentiali*, aut *Essentiali Peripneumoniâ* habendi, licet eadem omninò illa maneret atque fuerat per integram hanc Con-  
stitutionem. Nunc enim, uti prius semper, cum dolore Capitis, Dorsi, atque Artuum quoslibet aggrediebatur; quæ symptomata omni ubique hu-jusce Constitutionis Febri conveniebant. Materia tantum Febrilis, cùm sti-mulante *Tussi* in *Pleuram* ac *Pulmones* uberius deponeretur, symptomata di-  
ctas partes attinentia excitabat; attamen Febris quantum mihi licuit observa-re, eadem prorsus cum illa fuit, quæ ad eum usque diem fuerat depopu-lata quo hæ *Tusses* primùm comparebant; quin & remedia quibus promptis-simè parebat, idem planè demonstrabant. Et quantumlibet lateris dolor pun-  
ctorius, spirandi difficultas, color detracti sanguinis, & reliqua signa Pleuri-tidi familiaria, *Essentialem Pleuresin* subesse innuere, non aliam ra-



men medendi methodum postulavit hic morbus, quàm quæ Febri hujus Constitutionis quadrabat, ab illa verò quæ Veræ Pleuritidi conveniabat, abhorrebat admodum, ut ex infrà dicendis liquebit. Addo, quòd cùm Pleuritis, quoties est morbus primarius, eo plerumque anni tempore soleat invadere quod inter Ver atque Æstatem ambigens, utriusque quasi fibula est; hic morbus aliendò prorsus sydere natus, pro symptomate tantùm Febris, quæ isti anno propria fuit, ducendus est, atque accidentalis Tussis sobole.

\* Ut ad eam methodum ritè procedam, quam hujus Anni Tussibus, tum etiam istis quæ aliis annis contingunt, (modò ab iisdem causis nascantur) deberi monuit experientia, animadvertendum est; effluvia ista, quæ à sanguinis malsâ per insensibilem transpirationem ablegari solent, à frigore cutis spiracula subitò contrahente intrò verti, & in Pulmones deponi, quos irritando, Tussim mox excitant. Cùmque hoc pacto detineantur calidæ istæ & recrementitiæ sanguinis exhalationes, quo minùs per cutis poros exeant, Febris in sanguinis malsâ facilè accenditur; ubi scilicet vel tanta est halituum copia, ut pulmones iis eliminandis haud sufficiant, vel calore adventitio sive Remediorum: sive Regiminis justò calidiorum quasi adjecto oleo ignis augetur, & qui in Febrim jam plus satis erat proclivis in eandem præceps agitur. Verum enimverò, qualiscunque fuerit Febris Stationaria, quæ illum annum funestat, atque per id temporis dominatur, Nova hæc Febris statim in ejus nomen ac familiam adoptatur, ejusdem ubique genio obsequens, licèt symptomata quædam adhuc retineat, à Tussi, quam habuit parentem, pendentia; Ac proinde satis constat in Tussi qualibet ex hac προφάσι natâ, non tantùm ipsi morbo, sed & Febri, quæ Tussi huic paratissima accedit, occurrendum esse.

Hâc innixus basi, iis qui meam implorabant opem hoc modo succurrere conabar. Si Tussis nondum Febrim, atque alia symptomata, quæ ut plurimum se adjungere solere diximus, accersiverat, satis esse arbitrabar, ægrum à carnibus & liquoribus spirituosus quibuscunque arcere, hortabar item ut exercitiis uteretur moderatis, & frueretur aurâ liberiore, Ptisanam Pectoralem refrigerantem subinde hauriens. Sufficiebant nimirum paucula hæc & ad Tussim perdomandam, & Febrim, aliaque symptomata quæ illam comitari solebant, præveniendâ. Sicut enim abstinentiâ à carnibus, & liquoribus spirituosus, tum etiam refrigerantium usu ita contemperabatur sanguis, ut impressioni Febrili ineptior esset; ita etiam exercitii ope fervida illa sanguinis effluvia, quæ, quoties corporis Pori à repentino frigore occluderentur, intro acta Tussim excitabant, viâ sibi naturali ac genuinâ exhalabant opportuniùs, & cum bonis ægri rebus diffabantur.

Tussim quod spectabat sedandam; haud vacabat Periculo Narcoticis atque Anodynis illam aggredi; nec minus periclitabatur, si quis liquoribus spirituosus calidisque medicamenti idem moliretur, cùm utroque modo inviscatâ, atque induratâ Tussis materiâ, halitus isti, qui à sanguine placide ac sensim discedentes tussiendo in auras evanescerent, jam exitu negato, in cruoris massa præ-



præclusi Febrim ibidem ciebant. Atque hoc sæpenumero non paucis è vulgo inconsultioribus pessimè cessit, qui cum spiritu vini ustulato aliisque calidis liquoribus Tussi obicem ponere niterentur, Affectus Pleuriticos & Peripneumonicos invitabant, atque insanâ hâc sapientiâ morbum suâ naturâ levissimum & facilè sanabilem, in periculosum ac sæpè lethalem transformabant: Nec minus hallucinabantur (licet magis cum ratione insanire viderentur) qui provocatis sudoribus morbi causam exterminare volebant: Quamvis enim non diffiteamur, sudores sponte prorumpentes haud rarò præ ceteris quibuscunque præsiidiis causam morbificam expellere, liquet tamen, nos, dum in iis extorquendis sumus, sanguinem incendere, & quem servare volumus ægrum letho dare posse.

Quandoque verò, non tantum ubi minus ritè tractaretur morbus, quo scil. supra descripsimus modo, sed etiam nonnunquam suâ sponte [maximè in delicacioribus ac tenellulis] nunc statim ab initio, nunc post diem unum aut alterum, Tussi superveniebat calor ac frigoris vicissitudo quædam, capitis, dorfi, atque artuum dolor, ad sudores nonnunquam propensio, noctu maximè (quæ omnia pariter Symptomata Febrim hujus *Constitutionis* plerumque sequebantur;) quibus sæpè adjungebatur lateris dolor, nonnunquam etiam Pulmonum quasi constrictio coarctatioque, unde difficulter spirabat æger, inhibebatur Tussis, excitabatur Febris vehementior.

*Febri*, & pessimis ejus symptomatis rectissimè, [quantum accuratè factâ observatione mihi constitit] occurrebatur venæ-sectione in brachio, & Epispastico Nuchæ applicato; Clystere item quotidie injiciendo. Ægrum interim monebam, ut singulis diebus ad horas aliquot lecto absteret, abstineret à carnibus, nunc Cerevisiam tenuem, nunc Lac Aquæ permistum, nunc Prisanam aliquam Refrigerantem ac Lenientem sorberet. Elapso jam biduo triduo, si nondum minueretur dolor lateris, sed adhuc vehementer urgeret, sanguinem secundo detraxi, & ut in usu Enematum persisteret adhuc, suasi. Enemata autem quod attinet, diligenter advertendum est (tàm in hac, quàm in aliis Febris) ea, jam fractis morbi viribus, & retusâ acie, non diu & continuo repetenda esse, maximè in Fæminis Passioni Hystericæ obnoxiiis, aut Viris Hypochondriacis; cum talium sanguis atque humores *ευμετάβλητοι* sint, ac nullo ferè negotio exagitentur atque æstuent, unde perturbatur corporis œconomia, & symptomata Febrilia etiam ultrà solidam periodum ægros discruciant.

Sed ut ad rem revertamur, dum hoc pacto spatium morbo concederemus, quo sanguis calidas illas particulas, quæ in Pleuram ac Pulmones impegerant, sensim excuteret, symptomata universa placidè solebant evanescere; cum qui morbum ferocius atque hostili manu aggrediebantur, ingenti remedium molimine bellum inferentes, vel suos Ægros amitterent, vel saltem Phlebotomiâ sæpiùs repetitâ quàm vel postulabat morbi genius, vel etiam tutò ferebat, eorundem vitam redimere cogerentur. Cum enim in verâ Pleuritide Venæ-sectio repetita omnem numerum absolvat, solaque ad Curationem sufficiat, [modò non obstiterint medicamenta & regimen calidiora, quæ contrà mi-

litant



litant Jex adverso in hoc symptomate satis erat semel vel ut plurimum bis venam secasse, modò ægro concederetur ut è lecto exurgeret, & potu refrigeranti uteretur, Nulla autem cogebat necessitas, si bene observaverim, sanguinem sæpius educere, nisi ubi à calore foris accedente admodum intenderetur dictum symptoma; neque etiam in hoc casu periculo id omnino vacabat.

Hanc jam nactus ansam, paucula de eo dicam quod omnium ore tritissimum est, *Pleuresin* scilicet quandoque ita *Malignam* reperiri, ut per eos annos Phlebotomiam ferre nesciat, saltem toties repetitam quoties hic morbus communiter deposcit. Censeo quidem *Pleuresin* Veram atque *Essentialem*, quæ, ut posthac dicetur, omnibus annorum omnium Constitutionibus indifferenter infestat, omnibus indifferenter annis Venæ-sectionem pariter repetitam indicare; aliquando tamen accidere ut Febris ejus anni propriè Epidemica, à repentinâ aliquâ manifestarum aëris qualitatum alteratione, materiam morbificam in Pleuram aut Pulmones libenter deponat, ipsaque Febris nihilominus eadem prorsus maneat. In hoc casu, etsi Venæ sectio possit concedi ut huic symptomati, si multum sæviat, occurratur; generaliter tamen si loquamur, non multò plus sanguinis symptomatis ratione educendus est, quàm Febris nomine debuerat educi, à quâ pendet istum symptoma: Namque si hæc ejus sit indolis ut à repetita Venæ-sectione non abhorreat, potest ea repeti in Pleuritide quæ ejusdem symptoma est; at verò si Febris repetitam Venæ-sectionem respuat, neque juvabit ista, imò & nocebit in Pleuritide, quæ cum Febre stabit cadetive. Hoc autem modo serres habuit, me saltem judice, in *Pleuritide Symptomaticâ* quæ Febrem comitabatur hoc in loco grassantem quo tempore subingrediebantur *Tusses*, hæc nimirum hyeme 1675. Atque hoc quidem mihi ideo reticendum non erat, quod existimem dubio illum tramite errare, atque incerto duci filo, qui in Febrium Curatione non continenter ob oculos habet anni *Constitutionem*, quatenus huic aut alteri morbo Epidemicè producendo faver, cæterisque morbis omnibus unâ concurrentibus in ejus similitudinem ac formam detorquendis.

Novembri anni præfati, Dominum *Thomam VVindham*, Domini *Francisci VVindham* Equitis filium natu maximum, hæc Febre laborantem tractabam. Querebatur is de lateris dolore, aliisque symptomatis, de quibus cæteri hoc morbo affecti. Venam haud plus semel tundendam curavi, Epispasticum Nuchæ apponi, Enemata quotidie injici; nunc Præsanas atque Emulsionem refrigerantes, nunc Lac Aquæ immistum, nunc Cerevisiam tenuem propinavi, suasi ut lecto abstereretur quotidie ad horas pauculas, quâ methodo intra paucos dies restitutus est, & celebratâ Catharsi omnino convaluit.

Notandum autem est, quòd tametsi symptomata hæc, quæ tussi supervenire solerent, ea propè essent, quæ hanc hyemem funestabant, attamen tussis ipsa sine illis sola invadens, eâ tempestate magis dominabatur. Hujus autem medela neque venæ-sectionem, neque Clysteres sibi vendicabat, modò febris à regimine vel medicamentis calidioribus non excitaretur. Cùm satis erat ad eam compescendam ægro liberioris aëris foras usum concedere, & carnis



esum, ut & vinum ac id genus liquores spirituosos, qui Febri ansam præbeant, omnino interdiceret. Porro *Tabellas* sequentes sæpiusculè devorandas imperavi; quæ quidem ad ruses à frigore susceptas coercendas omnibus aliis, quæ mihi adhuc innotescunt, longè præcellunt. *℞. Sacchar. Cand. ℥iij. Coq. f. q. aq. communis usque dum adherescat extremis digitorum: tum adde pulv. Liquirit. Enul. Campan. sem. anisi & sem. Angelic. an. 3℔. pulv. Irid. & flor. Sulphur. an. ʒij. ol. chym. sem. anisi ʒi. f. s. a. tabella, quas secum continuo portet, ac earum unam frequenter assumat.*

At priusquam his, quæ de morbis Epidemicis disserui, ultimam imponam manum, Objectioni, quam contra eorum nonnulla adferendam prævideo, occurrendum mihi est, quòd nempe non satis cum *malignitate* istâ pugnare videantur, quæ pluribus horum morborum adhæret. Non is sum, qui receptam à Viris doctissimis, sive hujus seculi, sive antiquioribus, de malignitate opinionem convellere aut possim, aut etiam velim, cum ista indiciis plus satis se prodar manifestis, in Epidemicis plerisque. Liceat mihi tantum quæ de ejus naturâ sentio in medium proferre, quò hæc nostra Praxis minùs à ratione abhorrere videatur. Ipse enim cum eruditissimo *Scaligero*,

*Non mihi, sed Rationi, aut quæ Ratio esse videtur.*

*Milito; securus quid mordicè hic tenet, aut hic.*

Censeo itaque ego *malignitatem* eam omnem quæ Epidemicis competit, (quâvis tandem fuerit specifica ejus natura,) particulis calidissimis ac spirituosissimis, humorum in humano corpore contentorum naturæ plus minusve adversantibus, consistere ac terminari; quia solæ istiusmodi particulæ humores ita subito alterare valent, atque in morbis malignis fieri videmus. Censeo item calidas illas & spirituosas particulas assimilando maximè agere; Cum ex naturæ lege quodlibet Principium Activum sui simile procreare satagat, & quæ ei cunque obstitunt ad propriam indolem inflectere atque accommodare, Ita ignis ignem generat, & maligno infectus morbo socium inficit, spirituum sc. emissionem, qui humores mox inficiendos sibi assimilant, & in naturam suam perducunt trahuntve.

His præmissis, omnino sequitur nihil esse prius quàm ut dictæ particulæ sudore eliminentur; hoc enim modo morbus confestim funditus extirparetur: At hîc reclamationem experientia, docetque hoc in omni *malignitatis* specie fieri non posse. Quamvis enim in ipsâ *Peste* particulæ pestilenciales, tum quòd admodum fuerint subtiles, tum etiam quòd sanguinis partibus maximè spirituosissimis insideant, dissipabiles sint, atque excitato sudore non interrompendo ejici queant; in aliis tamen Febribus, ubi particulæ assimilantes non in eam subtilitatem sunt evectæ, atque etiam humoribus magis crassis incorporantur, minè illa maligna non tantum sudoribus diffilari non potest, sed sæpenumero etiam augetur, quibus isti sollicitantur, Diaphoreticis. Quantò enim magis usu calefacientium adjuvantur particulæ hæc calidæ ac spirituosæ, tantò magis in-



cenditur ea quam habent affimilandi facultas, quantoque etiam magis excale-  
fiunt humores isti in quos agunt, tantò libentius in affimilantium castra mi-  
grant, earundem impressionibus cedentes. Cùm ex adverso ratio dictare videa-  
tur, medicamenta illa quæ contrariæ sunt naturæ non tantùm particularum ca-  
lidarum atque acrium vim inhibere, sed etiam humores condensare obfirma-  
reque, quo spirituum morbificorum fortiùs sustineant impetum, vel etiam  
frangant. Atque appellanda hic mihi venit *Experientiâ*, quâ magistrâ edo-  
ctus sum & *Purpureas* Februm maculas, & *Variolarum* pustulas nigras, eò  
promptius sumplisse incrementum, quò magis calefieret æger, easdem verò  
pro ratione moderationis regiminis, quod iis omnino debetur, decrescere so-  
lere ac minui.

Jam si quis me roget, qui fiat ut, cùm *malignitas* in ejusmodi particulis  
calidis ac spirituosis consistat, haud rarò ita parca Febris signa conspiciantur,  
etiam in morbis summè malignis; responderem percontanti, Primò in præcipuâ  
illâ, & maximè insigni malignitatis-instantiâ, ipsâ *Peste*, abunde constar  
particulas eas ita supra modum subtiles esse atque aculeatas, ( præsertim  
ubi primùm incipit grassari ) ut auræ ad instar sanguinem pervadant, ac syde-  
ratis quasi ejus spiritibus, ne in Ebullitionem quidem illum attollant, unde  
æger sine Febre perit.

At verò in minori isto malignitatis gradu qui in aliis Epidemicis reperitur,  
symptomata Febrilia ita parum conspicua redduntur, nonnunquam à confu-  
sione in sanguine atque humoribus excitatâ à particulis inimicis eorum in gre-  
mio conclusis; unde natura quasi oppressa non potis est symptomata illa  
magis regularia exercere quæ morbo competunt, at anomala sunt *Φαινόμενα* |  
fere omnia ob *ἀνομοπίαν* penitus everfam dirutamque; quo in casu deprimitur  
sæpe Febris, quæ obtinente genuino naturæ ductu, omnino vigeret. Quan-  
doque etiam pauciora se ostendunt Febris indicia quàm pro morbi genio, ob  
metastasin mineræ malignæ vel in Genus Nervosum factam, vel in alias partes  
corporis, vel etiam humores extra sanguinis pomeria, dum turgeret adhuc  
materia morbum committens.

Quicquid verò id fuerit, ne hariolari quidem possum quænam alia Meden-  
di Methodus *malignitati* qualicunque adhibenda sit, præter eam quæ Epi-  
demico, cui inhæret, debetur. Ita ut sive Epidemicus de eorum numero  
sit, qui primò Concoctionem materiæ Febrilis, mox ejusdem ritè dispositæ  
eliminationem per sudores sibi vendicant; vel eorum, qui per eruptionem  
aliquam fugam sibi quærunt; vel etiam eorum, qui ab artis præsidio viam  
sibi aperiendam præstolantur, in singulis his, inquam, generibus, *Maligni-  
tas* morbi comes, cum ipso morbo stabit cadetque, pari usa fortunâ, &  
pari etiam passu recedens; atque ex consequenti, quæcunque evacuatio Febrī  
in genere competit, eadem & malignitati debetur: quantumlibet evacua-  
tiones istæ sibi invicem fuerint contrariæ. *Malignitati* itaque isti quæ *Febres  
Autumnales Intermittentes* comitatur, uti & *Febrem Continuum*, quæ ejus-  
dem est indolis, medebitur Diaphoresis, quæ concoctionem subsequitur ceu



ejus effectum. *Variolarum malignitati* subveniet tempeſtiva *Absceſſulorum* maturatio, atque ita de reliquis; in quibus omnibus, & peculiaris *malignitatis* ſpecies iſtis præſertim modis ac methodo illâ optimè ſuperatur, quibus libentiſſimè cedunt peculiareſ iſti morbi ad quos illa ſpectat, ſive hâc methodo procedendum fuerit, ſive alterâ. Hoc mihi dicat ratio, niſi pro *Junone* nubes, atque huic etiam *Experientia* jugiter ſuffragatur.

## CAPUT. VI.

## Anacephalæosis.

**A**Tque ita demùm animadvertimus, ſpatium illud annorum, quo finiuntur prægreſſæ obſervationes genera *Conſtitutionum* omnino *Quinque* peperit; *Quinque* nimirum peculiareſ aeris *Diatheſes*, totidem *Epidemicorum* ſpecies peculiareſ, *Februm* nominatim, producentes: *Februm* autem harum prima, quæ iis annis infeſtabat quibus *Intermittentes Autumnaleſ* maxumè graſſabantur, unica mihi videtur, (quantum obſervatione diligenti fidâque hætenus aſſequi potuero) in quâ *Natura* ita omnia ſymptomata moderabatur, ut materiam *Febrilem* debitâ *Coditione* præparatam certo ſuo tempore ad exitum diſponeret, vel per juſtam *διὰ φύσιν*, vel *διὰ νόον* paulo liberaliorem, (quæ idcirco *Febris Depuratoria* mihi audit.) Et proſectò facilè adducor ut credam, præcipuam hanc eſſe atque *Primariam Naturæ Febrē*, tum ob regularem illam methodum, quâ utitur in promovendâ materiâ morficâ eâdemque præſinito tempore digerendâ; tum etiam quia hæc *Febribus* aliis quibuslibet frequentior occurrit, cùm credibile ſit *Febres Intermittentēſ* *Epidemicè* ſæpiùſ graſſari, quàm alios morbos quocunq̃ue, ſi illis nempe habenda ſit fides, qui de earum frequentîâ in ſeculis jam elapſis tot & tanta ſcripſerunt; quicquid demùm in cauſa fuerit quòd ita raræ comparuerint, à quo *Peſtis* hanc urbem eſt depopulata: Enimverò *Febris hæc Peſtilentialis Inflammatoriis* iis omnibus, quæ poſt invaſere, ſe ducem præbebat, ac *ἐπὶ πόρον*. *Febrī* autem iſti *Primaria*, de quâ ſuprà, adaptantur, ni fallor, illuſtria illa, atque neceſſaria *Axiomata*, quæ tradiderunt *Hippocrates*, aliique medici antiqui; quorum ope ita illa eſt regenda, ut præparet̃ur materia *Febrilis* ad *Criſin* per ſudores ritè faciendam: Neque enim ſatis video; quī poſſint accommodari dicti *Aphoriſmi* ſubſequentibus iſtis *Februm* ſpeciebus, quæ diverſam longè habent indolem; & rarò ejuſmodi *Methodo* aliquâ ſolvi ſolent, quâ nos adjuti, ſi ad eam accedamus ſcilicet, eamque perficiamus morbos hoſce ſubjugare poſſimus. Ut ut verò hæc ſe res habeat, notatu dignum eſſe autumo, quòd cùm *Febris hæc*, quæ ab illa *Conſtitutione* pendeat qua *Intermittentēſ* cæteris prædominabantur, (ſi vel diutiùſ perſiſteret, vel æger nimis evacuationibus fuerit exhaustus) tubinde in *Intermittentium* caſtra deſacili tranſiret; iſtæ *Febres*, quæ ſequentes funeſtabant annos, etiamſi diutiſſimè cruciarent, rariſſimè tamen *Intermittentēſ* fierent; indicio ſatis manifeſto



eam *Febrem Continuum* atque *Intermittentes* istas, vel natura quadantenus convenire, vel non multum ab invicem abhorrere.

Jam si quis à me percontetur, quo demum pacto *Febris Continua* speciem ex notis in Februm descriptionibus à me traditis queat expiscari, cum plurimque singulæ iis implicentur symptomatis, quæ omnibus in genere competunt Febribus, (cujusmodi sunt calor, sitis, inquietudo, &c.) Huic ego responderem, difficile id quidem esse, at non planè impossibile, modò quis seriò atque ad amussim exegerit circumstantias eas omnes quas in Historia præcedenti indigiravimus; maximè si in urbe aliqua, aut loco alio hominibus referto, examen instituat. Ponamus enim Medicum ad *Febre Continua* laborantem accersiri, id primo habet adminiculi ad judicium rite formandum, quod vel ex observatione propria, vel aliis indicantibus facile resciscat, quoniam alii morbi præter hanc *Febrem*, & cujus demum generis, eo locorum Epidemicè grassantur; quo cognito non ampliùs dubitabit cujus generis esse debeat *Febris* ista, quæ huic alteri Epidemico regnanti famulatur. Quamvis enim fieri possit ut *Febris* iis tantum se prodat symptomatis, quæ omnibus omnino Febribus sunt communia, (præsertim si in ἀταξίαν & confusionem agatur à Methodo quæ ab ejus curatione proflus aliena est) alii tamen Epidemici characteres naturæ atque indoli suæ proprios ac peculiare apertissimè agnoscent. Verbi gratia, qui *Variolas* inspexerit, facile conjectabit, (modò ejus morbi Historiam probè calleat) vel a die quo primùm erumpunt Pustulæ, vel ab earum magnitudine, atque colore, &c. ad quodnam Variolarum genus species illa particularis fuerit referenda: atque ubi semel cognoverit quænam sit illa Variolarum species, quæ eo anno atque per loca ista increbrescit, satis illi constabit de specie *Febris* cujusvis per id temporis, atque eo locorum grassantis. Et sanè si morborum Historias ad unguem perdidicissem [quam ego mihi laudem minimè sumo] sicuri Epidemico quovis conspecto non dubitarem de *Febris* tum regnantis genere pronunciare, licet ne unam viderim quidem; ita *Febris* quælibet conspecta, quisnam ei jungeretur Morbus Epidemicus, me satis doceret, an *Variola* scilicet, vel *Morbilli*, vel *Dysenteria*, &c. Cum tam peculiare aliquod horum genus, quàm *Febris* peculiaris, particularem quamlibet Constitutionem jugiter comitetur.

Secundò autem, præter indicia illa quæ Epidemicorum unà invadentium consideratio nobis suggeret, & ipsa cujuslibet *Febris* symptomata ad ejusdem speciem dignoscendam, haud obscuram lucem foenerantur. Quamlibet enim, ut supra innuimus, Febres in universum omnes quædam habent symptomata omnibus communia, sunt tamen & certæ aliquæ Distinctionis notæ quas singulis speciebus sigillatim impressit Natura; quæ cum subtiliores sint ac magis reconditæ, non nisi a cautissimis, & minutissima quæque perscrutatim trutinantibus erui solent, aut investigari. Inter hæc signa distinguenda semper existimavi ego, ægri sive sudationem, sive siccitatem in hoc vel illo morbi tempore, *Febris* speciem præcipuè & præ cæteris demonstrare, modò illa à statu naturali ac suo, Methodo minùs congruâ non fuerit dejecta. Atque hoc ip-



sum liquidò mihi constabat in Febris omnibus Epidemicis, quotquot observationes hæ nostræ hæctenus complectuntur. Exempli gratiâ, iis in Febris quæ vigeant exolefcente *Intermittentium Autumnalium* prædominio, ægri externa arescebant, nec vel minima sudoris præsignatio ante materiæ Febrilis concoctionem, quæ die decimo quarto plerumque perficiebatur, in conspectum se dabat. Neque etiam cieri hic poterat sudor sine ingenti ægrorum discrimine, qui in Phrenesin, aliaque symptomata periculosissima mox à coacto sudore præcipitabantur. In *Febri Pestilentiali*, quæ hanc quidem subsequuta est, [*Inflammationum* autem omnium quæ ab illo tempore invasere, chorum duxit] nulli sudores sponte suâ prorumpébant, at à sudorificis excitari poterant vel primis morbi diebus, atque iis semel obortis æger nullo non symptomate levabatur. Febre proximè succedente quæ *Variolas* iis annis comitabatur quibus illæ *Regulares* erant, æger suâ sponte effusissimis sudoribus totus dimanavit, vel à morbi initio; at qui istis indulgebat æger, intendebat illicò symptomata omnia, haud mitigabat. In binis Febris quæ duabus *Variolarum Anomalarum* speciebus, atque *Dysenteris* se comites adiungebant, & sudores Anomali etiam fuere; at plerumque solis primis diebus exeuntes, licet qui primam Febrem comitabatur sudor, quàm qui posteriorem, aliquantisper esset copiosior, sed in neutrâ emolumento fuit ægro, cum non à præviâ Concoctione sed à confuso particularum noxiarum motu is eliceretur.

Arduum verò id mihi imprimis videtur, Novæ Febris speciem, vertente primùm anni *Constitutione* indagare, cum necdum specimen ejus aliquod quis oculis usurpaverit, nec dum resciverit, qualesnam demum sint futuri morbi Epidemici, quos ut plurimum Febris prævertit. Molestum esset singula enumerare quæ iis annis, de quibus egi, occurrebant, quò liqueret anfas haud obscuras à natura nobis suggeri, quibus adjuti hoc præstare valeamus; ac proinde Cognitio hæc à perdiligenti atque accuratissimâ Circumstantiarum omnium observatione necessariò pendebit: Quamtuilibet autem difficile id fuerit, imò si & impossibile planè supponamus, Novæ Febris, ubi primum ingreditur, speciem certò distinguere; tamen ad Curationem quod attinet, Indicatio à *Juvantibus* & *Ledentibus* sumenda, nobis saltem relinquitur; cujus ope viam pulatim prætentantes ægrum in tuto possimus collocare, modò ne plus satis properemus; quâ quidem *festinatione* nihil ego quicquam exitiusius esse autumo, nec re ulla alia Febricitantium plures vita spoliari. Neque pudet fieri, me non semel in curandis Febris, ubi nondum constaret quid mihi agendum esset, nihil prorsus agendo & mihi & ægro consuluisse optimè, dum enim morbo invigilarem, quò eum opportunius confodere valerem, Febris vel sponte sua sensim evanuit, vel in eum se Typum redegit, ut jam mihi innotesceret quibus armis esset debellanda. Sed, quod dolendum omnino est, ægrorum quamplurimi, haud satis gnari quòd perinde sit Medici periti quandoque nihil agere, atque alio tempore efficacissima adhibere remedia, probitatis atque fidei fructum hunc capere nolunt, sed vel negligentia vel ignorantia id impu-



tant; cum Empiricorum insulsiſſimus quilibet medicamenta medicamentis ad-  
jicere æquè novit, ac ſolet magis quàm Medicorum prudentiſſimus.

Hæc ſunt ferè quæ hætenus obſervavi, ſaltem quæ ad normam aliquam re-  
duci potuerint, de *Morborum Epidemicorum* ſpeciebus, atque ordine illo  
quo invaſere ab anno 1661. ad finem uſque anni 1675. Quo quidem tempore  
*Variolæ*, & *Febres Continuæ* earum Comites, quæ fermè à biennio dominatæ  
ſunt, mitiores jam factæ videntur exoleſcere. Qui poſt ſequentur morbi, ſolus  
novit, qui novit omnia.

## SECTIO SEXTA.

### CAPUT I.

#### *Febres Intercurrentes.*

**O**bfervationes annorum, quos jam deſcripſi, ſatis arguunt Februm alias  
*Stationarias* meritò audire, ejuſmodi Febres intelligo, quæ, cum à  
particulari quadam, at nondum ſatis cognita hujus aut alterius anni *Conſtitu-  
tione* pendeant, ſingulæ ſuo ordine invaleſcunt, graſſantur admodum, &  
quaſi cæteris dominantur per continuam illam annorum ſeriem. An dentur  
etiam aliæ ſpecies præter jam dictas: An etiam exacto quodam annorum cur-  
riculo, aliæ alias certo ac conſtanti ordine excipiant, an ſecus ſe res habeat  
nondum mihi licuit deprehendere. Sunt verò & aliæ *Febres Continuæ*,  
quæ licet jam parcius, jam inclementius ſæviant & depopulentur, tamen cum  
*Stationarum* quibus libet, ut etiam & ſecum invicem eodem anno indifferen-  
ter commiſcentur, quas idcirco *Intercurrentes* appellandas cenſeo. Quid tam  
de illarum ingenio, quàm de Methodo Medendi eiſdem adhibendâ, hæte-  
nus obſervando didici, in ſequentibus tradam. Sunt verò, *Febris Scarlati-  
na. Pleuritis Peripneumonia Notha. Rheumatismus. Febris Eryſipelatoſa.  
Angina.* Et fortè aliæ quædam.

Jam verò cum univerſos hoſce morbos, vel adhuc commiretur Febris, vel  
ſaltem fuerit comitata, donec exonerata in partes ſive has ſive illas, pro morbi  
ratione, materiâ Febrili, ſibi exitum invenerit; nullus dubito Febrẽ ipſam  
pro morbo primario habendam, reliquosque affectus à quibus ut plurimum  
morbi iſti nomen mutuuntur, ſymptomata eſſe, quæ vel peculiarem *negotiorum*  
modum, vel partem, in quam ruit morbi vis, præcipuè ſpectant. Verum  
modò de re conveniat, nullam de nominibus movebo litem; mihi integrum  
fuerit morbum hoc vel illo nomine designare, pro arbitrio meo.

Animadvertendum eſt, quòd ſicuti *Febres Stationariæ*, de quibus ſuprà e-  
gimus, magis minùſve Epidemicè infeſtant, quod jam diximus, prout anno-  
rum *Conſtitutio* in ſecretâ atque inexplicabili aeris temperie fundata, eiſ-  
dem



dem faver, ita etiam *Intercurrentes* hæ nonnunquam, licet non ita frequenter atque istæ, Epidemicè grassantur. Quamvis enim plerumque oriantur ab hac vel illa particulari corporum particularium ἀνωμαλία, quâ sanguis atque humores quoquo modo vitiantur, aliquando tamen originem debent suam mediatè quidem causæ alicui Generali in aere, manifestis qualitatibus hominum corpora ita disponente, ut exinde tales talisque sanguinis atque humorum dyscrasiæ generentur, quæ *Intercurrentium* ejusmodi *Epidemicarum* causæ fuerint immediatæ. Uti cum Gelu acrius diu perseveraverit, se in Veris usque pomeria longius extendens, derepente autem calidior tempestas succedat, *Pleuritides Angina* similisque morbi alii solent invadere, qualiscunque demum fuerit *Constitutio* annorum *Generalis*. Et quoniam hi nonnunquam Epidemicè grassantur perinde atque alii isti, idcirco ut hos ab illis Febribus dispescam, quæ ad certam annorum seriem determinantur, omnibus indifferenter annis communes *Intercurrentes* appellare libet.

Quanto autem à se invicem intervallo dissideant duo hæc Febrium Genera, quantum ad causas ab aere subministratas, quoad alias tamen causas externas, ac Procatarcticas spectat; sæpenumerò conveniunt. Ut enim jam mittamus Contagium, quod quidem nonnunquam Febrium Stationariarum aliquibus ansam exporrigit, & crapulam taceamus, quâ matre profeminantur tum istæ Febres, tum hæ etiam de quibus jam ago; causa evidens externa Febrium quamplurimarum inde petenda est, quod quis scilicet vel præmaturiùs vestes abjecerit, vel ab exercitio incalescens se frigori incautiùs exposuerit; unde Poris subitò occlusis, retentisque iis halitibus, quibus aliàs per cutis spiracula patebat exitus, hæc vel illa Febris species in sanguine succenditur, prout vel *Generalis Constitutio*, quæ tum temporis obtinet, vel particulares humorum dyscrasiæ in hanc vel illam Febris speciem potentiùs determinaverint, Et sanè existimo plures modo jam designato, quàm *Peste*, *Gladio*, atque *Fame* simul omnibus perire: Etenim si quis ægrum Medicus de primâ morbi occasione paulò minutiùs interrogaverit, (modò ex Acutorum istorum numero sit quos suprà tractavimus) audiet quasi semper, vel eum vestem aliquam temerè deposuisse cui pridem assueverat, vel corpus motu excalefactum subitò frigori permisisse, atque ex alterutrâ harum ἀποφάσει incidisse in morbum. Quam ob causam familiares meos semper moneo, ut nullo alio anni tempore quicquam vestium, quibus assuevere, sibi detrahant, nisi mense uno ante *Solstitium Æstivum*: Nec minori cum studio eosdem horror, ut ab exercitio calescientes frigus sedulò evitent.

At verò diligenter hîc loci notandum est, quod licet morbi isti, qui sub *Intercurrentium* titulo jam mihi tractandi veniunt, plerique, si non omnes, *Essentiales* fuerint morbi, sæpenumerò tamen *Affectus* quidam, tum eos quoad Phænomena referentes, tum eodem etiam insigniti nomine, istis Febribus superveniunt quas *Stationarias* appello, & sunt nuda earum *symptomata*: Quo in casu non jam illa Methodus adhibenda est, quæ iis debetur quod morbi sunt *Essentiales*, at ista potiùs quam sibi postulat Febris cujus nunc



sunt symptomata , ad quorum quidem curationem ea leviter tantum inflectenda est: In genere autem ad Anni Febrim serio attendendum est, investigandumque quo illa pacto facillime expugnari possit , Venæ sectione , an sudoribus , vel aliâ methodo qualibet. Hoc si susque deque habeatur, cum ingenti ægrorum discrimine persæpe errabimus. Si quis objecerit hos ipsos Affectus, quos ego Essentiales voco , & de quibus jam ago , reverâ symptomata tantum esse respondeo , symptomata ea fortè esse respectu Febris ad quam propriè spectant , at symptomata sunt saltem Februm, quæ illa semper ac necessariò producant. V. gr. in *Pleuritide* Essentiali Febris ejus est indolis , ut semper materiam morbificam in Pleuram deponat ; in *Angina* Essentiali ejus indolis est , ut eadem ad fauces semper amandet , atque ita se res habet in cæteris : Cum ubi affectuum memoratorum utervis Febris superveniat , quæ ad hanc illamve annorum Constitutionem spectat , atque ab ea pender, idem per accidens tantum , nequiquam verò necessariò producitur. Quo nomine haud parum à se invicem determinantur.

Jam autem, ut Affectus *Essentiales* mihi dictos ab iis qui *Symptomatici* tantum sunt , ritè distinguamus, multum conferet nobiscum perpendisse , quod qualia sint symptomata quæ invasionem Febris hujus alteriusve *Stationaria* comitantur , talia omnino erunt symptomata quæ insultum sive *Pleuritidis* , sive *Anginae* sequuntur , quoties ejusmodi Febris *Accidentia* sunt tantum. Quod quidem cernere erat in *Pleuritide* *symptomatica* prædictâ , quæ Febris per hyemem grassanti , anno 1675. superveniebat. Quotquot enim hac laborabant *Pleuritide* , ubi primùm corripiebantur , Capitis , Dorsi , & Artuum patiebantur dolorem ; quæ certissima erant & maximè vulgaria Februm earum omnium symptomata , quæ & antequam ingrederentur *Pleuritides* , invadebant , atque illis expirantibus adhuc durabant. Cum quoties uterlibet horum *Intercurrentium* morbus *Essentialis* est , omnibus indifferenter annis pari modo aggredditur , nihil prorsus habens commune cum Febre *Stationaria* per id tempus regnante. Adhæc symptomata omnia quæ post emergunt magis perspicua sunt, cum non obscurentur ac confundantur ab aliorum *Φαινομένων*. quæ naturæ sunt diversæ , & ad aliam spectant Febrem , admixtione. Præter hæc , Anni tempus , quo essentiales *Intercurrentes* plerique , non tamen omnes , solent infestare , haud rarò subinnuit ad quam classẽ hujusmodi Affectus referendi sint. At verò ad Morborum tum horum , tum aliorum etiam omnium Diagnosin , iis demum instructissimus accedet , qui observatione assidua ac diligenti ita intimè eorum Phænomena rimando perscrutatus fuerit , ut ubi eos inspexerit , genus statim nôrit distinguere ; licet *Differentiarum* characteristarum aliæ ita sint fortassè subriles ac delicatæ , ut easdem alteri verbis nequeat exprimere.

Quandoquidem autem variæ hæ Februm species , [quantum quidem assequi possum ex Phænomenis , quæ tum morbos ipsos , tum medendi rationes attinent , sedulò pensatis ] peculiari , ac cuilibet morbo propriæ sanguinis inflammationi ortum debent suum , in eodem refrigerando contemperandoque omnis mihi ferè Curationis vertitur cardo ; Methodo interim pro morbi genio



variata, & cui, experientiâ jugiter suffragante, ea species libentissimè concedit, materiæ morbificæ eliminandæ ubique satago. Et profectò in Febrium quarumlibet curatione omne punctum tulerit, quâ portâ excludenda veniat materiâ Febrilis, qui certò nòrit; Venæ-sectione v. gr. Sudoribus, Catharsis, aut si quæ est alia magis opposita.

## C A P U T. II

*Febris Scarlatina.*

**S**carlatina Febris, licet nullo non tempore possit incidere, ut plurimum tamen exeunte æstivo se prodit, quo quidem integras Familias, Infantes verò præ cæteris infestat, Rigent, horrentque sub initio, ut in aliis Febribus, qui hâc afficiuntur, neque vehementer admodum ægrotant; postea cutis universa maculis parvis rubris interstinguitur, crebrioribus certè & multo latioribus, magisque rubentibus, at non perinde uniformibus, ac sunt illæ quæ Morbillos constituunt, Ad duos tresve dies persistunt hæ maculæ, quibus demum evanescentibus, decedenteque subjectâ cuticulâ, restant furfuraceæ quædam squammulæ ad instar farinæ corpori inspersæ, quæ ad secundam aut tertiam vicem se promunt, conduntque vicissim.

\* Cùm hic morbus nihil aliud mihi videatur, quàm mediocris sanguinis offervescencia à prægressæ Æstatis calore, aut alio aliquo modo excitata, nihil quicquam molior, quo minus sanguis sibi despumando vacet, & materiæ peccanti, quæ satis promptè adjungitur, per cutis poros ablegandæ. Quamobrem tum hinc & à Venæ-sectione, & ab Enematum usu mihi temperans (quibus remediorum formis factâ revulsionem particulas sanguini infestas cum eodem intimius permisceri, & motum Naturæ magis congruum sufflaminari autumo; ) tum ex altera parte ab exhibendis Cardiacis, quorum ætu impetuosius fortè exagitabitur sanguis, quàm propagatâ & leni illâ separatione in qua jam totus est; (Quid quod & vehementior Febris hoc fomite possit accendi?) satis habeo ut æger à carnibus in solidum abstineat, & à liquoribus spirituosus quibuscunque, tum ut neque usquam foràs prodeat, neque se perperim lecto affigat. Cute jam penitus desquammatâ, & cessantibus symptomatis, è re fore existimo, ut purgetur æger leni aliquo medicamento, ætati atque viribus accommodo. Simplici hâc & naturali planè methodo, hoc morbi nomen, vix enim altius assurgit, sine molestia, aut periculo quovis facillimè abigitur. Cum e contra si plus negotii ægris faceffamus, vel lectulis continenter incarcerando, vel Cardiacis aliisque remediis supervacaneis nimis doctè, & (ut vulgo videtur) secundum artem supra modum ingestis, morbus statim intenditur, & æger non raro nulla alia de causa, quàm nimia Medici diligentia ad plures migrat.



Veruntamen hoc animadvertendum volo. Si *Convulsiones Epilepticae* vel etiam *Coma*, huic morbo sub initium eruptionis supervenerint (quod quandoque accidit in pueris ac junioribus hoc morbo laborantibus) omnino oportet, ut *Epispasticum* amplum ac forte posteriori cervici applicetur; atque porro ut *Paregoricum* è Syrupo de Meconio statim exhibeatur, repetendum singulis noctibus usque dum convalescat; imperando interim ut æger bibat pro potu ordinario lac cum triplo aquæ coctum, & à carnis esu ab-  
stineat.

## C A P U T I I I.

## Pleuritis.

**H**ic morbus, quo nec alius frequentior, nullo non tempore infestat potissimum verò anno inter Ver & Æstatem ambigente. Nam per id temporis sanguis à nova solis vicinia excaletactus in effervescentias & inordinatos motus effrenatius ruit, Temperamento sanguineo præditos præ reliquis ag-  
greditur, sæpè etiam rusticos, & *auro jam fractos membra labore*. A rigore plerumque atque horrore orditur, quos excipiunt calor, sitis, inquietudo, & cætera Februm symptomata plus satis nota. Elapsis pauculis horis, (licet aliquando multò serius ingruat symptoma hoc) æger vehementi dolore, eo-  
que Punctorio, in laterum alterutro circa costas corripitur, qui nunc ver-  
sus Omoplatas, nunc Spinam, nunc ex adverso versus anteriora pectoris se propagat. Tussi etiam crebrâ affligitur, quæ magnum adfert cruciatum, à  
partium inflammatarum contentione ortum, unde spiritum subinde reprimat, ut prima tussendi molimina coercere, Quæ singulis vicibus *Anacatharsi* re-  
jicitur materia, sub initio morbi pauca & tenuis conspicitur, & sæpè sangui-  
nis particulis intermixta; sed procedente morbo copiosior est & magis conco-  
cta sanguine etiamnum permixto. Febris interea pari passu incedit, quin & vi-  
res sumit à symptomatis illis, quæ ab ipsa nascuntur. Atque dicta Febris cum  
funesto comitatu omni, (*Tussi* scilicet, *sputo sanguinis*, *dolore*, &c.)  
pro ratione liberioris materiæ morbificæ expectorationis, sensim minuitur.  
At verò materia hunc morbum committens, non semper, eodem proceden-  
te, concoctionem expectorationi debitam attingit: fit enim non rarò, ut ma-  
teria paucula adhuc & tenuis, sicut in principio morbi, tussiendo educatur, &  
consequenter Febris cum reliquis symptomatis ne hilum remittat, donec  
ægrum jugulaverit. Æger interea nunc alvo est nimis adstrictâ, nunc solutâ  
nimis, dejectionibus cribris & liquidissimis. Est ubi morbo admodum inva-  
lescente, & Venæ-sectione non celebratâ, æger ne tussire quidem valeat, sed  
immani dyspnœâ laborans, tantum non suffocetur inflammationis vi; quæ  
tanta aliquando reperitur, ut pectus ne ad spatium quidem respiratori debi-  
tum sine exquisitissimo dolore queat expandi. Est etiam ubi post ingentem in-  
flammationem, & omissam Phlebotomiam, quæ nascente morbo fuerat impe-  
randa



randam, mox ad Apostema res redit, *pure* in thoracis cavitatem subinde depleto; quod in casu, quamvis Primaria Febris vel omnino cessat, vel minus saltem urget, attamen, in vado non est æger, sed *Empyemate*, atque *Febre Hectica* succedentibus, miser *Tabe* extinguitur.

Jam verò licet *Pleuritis* propriæ illi atque specificæ sanguinis inflammationi, quæ eam, quando affectus primarius existit, producere solet, originem suam debeat; per accidens tamen aliis Febribus quandoque supervenit, cujuscunque demum generis eæ sint, ex præcipitatione scilicet materiæ Febrilis in pleuram, vel musculos intercostales. Atque illud quidem in ipso ferè Febris initio accidit, crudâ adhuc existente materiâ Febrili, nondumque per idoneam ebullitionem subactâ, adeoque nec ad separationem debitam per loca magis conferentia præparata. Hoc autem incommodi sæpissimè ex intempestivo ac præpostero calidorum medicamentorum usu infertur, qualia à nobilibus quibusdam scæminis exhiberi solent; quarum interim benevolentia charitasque multo melius in pascendis pauperibus, quàm in iisdem medicandis, collocaretur. Atque illæ quidem eo consilio [ si tamen ullo utantur ] id faciunt, ut in primo statim Febris insultu provocetur sudor; parum cogitantes, quàm inconsultò atque infelicitè idem tentent. Natura enim hoc pacto turbata, humores adhuc crudos existentes expellere, qua data porta cogitur; atque adeò nunc in cerebri Meninges impetu fertur materia Febrilis, indeque *Phrenitis* nascitur; nunc ad membranam costas succingentem idem malum appellit, ex quo *Pleuritis* oboriri solet; præsertim ubi ægrorum ætas ac temperamentum, annique tempestas inter Ver atque Æstatem ambigens, sua etiam symbola ad hanc rem contulerint: Certè enim tempestate illâ Febres in Pleuritidem transire proclives sunt.

*Pleuritidem* autem, ejusmodi quam diximus præcipitationi ortum suum debere, evacuati per Venæ-sectionem cruoris color subindicare videtur. Nimirum sanguis [ saltem ille qui post primam vicem extrahitur ] ubi refrixerit, sevi liquati præ se fert speciem ad crassitiem satis conspicuam, ac superficiem habet veri *puris* æmulam, & tamen ab eo longè diversam utpote quæ fibræ instar reliqui sanguinis, arctè contextitur, nec ad modum puris defluit, quin à reliquo divulsa discolor illa pars, formam cuticulæ tenacis & fibræ refertæ exhibet; & fortassè nihil aliud est quàm Fibræ sanguineæ, quæ rubicundo ac naturali suo integumento per præcipitationem exutæ, ambientis æris frigore in membranam hujusmodi subalbidam concrevère. At verò ( ut id obiter attingam ) animadvertendum est, quòd si sanguis è secta vena non recto flumine versùs Horizontem profiliat, sed per cutim repens perpendiculariter dimanet, utut celeri se proripiat gradu sæpe tamen ad dictum colorem non accedit, cujus ego me causam nescire fateor: Neque æger ab istiusmodi sanguinis missione perinde levatur, ac si modo primùm descripto fluat. Quinimo cum hoc ipso modo extrahitur, sive orificium angustius, sive quid aliud obtiterit, quo minùs pleniori exeat gurgite, neque hic sanguis Pleuritico rum sanguinem colore æmulatur, neque æger par exinde commodum capit. Ob-



fervavi etiam, quòd si sanguis recens extractus, quocunque demum modo fluxerit, immisso digito ageretur, superficie rubenti ac florida, ut in aliis morbis quibuslibet, spectabitur.

Utut verò sanguis se habet, Morbus hic tametsi infamis, & plerisque aliis suapte natura periculosior, tamen si peritè tractetur, facilè vincitur; & quidem non minùs certò constanter, quàm alii Medicorum conatus ad homines ab orci faucibus liberandos, morbosque averruncandos, perducere ad exitum felicem solent.

Variis hujusce morbi Phænomenis diligenter perpensis, nihil aliud illum esse arbitror, quàm Febrem à propria & peculiari sanguinis inflammatione ortam, qua natura materiam peccantem in Pleuram deponit, nonnunquam & in Pulmones, unde *Peripneumonia* suboritur; quam à priore, gradu tantum, & pro majore ejusdem causæ intensione, extentuque latiori differre autumo.

\* Hunc itaque in dicto morbo pellendo mihi scopum propono, ut scilicet sanguinis inflammationem reprimam, & particulas ejusdem accensas, quæ in membranam costas succingentem vim fecerunt, & incendio collabefactarunt omnia, per evacuationes debitas revellam.

Quamobrem in Venæ-sectione spem ponens maximam, ut primùm accersor, sanguinem è brachio lateris affecti ad *uncias decem* aut circiter mittendum curo. Porionem deinde sequentem statim à Venæ-sectione primùm celebrata sumendam præscribo.

℞. *Aq. Papav. Rhæad. ℥iiij. Sal. Prunell. ʒj. Syr. Violar. ʒj. M. F.* Haustus. Eodem tempore sequentem Emulsionem præscribo.

℞. *Amygd. dulc. N. viij. Sem. Melon. & Pepon. an. ʒß. Sem. Papav. alb. ʒij. contundantur simul in mortario marmoreo, sensim affundendo Aq. Hord. ℥ß. Aq. Rosor. ʒij. Sacchar. cand. ʒß. M. F. Emulsio; Cap. ʒiiij. quartâ quâque horâ.* Pectoralia etiam impero frequenter usurpanda, e, gr.

℞. *decoct. Pectoral. ℥ij. Syr. Violar. & Capillor. Ven. an. ʒß. M. F. Apozema; Cap. ℥ß. ter in die.*

℞. *Olei Amygdal. dulc. ʒij. Syr. Violar. & Capill. Ven. an. ʒj. Sacch. cand. ʒß. M. F. s. a. Eclegma, de quo lambat sæpius in die.* Oleum etiam *Amygd. dulc.* per se, vel *Oleum Sem. Lini* recenter extractum magno sæpe cum fructu assumuntur.

*Dietam* quod spectat, carnibus omnino interdico, atque insuper earundem decocto quamlibet limpidissimo. Consulo ut jusculis vescatur *Hordeaceis*, *Avenaceis*, & *Panatellâ*, & pro Potu utatur *Ptisânâ* ex decocto *Hordei* cum rad. *Acetosæ*, *Liquirit.* &c. ac nonnunquam *Cerevisiâ* lupulatâ tenui.

Porro, sequens Unguentum præscribo. ℞. *Ol. Amygd. dulc. ʒij. Vng. Pomati, & Dialtheæ an. ʒj. M. F. Linimentum*, quo inungatur latus affectum manè & serò, superimponendo folium brassicæ, Jubeo item, ut in dictorum remediorum usu persistat per omnem morbi decursum.

Eodem ipso die, quo primùm accersor, si dolor vehementer urgeat, sanguinis



guinis eandem quantitatem rursus detrahi præcipio, vel nihilominus die sequenti, ut etiam tertio die; atque hoc modo ad quartam usque vicem, continuis quatuor diebus, (nisi prius æger convaluerit) Venæ-sectionem repeto, ubi scilicet dolor, atque alia symptomata admodum sæviunt. At verò, si vel morbus remissior & minoris periculi, patiatut ut lentiori pede progrediar, vel etiam dejectæ ægri vires non faciliè ferant Venæ-sectionem post tam brevialla repetitam; Phlebotomiam jam bis celebratam non deinceps repeto, nisi interjecto die uno aut altero inter singulas vices. Quâ quidem in re normam mihi statuo Contraindicantia; hinc nempe morbi violentiam, inde verò imminutas fractasque ægri vires ad invicem trutinatas. Et quanquam in curandis morbis integrum mihi esse volo, ut plus minusve sanguinis pro rei ratione demendum præcipiam, rarò tamen observavi *Pleuresin* confirmatam in Adultis minori quàm 40. circiter *unciarum* sanguis impensâ sanatam: licet in Pueris semel tantum aut bis secuisse venam ut plurimum suffecerit. Neque, quæ nonnunquam supervenit, *Diarrhæa*, repetendis jam dictis Venæ-sectionibus obicem ponit, quæ quidem ipsa hac Methodo brevi sistetur, etiam non adhibitis medicamentis restringentibus.

*Enemata* vel in solidum omitto, vel maximâ, quâ fieri potest, inter repetitas Venæ-sectiones intercapedine curo injicienda, eaque non nisi simplicissima illa e Saccharo in lacte soluto.

Durante morbo id ago, ne æger nimis exæstuet, ac proinde liberum illi facio, ut lecto quotidie eximatur, idque ad horas aliquot, prout vires suasferint; quod quidem tanti est in hoc morbi genere, ut si æger lecto jugiter affigatur, neque hæc tam larga sanguinis evacuatio, neque remedia alia utcunque refrigerantia, ad dicta symptomata perdomanda vel minimum aliquando proficiant.

Mox ab ultima Venæ-sectione, nisi fortè prius id contingat, symptomata omnia mitescent, & æger (qui per aliquot adhuc dies & à liquoribus spirituos quibuscunque, & à crassioribus cibis arcendus est) pristinas vires non ita diu post resumet: quo quidem tempore non abs re erit, ut alvus tenuiori aliquo Cathartico sollicitetur.

Jam verò si quem moveat, quod huic viæ insistentes, *Expectorationem* vix quidem attingamus, nedum quibus illa rationibus per varia morbi tempora sit promovenda, operosius differamus; sciat ille hæc non per incuriam nobis excidisse, sed deditâ operâ diuque satis cogitata, neglecta tandem fuisse & præterita: Cum semper existimaverim in summo discrimine versari illos, qui morbum hunc expectorationi eliminandum committerent. Nam ut rædium hujus methodi, quâ natura materiæ morbificæ ejiciendæ satagit, omittamus, nimium periculosa insuper res est aleæ; cum non rarò eveniat, parte aliquâ materiæ jam concoctâ, fortè etiam per *ἀνακαθάριον* rejectâ, reliquam adhuc crudam manere, idque successivè, præstantissimis quibusque remediis maturantibus expectorantibusque incassum usurpatis, cum expectoratio nunci quidem satis auspicatò procedat, nunc penitus supprimatur;



ægro interim usquequaque periclitante, atque pro meo in expectorationem imperio (quod sanè nullum prorsus est) sive vivis, sive etiam mortuis adjudicando. Cùm è diverso, mediante Venæ-sectione, morbifica materia penes meum sit arbitrium, & orificium à Phlebotomo incisum tracheæ vices subire cogatur. Quinimò constanter assero, hunc morbum, qui, si juxta præcepta à nobis damnata tractetur, inter patentissimas orci januas meritò recensetur, æque certò ac tutò Methodo jam à me præscriptâ (ut de brevissimo quo jam profligatus tempore nihil jam dicam) ac aliùm quemlibet morbum debellari. Nec dum mihi innotuit vel minimum damni à tam larga sanguinis (ut imperitis videri potest) detractiōe cuiquam fuisse illatum.

Sæpè quidem aggressus sum in tractando hoc affectu, *ὑπερπνεῦμα* rationem aliquam stabilire, quæ citra ingentem hanc sanguinis jacturam subsisteret: nempe vel humorem resolvendo, vel expectorationis promotionem illum evacuando: Sed nondum ea fors mihi contigit, ut huic ipsi, supra memoratæ praxi; parem aliquam reperire potuerim, cujus beneficio (non obstante tristitia apud Hippocratem de *Pleuritide sicca*, prognosi) ægrum etiam non motatus expectorationem ab insultu morbi vindico; per ipsum sectæ venæ orificium & Pleuritidi fugam parans, & sanitati reditum.

Quandoquidem verò hujus morbi curatio in reperita venæ-sectione ferè tota stat, quæ tamen ab imperitis Chirurgis, & nescio quibus Medicastris in locis ab oppidis populosioribus longè distitis celebrata, miseros à *punctura Tendinum* in artus amittendi, atque adeo in vitæ magnum discrimen sæpissimè conjicit; non è re fore duxi, rationem huic malo succurendi, si fortè fortunâ impingatur, hîc subnectere. Qui verò puncturâ hujusmodi plectuntur, dolorem non statim sentiunt, sed duodecim horis post Phlebotomiam se eodem affici conqueruntur, non tam in orificio nuper factò, quàm in partibus ad axillam tendentibus, ubi tandem dolor se figit, & tunc maximè percipitur, cùm brachium extenditur; attamen læsa pars tumore admodum insigni non afficitur, eodem avellanæ magnitudinem vix superanti, sed ex orificio humor aqueus vel ichor quidam jugiter destillat, quod quidem præcipuum puncturæ tendinis diagnosticum est habendum. Ita curatur, ut & propriis oculis ipse observavi.

*℞. Rad. lilior. albor. ℥iiij. Coq. ad teneritudinem in lactis vaccini ℥vi. Deinde ℥. farin. lini. & avenac. an. ℥iiij. Coquantur farinæ ad Cataplasmatidis consistentiam in. s. q. lactis à radicibus predictis colati. & radicibus contusis misceantur. f. Cataplasma, parti affectæ calidæ applicandum mane & vespere.*

## C A P U T V I.

### *Peripneumonia Notha.*

**H**Yeme ingruente, at sæpius sub ejusdem exitum, Vereque adhuc nascente, quotannis emergit Febris *Symptomatis Peripneumonicis* haud paucis



paucis conspicua. Paulò habitiores ac crassos ea præ cæteris aggreditur; virilem ætatem vel assequutos, vel etiam (quod sæpius accidit] prætergressos, liquoribus spirituos (vini maximè spiritui) plus æquo addictos. Cum enim in hujusmodi hominibus sanguis humoribus pituitosis, brumæ tempore congestis, fuerit oneratus, atque idem ab ineunte Vere in novum motum cieatur, Tussis hanc nacta occasionem, mox subingreditur, quâ ministra dicti humores pituitosi in pulmones irruunt: quo tempore si fortè æger nullo vivens consilio, liquores ejusmodi spirituosos adhuc liberaliùs hauriat, crassescente jam ferè quæ tussim excitabat materia, & ab ea præcluduntur Pulmonum aditus, & Febris omnem sanguinis massam depascitur. Primo Febris insultu nunc incalescit æger, nunc friget: Vertiginosus est, de capitis dolore queritur lancinante, quoties Tussis importuniùs fatigat. Potulenta omnia vomitu rejicit, nunc sine Tussi, nunc illa vexatus. Urina turbida cernitur, & rubens intensè. Sanguis detractus Pleuriticorum sanguinem refert, Anhelus sæpenumerò spiritum crebro ac celeriter ducit. Si moneatur ut Tussim provocet, haud aliter dolet caput, ac si in partes mox dissiliret (quâ loquendi formula ægri ut plurimum utuntur.) Dolet & Thorax omnis, vel saltem pulmonum coarctatio adstantium auribus percipitur quoties tussit æger, pulmone non se satis dilatante, præclusis adeò ab intumescencia, ut videtur, meatibus Vitalibus; unde intercepta circulatione, sanguineque quasi præfocato, nulla ferè, præsertim in habitioribus, Febris indicia sunt; licèt hoc accidere etiam possit ob materiæ Pituitosæ copiam, qua horum sanguis gravatus in plenam ebullitionem nequit assurgere.

\* In curanda hac Febre id mihi negotii dari sentio, ut sanguinem istum, qui ad Pulmonum & suffocationem & incendium facit, Phlebotomia revelam; ipsos pulmones remediis Pectoralibus deobstruam atque eventilem; & diætæ refrigerantis ope, totius corporis calorem compescam. Cum verò *hinc* materiæ Pituitosæ saburra in venis contenta, Pulmonum inflammationi fomitem quotidie subministrans, Venæ-sectionem sæpe repetitam videretur indicare; *illinc* verò observatio, quam facere potui diligentissima, me doceret Phlebotomiam sæpe repetitam Febricitantium iis qui crassiore essent corporis habitu (præsertim ætatis florem prætergressis,) pessimè cessisse, atque adeò ab ejusmodi repetitione haud minùs abstergeret; *Catharsin* ego crebriorem Venæ-sectioni succenturiabam, quæ ei satis rectè substituitur, in illis qui à largiori & iterata sæpius Phlebotomia abhorrent.

Ad hunc itaque modum processu; sanguinem è brachio in lecto jacentis extrahendum præcepi, nec passus sum ut ex eo surgeret ad duas tresve horas; cum omnis sanguinis eductio, quæ universam corporis compagem labefactat quadantenus concutitque, hoc pacto facilius toleretur; ita ut mitius cum ægro agatur cum in lecto cubanti uncix decem fuerint detractæ, quàm si sex septemve tantum amiserit, postquam è cubili surrexerit. Die sequenti Potionem sequentem mane sumendam propino.

℞. Cassiæ extract. ʒj. Glycyrrhiza ʒij. Ficus pingues N. iiij. fol. Senn. ʒij.

\* Curatio.



*℞. Agarici trochiscat. ℥j. Coq. s. q. Colat. ℥iiij. dissolve Manna ℥j. Syr. Ros. solut. ℥℔. Ms. f. posio.*

Postridie sanguinem secunda vice mittere soleo, atque interjecto die uno Potionem Catharticam modo præscriptam iterum exhibeo, diebus alternis jugiter repetendam, donec omnino convaluerit æger. Diebus à purgatione vacuis, *Decocto Pectorali*, *Oleo Amygdal. dulc.* ac id genus aliis, ut utatur consulo.

A Carnibus & earum jusculo, maximè vero à liquoribus spirituosus quibuscunque, ægrum interim inhibeo; quorum loco Ptisanam ex hordeo & liquiritia, (*Cerevisiam* item tenuem, si eam efflagitet) pro potu ordinario concedo.

Atque ista quidem methodo vincenda est *Peripneumonia* hæc *Notha*, orta ab exundanti colluvie Pituitosa in sanguine agesta ob Hyemis analogiam, & in pulmones explosa; in qua non tantum iterata Venæ sectio, sed & Catharsis etiam indicabatur, secus atque in *Vera Peripneumonia*: quam ego ejusdem plane indolis cum *Pleuritide* esse arbitror, atque ab illa in eo tantum differre, quod *Peripneumonia* Pulmones universalius afficiat. Quin & utrique morbo pari omnino methodo medemur, Venæ-sectione sc. præ cæteris, & medicamentis Refrigerantibus:

*Notha* hæc *Peripneumonia*, licet ad *Asthma siccum* aliquantulum accedat, tum quoad spirandi difficultatem, tum etiam alia quædam symptomata, ab illo tamen satis dignoscitur, cum in ista manifesta Febris atque inflammationis signa se prodant, quæ in hoc nusquam comparent; quamlibet in hac specie minora sint longè ac obscuriora illis quibus insignitur *Vera Peripneumonia*.

Diligenter autem animadvertendum, quod ubi Vini spiritui aut aliis id genus liquoribus, cum hoc morbo conflictantes se olim addixerint, minimè tutum erit eos statim ac derepente ab iis depellere; sed sensim id agendum, quo minus *Hydropi* tam repentina mutatio ac abrupta viam sternat. Quod etiam in morbis quibuscunque ab hac *ποροφάσις* oriundis, observari debet. Cum vero de *Spiritu Vini* mentio fueri facta, hinc obiter dicam. Optandum sane esset, quod aut idem omnino exulet, aut saltem spiritibus reficiendis, non vero iisdem extinguendis usurpetur: nisi quis internum ejus usum prorsus abdicandum maluerit, proindeque à Chirurgis solum ad *Ulcera digerenda* fotibus immiscendum, aut *Ambustis* extus admovendum: quo postremo casu omnibus remediis, quotquot adhuc inventa fuere, hic liquor facile palmam præripit, cum curam subjacentem ab omni putrefactione tueatur ac vendicet, atque eo nomine curationem quam cito absolvat; *digestionem*, quæ non nisi admodum tarde sua tempora percurrit, etiam non moratus: nempe si linthea spiritu vini imbuta partibus ab aqua ferventi, pulvere pyrio, vel simili laxis, quam primum hoc infligitur malum, applicentur, eademque spiritu dicto madefacta subinde repetantur donec dolor ab igne penitus evanuerit, & postea solum bis in die.



## CAPUT V.

## Rheumatismus.

**N**ullo non tempore incessit hic morbus, maximè *Autumno*, & præ cæteris annis florentes & οἷς γόνυ χλωρόν. Hac ut plurimum occasione nascitur; æger sc. sive exercitio aliquo vehementiori, sive alio modo excalesctus, mox repentinum frigus admisit. A rigore atque horrore orditur tragœdiam, quos statim excipiunt calor, inquietudo, sitis, & reliqua illa infœlix symptomatum caterva, quibus stipantur Febres. Elapso die uno alterove, (est & ubi citius) æger atroci dolore, nunc in hoc, nunc in illo artu infestatur, in carpis, humeris, genibus præsertim, qui locum subinde mutans, vicissim illos occupat, rubore quodam & tumore in parte quam postremum affecit adhuc residuis. Primis aliquot diebus, Febris & symptomata jam memorata quandoque coincidunt; Febris autem sensim evanescit, manente dolore, quin & nonnunquam immanius sæviente, materia sc. febrili in artus translata; quod satis arguit Febris ipsa sæpius recrudescens ob materiam morbificam ab intempestivo Exteriorum usu percussam. Morbus hic quòties à Febre sejungitur, *Arthritis* sæpe audit; quamvis essentialiter ab illa distinguatur, prout cuiusvis facili constabit, cui uterque morbus intimius fuerit perspectus: unde forsitan petenda est ratio, cur tam sicco illum pede transiverint scriptores Medici: Nisi forte arbitremur, hanc morbi speciem ad reliquam malorum *Iliada* de novo accessisse. Utrum se res habeat, jam plus satis grassatur hic morbus; & licet rarissimè hominem è medio tollat, Febre semel depulsa, tamen & vehementia doloris & diurnitas eum prorsus contemni non sinunt. Etenim si minus peritè tractetur, non ad menses tantum, sed ad annos etiam aliquot, imò per omnem adeò vitam miserum haud infrequenter discruciat; quamvis in hoc casu, non eodem semper vigore, sed Paroxysmis quibusdam periodicè repetitis, ad instar *Arthritidis*, subinde laceffit: imò verò potest fieri ut ubi diu multumque vexaverint dicti dolores, tandem sponte desistant; atque interim æger omni membrorum motu ad mortem usque privetur, digitorum articulis quasi inversis, & protuberantiis, ut in *Arthritide*, nodosis in interna magis quam externa digitorum parte se prodeuntibus: stomacho nihilominus valeat, & cætera sanus vitam toleret.

Est & alia hujus morbi species, licet non hujus esse prolapix vulgò credatur, quæ *Lumbago Rheumatica* aptissimè dicitur: immanis dolor. sc. idemque fixus circa lumborum regionem, ipsumque aliquando ad os sacrum se demittens, *Paroxysmum Nephriticum* mentitur; nisi quod æger non vomituriat: nam præter dolorem atrocissimum & vix ferendum circa ipsos renes, aliquando & ureteres per omnem eorum ductum ad vesicam usque, eodem licet mitiori, tentatur. Qui & mihi olim imposuit, tanquam à materia aliqua sabulosa in iis partibus hærente penderet; cùm revera materiæ *Rheumaticæ* peccanti



canti & inflammatae ortum suum debeat, quæ quidem partes illas jam solas urit, intacto reliquo corpore. Immanis his dolor, nisi abigatur eodem modo, quo prior species pariter etiam perdurat, pari sævitiâ excrucians; adeo ut miser nequeat procumbere, sed vel è lecto exiliat, vel super eodem erectus sedeat, corpore interim perpetuâ agitatione nunc versus anteriora, nunc posteriora inclinato, reductoque.

\* Cùm utraque hæc morbi species ab inflammatione videatur oriri, quod tum jam dicta arguunt Phænomena, tum præsertim sanguinis Venæ-sectione educti color, utpote qui Pleuriticorum sanguini tam est similis, quam ovum ovo, neque quisquam reperiatur, qui hos inflammatione laborare vel quidem dubitaverit; his, inquam, ita se habentibus, censeo ego, Curationem non aliunde quàm à Phlebotomia debere sumi, sanguine interim contemperato, ejusque nimio fervore represso, tum medicamentis refrigerantibus atque incrassantibus, tum etiam conveniente regimine.

Ac proinde ut primùm accersor, statim sanguinis ʒx è brachio lateris affecti mitti jubeo, & Julapium refrigerans incrassansque ad hanc ferè normam præscribo. ℞. Aq. Nymph. Portulac. & Lactuc. an. ʒiiij. Syr. è limonibus ʒiβ. Syr. Viol. ʒi. M. f. Julap. de quo libat ad libitum: vel etiam Emulsionem in curatione morbi lateralis jam descriptam. Ad dolorem sedandum, Cataplasma è mica Panis siliginei, & lacte croco tincto, vel fol. brassicæ parti affectæ applicandum, & sæpè renovendum curo. Dietam quod spectat, carnibus prorsus interdico, quin & eorum jusculo, quantumlibet tenui limpidoque; quibus substituo juscula Hordeacea, Avenacea, Panatellam, & ejusmodi. Cerevisiam tenuem mitemque pro potu tantùm concedo, vel etiam (quæ magis ad rem facit) Ptisanam ex hordeo, rad. Liquirit. Acetosæ, &c. in aqua fontanâ incoctis. Volo interim, ut per aliquot horas singulis diebus lecto se abstineat, cùm calor, qui à jugi decubitu, morbum promoveat intendatque.

Die sequenti sanguinis tantundem detrahi præcipio; atque interculato die uno alterove, pro ægri viribus, tertio; dein interjecto trium quatuorve dierum intervallo [prout ægri vires, ætas, constitutio, aliæque circumstantiæ suadent monentque] quarto, atque ultimò ut plurimum, Venæ-sectionem repeto; rarò enim usu venit, ut ultra quartam vicem venam incidamus, nisi vel regimen justò calidiùs præcesserit, vel medicamina calidiora ægro præter necessitatem fuerint ingesta. Quin & Anodyna sive Paregorica dicta Remedia effusiores sanguinis missionem postulant: Quamobrem utut sæviat dolor, per omnem hujus morbi decursum, religiosè mihi ab his temperandum existimo, modò mihi animo sit curationem a sanguinis missione solùm petere, cum illorum usu figatur morbus, neque tam facilè Venæ-sectioni cedat; quæ ideò ob hæc ipsa medicamenta officiosè nimis exhibita, sæpiùs quàm erat opus, celebranda est. Quid quod & in morbi statu, neque eam, quam titulo pollicentur, ἀναλγησιαν valeant præstare.

Interim dum prædicta remedia, diætaque sedulò usurpantur, *Enema* è Lacte



saccharato subinde injici curò, diebus scilicet à Phlebotomia vacuis. Porro ut hæc omnia ad dies minimum octo ab ultima Venæ sectione diligenter observentur, seriò horror moneoque; quibus elapsis, *Potionem Catharticam* è Lenitivis præscribo manè hauriendam, & insequenti vesperi dosin paulò liberaliorem *Syr. de Meconio in Aqua fl. Paralys.* quo sc. sanguinis orgasmus, unde & recidivæ periculum aliter intentari poterit, penitus reprimatur. Quibus ritè peractis, ut in pristinum vitæ genus (quoad victum, exercitia (atque aërem) pedetentim se recipiat, lubens patior, ita tamen ut neque vinum, neque liquorem spirituosum quemlibet, neque etiam cibos, si ve sale, si ve aromatis conditos, si ve etiam *Novæ* quæcunque, nisi diu postea degustare liceat.

Post venam, quoties supra innuimus, pertusam, ægri dolores admodum imminuentur, neque tamen adhuc prorsus evanescent; at verò refarcitâ, quam fecerat sanguinis detractio, virium jacturâ (superveniente maxime proximo illo anni tempore, quod magis faciet ad redintegrandum corporis robur, quàm id, quo primum decubuit æger) symptomata ad unum omnia cessabunt, atque æger pancreaticè impofterum valebit.

Jam verò, tametsi prædictâ Methodo, aut aliâ huic similis, tempestivè atque sub ipso morbi ingressu adhibitâ, eum, quem jam dixi, finem ut plurimum sortiatur; non rarò tamen accidit, ut ubi æger per errorem contrario planè modo fuerit tractatus, doloribus vagis, nunc quidem mitioribus, nunc verò atrocioribus, per omnem vitam misere discrucietur: qui quidem minus cautis nullo negotio imponunt, & pro *Scorbuti* symptomatis vulgò habentur. Hic enim obiter, sed & liberè tamen dicam, quod licet nullus dubitem, quin *Scorbutus* in his Plagis Borealibus reverà inveniatur, tamen eum morbum non tam frequentem, quam fert vulgi opinio, occurrere persuasum mihi habeo; multos autem ex iis Affectibus (ne pluribus dicam) quorum nomine *Scorbutum* incusamus, vel morborum *Fientium*. nondum verò *Factorum*, quique nullum adhuc certum inducunt Typum, effecta esse; vel etiam infelices reliquias morbi alicujus nondum penitus deviæti; à quibus sanguis cæterique humores contaminantur: Verbi gratiâ, quibus in corporibus materia aliqua *Arthritidi* producendæ apta recens generatur, nondum tamen in artus depluit, varia se ostendent symptomata, quæ *Scorbuti* suspicionem facient, donec *Arthritis* jam formata, atque actu se exercens, nullum amplius dubitandi locum relinquat. Neque ignoramus, non pauciora symptomata *Scorbutum* mentientia, *Podagricos* jam à Paroxismo liberatos infestare (dum scilicet vel intempestivus evacuantium usus, vel ægri effæta ætas, vel alia aliqua causâ naturam interpellaverit, quò minus materiam omnem Arthriticam in artus exonerare valuerit; quæ adhuc retentam, cum si *Arthritis* existat, totam sanguinis massam inquinat, & confertissimo pessimorum symptomatum agmine hominem lacescit. Quod quidem non de *Arthritide* tantum, sed & de *Hydrope* adhuc incipiente dictum volo; de quo morbo licet vulgò jactetur, *Vbi desinit Scorbutus, ibi incipit Hydrops*, hæc tamen regula



sæpe sæpius non aliter est accipienda, quàm quòd, ubi primum se *Hydrops* manifestis prodit indiciis, præconcepta de *Scorbuto* opinio statim collabascit. Potest & idem hoc affirmari de quamplurimis aliis morbis Chronicis, vel adhuc in corpore humano nascentibus, quique proinde nondum certum aliquem sibi cuderunt Typum; vel etiam de illis, qui, licet partim fugati sint, nondum tamen penitus debellati exterminatique videntur. Et sanè nisi hoc concedamus, *Scorbuti* nomen, uti hodiè fit, in immensum crescet, & omnem ferè morborum numerum absolvet. Cum, si id sedulò agamus, ut abdita cujusque morbi penetralia perscrutemur, eumque post irregularium symptomatum vela latentem eruamus, suâ se mox specie fit proditurus, & ad illam ad quam attinet familiam haud difficulter relegandus. Quin & Methodus, quâ hujuscemodi morbi sunt abigendi, non adulterinis illis symptomatis, sed ipsi morbo, qualisnam is demum fuerit, ceu perfectè formato, jamque actu existenti accommodanda.

Sed hic notandum, non adeò consultum esse, quando *Rheumatismus* aliquot annorum Diurnitate altas radices egit, sanguinem tam brevibus ac sub ejusdem primordiis fiebat, intervallis mittere; quin præstare, septimanarum aliquot intercapedine repetitas illas Venæ-sectiones determinare; quæ tandem vel penitus materiam morbificam averruncabunt, vel saltem eò conducent, ut Fontanellâ in crurum alterutro excitatâ, & Spiritu quovis Volatili in vino Canarino manè & serò exhibito, reliquæ ejus extirpentur.

Jam verò quantumcunque discriminis inter verum *Rheumatismum*, ut supra innui, & *Scorbutum* intercedat, aliam tamen speciem esse *Rheumatismi* quæ ad *Scorbutum* quam proximè accedit, omnino confitendum est, utpote quæ insigniora hujus morbi symptomata æmulatur, & pariter eadem ferè remedia sibi vendicat, ideoque mihi *Rheumatismus Scorbuticus* audit. Dolor nunc hanc, nunc illam partem obsidet, sed eadem in tumorem ac in alia specie rarò attollit, neque febrim sibi comitem adjungit. Insuper non adeò fixus manet, sed indolem magis vagam ac incertam refert, cum anomalis inconditisque symptomatis stipatus. Nunc hunc vel illam artum discruciat, mox internas solum partes afficit, proindeque ægitudinem parit, quæ redeunte externarum partium dolore iterum se proripit; ita ægrum alternatim divexans, ac in diurnitatem longam se protrahens, ad instar morborum, qui vel maximè Chronici habentur. Fœminas præ reliquis adoritur, ut & viros, qui imbecilliori naturâ sunt; adeoque ad affectuum hystericorum classem referri debere planè suspicarer, nisi quòd iteratâ experienciâ comprobassem eum remediis hystericis minimè cessisse. Illi etiam, qui longum & repetitum *Corticis Peruviani* usum experti sunt, huic malo sunt obnoxii; quod quidem [ut obiter attingam] unicum est incommodum, quod ex hoc remedio illatum novè unquam. Sed utut id sit, hic affectus sive ex hac occasione, sive ex alia quacunque causâ originem ducit; quam facillimè debellatur vinciturque usu sequentium, quæ nisi privato commodo publicum prætulissem prorsus mihi reticenda essent. Etenim his solis quam multos, eo quo descripsimus modo



laborantes, sanavi, quibus Venæ-sectiones, quantumlibet repetitæ, Cathartica, Diæta lactea, Pulveres testacei, &c. nihil profecerunt. Atque hæc sunt.

℞. *Conserv. Cochlear. hortens. rec.* ℥ij. *lujul.* ℥i. *pulv. Ari Comp.* ℥vj. *cum s. q. syr. Aurant. f. Electuar. Capiat.* ℥ij. *ter in die per mensem integrum, superbibendo aquæ sequentis* ℥iij.

℞. *Cochlear. hortens. M.* viij. *Beccabung. Nasturt. aquat. salvia, mentha, an. M.* iij. *Cort Aurant. n.* vj. *nuc. Moschat. contus.* ℥℔. *Infundantur in Cerevisiæ Brunsvicensis.* ℔ xij. *ac distilentur organis communibus, & eliciantur tantummodo Aqua* ℔vj. *pro usu.* Atqui præcisa dosi *pulv. Ari comp.* observetur, aut saltem eadem non minuatur.

## CAPUT. VI.

## Febris Erysipelatosa.

**N**ullam non corporis partem, idque nullo non tempore incessit hic morbus, at præ reliquis faciem, exeunte præsertim æstate, quo tempore sæpe dum sub dio versatur, corripitur æger. Facies siquidem ex improvise in tumorem attollitur, qui subito exorsus cum dolore ruboreque summis, denso minimarum pustularum ordine distinguitur, quæ auctâ magis inflammatione in vesiculas subinde facessunt: hinc per frontem ipsumque caput latius serpit, oculis interim tumoris magnitudine planè obrutis [rusticis Syderatio audit;] neque multum profectò abludit, nisi quod adsunt pustulæ, ab iis symptomatis, quæ inflictæ ab apum vesparumque aculeis comittantur vulnera. Hoc se habet modo *Erysipelatis* notissima species ac vulgaris.

At verò quamcunque corporis partem hoc vitium obsederit, ut etiam quocunque anni tempore rigor atque horror, nisi præcesserint [quod nonnunquam pridie, aut nudius-tertius solet contingere,] huic se inflammationi ut plurimum adjungunt, sitis insuper, inquietudo, ac reliqua Februm indicia, procedente morbo, uti primùm Febris dolorem, tumorem, atque alia peperit symptomata, (quæ indies ingravescentia nonnunquam in *Gangrænâ* terminantur,) ita hæc invicem haud mediocrem ad Febris augmentum conferunt operam, donec remediis idoneis utraque restinguantur,

Est & alia hujusce morbi species, licet rariùs occurrens: Hæc quolibet anni tempore invadit, idque hæc ut plurimum *ποφάσις*, quod scilicet æger vinorum subtilium magis magisque attenuantium potationi paulò liberaliùs indulserit, aut liquoris similis spirituos. Febriculam, quæ in agmen ducit, mox excipit: pustularum per universum ferè corpus eruptio, quæ urticarum puncturas referunt, & nonnunquam in vesiculas attolluntur, mox recedentes tuberculorum more sub cute se condunt cum pruritu modacissimo & vix tolerando, at quoties levissimam scalpruram subeunt, rursus apparent.

\* Hic ego materiam peccantem sanguini permixtam ritè evacuandam; ejusdemque

\* *Curatio;*

demque



demque sanguinis ebullitionem remediis illam contemperantibus sufflaminandam censeo; eam denique, quæ jam partibus impacta est, materiam evocandam, discutiendamque.

Hæc ut fiant, ubi primum accedo, satis largam sanguinis quantitatem è brachio extrahi præcipio, qui quidem Pleuriticorum sanguinem ferè semper æmulatur. Die sequente blandam illam Potionem Catharticam mihi in Praxi familiarem exhibeo, & horâ somni [ si paulò frequentius dejecerit æger ] haustum aliquem Paregoricum. e. gr. *Syr. de Meconio in. Aq. fl. Paralys.* vel alium ejusmodi. Peractâ Catharsi, partem affectam sequenti decocto foveri jubeo. ℞. *Rad. Alth. & Lil. an. ʒij. fol. Malv. Sambuc. Verbas. an. M. ij. flor. Melilot. summit. Hyper. & Centaur. mix. an. M. j. Sem. Lini & Fennigr. an. ʒß. Coq. in. s. q. aq. ad ℥iiij.* Coletur liquor & tempore usus adde singulis libris Decocti, *Spir. Vin. ʒij.* Stuphæ è panno laneo levis texturæ hoc decocto immersæ ac expressæ calidè, admoveantur parti bis in die, quæ post forum quotidie illinatur seq. mixturâ ℞. *Spir. Vin. ℥ß. Theriac. Androm. ʒij. pulv. Piperis longi Caryophyl. an ʒij. M.* Charta emporetica hæc mixturâ madefacta parti circumvolvatur.

Æger insuper ut jusculis tantum hordeaceis atque avenaceis, cum pomis asatis vescatur, volo; tum etiam cerevisiâ utatur tenuissimâ, & per horas aliquot singulis diebus à lecto sibi temperet. Hæc methodo tum Febris, tum alia symptomata citissimè ut plurimum fugantur. Sin aliter, rursus venam seco; quod & tertium nonnunquam fieri debet, interposito semper die uno, si prava nempe adsit sanguinis diathesis, & Febris intensior. Diebus à Venæsectione liberis *Enema* è Lacte cum *Syr. Violaceo*, & *Julap. refrigerantia* ex *Aq. Nymph. &c.* in *Rheumatismi* curatione jam dicta, qualibet horâ diei usurpanda præscribo. Ut plurimum verò unica Venæsectio & subsequens Catharsis, si temporì adhibeantur, rem expediunt.

Quæ urticarum puncturas, cum pruritu, refert species pari modo est amolienda, nisi quod hæc remediis ab extra applicandis minus egeat.

Hic obiter dicam, quod licet non solum hic affectus, de quo jam loquimur, sed & plerique eorum, qui cutim impetunt, & eruptionem aliqualem comitem sibi adjungunt (modò Chronici, ii sunt) facilè huic methodo cedant, ac proinde sanguinis missione & Catharsi iteratis brevi se proripiant, eorum tamen aliqui viâ planè diversâ tractandi sunt, nec evacuationes modò dictæ quantumlibet repetitæ, nec *pulveres resiaci* sanguini edulcorando destinati quicquam proficiunt, cum recrementa quædam pravam diathesin adepta intimè cuti impingantur, non nisi remediis, quæ sanguini robur ac vim conciliant, proindeque cutis spiraculis deobstruendis apta nata sunt, ullatenus amovenda debellandaque: Cum successu itaque non vulgari sequentem methodum aggressus sum in *Pruritu ferino*, atque inveteratis id genus cutis eruptionibus. Ut.

℞. *Theriac. Andromach. ʒß. electuar. de ovo ʒj. rad. serpentar. Virgin. subtiliss. pulverat. gr. xv. lapid. Bezoard. Orient. l. gr. v. cum s. q. syr. & Cen-*



è Conditurâ Citri f. Bolus, sumendus mane & horâ somni per dies 21, superbibendo Cochl. vj. seq. Iulapii.

℞ Aq. Card. Benedict. ℥vj. aq. epidem. & theriacal. stillat. an. ℥ij. syr. Caryophyl. ℥j. ms. f. Iulapium.

Singulis matutinis post assumptum medicamentum sudet horæ unius vel alterius spatio, vel potius pluribus stragulis quàm toleret coopertus in lectulo levi madori indulgeat per dictum tempus. His finitis si pustulæ adhuc non evanuerint, sequenti linimento partes affectæ inungantur: ℞. Unguent. ex oxylapatho ℥ij. unguent. pomati ℥j. flor. sulphuris ℥ij. ol. Rhodii ℥℥. f. liniment. Verumtamen medicamenta præscripta haud usurpentur, nisi Venæ-sectione atque catharsi ritè præmissis; quæ tametsi solùm adhibitæ curationem non absolunt, ægrum tamen contra febrim præmuniant, ob usum medicaminum calidorum aliàs occurruram.

Est & alia *Eruptionis* species, etsi minùs frequens, ad cujus medelam nullæ prorsus evacuationes conferunt. Hæc tametsi in aliis quandoque partibus, ut plurimum tamen in pectore apparet, ac loco aliquo determinato se figit, vix cutim supereminens, atque latiore maculam præ se ferens, nisi quod aliquantulum porriginosa, ac quasi furfuracea, cum squamulis colore ad flavum vergente tinctis, cernitur. Hac sive *macula*, sive *impetigine* vigente; æger bene se habet, eadem vero evanescente, ut sæpe fit, leviculam ægritudinem patitur, atque urina ejus turbidior, & rubicundior, sed ad flavedinem accedens, redditur. In hujus etiam affectûs curatione eadem via atque iisdem post evacuationes universales, plane remediis insistendum ac in Pruritu ferino modo dicto; ac proinde, quod non omittendum, vini, ut & carniū *εὐπρέπων* usus omnino concedendus; cùm refrigerantia omnia magis officiant quàm profint. Atque ita hæc postrema Eruptionis species curatur, quæ tamen aliquando non nisi *Aquis Ferreis* diu epotis cedit.

## C A P U T VII.

### Angina.

**Q**uolibet anni tempore aggreditur, maximè tamen illo, quod Ver atque Æstatem interjacet, juvenes præ cæteris, & temperamento sanguineo præditos; Rufus etiam, quod non semel observavi, præ reliquis omnibus. Rigent horrentque mox à primo morbi insultu, sequitur Febris, & paulo post dolor, & Faucium inflammatio; cui nisi mature succurratur, æger statim nec deglutire valet amplius, nec spiritum per nares ducere, sed cum sensu quodam strangulationis præcluduntur Fauces ab inflammatione & tumore Uvulæ, tonsillarum, laryngis, ita ut tantum non suffocetur. Ingens ab hoc morbo periculum, utpote qui paucis nonnunquam horis hominem jugulat; quoties scilicet magna vis materiæ Febrilis in prædictas partes conjicitur, neque satis tempestivè convenientium remediorum usu, ingruenti occurritur procellæ.



\* Opem laturus, sanguinem cum primis è brachio copiosè detraho, mox ex ranulâ utrâque; dein, ut partes inflammatae *melle Rosaceo spiritu sulphuris* ad summum acorem permixto, tangantur, author sum: mox *Gargarisma* sequens præscribo, non vulgari modo usurpandum, sed ita ut in ore sine ulla agitatione contineatur, donec incalescat, dein expuatur, & reperatur subinde. *℞. Aq. Plantag. Ros. rubr. & Sperm. Ranar. an. ℥iij. Album. ovorum in aquam agitando redact. N. iij. Sacch. cand. Alb. ℥iij. F. Gargarisma.* Jubeo etiam ut de Emulsione in cura *Morbi lateralis* præscriptâ vel simili, indies sumat.

Sequenti mane, nisi Febris & dolor inter deglutiendum perceptus aliquantulum remiserint, venam in brachio rursus ferio, Catharsi in diem posterum rejectâ. At si utraque hæc minuatur, *Catharticum* Lenitivum statim exhibeo; quod quidem post sanguinis missionem præ omnibus aliis perutile, ac ap- prime necessarium esse multiplici experienciâ comperii. Si fortean, quod quidem oppidò rarum est, Febris, aliaque symptomata, etiam post Catharsin, bellum minentur, iteratâ, ut prius. Venæ sectione perdomanda sunt, ut & *Epispastico* amplo ac forti; posteriori cervici applicando. Per integrum hujusce morbi decursum, Enema Refrigerans Emolliensque omni mane, dempto illo quo Catharsi vacat, injiciendum, atque ægrum hoc pacto reficiendum quotidie præcipio. Carnes, cujusunque demum generis, ut & juscula ex iis parata, sacra sunt; jusculis verò hordeacis, avenaceis, pomis coctis ac id genus aliis vescitor; ptisanâ ex hordeo, vel cerevisiâ tenuissimâ utitor. Lectulo interim per horas aliquot quotidie absistat; cum hujus tepor tum Febrî, tum reliquis symptomatis, quæ hâc methodo expugnare satago, vires addat. Animadvertendum est autem, quòd istiusmodi *Angina*, quæ Febris, mihi *Stationaria* dictæ, symptoma tantum est, illâ ipsâ methodo curari amat, quam Febris ea sibi vendicat, ac proinde vel per *διαφύσιν* & cutis spiracula exterminanda est, vel per aliam qualemcunque medendi methodum, quæ Febrî Primariæ, cui inhæret, debetur, quod sedulâ observatione dignum.

Sunt & aliæ Febres *Intercurrentibus* jure merito annumerandæ, quæ, quoniam alio aliquo modo immediatè ab initio sibi parant, & in hoc vel illo symptomate desinunt, vulgò Febres non habentur; licet tales ab origine verè fuerint, atque Affectus ille à quo morbus nomen mutuatur, Febris tantum sit *Symptoma*, quæ in illo demum terminatur. Impræsentiarum duas tantum, *Hæmorrhagiam* scilicet *Narium*, ac *Hæmoptoen*, leviter perstringam.

\* *Hæmorrhagia Narium* quavis ævi tempestate infestat, præcipuè sanguine præfervido, temperamento verò debiliore præditos; idque magis ætate ingravescente, quàm adulescente. Primo ut plurimum appulsu Febris præ se fert indicia, quâ derepente sibi per nares, quâ datâ portâ, faciente viam, dolor & calor sinciput adhuc torquent. Sanguis ad horas aliquot profluit, dein aliquandiu sistitur, mox denuò erumpit, atque hæc vicissim: donec tandem vel remediorum usu, vel sponte suâ ob imminutam copiam deperditamque co-

Z

hibitus

\* Curatio. \* *Hæmorrhagia Narium.*



hibitus, omnino cessat; ita tamen, ut ægro singulis annis à recidiva metuen-  
dum sit, vel à liquoribus spirituosus, vel aliâ occasione quâlibet æstuarè con-  
tingat.

Eum hîc mihi scopum propono, ut sanguinis fervor nimius atque Ebulli-  
tio, unde oritur dicta præter naturæ modum extravasatio, frænâs omni-  
bus compescatur, ejusque impetus aliò vertatur. Ea propter frequenter bra-  
chii venas tundo, & sanguinem liberaliter extraho, *Pleuriticorum* sanguini  
colore semper respondentem. Victûs rationem refrigerantem atque incrassan-  
tem injungo. Ut aq. fontan. partes tres, Lactis unam simul coctas, & frigide  
hauriendas; poma cocta, juscula hordeacea, & similia à carnibus abhor-  
rentia. Julapia insuper refrigerantia atque incrassantia, unâ cum Emulsionibus,  
in morbis Inflammatoriis supra descriptis. Lectulo item ut absistat per ali-  
quod spatium quotidie, moneo, tum ut nullo non die injiciatur Enema le-  
niens refrigeransque, nec vel semel quidem omittatur: Hæritu quinetiam ho-  
râ somni Paregorico è Diacodio, seu catenâ constrictus sanguinis furor coër-  
ceatur. At verò quando hujusmodi Hæmorrhagias non rarò comitetur lym-  
pha acrior, quæ sanguini permista ejus motum adjuvat, venarum orificia re-  
ferando, præter revulsionem & refrigerationem, solenne mihi est Cathar-  
ticum blandius, vel in ipsius morbi æquâ propinare, cujus operatione finitâ,  
Anodynum exhibeo præter solitum viribus auctum; & ubi symptoma penitus  
evanuerit, aliud demum Catharticum.

Quoad externas applicationes. Lintea quadruplicata immersa aquæ frigi-  
dæ, in qua *Sal prunelle* dissolvatur, & postea leviter expressa admoveantur.  
Nuchæ ac utrinque Cervici sæpius in die. Item post universas evacuationes pe-  
ractas liquor sequens applicetur. ℞. *Vitriol. Hungar. & Alumin. an. ʒi.*  
*Phlegmatis Vitriol. ʒss. Coq. tam diu, donec omnia fuerint dissoluta. Liquo-*  
*rem frige factum filtra, & à Crystallis sibiinde natis separa. Liquori resi-*  
*duo adde Ol. Vitriol. duodecimam partem. Turunda ex linteo raso liquore*  
*hoc probè humectata, nari ex quâ sanguis stillat indatur, per dies duos ist-*  
*hîc relinquenda. Quo etiam liquore linreamina imbuta & applicata sanguinem*  
*sistunt ex quacunque demum parte externa idem defluat.*

\* *Hæmoptoe* etiam, quæ in ætatis ac veris confinio hæret, calidioris  
temperamenti, at minus robusti adnotatur, & quorum pulmones minus rectè  
valent, præ senibus item juniores, ejusdem ferè indolis cum Hæmorrhagiâ jam  
tractatâ mihi est, cum & hæc quoque Febris sit, quæ tam nomen, quàm essen-  
tiam exuit suam illâ quâ soluta est Crisi; hoc ferè tantum discrimine, quòd in  
morbo priorè sanguis nimium agitarus in narium venulas, in hoc verò in pul-  
mones impetum facit; utque in illo, durante fluxu dolor & calor sinciput ju-  
giter lancinant, ita in hoc pectus uterque obsidet cum debilitate quadam. Quin  
& hoc vitium eandem ferè quam Hæmorrhagia methodum medendi sibi vendi-  
cat, nisi quod Catharsin minus ferat, aquâ, præsertim repetitâ, æger facile  
in tabem conjicitur. At Phlebotomia crebrò celebrata, Enema quotidie inje-  
ctum,

\* *Hæmoptoe.*



Etum, Diacodium horâ somni propinatum, Diæta insuper, & medicamenta, tam incrassantia, quàm refrigerantia, opus pro voto absolvent.

Atque hæc sunt, quæ hæctenus observavi de numerosa ista Morborum Tribu in varias familias dispersitâ, qui *Februm* sub nomine censentur, atque de iis symptomatis, quæ ab illa pendent, in quibus id seriò egi, ut nullas Putationes meas, nulla imaginaria Cerebri commenta orbi venderem; animo verò sincero candidoque, nullique adeò Hypothesi adstricto, eorum Historiam & naturalia Phænomena aliis traderem; Curationes etiam pari fide, & cautelâ pari subnecterem. Quod si vehemens desiderium Methodum certiorum minusque lubricam, in utilissimo tuendæ mortalium vitæ negotio, expiscandi constabiliendique, me in semitas nullo antea pede calcatas pertraxerit; nemo eruditorum, uti spero, mihi imputabit, quòd vel spretis aliorum judiciis meo nimium fidam, vel rebus studeam novis; cum & non spernendus rerum eventus mihi hæc investiganti ingentes hucusque animos addiderit, & posterorum experimenta sine dubio meam fidem sint liberatura. Et profectò haud oscitanter impugnandum est hoc morborum tam pestiferum agmen, quod nullo non die cum genere humano bellum gerit internecinum atque ἀσπασμόν; & cujus telis duo ad minimum hominum trientes, si eos demas, qui violentâ morte perimuntur, confossi quotannis occumbunt. Indefinientes horum morborum impetus, & quotidianæ, quas etiam de viris robustissimis & ætate maximè florentibus reportabant, Victoriæ, (non obstantibus suppetiis iis omnibus, quas nobis hæctenus attulere speciotæ istæ Methodi in speculativorum libris satis fidenter descriptæ) animo meo hæc primùm agitati minus satisfaciebant; cum reapse cernerem, ludicra ista Cerebroforum commenta ita parùm ad redintegrandam ægrorum sanitatem conferre, ut qui ad Asyla hæc confugerant, quicquid pollicitarentur Thrasones Dogmatici, haud meliori in loco essent, quàm qui neglectâ Arte se totos naturæ permiserant. Si quid ego hîc egero, quo vel periculi, vel etiam difficultatis, quæ in his morbis persanandis plerumque occurrunt, pars aliqua levetur (quod salvâ verecundiâ, me mihi polliceri posse saltem spero (scopum quadantenus assequutus sum, & dulcissimum improbi laboris in bono Proximi quærendo rectè collocati, fructum fero. Hæc præcipua ferè sunt quæ jam habeo comperta, (vel saltem ad methodum aliquam novi reducere,) circa *Febres & symptomata*, quæ ab eisdem pendent, ad hunc usque 30. Decembris diem, An. 1675. quo hæc conscribo.





## EPISTOLÆ RESPONSORIÆ DUÆ

A THOMA SYDENHAM M. D.

*Prima*

## DE MORBIS EPIDEMICIS

ab Anno 1675 ad Annum 1680.

Ad ROBERTUM BRADY M. D.

*Secunda*DE LUIS VENEREÆ HISTORIA  
ET CVRATIONE.

Ad HENRICUM PAMAN M. D.

CLARISSIMO VIRO

THOMÆ SYDENHAM, M. D.

**N**EMO usquam Medicorum, Vir eruditissime, adhuc vim aeris & influentiam in humana corpora attentè perpendit, nec in vita nostra perennanda quas agit partes eorum quispiam consideravit satis, viresque quas exerit in fermentando, & circumducendo sanguinem, aut in motibus animalibus quibuscunque peragendis cujus sit energia, & efficacia, horum non aliquis notavit; neque ejusdem temperiem naturalem, alterationes multiplices & mutationes, quas Constitutiones haud perperam indigitas, ne leviter quidem, vel Medici, vel Historia Naturalis Scriptores attigerunt, multo minùs perscrutari sat-  
gerunt.



gerunt. Fieri sanè nequit, cùm in omnes corporis partes, etiam reconditissimas, aer sese insinuet, quin quas subit alterationes & mutationes à rebus quibus imprægnatur easdem sanguini & succis communicet, & imprimat; unde ut plurimum ab hac vel illa prava aeris constitutione oritur hujus vel illius indolis prava sanguinis Diathesis. Optimo itaque consilio Observationes Medicas circa morborum acutorum historiam & curationem juxta varias annorum & eorundem partium constitutiones instituisti, cum in iisdem, aeris actiones in sanguinem, succos, & spiritus præsertim (si ipse non sit spirituum materia) conspiciantur. Et nullus dubito quin Februm indoles ab annorum temperie in quibus grassabantur observata utilissimam, si non unicam, methodum constituit ad praxim stabiliendam. Perge itaque, & siquæ adhuc restant Observationes Februm annorum nuperrimè elapsorum, fac ut palàm fiant, quâ in re quàm maximè humani generis salutis prospicies.

In Sectione primâ, Cap. quinto, libri tui, paucis egisti de usu Corticis Indici, & ejusdem exhibendi methodo. Equidem scio quosdam haud infimi subseclii Medicos, qui in magnâ quantitate & dosi sæpius repetitâ eum exhibent; alios item qui ex eodem extracta, infusiones, & ex infusionibus julapia, & emulsionem conficiunt, quibus modis se non tantum Intermittentes, sed & continuas quasdam certò curare affirmant: Magnum procul omni dubio in curandis Intermittentibus est remedium. Ego quidem per 20. plus minus annos dictum Corticem variâ forma & multiplici preparatione maximo cum successu exhibendum curavi. Si verò peculiare quippiam de usu hujusce Corticis nosti, vel quid melius progrediente experientia fueris edoctus, id ne graveris precor in lucem proferre.

In curatione Rheumatismi frequentem Phlebotomiam, & largam manu celebratam tanquam necessariam proposuisti. Quererem Ego annon rejectâ tam severa & crudeli methodo, alia non humani sanguinis adeò prodiga, nec minus certa inveniri possit. Dum hæc agis, Dignissime Vir, malevorum jurgia, & invidorum stigmata atque calumnias sat superque persenties; neque nunc minùs quàm olim nomini tuo aut famæ parcent, licet ingenuis ferè omnibus displiceant, & candidioribus, apud quos solenne est istiusmodi detractores despicere. Isti verò, si Februm historiam longo usu comprobata, vel earundem essentias, causas, & disse-



differentias, vel veram tandem Medendi Methodum expiscari volunt, Te Ducem & viam præmonstrantem sequi necesse habent; cum vix, aut ne vix quidem, alia, vel earum naturam investigandi, vel curandi ratio possit assignari. Maacte itaque esto, & sperne sciorum dicteria; sincerorum hominum ingenia excita; tu methodum monstrasti, & si tua non placet, qui carpunt dent politiolem & magis firmam. Vale, Vir Integerrime, qui hisce peragendis totam Medicorum turbam meritò devincies, inter reliquos verò.

Tibi jure meritoque amicissimum,

Cantabrigiæ,  
Decemb. 30. 1679.

R. BRADY,



*Amplissimo Doctissimoque Viro*

ROBERTO BRADY, M. D.

*Collegii Cajo-Gonevillensis Custodi, nec non Regio in Medicinâ apud Cantabrigienses Professori longè celeberrimo.*

**M**E certè, Vir Humanissime, si quid in morborum curatione profecerò, ad omne id cuius efflagitanti impertiendum præ cæteris qui nunc sunt homines facillimum esse omnino par est: si enim ea tantum mihi innotescant quæ & reliquis mortalibus, (quod mihi plus satis constat) nullo pacto mihi obfuerit levidentia ista & è triviis desumpta evulgare, sin autem assecutus sim aliquid quod è re Medica sit, & an certiolem morborum Therapeian faciat, non tam mihi laudî dabitur, quàm aliis daretur quibuslibet, ea in lucem expromere; Qui & à Podagra jam ab annis plus minus triginta, & calculo diu malè multatus, facilè mecum reputo, quàm seriò gauderem, si quod meis malis levamen aliorum indicio possit afferri. Cum autem paucissimis ingens illud privilegium à Deo Opt. Max. concedatur, ut publico commodo hâc in re inservire queant, iisque tantum, quibus è *meliore luto* quàm mihi *finxit præcordia Titan*, votis agendum est, quod reapse effectum dare



non satis est virium: Semper enim existimavi, neque id sine ratione, majoris esse felicitatis certam vel levissimi alicujus morbi debellandi methodum ægris mortalibus prodidisse, quàm vel *Tantali*, quod ajunt, vel *Cræsi* thesauros accumulasse. Feliciosem hoc illum dixi; dicam & meliorem; sapientiosemque: quod enim uberius & sapientiæ & bonitatis suæ specimen quis potest edere, quàm, cum se è communi generis humani natura decisum animadvertat, ea quæ molitur omnia ad publicam magis omnium utilitatem, quàm ad suam ipsius, qui tam exilis totius particula & contempta res est, jugiter referre? *Ut enim* [loquor cum maximo illo dicendi sentiendique magistro *Cicerone* meo, sui sæculi, ne dicam universæ hominum naturæ *Genio*] *leges omnium salutem singulorum salutem anteponunt, sic Vir bonus & sapiens & legibus parens & civilis officii non ignarus utilitati hominum, plusquam unius alicujus, aut suæ consulit.* *Cicero de fin. bon. & mal.* Quinimò satis liquet, quòd cum facinorosi sit hominem jugulare, boni viri erit eundem vel conservare, vel alios iis instruere præsidiiis, quibus adjuti eum ab interitu vindicent, etiam auctore vitæ jam functo. Et vox illa planè inhumana & scelerata audit eorum, qui negant se reculare, quò minus ipsis mortuis terrarum omnium deflagratio consequatur.

His autem impræsentiarum missis factis, fatendum est, debere me ea, quæ de his morbis, de quibus percontari libuit, animo volutavi, utut exilia, tibi plane aperire, Tibi, inquam, Eximio Viro, & *Sparta* quam ornas dignissimo; cujus ego & eruditioni & probitati, animique candori ea tribuo encomia, quæ reliqua Togatorum Gens, inter quos nites. Prætereo etiam, quantum tibi debeo gratiarum, quòd te tam malè habeant immerita illa, quibus à nonnullis proscindor convitia; de quibus hoc habeo dicendum, quòd si vita innocua hominis, qui neminem neque facto neque dicto læserat, me ab illis factum tectum reddere valuisset, nunquam in me detronuerant. Cum autem nullo id meo crimine evenerit, neque, ut spero, eveniet unquam, stat sententia non me idèò plectere; quod alii deliquerint, id tantum ratus ad me attingere, ut viri probi scilicet officio defungat, & boni Medici, quantum patitur tenuitas nostra.

Morem itaque geram in tradendis observationibus, quæ mihi in morbis, de quibus sciscitabaris, occurrebant. Primum autem agam de *Febris Intermittentibus* nunc apud nostros *Epidemicis*. Quo nomine non abs re fore arbitror annos istos ordine, sed breviter percurrere, qui illum excipiebant, quo claudebatur *Historia Acutorum Morborum* [qualis qualis illa demum fuerit] qui per præterlapsos annos 15 grassabantur, & quædam obiter perstringere in eorundem curatione à me pridem notata. Quo facto melius innotescet, quo tempore & quibus gradibus, quæ jam obtinet *Februm constitutio*, nobis obrepserit.

\* Annus 1676. eosdem peperit morbos quos genuerat Constitutio postremo loco commemorata in dictis Observationibus, viz. Annor. 1673, (in ca-



jus Autumno ea se primùm exeruit ) 1674, & 1875. At verò exolescente fermè hâc crasi, mitiores erant, quàm pro suo genio, qui subpullulabant morbi, & minus insuper Epidemici; non obstante peculiari ejus anni indole, quantum ad manifestas aëris qualitates, quibus ab annis præcedentibus perquam abludebat, cum & æstatis fervor, & frigus hyemis omnes fermè annos, quorum memoriam habemus, longo intervallo superaverint. Et cum tam ingens tempestatum discrepantia similes tamen morbos produceret, satis hinc liquet, non tam manifestam quàm occultam aëris temperiem Epidemicis morbis favere. At verò fatendum est, morbos eosdem quoad symptomata quædam aliquando à manifesta aëris diathesi pendere, quod & *Morbilli* & *Cholera Morbus* hoc anno invadentes testatum faciunt; de quibus breviter agam.

*Morbilli* enim nascenti anno coorti, licet non admodum Epidemici, id tamen eximii habebant, quod solito longiùs procurrerent: nam cum pro more suo mense primùm Januariò comparentes, ad Æquinoctium usque verum ingravescerent; dein paulatim imminuti cum Solstitio æstivo ferè expirarent, hoc anno ad Æquinoctium fermè Autumnale pertingebant, ab æstatis calore, nisi fallor, aucti viribus, quò diutius obsisterent. Neque tamen Methodum Medendi ab usitata illa diversam postulabant.

Exeunte æstate *Cholera Morbus* epidemicè jam sæviebat, & insueto tempestatis calore evectus, atrociora Convulsionum symptomata, eaque diuturniora secum trahebat, quàm mihi priùs unquam videre contigerat. Neque enim solùm abdomen, uti aliàs in hoc malo, sed universi jam corporis musculi, brachiorum crurumque præ reliquis, spasimis tentabantur dirissimis, ita ut æger è lecto subinde exiliret, si fortè extenso quaquaversum corpore eorum vim posset eludere.

Quamlibet autem hic morbus non aliam à jam recepta medendi rationem sibi vendicabat, *Anodyna* tamen fortiora, eaque sæpius ingerenda quàm alia solebam, omninò indicabantur. Ex. gr. Ad quendam vocatus per id temporis truculentissimo illo, quod modo descripsi, symptomate tantùm non contentum, (me autem comitabatur *Carolus Goodall* M.D. cujus animi Candor, Probitas illabata, summus in me amor, labor improbus in morbis dignoscendis curandisque unâ cum nomine mihi semper occurrunt) & enormi vomitione, spasmodumque violentiâ animum agentem, cum sudore frigido, & pulsu vix micante, guttas 25. *Laudani liquidi*, à me jam olim publicati, in cochl. 1. *Aq. Cinnamomi fortis* exhibendas curavi, veritus sc. ne vehiculum paulò copiosius medicamento rejiciendo [quod in vomendi tam impenso conaminari sæpe fit] ansam daret: dein lecto assidens quasi ad semihoram, & expertum Remedii vires nec Vomitioni compescendæ, nec sedandis Convulsionibus adhuc pares esse, toties illud ipsum repetere, & dosin in tantum augere coegebar (interposito tamen spatio, ut quid à jam ingesto mihi foret sperandum prius ediscerem, quàm novas adferrem suppetias) donec tandem pervicacissima illa symptomata sub jugum victoris mitterentur, quod tamen vel m-



nimo corporis motu excitata denuò excutere satagebant. Serio itaque imperavi, ut & corporis quieti modis omnibus indulgeret ad paucos dies, & Medicamentum jam dictum, sed in minori dosi, subinde assumeret, etiam postquam convaluerit, ad ἐνεξίαν sc. confirmandam; quod nobis ex animo cessit.

Neque est cur me quispiam iusto audaciorem pronunciet, eo sc. nomine, quòd tantam Laudani Liquidi vim ægro infundere non dubitaverim; cum iudice experienciâ certò constabit, quod in quibus affectibus ex *Opio* parata indicantur (sunt autem tres. *vehemens dolor, vomitus vel dejectio enormior, & insigniores spirituum animalium ἀταξία*) in iis & Remedii Dosis & repetendi vices cum symptomatis magnitudine omnino sunt conferendæ. Quæ enim dosi remissiori symptomati coercendo par est, ea ab alio fortiore superabitur, & quæ aliàs ægrum in manifestum vitæ discrimen conjiciet, eundem impræsentiarum ab orci faucibus liberabit.

\* Atque hi sunt morbi isti, qui hoc anno populabantur, iidem sc. ut jam innui, cum morbis trium annorum præcedentium. Quales autem fuerint, qui annum sequentem viz. 1677. funestaverint, non habeo dicere. Cum enim molestissimo sanguinis mictu, à motu vel levissimo, sub anni initio malè multaret, neque ita diu postea Podagrâ etiam, quæ non jam tam artus, quàm viscera sævissimo dolore excruciat, accedentibus insuper virium & appetitûs prostratione, crurum tumore, aliisque symptomatis non minus periculosi (quem si tùm fuerim extinctus, mors certè non tam à bonis quàm à malis abstraxisset, haud equidem repugnantem) me domi meæ ad menses tres continere, deinde redintegrandæ sanitatis causa per idem ferè spatium rusticari cogebat: *Autumno* reversus ad meos, *Febres Intermittentes* hinc inde sparsas esse (quarum tamen pars maxima ægros non in urbe primùm invaserat) ab amicis didici; cum autem mihi per valetudinem non liceret ægros invisere, de hoc anno nihil melius silentio possum adferre.

Proximi anni (viz. 1678.) *Constitutio* prorsus immutata *Febribus Intermittentibus* (quæ jam ab anno 1664. ad tredecim sc. annos urbe ferè exulaverant, nisi quod nonnullos sporadicè occuparent, vel ex agris fortè comitantur) usque adeò favebat, ut Epidemicæ rursus audirent; neque eum tamen gradum hodiè tuentur, quin & fines latius proferent, donec hæc, à qua pendent, æris διάθεσι tuam ἀντιπνὴν attigerit. Quantumlibet autem dictæ intermittentes pauciores aliquot etiam tempore Verno fuerint adortæ, eo usque tamen exeunte Æstate & Autumno subeunte præ cæteris sæviebant, ut nulli amplius morbo Epidemici nomen relinquerent. Hyeme verò paululùm fatiscentes *Variolis* locum cedebant, atque aliis insuper Epidemicis, qui per omnia dominabantur, donec Intermittentibus apta tempestas in orbem rediret.

Sed ut jam edisseram, quæ de harum Februm & naturâ & causis sedulâ observatione assecutus sum: imprimis notandum est; quòd licet olim *Quartanæ* frequentius occurrerent, nunc dierum aut *Tertianæ* erant, aut *Quotidianæ*, (nisi quis postremas has *Duplices Tertianas* malit appellare) & pariter quod

A a

licet



licet Tertianæ Quotidianæque aliquando cum rigore atque horrore invadentes, subsequente primùm calore, mox etiam sudore, tandem in omnimoda ἀνωγειᾶ definerent, atque post statam periodum ægros de novo lacefferent; ne hunc quidem jam morem servabant ultra tertium quartumve Paroxysmum, maximè si æger lecto addiceretur, & assumptis Cardiacis calidioribus oleum camino, quod ajunt, addiderit. Postea verò Febris hæc eo usque etiam præter indolem suam incrudescibat, ut *Intermissionis* loco *Remissionem* tantùm ægro concederet; & magis indies ad *Continuarum* speciem accedens, tacto Cerebro tandem haud paucos extingueret.

*Curationem* quod spectat, jam à multis annis mihi innouit, quàm sit periculosum eam in Tertianis & Quotidianis (quæ cum recentes sint nullumque typum indutæ in continuitatis vicinia adhuc hærent) per sudorifica moliri: quamvis enim notissimum sit simul cum sudore prorumpente inquietudinem atque alia symptomata statim evanescere, & ἀνωγειᾶ succedere, & ex consequenti huic paululum esse indulgendum, saltem non esse obsistendum Paroxysmo fatiscente, tamen est compertissimum, quod si justo copiosius eliciatur sudor, quæ intermittebat, Febris jam sit Continua, ægeque tanquam incerto, aleæ casu in vitæ discrimine versatur, hic servatur, perit ille. Ratio est hæc, nisi mea me fallit conjectura, quod sc. istiusmodi profusus sudor, cùm materiæ febrilis, paroxysmi calore eo usque evedæ, ut jam per despumationem ejici possit, modum exuperet, exterminatâ eâ parte, quæ unico paroxysmo respondet, de reliquo sanguini incendendo impenditur. Hujus itaque methodi inefficiam, & aliarum evacuationem, Venæ-sectionis v. gr. & Catharseos incommoda (quarum utræque relaxando tonum sanguinis morbum protrahunt) dum mecum perpenderem, *Peruvianus Cortex* certissimam mihi spem fecit, de quo verè affirmare possim, non obstante tam vulgi quàm perpaucorum è doctis præjudicio, me nihil mali ægris accidisse ab ejus usu vidisse unquam, vel cum ratione suspicari potuisse, nisi quòd illi, qui longum & repetitum corticis Peruviani usum experti sunt (ut in *Capite de Rheumatismo* præmonstraverim) in speciem quandam *Rheumatismi Scorbutici* nonnunquam incidunt. Hoc autem malum perquam rarè ex hac occasione nascitur, & quando accidit facillimè Remediis ibidem descriptis cedit.

Et profectò si tam effectorum durationem, quàm Corticis hujus innocentiam exploratam haberem, principem illi locum inter omnia quotquot sunt remedia deferre nullus dubitarem; cùm non tantùm in hoc morbo insignium esse virium deprehendatur; sed & in Uteri & Ventriculi etiam affectibus: Tantum abest ut de ejus insalobritate meritò quis conqueratur.

His autem potissimùm de causis, nisi fallor, dictus Cortex malè audit. Primò quia plurima illa horrendaque symptomata, quæ Febres Intermitteutes jam diutius ægrum cruciantes comitantur, etiam ubi ne minimum quidem Corticis degustaverit, Cortici, vel semel assumpto, imputantur. Secundo quia cùm occultâ vi & non per sensibilem aliquam evacuationem morbum averruncet, statuunt plerique materiam morbum committentem quæ propelli



debuerat, tanquam hostem intra mœnia vi Corticis astringente inclusam latere, novos daturam tumultus, atque ægrum non penitus evasisse cum adhuc catenam trahat. Ast hi non satis attendunt Sudores paroxysmum finientes id omne quod in lucido sanitatis intervallo accumulabatur prorsus eliminasse, manere tantum morbi seminium tempore maturandum; quodque Cortex fugientem paroxysmum à tergo urgens, & intercepto qui debuerat subministrari morbi commeatu sive fomite, non potest in sanguine retinere quod jam in illo non nisi tanquam in embryo reperitur; ac proinde neque strangulationum neque obstructionum; quæ vulgò obijciuntur, reus est peragendus.

Quo autem pacto deprehendemus Corticem vi sua astrictoria Febres fugare? Qui id probare velit, necesse erit ut prius alia astringentia pari virtute prædita in medium afferat; mihi certè vel eorum fortissima adhibenti in experimentum nondum è voto cessit. Quid quod illos etiam sanat, qui ab ejus usu tanquam à Cathartico assumpto (quod nonnullis accidit) frequenter alvum deponunt? Id verò demum est rectè sapere suo se quemque pede ac modulo metiri. At si quis fucum sibi faciens, aliis se præditum esse facultatibus existimaverit, quàm quæ inserviunt percipiendæ vel *Naturali Theologia* (ut Deo sc. rerum omnium Architecto & Moderatori debita veneratio cum profundissima animi prostratione jure merito exhibeatur;) vel *Philosophiæ Morali* (ut virtutem exerceat, & mores tam ad privatum quàm publicum Societatis Humanæ bonum accommodet;) vel denique *Arti Medicæ, Mathematicæ, & Mechanicæ* (quibus vita communis adjuvatur:) Hic primùm Hypothesin aliquam è schola *Naturalis Philosophiæ* depromat, qua vel unicam differentiam specificam rerum in natura possit enodare; ex gr. rationem reddat quare *Gramen* omne viridi ubicumque colore, nusquam alio cernitur infectum, &c. Hoc si effecerit in ejus castra haud invitus transeam; finaliter, non verebor dicere quòd Medici cura omnis atque industria in expiscanda Morborum Historia, iisque remediis adhibendis, quæ Experientia Indice ac Magistra eosdem valent depellere, debent collocari; observata tamen ista medendi Methodo quam recta ratio [non speculationum commentis, sed trito & naturali Cogitandi modo innixa] ei dictaverit. Dicam itaque paucis quod usu didici de Methodo qua Cortex nobis usurpandus venit.

*Cortex Peruvianus*, cujus *Pulvis Patrum* vulgò nomine insignitur, annis abhinc quinque & viginti (si benè memini) apud Londinenses nostros in exterminandis Febribus Intermittentibus, maximè Quartanis, primùm cœpit inclarescere. Idque optimo sanè jure, cum hujusmodi morbi rarissimè ab ullo alio sive Remedio sive Methodo Medendi antea expugnarentur, unde etiam opprobria Medicorum & erant & audiebant. At verò non ita multo tempore elapso, duabus de causis, non quidem levibus, damnatus in desuetudinem prorsus abiit. Primò quia paucis horis ante adventum Paroxysmi, pro recepto id temporis more, exhibitus ægrum nonnunquam è medio tolleretur; quod & civi cuidam Londinensi eidemque Senatori Urbano, *Vnderwood* nomine, & Capitaneo nomine *Potter* in vico vulgò dicto *Black Fryars* Pharmacopolæ me-



mini accidisse. Funestior hic pulveris exitus, quamvis oppido rarus, Medicos tamen paulò cordatiores ab ejus usu meritò retraxit. Secundò quia æger opè pulveris à Paroxysmo aliàs invasuro liberatus, quod plerumque eveniebat, tamen intra dies 14. recidivam ut plurimum pateretur, in morbo scilicet recenti, necdum temporis cursu suoque Marte committigato. Maxima pars hominum his permota rationibus spem de hoc pulvere jam pridem conceptam protinus abiciebat: Neque enim tanti æstimabant Paroxysmum ad paucos dies protrahere, ut se eo nomine in vitæ discrimen à pulvere intentatum induci paterentur. Ego verò jam ab aliquot retro annis haud vulgarem hujus Corticis vim seriò perpendens, animoque revolvens, non alio magis, quàm hoc Herculeo medicamento Febres intermittentes debellatas iri confidebam, si qua par erat cura accederet, & diligentia. Diu itaque multumque apud me agebam, ut & Periculo à pulveris usu impendenti, & Recidivæ intra paucos dies subsequituræ (quæ duo erant amolienda incommoda), possem occurrere, atque ægrum hujus ope ad perfectæ sanitatis gradum promovere.

Primò *Periculum*, quod minitabatur, non tam ex ipso Cortice natum arbitrabar, quàm ex eo quòd minus opportunè ægro ingereretur: cum enim vis ingens materiæ febrilis diebus à Paroxysmo vacuis in corpore fuerit aggesta, pulvis prædictus, si immediatè ante Paroxysmum degluriatur, facit quò minus materia morbifica ipsâ naturæ methodo, Paroxysmi scilicet impetu, possit eliminari, quæ proinde præter fas inclusa ægrum in vitæ discrimen solet conjicere. Hoc ego me malum propulsare posse existimabam, materiæque pariter febrili de novo generandæ obicem ponere, si ubi primùm Paroxysmorum unus affligere desierit, confestim pulverem exhiberem quo insciturus sufflaminaretur, & diebus Intermisionis statis subinde vicibus eundem repeterem usque dum novus invaderet Paroxysmus, atque ita paulatim tutoque proinde sanguinis massam salutiferâ Corticis virtute penitus inficerem.

Secundò cum *Recidiva*, (quæ intra dies 14. plerumque accidebat) ex eo mihi videbatur nasci quòd sanguis non satis exaturaretur virtute febrifugi, quod utut efficax, unâ tamen vice morbo penitus exterminando par non fuit, idcirco autumabam nihil ad eam præcavendam æquè posse conducere atque methodum repetendi pulveris, etiam de victo ad præsens morbo, justis semper intervallis, antequam scilicet vires præcedentis dosis prorsus elanguescerent.

His itaque rationum momentis innixa mens eam, quâ jam utor, mihi methodum dictabat. Ad ægrum *Quartanâ* Febre laborantem accersitus (die *Lunæ* v. gr.) si Paroxysmus eodem die sit invasurus, nihil prorsus moveo, sed id tantum ago ut spem faciam eum à proximè venturo liberatum iri. Ac proinde huius diebus Intermisionis (*Martis* sc. & *Mercurii*) Corticem exhibeo hunc in modum. ℞. Cortic. Peruv. subtiliss. pulverat. ℥j. cum s. q. syr. Caryophyl. vel de Rosis siccis, f. Electuar. dividendum in 12. partes, quarum unam capiat quartâ quâque horâ, incipiendo immediatè post paroxysmum, superbibendoque haustum vini cujuslibet. Vel, si Pilule magis arrideant, ℥j. Cortic. Peruv. subtiliss. pulv. ℥j. cum s. q. syr. Caryophyl. f. Pil. mediocris magnitudinis, quarum ca-



piat vj. quartâ quâque horâ. Sed minori cum molestia, eodem tamen fructu, hujus Pulveris *uncia una* admisceri poterit *libris duabus Vini Clareti*, atque ejus *cochl. viij. vel ix.* exhiberi iisdem quæ dicta sunt temporis intervallis. Die *7ovis*, quo metuitur Paroxysmus, nihil impero, cum ut plurimum nullus accedat, reliquiis materiæ febrilis per solitos sudores, qui præcedentem paroxysmum absolvunt, despumatis ejectisque è sanguine, atque intercisa novæ mineræ vel fomitis accumulatione repetito pulveris usu, diebus Paroxysmos determinantibus adhibiti.

Verum enim verò ne morbus denuò recrudescat (quod è prædictis incommodis erat alterum) *die octavo* præcisè à quo postremam dosin æger assumpsit eandem præfati pulveris quantitatem, (*Vnciam sc. in partes 12, divisam*) eadem quâ prius methodo, certo certius exhibeo. Quamvis autem repetita hoc modo semel Medicatio persæpè morbum conficit, non tamen prorsus in tuto collocatur æger, nisi Medico tertio quartove eandem methodum eodem temporis intervallo iteranti parere non gravetur; maximè ubi sanguis à prægressa aliquâ evacuatione fuerit debilitatus, aut se æger incautiùs auræ frigidiori feriendum exposuerit.

Verùm etsi hoc remedium nullâ purgandi vi polleat, tamen ob peculiarem quorundam corporum temperiem atque idiosyncrasiam persæpe accidit, ut ab ejus usu tanquam à Cathartico fortiori assumpto æger violenter expurgetur: In hoc casu omnino oportet ut *Laudanum* cum eo exhibeatur, quo minus hanc operationem, tam suæ naturæ quàm morbo planè contrariam, ciere valeat, neque pulvis justo citiùs per alvum expulsus disperdatur, antequam suo fungeretur munere. In hoc itaque casu *Laudani* ejusdem *gut. x.* Vino instillari jubeo, & post alternam pulveris dosin assumi, modò Diarrhœa persistit.

Dicta Methodus usu mihi venit in cæteris Intermittentibus sive *Tertianis*, sive *Quotidianis*; utrasque enim statim à finito Paroxysmo aggredior, & repetito per jam commemorata Paroxysmorum interstitia medicamine (quantum scilicet earum fert indoles) urgeo atque à tergo premo; hoc tamen discrimine, quòd cum *Quartana* rarissimè nisi *Vncia una* in doses dispertitâ, reliquæ *sex Drachmis* possint ita expugnari, ut inducias saltem concedant.

At verò *Tertianæ*, *Quotidianæ*que, etsi post unum alterumve Paroxysmum omnino videantur intermittere, tamen non ita rarò [quod & à me antè est notatum] postea ad Continuarum fere speciem vergunt, & ad *Remissionem* tantùm, etiam diebus quæ *Intermissionem* pollicebantur, accedunt; præsertim ubi æger lecto defixus regimine justo calidiore, aut medicamenti Febri per sudores ejiciendæ dicatis fuerit multatus. Hoc in casu à remissione quantumlibet exiguâ [id enim mihi unum superest] ansam arripiens, pulverem quam proximè à Paroxysmo [quantum conjecturâ valeo] ingerendum propino, nempe quartâ quâque horâ ut modò dixi, ne quidem ipsum morans Paroxysmum, cum aliter in spatio interjecto plus satis brevi alexeteria Corticis vis sanguini impertiri nequeat.



Cùm autem Febres quædam apud nos grassantur, etsi post secundum tertiumve paroxysmum reponere se in classem Continuarum nitantur, tamen ad Intermittentes debeant referri; nulla mihi est religio *Corticem* vel in maximè *Continuis* hujus speciei sumendum proponere, qui dicto more iteratus ad apyrexiam certò ægrum perducet, modò assiduus *Lectuli* calor, & intempestivus *Cardiacorum* usus continuitatem Febri non conciliaverint; quo in casu *Peruvianum corticem* nihil quicquam profecisse plus semel observavi. Neque mihi unquam contigit ut viderem Vinum in quo propinatur Cortex (quod jure quis possit suspicari) febricitanti obfuisse; è contrà verò, calor, sitis, cæteraque Febbris Symptomata ut plurimum post assumptam hujus remedii quantitatem sufficientem, mox evanescent, vino haud obstanti. Hîc autem observandum, quò quo magis Febri sive sponte sua, sive regimine calidiori ad Continuitatem accedat, eo major Corticis quantitas exhibenda; ita ut nonnunquam viderim morbum hunc non nisi sesquiunciam, vel uncias ejusdem duabus cessisse.

Cùm verò sint aliqui qui *Corticem* hunc nec in Pulveris forma, nec *Electuarii*, nec tandem *Pilularum* ferre queant, his ejusdem infusum in frigido factum propino; ℥ij. sc. *Corticis grosse pulverati in Vini Rhenani* ℥ij. aliquandiu macero. Liquor hic per manicam Hippocratis sæpiusculè trajectus, colore limpidus adeo non officit, ut vel delicatulorum palato arrideat; ac dictæ Infusionis Unciæ quatuor ad dies aliquot factæ, virtutem *Prachmæ* unius *Corticis* in pulvere exhibiti videntur continere. Quæ cùm nec ingrata sit, nec ventriculum premat, duplo frequentius usurpari poterit, quàm reliquæ ejusdem remedii formulæ, nempe donec Paroxysmi terga dederint.

Quandoque accidit ut in hoc morbo malè formato, nec dum in typum regularem evecto, æger ob vomituritionem ferè continuam *Corticem* deglutitum, quacunque demum forma exhibeatur, retinere nequeat: In hoc casu vomitio prius est compescenda quàm Cortex propinetur. Ad quem scopum collimans jubeo, ut sexies vel octies spatio duarum horarum *succi limonum recens expressi Coch. j. cum salis Absint. ℥i. assumat*: Deinde *Laudan. liquid. gutt. xvj. cum aq. Cinamom. fort. Coch. j.* Ac brevi post, si vomitus cessaverit, usum Pulv. Peruv. aggrediatur.

Pro Infantibus, quorum ætas tenella vix feret ut aliâ formâ hoc remedium assumatur (saltem eâ quantitate quâ devincatur morbus,) sequens *Julapium* præscribere soleo. ℥. aq. *Cerasor. nigr. & Vini Rhenani an. ℥ij. Cort. Peruv. subtilissimè pul. ℥iij. syr. Caryophil. ℥i. ms. f. Julap. Cap. Cochleare unum alterumve pro ratione ætatis, quartâ quâque horâ, donec paroxysmi non amplius discrucient; instillando alternis dosibus, si Diarrhœa adfuerit. Laudanni liquid. gutt. j. vel ij.*

Observandum est insuper, quò cùm breviora Paroxysmorum interstitia in Tertianis & Quotidianis Intermittentibus non satis temporis concedant ad sanguinem febrifugâ *Corticis* virtute plenè exaturandum, fieri non potest ut æger proximum à prima medicatione Paroxysmum, uti in Quartana solet evenire, certò



certò effugere valeat, sed in his medicamentum sæpe non nisi post biduum promissam curationem absolvet.

Animadvertendum autem quòd si æger, non obstante abundanti cautelâ superiùs traditâ, nihilominus recidivam patiatur (quæ in Quartana ipsâ rariùs accidit, quàm in Tertianis, vel Quotidianis) tamen prudentis Medici erit non nimium pertinaciter insistere methodo Corticis per dictâ intervalla exhibendi, sed pro suo iudicio aliis modis curationem aggredi, cui præ cæteris *Decoctum amarum*, quod appellant, magnopere conducere vulgò creditur.

*Diatam* quod spectat cæterumque regimen, nec à cibo nec à potu arcendus est æger, qualis qualis is demum fuerit qui ad stomachum facit; Fructibus tamen horariis & liquoribus frigidis (utpote & infirmandæ sanguinis massæ & Febri postliminiò reducendæ admodum conferentibus) semper exceptis. Vescatur itaque carnibus eupeptis & eucnimis, & vino modice utatur pro potu ordinario; quâ re solâ ægro nonnunquam restitui, etiam eos quorum corpora ob frequentem febris recursum contra Corticem quasi communita, salutiferam ejus vim perpetim eludebant.

Neque verò se temerè auræ frigidiori committere debet æger, donec sanguis pristinum vigorem de novo obtinuerit.

Hic autem advertendum, quod cum de Febribus Intermittentibus olim agens ægrum sublato morbo sedulò purgatum iri admonuerim, hoc intelligi velim de iis solùm febribus quæ vel sponte suâ, vel alio siue medicamento siue methodo præter Corticem Peruvianum erant debellatæ. Etenim Curatio, cum huic Remedio, de quo jam loquor, innitatur, purgatione nec eget, nec eandem planè fert. Ita potenter dictus Cortex sine ope Catharticorum non solùm *Paroxysmis*, sed & *Dyscrasie* quam corpori iidem inflixerunt, subvenit. Vitandæ itaque ante omnia Evacuationes qualescunque, cum vel blandissima Catharsis, quinimò Enema à lacte Saccharato in morbi discrimen certissimè, fortè in morbum ipsum denuò ægrum conjiciet.

Hic autem commemorare libet, quod sub primos hujus Constitutionis annos symptoma quoddam insigne! Febribus Intermittentibus quandoque supervenerit. Nempe earum Paroxysmi non cum rigore & horrore, quas postea Febris excipit, invadebant, sed æger iisdem planè symptomatis tentabatur, ac si *Apoplexiâ* verâ laborasset, quæ tamen nihil aliud esset, utcunque hunc affectum æmularetur, quàm ipsa Febris caput impetens; ut ex aliis signis, ita ex colore urinæ satis liquebat: quæ in intermittentibus ut plurimum rubore saturato extat, qualis cernitur in urinâ eorum qui Ictero laborant, etsi non adeò intensè rubet, & pariter sedimentum deponit pulverem laterum ferè referens. Hoc autem in casu quantumlibet evacuationes omnes, cujuscunque demum generis sint, indicari videntur, ad revellendos scilicet ex cerebro humores, ut in Apoplexiâ primariâ fieri solet; eadem tamen omnino omittendæ sunt, utpote quæ originariæ hujus symptomatis causæ, Febri nempe intermittenti prorsus adversentur, ac proinde mortem accersant; quod & ipse novi. At è contrâ expectandum donec paroxysmus sponte suâ evanuerit, quo



quo tempore Cortex, modò citiùs idem ingeri non poterit, quamprimum est exhibendus, & intervallis ab ejusmodi accessionibus liberis idem sedulo repetendus, usque dum perfectè convaluerit æger.

Nonnunquam accidit, etsi perquam rarò, ut Senes qui diu hoc morbo antea laborarunt, ac interea Venæ sectionibus & Catharticis imperitè fuerint mulctati, in *Diabetem* incidant, etiam Febre jam perfectè fugatâ. Etenim cum sanguis eorum abhinc debilitatus assimilandis succis ei illatis prorsus impar reddatur, iidem per vias urinarias brudi adhuc & inconcocti exitum sibi quærunt, proindeque præ ingenti urinæ copiâ, quoties eam reddunt, excretâ. sensim vires labefactantur, & quasi substantia Corporis per hanc Cloacam exinanitur. In hoc affectu, uti & in omni *Diabete*, ex quâcunque *προφάσει* originem ducat, Curativæ Indicationes ad sanguinem invigorandum corroborandumque, ac pariter ad fluxum urinæ præternaturalem restringendum, omnino dirigendæ sunt. Ut *℥. Theriac. Androm. ʒiβ. conserv. flaved. Aurant. ʒi. Diascordii ʒβ. Zinzib. condit. & nuc. moschat. condit. an. ʒiiij. pulv. è chelis Cancr. compos. ʒiβ. Cort. exterioris Granator. rad. Angelic. Hispan. Coral. rubr. præp. & trochisc. de terra Lemniâ an. ʒi. boli. Arm. ʒij. Gum. Ar. ʒβ cum. s. q. syr. de ros. siccis f. Electuar. de quo sumat ad magnitudinem nuc. mosch. maj. manè, horâ quintâ pomerid. & nocte per mensem integrum, superbibendo seq. infusionis Cochl. vj. ℥. rad. Enul. Campan. Imperator. Angelic. & Gentian. an. ʒβ. fol. absinth. Rom. mar-rub. alb. Centaur. min. & calaminth. an. M. j. Baccar. Juniper. ʒi. Incidantur minutim, & infundantur Vini Canarini ℥. v. stent simul in infusione frigidâ. Coletur tantummodo tempore usûs. Vescatur cibus *ἐπιτέωσις*, viz. Carne vitulinâ, Vervecinâ, &c. Abstineat ab esu olerum & fructuum qualicunque, & singulis pastibus bibat vinum Hispanicum.*

Eâdem ferè methòdo atque iisdem remediis contumax iste & diuturnus affectus, *Fluor. sc. muliebris*, sanatur ac *Diabetes* modò dictus: nam utrobique Indicationes curativæ eâdem sunt, quantumcunque inter se hi duo morbi dissidere videantur. At in *fluoris muliebris* curatione Venæ sectio semel celebrata, ac postea Catharsis ex *Pil. Coch. maj. ʒij.* tribus vicibus repetita *Corroborantium* usui præmitti debent, deinde verò per totum processum omnino omittendæ; cum quælibet evacuatio evertit quicquid corroborans subtruxerit. Sed hæc obiter.

Hæc habui de Peruviani Corticis usu summatim dicenda: Neque enim Remediorum pompæ libuit indulgere: Cùm tanè qui aliquid Cortici adjiciunt præter vehiculum eidem in ventriculum transmittendo necessarium, aut ex ignorantia peccant, ut mihi videtur, aut dolor malo, à quo Vir Probus ex animo abhorrebit; qui cùm pars sit ejusdem communis naturæ, ut *ὁμοφύλοις* fraudem faciat nullo unquam privato suo commodo poterit adduci. Quod superest, si ætati placuisset ad ea animum advertere, quæ annis abhinc quatuor in Historia Acutorum Morborum tradideram [quæ & ante illud tempus mihi innotuisse omnino est credibile] quo pacto sc. Cortex in interjectis Paroxys-



morum spatiis debuerit ministrari, tum postea repeti ægro jam convalescente? viverent fortassis haud pauci eorum, quos jam terra tegit, ut ut homines vilipendant tenues, sanè illos conatus nostros communi omnium bono dicatos, & monita spreverint ibidem dictata verbis insequentibus, quibus ea breviter continentur, quæ hîc fusiùs explicare visum est, viz.

Curandum est ante omnia, ne præmaturè nimis hic Cortex ingeratur, ante sc. quam morbus suo se Marte aliquantisper protriverit [ nisi collabescentes & jam fractæ agri vires eundem temporis sumendum esse dictaverint; ] neque enim illud solum est metuendum, ne à proprio ejus usu inefficax iste reddatur & spem agri fallat, sed etiam ne de agri vitâ agatur, si sanguinem omni fermentationis nisu se despumanti derepente injiciamus remoram. Proximo Loco, neque Catharsi, multò minus Venesectione, subducenda est materia Febrilis pars aliqua, quò liberius cortex suo fungatur munere: cùm enim ab utraque labefactetur quadantenus æconomia corporis, eo promptius certiusque recrudescant Paroxyismi, evanescente semel pulveris vi. Mihi etiam magis è re fore videtur, ut sanguinem dicto medicamine sensim longioreque à Paroxyismi intervallo leviter inficiamus, quàm ut uno omnino ictu Paroxyismum jam instantem tentemus confodere; hoc enim pacto & plus temporis remedio conceditur quo suum opus plenius absolvat, & evitatur quicquid id est periculi, quod agro poterit oriri ex subito isto atque intempestivo nimis sufflamine, quo Paroxyismum jam invalescentem atque omni se opem exerentem conamur opprimere. Postremò brevibus istis temporis intervallis repetendus est Pulvis, ut non protinus evanescat prioris dosis virtus antequam altera exhibeatur: crebrâ enim repetitione ista evēq; tandem recuperabitur, profligato in solidum morbo. His adductis rationibus hanc ego methodum ceteris antepono. Peruvianæ corticis ℥j. cum Syrup. Rosar. rub. ℥ij. misceatur; ager verò quantitatem Nucis moschatae majoris mane & serò quotidie deberet diebus à genuino Paroxyismo vacuis, donec confectionem omnem absumpserit. Repetatur porrò ad tres alias vices interjectis semper diebus quatuordecim. Morb. Acut. Sect. 1. Cap. V.

Quantumlibet autem Cortex suprâ laudatus in Febris hisce medendis omnibus aliis, quotquot adhuc inventa fuerunt, palmam facilè præripiat, atamen in *Tertianis Vernalibus*, si modò æger languineo temperamento præditus esset, atque etiam ætate floreret, Remedia sequentia curationem absolvisse observavi. Ex. gr. Mittatur sanguis è brachio die à paroxyismo libero, & post aliquot horas eodem die exhibeatur *Emeticum ex Infusione Croci Metallorum*; ita tempus præfigendo, ut Vomitorium opus suum absolvat ante Invasionem paroxyismi insequentis, quo elapso immediate aggrediatur usum sequentium. ʒ. Extracti gentian. Absint. & Centaur. min. an. ℥ij. Misceantur ac dividantur in ix doses, quarum unam capiat quartâ quaque horâ, superbibendo decocti amari sine purgantibus & vini albi an. ℥ij. est & altera methodus curandi has Tertianas, in pauperibus scil. quorum facultas prolixo apparatus Me-



dico ferendo non sit. Ut ʒ. *Serpentar. Virginian subtiliss. pulv.* ʒj. *vin. alb.* ʒiij. *Mf. sumat duabus horis ante paroxysmum & stragulis bene cooperatus sudet per tres vel quatuor horas: Idem faciendo per duas alias vices paroxysmo ingruente.*

\* Sequenti anno [ nempe 1679. ] sub initio Julii eadem Febres de novis vires redintegrabant, & quotidie increbrescentes mense Augusto quàm immatissime debacchabantur, ac magnam stragem edebant. Cum autem de his jam fusiùs egi, nil ampliùs adjiciam, nisi quòd *Novo Epidemico* à manifestis aeris crasi pendenti sub mense Novembris prorsus locum cedebant.

Etenim unà cum *Novembri* subingrediebantur *Tusses* cæteris quos mihi contigit observare annis *ἐπιδημώτερας*, cùm in singulis ferè familiis universi laborarent. Harum aliæ opem medicam non magnopere desiderabant; aliæ vero pulmones ita vehementer agitabant, ut æger ventriculi contenta per oes ejicere subinde cogeretur, verrigine insuper correptus, à nisu violentiori & laborioso. Primis ferè diebus Tussis, siccam æmulans, nullam materiam spectabilem exantlavit; mox ætate auctior nonnihil; atque ut verbo expediam tum in eo quòd parciùs expectorarent ægri, tum etiam conatu vehementiori, & paroxysmorum duratione ad *Tussim puerorum Convulsivam* mihi propius accedere videbatur, nisi quòd mitiùs aliquantum sevirer. In hoc saltem *Convulsivam* superabat, quòd & Febre, & solitis ejus symptomatis stipat ægrum invaderet, quæ in Tussi puerorum nondum me vidisse memini.

Solenne sit licet *Tusses* sub Hyemis adventum affligere, mirabantur tamen omnes eas hoc anno ita præter solitum increbrescere: quòd quidem hac præcipuè de causâ arbitror contigisse. Quum mensis *Octobris* crebrioribus quàm solebat, & ferè continuis permaduisset imbribus, & sanguis hominum tempestati consentiens particulas crudas atque aquosas affatim imbibisset, transpiratione per cutis spiracula à primo frigoris insultu prohibita, Natura colluviem hanc serosam vel per ramos *Venæ Arteriosæ*, vel, quòd alii volunt, *Asperæ Arteriæ* glandulas eliminare sategit, & tussis ope explodere.

Curatio ritè ut institueretur, quoties sc. Medico fuit opus, tam per *Venæ sectionem*, quàm *Catharsin* evacuandum esse nullus dubitavi: Neque enim alià aliquà methodo æquè commodè ejiciuntur redundantes seri patticulæ, à per *Phlebotomiam* & *Cathartica*, quæ tam insigniter vasa emulgent. Remedia *Pectoralia* quòd attinet, [ præter quàm quòd eorum usu gratificamur ægris ] non intelligo quo pacto amoliendæ Tussis causæ queant conferre, cùm omnis eorum actio vel in incrassandâ materiâ, quoties justo tenuior vim expultricis facultatis eludit, vel in eadem attenuanda, quoties ob visciditatem ægriùs expuitur, poni videatur. Id certò scio inutiliter in his tantùm temporis impendi; nonnunquam etiam sanguinis massam eò usque debilitari à retentis particulis seri naturæ inimicis, pulmonesque insuper Tussi irritatos ita conquassari motu violento ac ferè continuo, ut non raro via sternatur ad *Tabem*; cujus insidiis celeritate Curationis æger vindicari debuerat. Neque multò tutius adh



adhibentur Sudorifica, à quorum usu æger nonnunquam in Febrem incidit, nonnunquam etiam particulæ sanguinis faciliè inflammabiles ita Pleuræ impinguntur, ut accendatur, *Pleuresis*, quod per decursum dictæ Tussis Epidemicæ ingenti vi hominum cum suo magno periculo contigit.

Sanguinis itaque è brachio eduxi quantitatem moderatam, *Epispasticum* satis amplum ac forte posteriori cervici applicandum curavi, quo materiæ peccantis pars aliqua aliò derivari possit. Posthæc *Catharticum* è Lenioribus, Infusionem sc. *Senna*, *Rhei*, cum *Manna*, & *Syrup. Ros. Sol.* quotidie exhibui, donec vel prorsus convalesceret æger, vel admodum imminuerentur Symptomata. Vel, si Potio minus ægro arrideret, *Pil. Coch. Major.* ðij. quotidie devorandos imperavi; horâ scilicet quintâ matutinâ superdormiendo.

Hâc etiam Methodo, Phlebotomiâ scilicet & repetitâ Catharsi, eâque solâ expugnatur *Tussis Puerorum Convulsiva*; malum aliàs pertinacissimum & penè insuperabile. Alii quid valeant hîc præstare planè nescio, me in variatque omnis ferè generis remediis operam non semel perdidisse satis scio. Sed leniora tantum Cathartica hîc conveniunt, eaque cochleatim sunt ingerenda pro ratione ætatis. Quæquidem κατεμύδασι evacuatio eo nomine, ut arbitror, dictæ Tussi medetur, quod scilicet, licet non multum humoris serosi in Pulmonibus inveniatur, fervidiores tamen & spirituosus Halitus è massa sanguinis in pulmones statim temporibus transmissi atrociores illos tussendi Paroxysmos in tenellis excitent; horum autem in pulmones impetus haud aliâ methodo æquè sisti posse videtur & præcaveri, atque hâc quâ motus priori contrarius (per viscera scilicet) morbi causæ conciliatur:

Verum in Morbis *Epidemicis* cujuscunque demum generis sint, (si modò recens adhuc ægrum corripuerint) summopere cavendum, ne alvus ei ducatur, nisi misso prius sanguine. Qui enim Morbi à Constitutione aëris Epidemica pendent, aut jam Febres sunt, aut in earum classem levissimâ de causâ transeunt; cum ex tumultu in sanguine & humoribus à Catharsi vel lenissimâ excitato, & subsequente calore faciliè accendatur Febris, quam aliàs Natura propulsasset consuetis materiæ morbificæ evacuationibus; *gravedine* ex gr. aut *Tussi* in hoc, de quo jam agimus, Epidemico, aut *Diarrhæâ*, quoties Febris cum illa faciens epidemicè grassatur. Idem potest dici de quacunque alia aëris Constitutione, quâ corpus ad certum aliquod Febris genus determinatur; quæ quidem non semper actu invadit, sed benignioris naturæ ductu morbi fomes è sanguine, mediante evacuatione aliquâ ejus Genio accommodatâ, exturbatur. Hoc Constanter assero, quantumlibet mos jam obtineat exhibendi Cathartica ante celebratam Venæ sectionem, vel quod adhuc est periculosius, eâ penitus omisâ. Licet enim objiciatur faculentias in primis viis stabulantes toties in vacuas venas propelli, quoties detrahitur sanguis, alvo non prius subducta, certissimum tamen est evacuationem, quam isti præmitti volunt, nullo modo refarcire posse injuriam sanguini illatam à tumultu ante Cathartico Phlebotomiæ præmisso. Atque negari non potest Catharticum mox à dempto sanguine assumptum longè mitius vim suam exercere, ne-



que perinde sanguinem vel calefacere vel exagitare, atque idem solet si Phlebotomiam præcedat. Neque paucos, ex infantibus maximè, vel ob ignorantiam hanc rem, vel neglectam periisse existimo.

Atque hoc mihi suffragante experientiâ multiplici compertissimum est. *Experientia*, inquam, optimâ duce & magistâ: ad cujus leges & normam nisi exerceatur Medicina, eam prorsus exulare satius esset. Luditur enim, quod ajunt, de cotio humano plus satis, cum hinc Empirici, neque morborum historiam, nec Methodum medendi callentes, & Receptis tantum freti; isthinc Sciorum vanissimi spem omnem in affectato Artis ambitu & speculationibus utrinque pari ferè momento disceptatis ponentes, quasi junctis viribus majorem edunt stragem, quam ederent morbi eorum destituti auxilio. Ea demum Praxis, eaque sola agris mortalibus opem feret, quæ Indicationes curativas ex ipsis morborum Phænomenis elicit, dein firmat experientiâ: Quibus gradibus magnus *Hippocrates* ad cælum ascendit. Et si dictâ Methodo Ars Medica à quoquam traderetur, licet morbi unius aut alterius Curatio cuilibet è vulgo possit innotescere, integra tamen Ars, quæqua patet, homines prudentes & peritos etiam magis exquireret, quam in statu hodierno, neque vel minimum Artis honori exinde decederet. Cum enim subtilitas longè accuratior in Naturæ operationibus (in quarum observatione vera Praxis Medica fundatur) quam in Arte aliquâ, Hypothesibus etiam luculentissimis suffultâ, inveniat, medendi, Ars, quam præcipit Natura, rudè vulgi ingenium longiori intervallo superabit, quam ista, quæ à Philosophia docetur. Fidem hinc mihi facient *Febres*, quæ duas è tribus in Medicina facienda partes occupant, & quemvis mihi arbitrum constituo, vel mediocriter cogitationibus indulgere solitum, vera dicam necne, Quis enim vel ex insulissimis Empiricis est, qui se huic morbo curando imparem fatebitur, si id tantum agendum est, ut duabus istis Indicationibus Curativis, quæ vulgò obtinent, fiat satis? Nempe ut Sudoriferorum ope exterminetur materia morbum committens, & symptomatis eatur obviam, quæ ejusmodi evacuationibus superveniunt, Certissimus enim est, *Theriaca Andromachi*, *Pulv. è chelis Cancr. comp.* *Aq. Epidem.* &c. intrò assumptis, unâ cum regimine calidiori sudores posse propelli; quem sibi, scopum unicè proposuit in hujus morbi curatione, maximè si fortè *Malignitatis* nomen auribus usurpaverit. Et ad mitiganda quod attinet symptomata, *Diacodium* in promptu, est quo somnus invitetur, quoties urgeant vigilæ, *Enema* quoties alvus non respondeat, & sic de cæteris. At nec ipse valet comprehendere suo Marte, nec è Medicorum præscriptis ediscere, quæ demum illa sit Febris species, quam debellare satagit; si modò credamus (credent saltem fortè Posteris) varias dari Februm species, quarum singulæ suam sibi methodum medendi à reliquis diversam ferè postulant; Unam insuper eandemque Febrem, cujuscunque sit generis, uno modo ubi primum aggredditur, atque alio paululum diverso per singulos gradus quousque grassabitur, tractandam esse. Quo pacto Indicationes Curativas ab hoc vel illo Phænomeno minus insigni mutuabitur naturalem morbi Historiam ignorans quæ



( quæ sola veram medendi rationem indigitare poterit , ) cum nequeat dijudicare , an hoc vel aliud Phænomenon à Curandi quam adhibet Methodo , an ab ipso nascatur morbo ? Dies deficeret enumerantem varia & subtiliora illa minutioraque , quæ in hoc atque in aliis morbis curandis observanda occurrunt : quæ cum tot sint & tanti momenti ad liberandos à morte homines , semper licebit Posteris & seris Nepotibus aliquid adjicere iis Observationibus , quibus traditur varietas penè infinita operationum naturæ in Morborum productione , & Curativæ Indicationes ex eo fonte depromendæ enumerantur. Non itaque vilescet Ars , si quid hujusmodi lucem aspiciat , quin potius illustrabitur , & difficilior reddita nonnisi sapientes & subacti judicii viros in filiorum numerum cooptari sinet. Sed hæc obiter.

*Tussis* modò dictæ , si imperitè tractarentur , *Febrem* accendere solebant ei haud abfimilem , quæ Hyeme Anni 1675. adeo epidemicè grassabatur , & cujus historiam tradidi *Seç. quintâ Cap. quinto* libri de *Morbis Acutis*. Sed cum Febris hæc soboles tantum esset ac effectus *Tussis* Epidemicæ , eadem ipsâ methodo *Febrem* , felici semper cum successu , aggressus sum , quam in *Tussis* curatione supra descripsi ; nempe *Vena-sectione* , *Epispastico* cervicis appposito , & *Cathartico* deinde tribus auroris exhibito. Quamlibet enim in *Tussi* sine Febre nullum præfiniebatur tempus , quamdiu æger purgandus esset ( utpote quæ continuari deberet , ut supra notavi , donec vel prorsus convalesceret , vel admodum imminuerentur symptomata ) in Febre tamen quæ à *Tussi* pendebat , purgatio per tres dies instituta ei prorsus debeatandæ par erat ; quod in Constitutione , de qua jam agimus , sæpiusculè observavi.

Hic autem notandum occurrit , licet hanc *Febrem* , quando se primum excrebat , comitarentur defluxiones in Pulmones molestissimæ . post mensem tamen unum vel alterum , cum colluvies ista seri sensim è sanguine eliminaretur , Febris ejusdem planè indolis hinc inde sine *Tussi* aliqua infestabat ( non penitus deleta , sed manente adhuc in sanguine malæ Crasis impressione ) ac proinde haud diversam Curationem ab ea , quam *Tussis* comitabatur , sibi vendicabat.

Verum eodem , quem dixi , modo hæc Febris se extendebat usque ad initium Anni 1680. quo hæc conscripserim ; quo tempore etiam cum anno surgente *Febres Intermittentes* modò dictæ apparere incipiebant. \* Exinde vero ad initium usque Anni 1685 , quo *secundam* hanc nostram *Editionem* jam conficio , eadem adhuc perdurarunt. Etenim tametsi in hac urbe non adeò Epidemicè nunc temporis invadunt ac in quatuor primis Annis , & mitiores etiam sunt ; in aliis tamen locis , nunc his , nunc illis , non minus grassantur ac seviunt. Atque etiamnum generalis Constitutio Intermittentibus producendis adeò favet , ut ad hunc usque diem affirmare possim , me ne unicam quidem *Febrim* per hos dies verè *Continuam* vidisse unquam , nisi fortè re malè gestâ in earum classem fuerit eveccta , vel una esset *Intercurrentium* mihi dictarum , quòd scilicet omni ferè anno invaderent. Ita pertinaciter hæc Constitu-



ratio hujusmodi Intermittentibus conducit; cujus certè acies prius est retundenda quàm *Continuæ depuratorie* mihi dictæ, epidemicè grassari fuerit integrum. Etenim in Intermittentium specie natura plus satis festinare videtur, & agendi vehementiâ justo citiùs tempora materiæ morbificæ subigendæ, mox etiam despumandæ, debita percurrere: Quod in Depuratoriâ secus accidit: in qua non nisi post dies 13 vel 14, apparent signa materiæ febrilis tandem concoctæ, per sudores subinde, vel potius per διαρροήν paulò pleniorē, eliminandæ. (His rite perpenſis nullus dubito quin Febres istæ *Depuratorie*, quæ annis 61, 62, 63, 64. regnabant, quasi fæces fuerint *Intermittentium* quarundam quæ ante id tempus per seriem Annorum certam læviissent, (quanto autem tempore hæc invaluisse haud equidem scio: ) Cùm enim Constitutio quæ ad Intermittentes faciebat sævitiem suam deponens jam fermè exolevisset, Febres quas postea parturiebat magis humorales erant ac terreæ, unde non nisi lentè ac pedetentim sanguinem depurare sategerit, quæ in primis Constitutionis Annis subtilioribus principiis innixæ, atque adeò Intermittentium typo indutæ, celeri passu suis temporibus defungi solerent. Quòd si res ita se habeat, verisimile mihi videtur hanc Febrim [*Depuratoriam* volo] postliminio reversuram quam primum præsens Constitutio aliquantulum remiserit, eandemque serie quadam Annorum permanſuram antequam *Pestis* eam exceperit. Per annos autem omnes, quotquot demum ii fuerint quibus Febris hæc grassabitur, *Intermittentes* etiam subinde se exerent, ac fortean nonnunquam pro brevi tempore Epidemicæ evadent; quando scilicet manifesta aliqua aeris temperies ad id symbolum suum conferet. An huic Feбри *Cortex Peruvianus* æquè medebitur ac nunc dierum Febribus intermittētibz solet, non habeo certò dicere. At in *Peste* atque *Epidemicis Continuis*, quæ eandem ordine excipient, debellandis, non alios effectus ex ejus usu expectare licet, quàm eos, quos hodiè in *Pleuritide*, *Peripneumoniâ*, *Anginâ* ac id genus *Febribus inflammatoriis* videmus, quibus non tantum non prodest, sed & planè obest. Sed ut ut id fuerit, eo quem diximus modo in posterum Epidemicorum alii alios excipient, siquidem natura eundem ordinem, ac per 24 annos ultimò præterlapsos, observaverit.

Atque hæc ferè sunt omnia, Vir plurimùm Honorande, quæ de morbis Epidemicis Annorum nuperrimè elapſorum observavi. In *Rheumatismi* verò curatione (nam & de illo etiam morbo quærebas) sæpenumero mihi subiit tecum dolere, quòd non nisi ingenti sanguinis vi repetitis venæ sectionibus eductâ, ea possit perfici; unde non tantum ægri vires pro tempore franguntur, sed si paulò fuerit naturâ debilior, aliis etiam morbis ad annos aliquot obnoxior ferè redditur; cùm post illos elapſos materia Rheumatismum prius committens jam in pulmones depluat, ægro scilicet frigore perculso, vel aliâ aliquâ *ποσάσθ* leviori diathesis latens in sanguine jam foràs in actum protrudatur. His de causis experiri statui, an nulla alia methodus daretur à reiteratâ toties Phlebotomiâ diversa, quâ hic morbus possit debellari. Seriò itaque perpendens, quòd affectus iste (uti jampridem in *Acutorum Historia* subinnui)



ab inflammatione videatur oriri, quod tum cætera arguunt Phænomena, tum præsertim sanguinis è pertusa vena color, ut pote qui *Pleuriticorum* sanguini per omnia similis est; tandem vero simile esse judicabam morbum hunc Diætâ simplici, admodum refrigerante, & mediocriter nutriente, ægro imperatâ, æque feliciter atque repetitis Venæsectionibus profligari posse; etiam evitatis quæ alteri methodo adjungebantur incommodis: neque me fefellit *Diata è sèro lactis* Phlebotomiæ loco substituta.

Prægressâ æstate Pharmacopola mihi in vicinia nomine *Malthus* (Vir probus, & ingenio non vulgari) me accercebat. Rheumatismo autem miserè cruciabatur his symptomatis stipato. Coxendice primò ad biduum claudicabat, exinde Pulmones dolore tentabantur gravativo cum dyspnœâ, quæ post aliud fermè biduum evanescebat; dein caput vehementer cœpit dolere, mox etiam coxendix dextri lateris, quæ omnium prime laborabat; posteaque, pro morbi indole, omnes ferè tam brachiorum quàm crurum articuli per vices molestabantur. Cùm debiliore esset & sicco corporis habitu, veritus ne minus firmas jamdiu vires & labescentes dempto copiosius sanguine prorsus exsolverem [maximè cùm æstas eo usque adoleverit, ut jam metus esset, ne superveniens hyems redintegrandis viribus frequenti venæsectione attritis intercederet] imperavi, ut solo *lactis sèro* ad dies quatuor vesceretur æger, quibus elapsis præter serum lactis pro victu ordinario panem similagineum concessi loco prandii, semel nempe in die, donec penitus convalesceret.

Tenui hâc diætâ contentus, ad dies octodecim perseverabat, nisi quod postremis eorum alium insuper panem pro cœna indulgerem. *Serum* autem è *Lactis Libris octo* domi paratum quotidie insumebat, quo satis benè nutriebatur. Post hos dies cùm non amplius urgerent symptomata, & jam sub dio versaretur, carnes etiam permisi, Pullorum scilicet elixorum, cæteraque *εὐπενία*. Tertio autem quoque die solo lactis sèro victitabat, donec tandem pancreaticè valeret; incommodis quæ supra memoravi hac methodo elusis, quibus decimo abhinc anno pessimè excipiebatur, Venæsectione ex meo prescripto in curationis subsidium tunc adhibitâ ac sæpè repetitâ.

Si quis hanc methodum tanquam rudiorē & Artis laude carentem contempserit, sciat is velim, primò leviora tantum ingenia res quaslibet vilipendere, quòd simplices fuerint & apertæ, dein me, vel imminutæ existimationis pretio, publico hominum bono interservire paratissimum. Quibus edico quòd nisi obstarent præjudicia vulgi nullus dubitarem methodum jam dictam aliis etiam morbis, quorum impræsentiarum nomen reticere libet, accomodare. Quod sanè magis ægris prodesset, quàm solennior illa remediorum pompa, quæ in jam moribundis, tanquam bestiis, ut mox immolentur, coronatis, malè collocatur.

Quòd verò etiam ista, quæ pro vilissimis habentur, & nullius sunt pretii, accedente eâ, quæ in Medico quæritur solertiâ & *ἀρχινοία*, hominibus ab orci faucibus liberandis queant interservire, exemplo docebo: quod licet ad morbum, de quo jam agimus, nihil pertineat, non tamen prorsus est *ἀπορροή*.



Διόνυσον, nec ab eo quem mihi proposui scopo alienum. Duobus abhinc mensibus quidam in vicinia me rogabat, ut servum inviserem; qui haud modicam *Mercurii Sublimati Corrosivi* quantitatem deglutiverat, sive, ut postea audiui, ex amore μελαγχολῶν. Hora ferè elapsa erat, à qua venenum hauserat, cùm ad eum accederem, jamque os & labia valde intumescebant, vehementer ægrotabat, ardente ventriculi dolore, caloreque tantùm non confectus. Ego tres *Aquæ tepidæ Congios* repetitis haustibus summâ qua potui celeritate & diligentia ebibendos imperavi; atque ut toties nova ingeretur copia, quoties ventriculus jam ingestam per vomitum ejecerat: volui etiam ut eluerentur intestina aquâ tepidâ sine ullo additamento copiosè per sedem injectâ, ubi primùm ventris tormina admonerent venenum jam per inferiora exitum quærere. Paruit miser, jam vitæ avidus, & plures etiam aquæ libras quàm præscripsim, absorpsit. Amici, qui ægro, utpote in casu insolito, assiderent; ab eo didicerunt, quas primùm evomuit aquas gustu perquam acres fuisse, sale scilicet venenato plenius exaturatas; singulis autem vicibus rejectas aliquam semper acredinis partem amittere, donec tandem nihil prorsus saperent. Quæ mox urgebant tormina, solâ aquâ injectâ ad modum Enematis leniebantur. Hoc tam nullo rerum apparatu, benedicente Numine, intra paucas horas convaleuit æger, nisi quòd labia non statim detumescerent ore etiam à veneni particulis, quæ aquam, quam evomuerat penitus infecerant, adhuc exulcerato. Quæ symptomata *Dietâ à lacte* solo ad quatrimum adhibitâ mox evanuerunt. Aquam *Oleo* (quod hîc unâ cum opere ignari solent perdere) atque aliis omnibus liquoribus ideo prætuli, quòd cùm ea magis esuriret, exinde magis idonea mihi videretur devorandis salinis hujus veneni particulis, quàm alius quilibet liquor, qui vel crassior esset, vel particulis alieni corporis jamdiu prægnantior.

Sed ut ad *Rheumatismum* revertar. Utut è serò lactis Diæta conveniat Juvenibus, atque iis, qui temperatè & cùm consilio vixerunt, tamen inconsultum fuerit virilem ætatem prætergressos, vel vino ac aliis liquoribus spirituosus jam à longo tempore plus æquo addictos hâc methodo tractare; utpote quæ in hujusmodi hominibus ventriculum labefactet, & pariter præ inusitato frigore sanguini inducto viam sternat ad Hydropem. In hoc igitur casu omnino par est, ut eo ferè modo, quem Libri nostri *de Morb. Acut. Sect. VI. Cap. V.* tradidi, curetur æger: Tametsi ex quo eum scripsi, experienciâ didicerim satius esse post secundam vel ad plurimum post tertiam Venæsectionem *Catharica* sæpè sæpius exhibere atque repetere, donec symptomata omnia penitus cessaverint, quàm Phlebotomiæ rem totam committere. Etenim ob Catharsin suppetias ad everruncandum morbum Phlebotomiæ ferentem, citra ingentem istam sanguinis jacturam subsistere fas erit: atque porrò locus relinquetur *Paregoricis*, à quibus aliàs, utut sæviret dolor, ægro temperandum esset, cùm illorum usu figatur morbus, neque tam facilè Venæsectioni cedat. Purgativa verò ista è *Lenitivis* solùm consent, ut *Thamarindis*, *Sennâ*, *Rheo*, *Mannâ* & *Syr. Ros. Sol.* cum aliâ, quæ ex *Scammorio*, *Zalapio* &c. parantur,



tumultum cieant & dolorem exasperent. At singulis vespertinis post peractam Catharsin Syr. de meconio ℥j. aliquantulum temporius, quàm id fieri solet, propinetur.

Hic autem commemorare libet, me per constitutionem instantem observasse affectum quendam modò *Rheumatismum* æmulantem, modò etiam à *Nephritico dolore*, quoad sævissimum lumborum cruciatum non multum abulgentem, qui cum Febres Intermittentes excipere soleret, translationi materiae febrilis in musculosas corporis partes originem suam debebat. Hoc symptoma haud diversam medendi methodum postulabat ab illa, quam morbus ipse, cui adhæreret, Febris nempe Intermittens, sibi vendicabat; cum frequenti Phlebotomia & quibuscunque aliis evacuationibus exasperetur illud, atque æger in vitæ discrimen conjiceretur. Quod ut nemini imponat, id attingere volui.

Atque hæc sunt, Spectatissime Vir, quæ in his Affectibus, de quibus sciscitari libuit, sedulâ observatione habeo comperta: quæ si aut tibi placuerint, ut profuerint aliis, mihi cedent ex animi sententia; me saltem pro tenuitate mea debitum tuæ Claritati observantiæ specimen exhibere conatum mihi eritò gratulabor.

Tibi semper Addictissimus,

THO. SYDENHAM.

**H**Actenus vidimus Clarissimum Autorem nostrum Constitutiones Epidemicas Londinenses Annor. 1661. 1662. 1663. 1664. 1665. 1666. 1667. 1668. 1669. 1670. 1671. 1672. 1673. 1674. 1675. 1676. 1677. 1678. 1679. 1680. imò ex parte usque ad annum 1685. magnâ curâ describentem. Vinam alii plures eidem studio incubuissent! Historia morborum sic minùs manca foret, & iisdem recurrentibus constitutionibus à subsequentibus annis, apertior, ac multò facilior daretur via ad morborum per ea tempora vigentium medelam. Verùm pauci admodum diligentioris observationis negotium, non parum sanè difficile, in suscipere dignati sunt; inter quos si insigniores aliquot seligeremus, etque hic insertos traderemus, ut sic aliquatenus plenior fieret Constitutionum Epidemicarum Historia, Docto Lectori perutile quid nos facturos opinati sumus. Sunt autem Præclarissimi illi Observatores quos in Scenam



*jam producimus. Bernardinus Ramazzini; Lucas Schröckius; Michael Bernardus Valentinus; Iohann. Iacob. Harderus; Gustavus Casimirus Gahr-  
liep; Conradus Bertholdus Behrens; Rudolphus Iacobus Camerarius;  
Ambrosius Stegmannus; & Medici Vratislavienses.*

# BERNARDINI RAMAZZINI

*in Mutinensi Liceo Medicinæ Professoris*

## DISSERTATIONES TRES

de CONSTITUTIONIBUS Annorum 1690. 1691. 1692.  
1693. 1694. in Mutinensi Civitate & illius Ditione

*Dissertatio Prima.*

*De CONSTITUTIONE Anni 1690.*

**S**olemnis Astrologorum, quos  
Judiciarios appellant, ferè  
ubique est Consuetudo, ut  
cum Annus extremo senio confectus  
est, & ad sui finem properat, illicò  
successuri Anni genesis in antecessum  
describant, & ex Astorum positò il-  
lius Indolem genium, mores, nùm  
salubris, an insalubris, nùm frugifer,  
an sterilis futurus sit, suas Ephemer-  
ides evulgando prænuunt. Contra-  
ria quidem, sed rutiori methodò mihi  
visum est incedere, siquidem Anni jam  
exacti naturam, ac temperiem, qui  
Morbi grassati fuerint, quæ remedia  
Praxis salutaria deprehenderit, quæ  
noxia, compendiosè enarrare consti-  
tui, quod Institutum posthàc singulis  
Annis prosequi mihi in animo est, do-  
nec Operis filum abrumpat.

----- *Mors ultima linea rerum.*

Id autem Ingenuis Professoribus  
nec injucundum, nec Praxi prorsus

inutile futurum credidi, quando Ars  
Medica solis Observationibus ortum  
suum, ac progressum debet, majorem  
quoque in dies habitura, si ea quæ in  
morborum Curationibus nova, &  
insolita quotidie accidunt, accuratius  
observarentur. Erit tamen, non se-  
cùs ac in Astrologorum Ephemeridi-  
bus, hic quoq; Divinationi locus;  
non enim ea solum quæ hoc Anno a-  
pud Nostrates acciderint, referre sa-  
tis duxi, sed pensum meum existima-  
vi, ulterius causas disquirere, unde-  
nam tam copiosa morborum seges in  
agris nostris prodierit, ac si non phi-  
losophari, saltem divinare, quem exi-  
tum habitura sit hæc Epidemica Affe-  
ctio. In rebus autem abstrusis, & al-  
ta caligine involutis vaticinari quoque  
humanam imbecillitatem pudere non  
debet, multòq; minus in Arte Medica,  
quandò ipse Divinus Præceptor  
tradidit, *Medicinam, & Vaticina-*



*tionem esse valde cognatas, cum ambarum Artium unus sit, Apollo Progenitor.*

II. Exactè perdiscendam *Temporum Constitutionem* & *quemque morbum*, & *qui morbus sit bonus*, & *qui periculosus*, aut in *Constitutione* aut in *morbo* verba sunt, immo Oraculum Hippocratis in libro de diebus Judicatoriis, nam ut ibidem ait, *Plerumque Hominis Natura Univerſi potestatem non superat.* Nomine autem Univerſi procul dubio Divinus Senex Aeris potestatem nobis designavit, ex cujus vitio omnes ferè Epidemiales affectus ortum ducunt. Plurimum autem momenti, tum ad prænoscendos futuros morbos, tum ad eosdem profligandos, & rectam victus rationem instituendam, quæ à morbis vulgaribus Optima Præservatrix dicitur, plurimum in quam momenti habere, non solum præsentem temporum Constitutionem, sed etiam antea actas diligenter observare, nemo non videt, cum ex iis, tamquam ex sua radice variæ, & insolentes Aeris alterationes progerminant, quæ modò hanc, modò illam morbi popularis speciem quandoque inferant. Antequam ergò Epidemici Affectus, qui Colonos nostros, & Cispadanæ Regionis humiliorem partem afflixit, descriptionem aggrediar, operæ pretium duxi, prægressas Constitutiones paululum perpendere.

III. Quatuor, aut quinque Annos non vulgaris siccitatis in tota penè Italia præcessisse jam satis constat, quo tempore uberrimus fuit frugum omnium proventus, & satis prospera valetudine in universum uti concessum fuit; adeò verum deprehen-

sum est vulgatum illud, quòd in siccitatibus omnia sint salubriora. Anno verò huic præcedenti circà Vernale Aequinoctium ingentes pluviae cecidere, quæ identidem repetentes totum Veris tempus horridum, & ignavum reddidere. Æstas subsecuta, & ipsa fuit magna ex parte pluviosa, Circà Solstitium signa Rubiginis in frugibus observari cæpta, quæ Rubigo sensim augescens triticeam segetem maximè corripuit, frumenti culmos usque ad aristam maculis veluti sanguineis adspersens. Eadem pestis fabas quoque, ac reliqua legumina obsedit, adeo ut spem præconceptam de Anni fertilitate pauci dies eluserint; solabatur tamen Annorum anteceditum fœlix ubertas, ut venturis temporibus provisa sufficerent. Sub initium Septembris, ac multò magis sub Aequinoctium ipsum largiores pluviae deplapsæ, quæ per totum Octobris mensem perseverarunt, ut Flumina immensam aquarum vim intrà suos aggeres non nisi improbo labore continuerint. Postremi duo menses ferè impluvii fuerunt, & Annum 1689. satis placidè clausere. In prædictis Constitutionibus non nisi morbi Sporadici observati sunt, nec multa funera Annum inestiarunt.

IV. Ineunte autem Anno 1690. (quem Rubigalis lues fruges, & quodcunque fructuum genus depascendo, & Febrium Ilias primò Rusticanam gentem, mox Urbanam quoque corripiendo, ne fastum reddidere) Constitutio pluvialis post liminè, sed gravior recurrens, ac ferè continua, omnium animos obnubilavit. Sic hyemem humidam, nimbosam cum exiguo frigore, nivibus vix delapsis illicò tabescentibus



bus, agrè transeginus. Martius mensis porro sine pluviis præter morem, & magna aeris tranquillitate usque ad Aequinoctium exactus animos erexerat, cum Cælum denuò omnes quas in sinu suo contineret aquas visum est super nos effudisse. Unius Nyctemeris spatio aquis oppleta sunt omnia, ut hæc Civitas Insulæ specimen præferret. Horret animus Agricolarum calamitates in hac magna eluvione referre, qui

*Ducebant remos illic ubi nuper arant.*

Neq; id solum visum est in Mutinensi agro, sed etiam in Finalensi, Mirandulano, & Ferrariensi, qui situs olim fuit antiquæ Vallis Padusæ, in quam omnia Flumina ex Appennino descendunt à Placentina Urbe usq; ad Adriaticum Mare, Strabone teste exonerabantur, antequam structis aggeribus Padum subire cogerentur; quare in his locis ad longum tempus stagnarunt aquæ, non admittente Pado ad satietatem pleno, non solum circumiacentes aquas, sed per Scultennam, & Gabellum proprias aquas in agros nostros eructante. Perstitit deinde eadem pluviosa Constitutio non solum toto Veristempore, sed per totam ferè Æstatem, ut nulla penè dies sine pluvia visa fuerit. Hinc factum, quod unà cum pluvijs flante ut plurimum Borea, nulla unquam Æstas nostro in hoc Climate extiterit, in qua remissior fuerit caliditas, ut patuit ex Thermometris unde nunquam serior fuit frugum maturitas, messe Iulio mense peracta. In Barometris quoq; observatum est multò elatiorem quàm aliàs fuisse Mercurium, Aere crasso, & nebuloso existente. Cicadæ hoc anno ut plurimum aphonæ observatæ sunt, illarum

loco per totam ferè Æstatem coaxantibus Ranis; sic pro Vere hyemem, & pro Æstate Ver sortiti fuimus.

V. Nullus Annus in his Regionibus pisculentior unquam fuit, quare cum Pisces ubique pretio vilissimo prostant, plebs Urbana hoc alimentum genere familiariter usa est, multòq; magis plebs Agrestis, quæ facili negotio proprijs in agris, & in ipsis laribus pisces captabat. *Neptuno pro Cerere victum subministrante*, ut de Ichthyophagis scripsit Diodorus Siculus, donec super cibo isto levissimo nausente rusticano stomacho, sicut olim gens Hebræa in Deserto, Allia, & Cœpas appeterent. Ab amico Mercatore fide digno, qui Mantuanum agrum hisce temporibus peragravit, ut Sericum emeret, accepi, Rusticos illos ægrotis suis febricitantibus, & nauseabundis Allia, & Cœpas coctas pro ferculo præbuisse, quod cum in aliquibus feliciter cessisset, passim exinde hoc remedij genus, tamquam Elixir proprietatis, quo mirificè recreabatur, valdè ex usù fuit.

VI. Sub initium Iunij denuò, sicut Anno ante acto, apparuerunt signa Rubiginis. Vim Rubigalis morbi prima persensit Morus, nec illi quiquam profuit ipsius Prudentia, cujus Symbolum in censu Plantarum audit. Mox eadem Rubigo, pessimus omnium frugum morbus, & paulatim augescens Frumenta, & omnia legumina, sed præsertim Fabas, occupavit, neq; solum in locis humilioribus, ubi computruerant aquæ, sed etiam in editioribus, ut supra Viam Æmiliam, & in ipsis Collibus. Luctuosum sanè, ac deplorandum spectaculum omnium oculis fuit, campos circumquaque non



virentes, sed atratos, & fuliginosos intueri; sicut enim Anno huic præcedenti hæc lues rubro colore fruges infecerat, ita hoc Anno, *non Creta, sed Carbone notando*, easdem magna atredine resperferat. Sic frumentatio pessum juit, Frumento partim à Rubigine absumpto, partim ob aquarum collaviem in Lolium converso. Sed neque Plantarum fructibus, qui Æstatis principio, vel sub Opora maturescunt, pestis hæc pepercit. Nunquam in tota Estensi Ditione Vvarum, sicuti rerum omnium maximè ferace, parcior fuit Vendemia, botris ab eadem peste paulatim exesis. Nucibus tantum, quarum præter morem ante actis annis magna penuria fuerat, hæc Rubigalis læs non nocuit. At neq; hortensis familia vim hujus morbi cuncta depascentis effugit, nam Olera ferè omnia sydereo veluti afflatu ustulata sunt; adiecta quoq; altera clades, nam Erucæ, & Bruchi hortos omnes depopulati sunt, nudis Stolonibus relictis. Melonum, sicuti & reliquorum fructuum, magna fatuitas, ut & ipsa Animalia illorum elum quandoque respuerent.

VII. Vix risum forsan tenebit aliquis, quod res tam minutas adeò curiosè persequar; at is sciat quòd magnarum calamitatum non rarò exigua sunt signa, &

*Sape exiguus mus*

*Augurium tibi triste dabit.*

Quemadmodum in re Nautica ex levi nebula magnæ tempestatis signa captantur, ita & in re Medicà ab exilibus indicijis magni morbi impendentes non rarò prævidentur, quare Hippocrates: *Nihil negligere*, Sic non immerito Cleombrotus apud Plutar-

cum, Demetrium dicentem, ridiculum esse ex rebus minutis de grandibus facere indicium, arguebat his verbis.

*Artem Medicam pestilentem astatem ex aranearum frequentia prænunciare, atq; ex foliis ficulnis, quando Verè Cornicis pedem referunt, quis consitebitur quires pusillas statuatur vestigia non esse magnarum?*

VIII. Pluviosam Constitutionem quæ ab anni principio usq; ad totum Julij mensem obstinare persisterat, magna postmodum siccitas per duos ferè integros menses excepit; hujusmodi tamen siccitatem non multa caliditas commitata est, & qualis cæteris Annis apud nos persentiri solet, præsertim cum *Procyon furit*,

*Sole dies referente siccos.*

Post æquinoctium verò cœperunt denudò apparere pluviae, ad quarum primum aspectum nemo non expavit, fuere tamen valdè moderatæ, & quantum sufficerent ad terram strigosam, ac veluti saxeam ob prægressam siccitatem emolliendam, adeò ut Colonorum votis pro desiderata frumenti saturatione responderit. Ultimi duo menses, sicuti priori anno cum per petua ferè serenitate, & modico frigore quantum prima pars hyemis postulabat, Anni cursum absoluerunt.

IX. Hæc itaque fuit hujus Anni Constitutio, omnium non solum Vegetabilium, sed etiam Animantium naturæ, ut modò videbimus, valdè infesta. Quamvis ergo hyems adeò intempestiva fuerit, nihil tamen contigisse scio, quod ad Medicam lancem trutinari debeat, neq; id mirum, nam tunc temporis cudebantur morbi suo tempore, & loco erupturi. Epi-



demios Affectus ; non præsentium Constitutionum, sed præcedentium esse productum, & sobolem scitè annotarunt Montanus, & Vallesius, duo clarissima Medicinæ lumina, idq; apertis verbis ipse quoq; Hippocrates asseruit. *Cum fieret autem, inquit ille, totus annus humidus, & frigidus, & Borealis, per hyemem quidem salubriter degebant maxima ex parte, ante Ver autem multi quidem degebant morbidè.* Succedente itaque Verno tempore, ac circâ medium Aprilis mensem magna februm seges in Mutinensi agro intra Viam Æmiliam, alijsq; proximis locis, ubi, diù stagnarant aquæ, ex improvise caput extulit. Tertianæ omnes intermittentes ab initio fuerunt, & neminem novi, qui in principio hujus Epidemici affectus alio febris genere tentatus fuerit. Indiscriminatim Ruricolæ omnes, cuiuscunque sexus, ætatis, temperamenti, vitæ generis corripiebantur, cum magno horrore, frigore, & tremore interdum quoque vomitione accedebant hæ Febres; copiosi quidem sudores in principio hujus Epidemici Affectus ipsas comitabantur, qui postea in morbi progressu remittebant; pauci integrè judicati sunt, sed omnes ferè; qui evasisse videbantur, experti sunt recidivas; neminem tamen hujusmodi Februm genus licet tam populariter grassatæ fuerint, quod sciam, sustulit. Multoties accidit, ut cum in die intermissionis celebraretur phlebotomia, eadem die Febris corripere, & de simplici Tertiana duplex fieret. Nec; id solum Ruri observatum est, sed etiam in Oppidis, & in hac Civitate, cum

eodem tempore Oppidani quoq; & Plebs Urbana isdem Tertianis febribus intermittibus exercerentur, sed longè inferiori numero, ac gens Rusticana.

X. Perseverarunt itaq; hujusmodi Febres per totum Veris tempus cum ejusmodi typo; accedente verò Ætate, in duplices Tertianas omnes conversæ, & quæ de novo accesserunt, hujusmodi typum servarunt. Duplici Tertiana figitur omnes fere Agricola eodem tempore laborarunt, quæ quidem ut plurimum intermittens erat, sed valdè protracta, ut paucæ horæ pro apyrexia numerarentur. Vespere ut plurimum exacerbantur, illas stipante magno Symptomatum satellitio, veluti vomitione, anxietate, capitis dolore, vertigine; in nonnullis stupiditate, in alijs mentis emotione; quod autem non rarò mihi observatum est, magna erat virium nocturna prostratio, ac interdum cum asphyxia, ut proximi Silicernio viderentur, manè cuncta hæc remittebant oriente Sole, ad cuius matutinos radios, è lectulis exsurgentes se exponebant, ac vitales spiritus ex inexhausto illo luminis, & caloris Fonte veluti potabant. Cum hoc Anno curiosius rusticatione, quamvis parum tuta, oblectatus fuërim, non semel admiratus sum, quomodò Aegri, qui tota nocte cum Morte luctarant, manè sub Porticibus, velut Angues ad Solem cutem curantes, erecti starent, ac tantum virium ijs superfuisset, ut campos etiam peragrarent; perstitit, tamen in omnibus satis commoda cibi appetentia, quin persæpè non paucos audivi de nimis parca alimonia conquerentes,



tes ; ac re verà hujusmodi Febres , quantum observare licuit , fuere magis famelicæ , quam siticulosæ.

XI. Verminatio nunquam aliàs major fuit , nec solum in Pueris , sed etiam in proVectioris ætatis hominibus. Memini me vidisse Rusticum quendam annorum circiter 40. sub Porticù ad Solem ex Febris accessù rigentem , atque unà valdè singultientem , à quo cum sciscitatus essem , nùm Vermes rejecisset , ac ille respondisset , se aliquot Vermes inferiùs , ac superiùs dejecisse , Singultum , à cujus molestia se potissimum liberari instabat , à Vermibus stomachum lacerantibus fieri asserui ; cum autem fortè pulverem Chinæ Chinæ sibi à Medico Forensi præscriptum in promptu haberet , permisi ut illum assumeret. Siluit pertinax Singultus unà cum febre , quæ tamen paucis post diebus rediit , sed sine tam molesto Symptomate. Aliàs postea expertus sum hujusmodi remedii genus in lumbricis puerorum enecandis , quod mihi feliciter cessit.

XII. Sanguis , qui in hac Constitutione secta Vena educebatur , ut plurimum crassus , & sub pallidus apparuit ; in nonnullis etiam Icterodes observabatur , quamvis exteriùs in Corpore similis color non floreret. Alui excrementa in omnibus ferè febricitantibus crassa erant , & compacta. Quæ per os rejiciebantur subacida potius erant , quam amara. Urinæ ut plurimum crassæ , ac turbidæ multumque lateritii sedimenti habentes reddebantur , ac persæpè in febribus , in quibus nulla erat cacoethiæ suspicio ; Hypochondria in omnibus dura , ac distenta.

XIII. Quibusdam , postquam illos hujusmodi tertianæ febres diù exercuissent , apparuere Parotides , quæ ut plurimum suppurabant , at neque hoc pacto contumacissimæ febres summovebantur. Curavi Mulierem uterogentem , quæ , cum per integrum Septembris Mensem febricitasset , oborta Parotide , ac fæliciter suppurata , & ad longum tempus perpurgata , nondum tamen , cum jam Anni finis imminet , à febre immunis est ; adeò contumax , ac penè indomabilis erat fomes , cui hærebant hæfebres. Cæterum nunquam visæ contumaciores febres ad recidivandum magis pronæ , & quæ magis Medicorum industriam eluderent ; siquidem nec repetitæ phlebotomiæ , nec purgationes , nec millè alexipharmaca , quæ pleno gutture tanquam manus Deorum Receptarium Chorus adeò celebrat , quicquam profuere. Immo observatum , citiùs ac tutiùs restitutos , quibus nec sanguis deductus , nec purgantia exhibita , nec ullum aliud remedii genus administratum , toto salutis negotio Naturæ morborum Medicatrici commisso. Fælicitiùs tamen cessit , quibus purgationes , & vomitiones præscriptæ , quam quibus pluries secta est Vena ; ii namque in deteriùs semper labebantur. Vidi pauperem Agricola à duplici tertiana ad longum tempus conflictatum , & jam in magno discrimine versantem , cui nec detractus fuerat sanguis , nec ullum aliud remedii genus adhibitum , solo Vini generosi potù meo consilio propinati fæliciter convaluisse ; sic multos alios novi hoc , solo cardiaco restitutos , aquæ usu , ac cæteris remediis ablegatis.

XIV. Cum



XIV. Cum autem hujusmodi Tertianæ febres non solum Colonos, sed etiam Oppidorum majorum, & Urbium Incolas, si non tam populariter, saltem eadem contumacia fatigaret, ac usù potius remedium exasperarentur, quam mitescerent, mihi visum est hoc Anno apud nos contigisse id quod apud Plutarcum legimus in libro de Oraculorum defectu, quod nempe in hac Constitutione, quædam Medicæ Artis Oracula obmutuerint, dum causam ignorarent, quare præconcepæ opinioni de magna medicamentorum supra morbos quoscumque potestate Tertianæ febres intermittentes, ut plurimum citrà malignitatis suspicionem, minimè auscultarent; quare locum habuit Virgilianum illud.

-----cessere Magistri,  
Phillyrides Chiron, Amptao-  
niusque Melampus.

XV. Major itaque pars Medentium apud Nostrates, ut vulgi calumniis, & assiduis ægrotum querimoniis se subducerent, in hac Tempestate ad Peruviani Corticis sacram Anchoram confugere, at parum prosperè; nam in periculosiores scopulos ægrotantes suos persæpè deduxere. Usù febrifugi per aliquot dies equidem sub doloso cinere latebat ignis, verum post liminio violentior recandescebat. Qui tamen peritiores erant, ac rebus ægrotantium magis, quam propriæ ambitioni consultum volebant, *Nabant sine Cortice.*

XVI. Hoc itaque tenore processit Febrilis acies per totam Æstatem, ac totum Autumnum, Rura, & Oppida infestando, frustra *Quartanam sperantibus ægris*, & intervallum ali-

quod à quotidianis paroxysmis expectantibus; nam pauci hoc Anno visi sunt Quartanarii; sicuti nec observare contigit Synochas ullas, vel Febres ardentes, sed solum Tertianas, quæ quidem sub finem Autumni, & prima parte Hyemis rariores fuere, sed graviores, intermittentes quidem in principio, sed quæ tandem in continuas, & lentas migrarent, ut plurimum cum solita periodo circà Vesperas Ægris horrescentibus.

XVII. Febrili huic Exercitui, qui stativa castra posuerat inter Pandum, & Viam Aemiliam, quam transgredi ausus non est (cum in toto illo tractu, qui Colles, & hanc Viam interjacet, inculcata Valetudine, & securâ rusticatione uti concessum fuerit) multi alii Morbi junxere se comites, qui sporadicè vagantes multas prædas agebant ut Alvi profluvia, Icteri, Apoplexiæ, Hydropes, Catarrhi præfocativi, alique Affectus. Qui Dysenteria hoc Anno laborarunt citius, ac scilicet evasere, quam qui Diarrhæa.

XVIII. Vim hujus Constitutionis Viri robustiores, & adulti facilius tolerarunt, minus Fœminæ, ac Pueri, quorum qui infra trimatum erant, ferè omnes periere. In solo Finalis Oppido plus quam tercentum Pueros referunt extinctos, ut ex ejusdem Oppidi Necrologio constat. Magna quoque fuit Infantilis strages in Mirandulano agro, & Novellariensi. Ad dies aliquot febriles paroxysmos tolerabant, postmodum fiebant Icterici, ac paulò post Epilepticis insultibus correpti occumbebant. Cæterum præ multitudine hominum decumbentium pauci sunt extincti,



ac potius ex diuturnitate morbi, & frequentibus recidivis, quam ex Feris vehementia succubuerunt; qui tamen vivere superstites magna ex parte facti sunt IctERICI, LIENOSI, & CACHECTICI.

XIX. Vim hujus malè moratæ Constitutionis experta quoque sunt quævisque generis Animalia, quæ a magno numero interiere; sicut item in ea quanquam describit Silius Ialycus, quæ sicca fuit, & præfervida, *imprimis sensere Canes*, ita in hac frigida, & præhumida clades Pecudum fuit, quibus, postquam per dies aliquot ægrotassent, veluti per crismum parebant Variolæ in capite, & colla, ac plerumque ab iisdem excorabantur; sic quæ ex vehementia morbi non perierant, tandem ex inedia intabescebant. Sues quoque turrim suffocari moriebantur. Vidit autem per sæpe infœlix Arator concidere.

*Inter opus Tauros, medioque recumbere sulco.*

Nunquam parcius nobis mellificavit Apes, vel propriis in sedibus inctæ, vel aliò migrantes; Bombyces quoque initio quidem catervatim peribant, qui verò superstites fuerunt in ipso Opificio semianimes, & præcipue concidebant. Nimius essem si ista singillatim recensere vellem. Nihil spicium aliquod, Pecudum præcipue, quarum major fuit strages, tantidem celebrare, ac hariolari etiam esset talium morborum causam non abs re fuisset, si per tempus fuisset.

XX. Scio non defuturos qui me arguant, quòd ad Veterinariam transferar; oblatrent quantum velint,

quòd talia observare Medicam Artem profitenti indecorum nequaquam crediderim. Egit id Medicorum Maximus, quem non puduit scrutari, quare Bobus facilius quàm cæteris Animalibus excidant femora, hæc autem sunt illius verba, nemini, quòd sciam, observata. *Bobus tunc magis excidant femora, cum tenuissimi existunt, sunt autem tenuissimi Boves ad finem hyemis. Tunc igitur etiam maxime luxantur, si tamen, & hujusmodi quiddam in Medicina scribere convenit. Verum convenit utique.* Atqui si celebriores Anatomici tot sectiones, tot experimenta per mortes Brutorum agunt, ut Anatomiam in hoc genere comparatam, quam in Medicina desiderari dictum erat Sapientissimi Baconis, jam habeamus, cur non licebit quoque illorum morbosos affectus observare? Quin Medico Chirurgus licere interdum absque Artis dedecore Bestiis mederi ostendit Eruditissimus Vir Carolus Patinus in sua elegantissima Oratione in Archi-Lyceo Patavino Anno 1682 habita.

XXI. Atque hæc sunt quæ in morbida hujus Anni Constitutione magna ex parte ipsemet observavi, & quæ ab ingenuis Professoribus, & fidis Amicis mihi communicata sunt, quæ quidem referre pro ut obvenerint, non magni negotii est, at illorum causas rimari, ac in medium proferre, quæ Jatroscophorum, & Eruditorum hominum palato sapiant, hoc opus; audendum tamen pro viribus, ac

*---Tentanda Via est, qua me quoque possim*

*Tollere humo.---*

XXII. Communes morbos, quos Populares, & Epidemicos appellant à



Communibus causis progigni extrâ omnem Controversiæ aleam est; Communes autem causæ sunt potissimum Aer nobis circumfluit (aliunde tamen, sive ex superioribus, sive ex inferioribus infectus) Communia Alimenta mali succi, & Aquæ corruptæ. Ex his omnibus, sed promptius ab Aere, tanquam è communissimo Fonte è quo nemo non potare cogitur, Morbos quosdam derivari, qui multos eodem tempore afficiant, omnium pariter est consensus. Ad hanc verò nostram Ruralem Epidemiam excitandam in unum convenisse & Aerem vitiatum, & prava Alimenta ingesta, fas est arbitrari. Primum quidem locum Aeri à sua naturali temperie non solum secundum Anni tempore recedenti, sed particulis humanæ naturæ incongruis ad satietatem pleno, concedendum putarim; secundum autem locum pravis Alimentis, & Aquis vitiatis. Quamvis autem de Miasmate Contagioso aliqua posset esse suspicio, dum uno in aliqua familia à Febre correpto, ceteri paulò post ex eadem Febre decumberent, id tamen potius in communem Diathesim ad maturitatem eodem tempore evectam, non secùs ac cum Autumno fructus eodem tempore maturescunt, referendum duxerim, quam in effluvium aliquod contagiosum, quod è primo ægrotante expirans ceteros afficeret.

XXIII. Quanti autem referat ad bonam Valetudinem in Aere puro, & à fædis exhalationibus maximè remoto degere, nemo non novit; nam sicuti Pisces foelicius degunt, ac esca salubrior sunt, si in aqua pura, ac sincera vivant, secùs verò si in aqua

fæda, & corrupta, ita homines foeliciorem vitam, ac longæviorē ducunt, si Aer sincerus sit, secùs autem si crassus, & nebulosus; Nec abs re vulgatum dictum illud, quod tales sint Corporis nostri humores, ac spiritus, qualis sit Aer; hinc iis in locis ubi Aer tenuior est ac defæcator, vividiora, & acutiora ingenia florere solent, ubi verò crassior, hebetiora ac stolidiora, quare Bæotii, & Batavi antiquitus malè audiebant, unde Horatius.

*Bæotum in crasso jueres aere natum.*

XXIV. Non vacat hic disquire re, quare ad Vitam perennandam adeò necessarius sit Aeris usus, quomodo in Vascula Pulmonum se infundat, quid in massa sanguinea efficiat dum illi permiscetur; circa id insudarunt Doctissimi Viri, ac ultimè Ettmullerus in elegantissima sua Dissertatione de Abstruso Respiratione negotio; solummodò circa illa examinanda immorabor, quæ insignem Aeri mutationem inferre possunt, illum à sua naturali mediocritate decedere. Certum est enim, quod si Aeri Respirationi idoneus esset debet, consequenter ad vitalia munera, necesse est, ut quandam servet mediocritatem, ut neque suprâ modum crassus sit, nec nimis tenuis, nam si tenuior sit, ac rarior quam par est Respirationi inidoneus evadit, ut Machina Boyeliana satis evincit, ac constantur qui in editissimis Montibus difficiliorem experti sunt Respirationem, quàm in imis Vallibus, id annotante Thoma Cornelion; si verò crassior sit, & ad saturitatem Vaporibus, & exhalationibus oppletur.



ad Respirationis munus obeundum minimè aptus est, immò suffocationis periculum infert, ut ex eadem Machina Pneumatica patet, & Metallorum fossiores in fodinis sæpenu-merò experiuntur, qua de causa Hippocrates *Somnum in frigore cooper- to*, ut ipse ait, commendabat, ni- mirum, ut Vallesius, & Ballonius interpretantur, dormiendum esse in amplo Conclavi, sed corpore stragulis benè conlecto, qua ratione fa- ciliior est anhelitus, nec à frigido Ae- re partes sentientes pungente intertur- batur somnus.

XXV. Notabiles autem in Aere alterationes (non de iis loquor, quæ secundum Naturæ leges, & varia An- ni tempora ex necessitate fiunt, sed de intempestivis) Venti potissimum, & imbres copiosi efficiunt: Solares enim radii ob æqualem Solis ad no- strum Verticem accessum Aerem sem- per æqualiter calefacerent, si is aliun- dè alterationem non susciperet, Haud secùs Terræ exhalationes, ex paludi- bus, & stagnis, seu nimis uliginoso solo eundem non rarò contaminant. In nostro verò Aerem à copiosis im- bribus, & lutulenta Constitutione vi- tiatum fuisse existimandum est, sicuti etiam à Ventis Borealibus intempesti- vum redditum, qui cum Vernotempore, ac per totam ferè Æstatem nunquam siluissent, Solarium radiorum vim hebetando, Vaporum à leni calore elevatorum discussionem prohibue- rint, & volatiles Spiritus, quos in suo ad nostrum Verticem accessu Sol quaquaversum diffundit, versùs Au- stralem plagam retro pulerint. Ex quo factum, ut iis in locis, ubi statariæ fuerant Aquæ, Aer circa Veris prin-

cipium tepescens, multos vapores, & tetras exhalationes in sinu suo ex- ceperit; Aer verò sic pollutus, ac partibus volatilibus, quæ à Sole pro- manant, ulteriùs destitutus, dum in- trà Corpora eorum qui his in locis de- gebant admitteretur, totius massæ sanguineæ crasim, & cæterorum fluidorum systasim naturalem per- turbarit.

XXVI. Reor itaque à naturali suæ dulcedinis, fluiditatis statu mas- sam sanguineam descivisse, & cras- siorem consistentiam, quam par est, acquisivisse; sicuti, & proportionem ablatam inter Bilem, & succum Pan- creaticum, illa quidem languidiori, hoc fortiori reddito. E' Cælo potissi- mum Volatiles Spiritus in Terram de- fluere, è Terra verò ut potè succis mineralibus referta continuò acidas particulas sursùm efferri, ingeniosum est Clarissimi Sylvii excogitatum, sed rationibus, & experimentis confir- matum. Quare cum in hujus Anni pluviosa, & frigida Constitutione Aer partium volatilium, & spirituo- sarum magna penuria laboraret, alia- que ex parte acidis particulis è terra lutulenta, ac veluti fermentata eleva- tis maximè abundaret, mirum non est, si postmodum intrà Vitæ hospitia ex- ceptus talem diathesim induxerit, è qua tam magna febrium propago ema- narit. Acidam verò dyscrasiam po- tiùs, quam biliolam, & alchalinam in universum prævaluisse, duo potis- simum evincunt, primum, quòd hoc Anno in tam ampla Febrium segete nullam Synochum, nullam Febrem ardentem observare contigerit, alte- rum, quòd hujusmodi Febres, ut plu- rimum, veluti superiùs annotavimus,



potius famelicæ fuerint, quam siticulosæ.

Nec miretur quispiam, quod Tertianæ febris naturam ex prædominio Acidæ Mineræ potius deducam, quam Alchalinæ, qualis censetur Biliosus humor; nam ex quanam materia, quæso, in hac Constitutione tam horrida, procellosa, ac media Æstate frigida, post usum ciborum pituitosi succi, ex quanam materia, inquam, tanta bilis copia gigni debuit quæ sufficeret ad procreandam tam numerosam Februm sobolem, ac illam tandiù alendam? Nec desunt Professores celeberrimi, qui ab hoc non multum dissentiunt, inter quos Ettmullerus, qui pro causa proxima Tertianæ febris intermittens statuit fermentum salino acidum, in legitimis quidem magis volatile, & activum, minus autem volatile, & subiecto viscido irretitum in nothis.

XXVII. Præter Aeris malam Constitutionem, tamquam hujus Epidemici Affectus communissimam causam, aliæ quoque nec parvi momenti in idem conspirarunt, scilicet ut humores ad acidam dyscrasiam disponent; nimirum prava alimenta ingesta, ut fructus horæi à rubigali lue vitiiati, nimia Piscium ingurgitatio, edulij genus nostris Agriculis insolens, in quorum stomacho cibus fortioribus assueto facile putrescebat, hoc est facile aciescebat, cum nullo evidentiori signo putrescentia se prodatur, quam per acorem; his addi possunt Puteales aquæ ex nimia illuvione cœnosæ, & semiputridæ, ac denique Boreales Venti, qui Acidi nitrosi Promocondus appellantur. Ex his itaque Communibus Causis, cœu

Fontibus, harum februm originem probabilius, quàm à quacumque alia deduxerim; neque enim ad cœlestes influxus recurrendum, quasi Astra maligniori lumine Rusticanam gentem potius, quam Vibanam, veluti innocentiores adspicerent, cum præter id, improbable sit, quod cœlestes influxus tam arcto spatio potuerint circumscribi; sicuti neque subterraneæ exhalationes culpari poterant, cum Terræmotus nullus præcesserit, neque in hac nostra magna Plantie Cispadana, & Transpadana extent Antea, & Terræ hiatus Charonei, è quibus perniciola effluvia possent erumpere, & Aerem inquinare.

XXVIII. Quod spectat ad Causam internam, quam Coniunctam appellant, hæc non nisi in crassam, & viscidam pituitam, cui acidum fermentum hæreret, referenda erat, vel stabulantem in stomacho, ut placet Ettmullero, vel ductus laterales Pancreatis obstruentem, ut statuit Sylvius, quæ materia in Venas transfusa, & partibus spirituosius sanguinis permixta febrilem effervescentiam excitaret; ut ut enim cruoris massa effœta sit, & vapida, semper tamen aliquid oleosi, & sulphurei continet, quod ad flammulam vitalem alendam sufficiat. Focus itaque febrilis hospitabatur extra Vasa sanguinea, quemadmodum in febribus omnibus periodicis, cum alioquin perdifficile sit Intermittentes febres ab ijs quæ verè Continuæ sunt distinguere, cujusmodi Febres Ignis nomine Divinus Præceptor insignire consuevit, ut ex variis historiis in libris Epidemiorum videre est. Non enim concipi potest, aiebat scientifimus



simus Cartesius, quænam possit esse Circuitus causa, nisi materia quædam, quæ maturatione indigeat, antequam massæ sanguineæ misceatur, quæ per venas ad Cor delata potis est tot excitare turbas, & febrilem tempestatem ciere, quæ non alio pacto sedetur, quàm eadem hostili materia sub forma sudoris per corporis ambitum discusa, vel per Vrinarias vias ablegata.

XXIX. Rarum quidem esse, quòd Tertianæ febres Epidemice ex Aeris vitio observentur, ait Doctissimus Ftmullerus, ac revera Febres, quæ alicujus pravi Seminij in Aere latentis soboles sunt, nullum certum ordinem servare solent; multòque rariùs est, quòd sint de genere Intermittentium: hoc Anno tamen hujusmodi febrium genus in hisce Regionibus populariter grassatum fuisse, tam Ruri, quàm in Oppidis (quamvis postea ob diuturnitatem in continuas, & lentas migrarent) sat perspectum est. Haud ablimilem Constitutionem, quæ in Anglia Anno 1658. ac magis per Rura, & Pagos, quàm per Oppida, & Urbes desævijt, Doctissimus Vuillis in suo Tractatu de Febris describit; suæ tamen Febrilis Epidemiæ originem, & causam procatacticam non Aeris vitium Vir ille Peritissimus refert, sed potiùs in prægressam Constitutionem nimis ætuoſam, & illi Clima insolentem; Febrem Tertianam intermittentem Epidemiam observavit quoq; Celeberrimus Bartholinus Hafniæ, anno 1652. sed & ipse illius causam calidissimæ, & siccissimæ Ætati, præter morem, & consuetudinem illius Cœli adscribit; hanc verò nostram Ruralem Epide-

miam lubet referre in Constitutionem præhumidam, ac frigidam, huic Cœlo insolitam, ac simul in Aerem ob cœnosam colluviem vitiatum. Si enim hujus Epidemici Affectus causa esset ex totius Anni intempestiva Constitutione, quæ frigida, & procellosa toti penè Italiæ communis fuit, non satis constat, quare hic popularis morbus, in humilioribus tantum locis, ac ubi stagnarint aquæ, sedem fixerit, & non ampliora spatia occuparit; cum tamen Incolæ cæterarum regionum, quæ ab hujusmodi atmosphœra remotiores erant, [ut totus tractus suprâ Viam Æmiliam versus Colles] nunquam alias à Febris magis securos se vixisse meminerint.

XXX. Qua de causa porrò, à Constitutionibus tantæ siccitatis, quales, ut dixi, ad plures Annos experti fuimus, ad Constitutionem imbrium adeò feracem talis factus fuerit transitus, certè hic mihi *heret aqua*, ut dici solet, & ad hanc Veritatem eruendam *Delio natatore* opus esset. Nullus profectò Astrologorum, qui ex imaginarijs Astrorum configurationibus futuros rerum eventus prædici posse existimant, tam magnam illuvionem prædixit, neque postquam facta est, rationem ullam attulit, cur ita fieri deberet. Sint utique Astrorum in hæc inferiora Influxus, quos velle negare magnæ dementiæ esset, at modus quo agant, id omninò indeprehensibile est. Rectè quidem Ptolomæus in libro qui *Aliarba* inscribitur, Stellarum effectus incertos esse, & varios pronunciavit, quoniam incertum est qua ratione materia subjecta influxum recipiat. Obser-



vandas quidem magnas Temporum mutationes, *Æquinoctia* scilicet, & *Solstitia*, ut in illis *neque medicamenta exhibeamus, neque uramus, neque secemus* pluribus in locis monuit Hipp. sicuti etiam considerandos exortus Canis, Arcturi, & Pleiadum occasum, nam ut idem ait, *morbi his maximè diebus judicantur, alij perimunt, aut in speciem aliam transmutantur*; quare verò tam magnæ alterationes, tum in magno tum in paruo Mundo dictis temporibus fiant, scrutari velle, id esset merè divinare. Satis sit igitur quoad rem nostram, quòd hoc Anno tam magna, & in solita aquarum inundatio morbosam hanc Constitutionem inuxerit, contrario prorsus modo, quo in *Ægypto* votiva Nili inundatio, miraculi ad instar, solet pestem abigere, quamvis Alpinus mutationem illam Aeris in salubriorem statum ad Nili incrementum subsequentem in *Etesias* videatur potius referre, quæ tunc temporis Sole signum *Cancris* subeunte, & septentrionali plaga fumigante, flare incipiant, & *Campsinos Ventos* pestis Vectores repellant. Quæcunque ea causa sit ob quam Nilus, *Ægypti* Pincerna, salubritatem invehat, certum est tamen, ad illius incrementum Morbos populariter grassantes decrescere, & in magna illa inundatione demergi, adeo verum est illud *Celsi*; *Differre pro natura locorum genera Medicina, & aliud opus esse Romæ, aliud in Ægypto, aliud in Gallia*. Annus jam agitur centesimus, ex quo haud ab-  
 similis inundatio *Cispadanam*, & *Transpadanam* Regionem occupavit, unde postea subsequuta est summa An-

nonæ caritas, tritico in lolium converso, ut refert *Paulus Crassus Corrigiensis* in doctissimo suo libello de *Lolio*; Inchoarunt autem tunc temporis circa Maij principium pluvix, quæ postea per totam *Æstatem* obstinatissimè perdurarunt. Observantur itaque per intervalla quædam eadem Temporum Constitutiones recurrere, sive in Astorum vim nobis ignotam id referamus, sive in justam Dei vindictam, qui sicut olim *Universali Diluvio* totum Orbem puniit, ita particularibus eluvionibus quasdam particulares Regiones aliquando plectat.

XXXI. Rubigalem luem non exigam operam ad Morbosam hanc Constitutionem contulisse superius dixi; at ne id gratis, ac veluti Dictatorie pronunciasse videat, libeat in dilquirenda, & examinanda Rubiginis natura paululum immorari. De Rubigine multa quidem Veteres scripsere, at de illa secundum suæ Philosophiæ Systemata ratiocinati sunt; In sacris quoque Codicibus Rubiginis fit mentio, cum aliquando hac, veluti iræ suæ ministra, Deus populo suo fruges, & fructus omnes ademerit, ut illum ad bonam frugem perduceret, nonnulli verò ex Recentioribus de hac peste aliquid scripsere, ut *Ruvellius*, *Levinus Lemnius*, *Ludovicus Vives*, *Langius*, sed ea quæ à veteribus scripta fuerant recocere. Vegetabilem itaque Familiam suis Morbis laborare, iisque diversi generis, multosque gravissimos Auctores de iis scripsisse, ut *Varronem*, *Plinium*, *Columellam*, aliosque jam satis perspectum est. Rubiginem verò, frugum omnium, & fructuum



communem morbum, ut illam Theophrastus appellat, adeo exhorruerunt antiqui, ut ad avertendam hanc pestem sibi Deum finxerint, quem Rubigum, teste Varrone, appellabant, unde Rubigalia festa emanarunt, quæ à Numa Pompilio Regni sui Anno XI., referente Plinio, instituta sunt, & ad 7. Cal. Maii celebrabantur. Mactabant autem lactentem Catulum in huiusmodi sacrificio, unde Columella.

*Hinc mala Rubigo virides ne torreat herbas,*

*Sanguine lactentis Catuli placatur, & extis,*

Litabant autem lactentem Catulum, eò quod à Rubigali Numine, mediante maligno Canis Syderis influxu, putarent hanc labem in terras immitti; quare cæca superstitione, ac non nisi habita ratione nominis, id agebatur sacrificium, ut ingenuè Ovidius.

*Pro Cane Sydereo Canis hic imponitur Ara,*

*Et quare id fiat, nil nisi nomen habet.*

XXXII. Rubigalia itaque sacra, sicut & Floralia, ut cuncta benè deflorescerent, instituta sunt, ac celebrari solita, sub finem Aprilis, propterea, quod huiusmodi tempore à Rubigine frugibus, & fructibus valde metuerent, occidente tunc temporis Cane, Sydere per se vehementissimo, qui Occasus ex Plinii observatione, tunc in 4. Cal. Maii incidebat. Observabant autem Veteres multa attentione Canis Occasum, ubi nos vix Ortum, qui persæpè credimus eodem tempore ubique inchoare dies Caniculares, veluti non rarò doctos aliquos, & celebres Professores, ita

quidem, sed turpiter sentientes, audire contigit, cum tamen juxta diversam latitudinem, quam variæ regiones habent, varii ac diversi sint Astrorum Ortus, & Occasus, quod non ignotum Galeno, qui tradidit, eodem quidem tempore omnibus in plagis fieri tum Aequinoctia, tum Solstitia, Astrorum vero Ortus, & Occasus communes esse iis solum qui sub eodem vertice habitant.

XXXIII. Hanc pestem Græci Ερυσίβη Latini Rubiginis nomine appellavere, sive à rodendo, ut Varro ni placet, seu quod rubro colore fruges inficiat; Vredinem quoque seu Carbuncularem morbum vocavit Plinius, quod fruges exurât, veluti hoc Anno contigit, cum fruges, & plantæ omnes carbuncularent, ut Pliniano vocabulo utamur. Hos equidem Rubiginis noxios effectus observare, & contemplari licuit; at quænam sit huius pestis natura, & indoles, non tam facile est decernere. Sapere ignis naturam, seu acrimoniam lixiviatam, & Alchalinam ex Sale acri, & volatili, proclive quidem esset asserere; at multa obstant, ne in hanc sententiam eam. Gigni Rubiginem ex Rore, sed vitiato, serenis noctibus, vel in plenilunio, vel inter lunio, quibus temporibus Luna frigidius lumen ad nos reflectit [ cum in Plenilunio, Aestivo tempore à nostro vertice multum absit, in Interlunio verò torum lumen, quod à Sole recipit eidem regerat.) antiquorum fuit opinio; cui recentiorum quoque non pauci subscribere, inter quos Ludovicus Vives in doctissimis suis Commentariis in librum D. Augustini de Civitate Dei, ubi scripsit: *Rubigi-*  
*mem*



*nem esse Rorem putrefactum, fruges tenues corrumpentem, & friantem.* Generari utique Rubiginem ex Rore, serenis noctibus, (cum Ros non decidat nisi sereno Cœlo) & silente Luna, veritari valdè congruum videtur, nam revera sub initium Junii propè Interlunium, signa Rubiginis observari cœpta in frugibus, & plantarum foliis, quæ parvis maculis nigricantibus distinctæ, puncticulari morbo laborare videbantur; argumentum evidens hujusmodi Hygmata à Rogis guttulis, ubi diù hæserant, fuisse inusta.

In Rore (quem Lunæ, & Aeris filium Alcmon dixit, & à raritate ita appellatum Isidorus tradidit, eò quod non sit crassus ut pluvia) multum liquoris volatilis Salini, ratione cuius abstergit, & alvum solvit, omnes docent Chimici, qui pro egregio menstruo ipsum commendant ad extrahendas omnium Vegetabilium Tincturas: ex eodem quoque tradunt elici spiritum qui ad metalla dissolvenda efficax sit, quo spiritu utebatur Cnosellius ad parandam Coralliorum Tincturam, ignita Corallia in Roris spiritum projiciendo. Vim hujus Salis sentiunt, qui manibus rorem tractant, aut nudis pedibus per campos, & prata rorulenta incedunt; nam manus, & pedes scabræ fiunt, idque ob salinas, & nitrosas particulas, quæ cutim arrodunt. Vi quoque pollere graciliora reddendi corpora tradit Plutarchus, ac propterea Mulieres habitiores illius usu nimiam polysarciam emendare. Sale saccharino pariter divitem esse Rorem ut multis morbis opituletur per analy-

sim, & ignis examen se deprehendisse testatur Helmontius. Multa de Roris viribus scripsit in doctissimis suis Animadversionibus Excellentissimus D. Joseph Lanzonus, Medicus Ferrariensis, cui non parum debeo, quòd ea quæ in hac Constitutione ipse observavit, mihi per literas benigne communicavit.

XXXV. Hæ sunt nativæ dotes maturini Roris, ac præsertim Maialis, in salubri ramen Constitutione, ac solo minimè uliginoso, nec palustri; at si ex malis temporum Constitutionibus, & noxiis afflatibus, seu pravis à Terra exhalationibus Ros vitietur, in Rubiginem degenerat, malum, quo nullum noxius est, & cui, ut ait Plinius, *non comparantur grandines, neque procellæ, quæ nunquam Annonæ intulere calamitatem.* Gigni Rubiginem itaque ex Rore existimo, dum multa nitrosa, & acida corpuscula è solo elata, & per aerem undequaque dispersa, salinis particulis, quibus naturaliter Ros abundat, sociantur, quæ simul in magno Aeris Receptaculo fermentata, & exaltata, modo nobis imperceptibili, in liquorem coeant, qui postea sub forma Roris deciduus & plantis inhaerens, easdem maculis diversi coloris sugillet, uti apud nos factum his duobus Annis cum in priori, Plantæ omnes, & fructus rubris veluti peti- culis, hoc Anno verò nigris laborare viderentur. Præpollere atquæ in Rubigine acrimoniam acidam, & corrosivam, haud absimilem Aquis stygiis, & Spiritibus Nitri, & Vitrioli, longè verisimilius, quam Alchalinam ex sale Acri, & caustico, quando nulla causa animo fingi possit qua



n tam remissis caloribus hujus Constitutionis unctionem, & acredinem accersere potuerit.

XXXVI. Neque huic meæ opinioni quicquam refragari S. Scriptura auctoritatem crediderim, dum apud Amos Prophetam fit mentio Rubiginis his verbis. *Percussit vos in Venere, & in Erugine, multitudinem fructuum vestrorum, & vinearum vestrarum, Oliveta vestra, & ficeta comedit Eruca.* cum non magis Austrini flatus sua caliditate, quàm.

--- *Boreæ penetrabile frigus adurat.*

XXXVII. Displicet quidem, quòd eo tempore quo sæviit Rubigalis lues, aliquo experimento non perenturim, ut certius illius naturam explorarem; siquidem nimis serò animi subiit cogitatio de hac Rurali epidemia, & Rubigali peste describenda. Non deititi tamen, quin potmodum variis experimentis pervergarim, nùm ea quæ mente excogitaram Veritati congruerent; experis itaque sum variis liquoribus modò acidis, modò alchalicis, & lixivilibus, plantarum folia, flores, & fructus adspargendo, attentè observans, quis inde color emergeret; fors itaque recentia Fabarum, quæ apud nos circa finem Octobris feri solent, spiritu Vitrioli irroravi, & non multo post stavescentes maculæ, ubi guttule liquoris hæserant, apparuerunt; placuit autem magis in Fabis experiri, cum quia in hoc leguminis genere nimis suam magis exercuit Rubigo, cum quia Theophrastus testatur, *Fabam inter legumina magis aruginem sentire.* Fabarum itidem folia

liquore alchamico, & urinoso, & ac lixivio accerrimo adspersi, neque notam ullam alicujus coloris inuri deprehendi. In aliis quoque Plantis, ac variis Oleribus, ut foliis Lactucæ, Brassicæ idem pertentavi, & ab acidis Spiritibus seu Vitrioli, seu Nitri, flavas maculas prodire, nunquam tamen nigras, observare contigit. Rubiginis itaque Naturam in Acida potius acrimonia quam Alchamica lubet statuere. Congruunt autem huic meæ opinioni ea quæ in strage Animalium evenere; nam, præter malam Aeris diathesim Brutis quoque noxiam, ob pascua rubiginosa Sanguine acidiori reddito, ac in motu suo præpedito, vel subitæ mortes integros greges Pecorum sustulere, vel abortæ sunt Variolæ, quas ex sanguinis stagnatione fieri, dum in orbem agitur, communis est recentiorum Opinio. Tubercula autem illa quæ in capite, collo, & cruribus pecudum viscebantur, revera Variolas fuisse, licet profectò asserere, quando nec figura, nec colore, nec liquore in illis contento, nec magnitudine, nec modo quo soluebantur, possit suppurationem nigra crusta superstitè, quicquam à Puerorum Variolis discrepabant. Nihilò secius eadem pascua infecta cæteris Animalibus cladem intulere. Sic Apes haud amplius ex florum Calycibus nectareum laticem, sed acidum stigma delibantes, partim extinctæ sunt, vel aliò suas Colonias trastulerunt. Pariter neque mirum, quod hoc Anno Cicadæ ut plurimum taciturnæ fuerint. cum, præter remissum Æstatis calorem, qui illas ad cantum nequaquam ciceret, vel nutritium Rorem nactæ non



fuerint, [ si tamen verum quod Rore pascantur, ] vel quod majori ex parte perierint. A' Cicadarum obmutescencia malas Temporum Constitutiones prænunciari, scripsit Doctissimus Mercurialis, qui Anno 1577. observavit in Agro Patavino, aut nullas, aut rarissimas Cicadas cecinisse, undè postea gravis subsecuta est Epidemia. Cicadas autem re ipsa Rore nutriri fabulosum non esse reor, etenim non in Arboribus pernoctare, sed super solum ipsum, & in aprico loco ad Rorem facilius excipiendum, manè autem ad Solis ortum super Arbores evolare ex Agricola quodam didici; à quo cum sciscitatus essem, quare in Villa quadam, quæ Roboretum dicitur, penes Gabellum flumen, tanta sit Æstate Cicadarum copia, ut illic hujusmodi Insecti genus suum habere videatur Emporium, id fieri dixit ille, quia solum illud arenosum sit; in quo facilius quam in solo argilloso parva foramina efficiant in quibus deponant Ova pro foetura in secuturam Æstatem.

XXXVIII. Hæc omnia itaque Rubiginis naturam satis in propastulo statuere videntur, luem meherclè, & Animalibus, & Plantis valde perniciosam. Quare autem Solæ Noces Rubiginis noxam non senserint, id fortasse in causa fuit, vel quod hujusmodi fructus gemino operimento sit munitus, vel quod Corticis substantia multo Sale Volatili abundet, qui diversam indolem ab Acido possidet. Succum è viridi cortice Nucis Juglandis, tamquam remedium à se repertum, & magnæ virtutis ad faucium phlegmonas tol-

lendas, multis laudibus extollit Galenus; putabat autem ille, talem effectum præstare hunc succum, eoque vi adstrictoria polleret, & simul tenuium esset partium, ex tinctura pene ineluibili, qua manus tractantur inficit, partium tenuitatem deducens, vim autem adstringendi à salubri effectu, quem observabat, dum inflammationi mederetur; pro rato enim ac veluti lege habebatur, quod in principio Phlegmonis utendum esse repellentibus, & adstringentibus, non pars ob laxitatem fluentem humorem tam facile reciperet, quod etiam num apud non paucos Professore frequenti in usu est, quod num rectè, an perperam fiat, non est hujus loci disquirere. Hujus succi efficaciam ad inflammationes sanandas agnoscunt quoque Recentiores, viri autem adstrictoriam prorsus negant, immò vim dissolventem ipsi adscribunt, inter quos Leonardus è Capua, qui Corticem Nucum viridum multo Sale volatili divitem esse ait, & qui potis sit grumos Sanguinis dissolvere, & illius acetositatem emanare, quo pacto non sanguinis fluxum in partem adstringendo prohibet, sed sanguinis refluxum per Venas ad Cor referendo promoveret. Sicut autem priscis ignoscendum, si ob ignoratum sanguinis circularem motum, non aptas interdum naturarum effectuum ætiologias afferebant, ita nostro huic seculo gratulandum, dum quo veriùs pronunciare libeat id quod de suo ævo scripsit Plinius, scilicet *Non minus ingeniosam fuisse antiquitus observationem, quam nunc rationem.* Ex Nucum viridum Corticè parari Decoctum in Anglia exper-



expertæ virtutis ad luem Gallicam perdomandam, quam Recentiores omnes in Acidi prædominio statuunt, nuper accepi à Cl. D. Nathan Lacy Medico Anglo, & insigni Anatomico. Cum itaque; Nucum putamen multo Sale volatili abundet, mirum non est, si Rubigini obstiterit, & inclusum nucleum à communi lue præservarit. Atque hæc de Rubiginis natura, & indole.

XXXIX. Modò superest, ut Symptomatum, & quarundam observationum perquirantur causæ; Adnotatum, vespertinis horis has Febres exacerbari consuevisse, unà cum Virium nocturna prostratione, ut ægri morituri viderentur, manè verò oriente Sole, veluti redivivos tantum virium habuisse, ut è lectulis exurgentes deambulant. *Quale est vesperti exacerbari, tale ipsius morbi, & cujuscunque constitutionis ad se mutuo* aiebat Hipp. Vespertinæ itaque exacerbationes morbi naturam superius descriptam, & causas morificas satis indicabant. Virium autem dejectionem noctū factum, & matutinam earum veluti redintegrationem in Solis recessum & accessum, & acidæ Dyscrasiæ prædominium referendam putarim; Sole namque occumbente, & volatiles spiritus per Aerem dispersos secum trahente; Spiritus Vitales Sanguinis ab Acido coagulante figebantur, unde Facultatum omnium torpor, qui potè ab iisdem Solaribus radiis matutinis discutiebatur, non secus, ac quando à brumali frigore fluentium aquarum cursus noctū intercipitur, qui postea à Sole novo lumine Terras lustrante, restituitur. In hac rerum

Universitate nihil esse utilius Sale, & Sole scripsit Plinius; sic Celsus Leucophlegmatia laborantes Soli subjici oportere aiebat, utendumque frictione manibus aqua madefactis, cui sal, & nitrum, & olei paulum esset adiectum. Mirum itaque non erat si in casu nostro à blando Solis calore liquato veluti pituitæ gelū, Cruor solitum cursum per sua Vasa repeteret, & consopitæ Facultates ad consueta munia exercenda revocarentur.

XL. Præ cæteris notatū dignis observavimus inexpugnabilem harum febrium contumaciam, ut non solum omnem Medicorum industriam eluderent (cum neque Venæ-sectionibus, neque Purgationibus, neque Cardiacis quicquam ausculta- rent) sed usu remediorum magis exasperarentur, quod factum existimo ob malam Aeris diathesim, quæ Morbum aleret; quare licet etiam opportuna remedia quandoque adhiberentur, nihil remittebat morbus, immo sæviebat magis, ac satius profectò fuisset in multis hanc Camarinam non movere; tanti est Oraculum illud Hippocratis, quod initio hujus Dissertationis attuli, nempe quod *Hominis Natura interdum Universi potestatem non superat*, quæ Hippocratis verba si Medentes attentè perpenderent, tot Medicamentis ægros non fatigarent, in Epidemiis præsertim Affectibus, quorum vera Curatio non innotescit, nisi cum Busta plena fuerint.

XXXXI. Venæ sectio profectò in his Febribus non fuit saluberrimum remedium, nec quenquam novi, de quo dicî potuerit cum Galeno, quod



illius Febris sanguinis missione jugulata fuerit, quin ubi pluriès celebrata est phlebotomia, magis attritæ sunt Vires, & Febres magis protractæ ægros vel ad Mortem, vel ad Cachexiam deduxere. Cur autem in his Febribus tam improspere cesserit Sanguinis detractio, obviam est arbitrari, Massam sanguineam sale volatili, & particulis Spirituosis ob malam æris diathesim, & Dietæ errores effœtam, per Venæ sectionem pauperiorem redditam, unde major Acidi præpollentia, & Bilis depressio consequeretur, Febrisq; exinde protractior fieret. Venæ sectionem Febribus intermittentibus non esse per se aptum remedium, cum de foco febrili, qui extra Vasa sanguiflua latrem habet, nihil detrahat, commune est recentiorum Assertum, sed solummodo per accidens convenire ajunt, quatenus obviam iri possit multis symptomatibus, ac periculis, quæ in Corpore presertim plethorico nimiam effervescentiam subsequi possent, scilicet inflammationes, & Vasorum disrutiones, qualis fuit casus à Ballonio memoratus, de quodam nobili Viro, cui Tertiaria Febre laboranti ob neglectam sanguinis detractioem ruptæ sunt Venæ in quarto paroxysmo, & tanta foras sanguinis excretio est consecuta, ut eo ipso die illi obeundum fuerit. In hac verò nostra Rurali Epidemia sanguinis effervescentia non adeò magna fuit, ut de ejusmodi periculo metuendum esset, immò potius lenta, ex Acidi prædominio, & propter bilem eneruatam, quæ in confluxu cum succo pancreatico, & cum lymphâ minus efferveret: propterea V. S. non

adeò proficuum fuit remedium, ut in prægressis præcedentium Annorum Constitutionibus, quas valde siccas, & æstuosas esse diximus, quare cum in ijs valdè turgeret bilis & sanguis facile exardesceret, mirum non erat si tunc adeò conferret V. S. & à periculis præcaveret, quæ nimiam sanguinis effervescentiam, & rarefactionem comitantur; assueti autem Professores Venam facile tundere ubi constaret esse febrem, ac nullum alium scopum sibi præfigentes, quam solam caloris febrilis attemperationem, in hac Constitutione, à cæteris toto Cælo diversa, repetita Venæ sectione urentes, ægros peritæpè in extremam perniciem præcipitarunt. Nollem equidem quòd quis me inter hæmophobos recenset, sed nec; inter hæmatochitas numerari velim. Est ubi liberaliter sanguinem demamus, est ubi parcè, est ubi nihil, licet sit eadem affectus species. In Stymargi famula usque ad animi defectum sanguinem detraxit Hipp. licet frigido Affectu laboraret; rationem autem addidit. *Oportet enim, inquit ille, devenire ad Occasionem, & Occasionis initium.* Causa morbi nimirum est attendenda, ex qua potissimè desumuntur indicationes. *Similitudines parere errores etiam bonis Medicis; contrarium autem facere Causam,* monitum est eiusdem Hippocratis, nam re vera cognita causa, non tam facile à recto tramite, & legitima curatione deflectitur.

XXXXII. Querit idem Ballonius, Practicus olim celeberrimus Parisiensis, cur phlebotomia febres quasdam miraculi ad instar tollat, alias potius exasperet; paucis quidem



respondet, at illius verba ponderanda sunt, non numeranda. *Febres ait ille, aliae sunt Venosae, aliae Gastricae, idest quadam phlogosim sequuntur potius Venosi generis, quam vitium humorum in praecordiis contentorum: quae Venosi sunt generis haec primo quoque tempore per phlebotomiam cessant, quae alius sunt generis non facile phlebotomia solvuntur, contra potius cathartico egent.* Tales erant Tertianae istae intermit- tentes hujus nostrae Constitutionis, erant enim potius Gastricae, quam Venosae, ac propterea ad Venae sectionem magis exacerbabantur, & contumaciores fiebant, magis autem prosperè cesserunt purgationes, & Vomitiones usu Emeticorum, quibus non ratio penitus avulsus est febrilis fomes. Claudam hunc locum digna animadversione ejusdem Ballo- nij in eos, qui ut nil non agant, ex quacunque re occasionem captant mi- tendi sanguinis. *Nam si induxerint in animum (inquit ille) Venam re- serare, & id cunctanter faciunt, si guttula sanguinis è nare fluat, tunc quasi trophaeum reportantes, cla- mani oblatam legitime phlebotomiae occasionem; si luculenta sit hemor- rhagia audacius secant quia natu- ram copia gravari aiunt, si infra modum sanguis fluat, compensan- dum isum defectum apertione Venae contendunt.*

XXXXIII Non minus disquisi- tione dignum est cur in hac Consti- tutione tam saepe contigerit, quod Tertianae simplex in duplicem migrarit ea ipsa die, qua secta est Vena, Id olim observarunt Amatus Lusitanus, & B. Castellus, nec quinquam scio,

qui praeter hos hujusmodi phaenomi- ni, quod aliquando in praxi obser- vatur, mentionem habeat; refert autem Amatus cuidam Iuveni 25. An- norum Tertianae febre laboranti, cum Venam die intermissionis secuisset, vesperi febrem ex simplici factam fui- sse duplicem, hujusce rei rationem reddit his verbis. *Nec enim credere est, ob sanguinis extractionem ex simplici duplicem factam fuisse, quum dubio procul nisi sanguis extra- ctus esset, in Tertianam continuam futurus erat morbus;* hujusmodi excusationis genus plerique Medico- rum nostris etiam temporibus in- promptum habent, quotiescunq; ex aliquo malè administrato remedio peius Aeger se habeat; statim enim obtrudunt, quod multo deterius se haberet, nisi tali remedio usus fuisset; meliorem itaq; Aetiologiam, & ævo nostro accommodam perqui- ramus; puto ergo in illo casu (sicuti & in nostra Constitutione) culpan- dam potius Venae sectionem, quam Febrem, quae ex sui natura proclivis esset ut in Tertianam continuam mi- graret. Refert Amatus Iuvenem il- lum vigente Autumno ægrotasse, sanguinem in prima peluicula excep- tum atrum fuisse, in secunda rubi- cundum sine ulla aquositate: ratio- ni congruum est igitur in illo Iuvene ob prægressos æstatis calores, partes magis spirituosas, & volatiles san- guinis fuisse absumptas, ac postea massam sanguineam Autumnali tem- pore in acidam dyscrasiam degeneras- se, eo prorius modo, quo Vina po- stquam per æstivos calores ebullierint, Autumno facilè acescunt (ut ex atro sanguine primæ peluiculæ, nam san-



guis secundæ rubicundior erat quia, arteriosus) secta itaq; Vena, & Sy-  
stasi cruoris magis debilitata, ac de-  
pauperata, mirum non fuit si Acidum  
prævalens, ac veluti sine Aduersario  
licentiùs insultaret, ex quo Tertianæ  
simplex in duplicem transierit. Con-  
valuit autem Iuuenis ille post bonam  
purgationem ex pharmaco, nam Fe-  
bris illa fortassè fuit potius *Gastrica*,  
quam *Venosa*, In hac verò Consti-  
tutione non ab exhaustu spirituum ob-  
minium æstum massam sanguineam  
acorem contraxisse arbitror, sed poti-  
ùs ob frigidam Anni Constitutionem,  
ac Diætæ errores, obruta Bile, &  
concentratis partibus cruoris magis  
spirituosis, Acidum Stomachi fermen-  
tum, & succum Pancreaticum magis  
viguisse, & post celebratam phlebo-  
tomiam vim majorem acquisivisse,  
unde Febris simplicis in duplicem Ter-  
tianiæ fieret conversio.

XXXXIV. Culpanda itaque po-  
tius in his casibus est Venæ sectio  
tamquam non aptum remedium, quam  
quicquam aliud, quod idem sensisse  
existimo B. Castellum (si rectè memi-  
ni, & in Adversarijs meis benè adno-  
tavi) in aureo suo libello de Abusu  
Venæ sectionis, quem libellum mihi  
olim Romæ ostendi D. Antonius Ma-  
ria Rubeus, Præceptor meus, Vir  
Doctissimus, & immensæ Etudition-  
is, aderatq; Excellentissimus D.  
Hieronymus Brasavola nunc Romæ  
Professor celeberrimus, & mihi con-  
iunctissimus, cum tunc in Vrbe age-  
retur, quare interdum contingat,  
quòd Tertianæ simplices, sanguine  
die intermissionis detracto, duplices  
evadant. Opponet, scio, aliquis  
harum Februm propensionem ut in

duplices transirent, cum spontè, ut  
superius dictum, sub initium Æsta-  
tis Tertianæ omnes simplices duplices  
factæ fuerint; at regeram ego, nul-  
las ferè duplices Tertianas toto Veris  
tempore visas esse, tum Ruri, tum  
in hac Vrbe, nisi eas quas Venæ se-  
ctio geminarit, quare non video,  
quomodo ab hoc crimine Phleboto-  
mia tamquam innocens possit abso-  
lui.

XXXXV. Eandem ob causam,  
nihilò teciùs quam Venæ sectio, no-  
xius fuit in hac Constitutione Aquæ  
usus; etenim in frigida, & humida  
tempestate, Bile valdè refracta, &  
Acido exuberante, quid opis expe-  
ctandum erat in his Febribus ab aquæ  
potu? non nisi meherclè, ut Aqua-  
liculo infracto, & distento, Caco-  
chylia cumuleretur, sanguis pigriori  
lapsu per sua Vasa fluere, ac tandem  
Cachexiæ, & Hydropes succederent.  
Novi Iuvenem in hac Civitate, qui  
in Hydropem ascitem incidit, cum  
illi Tertianæ Febre laboranti suasisset  
Medicus, ut biberet quantum veller,  
immo interdum coegisset. Succurrit  
mihi in hanc rem Terentianum illud,  
ubi Medicus in Scenam inducitur.

*Quod iussi ei date bibere, & quan-  
tum imperavi date,  
Mox huc revertar.*

Multòque magis noxius fuit hoc An-  
no aquæ usus, ac Ruri præsertim,  
quòd ob pluviarum assiduitatem,  
aquæ cœnosæ, & graveolentes essent;  
in hac verò Vrbe non adeo gravem no-  
xam intulit aquæ usus; hæc enim Ci-  
vitas purissimos habet Fontes, & ad-  
mirandæ originis, quorum Fontium  
historiam brevi editurum me spero.  
Invaluit autem apud Nostros Opi-  
nio,



nio, quòd Venæ sectioni, & Aquæ potui, tamquàm duabus solidissimis Columnis, tota curandarum Februm Moles innitatur. At nùm id rectè? Profectò in hac Constitutione neutrum ex usu fuit. Haud sum nescius scripsisse Hippocratem, *Aquam non præstare bonum alimentum igni*; at nomine ignis intellexit Hippocrates Febres continuas, & essentialiter tales, non verò intermittentes, summam *Venosas, non Gastricas*. At forsam aliquando si ortum suppetet, de Aquæ abusu in Febribus aliquid conscribam.

XLVI. Verum quali potu, inquiet aliquis, utendum erat in his Febribus? Ego certè Vini usum raro, quòd sciam, interdixi, immò suasi, ut modico Vino uterentur, eoque non olygophoro, sed mediocriter generoso, multosque ab Orci faucibus hoc solum Cardiacum eripuit; Bilis enim erat potius acienda, quam sufflaminanda; & partes sanguinis spirituosæ in motum ciendæ, quod præstare poterat Vini usus, & ea remedia quorum vis in Alchali volatili sita est, quod solo naturæ ductu in agro Mantuano fecere Agricola, qui suis febricitantibus Allia, & Cœpas cum salubri eventu præbuere. Morbos quosdam Cronicos, pravis eduliis [ sed quæ verè in censu Medicamentorum, casu potius, quàm arte repertotum reponi debeant ] aliquandò sanari compertum est; sic diuturnas Quartanas Allii usu cum multo meraco sanatas observarunt Antonius Benivenius, & Amatus Lusitanus. Vino autem generoso, potius quam tenui, utendum duxi, nihil metuens à febrili effervescentia;

in hoc enim sæpiùs peccatur, quod rem agi sine periculo creditur, si Vinum tenue in diuturnis Febribus, & chronicis morbis permittatur; at hujusmodi Vina ut plurimum acidiuscula sunt, & acorem sanguinis exaltando, morbi causam deteriore efficiunt; quem errorem notavit olim Crato, qui in Podagra sicuti Vinum meracum, sed in modica quantitate commendat, ità Vina tenuia improbat, quæ Venas multa serositate impleant, quod idem sentit Villis; sicut enim à Vini spiritu dulcificantur Spiritus salis, ac nitri ita quoque à Vini generosioris temperato usu Sanguis ad acorem vergens dulcescit. Variantibus itaque Temporum Constitutionibus varianda est methodus, & ut ait Sulmonensis Poeta,

*Nam quoniam variant morbi,  
variabimus artes,  
Mille mali species, mille salutis erunt.*

XLVII. Sic neque Peruviani Corticis usus hoc Anno, ut superius adnotavimus, ad modum salubris fuit, immò in extremum Vitæ discrimen Ægros non rarò deduxit. Id ego in non paucis observavi, sed præcipuè in mobili Virgine, quæ cum ad 40. dies duplici Tertianæ conflictata fuisset, & post solita remedia administrata, ex meo consilio, assentiente quoque Excellentissimo D. Antonio Abbate Serenissimi Ducis Nostri Archiatro, Chinam Chinam sub forma boli assumpsisset, cum in Vino infusam respueret, post modum stupida, & comatosa evasit, cum pulsù adeò exili, ut vix perciperetur, ac trium dierum spatio in tali statu perstitit, donec



donec soliti paroxysmi redeuntēs stuporem discusserint. Insalubrem autem fuisse hujus remedii usum crediderim, eò quia, cum massa Sanguinea multis cruditatibus scateret, ac crassiorem haberet consistentiam (ut ex sanguine per Venam sectam educto satis patebat) ideòque segnis esset ad motum, quotidiana illa febrilis effervescētia esset loco remedii, quā cessante, fieret quædam veluti in Vasis stagnatio, & congelatio, undè functionum Animalium torpor, & Vitalium quoque interceptio; adeò verum est illud Celsi, quòd febrem lentam interdum augere oporteat, *fortasse enim, ait ille, curationi opportunior fiet.*

Scio equidem hujusmodi doctrinam non solum plerisque Medicorum, sed etiam aliis, qui Artem Medicam non profitentur, esse suspectam, ut ipsi Senecæ, qui beneficium sanationis levioris morbi factæ à graviore morbo exprobat his verbis. *Multi quos auxerant morbos, & irritaverant, ut majori gloria sanarent, non potuerunt discutere, aut cum magna egrorum vexatione vicerunt.* In hac tamen Constitutione experientia ipsa satis evicit, febrilem effervescētiā stimulandam potius fuisse, quam fræmandam, & usum calidorum magis profuisse, quam frigidorum; sicuti in historia Polycratis, vice versa, frigida magis, quam calida juvisse scripsit Hippocrates, innuens hoc dicto Divinus Præceptor, non tanti faciendum præconceptum de natura morbi judicium, ut illud ipsimet Experientia in contrarium reclamanti velimus præferre. Observatum est

tamen fœliciori eventu exhibitam Chinam Chinam Agrestibus, quam Oppidanis, & Urbium Incolis; Gens enim rusticana ubi tantillum à morbi fasce levata est, illicò laboribus, & exercitiis se dedit, quare non erat metuendum, ut tam perniciosi effectus in iis consequerentur, quales in Urbanis observabantur. Sic Doctissimus Ettmullerus tradidit, non tam facilè pati recidivas post assumptum hoc febrifugum homines exercitiis, ac laboribus deditos, sicuti desidiosos, & otio innutritos. De hac nostra itaque Constitutione libet proferre id quod olim de quadam simili scripsit Hippocrates, ingenua certè confessione, more tamen magnorum Virorum, & magnam rerum fiduciam habentium. *Nihil memorabile proderat, non Ventris turbatio, non Vena-sectio, neque quæcumque alia tentavi.*

XLVIII. Nullas Febres Synochas, vel Ardentes hoc Anno, quod sciam, observatas diximus, sicuti paucas Quartanas: de prioribus quidem non est quòd miremur, nam partibus spirituosiss, & ad conflagrationem aptis non adeò turgebat massa Sanguinea, immò crassis, & frigidis succis abundabat: sic Vina tenuia, & acidiuscula non tam facilè fervorem concipiunt, veluti Vina generosa, ubi Æstium calorem senserint; magis quidem mirum est, quod in tanta Febricitantium frequentia tam pauci visi sint Quartanarii, idque magis; si verum esset quod nonnulli asserunt, non nisi ex majori visciditate materiæ differre Quartanas à Tertianis. Consuetam itaque Febris Quartanae genesis animadvertens, & hujusmo-



di Febrem, tanquam fructum Autumno maturescentem, considerans, cuius uberior est proventus, cum Æstas magis feruida ac torrida præcesserit, propterea rationi congruum est, quòd in hac Constitutione frigida, & humida, in qua non multa fieret partium serosarum per Cutis poros diffusio, succum Pancreaticum ad eum fixitatis gradum, qui ad quar-tanarium circuitum requiritur, euehi non potuisse, seu quidquam aliud defuisse, quod humana imbecillitas assequi nequit, cum nihil sit quod ipsos Medicinæ Proceres magis trans-versos agat, quàm peruestigatio causæ, cur statim horis recurrant febriles paroxysmi, ac tam exactè, ut ipsa Automata aliquando superent.

XXXXIX Verminationem in his Febribus satis familiarem, & præsertim in Rusticana gente superius recensuimus, cuius rei causam fuisse reor, tum prava Alimenta putrefactioni obnoxia, qualia fuere Pisces, & fructus horæi; tum Ventriculi fermentum ex mala constitutione vitiatum, & improporcionatum ad cibum rectè subigendum; quare Vermium seminibus, seu ut lubet Ovulis, quæ in alimentis ipsis laterent, integris manentibus, & à tenui calore foris, mirum non fuit, si faciliè in magna copia prodierit Verminosa soboles. Usus Chinæ Chinæ valdè proficuum ad necandos Vermes expertus sum, quod præstare ob insignem amarorem quem possidet hic Cortex, non abs re crediderim, si tamen tutior est Praxis, quæ Verminosos Affectus curat per aloetica potius quam per saccharata, & mellita. Haud sum nescius apud Nostrates quoque facta fuisse experi-

menta, & observatum, quod Lumbrici in aqua ubi dissolutum fuerit Mel, vel Saccharum, citissimè moriantur, in amarissimis verò liquoribus ad integros dies vixerint; ast ab ijs quæ extrinsecus apparent medicamentorum vires metiri velle, non adeò tutum existimo, quin errandi periculum subsit. Suspiciari enim licet, quòd medicamenta propinata, quæcumque ea sint, iis quibus armantur viribus citò spolientur, dum primò cum stomachico fermento, cuius vim transmutativam nemo non novit, mox in Intestinis cum Bile, qui humor suapte natura ferox est, & cum succo Pancreatico spiculis armato congregi debent; quod si ulterius pervadant, cum lymphâ quoq; in communi Receptaculo iisdem sit concertandum. Sic Crocus Martis, qui aperitivus dicitur, ut notat Iunchen, nisi acidum superfluum reperiatur in Ventriculo à quo solvatur, Adstringens evadit. Id ipsum quoq; testatur Chirurgia Infusoria, qua constat, quod liquor purgans in Venas Canis infusus magnam excitat purgationem, nullam verò, vel paucam si per os idem liquor, vel in majori dosi, iniiciatur, idq; ob Aciditatem quo Caninus stomachus abundat, quod Acidum vim catharticam, & emeticam potenter infringit. Hanc ob causam Venena quædam, ut ait Celsus, non gustu, sed vulnere nocent, & Psylli è Serpentum moribus venenum innoxie exugebant. Quot vorò, & quantas subeant mutationes medicamenta per os assumpta, dum varias corporis regiones præterlabuntur, ingeniosissimè explicat Bellinus, ut nihil præstantius, Re-



or itaq; ex medicamento assumpto, & succis quibus commiscetur, gigni novum concretum, è quo illæ operationes, quæ postea consequuntur, promanant, & quæ solius medicamenti efficaciam solent adscribi.

L. Postquam huiusmodi Febres miseros ægrotantes diù fatigassent, diximus nonnullis apparuisse Parotides, quibus licet suppuratis, eadem tamen pervicacia Febres persistabant. Id equidem magnam humorum cruditatem in toto Venoso genere significabat, sed hanc non esse potissimam harum Februm causam, & fomitem satis demonstrabant, qui Fomes, in Ventriculo, & Pancreate præcipuè sedem fixerat. In nonnullis pariter post multos Febriles paroxysmos supervenerunt Diarrhææ, ac Dysenteria, irritata ad expulsionem Natura, tum à copia, tum à pravitate succorum; neque enim hæsitati locus, quin etiam aliquando malignum quid subesset in his Febribus, quamvis intermitterent; plures tamen sustulit Diarrhæa, quam Dysenteria. eò quòd forsan in ijs qui Diarrhæa laborarent communicata esset labe massæ sanguineæ, quæ serum acre per glandulas intestinales excerneret, in ijs verò qui Dysenteria vexarentur, mali fomes esset extra Venas, viscida nempe, & acida pituita Intestina abradente, & excoriante. Frequentes porro fuere Recidivæ non solum ob diætæ errata, sed ob communem causam, Aerem nempe vitiatum, qui febrile Miasma ad aliquod tempus consopitum in novos motus, & exorbitantias ciebat; eandem quoq; ob causam adeò contumaces fuerunt hæc Febres, cum nihil sufficeret ad abster-

gendam labem illam, quam Aer continuo inspiratus ferè ineluibilem redderet; adeò gravis est Morbus, quem Cælum fecerit. Sic pacari non visa est affectio, nisi cum sub Anni finem humidæ, & nebulosæ tempestati sicca, & serena successit: quare sicuti ex Hippocrate. *Quicunque Morbi Æstate augescunt, Hyeme desinere solent*, idque non nisi ob naturalem Temporum mutationem, ita in hoc Epidemico Affectu optimi remedij loco esse cœpit Aeris in vitalem temperiem restitutio.

LI. Præ multitudine ægrotantium tam ex genere Agresti, quam Urbano paucos interiisse superius monuimus, quod sanè præter opinionem Medentium contigit, qui maiorem stragem pertimescebant. Duas potissimum ob causas in Epidemijs Affectibus pereunt homines, vel ob humorum διαχυσις vel στάσις ut ipsis vocibus Hippocraticis utar, id est vel ob Massæ Sanguineæ diffusionem à Sale acri, & Alchalice factam, vel ob eiusdem concretionem, ab Acido exuperante, frequentiora tamen funera sanguinis διαχυσις, quam στάσις solet inferre: propterea, grassante pestilentia, ut plurimum Acida primas tenent. Cum ergo in hac nostra Constitutione Acidum quidem præpolleret, sed non earum esset virium, reluctantè præsertim Febrili effervescentia, ut potis esset lethalem stagnationem inducere, ac fluxum, & refluxum Sanguinis prohibere, hinc est quòd, licet hominum myriades eodem tempore decumberent, pauci in Libitinæ censum venerint, Sic mirum non est, quòd Fœminæ, & Pueri ob molliorem habitum, & vitam min-



nus actuosam ; hujus Epidemiæ vim magis senferit , ac multò magis lactentes Pueri , in quorum venis , ob lac vitiatum , & ad coagulationem aptum , faciliùs sanguinis statio succederet , sic narrat Hippocrates in quadam Constitutione , *ex laborantibus mortuos esse maxime Pueros , Adolescentes , vigentes etate , glabros , subalbidos , & qui in socordia vixerint*. Fiebant autem Pueri IctERICI ob Hepar obstructum à viscida pituita redundante , ac à febrili calore in motum concita , quæ in Hepatis substantia defixa , Bilis secretionem prohiberet , cujus signum erat , quòd in omnibus tensum , ac durum Hepar persentiretur ; sero autem acri , & acido in Cerebri membranas transfuso , convulsi moriebantur ; morbo alioquin Pueris familiaris , sed huic Constitutioni magis proprio , ut potè valdè aptæ ad aco-rem massæ sanguinæ conciliandum.

LII. Si verò quærat aliquis , cur hæc mala Constitutio Agricolas magis , quam Opidanos , & Urbium Incolas vexarit , videtur satisfieri posse dicendo , potissimam causam fuisse Aco-rem à fœdis exhalationibus vitiatum ob nimiam illuvionem , quæ campos , & Agricolarum domos inundarit , non sic Urbes , & Oppida in editioribus locis posita ; huic causæ addi poterit Victus pravus , & insalubris , ac præsertim nimia Piscium ingurgitatio , alimenti genus Colonis nostris insuetum , & quod in illorum stomacho facilè putresceret. Scio equidem à non vulgaribus Medicis Pisces ægris quoque exhiberi solitos , tamquam laudabile alimentum , ac multò magis sanis corporibus , ve-

rum , ut ait doctissimus Plempius , illorum usus *Athletis non convenit , non castra sequentibus* , non Agricolis addam ego , quibus utilior est caro bubula , & suilla. Id ipsum testatur Galenus , qui Piscium usum in hominibus otiosis ; Senibus , & ægrotis commendat , non sic verò in iis qui corpus exercent ; his addendum , quod sicuti Pisces , qui in rapidissimis fluviis capiuntur , ex Athenæi sententia , omnium sunt optimi , ità hi essent omnium pessimi , quòd in aquis stagnantibus fieret illorum captura.

LIII. His quoque causis accenseri possunt labores , & exercitia sub assidujs imbris , unde pororum Cutis constrictio , sudoris parcitas , ob frigidam , & humidam Anni intemperiem , cum aliàs per Æstatem sub assidujs laboribus copiosissimè sudare consuevissent , quas causas in Oppidanis , & Civibus , qui meliori victu utuntur , nec Aeris injurijs sunt ità expositi , non tam facile quis reperiat. Sedes prætereà hujus Ruralis Epidemiæ à Civitatibus , & Oppidis majoribus circumscribi videbatur ; quare Mutina , & Regium , eò quòd essent veluti in circumferentia , & Appennino proximiores , minus hanc labem sensere , magis autem Ferraria , & Oppida Mantuanæ Ditionis , Pado proximiora , ubi major fuit infantilis clades , quemadmodum à varijs Professoribus , ac alijs per literas accepi. Magna verò hæc Planities his locis circumscripta , & tota Colonis oppleta , in cujus sinu ad longum tempus stagnarant aquæ , hujus Epidemii Affectus Sedes , ac Domicilium fuit.



LIV. Circa cæterorum Affectuum examen, qui has Febres committati sunt, quales fuerunt Apoplexiæ, Epilepsiæ Catharri præfocativi, Cachexiæ, & Hydropes, non multum immorabor; ejusdem enim Constitutionis soboles fuerunt, & Acidi prædominium significabant, vel sanguinem, & reliqua fluida coagulantis, vel nervosum Systema occupantis; hæc omnia itaque verissimum esse Divini Senis Oraculum comprobarunt, quòd. *Morbi in pluviarum multitudine magna ex parte sunt, febres longæ alvi profluvia, putredines, morbi comitiales, apoplexia, & angina.*

LV. Ut autem circa res venturas Conjectoris quoque partes agamus, superest videndum, num sperare liceat, postquam pacata est non parum hæc Affectio, an in totum ea desitura sit an potius hæc eadem, vel deterior exsuscitari possit. Sperare licet utique, malam hanc Constitutionem emendandam, cum postremi hi duo Menses cum perpetua ferè serenitate, & Aeris tranquillo statu Annum jam clauferint, nam ut ait Montanus, *Tempora consequentia secundum naturam existentia corrigunt vitia præcedentium præter naturam exi-*

*stentium*; at metus subest, ne ob aliquam Annonæ caritatem infœlices Coloni, qui ad sedandam latrantis stomachi rabiem atro pane, & confusaneo uti cogentur;

(*Nam tener, & niveus, mollique siligine factus;*  
*Servatur Dominis;*)

Metus inquam subest, ne proximo Vere, & Æstate novis calamitatibus vexentur. Sic in Aeno Civitate Thraciæ, ex Hippocrate, *usu leguminum continenter utentes Fœmina, & Viri, crurum impotentes fiebant*, quam historiam citat Galenus, aitque sæpè evenire, ut ob caritatem Annonæ exitiales morbi oriantur. Vos Λιμός, quæ famem significat, non nisi per solam diphthongum discrepat ab ea quæ perniciosam Epidemiam denotat, unde effluxit dictum illud *Εκ Λιμῆ Λοιμός*. Quamvis enim Edulia mali succi videantur aliquando sat benè concoqui, attamen ut egregiè monet Galenus, *Nobis non advertentibus, pravus succus ex ipsis post longum tempus in Venis colligitur, qui postea exiguum ad putredinem occasionem nactus febres malignas accendit*. Quodcunque malum avertat Divina Clementia, & priorem salubritatem huic Cœlo restituat.



*Alis fuit Anni M. DC. XC. apud nos Constitutio, atque hæc indoles Epidemii Affectus, qui Colonos nostros, & Urbanos quoque afflixit; divinarint jam Astrologi pro suo lubitu, & ex syderalibus schematismis Anni, qui modo successit, præfagia deduxerint, quòd ego ejusdem, postquam cursum suum absolvērit, si fata dabunt, medicam historiam conscribam.*





## BERNARDINI RAMAZZINI

*Dissertatio Secunda.**De CONSTITUTIONE Anni 1691.*

**R**uralem Epidemiam, quæ præcedenti Anno Mutinensis Agri, & proximarum Regionum Colonos graviter afflixit, Urbana Epidemia hoc Anno excoepit, quæ nihil urbanitatis, imò insolentia plurimum in infœlicem plebeculam potissimum exercuit. Instituto itaque meo inhærens prægressam Constitutionem, qualiscunque ea fuerit, in fine cujuslibet Anni describendi, eò libentiùs id exequar, quòd hæc Constitutio ab ea, quam superiori Anno experti fuimus, toto Cœlo differens satis uberem materiam suggerat mentem exercendi, quando in re medica nil foret utiliùs, quam succedentes sibi ad invicem Constitutiones conferre, ut recta medendi methodus institui posset, quories eadem tempora, ac iidem morbi reurrerent. Quæ si attentius à Professoribus observarentur, non esset forsitan, quòd Medicina comparata desideraretur, sicuti Anatomiam comparatam desiderari aiebat Sapientissimus Verulamius, quæ si haberetur, ut ille ait, & Individuorum interiores Structuræ ad invicem componerentur, non tam pro morborum causis culpantur humores, quam mechanicum Viscerum artificium, quod cum ut plurimum inemendabile sit, omnem medicam opem, & magnos Promissores sæpius eludit.

II. Superioris Anni Constitutio, ut in mea Dissertatione super illam edita, ob assiduos, & copiosos imbres

impensè humida, & lutulenta in universum exstitit, unde gravis Epidemia unà cum Annonæ Caritate effluxit; hujus Anni verò Constitutio ex opposito maximè sicca, & pulverulenta, primò quidem ob Aquilonares Ventos, postmodum verò ob continuum, & flagrantem æstum meritò audiit. Sicuti autem prima pars hyemis, quæ antecedentem Annum clausit, statum satis placidum, ac serenum, ut diximus, sortita est, ita pars altera, quæ huic Anno fores aperuit, eandem serenitatem, ac tranquillitatem secum invexit, donec Januario mense ad finem vergente, flantibus Ventis Septentrionalibus, frigora adeò intensa fieri coepit, ut illicò congelatis fluminibus cuncta præ nimio gelu horrescerent. Cum autem nullæ prorsus nives decidissent, hyemem non solum algidissimam, sed siccissimam exegimus, ita ut in tota Cispadana, & Transpadana Regione pulverulentæ essent Viæ, non secus ac Augusto mense, cum insana Canicula campos torret, quod apud nos prorsus insolens est, ex quo factum, ut Boreæ penetrabile frigus fata consueto nivali vellere destituta mirum in modum exureret.

III. Morbi qui hisce temporibus vagabantur erant Apoplexiæ, Pleuritides, Peripneumoniæ, Catarrhi suffocativi, Anginæ, Erisipelata; præ cæteris tamen affectibus, morbi pectoris grassabantur magis, ac busta implebant. Sanguis qui secta



Vena educebatur multum pituitæ, & olyposæ concretionis præferebat. In nostro hoc Nosocomio varijs Cadaveribus dissectis, præcipuè in Cachecticis, ac demortuis ex morbo pectoris reperti sunt Polypi, non solum intra Cordis sinus, sed etiam intra ipsam Aortam. Remedia quæ magis ex usu erant, & quibus promptius morbus auscultaret, ea fuere, quæ vi pollerent crasim Sanguinis compactam referandi, & fluxibiliorrem reddendi, ut Spiritus Salis Armoniaci, Sal volatile Cornu Cervi, Sperma Ceti, & similia, Non deerant tamen qui cum alioquin scirent, quod Sulphur Balsamum Pulmonum passim audiat, in huiusmodi Affectibus spiritum Sulphuris exhiberent cum suis aquis Pectoralibus; at num rectè & ex arte id agerent, ipsi viderint; indubium tamen est, quod partes integrales Concreti longè diversas possident qualitates ac ipsum Concretum, sicuti verò veriùs, Spiritum Sulphuris alterius esse indolis ac ipsum Sulphur. Repetita sanguinis missio non ad eò foelicem sortiebatur eventum, ut aliàs. In hac tam rigida, ac horrida Constitutione magis exercebatur Plebs Urbana, quàm Agrestis, ac Senes valdè periclitabantur, quare Medicis sæpenumerò nil tale cogitantibus Morbus plus habens in recessu quàm in fronte facile imponebat; nam ex improvise, cum priùs satis commodè cœnassent, tanquam confecto Silicernio, paulò post occumbebant, ac citiùs quibus detractus fuisset sanguis.

IV. Horum Affectuum tam multiplex, ac discolor Sylva ab eadem prorsus radice succreuerat, ac prop-

tereà eodem modo auerruncanda: omnium itaque unam, ac eandem esse Theoriam, ac Praxim dictabat ratio: veram autem, ac potissimam causam fas erat referre in pravam diathesin quam sanguis haberet ad concrendum. Cum enim ex præcedentis Annæ frigida, & lutulenta Constitutio-  
ne, nec non ex pravò victu ob re-  
Annonariæ angustiam, talis esset in  
universum massæ sanguineæ dispositio  
mirum non fuit, si succedente postea  
hyeme tam rigida, ac summè Aquil-  
lonari; maiorem promptitudinem ac  
grumescendum adiciuerit, vnde pul-  
lularint morbi, qui ex sanguinis sta-  
gnatione varijs in partibus, ob re-  
tardatum illius circularem motum,  
genesim suam deduxerint.

V. Apoplexias autem, Pleuritides, Peripneumonias, Catarthos suffocativos, Erisipelata, ac reliquos memoratos Affectus à sanguinis stagnatione, ob prædictam ad concrendum dispositionem generari, vnanimis est Recentiorum omnium consensus, quidquid circa horum Affectuum Theoriam in contrarium senserint antiquiores Medici; qui in huiusmodi Affectibus partem aliquam Mittentem robustam, & aliam Recipientem imbecillio-rem imaginabantur. Duplicem Fluxionum causam commentus est Galenus, unam in qua Pars ipsa humorem ad se trahet, aliam in qua humor à parte robustiori ad debiliorem transmitteretur. Huiusmodi doctrinam primus forsan cœpit convellere Helmontius; nullam enim in fluxionibus partem Mandantem, Dirigentem, nec Sagittarium, aut Scopum agnoscit hic Auctor; qui tamen exemplo spinæ digito infixæ, &



indignantis Archei, non satis exposuit ob ignoratum Sanguinis circuitum, quomodo fiant humorum debitus, quod solum accidit eò quia præpedito, & intercepto Sanguinis per Venas refluxu, vel propter fibrarum crispaturam ( ut in vehementi dolore ) vel propter massæ sanguineæ nimis crassam ac densam texturam, humores circa Vasorum extremitates, vel in carniū porositatibus detineantur; quare si congruè loqui velimus, Detentiones potius, quàm Fluxiones sunt appellandæ.

VI. Neque interdum exiguus labor mihi impendendus fuit, ut aliquibus à præjudicijs occupatis persuaderem erroneum prorsus esse committi, quod cum pars aliqua inflammatur, ac intumorem assurgit, tunc humores majori impetu ad eam partem ferantur, quàm ad alias, si vera sit, non commentitia lex Circularis motus sanguinis, qua stante, stant et stabunt perpetuò tot clarissima recentiorum excogitata, quot in res intercidunt Antiquiorum placita; nam revera si mentis aciem intendamus, pigriori lapsu sanguis movetur ad partem quæ inflammatione tentatur, quàm ad alias ubi expectatæ sunt Viæ, ac nullum repulsum, quod sanguinis cursum reverteretur. Quidam autem res in cursu solum, non intus reputantes, cum vident partem brevi temporis intervallo in tumorem attolli, ut in Phlegmone, putant sanguinem plethorico fluente eò confluere, quod falsum locum habet cum Vas aliquod sanguiferum disruptum est, & in aliquam cavitatem sanguis decidit, vel

extra Corpus effunditur, non ita vero in Phlegmonum, & aliorum tumorum generatione, qui non aliam ob causam fiunt, quàm quod præpeditò circulari sanguinis motu, plus sit quod Arteriæ ad partem deferant, quàm quod Venæ referant, sive id fiat ob lutulentam sanguinis crassam, sive ob fibrarum motricium crispaturam ex vi dolorificæ passionis, ut in vulneribus, ac Nervorum puncturis. Huic autem Veritati fortasse manus darent, si cum brachio vinculum injicitur ad celebrandam phlebotomiam, veram causam perpendere, quare infra nexum tumeant Venæ una cum mole carnea, quod non sit, quia tunc temporis sanguis eò rapidius moveatur, ( multo enim velocius ante eò propellebatur ubi nullus erat obex, ac minor resistantia superanda ) sed quia ibi detinetur ob interceptum ejusdem per Venas ad Cor refluxum.

VII. Haud absimilis quoque est Catharri generatio de cuius natura, ac ortu inter Medicos non satis convenit. Popularis, ac vetus opinio est, Caput Catarrhi Fontem, ac Scaturiginem esse, unde frequens proluvium in fauces, & pectus, ac etiam usque ad extremos artus. Opinionem hanc de Catarrhi ortu, ac descensu, ex quo Ethymon desumpsit ( cum non nisi descensum, ac refluxum hæc vox sonet; unde voces *κατάρρως* & *ἀναρρως* à Galeno usurpatæ, ut humorum descensum, vel ascensum innueret, hanc inquam opinionem eliminarunt è Scholis recentiores omnes Anatomici ut Villisius, Richardus Louver, Stenon, Rolfincius, Etmullerus, Blancardus, ac inter



inter Italos nostros Doctissimus Bel-  
linus. Hi omnes ad Anatomicum  
Tribunal, omnibus indicijs, quibus  
Caput huius criminis Auctor insimu-  
latur, diligenti examine perpensis,  
nullaq; apparente via per quam Ca-  
put sordes suas in fauces, ac Thora-  
cem expuat, ipsum plenius suffragijs  
absolvunt. Non desunt tamen adhuc  
qui

*Obstipo capite, & figentes lumine  
terram,*

Antiquorum placitum veluti mor-  
dicus tueri, nec desinant in morbis  
pectoris Caput non solum pharma-  
cis, sed ferro, & igne tamquam  
reum plectere. Per quosporro du-  
ctus Cerebrum superfluitates suas  
quibus procul dubio, diffunt, pos-  
si excernere, inter quærenda esse  
ait Celeberrimus Stenon, nisi tamen  
per observatos à Blancardò ductus in  
iugulares Venas fiat huiusmodi ex-  
cretio.

VIII. Catarrhi Fontem non ve-  
riti sunt alij astruere esse ipsum Vitæ  
Fontem, Cor scilicet, quod per arteri-  
arum ductus circumquaque Catarrhi  
materiam deferat; hinc Rheumatismi  
& tumores, & quidquid nomine flu-  
xionum venit; quod Assertum est  
Rolfincij cui consentiunt Schneide-  
rus, Vuedelius, & alij, qui Catar-  
rhum à massæ sanguineæ sero prodire  
varijs observationibus testantur. Sat  
celebre est experimentum Richardi  
Louver de Cane, cui cum arctè Venas  
Iugulares vinxisset, partes omnes su-  
pra ligaturam tumefieri, nec non co-  
piosas lacrimas ex oculis, & pluri-  
mam salivam ex ore profluere obser-  
vavit, quo tandem tanquam ex Angi-  
na suffocato ac dissecto, nullæ partes

sanguine perfusæ repertæ sunt, sed  
solum musculi omnes, & glandulae  
sero limpidò distentæ apparuere. Ab  
hac opinione non multum dissentien-  
tes alij Glandulas Catarrhi Fontes  
statuunt, ut Stenon, Etmullerus  
& alij; si enim Glandularum stru-  
cturam accuratius perpendamus,  
constabit eas esse fasciculum Arte-  
riarum, Venarum, Neruorum, &  
Vasorum excretoriorum, idèque in  
illarum sinum deponi serum ab Ar-  
terijs, & superflui aliquid à Neruis,  
quæ opinio valdè probabilis est, &  
usibus Glandulis à Natura destinatis  
magis congrua.

IX. Hanc tamen doctrinam de Ca-  
tarrhi origine ex sanguinis latice in  
Glandularum substantiam rejecto ex  
Helmontio habemus, qui primus for-  
san Caput insons à Catarrhi infamia  
vindica vit, ob quam tam sæpè inu-  
rebatur. Hic enim Auctor licet mo-  
tum sanguinis circularem ignoraret,  
mente tamen concepit, id quod cre-  
debatur è Cerebro depluere nil ali-  
ud esse quàm laticem serosum huc,  
& illuc delatum à *Spiritu impetum  
faciente, ac initio Vitali*, ut ip-  
se ait, nimirum è Corde, tanquam  
primo Impulsore, quin & ad Glandu-  
las ipsas ablegari, quas non ut Va-  
sorum Pulvinaria essent, à Natura  
constructas fuisse astringit, sed ad emun-  
ctionem laticis è massa Cruoris; Ac  
re vera hic latex serosus Helmontij,  
præter alios usus hunc habet potissi-  
mum, quod sanguini socius, ac totum  
corpus pervadens ad variarum partium  
culinas everrendas inserviat, & sa-  
les dissolutos combibendos, ut exin-  
de per Glandulas excretrices ex-  
tradatur, & sic tota cruoris massa  
de-



defacatior evadat. In hunc finem in palato, lingua, faucibus, & nari-  
bus copiosas Glandulas Natura con-  
struxit, ut sanguis arteriosus, qui  
per Carotides ad Cerebrum deferri  
debet pro nervosi succi, & Spiritu-  
um Animalium elaboratione, since-  
rior reddatur, mucosa parte per has  
Glandulas repurgata in statu etiam  
naturali, quando alia ex parte constat  
eos qui sunt emunctæ naris, nec mul-  
tum Desputores, lubricæ sanitatis esse,  
ut referunt de Francisco Galliarum  
Rege, qui cum esset ἀμυξωνος; aurium  
ulceri obnoxius fuit dum vixit.

X. Atque hæc quidem quotidiana  
per nares, & ex faucibus mucæ ex-  
cretio ijs etiam qui satis commoda  
Valetudine fruuntur familiaris esse so-  
let; cæterum ubi Corpus cacochy-  
cum sit, ac serosus latex luxuriat, qui  
suapte genio promptus est ad concre-  
scendum, mirum non est si acceden-  
te Boreali Constitutione, qualis fuit  
de qua hic sermo, tunc temporis  
grassentur populariter Tusses, Rheu-  
matismi, & quodcunque aliud morbi  
genus, quod in fluxionum censu repo-  
nitur, detenta in Glandulis vitiata,  
ac super excedente lymphæ, non ex  
Naturæ providentia, quæ se hoc  
casu levare satagens noxium humo-  
rem ad extrema detrudat, sed ex me-  
chanico partium artificio, ac particu-  
lari humorum textura, juxta varias  
Aeris alterationes, ea lege; ut decu-  
pitibus ibi fiant, ubi maior est disposi-  
tio ut humores detineantur. Neque  
d fieri in nostris Corporibus magis  
miremur, quàm in Automate alio-  
quin benè constructo, quod inter-  
dum ad quasdam Aeris alterationes  
solitò suo munere aberrat, & ab

ignaro popello tamquam insanum  
ridetur. Mira est autem, ac penè di-  
uina vis Ventorum in Aere alteran-  
do; talem enim affectionem Aer po-  
ssidet, qualem Ventus qui perflat, ac  
talis est Sanguinis dispositio, qualis  
est Aer quem inspiramus. Sic ut  
refert Vitruvius, apud Mitylenem  
(quæ Vrbs in Lesbo erat quidem ma-  
ganificenter extructa, sed non pru-  
denter posita,) cum flabat Auster  
homines ægrotabant; quando Co-  
rus tussiebant, cum Septentrio, re-  
stituebantur in salutem. M. Varro  
quoque cum Romana Classis Corcy-  
ræ esset ac tota penè ægrotaret, *im-  
misso fenestris novis Aquilone, &  
obstructis pestilentibus, suos incolu-  
mes reduxit,*

XII. At quorsum tot speculatio-  
nes, inquiet aliquis? Vt juxta veram  
horum Affectuum Theoriam congrua  
medendi methodus instituat, rege-  
ram ego; Vbi enim ingruunt hi mor-  
bi qui non è capite decidui, sed ab  
humorum stagnatione pendent, illicò  
ad vehementia Cathartica, Inustio-  
nes Phænigmos, Cucurbitulas, ad Nar-  
cotica quoque, ac mille alia reme-  
dia ad materiam fluentem revellendam,  
intercipiendam, derivandam, suspen-  
dendam quoque; ut putant, Cera-  
tis capitalibus, confugiunt; Inte-  
rim neglecta manet vera morbi causa,  
ad quam oppugnandam seriò, ac om-  
nibus nervis esset incumbendum, ut  
postquam sufficiens evacuatio est facta,  
usu alterantium, ac naturalem sangui-  
nis texturam restituentium, fluidæ  
substantiæ æquabili tenore per suos du-  
ctus cursum repeterent. Quot ve-  
rò modis per Venæ sectionem pec-  
catur? Jam Phlebotomus veluti



gladius Delphicus passim tam in magnis, quam in levibus morbis stringitur ad innoctantes Victimæ sæpius mactandas, quam graves effectus ingulandos.

XIII. Postquam Mundo innotuit circularis sanguinis motus, Scopi equidem quos in morbis, qui ab humorum fluxione pendere supponuntur, sibi proposuerant Medici, non tanti sunt ponderis ut creditur. Certè Intercipientia locum nullum habent, quomodo enim quis intercipiat materiam ad partem per Arteriam fluentem nisi Arteriam ipsam vinciat? neque enim jure postliminii, aut redhibitionis actione redire potest humor unde est egressus nisi per circulum. Revulsio verò per V. S. de Throno suo jam decidit; imò si strictè loquamur, ferè nulla est, qui enim fiat, ut humor per Arteriam fluens per eandem possit revelli; Profectò si qua sit per V. S. Revulsio, per id solum tempus fit quo Vena est aperta, tunc enim Sanguis per Venam sectam, ac pariter per proximam Arteriam quæ illi humorem suggerit, majori velocitate movetur quàm per alia Vasa, illa verò clausa, cessat hæc in velocitate inæqualitas, ut ingeniosissimè ad demonstrationem usque explicat Bellinus. Non ibo tamen inficias, quin diminuta sanguinis copia minor humoris portio ad partem laborantem deferatur, & minus sit sanguinis stagnantis incrementum. Quanti autem sit faciendum per V. S. Revulsio, & quàm facilè quibusdam imponat, qui hoc nomine inficiæ suæ velum pretendunt, explicat egregiè Andreas Cnossellius in quadam sua Consultatione pro Io. Casimiro Poloniæ Rege, cui ob immodicum hæ-

morrhoidalis sanguinis fluxum laboranti cum Magni nominis Medici frequentem sanguinis missionem è brachio suaderent ad revellendum sanguinem fluentem, ac ipse acriter renueret; hæc scripsit verba, quæ ut potè elegantissima, & magni ponderis hic libuit apponere. *Et quomodo sanguini ad peremptoriam medicæ Revulsione citationem, dicam, & locum, scribere possumus, qui privilegio speciali vitalitatis in circulum, & in se ipsum rediens cum spiritu suo hospite nullius loci, & temporis leges respicit, neque locum standi ullum in universo corporis foro agnoscit?*

XIV. Revellanda itaque esset ex quorundam animis, quibus altè infudit hæc de vi Revulsione per V. S. opinio, cum revera non nisi ad demendam plenitudinem conferat Venæ sectio. Condonandum quidem aliquid Emilio Parisano, & Primirofio, qui non aliam ob causam, ut ait Leonardus è Capua, in Harvæum Stylum acuerunt; nisi quia stante Sanguinis Circuitu viderent Revulsione, per tot sæcula adeò celebre præsidium, ferè penitus corrumpere, non ita verò nostrorum temporum Professoribus in tam clara luce cæcutientibus. Multum profecto Hippocrates Revulsioni in fluxionibus detulit, ut passim in illius Operibus videre est; locus tamen insignis apud eundem extat qui Revulsioni videtur parùm favere. Ad sistendum immodicum mensium fluxum jubet ille ut vincula injiciantur supra genua; verum quidem est, quòd præcipit quoque ut eodem tempore vinciantur brachia; nodum hunc solve-



re annisi sunt Rorarius, & Fonseca, sed non planè satisfaciunt; meum sanè non est hujusmodi scrupos dissolvere, meliori enim vindice dignus est hic nodus, proferam tamen quod sentio. Quidquid sit de efficacia hujus remedii, & num eventui respondeat, videtur *Hippocrates* mente attigisse motum sanguinis perennem per suos ductus, multis enim in locis mentionem habet de sanguinis stasi, & interceptione Venarum, quam *φλεβῶν ἀπολείπσειν*. appellat; ut ergo fluxum catameniorum cohiberet, sanguinis stationem, seu saltem remoram aliquam humoribus impetrandam curabat, tam in partibus supra, quam infra Cor, vinctis ad brachia, & femora injectis, nihil veritus quod ligaturæ supra genua ad Uterum quicquam traherent. Ac re vera quid magis ex improvviso hæmorrhagias sistit, quàm superveniens animi deliquium cui necessariò consecutaria est Cordis à motu feriatio, ac eodem tempore sanguinis stasis?

XV. Sic autem ratiocinari nos cogit Divinum prorsus Inventum Circularis motus sanguinis, quod unicum *φαινόμενον* in numeras discussit errorum tenebras, effecitque ut humani Corporis, cæterorumque Animantium, quibus præcordia finxit Divinus Opifex, vera, ac genuina Oeconomia innotuerit. Cor enim nectaris vivifici, quo Corpus universum sustentatur, Promus, & Condus est habens ad latera Arterias, & Venas administras; Arteriæ è sinistro penu alimoniam depromunt, ac partibus omnibus, vel remotissimis dispensant. Venæ assidentes quod à nutritione reliquum fuit suis radicibus,

tanquam manibus, recolligunt, & ad dexterum Cordis Condum comportant. Iisdem Venis medio in itinere succenturiant Venæ lacteæ, quæ novum commeatum sanguini sub forma candidi laticis refundunt, qui postea in Pulmonibus admirando artificio purpurascit. Hæc est Vitalis Facultatis vera, & naturalis Oeconomia, cui non parvas suppetias fert Animalis Potestas, quæ pro beneficio purioris sanguinis ad Cerebrum delati uberem spirituum influxum per nervos Cordi suppeditat ad illius motum perennandum. Sic binæ istæ Potentiæ, licet sedibus, & regimine distinctæ, tanquam fæderatæ Provinciæ, sibi invicem collata beneficia rependunt. Sicuti autem in Civitate benè constituta, quo usque legibus suis vigor perstat, summa tranquillitate degitur, iis autem perfundatis, turbarum plena sunt omnia, ita in humano corpore Circularis motus sanguinis lege servata, facta tecta Valetudo est, ea verò infracta, susque deque aguntur omnia, ac intestinæ seditiones subsequuntur.

XVI. Quamvis autem Lex ista, quam primus tulit Haruæus, vel cujus prima fundamenta jecere Itali nostri, ut Andreas Cæsalpinus, Real-dus Columbus Cremonensis, pro rata, imò sacra habeatur, non defuit tamen qui nuper legem hanc abrogare contenderit; is fuit Homobonus Piso Medicus Cremonensis, qui edito libello sub titulo *Vltionis Antiquitatis* Circularem sanguinis motum tanquam Recentiorum Commentum traduxit. Hic mihi non vacat ejusdem rationes, ac fundamenta



expendere, solum hoc innuam, quod illius primum argumentum ab hujus legis inobservantia petitur (eò quodam Medicorum quotidiana praxis, præcipuè circa usum V. S. suppositæ doctrinæ de sanguinis circuitu quicquam non respondeat) Professoribus incuriam exprobrat, quod equidem verum est, ac maximè dolendum, cum innumeri penè sint, qui passim crepent huc circularem sanguinis motum, sed post modum, vel ob inscientiam, vel oscitantiam, non benè pensitatis iis, quæ ex tali principio consequuntur, operibus tollant quod magnifico verborum apparatu statuerant. Verum cum huic malo medelam aliquam apponere sit necesse, Professor in hac Civitate mihi jamdudum conjunctissimus Opus jam molitur, cui hunc vult esse titulum. *Rationarium Medicum Seculare, quo summam, ac veluti facta supputatione apparet quid lucri ex celebrioribus Inventis Anatomicis hujus Sæculi Arti Medica, tam quo ad Theoriam, quam quoad Praxim accesserit.* Habent Mercatores sua Rationaria, sicuti & diligentes Oeconomi, habent & Principes, ut olim Augustus, qui diuturnæ valetudinis rædio Rationarium Imperii Senatui tradidit; non abs re forsan erit si Medica Respublica Rationarium suum habeat, quod monstret quantum Medicinæ pomeria ampliarit hoc nostrum fortunatissimum Sæculum, & quod simul pro saniori medendi methodo inserviat. Hujus operis editionem usque ad finem hujus Sæculi animus illi esset differre, spe forsan quod novo àliquo Invento Sæculum hoc coronetur, cum adhuc vivant multi egregii Viri novarum

rerum Repertores, inter quos Celeberrimus Malpighius, qui Romæ nunc degit ad Pontificiæ Valetudinis custodiam; verum ego non desino Collegam hunc meum urgere, ut ad meditata seriò incumbat, ac utinam eo usque illi fata Vitæ lineam protendant, ut Opus hujusmodi ad umbilicum deducat. Verum è Diverticulis in viam.

XVII. In iis ergo Affectibus, qui ab humorum fluxione fieri supponuntur, iterata V. S. ad tot scopos implendos totum corpus depeculatur, & morbi causam per sæpè deteriore efficit. Ubi enim Vasorum plenitudini quæ vires premit factum fuerit satis, seu ad humorum Orgasum sufflaminandum si ad sit, sanguinis sufficiens copia detracta fuerit, satius profectò esset iis hæere remediis quæ sanguini debitam crasin restituere nata sint. Certè in hac hyemali Constitutione Catarrhis obnoxia repetita V. S. non adeò salubriter cessit. Multos Pleuriticos certò scio inopinato periisse, postquam bis, vel ter secta fuisset Vena. Præ cæteris pius Sacerdos firmi alioquin habitus ex Pleuritide laborans, postquam tertia vice detractus est sanguis, eadem die interiit. Non solum autem turpis est calamitas, ægrum epoto medicamento occidere, ut aiebat Hippocrates, sed etiam si detracto sanguine paulò post intereat. Senioribus verò in hac tam rigida tempestate periculosum fuit Sanguinem etiam semel detrahere. Nobilis mulier nonagenaria, ex Pleuritide spuria decumbens, cum instaret ut sibi tunderetur Vena, ac ego renuerem, alter Medicus accersitus



fitus illi morem gessit , & citissime eam sustulit.

XVIII. Ut constet quali cautione in Senum regimine sit procedendum quotiescumque ab aliquo Rheumatico Affectu premantur , in Boreali præsertim Constitutione , insignem oppidò , ac notatu dignam *Hippocratis* historiam hic lubet apponere. *Halicarnassensis* qui in domo *Xantippi* diversabatur aurem hyeme dolebat , & caput non mediocriter ; erat autem Annorum circiter 50. Vena secta est juxta *Mneximachum* , læsum est caput evacuatum , ac perfrigeratum , non enim facta est suppuratio. *Phreniticus* factus est , & mortuus. Tot circumstantias hic apposuit *Divinus Præceptor* , ut credi possit historiam hanc plus continere in recessu , quàm in fronte ; rarò fit , nec scio quòd alibi in ullo ægrotante annorum numerum definierit *Hippocrates* considerata igitur erant ætas ad senectutem vergens , Anni tempus hyemale , humor peccans crassus nempe , ac frigidus , ætati ac tempori congruens , qui obstructionem faceret , ac tensionem in parte , atque hinc dolor ; ex alieno præscripto ( mentionem enim facit curantis Medici , quod illi non adeò familiare ) missus est sanguis , at quonam eventu ? perfrigeratum est cerebrum , subsequente caloris nativi necrosi , ac prohibita est suppuratio ; neque enim tanquam parergon , ut ait *Vallesius* , adiecit *Hippocrates* illa verba , *non facta est suppuratio* perniciosum enim effectum ex intempestiva V. S. sequutum innuere voluit , prohibitam scilicet humoris maturitatem. *Lethargicum* autem potius , quàm ve-

rè *Phreniticum* factum fuisse interpretatur *Vallesius* , cùm in libris *Epidemiorum* quoscumque ; delirantes *Phreniticos* *Senex Cous* appellare consueverit.

XIX. Sæpiùs quoq; mihi advertere obtigit , quòd in hac Rheumatica Constitutione , si febre superveniente missus fuerit sanguis , deterior factus fuerit affectus , ac etiam quandoque cum funesto eventu. Ut plurimum ubi *Catarrhi* urgent , vel in pectore , vel quacumque alia parte , si febris superacceserit , multis ex Professoribus solenne est ad *Phlebotomiam* , tanquam ad sacram *Anchoram* , confugere. An tùm *Navis* securior ? *Periti Naute* ventis etiam adversis aliquandò utuntur ut *Portum* fortiter occupent : Febris autem non tam horrendum est *Monstrum* , quod etiam à perito Artifice sub jugum mitti nequeat , nec sine aliquo emolumento. Est ubi Febris sanguinis missionem hortetur , est etiam ubi dehortetur ; sed opus est *Diorismo* . Si nimis densam compagem sanguis adsciverit , & ad stasim aptus vel in pectore , vel in capite restagnet , si febris postmodum accendatur , vel parcè , vel nullo modo sanguis mittendus ; sæpè etenim *Naturæ* ipsi manu gladium abripimus quo morbum se sola potuisset conficere ; si verò contrariam diathesim sanguis habeat , & ob orgasmum aliquem ad *διάχυσιν* , seu diffusionem promptior sit , febris superaccedens V. S. hortatur. Locus est insignis apud *Hippocratem* quem hic referre non abs re fuerit. Quicumque *derepente obmutescunt* , si sine febre fuerint , ipsis *Venam secato* . Solenne est *Hippocrati* in libris *Epidemio-*



rum illud verbum adjicere ἀνδρῶν & magni enim ponderis ad rectam curationem est hæc consideratio, - non Affectus sit cum febre, vel sine febre; non solum enim à febris præsentia, sed etiam ab ejusdem carentia desumendæ sunt Indicationes, ut in hoc loco *Hippocrates*, qui tamen interpretandus, vbi crassi humores Naturam onerent, ac periculum sit ne calor innatus suffocetur. Videant ergo quantum à Via quam trivit *Hippocrates* deflectant qui à Febre alicui Affectui superveniente illicò oblatum sibi scopum tundendæ Venæ ad ravim usque conclamant.

XX. Præ oculis itaque semper habenda Anni Conditio; etenim sicuti in maxima frugum abundantia, *Annus est, non Terra quæ fructificat*, ut ait Theophrastus, ita in quibusdam temporibus non particularis Corporum dispositio, sed Anni Constitutio ea est quæ morbos progerminat; attentè id circò observandum quam Diathesim sanguis asciscat, sive id in sensibiles qualitates, sive in insolita effluvia è Terra expirantia referre placeat, & quænam remedia prosperum sortiantur eventum; sæpè etenim fit, quemadmodum scitè advertit Tho: Sydenham, Morborum Epidemicorum accuratissimus Scriptor, ut qua methodo quis morborum quasdam species fœliciter curaverit, vertente Anno, eadem methodo deteriores reddat, quare idem Auctor ingenuè fatetur, se numquam satis cavisse, ne qui primi se illius curæ commisissent, vita periclitarentur, donec multiplici observatione, ac perspecto morbi genio, ad veram Curationem recto pede procederet. Sic

Phlebotomia, quæ aliàs in memoratis Affectibus salubris esse consueverat, in hac Constitutione non insignem operam præstitit, quod procul dubio referendum erat in prægressam antecedentis Anni Constitutionem frigidam, ac nimbosam, & subsequenter hyemem nimis horridam, ob quam adeò crassam compagem sanguis contraxerat, ut si plus æquo detraheretur sanguis, & calor innatus labefactaretur, humores ad motum ineptiores redderentur, ac faciliùs concreverent. Talem autem fuisse sanguinis texturam ejusdem sanguinis conditio multam pultem in superficie præ se ferentis, nec non multi Polypi in dissectis Cadaveribus, ac denatis ex Catarrho intra cordis sinus, & ipsa Vasa sanguifera reperti satis demonstrarunt.

XXII. Frequens autem hisce temporibus in demortuis ex repentino casu Polyporum observatio, si non aliud, id saltem præstat, quòd vera quorundam Affectuum causa innotescat, & culpa vacare credatur Medicus, si monstret quam mala Bestia cubet in Præcordijs. Id præterea consequimur, ne diversa morborum nomina nobis imponant; Syncope enim Cardiaca, Catarrhus suffocativus, & Apoplexiæ species quædam non aliam persæpe agnoscunt causam, quàm polyposas concretiones in Corde, vel in Vasis sanguiferis stabulantes. P. Salius particulare caput de Syncope Cardiaca instituit, aitq; illam fieri ex sanguine in Venis, & Arterijs coalescente, sic casum refert Puellæ subita morte extinctæ, cujus Cadavere dissecto ex Arteria magna sanguis concretus eductus est, non aliter



aliter quàm gladius è vagina extrahi solet. Refert quoq; Riverius Puerum 5. annos natum ex catarrho decumbentem, postmodum lypothymia correptum subitò interiisse; aperto verò Cadavere, in sinistra Cordis auricula materiam crassam, & compactam repertam fuisse, quæ, ut ipse ait, laridum coctum referret, cui Polypi nomen non indidit hic Auctor, cum nondum in Microcosmico Erythræo Polypus expiscata esset Anatomicorum solertia. Nuper apud nos Vir sexagenarius, præpinguis habitus, subita morte oppetijt, dissecto Cadavere ad explorandam mortis causam, ex Pericardio ferè duæ libræ concreti sanguinis extractæ sunt, ac in Trunco Arteriæ magnæ ascendentis inventus Polypus lacertulæ longitudinem & magnitudinem referens. Intercepto itaque ob huiusmodi-extranea Corpora sanguinis in orbem itū, ac reditu, & mutuo inter Cor, & Cerebrum interrupto commercio, non suggerente Corde sanguinem Cerebro per Arterias pro spirituum Animalium generatione, nec Cerebro Cordi spiritus Animales ad perrennandum illius motum (quando Cordia motu nullæ sunt feriæ) necesse est, ut subitus subsequatur interitus. Casus autem huiusmodi vel à Syncope cardiaca, vel à Catarrho suffocativo, vel etiam ab Apoplexia fieri dicamus, parum refert. Binæ Apoplexiæ species statuit Heurnius, unam quam parvam appellat, ac ait fieri ob φλεβῶν ἀπολείωσιν idest, ob prohibitum sanguinis in Cerebrum influxum, alteram magnam ob interceptum spirituum Animalium è Cerebro efluxum. Tres verò Apoplexiæ species ex Hippocra-

tis doctrina tradit Martianus, quas tamen in essentia convenire, & à sanguinis στάσις pendere autumat, quæ quidem sanguinis statio à Polypo crassamento induci potest, cujus generatio, ut ut non sit momentanea accedente tamen aliqua causâ quæ sanguinem in motum rapidiorem cieat, & præexistente prava totius massæ sanguineæ dispositione ad grumescendum, mirum non est si sanguinis stagnationes ex improvise contingant, ac interrupto spirituum vitalium radio, qui à Corde jugiter influunt, Cerebrum, Lunare Sydus Microcosmi, Eclypsim patiatur. De hac Apoplexiæ specie, in qua morbi causa est extra Cerebrum, pluribus in locis agens *Divinus Præceptor*, in libro de Morbis hæc habet ipsa verba, quæ ut pote notatu digna, & sanguinis circuitum adumbrantia ex nativo fonte huc transferre placuit αἱ φλέβες ἐπὶ τὴν ἐς ἐνωσιν ἐρύσωσι φλέγμα, ἀνάγκη ὑπο ψυχρότητι τῆς φλέγματος, τὸ αἷμα ἐς ἀναίμακτον νῦν . . . . . μὴ κινεῖσθαι ὃ τῶν αἱμάτων ἔχουσιν μὴ ἔχει, καὶ τὸ σῶμα ἀτρεμίζειν, καὶ κενωθῆναι. idest; postquam Vena pituitam in se ipsas traxerint, necesse est præ pituitæ frigidity sanguinem tunc magis sisti . . . . . dum autem sanguis non movetur, fieri non potest ut non etiam corpus quiescat, ac torpeat.

XXII. In Apoplexiâ, ac presertim ubi in Paralysem degenerat, sæpius observavi, modò loquelam amitti voce superstitè, modò utrumque, quod quidem observatione dignum, tum ad prognosim, tum ad curationem; non enim idem sunt destitui loquela, ac voce destitui. αὐδὴ loquelam significat, φωνή vocem, quæ duobus diversis



diversis organis perficiuntur, sermonis enim Lingua est dædala, vocis autem Larynx, & Trachea. Observatio Doctissimi Villisi est, ad gravis vocis efformationem truncum asperæ arteriæ deprimi, ad vocem autem acutam efformandam sursum attolli, quem motum alternum præstari ait à ramulo nervi recurrentis cartilagineos annulos deorsum trahente, & à nervo altero à plexu paris vagi eosdem sursum attollente; sic exolutis nervis ad linguam pertingentibus *ἀναυδία* subsequitur, *ἀφωγία* verò si exoluantur qui ad Laryngem, & Tracheam dimittuntur; poterit ergo aliquis esse *ἀναυδός*, & non *ἀφωγός*, ut muti, ac infantes recens nati, qui sonos edunt licet non articulatos, non tamen è converso potest esse quis *ἀφωγός*, & non *ἀναυδός*. Quare Hippocrates in historia Pythionis, qui postea die 10. mortuus est, scripsit hæc verba. *Circa vesperam omnia exacerbata sunt, ἀναυδός, ἀφωγός*. Loquela destitui malum quidem signum est, perniciosius verò etiam voce privari, idcirco Divinus Præceptor ut pessimum Pythionis itatum indicaret has binas voces apposuit. Æquè verò tam Aphonia, quàm Anaudia fieri possunt tum ob exolutionem, tum ob convulsionem; procul dubio in Pythione aphonia convulsiva erat, nam die 6. dolores vehementes ipsum tenebant; in hoc itaque distinguuntur, quod Aphonia quæ intensione consistit, fatalis est ad crudelissimam mortem, quæ verò in exolutione, moriendi sensum adimit, ut ait Doctissimus Durerus. Cum itaque tam ob nervorum, & musculorum vocalium tensionem,

quam ob laxitatem, fieri possit aphonia, quotiescumque illa appareat, diligenter advertendum num convulsoria sit, vel exolutoria, ut apta remedia præscribantur, *ἄσπης* enim, & *λύσις* contrarii sunt Affectus. Sæpè autem fit, ut si in maligna febre aphonia superveniat, ad aliquam excusationem apud vulgus aucupandam soleant nonnulli magna utique confidentia pronunciare, ægrum apoplectico insultu correptum fuisse, cum tamen aphonia illa convulsiva sit; perrarò enim in acuta febre aphonia apoplectica succedit, quod tamen aliquandò observatur, & qualem casum nuper habui præmanibus. Vir enim robusti alioquin, habitus post 12. paroxysmum Tertianæ febris factus est *ἀναυδός*, *καὶ ἀφωγός*, resolutò eodem tempore brachio, & crure dextro; ac jam vocem ex integro recuperavit, sed nondum perfectum sermonem. Narrat Forestus Textorem quendam ob leve vulnus in extremitate pollicis in dextra manu obmutuisse, quem veluti linguæ paralyti affectum à se curatum ait, ego autem pace hujus Celeberrimi Viri, crediderim obmutescentiam illam ortam fuisse potiùs exconvulsione linguæ, nam æger ille, & nutu, & scripto, ut idem Auctor refert, indicabat sibi linguam tanquam filo constringi.

XXIII. Atque hi quidem vagabantur affectus ob superiùs memoratas causas, quibus addendum, quòd cum Anni prava Constitutione conspiraverat rei Annonariæ penuria, quæ sola potis est crassis humoribus corpora infarcire, ob prava alimenta, ac præcipuè ob usum leguminum,

quæ



quæ sup̄te natura ægrè coquuntur, unde Cacochymia; propterea urgente frugum inopia, cautè usurpanda magna remedia, præsertim in Popularibus, quod in Praxi diligenter observandum. Sicuti enim ex Hippocrate difficulter ferunt purgationes qui pravo utuntur cibo, eò quòd illorum Corpora, ut Galenus interpretatur, citò exolvantur, vel ob Syncopem Stomachicam, in quam facilè inçidunt Cacochymici ubi purgantur, ut Heurnius, haud secùs per V. S. quoque in summum discrimen adducuntur, uti frequenti observatione mihi compertum. In quibusdam Oppidis hujus Ditionis, ac præcipuè Castrovitri, & Scandiani, idem accidisse accepi, quod apud Ænum Civitatem Thraciæ ob Annonæ caritatem evenisse scripsit Hippocrates, ut multi ob usum leguminum, ac Erui præsertim, in Crurum exolutionem inciderint. In hujusmodi ergo Calamitatibus cautum esse oportet Medicum, nec adeò liberalem in profundo humano sanguine, uti quibusdam aliis temporibus. Ad has itaque Circumstantias, & præcipuè ad Anni Constitutionem, tanquam ad Versoriam, mentis acies potiùs convertenda, quàm ad decerpendum ex libris, generales morborum Curationes, ne vetus Parcemia obtrudatur, *Nauta ex libro.*

XXIV. Quare autem Plebs Urbana in hac Constitutione prædictis Affectibus magis obnoxia fuerit, quàm Agrestis, id forsan factum crediderim, quòd Rusticana gens vitam actuosiore degens, sanguinem magis fluxilem haberet, ac minus aptum ad stagnationem, seu

quòd in Rurali Epidemia in altera mea Dissertatione descripta, febres diurnæ, quæ agrestem populum exercuerent, vicem Criseos supplerint, sanguinis sæculentias sensim repurgando, ac ad meliorem crassim totam massam humoralem perducendo.

XXV. Circà Æquinoctium cœpit frigus mitescere, ac tam subita facta est permutatio ab intenso frigore ad immoderatum æstum, ut ab Æquinoctio usque ad Martii finem calor haud multum distaret ab æstivo, Solo in occasu flammeo apparente, non secùs ac Augusto mense; subsecuta quidem postmodum Aprilis mense aliqua caloris remissio, sed firma semper, & constans persistit siccitas, sereno, ac præsudo Cœlo; cùm itaque nulli prorsus imbres per totum Aprilis mensem decidissent, non lenis timor omnes corripuit de Anno parum frugifero; non modici tamen solaminis erant Plantæ omnes fructiferæ floribus passim albescentes, quæ fructus tum præcoces, tum horæos abundè pollicebantur, uti re vera contigit, hoc Anno laboranti Cereri succenturiant Pomona. His addebatur quòd calor non proportionatè ad Solis accessum augescens siccitatem in dies auctiorem reddebat, quare toto Vernali tempore Terra non minùs arida, ac dehiscens viscebatur, quàm cum *findit Canis æstifer arva.* Perseverante pariter Majo mense hac arida Constitutione, nisi identidem, ac sporadicè modicis imbribus delapsis, magna herbarum inopia hoc Anno laboratum est, fabis quoque ac omnibus ferè leguminibus ob humidi



defectum arefactis, exigua quoque spe superstitie, quod eandem ob causam triticea mellis ad bonam frugem perducere posset.

XXVI. In hac Vernali tempestate, ac præcipuè in prima Veris parte, iidem pectoris morbi, non adeò tamen graves, ut hyeme, perseverarunt. Sub finem autem Veris Tertianæ febres, tamquam spicilegium prægressæ messis, caput denuò extulerunt. Nunquam apud nos Annus Scabiosior visus est, omnibus ferè Urbanis, ac Ruricolis quoque, fœda scabie laborantibus, quæ neque ad iteratas purgationes, neque ad repetitas Phlebotomias quicquam mitescebat; Sanguis qui secta vena educabatur multum feri flavi præferebat, ac Urinæ valdè coloratæ apparebant. Haud secus quàm Anno elapso magna fuit Animalium strages, ac Pecudum præcipuè, ita ut Ovillus grex totus penè deletus fuerit.

XXVII. Quoniam nullus Morbus adeò popularis est ac Scabies (si tamen illam in Morborum Classe licet reponere, quando Hippocrates scabiem turpitudinem potius quàm morbum appellat, & Plato malum vocat mixtum ex dolore, & voluptate, ac propterea græcè dicitur *πᾶσι γλυκύπικρον*) quoniam inquam, nullus affectus adeò familiaris est, & qui medicos conatus magis eludat, ut hinc ansam captarit Helmontius vulgarem Medicorum praxim traducendi sub titulo *Scabiei, & Ulceris Scholarum*, perfricemus paululùm, si licet, hoc Vlcus. Ingenuo pudore profectò fateri licet, nihil ferè laudis Medicinæ Professoribus ex Scabiei curatione accedere, imò non rarò

ijs palmam præripi à superveniente Verula, quæ solo linimento interdum præstat, quod magna remediorum impellectile præstitisse non potuerunt qui morbos Herculeos se perdomuisse deprædicant, quin interdum, ut ait Poeta.

*Inque ipsos sæva medentes  
Erumpit clades, obsuntque Artibus Artes.*

Quam labem omni studio, ac iuxta omnes Politicæ regulas a se debet arcere ex Galeni consilio quisquis Medicus, nam Scabies, ut idem ait, cum deformes reddat quoscumque tenet, multò magis Medicum Clinicum deformem, & horrendum efficit, cui hac fœditate laboranti obtrudi possit dictum illud Poetæ Tragœdi, quod affert Plutarchus.

*Ἄλλων ἰατρός αὐτῷ ἐλκεσι βρώων,*  
idest *Alijs medens, at ipse ulceribus scatens.*

XXVIII. Scabiei curationem solis topicis esse perficiendam, ablegatis omnibus internis remedijs, quæ Corpora in cassum fatigant, vult Helmontius; observans enim quàm facili negotio Corpus exactè sanum ex solo contactu alicujus Scabiosi inficipoſſit, credidit Scabiem pendere à pravo Cutis fermento, quod ejusdem alimentum corrumpat, nequaquam verò ab interno Viscerum vitio, quare solis topicis suadet abigendam; est hujusmodi opus periculosa plenum aleæ meritò censetur. Ballonij itaque celeberrimi Practici consilio hæere placet, qui cum diorismo procedens explicat ex mente Hippocratis quando Scabies sit morbus, & quando abscessus, hoc est rectam semitam indicat, qua Medicus certo pede ad



Stabiei curationem procedat; lubet autem hic ipsum Hippocratis locum afferre. *Impetigines, & lepra, & vitilignes albae quibus quidem fulvenibus horum factum est, aut paulatim conspectum multo tempore augetur, his non putare oportet abscessum esse, eam papularum eruptionem, sed morbum; quibus vero horum aliquid est factum multum, & derepente, hoc sanè fuerit abscessus.* Hunc locum pariter observans doctissimus Mercurialis, *Quid sit, ait, abscessum esse, & non morbum, atque è converso, non omnes intelligunt.* Scabies itaque, alijque cutanei affectus in morborum classe sunt recedendi quando paulatim fiunt; quando verò confertim, ac præcipuè post gravem aliquam ægritudinem, non morbi nomine, sed *Ἀποσάσεως* insigniri debent. est ergo in Scabie, ubi liceat solis topicis incumbere, ait Ballonius, cum nimirum Scabies est solius Cutis morbus, est etiam ubi necesse sit internis partibus prospicere usu purgantium, & alterantium, ac nefas sit solis topicis Scabiem exterminare vellet, hoc est cum Scabies est alterius morbi soboles, ut in Cachexia.

XXIX. Chronicorum affectuum eam esse naturam, ut qui *hyeme angescunt æstate desinere soleant, qui vero æstate hyeme finire debeant,* scripsit Hippocrates. Hanc autem esse Scabiei indolem, ut hyeme luxuriat, ac magis sæviat, æstate verò evanescat, ver saltem mitescat, jam norunt omnes. Quando igitur Scabiosus aliquis curandus suscipitur, liberè protestandum esset, non institui curationem nisi ut facilius æstivo

tempore tam fœdus morbus extirpetur, atque hanc esse hujus pestis naturam, apud nos saltem (de lepra non loquor morbo Ægyptijs endemio, ut refert P. Alpinus, ob aquam cœnosam, & salitos pisces, quorum usus apud illos valdè familiaris est) ut æstivi caloris beneficio facilius, quam cichoraceis abigatur; satis abundè testante experientia, quòd nullà prævia purgatione, vel Phlebotomia, ulloque alio remedio, quotquot agrestes per hyemem scabie laborarint, superveniente æstate, non secùs ac Angues, psoræ exuvias deponant, ac illis niteat *assiduo curata cuticula Sole.* Verum hujusmodi protestatio ad avertendam calumniam quandoque non satis est. Laborabat olim F. Petrarca sicca scabie, ut ipse refert, ac postquam à medicamentorum diuturno usu se frustra exhaustum videret, Medicos, quibus ex sua natura infensus erat, objurgare cœpit, ac ijs respondentibus, expectandam esse Æstatem, ira percitus eosdem dimisit his verbis. *Ego autem neque Medicis credo, neque ab Æstate spero quicquam, sed ab illo de quo scriptum est. Æstatem, & Ver tu plasmasti.* Psoræ itaque potissimum remedium ab æstivo calore pender, qui potis est novam crasim in massam sanguineam inuhere, ac illam particulis spirituosissimis saturare, quò pacto Acidum illud luxurians, quod cutem exarabat, infringitur. Purgationes itaque ut ut repetitæ, iteratæ V. S. illitiones, Balnea, & omnis Medicus apparatus persæpe præstare nequeunt quod solus Aer æstivus. Cùm hoc Vere cuidam Docto Amico meo levem



purgationem ad sanandam Scabiem, qua vexabatur, præscripsissem, nec ideo melius haberet, ac illo urgente quid agendum superesset, per locum remedij loco dictum illud Satyrici adduxissem.

*Darate, atque expectate Cicadas;* ille ad me conversus, & Tu quoque, inquit, ad græcas Calendas honorarium expecta.

XXX. Vtriusque casus duo habemus natatu digna exempla apud *Hippocratem* in libris *Epidemiorum*, quæ hic lubet afferre. *Lata pustula non valde pruriginosa, quales Simon habebat hyeme, qui ubi ad ignem inungeretur, aut calida lavaretur, opem sentiebat. Vomitus non proderat.* Manifestum specimen hic habemus Scabiei cum morbus est; nam ex facta inunctione, vel in ipsa hyeme, opem sentiebat; si enim Scabies illa fuisset abscessus, ac alterius morbi productum, non solum ex in-tempestiva unctione nil opis sensisset, sed gravem noxam expertus fuisset. Observanda quoque illa verba. *Vomitus non proderat*; signum evidens, Corpus illud fuisse sanum, ac totum vitium in externis corporis partibus exitisse. Corpora sana difficulter ferre purgationes effatum est ejusdem *Hippocratis*, qui pariter ubi fauces ægrotant, aut tubercula in corpore nascuntur, præcipit ut dejectiones inspiciantur, quæ si sint similes sanis, ait tutum esse corpus alere, sin minus purgationem instituendam; fieri enim potest, ac sæpenumero contingit, ut Corpore sano intus existente tubercula in cute progerminent.

XXXI. Exemplum aliud. Sca-

biei, prout Abscessus dici meretur sequens est. *Homo quidam Athenis prurigine toto corpore vexabatur; & Cutis crassa erat & velut lepra aspectu; huic nemo opitulari potuit; transgressus ad Melum, ubi sunt calida Balnea, à pruritu quidem, & Cutis crassitudine liberatus est, sed hydropicus factus mortuus est.* In hoc casu certè affectio illa pruriginosa abscessus erat, ac fructus morbosæ radices in Visceribus implantatæ; vel immoderate, ut putat Vallesius in Commento, aquis illis thermalibus usus fuerit homo ille, ut suffocato innato calore cessarit illa peccantium humorum excretio ad cutem ablegari solita, vel, ut verisimilius interpretatur Martianus noster, aquæ illæ sulphuratæ essent, ac propterea, ut idem ait, *densata à balneo cute humores pruritum excitantes ad Hepar retrocedentes scyrrhum induxerint*, ex quo factus fuerit hydropicus, satis sit quòd illi magis consultum fuisset, prospexisse ad id quod latebat intus, quàm quod in cute apparebat.

XXXII. Ut ad rem nostram hactenus dicta applicemus, popularis hæc Scabies in Classe abscessuum profectò erat collocanda, ut pote productura præcedentis Constitutionis nimis pluviosæ, nec non & pravi victus ob Annonæ caritatem; sic refert *Galenus* sua ætate cum plurimas Romano imperio subditas gentes vexaret fames, ac frugibus omnibus in Urbem asportatis, Agrestes, quibus relictæ fuerant solum *σάκεα καὶ χέδραι*, &c etiam in exigua copia, ut fruticum germinibus, & bulbis vesci cogèrentur, omnes sub Veris finem



à variis cutaneis affectibus conflictatos fuisse, quorum alii Erisipelas referrent, alii herpetem, & alii pso-ram, impetiginem, & lepram. In hac itaque nostra populari Scabie solis topicis fidere tutum negotium non erat, & quotquot sive sponte, sive alieno consilio Scabiem Unguentis antipso-ricis abigere tentarunt, id suo periculo sunt experti. Rem oppidè notatu dignam hac occasione mihi observare obtigit. Novi multos, qui tædio hujus fædi morbi Unguentis Scabiem exterminare etiam in ipso Vere tentarunt, sed postmodum Scabie retropulsa febre, correptos Urinas nigras, & fuliginosas illicò reddidisse; cum autem usu remediorum humores ad cutem propellentium reproduceretur Scabies, Urinæ sanis similes reddebantur; denuò autem retrocedente Scabie, vel rursus erumpente, hæc reciproca in Urinis apparebat mutatio; quamvis autem hujusmodi Urinæ cum parva febre, quæ malignitatis speciem aliquam præferret, me suspectum non parum haberent, sollicitus tamen circa Scabiei reproductionem semper bonam spem alvi, & quotquot habui præ manibus vidi tandem à morbo superstites. Animo autem versans quare ad Scabiei retrocessionem Urinæ redderentur fuliginosæ, id fieri posse credidi, quòd Acidum in Cute luxurians, & Pso-ram efficiens, ob factas illitiones haud amplius expirans, à Venis resorptum, & cum Alchali sanguineo permixtum serum sanguinis atredine infuscarit, non secus ac quando limpida Vitrioli solutione cum infusione gallæ permixta, atramentum conficitur. Pro regeneranda vero

Scabie non semel, nec sine prospero eventu usus sum remedio à Zacuto Lusitano proposito, & ab Etmullero, commendato jubendo, ut ager, cui retrocessisset Scabies, decumberet in lintheis ab aliquo Scabioso infectis. Remedia porò quæ magis ex usu fuere, si non ad Scabiem extirpandam, saltem ad eam moderandam, ut superveniente æstate facilius aboleri posset, fuere præsertim ea quæ ex Viperis parantur, quibus multos vidi fœliciter sanatos. Ubi liceat igitur internis remediis uti ad Scabiem radicitus extirpandam, nihil profectò consultius quàm ad diaphoretica confugere, non secus ac fit in lue gallica; sicuti enim inter hos duos Affectus magna est cognatio, ita eadem ferè methodo curandi. Sic Heurnius ad Pso-ram debellandam, purgatis prius noxiis humoribus, ligni indici, ac Salsæ decoctum valdè commendat; ait enim quòd hoc remedio facile expirat concepta in habitu Corporis contaminatio.

XXXIII. Horrent nonnulli in Scabie, aliisque cutaneis affectibus, cane pejus & angue Viperina remedia, veriti ne excedens caliditas & ustionis nota Hepati, & toti massæ sanguinæ imprimatur; ast ego magis horreo nimium refrigerantium usum, nec quemquam novi, qui exhaustis integris Ptisanariis, seu postdiuturnum Seri, & Cichoraceorum usum à Scabie, ut sicca, & arente, liber evaserit; scio equidem penè assiduas esse Scabiosorum querelas de nimio calore tum interna tum externa perurente, at iis præbendæ non sunt aures; graviter quoque Pueri, quibus Perniones ob violentum frigus oborti



sunt, de nimio calore in pedibus conqueruntur, nec sine ratione, ob subsequutam aliquam inflammationem, an ideò in Pernionibus applicanda refrigerantia? Cordati Medici ergo erit morbi causam animosè aggre-di, sanguinis vitiosam crasim emendando, remediis potissimùm quæ illius acorem temperent, qualia sunt ex Viperis parata, quæ Sale volatili abundant. Quidquid sit de Viperæ temperie, de quo consulatur Io. Baptista Spontonus in sua Echidnologia, experientia satis planum facit nihil esse ad pforam, ac lepram quoque perdomandam efficacius, quàm Viperina medicamenta (quando tamen id agere liceat, nec satius sit hunc hostem inquilinum alere) nec adeò nos sollicitos esse debere neplùs æquo incalescant Viscera, dummodò tam fædi morbi seminium penitus restinguatur. At nunquam cessaret scalpendi libido, tam ferax est observationum hæc materia, nisi ad alia festinaret Calamus.

XXXIV. Exacto Vere Æstas successit adeò fervens, ut nunquam huic similis visa fuerit, idque; præsertim Canicularibus diebus, quo tempore præter modum Aer excanduit caliditatis excessu supra reliquos Annos, ut Thermometri loquebantur, ad multos gradus ascendente. In hisce ardoribus identidem cecidere pluviae, sed nihilò feciùs remittebatur æstus, qui constans perstitit per totum fere Septembris Mensem; hac Æstate nullatenus spirarunt Etesiae, unde à continua æstu nullum levamen, hanc ob causam multa Animalia, ac præsertim Canes, agebantur in rabiem. Nunquam aliàs cecidi-

dere crebriora fulmina, à quorum uno ictus est Agricola, indumentis omnibus perustis, præter lora coriacea; is ad nonnullos dies attonitus jacuit, sed postea sine ullo remedio in se rediit, & adhuc superstes est: hisce temporibus febrium Cohors de repente incubuit, ac passim per vulgus grassabatur, ut integræ familiæ eodem tempore febricitarent, densiorque erat ægrotantium numerus ea in parte Civitatis, ubi magis patulæ sunt viæ, ac humiliora tecta. Quotquot milites in Arce reperti sunt, simul ex febre decumbebant, ut rusticanam militiam accersere oportuerit ad illius custodiam. In Septo Hebreorum, ubi Vici angusti, ac Ædes altissimæ, caligantesque fenestræ, nulli ferè hoc saltem tempore ægrotarunt, cum tamen cæteris Annis primi sint Recutiti, qui æstivarum ægritudinum impetum sustineant. Ruricolæ licet diurnis laboribus ad Solis radios ferè in sudores solverentur, cum tamen subdiò suis in plaustris per noctem somnum captare soleant, immunes ut plurimùm degabant; sola itaque Plebs Urbana, & omnes quibus, & domus, & res angusta domi esset, exercebantur; salubris tamen erat morbus, nam febres istæ Tertianæ Intermittentes erant, ac ut plurimùm exquisitæ, & quæ die septima, ac etiam citius, post unam vel alteram phlebotomiam per sudores judicarentur. Nullus Annus Medicis quæstuosior, & gloriosior unquam fuit, cum ægri omnes fermè incolumes evaderent; medicum fastum tamen parumper temperavit Autumnus θανάσιμος nam protractiores erant febres, & ali-

quæ



quando in malignas degenerabant. Remedia cordatis Medicis erant Venæ sectio, & frigida usus; hæc enim utramque paginam, ut dici solet, implebant; qui verò parua attollentes, ut plura viderentur præstitisse, vel ut Seplastarios benevolos haberent, Cardiacis calidioribus usi sunt, tanquam camino oleum addentes, ægros in extremam perniciem præcipitarunt. Limonum succus, spiritus Vitrioli, Sulphuris, & similia erant egregia Cardiacæ; diversis itaq; artibus, ac diverso telorum genere, cum hoc febrili exercitu congrediendum fuit; Anno superiori hostis irritandus erat ad pugnam, hoc verò illius impetus parumper sustinendus, & acutis telis frangendus, qualia sunt Acida omnia. Sanguis qui secta Vena educabatur spumeus erat, & croceus, Urinæ similiter multa bile saturatæ. Multis ex febricitantibus papulæ apparebant in cute, ac præsertim Pueris, quales efflorescentiæ Variolarum erant veluti Prodromi. Variolæ quidem per æstatem paucos sustulerunt, autumno, & in prima parte hyemis paucis pepercerunt, ac minùs ijs quibus detractus fuisset sanguis. Multis Tertianæ febres in Quartanas migrabant; sicuti autem præcedenti Anno Peruviani Corticis usus in Quartanis, ac diuturnis febribus improspere cessit, ita hoc Anno saluberrimus fuit, & ij qui passi sunt recidivas, febres mitiores postmodum experti sunt, ac antequam Hyems accederet perfectè convaluerunt. Vbi primum æstus cæpit mitescere, quod circa Æquinoctium contigit, visa est pacari febrilis tempestas, quæ sensim in summam tranquillitatem cessit,

adeò ut duobus postremis decedentis Anni Mensibus in Foro Medico penè continuæ essent feriæ.

XXXV. Hujus febrilis tempestatis causam saltem occasionalem in immodicum Aeris æstum referre placuit, qui potis fuerit Bili nimiam acrimoniam adsciscere, ut cum succo pancreatico, minùs aptè quàm par est, ebulliret, & in massa sanguinea febrilem effervescentiam ciceret. Neque mirum sit quòd exiguo tempore adeò permutata fuerit sanguinis, & omnium fluidorum crasis; magna est enim vis caloris, quidquid Helmontius dixerit, Calorem Qualitatem Rerolæam appellans. Multa quæ suapte natura dulcia sunt ad ignem amarescere, alia verò magis dulcescere quotidie observamus; sic ut ait Gal. Laccodctione eam dulcedinem acquirit, quam Mel deperdit. Vinum quoque per totam hyemem, ac etiam Verum tempus, nativam dulcedinem servans ubi Æstatem senserit austerum fit, nisi in Hypogæis, & frigidioribus locis asservetur, Calor itaque ac frigus, siue sint causæ immediatæ, siue excitantes, & occasionales, subitas mutationes, in nostris Corporibus parere possunt & humorum texturam, citiùs quàm quis putet, invertere. Narrationem oppido curiosam apud Lucianum habemus de febre quadam Tragœda (sic enim illam appellare liceat) quæ Abderitas temporis ferè momento invasit. Egerat Archelaus Poeta Tragicus media Æstate, multoque æstu, apud Abderitas, Euripidis Andromedam, ex quo factum ut multi ex Theatro febricitantes exierint, ac universi postmodum febre gravissima correpti fuerint;



rint, quæ die septima plurimo sudore erumpente, nec non sanguine è naribus profluente, soluebatur, superstitè tamen ridicula quadam mentis perturbatione, nam ut refert Auctor, *omnes quasi ad Tragædias agendas impellebantur, & Iambica personabant, multumque vociferabantur, maximè autem Euripidis Andromedam canticis referebant, plenaque adeo Civitas erat pallidis, ac macilentis illis Tragædis septimanis.* Haud aliter apud nos immodicus æstus Plebem Urbanam inter angustias suarum ædicularum conclusam in febres agebat, adspèctu quidem terribiles, nec sine mentis emotione, sed quæ postea die septima, oborto sudore post celebratam liberali manu phlebotomiam soluerentur. Hac de causa eos qui circa Urbis<sup>9</sup> pomœria lares habebant, seu ubi magis patula, & ampla sunt Viarum strata, ut in ea parte quæ *Herculeæ Additio* appellatur, faciliùs febres adoriebantur; ubi verò Vrbs magis conferta est, & Vici angusti, & anfractuosi, minùs à febribus populares exercebantur. Neque fortuitò Urbium Conditores, angustas, & anfractuosas vias esse voluisse censendum est, ut in ijs Urbibus, quæ adhuc aliquid antiquitatis, retinent, qualis est Mutina, ut nempe magis salubritati, quàm pulchritudini consulerent. Sic Nero postquam flammis Romam absumpsit, intentus postmodum illius reparationi, dimensis viarum ordinibus, ac latis spatijs, splendidiorè quidem Urbem pro Imperij maiestate, sed minùs salubrem reddidit, nam, ut ait Tacitus, compertum est *veterem*

*illam formam salubritatis magis conduxisse, quoniam angustie itinerum, & altitudo tectorum non perinde Solis vapore percurrerentur.* Hanc ob causam opulentiores Cives, qui in amplis Conclavibus à tecto remioribus degebant, sicuti etiam populus Apella, vim febrilis hujus tempestatis minùs sensere. Magni profectò momenti est ad præsertionem à morbis æstivis in amplo, ac frigido Conclavi degere, ac somnum capere, ut à diurno calore attritæ vires per nocturnum somnum reparentur. *Somnum in frigore cooperto commendat Hippocrates,* quem locum in altera mea Dissertatione exposui; si ergo vel in ipsa hyeme præstat quiescere in loco ubi sit aura frigidior, idq, in gratiam Respirationis, dummodò totum Corpus stragulis sit coopertum ne à frigore carnes pungente interturbetur sopor, multò magis æstate præstabit in frigido Conclavi somno indulgere.

XXXVI. Hic autem immoderatus Aeris feruor si febrem hanc popularem excitavit, viam quoque aperuit ut citiùs referatis poris, per sudorem febrilis materia evanesceret, idq; beneficij sequutum, ut exterminata radicitus Scabie, Plebs nitidior, ac vegetior apparuerit. Ac profectò gravis hæc morborum Tempestas omninò desisset, ni Variolæ, quò magis ambientis calor tepescebat, eò ferociùs sæviissent, cum non solum puellarem ætatem demeterent, sed etiam grandævos, ac præcipuè Utero grentes, quotquot hoc morbo laborarent. De Variolarum natura, & causis, cum tot extent doctissimorum hominum scrip-



ta, nil addam, nisi quòd in hac Variolosa Constitutione, quæ circa Autumni finem vim suam magis exercuit, facilius evaserint ii quibus nec detractus fuit sanguinis, nec ullum administratum remedium, toto curationis negotio Naturæ commisso. Neque mirum quòd V. S. noxia fuerit; si enim ex Hippocrate *Autumno paucissimus sanguis fit in homine* ob prægressam Æstatem, quæ Corpora exhaust, id certè apud nos hoc Anno locum habuit, quare Virtus jam debilis ab exhaustu ob præcedentem æstivum fervorem, secta Vena illicò labascere videbatur, ac fieri minùs apta ut noxium humorem ad Cutim protruderet.

XXXVII. Sicuti in superioris Anni Constitutione noxius fuit Chinæ Chinæ usus, ut adnotatum, ita in hac ab illa toto Cælo diversa, valde salubris compertus est; & multi quidem Quartanarii hoc autumno per Urbem vagari viscebantur, sed quotquot ad hoc remedium confugere, vel integrè sunt restituti, vel si nonnulli recidivas passi sunt, paulò post convalescere; hinc practicam Cautionem, ulteriori tamen observatione confirmandam, elicio, securiorem esse

Chinæ Chinæ usum, quando humores fræno potius egeant, quàm stimulo. Anno elapso ob frigidam, & humidam Constitutionem tota humoralis massa, ut pote crassa, ac segniùs fluens stimulanda erat, ac ad motum cienda, hac Æstate vero, ad orgasmum prona, ac nesciens stare loco, erat potius sufflaminanda, quod mirè præstabat Peruvianus Cortex, humorum impetum compescendo. Eandem ob causam aquæ usus in altera Constitutione adeò noxius in hac saluberrimus fuit, sicuti pariter Acida omnia, quæ celebrioribus Cardiacis palmam præripuere, ut quæ paritum Alchalarum vim frangerent. Hermeticorum enim effatum est, Alchalia per Acida, & Acida per Alchalia emendari.

Atque hæc pauca de hujus Anni Constitutione, tumultuariè fateor, ac inter armorum strepitum, visum est conscribere, hyemantibus apud nos Germanorum copiis, quæ hac Æstate in Pedemontana Regione adversus Gallos militarunt; cæterum, urgente adhuc rei Annonariæ angustia, vereri licet, ne venturo quoque Anno popularium morborum nova seges succrescat, quod omen despuo.

## BERNARDINI RAMAZZINI

### *Dissertatio Tertia.*

#### De CONSTITUTIONE Annorum 1692. 1693. 1694.

Intermissam varias quidem ob causas, sed potissimùm ob parùm proficam Valetudinem, Operis incœptam texturam resumens, Morbos qui

hisce tribus Annis apud Nostrates populariter vagati sunt, nec non rariores quædam quæ peculiari observatione digna credidi, compendiosè refe-



ram, haud dubiâ spe quod apud cordatiores Medicos veniam sim impetraturus si minùs aptè quàm par est res exponatur, modò fideliter (quod in historicâ narratione potissimùm expetitur) id fiat, quod me prestiturum sanctè polliceor. Horum verò trium Annorum Constitutiones non sejunctim, ut priores duas, exponere, sed unico fœce simul complecti libuit, ne eadem chorda, cum risu oberrans res easdem repetere deberem, quandò unica & eadem ferè morbosa Tragœdia totum hoc triennale spatium absumpsit, nec exodium obtinuit, donec Cœli temperies in statum Cœlo diversum permutata novos morbos in Scenam produxerit.

II. Ut ergo à Constitutione Anni 1692. extraordinaria, Hyems satis regularis fuit, ac legitima; nec quid insolens habuit quod nostro huic Clima non congrueret; primò quidem Boreales Venti ad aliquot diès satis validè perflarunt, Terrâ nondum nivali vellere adopertâ; unde metus erat ne Sara exurerentur, sed Ventis postmodum silentibus, ac modicis nivibus delapsis, Hyems propriam temperiem, & eas conditiones obtinuit, quas in libro de Aere, Aq. & Loc. num. 25. recensuit Hippocrates, nimirum ut sit *moderata, neque valdè clemens, neque frigiditate excedat*. Morbi itaque hyemales observati sunt, ut Tussis, Pleuritides, Erisipelata, Apoplexiæ; ac in iis præcipuè qui præcedenti Anno à gravi aliquo Morbo conflictati fuerant; major tamen pars eorum qui ægrotarunt evasit, demptis paucis quibusdam è Senioribus, & Sili-cernio jam proximis. Nihil itaque

hyemali tempore observare licuit quod τὸν ἐπιδήμιον redoloret.

III. Neque verò à sibi debitâ temperie multum descivit Vernale tempus; satis enim moderatæ fuerunt pluviae, ac interpolatæ, quales Agricolarum votis responderent, sicuti Æstas quæ successit non admodum fervida, ut præcedenti Anno, neque nimis sicca extitit, sed pluviis identidem labentibus, ac Etesijs suo tempore flantibus, talis fuit qualis nostro Cœlo congrueret; quare messem si non planè frugiferam, qualem publica necessitas optabat, non improbam tamen exhibuit. Haud secùs Autumnus stadium suum regulariter percurrentes, cum primâ parte hyemis non admodum rigidâ, Annum clausit. Sic totum Annum satis placidum, ac Austrinum quoad primam Qualitatem temperiem exegimus.

IV. Non eâ verò moderatione sequens Annus processit, illum enim totum intemperatum, ac prorsus ex legem experti fuimus, Hyemem totam cum perpetuâ Cœli serenitate, & mitissimis frigoribus transegimus sine pluviis, ac sine nivibus, neque solum in hac planitie nostrâ, ubi sedet Mutina, sed neq; in editissimis Appennini jugis, quæ aliàs per totam hyemem, & vernum quoque tempus albescunt, Mari supero, & infero canum verticem ostentantes; sic neque Gabellus, & Scultena (inter quæ flumina Urbs hæc posita est) glaciem, ut cœteris Annis, sensere, quod multum contrulit ad Annonæ caritatem levandam, cum totâ hyeme per hæc flumina Frumentatores è proximis regionibus commeatus ad nos abundè conveherent, ad plebem nostram.



stram, & Germanos Milites alendos qui hoc Anno quoque apud nos hybernarunt. Sic Veris speciem Hyems tota Austrina exhibuit, cui postmodum Ver successit hyemis naturam, veluti mutatis vicibus, referens; ab Æquinoctio verno etenim usque ferè ad Solstitium perpetua ferè fuerunt frigora cum Ventis Aquilonaribus, ac perennes fuere pluviae, eaque adeò ingentes, ut passim flumina ruptis aggeribus campos inundarint.

V. Jam nefastum Annum, & inialubrem nemo non prævidebat, tum ob pluviarum vim magnam, quæ morborum sunt seminarium, tum ob apparentia in Mororum foliis signa Rubiginis quæ sterilitatis prodroma est, ut Annis superioribus summâ totius Cispadanæ, & Transpadanæ regionis calamitate experti fuimus. Eodem modo subsequuta Æstas usque ad Caniculares dies Veris speciem exhibuit, quo tempore satis curiosum fuit, apud nos saltem, Luscinias audire pro Cicadis arbuſta rumpentes. Sic ventum est ad Æstatem cum mitissimâ Aeris temperie, nobis tamen impropiam, pluviis identidem magno impetu delabentibus; hinc ob solum valdè uliginosum, & satis blandam caloris temperiem ad tantam altitudinem, ac densitatem omne frugum genus excrevit, ut metus Anni parùm frugiferi ex omnium animis ferè exciderit; at improvisa Rubigo, cujus non obscura indicia, ut dixi, apparuerant, spem omnium repente elusit; illicò enim frumenta, fabæ, & quæcumq; leguminum genera sydereò afflatu veluti percussa exaruerunt. Inopinus itaque casus cum Agricolas, tum Urbanos quoque perculit; summam

enim frugum penuriam non ante visam impendere præsentiebant omnes, quandò ex præcedentium Annorum sterelitate exhausta essent tum publica tum privata horrea, nec aliundè commeatus, ut ex Mantuano, & Ferrariensi agro, possent suppetere, cum eadem Rubigalis contagio totam Cispadanam, ac Transpadanam Regionem pervasisset.

VI. At non solum Cereales opes absumpsit hæc pestis, sed omne etiam subsidium, quod Pomifer Autumnus solet suggerere, eodem tempore sustulit; solum enim acerbis adhuc fructibus passim respersum spectabatur, quin & Plantæ ipsæ honore frondium orbatæ mediâ æstate visabantur. Uvarum quoque proventus, qui ab initio aureus sperabatur, ob eandem causam non nisi parcissimus prævidebatur. Mœrore itaque cuncta plena erant, dum Agricolaë in aeris non tererent nisi leves culmos, stipulasque volantes, quare sine Cereris, & Bachi muneribus in omnium præcordiis frigeat sanguis. Harum calamitatum causa potissima frigida, & pluviosa Constitutio passim culpabatur, quoties enim in hisce Regionibus Æstas sicca, & fervens præcessit, numquam frumenti inopiâ laboratum est, ut apud nos Oraculi loco Virgilianum *Geo. I.* illud colla possit,

*Magna que cum magno venit  
tritura calore.*

VII. Autumnus porrò Æstatis vicem supplens summis fervoribus & obstinatissimâ siccitate totam humiditatem quam Terra post tam ingentes pluvias ad satietatem hauserat, absumpsit, nec calor remisit nisi circa



primam partem adventantis hyemis, quæ & ipsa leges suas nullatenus servans, verum satis placida, & mitis decedenti Anno Vale dixit. Sic in hujus Anni 1693. Constitutione nulla ex illius partibus legitimam, ac propriam temperiem servavit, sed unâ alterius vices subeunte, omnes extemporaneæ fuerunt.

VIII. Sicuti autem prima pars hyemis, quæ præcedentem Annum clausit satis placida, ut modò dixi, extitit, ita pars altera quæ An. 1694. fores aperuit, asperrimâ, ac rigidissimâ facie apparuit, per totum enim ferè Januarii mensem flarunt Boreales Venti cum perpetuâ Cœli serenitate, ut squalidum, ac pulverulentum solum undequaque viseretur, non secus ac æstivis mensibus, quod apud nos prorsus insolens est, sic totam hyemem serenam sine aquæ guttulâ è Cœlo deciduâ tradiximus: apparente autem Verno Æquinoctio Cœlum Votis communibus respondit largis imbribus effusus, qui usque ad Aprilis initium perdurarunt, quibus postea, flante Austro, ingens caliditas successit, ut die quintâ Aprilis in meo Thermometro liquor 70. gradum pertigerit, quò interdum neque Junio mense devenire consuevit. Reliquum porrò Veris, ac totam Æstatem cum pertinacissimâ siccitate, & immoderato calore transegimus, Autumno quoque eundem tenorem, quod siccitatem spectat, servante: quare Annum signare licuit præ cæteris valdè siccum, & squalidum, Colonis tamen non prorsus ingratum, cum frugum, & Vini proventum non improbandum suppeditavit.

IX. Fusiùs forsan quàm res ipsa

videatur exigere horum trium Annorum Constitutiones me prosecutum fuisse putabit aliquis, cum in cujuscumque; Anni Constitutionibus singillatim nihil eorum, quæ ad rem medicam spectant, & quod meum institutum est, attigerim, quasi *παρρηγορεύω* præmiserim; verum id conuultò egisse me fateor, siquidem, cum ex superiùs memoratis pateat quàm dissimilis, & discolor fuerit harum trium Constitutionum facies, & aliâ ex parte cum eadem prorsus Epidemia per totum hoc tempus, plus minus, grassata fuerit, satis liquere potest quàm parum firmo talo stet illorum Opinio qui ex manifestis Aeris Qualitatibus, Caloris scilicet, Frigoris &c. putant satis explicari posse Epidemicorum Affectuum genesis, ac indolem, ut etiam ex prægressis Constitutionibus prænuntiari possint ægitudines, quæ populariter vagari debeant.

X. Egit id equidem Divinus Præceptor, ut ex Sectione tertiâ Aphorismorum, *Aph. 11.* & libro de Aere, Aq. & Locis satis liquet, nam ex prægressâ Hyeme siccâ, & Aquilonia, & Vere pluvioso, & Australi pronunciavit *necessum esse*, ut Æstate acutæ febres fierent, lippitudines, & Intestinorum difficultates; sicuti ex hyeme Australi pluviosè (& serena) Vere autem sicco, & Aquilonia, Mulieres gravidas abortivos fœtus edituras, cæteros verò Mortales difficultatibus Intestinorum, & siccis lippitudinibus obnoxios fore: Verum Galenus, 3. de diff. Resp. c. 1. licet Hippocraticæ doctrinæ ita, addictus ut Hippocratis libris etiam spuris usurum se scripserit, asserere non est veri-



veritus in citati Aphorismi commento Hippocratem usum potius fuisse rationali methodo quàm observatione, & experienciâ. Huic Galeni interpretationi nullatenus assentiens doctissimus Mercurialis ait nil tale de Sapientissimo Viro, qualis fuit Hippocrates, credendum, qui non tam audacter pronunciaffet *necessum esse*, ut positâ tali Constitutione temporum tales ægritudines emergere debeant, nisi ratione, & multiplici experienciâ fuisset abundè instructus. Celeberrimus Lucas Tozzius in nuperis suis Commentariis in Hippocratis Aphorismos asserit observationibus potius, & iteratis experimentis quàm confectis argumentis, Hippocratem ita pronunciaffe, nullâ ratione apparente quæ suadeat isthæc eventura; ingenuè enim fatetur Vir egregius sibi observatum quòd post hybernâ tempestatem siccam, & Ver pluviosum subsequutæ non fuerint acutæ ægritudines.

XI. Quot porrò disceptationes inter ipsos Medicinæ Proceres pro genuinâ Apho. 13. tertiæ sect. *Si verò hyems Austriana, & pluviosa, & serena fuerit &c.* (cum tot sint interpretationes quot interpretes) jam satis constat: Manardus enim l. 9. Ep. 1. vocem illam *ἔνδι* volebat expungendam, tamquam supposititiam cum intelligi nequeat quomodò vox illas *ἔνδι*, quæ Serenitatem ex illius interpretatione significat, aliis cohæreat quæ hyemem pluviosam, & Australem repræsentant; Leonicens verò in omnibus antiquis Codicibus vocem illam reperiri ait, ac pro placiditate, & clementiâ interpretatur. Hinc inter illos celeberrimos Viros

pro simplici voculâ talia orta sunt dissidia, adeò ut, referente Brasavolâ in citati Aphorismi commento, *Seniores illi alioqui reverendi apud multos pro re tam levi praeliantes in derisum venerint, cum à rationibus ad jurgia devenerint.*

XII. Abundet quisquis in suo sensu ut lubet, & ex Anni temporum in manifestis qualitatibus exorbitantiis tamquam ex fonte morbosas Constitutiones derivet, ego sanè ex quo ad Epidemicorum Affectuum naturam contemplandam animum adverti, his quæ tam confidenter, & magnificè proferuntur experientiam respondere non video, & quod me angit, in hac Provinciâ quotannis Hospitem me agnosco; licet enim videam quòd passim itur, non satis tamen video quâ sit eundum nisi postquam à viâ longè aberraverim. Profectò si rem accuratius perpendamus, quilibet Annus semper Affectus aliquos secum infert, qui τὸν ἐπιδημικὸν sapiunt, nec tales putantur, quia aliquandò leves sunt, licet propterea epidemicam naturam non exuant; demiror autem non parùm, quomodò insurgente aliquâ populari tempestate Medentium plerique nullatenus Affectus ingenium perpendentes, nec quâ methodo Natura ipsum sponte expugnet, illicò totis viribus, & vulgari Methodo ob analogiam quam habeat ad congenerem morbum, ad illius oppugnationem insurgant, & remediorum multitudine indiscretâ, & frequenti visitatione muneri suo satisfactum existiment. Mundus autem, qui vult decipi intempestivam hujusmodi sollicitudinem magis commendat, quàm prudentem cunctatio-



nem, magnisque muneribus, & encomiis eos cumulat; qui, ut ait. *Sidonius parùm docti, satis seduli, multos agros officiosissime occidunt.*

XIII. Affectus ergo Epidemicus, qui tribus hisce Annis in suis Constitutionibus inter se tam dissimilibus cum Urbem, tum Villas, & vicina Oppida multis funeribus incessavit, fuit Febris Purpurata, seu Petechialis, ut appellant, quæ aliquandò quidem post multam stragem editam vix est velle receptui canere, sed postmodum auctis veluti viribus violentior irruebat, ac populariter grassabatur. Circa Æquinoctium Vernale Anni 1692; hæc Febris primò caput extulit, ac sub initium levi quadam velitatione discurrens, mox per totum Veris tempus, & partem Æstatis usque ad Canis exortum sub peticulari larvâ sævitiam suam exercuit. Vbi ergo Æstas incanduit, Febris hæc Purpuram deposuit, nec illam resumpsit donec calor æstivus cœperit remittere, circa nimirum Arcturi exortum, quem morem Annis quoque sequentibus ritè servavit, vestem quidem, sed mores, ac genium hæud quaquam mutans, Febres enim quæ in summo æstu sine Peticulis viscebantur hæud secus malignæ erant indolis, quam Vibices post mortem apparentes satis demonstrabant.

XIV. Observatione verò dignum fuit quòd post plenilunium, ac multò magis silente Lunâ ferociebat hæc Febris, quæ postea ad novum ejusdem lumen mitescebat, nec mea tantum, sed aliorum quoque Professorum constans fuit Observatio, quod non parùm contulit ad hujus

Febris Prognosim, & Curationem; num verò super Epidemicos Affectus peculiare jus aliquod habeat Lunare Sydus, ut illius mutationibus, & variis phasibus auscultent, non indignum est observatione.

XV. Admirandum cerrè fuit id quod die 21. Jan. 1693. contigit; facta enim per noctem Lunari Eclipsi major pars ægrotantium obiit, ac eadem penè horâ, quâ nimirum Luna laborabat; quin & nonnulli repentinâ morte occubuerunt, unde per totam sequentem diem magno strepitu, ut hic verus consuetudo obtinuit, personantibus Campanis, non levis horror omnes perculit. Tunc mecum ipse novitatem hanc perpendens admirari cœpi quomodò Hippocrates tam diligens rerum omnium ac præsertim cœlestium Observator, quin in libro de Aere, Aqu. & Loc. num. 30, periculosissima ambo Solstitia pronunciavit, maximè verò æstivum, sicuti & utrunque Æquinoctium, edicto veluti cavens ne hujusmodi temporibus medicamenta exhibeamus, neque curemus, neque secemus, sicuti Astrorum ortus, & occasus, ut Canis, Plejadum, Arcturi observandos esse præcepit, ut ex pluribus locis illius Operum *De Med. Purg. num. 5. 1. in 6. Epid. de Diet. num. 2. 4. Epid. num. 11.* videre est, & Cometis à se observati mentionem facit, quem subsequutus est Terræmotus, Luminarium porro defectus alto silentio transegerit. Quin & Practici ferè omnes Solis, vel Lunæ defectus non pluri faciunt, quàm eorundem Syderum oppositiones, & ordinarias coitiones. Unus, quòd sciam, Gulielmus Ballonius lib.



primo suorum Epidemiorum insignem casum refert; ait enim Parisiis accidisse, quòd dum plures Medici apud illustrem Mulierem ægotantem consulturi simul convenissent, ac tunc temporis Solis defectus contigisset, illique ad contemplandum Solis defectum in Vase aquâ pleno, ut solet fieri, sublimiorem Ædium partem conscendissent, illicò ad ægram decumbentem revocati fuerint, quæ dum Solis defectus perduravit animam agere visa est, neque è gravi periculo evasit, nisi postquam Sol in apertum erupit, clarâque in luce refulsit.

XVI. Alterationem in Aere oppidò insignem in Solis defectu observare mihi licuit Anno 1694. die 27. Junii, ut in Ephemeridibus meis Barometricis eodem Anno editis annotavi; nam in ipso Solaris Eclypsis tempore Mercurius ad duas lineas in meo Barometro se exulit; hoc est Aer temporis ferè momento gravior est redditus, ac idoneus propterea ad subitas in Microcosmo alterationes producendas; quare si ex Divini Præceptoris sententiâ ad Æquinoctia, & Solstitia advertere oportet, ne quid magnum in illis circa ægros moliamur, non incongruum quoque erit, si Medentes Clinici ad Luminarium defectus, oculos non solum, sed mentis aciem intendant. Nollem tamen quis crederet velle me quòd rerum agenda scopi ex corporum Cœlestium vario situ, & configuratione desumi debeant, nam ubi morbi sævities urget, Lotium potius quàm Aëtra contemplari necessum est, ut ajebat Manardus, & opportuna remedia

vel reclamante Cœlo, sunt adhibenda, quando *omnis dilatio est Animæ periculum*; in morbis tamen popularibus, qui non rarò à causis superioribus natales suos deducunt; & in quorum curatione non tam facilis, ac certa methodus habetur, non prorsus alienum est talia respicere, nam ubi agitur de humano corio, *Nihil temerè, nihil negligere*, ex Divini Præceptoris 2. in 6. Epid. Oraculo.

XVII. Verùm è diverticulis in viam; Symptomata quæ Febrem hanc malignam comitabantur, antequam Peticulæ apparerent, erant ingens totius Dorsi lassitudo, Capitis dolor, Aurium surditas, Faucium ardor, Mentis stupiditas, Præcordiorum anxietas, & totius corporis seignities; Dorsi verò; & regionis lumbaris lassitudo adeò certum erat Febris peticularis signum, ut rarò falleret: quin sub initium hujus prævæ Constitutionis, antequam Febres istæ palàm grassarentur, Mulieres quæ ad morborum Symptomata aliquandò attentiores sunt quàm Medentes ipsi, ex hujusmodi suorum ægrorum querelâ Febris naturam prænunciabant, & Medicos monebant, cauto opus esse, nec temerè celebrandam phlebotomiam, quarum dictis, ac præsagitionibus cum per sæpe Medentes non auscultarent, apparentibus postea maculis, multa probra ab iisdem cum Artis dedecore perferre cogeantur. Si verò faucium ardor cum genarum rubore accessisset hostem detectum clamabant, nec amplius hesitandum de febris naturâ, jam in faucibus prodentibus se Peticulis. Profectò in hac maligna-



rum Februm pertinaci Constitutione quæ per triennium sævit, Medicis non minus cum Mulierculis, quàm cum Febre luctandum fuit, adeò ut (quod fateri non pudet) necesse fuerit, sicuti inferius exponam, illarum consiliis, & monitis morem gerere, non tam ad illarum importunitatem declinandam, quàm quòd re vera Experientiæ rerum magistræ esset obsecundandum.

XVIII. Pulsus parvi erant, & valdè compressi, unà cum magnâ virium prostratione primis etiam diebus quæ morbo augescente languidiores fiebant, adeò ut ægrotantes veluti Statuæ in Lectulis decumbentes jacerent, integro ferè carniū, & totius corporis habitu, quodque admiratione dignum fuit, quotquot hujus Febris violentiæ succumbebant, pleni, ac succulenti veluti pingues Mortis Victimæ Libitinariis tradebantur; fortiores autem, ac robustiores cum Fœminas, tum Viros adortæ sunt hæ Febres, non ità verò Seniores, nec eos qui vitam degabant valetudinariam. Urinæ verò vel in ipso hujus Febris principio perturbatæ, plus minùs, apparebant, prout major, vel minor morbi esset sævities, nec nisi in fine morbi in iis qui evasere ad naturalem statum redibant.

XIX. Peticulæ verò, ut plurimum quartâ die, & septimâ erumpebant, & ii quibus primis diebus apparuerent, omnes ferè sublati sunt, primùm autem in Collo, Dorso, & Pectore visendas se præbebant; observatumque neminem evasisse, nisi tandem ad extremos pedum ungues maculæ illæ se expandissent, in superioribus

partibus paulatim evanescendo, quibus autem Pectoris, & Dorsifines non transilierunt Peticulæ, mortem obtigisse: variæ autem, ac diversicolores erant, prout varii, ac diversi erant ægrotantium habitus; aliæ erant rubræ, aliæ pallidæ, aliæ fuscæ coloris, aliæ parvæ, aliæ latæ, aliæ in summo, aliæ in profundo, & quas nonnisi oculis transversa tuentibus liceret inspicere, quod genus Petilarum fuit valdè ominosum.

XX. Faucium inflammationem comitem hæ Febres ut plurimum sibi junxerunt, quæ inflammatio in Morbi vigore in crustam albam, & ulcerosam degenerabat, quod non minus negotium Medicis facessabat, quàm Febris ipsa, cum ægri ob id omnem cùm cibum, tum medicamentum averarentur, & multi, qui cæteroque pacatâ aliorum Symptomatum tempestate evasuri credebantur, in ipso veluti Portu naufragium perpassi fuerint. Sitis porrò in his Febribus non adeò ingens erat, ut in aliis acutis Febribus assolet, nec multæ querelæ exaudiebantur, sive non sitirent, sive mens obscure ægrotaret.

XXI. Quicumque ex hac febrili incurfione Fati ope, vel Medici evasere, nulli excretioni vel per sudorem, vel per Urinam, vel alias vias, per quas Natura crises suas moliri solet, salutem acceptam referre poterant, sed solùm Peticularum suo loco, & tempore apparitioni, & earundem per totum corpus expansioni, lentæque evanescentiæ, salutis beneficium debebant: quin iis quibus alvi fluxus supervenere funestum fuit; Alvi fluxus autem Anno præcipuè 1693. hisce Febribus Peticularibus per Autum-



tumnum supervenere ; quo tempore Dysenteriae graves Hebræos potissimum exercuerunt ; culpabantur Fructus horæi , quibus Gens Recutita nunquam satis impletur , sed aliæ causæ altiores subesse poterant.

XXII. Satis frequens fuit in his Febribus Singultus , quamvis parvæ Febres viderentur , Symptoma quidem non minus molestum , quàm fœrale , & funestum ; quotquot enim in hac febre Singultuosi comperti sunt , omnes in Libitinæ censum devenere. Vix obtinui , ut Singultuosi Cadaver dissecaretur , ac Ventriculus nigris notis sparsim compunctus repertus est. Verminatio quoque multa passim extirpit , & ii quibus ab initio Vermes per Os prodire , omnes ferè extincti sunt.

XXIII. Nonnullis supressa est Urina , vacuâ prorsus existente Vesicâ , præcipuè verò id observatum in iis quibus pulsus erant parvi , ac penè oblitterati , ut contigit in Juvene quodam Hebræo , qui cum asphyxiâ , ac totus gelidus vixit ad quatuor dies , nec Urinæ quicquam reddidit ; antequam autem infelix iste obiret , quamvis toto corpore perfrigefactus [nullibi Arteriis micantibus] adeò robustus erat , & ad motum expeditus , ut etiam ipsâ die , qua è vivorum statione decessit , à lectulo surrexit , & suas Vestes induerit.

XXIV. Non pauci post exantlatum Morbum veternosi fiebant , ac stupidi , rerumque peractarum prorsus immemores , nec nisi post multos dies sibi reddebantur ; idem infortunium iis obrigit qui in his Febribus gravem surditatem perpessi fuerant. Mercator quidam cum ex Peticulari

Febre præter omnium opinionem convalesceret , surdus omninò ad 40. dies persistit , ac postmodum paulatim ex asse restitutus est.

XXV. Frequentiora in Urbe quàm in proximis Agris fuere funera , ac felicius plebs Ruralis sine ullo ut plurimum remedii genere vim morbi eludebat , sive quòd in Aere salubri degerent , sive quòd Medicis carerent ; non semel idcirco mentem subiit Virgilianum illud , l. 2. *Geo.*

*O fortunatos nimium sua si bona norint*

*Agricolas.*

Ac utinam Medentes , cum aliquis popularis morbus debacchatur , curiosius scrutarentur à rusticana gente , quæ magis fudit Parocho , quàm Medico , quali methodo Natura usa fuerit in sanandis morbis eorum qui evaserint ; sic enim Naturam tanquam optimum Ducem sequentes , minùs à recto tramite aberrarent , ac tutiori methodo ad cùrandos ægros sibi commissos procederent. Cum autem in his casibus sibi quisque pro ingenii suo modulo Regulam confingat , secundum quam Opus suum moliatur , & in communi morbo tot , ac tam diversa remediorum genera in usum revocentur , meritò cum Celso l. 7. in *Proem.* cum quis convaleuit , *dubitare potest secunda Valetudo Medicinae , an corporis beneficio contigerit.* Indubium tamen est , quòd in communi morbo , sicuti communis est causa , ita communia , & eadem ferè deberent esse præsidia. Quotquot autem ex Viris Agrestibus , quos è Peticulari Febre evasisse novi , & interrogare potui , non alio modo convalescere referebant , quàm macularum



larum circa septimam diem per totum corpus, & usque ad extremos artus expansione, & earundem lentâ evanescentiâ sine ullâ sensibili humorum excretionem.

XXVI. Quo tempore in hac Urbe, & in totâ campestri regione quæ circumjacet, ferociebat hæc Febris, in vicinis Collibus, ut in Saxolensi, & Scandianensi ditione, nulli ferè ægrotantes vilebantur, neque eò pervasit maculosa hæc Febris, quæ tantum in editioribus locis, & in ipsiis Appennini jugis (veluti saltu quodam exiliens) vim suam pariter ac in nostrâ planitie exercuit.

XXVII. Sanguis porrò qui sectâ Venâ, vel Cucurbitulis sacrificatis, sive Venis sedalibus apertis, educabatur in universum satis laudabiles notas præferabat, quantum oculorum acie licebat assequi, satis enim floridus, ac rubicundus apparebat, multoque magis qui à Naturâ per narium hæmorrhagiam profundeabatur, neque in ullo ægrotante cujuscunque temperamenti sanguinem extractum videre datum est, qui glutinis speciem aliquod præferret.

XXVIII. Profectò mihi fateri necesse est in hac Peticularium Februm Constitutione, adèd improsperè Venæ sectionem cessisse, ut omnes ægri exhorrescerent quotiès sanguinis missio per Venæ Sectionem proponeretur, eam verò fuisse popularem confidentiam in usu Cucurbitularum scarificatarum, ut ægros interdum decipere oportuerit, quotiès urgeret necessitas sanguinem ex Vasis majoribus ob pléthoricam dispositionem educendi, sinendo ut ægris Cucurbitulæ Dorso, & Scapulis applica-

rentur modicum sanguinem extrahendo, deindè paucas post horas sanguine ex Venâ largiori manu educto; Ea enim hæserat opinio, nec solum apud Vulgus imperitum, sed etiam apud Sapientiores, quòd ubi præmissæ fuissent Cucurbitulæ scarificatæ, nullus amplius esset timor de Peticularum retrocessione, quamvis post modum non semel ex Venâ mitteretur sanguis; sic curiosum erat Chirurgos passim videre cum Sacculis Cucurbitularum plenis per Urbem curstantes; dum inconsultis Medicis Plebeculæ hoc remedii genus administrarent. Suspectam itaque, ne dicam infamem, ut Scopulos Acroceraunia, Venæ sectionem in hisce Febribus fuisse fateri lubet, sicuti ex adverso gloriosam Cucurbitularum tum scarificatarum, tum siccarum appositionem, sive id fieret ob confirmatam in omnium animis opinionem de hujus remedii efficacità, sive quòd re vera in illo aliquid abditum esset quod Medicos lateret.

XXIX. Reliqua porrò remedia quibus hujus Febris oppugnatio tentabatur eò collimabant, ut humorum motum ad Corporis ambitum promoverent, qualia sunt quæ Sale volatili abundant; sic nullum non ex Diaphoreticis in usum revocatum, nihilò feliciùs tamen prodibant maculæ, ni forsan hoc pacto, Oleum Camino addendo, ut dici solet, febrilis incandescencia augebatur [quæ sibi relicta humorum fugam maturasset] & distrahebatur Natura, quæ non tam propere depingebat in cute quòd intus moliebatur. Ego meherclè parùm profici observans, per Alcha-



Alcalica ad Acida confugi, monente Hippocrate, *De loc. in hom. num. 20.* quòd *si quis non profuerit ad contraria se convertat*, nec improspere successum ex illorum usu adverti, sufflaminato aliquantisper humorum Orgasmo. Non auisim tamen asserere, vi hujus, vel illius remedii evasisse, vel periisse quemquam, cum Andabatarum ritu necesse fuerit cum hac Febre dimicare, neque magis felices in suis Curationibus fuisse Medicos Seniores, & longo usu expertos, quàm Juniores, ac è Scholis nuper egressos, cum in tenebris tam videant Cæci, quàm Oculati.

XXX. Ad sollicitandam Peticularum eruptionem passim frictiones humidæ ex Unctione Aerii ex usu erant, sicuti & Vesicantia Brachiis, & Cruribus apposita; sed hæc magis Medicorum existimationi apud Vulgus, ne quid inausum, aut intentatum fuisset, conducere visa sunt, quàm ægrotantium saluti, quibus acuebatur Febbris, nec propterea facilius contingebat Peticularum eruptio, nisi forsàn ob id retardabantur, factâ serosæ materiæ per vias Urinæ profusione. Sic in hac febrili incurione omnibus remediis tum internis, tum externis parùm proficientibus satius erat lentè festinare, & humorum maturascentiam opperiri, spreitis querelis adstantium, qui urgebant, velis, & remis, ut dici solet, ingruenti tempestati occurrendum & prolatando magnas corrumpi opportunitates, quibus adversis clamoribus Medentes non ausi obsistere, intempestiva, & incerta remedia præscribendo, sibi è manibus vi-

etoriam eripi viderunt, non secus ac Pompeius M. qui cum tergiversando hostem com meatuum inopiâ laborantem facile vinci posse cognosceret, militibus tamen, & sociis moram increpantibus, prælium miserabili eventu commisit, oblitus solitum *se laudare eos Medicos, qui nihil unquam ægroti cupiditatibus quicquam indulsissent.*

XXXI. Cum primùm grassari cœpit Peticularis hæc Febbris, nec dum suspicio esset de populari Affectu (Febribus diversæ indolis intercurrentibus) purgationes, ut hic fieri assolet, in morborum principio, per medicamenta Minorativa dicta instituebantur, sed paulò post proidentibus se Peticulis, sudabant Medico tacitâ præcordia culpâ, ob metum ne hujusmodi purgatio Exanthematum eruptioni impedimento foret, humoribus ad interna retractis, Peticulis tamen postmodum feliciter erumpentibus, & stadium suum absolventibus, Professores qui attentius res observabant, experienciâ edocti à blandâ purgatione non abhorrebant; Ego sanè ubi tempestivè accersitus fui, & Stomachum impuritatibus oneratum esse conjectavi, quamvis certus de Peticulari Febre, levem purgationem præscripsi, neque non solum ullam noxam exinde proficisci, sed facilius Exanthemata apparere observavi. Similem casum refert Ballonius, qui l. 1. & 2. *Epid.* ingenuè fatetur, in Febribus, quas de genere Peticularium non putarat, Medicamentum purgans, & Venæsectionem præscripsisse, & innocuum utrumque remedium reperisse. Id est quod monebat Di-



vinus Præceptor, l. 1. de Morb. num. 1. & 7. observandum esse quæ bona per fortuitum successum Medici ægrotos curantes faciunt.

XXXII. Ad oppugnandam verò tam infensi hostis pervicaciam in subsidium quoque accitus est Peruvianus Cortex, qui cæteris remediis succenturiaret; præcipuus autem illius usus fuit in iis qui evaserant ex morbo non benè, ut par fuisset, iudicato per debitam suo loco, & tempore peticularum eruptionem, & evanescentiam, iis enim diuturnis Febris vexatis Febrifugum istud exhibebatur, cujus usus non multum contulit ægris subinde in stupiditatem, & soporem delapsis.

XXXIII. Dysenteriiis porro, quas Anno 1693. per Autumnum Peticulari Febri supervenisse superius dixi, egregiè contulisse Opiatorum usum observavi; nec forsan ulla est Affectio in quâ securius, & liberaliori dosi exhiberi possit hoc remedii genus quàm in huiusmodi morbo, fractis licet, ac penè attritis viribus. Cuidam acerrimâ Dysenteriâ laboranti pluries exhibui Laudanum Opiatum ad 3. & 4. grana, sed parvo levamine; vixerat hic ad plures dies omninò gelidus, ac sine pulsu, vires tamen non erant adeò languidæ, ut huc, & illuc se jactare non posset; verebar ne largiori dosi exhibitum Laudanum, reliquum flammæ Vitalis quæ supererat, restingeret; Laudanum rursus ad grana 5. exhibui, ex quo æger placidè dormivit, & excalesfactus est, quod non tam doloris, qui Dysenterias committatur, sedatione factum crediderim, quàm propter virtutem O-

pii Diaphoreticam. Cum satis obvium esset in hac Constitutione (ac præsertim grassantibus Dysenteriiis, & Verminosâ Affectione) huiusmodi in toto Corpore perfrigerationem, unâ cum Pulsus abolitione, observare, non semel subiit admiratio quare in Ventriculi, & Intestinorum Affectibus, tam frequens si talis perfrigeratio, ac Pulsus obscuratio, non ità verò in morbis Pectoris ut in Pleuritide, cum tamen hæ partes, & ipsæ membranosæ sint, & Cordi proximiores, ni forsan id fiat quòd numerosior nervorum soboles in Intestinis, & Ventriculo implantetur quàm in Pleurâ, & Pulmonum membranâ, & ob doloris sensum acutiorem, tracto in consensum Cerebro, Spirituum Animalium ad Cor influxus intercipiatur, unde postea silente Pulsu totum Corpus perfrigeretur.

XXXIV. Talis fuit huius Purpuratæ Febris Indoles, ac talia Symptomata, quæ multam habent convenientiam cum iis, quæ apud Fracastorium *De morb. Contag. l. 2. c. 6.* leguntur descripta, qui Auctor caput particulare instituens de Lenticulari Febre, quæ Anno 1528. in Italiâ primùm grassata est, mentionem expressam habet de lassitudine, & fractione, ut ipse ait, in toto corpore, sensuum hebetudine, oculorum rubore, pulsu humili, Urina suppressione (quod pessimum signum fuisse ait) macularum circa quartam & septimam eruptione, siti paucâ ac ferè nullâ; hocque præcipuè annotat, Senes paucissimos Febre hæc laborasse, sed Pueros multos, ac Juvenes robustos. Mihi sanè dum capu



illud perlegerem non parvæ admirationi fuit, quòd Febris Lenticularis à Fracastorio descriptæ, & Petechialis nostræ (ut communi utar vocabulo) tam similis fuerit facies, ac ingenium, ut hanc esse veluti sobolem alterius, vel priorem illam redivivam caput extulisse arbitrari quodammodò liceat. Advertens tamen Febrem illam easdem penè Regionibus, & Populos eodem ferè victu utentes infestasse, multaue alia perpendens, quæ refert Vir ille doctissimus, circa illius Febris causas, ut Padi, & Athesis inundationes, fructus, & olera à rubigine exusta, mirari desii; si enim major diligentia in conscribendis Morborum Annalibus à Medicis adhiberetur, iisdem temporum vicissitudinibus recurrentibus, eosdem penè morbos recurrere, & Naturam eundem morem in illis abigendis servare facili negotio observaremus; nam sicut in Politicis, ut ait Tacitus, *potius alii homines, quàm alii mores*, ita in re medica potius aliud hominum, quàm aliud morborum genus.

XXXV. Sicuti autem magnæ tunc temporis fuerunt inter Medicos Disceptationes circa causas illius Febris, & rectum curationis modum, ut penè ludibrio haberentur, veluti ipse Fracastorius refert, cum non solum circa præsidia Chirurgica, & Pharmaceutica administranda, sed etiam circa victus regimen dissiderent, ut apud eundem Auctorem, non sine risu primò, sed postea non sine commiseratione legi potest; sic pariter inter Nostrates Professores non minores fuerunt controversiæ, publicis ob id disputationibus habitis, & quòd ma-

gis dolendum est inter celeberrimos nostri ævi Scriptores magnæ sunt dissensiones circa Febris Purpuratæ causam, & genuinum curationis modum, ex quo satis constat quàm parùm post tot gloriosa Inventa à Fracastorii ævo usque ad nostra tempora Ars Medica profecerit, cum nondum quicquam certi constet de Malignarum causis, & illarum rationali curatione.

XXXVI. Verùm his omiſſis, quæ Medicæ Artis infirmitatem satis in propatulo ponunt, experiamur num detur conjectare saltem, si non statuere, quæ fuerint hujus Febris germanæ Causæ, & qualis esset in febrientium Corporibus sanguinis, & aliorum liquidorum status, & conditio, quod ex habitis observationibus, & morborum eventu elici posse arbitror, quidquid Poeta dixerit, successus improspereos iis ominando, qui ab eventu facta notanda putant. Etenim cum in re Medicâ à juvantibus, & nocentibus securius quàm aliundè potiores petantur Indicationes, Eventum & Experientiam, tanquam Optimos Duces, sequi oportet, siquidem illorum vestigiis inhærendo, tutiori, & compendiosiori viâ Veritatem attingimus.

*Quid norunt homines, nisi  
quantum lumina possunt  
Tendere?*

XXXVII. Cum ergo isthæc Maligna Febris promiscuè cujuscunque sortis homines adorta fuerit, tam egenos, quàm divites, otiosos pariter, ac negotiosos, & in omnibus idem penè Drama luserit, communem fuisse illius causam, procul dubio statuendum est, eamque ex aliqua ex sex rebus non naturalibus licet



deducere. Alimenta quæ Terra suggerit, ut Cereales fruges, Olera, Plantarum fructus, Carnes Animalium (cum ex Herbis, & Terræ fructibus alantur) à rubiginosa lue vitari potuisse, & hoc pacto in massam sanguineam pravos succos invehere, ut exindè malignis Febribus primus fomes succreverit, non prorsus à ratione alienum videtur; at cum in Constitutione An 1690., undè labor hic meus Exordium sumpsit, sævissima Rubigo fruges omnes, & fructus pestifero afflatu absumpserit, neque per totum Annum illum, ne unam quidem malignam Febrem, sive Peticularem, sive sine Peticulis, mihi saltem, observare licuerit, sed tantum Ruralis Epidemia Tertianarum Februm Intermittentium per totam Estensem Ditionem, & proximas Regiones oberravit, ac talis, ut nullus ex Ruricolis penè fuerit qui Tertianæ Febri Intermittenti non litarit, ego non satis video quomodo corrupta Alimenta à rubigali peste pro potissimâ causâ culpari debeant; neque pariter caritatem Annonæ, quæ ad multos Annos Regiones istas exerceret, incusare licet; quamvis enim ex Hippocrate 4. in 2. Epid. in Aeno ob esum leguminum Crura, & Genua multis vitata fuerint, penes nos tamen tam qui pane optimo, quàm qui confusaneo vescebantur eadem peticulari Febre cum iisdem Symptomatibus premebantur.

XXXVIII. Multò minùs Aquas (quarum usus tam necessarius est ad hominum Vitam sustentandam) causari licet: quamvis enim aliquandò Aquæ corruptæ, & vitatæ populares morbos invexerint, hoc tamen

de Aquis nostris suspiciari nequaquam licet; Regiones enim istæ Aquis salubribus abundant, ac præsertim Urbs ista, quæ Divino munere non aliis dato, Fontes habet, qui purissimam aquam, non temporariam, sed perennem æquo semper tenore profundunt, ut in Tractatu meo de admirandâ Fontium Mutinensium Scaturigine satis exposui.

XXXIX. Cum ergo inter sex res non naturales nullam aliam communiorē causam reperire sit præter Aerem, quo nihil communiùs, & æquè necessarium (cum unum, & eundem locum incolentibus diversa esse possint Ciborum, & potionum genera) Aer verò ejusdem ferè sit naturæ, ad occultam aliquam Aeris labem, & inquinamentum recurrendum est, quòd in massam sanguineam tales invexerit dispositiones, ut ad excitandam hanc malignam Febrem satis virium habuerint. Quænam verò, & quales essent hujusmodi Aeris dispositiones non adeò obvium est exponere; profectò in solas Qualitates elementares pravam illius diatesim referre non adeò tantum est, nec animus Veritatis avidus tam facile acquiescit, multòque minùs cum per totum hoc triennium, ut superius annotavi, tam dissimiles fuerint cujusque Anni Constitutiones, ac nihilò seciùs Purpurata Febris eodem ferè tenore tyrannidem suam exercuerit. Pro re indubiâ tamen habendum, Aerem hunc quem inspiramus, ac totam Atmosphæram varias, ac diversi generis particulas, tum ex superioribus, tum inferioribus Corporibus in sinum suum suscipere, Cælum nempe, seu Astra,



ut Solem , Lunam , & reliqua Sydera , lumine suo potissimum , quod inficiari non possumus , in Aere profundere , & ejaculari , ut ex Solarium macularum evanescentiâ licet conjicere , ac Globum Terraqueum eodem modo in ejusdem gremium omnigenas substantias eructare , non tam vi Solaris luminis quod illum plus minus modò in hac , modò in illa parte calefacit , quàm vi caloris centralis , & Ignium quos ipsa Terra intrâ sua Viscera recondit , ex quo conjicere est [ quamvis oculorum acie id percipi nequeat ] nihil esse in hac rerum Universitate quod sit magis heterogeneum , utpotè particeps terrestrium impuritatum , & cœlestium effluviorum , quàm Aereus Oceanus.

XL. Hinc ergò expiscari licet huius nostræ Epidemiæ causam , ex Aere nimirum ab heterogeneis , ac omnigenis particulis hinc inde , ac præcipuè ab Australi plagâ susceptis vitiato , cum hisce Annis Austrini flatus dominatum obtinuerint , silentibus ut plurimum Borealibus Ventis , qui nubila detegerunt , & Aeris impuritates eò repellunt , unde decesserant , ad Australes scilicet plagas , ex quibus omne malum ad nos profectum suspiciari fas est. Quòd verò in hac Tragœdiâ præcipui Actores fuerint Australes flatus hinc connectare licet , quòd dum in hac Urbe , & in campestri regione grassaretur hæc Febris , Villæ , & Oppida ad Collium radices posita satis salubriter degerent , ac veluti in portu litorum spectarent naufragium , utpotè ab Appennini jugis protecta ne Austrinis flatibus adeò infestarentur ,

non ità verò loca in sublimiori parte Appennini sita , sicut & Urbs nostra cum totâ planitie iisdem flatibus magis exposita.

XLI. Quàm malè autem apud nos , ac ferè ubique Auster audire soleat , nemo non novit , cum non solum Medici , sed Populares quoque , tanquam morborum pestilentium Parentem Austrum deprædicent. Quid verò secum ad nos comportet Ventus iste , num gravis sit , ac noxius ob nimiam humiditatem , unde nomen sumpsit. ( Auster enim ΝῆϚ græcè dicitur ) an quia Lybiæ deserta venenatis animalibus infecta transgrediens , ut putat Langius l. 1. Ep. 19. collectum virus ad nos deferat , non tam facile est decernere , id certum tamen , ac ipsis sensibus obvium , nihil magis , ac temporis penè momento Aeris statum immutare posse , quàm flantem Austrum , ut Aer ex pondroso levior reddatur , ac ob id forsitan nobis infensus , & vitalibus muniis minùs idoneus , veluti sat manifestis notis testatur Barometer , nam , ut in Ephemeridibus meis Barometricis hoc Anno 1694. editis annotavi , quoties ex Australi plagâ flant Venti , illicò Mercurius è sua sublimitate ad infimam usque stationem decidit , quâ minor in Barometro non observatur. Cur autem Austrina Constitutio Aerem leviolem efficiat , dum cuncta tunc temporis nimia humiditate diffluunt , quæ sita quidem mihi est ratio , num verò reperta fuerit , ut verum fatear , mihi hæret aqua , ut dici consuevit.

XLII. Austrinam ergo Constitutionem Aerem vitiantem , magis quam



quàm quodcumque aliud culpae licet, ita tamen ut à causis procatarteticis hujus peticularis Febris non excludam Alimenta à Rubigali lue vitata, tanquam communem causam cuicunque hominum generi, illegitimas Anni temporum vicissitudines, ac intemperantias, pluviarum multitudines, verbo, complurium causarum Syndromem, unde humoralis massa à naturali sua temperie degenerans talem dispositionem nacta fuerit, ut hæc maligna Febris emerferit, quæ eò usque perduravit, donec Aere in contrarium statum migante, Sanguis, ac Spiritus crasim priori contrariam adsciverint.

XLIII. Qualis porrò grassante hac Febre fuerit Sanguinis, & aliorum liquidorum status, num ad fluorem, vel ad concretionem potius vergerent, mihi quidem non satis constare visum est. Reverà, si tum recentiorum, tum antiquorum Medicorum Oracula consulamus, tam varia, ac disidentia inter se responsa pro statuenda genuinâ, ac verâ Februm malignarum causâ referentur, ut quilibet ex librorum lectione animo potius distractus, quàm instructus abscedat. Hic mihi non vacat, nec multum refert, longâ nomenclaturâ nostri ævi Scriptores in binas Acies divisos, tanquam ex adverso dimicantes recensere, quorum alii proximam, & immeditam malignitatis causam in sanguinis promptitudine, ob Acidi præpollentiam, & Gorgonios Spiritus, ut ajunt, ad concreendum constituunt, alii in sanguine nimis dissoluto, & ad fluorem evecto ob Sal Volatile, & Alkali acerrimum illi permixtum, adeò ut in hoc

bivio, in quam partem quis se dedat magnos habiturus sit Patronos, quibus causam suam tueatur si non ex voto res successerit. Sic in re tanti momenti qualis est maligni morbi cognitio, tam parum inter ipsos Medicinæ Antesignanos convenit, ut post tot gloriosa Anatomica, & Chymica Inventa adhuc nesciatur quid sit sentiendum, nec quâ sit eundum.

XLIV. Despicatui tamen nequaquam duxerim notionem illam malignitatis, quam experimenta ex Medicinâ Infusoriâ desumpta nobis suggerunt; siquidem acidis liquoribus in Venas Animalium vivorum injectis, & iisdem Animalibus post mortem dissectis, sanguis in Venis, & in ipso Corde concretus, & grumefactus, sat manifestè conspicitur, sicuti liquoribus lixivialibus, & Alchalicis similiter infusis sanguis sine fibris, ac totus dissolutus observatur, adeò, ut ex hujusmodi observatione omnia Venena tam externa, quàm intus genita ad alterutram ex his Classibus satis commodè referri possint. Debebus hoc sanè Medicorum nostræ ætatis solertiæ, qui huiusmodi experimentis, & sensuum ministerio, lucem aliquam mentibus nostris affundunt, quomodo scilicet, & quibus spiculis armentur in nostris corporibus humores alibiles cum venenatam naturam accersunt, & malignas Febres accendunt, ut potis sint modò sanguinem coagulare, modò fundere, atque dissolvere, quod non parvi momenti est, ut in morbis malignis (acri judicio re prius pensitatâ) recta Curatio institui possit, nec indiscriminatim Alexipharmaca exhibeantur, Alchalicis stimulis Equum currentem



interdum incitando, cum Acidorum fæno opus esset.

XLV. Quamvis autem Venenorum naturam, tum eorum quæ propinantur, seu ab Animalibus per morsum, vel alio modo inferuntur, tum illorum quæ in Corporibus nostris progigni solent, & malignos morbos excitant, revera felicius explicent recentiores Medici, quam priores qui a publicum occultarum Qualitatum Asylum provocabant, ac meliori methodo credantur curari maligni morbi quàm olim, corrigendo nimirum per Acida enormitates ab Alchali productas, & per Alchalia quæ ab Acido ortum duxerint, id tamen antiquiores Medicos, non prorsus latuisse censendum est. Ab hisce duabus oppositis in sanguine dispositionibus, nimiâ scilicet laxitate, & adstrictione Morbos omnes deduci, opinio fuit Asclepiadis, ut pluribus in locis refert Galenus, 2. *de Elem.* c. 3. quod idem sensisse visus est Vegetius in *Arte Veterinariâ* l. 1 c. 28. pro medelâ sanguinis nimis adstricti Venæ sectionem commendans. Extat apud Hippocratem 7. *Epid.* n. 39. sat insignis historia, verè memoratu digna, ex quâ satis liquet, priscos illos in malignis morbis, non quæcumque Antidoti nomine insignita essent præscripsisse, ut etiamnum à nonnullis factitari video, qui ubi constiterit Febrem esse malignantis naturæ, Cælum Terræ miscent, nullum non Alexipharmaci genus præscribendo. Malignâ Febre laboravit Nicoxenus, lingua ardebat; ait Hippocrates, calor forinsecus non valde fortis, exolutio Corporis vehemens, vox fracta, ut operosum esset exaudire,

clara tamen, tempora collapsa, oculi cavi, pedes molles, ac tepidi, juxta splenem distensio, Urina clara, decubitus supinus, crura diducta, ac disparata ob exolutionem, penitus trigil. Et quid non ut malignissimæ Febris Ideam quis concipiat? Superstes tamen evasit; at quonam remediorum apparatu, ac molimine Domitor ille Morborum Febrem hanc adeò mortiferam subegit? Potus erat aqua de Farina crassa in ipsa macerata, sed, & de pomis simulque mali punici succus, & lentis torrefactæ, & farinæ lotura cocta. Verba sunt Divini Senis; quibus autem remediis nostrâ hac ætate tentaretur hujusmodi Febris curatio novit Deus; certè timendum esset, ne id contingeret quod apud Plutarchum reprehendebat Erasistratus, ut scilicet ὁμῶς μελαλμικά, καὶ βοτάνικά, καὶ θηριακά, καὶ τὰ ἀπορρήγνους, καὶ θαλάττης εἰς τὸ αὐτὸ συγκεκρανόντες. At quæso Valesii egregii Commentarios expositionem audiamus. *Animadvertendum*, ait ille, aliquandò Febrem malignam cum Exanthematis pituitosam, aliquandò biliosam, aliquandò etiam atrabilariam, & curationem ità variare; huic non tam crassorum, quàm acrium, & tenuium humorum fuisse redundantiam indicavit uestio, & pervigilium. Ob id contulerunt illæ potiones, quæ aliis fuissent adversissimæ; fuisset tamen huic adversissimum Theriaca, uti, aut decoctis, & herbis calidis, quamvis essent Alexipharmaca, ut Dictami, & Scabiosæ, & Cardui benedicti, quod aliis talia solent esse usui.

XLVI. Sicuti autem in determi-



nandâ Malignarum causâ in genere adeò inter se dissentientes sunt Medicinæ Proceres, sic multò minùs in explicanda Febris Peticularis Naturâ, & causis consentiunt; neque recentes ac nostrorum temporum tantummodò sunt Controversiæ; etenim An. 1528. grassante per Italiam Lenticulari Febre, ut Clariss. Fracastorius *l. 2. de Contag. Morb. c. 6.* refert, tanta fuit pro hujus Febris curatione inter Medicos discordia ut penè ludibrio haberentur, cum ob ignoratam Febris Causam, & morem, neque in victu instituendo, neque in ullo remedium genere administrando convenirent, adeò, ut eodem referente, inter has Controversias *magna Mortalium pars, & Nobilitas perierit.* Nostrâ hac ætate, tanquam in binas acies oppositas, Medicinæ Scriptores divisos observo Peticularis Febris naturam, vel per sanguinis coagulationem, vel per ejusdem dissolutionem exponentes. Celeberrimus VVillis, Simon Pauli, Auctores Zod. Med. Gallici, aliique plausibili sanè ratiocinio putant in hujusmodi Febre naturalem Systasim Sanguinis in crassam, ac nimis lentam secedere ob Acidi prædominium, adeò ut, dum Sanguis in Orbem agitur, illius particulæ fixiores à Venarum extremitatibus haud ritè absorbeantur, & captivæ detentæ picturaram cutim efficiant. Etmullerus, Sylvius, Menjotius, aliique hujus Febris, naturam, & Peticularium generationem à fibris Sanguinis dissolutis è suâ statione dimotis, ob Sal acre, & volatile Sanguinem ac fusionem disponens deducunt, quo pacto similiter cruore ab arteriolarum osculis effuso

illius partes tenuiores, tanquam transfugæ, à circulari motu exorbitant, ac sui erroris notas in cute designant.

XLVII. Ne verò in recensendis aliorum placitis ulterius immoretur, arbitrari licet in hac Febre nostrâ Peticulari Cruoris massam ad fluorem potius quam ad concretionem pronam fuisse, cujus asserti præcipuam conjecturam stabilire licet super manifestas notas quas sanguis eductus præferbat, semper enim roseus ac purpureus, nihilque glutinosi præsens, mihi aliisque Professoribus apparuit, tam æstivo tempore quàm hyemali. Cum Sanguis ergo emissus toto Cœlo differret ab eo qui solet educi in quibusdam Morbis, ut Pleuritide, Peripneumoniâ, Erisipelate, aliisque Affectibus interdum Popularibus, in quibus sanguis colore, & lentore vitium suum prodit, mihi visum est, *Oculis magis quàm Opinioni credendum* [ ut ipsius Hippocratis *de Diata. n. 5.* verbis utar ] & accensionem quandam partium tenuiorum Sanguinis, & præcipuè feri è Vasis diffusionem, ex quâ tot symptomatum enarratorum diritas ortum duceret. Talem autem Massæ Sanguinæ adfuisse dispositionem multa alia attestabantur, ut primò quidem quòd truculenta hæc Febris Juvenes habitiores, & succulentos corripere, ut superius annotavimus, Valetudinarios verò, & Seniores præteriret, non secus ac *Præterit imbelles ira Leonis oves.* Seminium enim illud intus per inspiratum, vel quomodocunque ab Aere susceptum, & quod multum Alchalicæ acrimoniæ occuleret promptius dynamim suam exerebat in iis in quibus



quibus Sanguis optimus esset ac particulis spirituosus refertus, quàm in Valetudinariis, & Senibus quibus Sanguis est effœtus, ideoque aptior ad recundenda acuta spicula; quibus armatum erat malignum miasma, quæ forsan est ratio, cur Senes *Pestilentiam minimè sentiant*, ut scripsit Plinius, l. 7. H. N. c. 50. seu Pesti minùs sint obnoxii quàm Juvenes, de quo Zarotus in Martialem. Sicuti enim Vina generosa æstivo tempore faciliùs putrescunt quàm dilutiora (saltem in hac Urbe, quæ ob aquarum subterranearum copiam Hypogæis caret) cum Vinameraca, & generosa sub Aere æstuante ob copiosos spiritus quibus turgent facillimè in Zymosim corruptivam urgeantur, non ità verò Vina Olygophora ob partes aquosas quibus abundè scatent. Talem quoq; Sanguinis Diathesim testabantur Virium subita prostratio, Pulsus parvi, quæ duo satis constant, ac vigent in iis morbis, (ut in Affectibus Pectoris,) in quibus Sanguis per venam Sectam emissus manifestam præbet concrecentiam. Usus præterea Acidorum salubrior compertus quàm Alchaliū, sicuti, & Vesicantium applicatio minùs prospera, ut quæ Sanguini ad fluorem prono stimulos adjicerent idem confirmare videbantur, quibus accenseri potera V. S. parùm salutaris, à quâ ægrotantes Cane pejus, & Angue abhorrebant.

XLVIII. Nec mirum improspere cessisse Venæ Sectionem perstitute hujus modi humorum dispositione, quod ut plurimum in Epidemicis, & Pestilentibus Constitutionibus evenit in quibus Phlebotomia non admodum

benè audit, cum perrarò contingat ut ejusmodi temporibus ad fixitateur humores vergant, ni potius ad liquationem tendant ob aereum Venenum satis tenue, partibus Sanguinis spirituosioribus nimis hostile. Eandem ob causam in omnibus malignis Febris suspenso pede ad Venæ Sectionem progredi solet ob metum ne unà cum Sanguine collabascant Vires; idcirco Celsus de Febris Pestilentis curâ l. 3. c. 7. ajebat. *Sanguinem non facile mittere, Alvum non facile ducere*, ac valdè rationaliter Doctissimus Vir Jo. Baptista Scaramuccius Urbini Medicus Primarius in Theorematis suis Phyllico-Medicis Theo. 1. Sanguinis missionem improbat ubi Sales lixiviales præpolleant à quibus aliqua dissolutio possit emergere.

XLIX. At cur talia è Cucurbitulis scarificatis vereri non licebat, inquiet aliquis, quasi Sanguis per eas emissus non ex eodem fonte prodiret, ac is qui per Venam Sectam educitur, ni forsan floridior etiam sit is qui per Cucurbitulas extrahitur sectis multis arteriis? Non ibo certè inficias Sanguinem per Cucurbitulas ductum vividiorē esse, fuisse tamen proficuum Cucurbitularum usum, quàm Phlebotomiam, non popularis confidentia, sed Experientia quæ ratiociniis nostris per sæpè illudit, satis evicit. Neque suarum rationum fulcimento carebat hoc præsidii genus. In hac enim Febre in quâ humores à Naturâ ab intimis ad extrema propellabantur, hoc pacto magis promovebatur ad Corporis ambitum illorum motus, ac variis in locis incisa Cute expirabat ali-



quantisper occultum illud Venenum quod ad Cutem protrusum inibi hærebat ab Aere ambiente repercussum.

L. Huic præpostero, ut rebar, Cucurbitularum usui & ipse sub initium hujusce Popularis Morbi non parùm obstiti, urgebamque levandam prius per Venæ sectionem Naturam eo quo premebatur fasce, nec intempestivâ Cucurbitularum appositione sollicitandum humorum motum, tempore præsertim ebullitionis; reclamabam Sanguinis missionem nullatenus trahere à circumferentiâ ad centrum, imo toto eo tempore quo aperta sit Vena, majori nisu ad eam partem quàm ad reliquas Sanguinem moveri, fidendumque potius Rationi quàm Eventui, quem Stultorum Magistrum esse aiebat Q. Fabius M. apud Livium. l. 22. At fors melior eorum qui hoc Præsidii genere, vel in ipso Morbi principio, utebantur, vellebat Aurem, monebarque vertendum Stylum, nec tanti faciendas esse rationes confictas, quanti Experientiam ipsam. Extant sanè multa apud Auctores de Cucurbitularum usu, ac si placet etiam de abusu (ut Hyppolitus Obicius in suo libro de multiplici in Medicinâ abusu) c. 7. ac re vera omnes ferè in acutorum Morborum principio (nisi prius per V. S. plenitudini provisum fuerit) illarum usum improbant. Fracastorius tamen in Febre Lenticulari, quæ ipsius ætate, ut superius memoravimus, pervagata est, Venæ Sectioni parcendum volebat, ubi præsertim valdè sparsa contagio esset, & Cucurbitularum appositionem commendabat, nisi magna adesset plenitudo. Quanti porro faceret in hac

Febre Cucurbitularum usum P. Alpinus ex solo capite quod in libro de Medicinâ Ægyptiorum l. 2. c. 16. instituit, dignosci potest; disquiri enim, *An errent Ægyptii Medicinum utentes Cucurbitulis pro adjuvanda Exanthematum eruptione*; ex recentioribus verò P. Borellus annotavit Anno 1648. Febres malignas Epidemicas purpuratas cum magnâ clade grassatas fuisse, & frequentem Cucurbitularum usum valdè profuisse.

L I. Hinc mihi visum est considerandas non esse Peticulas ut simplex Malignæ Febris signum, veluti communis fert opinio, nec à Criticarum excretionum censu excludendas, quod ex Clar. Diemerbroechii observatione, qui Peticularum historiam egregiè absolvit, confirmari potest; refert enim hic Auctor sibi observatum in denatis ex Purpuratâ Febre partes omnes internas Peticulis obsitas esse; quod tamen multò ante, si non oculorum, saltem mentis acie, pertigerant Vallesius in historiâ Simonis, Ballonius in suis Epidemiis, Fernelius in libro de Febribus. Mihi quidem Cadaver ulum diffecare non licuit, ut ex autopsiâ peticularis hujusce diffusionis per interiora Corporis certior fierem, (quando apud nos nullo pretio quisquam ex Plebeculâ Cadaver aliquod ex suis domesticis pro simplici inspectione permetteret) constans tamen observatio, quòd ii qui ex hac tempestate evaserunt per nullam sensibilem humorum excretionem convaluerint, ut superius annotavi, sed per solam Peticularum suo loco, & tempore apparitionem, ac per totum corpus expansionem, lentamque ca-



rumdem evanescentiam, ad credendum compellit, Naturam post factam primis diebus justam humorum ebullitionem virulentum illum ichorem despumasse, ac illum primò quidem in partibus internis, mox in externis quoque deposuisse, ut hoc pacto per mille Arteriarum oscula tetro illo miasmate exantlato tota massa sanguinea pristino suo nitori redderetur. Curiosum autem est id quod Diemerbroechius refert sibi in Cadavere ex hac Febre extincto observatum, nimirum, maculas hasce ab ipso Perioestio initium ducere, & latâ basi instar fumi Lampadis recenter extinctæ.

LII. Non tam modicum igitur esse illud quod in Peticulari Febre è sanguineo penu secernitur censendum est, imò toto eo tempore quo hujus morbi historia absolvitur, talem esse diacrisim, quæ in Criticarum censu reponi possit, quamvis non adeò sensibilis sit, ut reliquæ evacuationes criticæ, tum ob materiæ tenuitatem, quæ insensibiliter expirat, tum quòd illius pars major per interiora Corporis diffundatur, in cute Pyramidis tantum apice apparente: Sic non ineptè explicari posse crediderim superius enarrata Symptomata, quæ Febrim hanc comitabantur, sicuti & modum quo Natura harum Februm curationem moliebatur; Dorsi enim, ac totius Corporis lassitudo, qualis in Febris, quæ *περιώδεις* dicuntur, non aliunde quàm ab ichore illo ab Arteriarum osculis in membranas, & musculorum fibras refuso ortum ducebat, sicuti & Præcordiorum Anxietas, Faucium ardor, Aurium surditas, Mentis stupor, ab eadem ma-

teria pendebant ad partes transmissa ubi functiones Animales, & Vitales exercentur. Cum enim Natura totum Venosum genus à pravo illo miasmate expurgare veller, non unam sibi viam eligebat, quò noxios humores eliminaret (ut aliquandò per Vomitus, Alvi fluxum, Urinarias vias, Cutis poros solet efficere) sed tot sibi fores aperuit quot sunt Arteriarum oscula, id circò omnes ferè Corporis partes noxam sentiebant, donec rejectamentis illis discussis priorem tonum recuperarent. Cum hoc modo itaque in hac Febre expugnandâ Natura procederet, mirum non est si suspenso pede ad Venæ sectionem, aliaque remedia administranda procedendum erat, ne distraheretur Natura, & cur felicius res cesserit Medicis sanguinis abstemiis quàm Phlebotomicis, quam ob causam Pagani facilius evadebant, quàm Urbani qui per sæpè medendo ægrescebant.

LIII. Ubi verò malignum illud Virus præpollebat ad internecionem usque spirituum Animalium, & Vitalium cuncta in pejus citissimè ruebant, Peticulis seu vix se prodegentibus, seu subito evanescentibus, quibus præstò aderant summa virium prostratio, Asphyxiæ, totius corporis perfrigerationes, Singultus, & Ischuriæ spuræ, quæ satis frequentes fuerunt; cessante enim Spirituum Animalium influxu, & feriente Corde à naturali motu, nullus fiebat arteriosi sanguinis ad Renes appulsus, & consequenter nulla seri secretio; qui autem ex hac Febre occumbebant pleni, & succulenti, ut diximus, efferebantur, eò quòd non ingens esset



calor, qui Febres istas comitaretur, (quam ob causam non admodum fitterent) & quia pertenuis esset quod per transpiratum exhalaret. Cur verò decreſcente Lunâ, ac eâdem ſilente, magis ſæviret hæc Febris (ſi in re tam obſtruſâ licet aliquid conjicere) id fieri potuiſſe crediderim eò quòd ſicuti in Macrocoſmo dicitur Luna Gubernatrix tenebrarum, & mobilis undæ, cum illi uni Æquor obtemperet, ſic ſuper Microcoſmi limpham dominatum obtineat, & quemadmodum *omnia in Plenilunio Maria purgantur*, ut ait Plinius, *l. 2. H. N. c. 98.* ità in hac Febre, dum Luna pleno lumine vigeret, ſanguineum ſerum in motum ciceret, unde promptius macularum eruptio, & totius maſſæ humoralis repurgatio contingeret, ejus verò lumine deficiente, ac per totum tempus illune, ſegniùs moverentur humores, ideoque minus apti ad exitum, & ſic concluſi Febrem augerent.

LIV. Quoad reliqua Symptomata, quæ hiſce Febribus in progreſſu ſuperveniebant, ut Singultus, Alvi fluxus, Verminofa ſoboles, hæc non ſolùm morbi ſævitiam prodebant, ſed primam regionem crudis humoribus oneratam fuiſſe demonſtrabant, propterea blanda purgatio, non Mochlica, in principio harum Februm Peticularium non proſus fuit incommoda quamvis caſu inſtituta, nec credita Febribus hujus proſapiæ multum conferre; leniter enim educatâ humorum Saburrâ in ſtomacho contentâ, Natura exinde ad perficiendum opus ſuum pro maſſæ ſanguineæ à pravo miaſmate expurgatione per macularum diffusionem ad cutem uſque faci-

lius procedebat. Hoc documentum blandæ purgationis in principio vel neglectum, vel parùm ſalutare creditum, non levi damno ægrotantibus fuiſſe crediderim, præpeditis enim, ac conſpurcatis primis viis, Cardiacis remediis, quibus oppugnanda erat Febris, præcludebantur fores, vel iis non licebat Cruoris ſedem, & Cordis penetralia nonniſi deturpatâ facie ſubire. Hanc ob cauſam ſuſpecta ſunt Alexipharmaca in Malignarum principiis niſi ab obſtructionibus expeditæ ſint viæ, ut apud Galenum, *ſ. de San. tu. cap. 6. Septalium, Caut. Med. l. 5. num. 47. l. 2. c. 13.* & alios videre eſt, quidquid in contrarium ſentiat Manelphus in libro ſuo de Febribus.

LV. Haud me latet non adeò probari à multis in principio harum Februm purgationem hanc per Medicamenta Sympneſina dicta, ut P. à Caſtro in aureo ſuo Opuſculo de Puncticulari Febre, ubi in ſpecie Electuarium Lenitivum improbat, Antonio Ponce S. Cruce, Valleſio in commento hiftoriæ Simonis apud Hippocratem, ac inter recentiores Etmullero, qui ſuſpectos habet in Purpuratis Febribus Clyſteres ipſos, nedum Purgantia; non deſunt tamen qui levem purgationem admittant, ut Septalius qui Galenum *l. 5. Anim. n. 47.* ipſum teſtem adducit in famoſâ hiftoriâ Simonis, cui *lata Exanthemata erant*, purgationem aliquandò commendantem.

LVI. Uſus porrò Peruviani Corticis parùm ſalutaris compertus eſt, vel quòd tunc temporis exhiberetur cum ſtimulo opus eſſet non fræno, dum Remedium iſtud, ut diximus, præ-



præscriberetur in Febre lentâ Peticulari Febri non benè judicatae superstitie, vel quòd tale præsidii genus Febribus hujus profapiæ non conveniret. Variè profectò audit, ac variam experitur sortem, vel in iisdem locis, ac regionibus, famosum istud Febrifugum, ut eodem tempore laudetur ab his, culpetur ab illis, & modò probrosis, modò magnificistitulis vocetur. Medicinam dolosam Peruvianum Corticem vocat Villius *de Feb. c. 6.* Richardus verò Mortonus Medicus Anglus in *Pirethologia*. Plantam è quâ detrahitur Cortex iste, Arborem Vitæ appellat; num id contingat ob remedii inefficiam, quòd non omnibus Febribus, nec in quolibet temperamento conveniat, an ob Medentium incuriam, qui non ritè suo loco, & tempore illud exhibeant meritò ambigi potest. Meherclè omne Februm-genus tam magnas, quàm parvas, intermittentes pariter, ac continuas gladio hoc Delphico jugulare velle summa dementia est, & funesti casus ubiq; memorantur, in quibus China China inauspicatò assumpta Agrotantes, vel inopinatò sustulit, vel ad insanabiles Aegritudines sensim deduxit. Cautiones certè notatu dignas pro recto Chinæ Chinæ usu videre est apud Celeberrimum Etmullerum in Dissertatione de usu, & abusu Præcipitantium, ubi Spiritum Salis Armoniaci proponit ad excitandam Febrem à Chinâ Chinâ sopitam, quotiescunque, Abdominis dolores, Artuum ostocops, Alvi occlusio, nocturni sudores, aliaque mala supervenerint; refert enim observatum Spiritum Salis Armoniaci Febre ab hoc Cortice fugatas prom-

ptè revocasse. Non est hujus loci in usum, & Naturam tam celebris Febrifugi altius inquirere, solum hac occasione memorare libeat, annotasse me in primâ meâ Dissertatione de Constitutione Anni 1690. (quod ulteriori observatione confirmatum comperi) in frigidis & humidis Constitutionibus, quæ Corpora nostra crassis humoribus infarciunt, parum salutarem esse Corticis Peruviani usum, in calidis verò, & siccis Constitutionibus, in quibus humores aliquo egent sufflamine, Remedium istud egregiam operam præstitisse.

LVII. Quamvis autem in hac meâ Dissertatione præcipuam curam impenderim, ut hujus malignæ Febris, quæ tamdiu pervagata est, indolem, ac genium explorarem, & exponerem quibus præsidii illius oppugnatio tentata fuerit, non ideò tamen inficias ibo multas alias graves Aegritudines sporadicæ eodem tempore hunc vel illum afflixisse, ac etiam sustulisse, quales sunt morbi particulares secundum varia Anni tempora, ut Æstare Cholerae; Autumno Febres erraticæ, & Quartanæ, & modo modo morbi Hyemales, & Vernales, sed quia in iis nil Epidemici annotare licuit, eos propterea silentio transigere volui, quandò illorum Theoria, & Therapœja apud Præcticos Scriptores satis vulgata est, nec illorum curatione quicquam magis desideratur quàm Medentis judicium, & prudentia. Quia verò in morbis vulgaribus (qui ut plurimum satis vulgati diligentia tractari solent) memorandum illud τὸ δεινόν Hippocratis delitescere video, in illorum in-

da---



dagine potissimum mihi desudandum fuit, nec unquam desistam quin Professores exhorter, ut in hunc Campum pedem immittant ubi non spicilegium, sed segetem amplissimam contemplationum semper invenient, & quæ ipsis decori, & ægris saluti futuræ sint.

LVIII. Ad duos fines nos militare scripsit Divinus Senex, *in Epist. ad Cratenam. unum Hominis, alterum Artis*; nostrâ verò hac ætate nescio quo genio; Medentum Primores in rebus quæ decus quidem aliquod Arti, sed nullum pænè Ægro- tantibus præsidium possint inferre sunt occupatissimi; cum enim toti sint in minimis explorandis, ac tanquam in haruspicinâ ad extispicia intenti, ex Viscerum fibrilis Naturæ opera, ac magisteria alioqui indeprehensibilia divinare præsumant, ad gloriam, & nominis celebritatem aucupandam solum incumbunt, quasi eò res deducta fuerit, ut in re Medicâ non nisi Professoribus, exercendi ingenii, & famæ comparandæ locus relictus fuerit. Quid si Aristophanes hodiè viveret? quibus Salibus, curiosam hanc diligentiam non perfricaret? liceat referre illius Versiculos, qui in sua puritate plus habebunt leporis, & energiæ; interrogatus ergò Socratis

Discipulus à Therpsiade per quamnam viam canerent Culices, num per superiora, an per inferiora.

ἔφασκεν εἶναι βρύτερον τῆς ἐμπύδου  
 σενὸν διαλέπει δόντ' αὐτὲ τὴν πνοήν.  
 βία βαδίζειν εὐδὺ τὸ ὑρροπυγίαι.  
 ἔπειτα τοκοίλον πρὸς σενῶν προσκείμενον,  
 τὸν βρωκτὸν ἡχεῖν ὑπὸ βίας τῆς πνέυμα-  
 τος.

Idest ex versione Andreæ Divi Justinopolitani.


*Dixit esse Intestinum Culicis  
 Angustum, per parvi aulem  
 existentis ipsius spiritum  
 Vi ire recta in podicem,  
 Postea concavum ad angustum  
 adiacentem*

*Podicem sonare à vi spiritus.*

LIX. Absit tamen quòd Anatomicam indaginem tanquam laborem improbum traducam, solum dolendum videtur, quòd cum Spartam hanc satis ornatam, & excultam esse pateat quantum Praxis Medica exigit, omnes ferè qui ingenio magis præstant in id usque ad temporis dispendium incumbant, cum ad alia magis usui futura mentem ac vires possent intendere, inter quæ non postremum sanè locum meretur Epidemicorum Affectuum Historia, quâ nihil in re medicâ forsàn magis desideratur, & minus excolitur.







# HISTORIA EPIDEMICA

## GERMANIÆ.

*Constitutio Epidemica Augustana Anni 1695.*

Dn. D. LUCÆ SCHROECKII,  
Academ. Cæsar. Leopold. Nat. Curiosorum Præsidis.

**P**Ræclarum institutum, quo singulorum Annorum Epidemias erudito calamo conscribere nuper incepit Italiæ suæ ornamentum, Illustr. D. Bernadinus Ramazzinus, Archiater & Professor Mutinensis meritissimus, insigni utilitate cum se se commendat, simile quid etiam in Germania nostra moliri, & breviores de epidemica Annorum constitutione Relationes exhibere dum intendimus, idem circa dilectam Patriam meam, Augustam, vicinumque districtum, quantum observare mihi datum fuit, simplici historia fideliter tentare, simulque Nobilissimos meos Dnn. Collegas Naturæ Curiosos ad similem, observatâ possibili brevitate, præstandam operam humaniter invitare libuit. Eò majorem autem ad hoc persensu stimulum, cum nostri quondam Nestoris I. celeb. Dn. Georgii Hieronymi VVelschii manuscriptus libellus, quem *Epidemica Vindelica* inscripsit, ab Anno Chr. usque ad 1677. in manus meas devenerit; quem laborem mihi hucusque continuare placuit. Quamvis autem hæc in publicum emittere

nunquam animus mihi fuerit, VVelschianis illis partim nimis succinctis, partim & imperfectis existentibus, meis autem Collectaneis in propriæ solùm memoriæ subsidium destinatis, si tamen vel tantillum utilitatis in Rem medicam ac Posteritatem inde resultare posset, publico, quaecunque demum fuerit, haud denegabo.

Ut autem Anni 1695. statum exordiar; postquam Solstitium hyemale frigore intenso Annum 1694. terminavit, non minus insequens Annus, multis nebulis comitatus, frigore molestus intravit; & quamvis paulò post temperatior aura, Zephyro flante, quin & pluvias adducen-  
te, redderetur, Euro tamen & Austro circa finem Januarii St. Greg. nives spargentibus, insignes frigoris molestias denuo persensimus, eaque, licet post Bacchanalia mirior aura per aliquot dies spirasset, usque ad Æquinoctium vernale perferre coacti fuimus. Unde in hac aëris anomalia non potuit non insignis in sâguine mutatio contingere, & cum primis lymphæ non tantum ab intromissis ex pluviosa constitutione copiosioribus aqueis



moleculis multum augeri, sed calidiorem etiam ob auram magis rarefieri, quam tamen frigidior superveniens denuo condensare, inque liberrima transpiratione impedire, ac passim stagnationem inducere valuit: quo in statu cum nec digestionem aut debitæ secretionem sufficienter celebrari, nec sanguinis motus placide promoveri, spirituumve puritas aut vigor conservari queat, facile colligere datur, quàm variæ in œconomia animali & vitali turbæ excitentur, eò graviores futuræ, si unâ impuriore, salsæ sulphuræque lateant particulæ, quæ hinc fermentatione conceptâ malignam vel venenatam quasi naturam induant, aut etiam latentem antea malignam auram suscitant. Cum verò aliquot jam per annos tale quid in urbe nostra sedem fixisse comperiamus, ut, licet cessare nonnunquam per unam alteramve septimanam videatur, mox tamen exferere se denuo incipiat, quin & contagio se haud obscurè propagare nitatur, experientia nos edocuit, toto hoc tempore febres continuas fuisse obortas, quæ majori ex parte malignitatis notas, tum consuetis symptomatibus, tum maculis peticularibus ostendebant, quibus aquosæ pustulæ, ut plurimum dum morbus ad declinationem vergeret, cum nova caloris symptomatumque exacerbatione, in multis superveniebant: paucissimi erant, qui per morbum delirabant; in plurimis pleuritidem primò vel catarrhum mentiebatur morbus; quamvis etiam tum temporis, præter arthritides vagas, pleuritis non infrequens esset, & aliquos graviter, quin & pustulis illis milia-

ribus malignis simul affligeret. Dira etiam intermittentium febrium, quotidianarum, erraticarum, & tertianarum cohors urbi incubuit. Quæ morborum facies, remissior equidem in vere, frigidâ cum mitiore aura semper reciprocante, continuabat; quibus, ex ejusdem feri hîc ibi stagnantis, & glandulas inundantis ad coagulum pronitate, catarrhi pectori infesti, & nonnullos cum febrili effervescentia occupantes, accedebant; quotidianæ verò & erraticæ febres, hecticarum ferè æmulæ, magis magisque se diffundebant, atque ægrotos in juvenili ac teneriori ætate constitutos graviter affligebant, Medicisque ob mali pertinaciam multum negotii, ferè usque ad autumnale Æquinoctium faciebant: aderat in omnibus circa orificium ventriculi superius præcordiorum compressio, appetitus prostratus, virium lassitudo, corporis extenuatio, caloris incerto, vespertino tamen ut plurimum tempore exacerbatio; in quibusdam exiguus hujus, in aliis ferè continuus sensus, sudoris rara eruptio, ardor verò & dolor tensivus manuum ac pedum ægros admodum torquebant: nec paucierant, quos, perseverante adhuc morbo, loquela, sine deperdito tamen linguæ motu, destituerat, aliquibus etiam surditas, & aliqualis sensuum interiorum stupor, per plures dies, vel duas tresve hebdomadas accesserant; malo hoc postea, recedente febre, sponte quasi iterum cessante. Medicamenta autem quæ acorem præternaturalem atque lentorem lymphæ, non negligendo ea, quæ genus nervosum ac spiritus confortare &c. poterant, ex gr. spec-

cificum



cificum antihecticum Poterii, gammarorum lapillos, elixirum proprietatis beat. nostri Clauderi, essentiam corticis Peruviani &c. proficua deprehendi; sicut Tincturam bezoardicam D. Mich. sal cornu cervini volatile, essentiam mumie Clauderianam, Diascordium Fracastorii, Theriacam coelestem Greiffianam, pulverem Sabaudicum, rubeum Pannonicum, cum antimonio diaphoretico, unicornu fossili & marino, pro subjectorum & symptomatum varietate, in tempore & providè propinata, non inefficacia in malignis fuisse, experientia docuit.

Cum Sol Gemellorum signum ingrederetur, & crebrioribus pluviis perfunderemur, Catarrhi frequentes esse cœperant, consillarum inprimis intumescentiam inducentes, [consuetisque feri coagulum externè & internè solventibus medicamentis obtemperantes,] præcipuè cum frigus insolitum, de quo alibi locorum non minus passim conquerebantur, æstatem subinde odiosam reddidisset.

Circa Æquinoctium autumnale, itidem frigore molestum, humorosum convulsivum asthma in puerilem ætatem sæviebat, aliquos etiam trucidabat. Postea tamen, licet haud clementior esset aëris, pluviosa nempe & frigidiuscula ut plurimum tempestas, imò post medium Octobrem, totum insequentem mensem, nec non dimidium Decembrem frequentissimæ nebulæ; ac per plures sæpe dies continuæ aërem occuparent, Morbo attamen magnas dabat inducias; quæ verò collectâ interea ex vaporosis istis halitibus novo infirmitatum adparatu & ferosâ colluvie, eò acrius in-

surgebat, & Sole Scorpionis signum egressuro, arthritides vagas, rheumatismos, in quibusdam intenso dolore nucham frequentissimè autem pectus tussi graviori excruciantes, in senibus quoque apoplexias fortes letales accersebat; quin & febres denovo malignæ, petechiis & pustulis stipatæ, hætenus rariores observatæ, majori jam impetu pluribus insultabant, cephalalgia in principio morbi vehementi, brevi tamen recedente, intensis docti doloribus, præcordiorum compressione, tussi, alvi constipatione molestæ; cum interea urinæ color non multum à statu naturali recederet, vel justo dilutior compareret, nec pulsus admodum irregularis esset. Frigore autem ultimum Anni mensem, satisque intenso ejusdem exitum comitante, pacatiora rursus tempora, atque populariter grassantibus morbis liberiora sequebantur; postquam febrium malignitas supradictis remediis; rheumatismi autem infusi thee, aut analogi veronicæ, betonicæ &c. succinatorum, saliumque volatilium urinosorum, non neglecto, ubi opus erat, moderato opiatorum, inprimis pilularum de cynoglossa Nic. usu; arthritides denique cinnabarinis, antimoniatibus, lumbricatis, quin & cum in quibusdam febrilem aliquem insultum alternis diebus deprehenderem, kin-kina, quibus subinde blandior ex poco scammonii sulphurati & antimonii martialis fixi pulvere alvi laxatio interponebatur, atque dolorum sævitia per demulcentia inprimis cataplasmata (spirituosis & oleosis eam magis exasperantibus,) mitigabatur, essent devicta.



Cum etiam Excellentissimorum  
Dominorum Collegarum Curiosorum  
aliqui petito meo, in simili materia sub-

mittenda, benevolè subscripserint, eo-  
rundem historias subnectere, & ordine,  
quo fuere transmissæ, adducere lubet.

*Constitutio Epidemica Hassiaca Anni 1693. & 1694.*

Dn. D. MICHAELIS BERNARDI VALENTINI,  
*missa die 5. Januarii A. 1695. Gissâ Augustum Vindelicorum.*

Præcedente Hyeme pluvioso, sed  
in fine gelidissimo, sub primo Vere &  
insolitus æris fervor ingruerat, qua-  
lis & per omnem æstatis cursum ob-  
servabatur: quæ mutatio subitanea  
non poterat non inæqualem & præ-  
ternaturalem humorum & spirituum  
motum causare, quem & hominum  
& brutorum strages insecuta est. Bo-  
ves sanè & vaccæ catervatim succum-  
bebant, cujus rei causa statuebatur  
inter alia ros corrosivus, lintea ma-  
culis plus minus luteis conspurcans, &  
omnino corrodens, de cujus ætiolo-  
gia elegantissimè D. Ramazzini. Ex  
carnificum observatione plerunque  
phtisi pulmonali uocabantur, ad qu-  
am sine dubio haustus frigida copiosi-  
or post æstum intensissimum multum  
contribuere poterat. Hominibus præ-  
ter dysenteriam & febres malignas sub  
finem Junii & initium Augusti heic  
locorum infensa erat febris quædam  
intermittens, ut plurimum tertiana,  
sive simplex sive duplex, solo ferè  
calore molesta, ut à plurimis ab acu-  
tis vix distingui potuerit. Præceden-  
ti enim levi friguscule calor intensi-  
ssimus, virium summa prostratio,  
anorexia &c. accedebant, quæ præ-  
missio vomitorio, corticis Peruviani  
usu plerunque curabantur, cui regu-  
lus antimonii medicinalis quandoque  
præmittebatur, Venæsectio, quam  
vel ipsi urgebant aliquando ægri,

nunquam non noxia erat, morbum-  
que protrahere, aut ad minimum  
lummam, fugatâ licet febris, virium  
debilitatem inducebat.

Hanc sequabatur paulò alia

*Constitutio Anni 1694.*

in qua Hyemem satis inclementem  
calor Veris extraordinarius excipie-  
bat, ut arbores brevi admodum in  
flores se induerent, qui tamen om-  
nem, quam primùm injecerant, spem  
eludebant, postquam frigore subito  
superveniente profus emarcuerant.  
Sequebatur Æstas summe calida, quæ  
ultra hominum memoriam vix sicci-  
or observata fuit, sub cujus cursu mor-  
billi, sed benigni ferè moris grassa-  
bantur, aut iponte aut bezoardicis  
& expellentibus solitis cedentes, in  
quibus tussis & asthma præprimis erant  
molesta, quæ spiritu salis armoniac  
anifato, seu ut hic locorum audit  
spiritu pectorali anifato optimè siste-  
bantur. Annonæ summa fertilitas  
duplicato modum infarciens, quæ  
frumentorum caritas heic subito lu-  
blata fuit. Autumnus & Hyemis ini-  
tium pluviis crebrioribus madebant  
variisque catarrhis, pleuro-pneumo-  
niis & febribus malignis à milite è ca-  
stris ad hyberna redeunte fere allati  
plurimisque funestis erant molesta  
quæ omnia frigus horrendum su-  
cepti modo anni 1695, initia excepit

*Consti*



*Constitutio epidemica Basileensis Anni 1695.*

Dn. D. JOHANNIS JACOBI HARDERI,  
*missa d. 20. April. A. 1695. Basileâ Augustam Vindelicorum.*

Morbi, qui cum hyemali tempore, tum eodem jam finito, epidemicè ferè grassabantur, sunt colicæ passionēs pertinaces: apud infantes vomitus, ceu variolæ essent erupturæ. præcedente horrore, inde icterus cum dejectionibus verminosis: apud

adultos quoque febres verminosæ: jam verò præter febres continuas ac intermittentes, pleuritides & pleuro-pneumoniæ: singuli aeris variam constitutionem, & subitanæ immutationem, pro secunda matre agnoscences.

*Constitutio epidemica Berolinensis Anni 1695.*

Dn. D. GUSTAVI CASIMIRI GAHR LIEP  
von der Mühlen /

*missa d. 5. Januarii A. 1696. Berolino Augustam Vindelicorum.*

Dn. Præside me ad id excitante, 1. Januar. 1695. (22. Decembr. 1694.) cœpi diuturnam mutationem aëris ac tempestatum notare, ac observavi à plenilunio die proxime præcedenti 31. (21.) Decembr. illucescente frigus, quod hætenus satis temperatum fuerat, paulatim invalescere, nivibus subinde permixtum. 8. Januarii (29. Decembris) autem, sub ultima quadra acre nimboſo rursus parumper remittere. Sequentibus verò diebus denuò ingravescere, moderato tamen adhuc ad usque novilunium 14. [4] Januarii ingruens. Quod subitam gelu remissionem cum nivium ac ventorum copiâ; postea nubilo cœlo gelu iterum moderatum biduum circiter durans ad meridiem usque 18. (8.) induxit. A quo solutâ rursus glacie vix medii diei inducias dedit; Nam redintegratis viribus revertens primam Lunæ quadram in 22. [12] incidentem cum pertinentibus illuc diebus, rigoroso gelu transe-

git, ut & plenilunium 30. [20.] lucens, sicq; primum hunc mensem finiit.

Alterum eodem vigore inchoans ultimamque quadram 7. Febr. [28. Jan.] orientem ad 13. [3] usque transiens, atque remissionem sic unius, viginti quatuor dierum, nonnunquam tamen paululum mitigato, rigore pensans duravit. Tum verò accedente eodem die 13. [3.] novilunio, rursus aliquantulum remittens pluviis glaciem quam tot diebus gelu pepererat, unica die liquans, ac parum quod ejus restabat, copiosâ nive intermixti, quoque procellis regens, mox inſequenti mane ad ingenium rediit, perque biduum gelando continuavit. Mox verò 17. [7.] rursus remisit; Ast ſequenti die denuò redintegrato vigore, primâ quadram 20. (10.) apparente, nec quicquam obſtante ad 23. (13.) usque perrexit. Quo die remiſſo paululum rigore pluviâs nivibus ſuccenturiavit.



u. i. tantum die : Graviori enim impetu interpolatis subinde sereno cœlo-nivibus ac quandoque ventis irruens, quattriduum ad 28. ( 18 ) usque hujus secundi mensis adeoque ultimum perstitit.

Quo die à violentia priori desciscens nivibus ac grandini pluvias intersperfit, sed sequenti 1. Martii ( 19. Febr. ) cum plenilunio denuo vim pristinam induens non modo pristinum exeruit robur, sed & auxit. Verum vix biduum servavit, ab illa sævitia 3. Martii ( 21. Febr. ) deficiens, ac nocturnum frigus & quandoque gelu diurnis pluviis ac nivibus temperans, reliquum illius quadræ & sequentis postremæ 8. Martii ( 26. Febr. ) apparentis ad novilunium usque 15. [ 5. ] accedens vario & mutabili cœlo transiit. Tum priorem indolem Borea flante induit, sereno cœlo gelu, nocturnum præcipuè, satis validum reducens ad post primam quadram 22. ( 12. ) radiantem ad 24. [ 14. ] usque continuando. Inde variam cœlo faciem sumentem, nunc serenam nunc nubilam, nunc undosam, nunc siccam, nunc tranquillam; nunc turbidam cum plenilunio 30. [ 20 ] lucente & sequenti die 31. [ 21. ] Martium cum trimestri primo terminante, ad ultimam usque quadram etiam 6. Aprilis [ 26. Martii ] subsequenter, die noctuque alternando frigus moderatum calore temperavit.

Morbi hujus primi trimestris initio reliquæ fuere præcedentis varii & inconstantis autumnii, diarrhœæ, dysentericæ, febres variæ, & quartanæ præsertim & duplices tertianæ, erraticæ nonnullæ. Quibus sese jun-

xere pleuritides, peripneumoniæ sed raræ, tussis sicca & humidæ harumque soboles phthisis ut & hæcticæ sed paucæ, malignæ item febres variolis præcipuè, morbillis, purpura, nonnunquam, rarius tamen petechiis, sic satis adhuc benignis, intermixtis. Tertio mense accessere prioribus etiam apoplexiæ subito quosdam sperimentes & paralyses quandoque reparabiles, catarrhi contumaces ac tussis implacabiles, arthritides vagæ valde contumaces & dolores ac defluxiones aliæ scorbuticæ pertinaces, plerique tamen horum morborum præter variolas sporadici fuerunt non Epidemici.

Secundi trimestris exordium à primâ Aprilis ( 22. Martii ) ad prædictam ultimam quadram 6. Aprilis [ 27. Martii ] accedentem usque de amœnitate præcedentis mensis participans ac veris verum initium exhibens, cum prædicta ultima quadra degeneravit, ac ingratum denovo frigus nocturnum, aërem tempestuosum, nives, grandines, pruinas, similesque inacceptos Veri hospites advexit, ad 10. Aprilis. [ 31. Martii ] usque, qui Æthere mitius paulò aspirante pluvias lenes, frigidas tamen adhuc, sparsit. Sequentes duo pluvias vento impetuoso ac frigori haud usque quaque grato miscuere, atque aëri turbulento, non tamen planè gelido, æ novilunio 13. ( 3. ) Aprilis tranquilliori cœlo, moderatiorique frigore placidè ingruenti præmiserunt. Verum 14. ( 4 ) ad pristinum statum tetricum, turbidum, frigidum & immitem rediens 15. [ 5. ] gelu nocturnum ac serenius paulò cœlum induxit. Cui mox gravius gelu nocturno



Sturnum sudo interdium mitigatum per biduum, huicque; rursus aer temperatus ac serenus alterum biduum durans successit. Quod nubilum rursus & frigidum excepit, succedentibus nocte sequenti nivibus, quas primæ quadræ 21. [11.] appropinquantis prodromos mane pluviae sunt subsequutæ, à meridie cœlum relinquentes nubilum, in pruinosam noctem declinans inque temperatum insequens manè ac vernal tandem de die aërem desinens. Qui post noctem placidam ac manè ventos nonnullos pluviolis madentes, amœnum postera die produxit 24. [14.] per biduum durans, tandemque tertiâ 26. [16.] die in æstivum ferè Solis ardorem, pluviae admodum fertilis prænuntium transiens. Cui gratum successit sequentibus diebus sudum pluviis nonnullis irrigatum ad 29. [19.] usque plenilunio tum lucente, ac ventorum aliquid blandorum, etefias dixisses, intercalante. Sequens dies serenûs tonitru pomeridie inexpectato & maturè nimis pluvia copiosa stipatum, primâ hoc anno vice submisit, sicque finem primo huic secundi trimestris mensi imposuit.

Sequens 1. Maii [21. Aprilis] amœnâ serenitate inclytus, successorem habuit sui ferè similem, paulò tamen magis nubilum & frigidum, peninde ut & reliquos temperato & vernali cœlo Soleque calente abblandientes ad 5. Maii (25.) Aprilis ultimæ quadræ dicatum. Cui nubiloso & sparsis subinde pluviis ab amœnitate illâ degeneranti, procellosum & frigore pluviis ac nivibus inacceptum accessit biduum. Illique rursus ad 10. Maii (30. Aprilis) ingratum frigidum, udum

ac pluviosum cœlum. Donec 13. [3.] Maii appropinquans novilunium post temperatum sereno magis aëre unicū diem inconstantem & variam, pluviis ventis frigore, moderato tamen intermixtam tempestatem induxisset, nubilum Æther rariûs solariibus radiis pervium ad 17. (7.) usque continuavit, sudo tandem semet rursus & calore moderato biduum durante commendantem. Quem pluviae demum ingrata triduum continuantes & in grave tandem tonitru desinentes 21. (11.) ipso primæ quadræ die, secutæ. Hasque rursus sudum in pluvias ac tonitru à meridie terminans. Atque istas denuò sequenti manè sereno aëre, frigus, hoc pluviae lenes, clementiori paulò cœlo exceptæ, illud denique sereni aliquot rursus dies aëris clementiæ ac vernæ amœnitatis postliminio quasi cum plenilunio 28. (18.) radiante reducis ac ad 31. [21.] usque mensis huius Maji terminum perdurantis, mox tamen in pluvias denuo ac ventos fatiscantis quasi præcursores.

A primo enim Junii (22. Maji) ingrata pluviis ac nimbis tempestas, noctes gelidæ ac pruinosæ, venti Boreales, dies à nocturno gelu rigidi nec nisi à meridie paulum à Sole culminante degelantes successere, ad ultimam usque quadram 5. Junii (26. Maji) apparentem sævientes. Hæc commodiori rursus tempestati locum dedit cœlo sereno & amœno, calore grato pluviolis lenibus ac fecundis ad 7. Junii (28. Maji) usque durantibus; Mox verò ab illo, vario & turbulento, frigido & pluvioso ad novilunium usque 11. (1.) accedens perseverantibus permutatæ. Hoc

inse-



insequens dies Solis radios serenior  
cœlo, frigore tamen molesto admisit,  
13. (3) denuo in pluviosum pristinum  
ac nubilum statum transit. 14. (4.)  
Nubilum sudo temperavit, subse-  
quentibus hunc aliquot ad primam  
usque quadram 19. [9] illucescen-  
tem & comites ejus (25. (15.) solo,  
qui frigidior, nubilus ac pluviosus,  
excepto) serenis ac paulò mitioribus.  
Ipso etiam plenilunio his accensendo  
ut & reliquis, præter 30. (20.) qui  
ensem hunc, simulque trimestre se-  
cundum tonitru ac imbre clausit.

Cujus trimestris primus mensis ca-  
tarrhis, rheumatismis, tussibus, fe-  
bribus catarrhalibus, aliisque diver-  
sorum generum, tertianis simplicibus  
ac duplicibus satis frequentibus, pau-  
cis quartanis, affectibus scorbuticis,  
hîc endemiis, variis varios variè affli-  
gentibus infestus.

Alter, quâ morbos, priori ferè  
affinis, nisi quod in hoc variolæ non-  
nullæ & purpureæ febres, pleuriti-  
des veræ & spurix, petechiæ febrium  
ardentium malignarum nonnullarum  
comites, colicæ & hysteriæ passio-  
nes, hypochondriaci affectus, angî-  
næ sese quandoque parcius tamen  
offerrent.

Tertius præter præcedentium  
nonnullos, menstrua inordinata,  
cachexias, ventriculi imbecillita-  
tes & cruditates, hypochondrio-  
rum dolores, colicas, diarrhœas &c.  
tulit.

Mensis Julii, qui tertii trimestris  
primus, initium præcedentis Junii fi-  
ni postremum si exceperis diem, ul-  
timâ quoque quadrâ 3. Julii (23. Ju-  
nii) lucente, computatâ ad 7. Julii  
(27. Junii) usque æris serenitate &

sic satis jucunda tempestate respondit.  
Hic verò nubilus fuit ac turbidus, cu-  
jus morem sequentes ex parte imitati  
manè sereno cœlo, pomeridie turbi-  
dum nubilum ac pluviosum subjun-  
xerunt. Excepto 10. Julii (30. Ju-  
nii) qui rursus totus turbidus, fri-  
gidus, nubilus, & pluviosus adeo-  
que extremè ingratus fuit, subsequen-  
ti 11. (1.) Julii novilunium nubilum  
cœlum sudo correxit, hâcque ratio-  
ne reliquis quatuor ad 16. (6.) usque  
commodâ satis tempestate exemplo  
quasi prævit. Ille autem à præce-  
dentium more desciscens nubilus fri-  
gidus ac pluviosus successores habuit  
seipso meliores ac mitiores, æstivo  
calore, ac sæpius de die sudo, noctu  
quandoque pluviam moderatâ commen-  
dabiles, ad primam quadram 19. (9.)  
lucentem, ut & plenilunium 25. (15.)  
fulgens perseverantes & usque 29.  
[19.] qui, insolito hoc tempore, fri-  
gore, pluviis ac circa vesperam toni-  
tru varius, similes sui sequaces habuit,  
præsertim 31. [21.] frigidum valde,  
breveque sudum imbre copioso pen-  
santem, sicqueensem hunc ingrato  
epiphonemate terminantem.

Successit eodem ferè tenore 1. Au-  
gusti (22. Julii) primam quadram ad-  
vehens, simulque ærem instabilem  
frigidum ventosum, tonitru & plu-  
viis quibusdam mixtum; Huic æqua-  
lis ferè 2. Aug. (23. Jul.) sudum fri-  
gidum pluviis ac ventis subinde va-  
rians 3. Aug. [24. Jul.] ad meridiem  
usque 4. Aug. (25. Jul.) amœnam re-  
duxit serenitatem, sed instabilem ac  
imbre pomeridiano dilutam. 5. Aug.  
[26. Jul.] turbidus manè & imbribus  
udus, à meridie quidem siccior sed  
frigore horridus. 6. Aug. [27. Jul.]  
totus



rotus pluviosus & imbris madens, perinde uti & sequens 7. Aug. [28. Jul.] ingrato turbido & pluvioso aëre fœdus. Omnes hi & præcedentes nonnulli, quod Julii potiore partem & Augusti initium insolito hoc anni tempore frigore, sereno licet nonnunquam intercedente cœlo, æstivam aliàs his temporibus debitam amœnitatem deturparint, simulque satorum proventum, incrementum & maturitatem impediverint, sicque annonæ caritatem induxerint, infames meritò audiunt & infauti dies. 8. Aug. (29. Jul.) novilunii 9. Aug. (30. Julii) apparentis antesignanus, & sequentes gratam ac æstate dignam, sed heu! sero nimis reducerunt tempestatem, præter 13. [3] qui eam à meridie pluviam vento ac tonitru paululum turbavit, stabilem aliquando, ac nisi quod amœnitati pluviolam quandoque interspergerent, ad ultimam usque quadram, simulque terminum hujus mensis 31. (21.) nempe ejus, paululo prioribus frigidiorum diem percurabilem.

Septembris exordium 1. Sept. [22. Aug.] præcedentis tempestatem amulatum cum tonitru pluviam admisit, sic temperato aëre ac sereno ut plurimum cœlo lenibus nonnunquam pluviis à meridie præsertim alterato, reliqui subsequentes ad novilunium 8. Sept. [29. Aug.] incidens, quod temperatum aliàs uvidam imbris junxit vesperam, hacque ratione 15. [5.] addendo etiam procellam ad primam quadram 16. (6.) orientem paulò præcedentibus frigidiorum procedendo, varioque sequentibus diebus cœlo 20. (10.) temperando nubi- a serenis, moderato quandoque quo-

que frigore & pluviis ad plenilunium 22. (12.) radians, imò ipsam ultimam quadram exiguo discrimine à præcedentibus discrepantes perrexerunt, sic simul 30. (20.) & hunc tertium tertii trimestris mensem absolverunt.

Morbi hujus trimestris primo mense, Julio nimirum præter scorbuticos affectus & hypochondriacos alii non adeo frequentes fuerunt, febres fortassis nonnullæ, tertianæ & continuæ, pleuritide quandoque tam verâ quàm spuria stipatæ, colicæ passionēs, hemicrania, catharri.

Secundi, Augusti nimirum febres variæ ardentes præsertim acutæ & continuæ cum & sine delirio, cephalæa enormi, & similibus febrium symptomatis comitatæ, nonnunquam & diarrhœa contumaci, quædam etiam cum exanthematis variis purpurâ, petechiis rarò tamen nec usque quaque malignis. Nec defuerunt scoromiæ, lipothymiis nonnunquam complicatæ.

Tertii, Septembris febres rursus variæ, catarrhales præsertim vario typo luxuriantes, tertianæ tamen pleræque, continuis quandoque combinatæ, rheumata, leucophlegmatia, vertigines, cephalæa graves & continuæ, febrium præcedentis mensis ardentium & continuarum asseclæ & pedissequæ, pleuritici dolores spurii.

Primordium ultimi trimestris mensis Octobris triste fuit 1. Oct. (21) Sept.] cœlo existente frigido turbido ac pluvioso. Sequentes & quidem 2. Oct. (22. Sept.) frigida ac serena, 3. Oct. (23) Sept.) manè frigida & pluviosa, à meridie siccior & mitior, 4. Oct. (24. Sept.) manè nebulosa & frigidula, à meridie serena



& amœna 5. Octob. ( 25. Sept. ) cum primâ quadrâ constantem ad 10. Oct. (30. Sept. ) usque tempestatis amœnæ serenitatem induxit. Hæc decima nebulosa ac turbida tota fuit 11. [1.] & 12. [2.] plenilunio insignis manè nebulosæ, à meridie serenitate aërem temperaverunt, quas sequentes ad 26. [16.] imitatæ. Hæc verò à præcedentibus turbidiore paulò calidiore ac udo aëre diversa, socias sibi sequentes duas ascivit, 29. ( 19. ) à meridie serena, 30. (20.) ultimæ quadræ dicata, tota nubilosa. Sequens 31. (21.) sicque mensis hujus postrema manè præcedenti similis, à meridie undosa fuit.

Morbos hic mensis paucos habuit, eosque scorbutis ut plurimum & hypochondriis originem debentes, præter febres nonnullas tam intermittentes, quàm continuas, malignas rariùs, diarrhœas, haud tamen frequentes, dysenterias paucissimas, epilepsias infantum quasdam, dentitioni plurimum imputandas, arthritides vagas, sed & has scorbuticas, hystericas passiones.

November secundus quarti trimestris mensis à 1. Nov. [22. Oct.] ad 4. Nov. [25. Oct.] à pluvîâ immunes nubilos tamen dies præbuit, quarta serena quidem magis, ac frigida quoque magis fuit. Eam nebulosi, turbidi, frigidi & ingrati excepere dies, quos inter & 6. Nov. [27. Octobr.] Nova Lunâ distinctus, tempestate cæteris æqualis, ad 8. Nov. ( 29. Oct. ) ejusdem tenoris, 10. Nov. (31. Oct.) nebulosum, turbidum & frigidum tulit aërem, sic & sequentes ad primam usque quadram 13. (3.) lucentem continuârunt. 14.

(4.) præter nebulam, quam dedimus matutinam, prioribus similis fuit. Cujus defectum sequens 15. (5.) pluvîâ pensavit. 16. (6.) & 17. (7.) prioribus incommodis ventus addidit frigidos & immites. 18. (8.) à pluvia immunis, frigidus tamen adhuc & turbidus fuit. 19. (9.) ad ingenium undosum rediit. 20. (10.) cum plenilunio mitiorem paulò reduxit, sed turbidum etiamnum aërem ad noctem usque Lunæ radiis illustrem, quam frigidus, pluviosus ac procellosus secutus 21. (11.) in gelu primum hoc anno desinens ac 22. (12.) ut & 23. [13.] continuans. 24. [14.] à serenitate præcedentium duorum deficiens pluvias turbido frigori miscuit. A quo dissimilis 25. (15.) gelidus fuit atque serenus. 26. [16.] perinde cœpit, sed in pluviam defecit. 27. [17.] amœnâ & serenâ tempestate, 28. [18.] ultimæ Lunæ quadræ, sudo, miti ac sereno cœlo, exemplo admodum hoc hyberno temporis ut raro, sic grato præiit. Sed æmulum nullum nec imitatorum invenit 29. [19.] à serenitate illa mox defecit, temperatus tamen adhuc & sic noctem habuit pluviosam, à sequente 30. [20.] ac hætenus ultima hujus mensis die sicciore, mitiore paululum tamen turbido hac in parte diversam.

Morbi, quos hic mensis aluit haud frequentes fuerunt scorbuti plerique, defluxiones nimirum, eternas potissimum partes passim invadentes febribus catarrhalibus complicatæ, catarrhi quoque alii, ac tenses, eæque valde contumaces, arthritides vagæ, cephalæ, quarum nonnullæ, colicæ passiones & phri



phriticae, ut & pleuritides, tam verae quam spuriae, paucæ tamen. Cardialgiae, anginae, diarrhoeae, sed parcae, disenteriae adhuc parciores. Id quod hic annus peculiare his locis habuit ob fructuum proventum valde concisum; frigus enim ab ineunte vere calore frequentius arborum floribus infestum, ne in fructus erumpere possent, obfuit, ac quicquid etiam hujus offensam effugerat, à frigore æstatis insolito & autumnii, ne vel adolesceret vel maturesceret impeditum fuit; hinc sublata causâ sublatus quoque fuit effectus.

Postremus hujus ut quarti trimestris, hic anni mensis December primâ die (21. Nov.) turbidus fuit, procellosus ac frigidus. 2. Dec. [22. Nov.] serenior cum frigore gelu reduxit sequentibus diebus ad novilunium 6. Dec. [26. Nov.] apparens & sequentes etiam usque ad 9. Dec. (29. Nov.) continuans. Qui glacialis initio in pluviam subito liquefcens, pluvias lenes per biduum durantes addidit, donec 11. (1.) primæ quadræ 12. (2.) lucentis anteaumbulo cum serenitate gelu moderatum reddidit, ac eodem tenore ad 15. (5.) vesp̄eram usque perdurans, 16. (6.) gelu mitiori aere turbido temperavit. Hanc verò insequens 17. [7.] manè gelu rigidus à meridie austro satis austerè flante degelavit. 18. (8.) primas hoc anno nives plenilu-

nii 19. [9.] appropinquantis præcones sparsit, respirante simul aliquatenus gelu. Cui tamen rursus dies noctesque gelidæ & quidem nonnullæ satis intensæ successere, nivibus quandoque 21. [11.] & 22. [12.] præsertim, qui densam manè adjecit nebulam, in aërem tandem elevatam ac nivis raræ specie stellularum ad instar recidentem, nec non 25. (15.) & præcipuè 26. [16.] ubere illarum proventu fœcunda, ut & 27. (7.) ultimæ quadræ præcursor gelu moderatum nivibus intertexens. Ultima quadra 28. [18.] splendens copiosas nives primùm leni cum gelu tulit, mox flante circa vesp̄eram Favonio planè eas colliquans: Quas tamen nox sequens rursus gelida quadantenus constrinxit; Sol verò 29. (19.) denuo solvit ac leniter degelavit. 30. (20.) gelu pristinum recuperavit vigorem, ac satis intenso rigore 31. (21.) mensem hunc final Annum ipsum terminavit.

Morbos hic ultimus mensis genuit ad instar præcedentis febres sporadicæ, primùm varias intermittentes & continuas, & ex his quoque mixtas, catarrhales, malignas etiam; purpurâ, morbillis, variolis quoque variegatas, defluxiones, catarrhos, erysipelata, cephalæas, anginas, ophthalmias graves, diarrhoeas nonnullas & tussis contumaces.]

*Constitutio Epidemica Hassiaca Anni 1695.*

Dn. D. MICHAELIS BERNARDI VALENTINI,

*missa d. 27. Aprilis A. 1696. Gissâ Augustam Vindelicorum.*

Constitutionem epidemicam Anni 1695, quod attinet, illa hæc lo-

corum tolerabilis, & quæ DEI est clementia, benigna ferè fuit, ita



quidem ut plures, qui ob tempestatum varietatem & Proteiformes temporum mutationes morbos nobis soniticos prædixerant, in admirationem rapuerit. Licet enim Hyemem habuerimus variam & inconstantem, mox frigore mox pluviis molestatam, succedente Vere præmaturo quidem, sed pariter inconstante: Licet quoque Æstas cum Autumno pluvia ut plurimum & uliginosa fuerit, interpositis æstibus quibusdam Solis subitaneis, affectus tamen leviuscule, sensibus magis, quam vitæ incommo- dantes observavimus. Si enim ullus, hic anni cursus sensoriis externis sum- mopere infensus erat. Sub Æqui- noctio enim verno ophthalmiæ epi- demicæ grassabantur, interpositis ve-

rò Martio & Aprili pleuræ collique- inflammationibus à ventis inclemen- tioribus præmaturo Veris calorem suffocantibus & humorum stases pro- moventibus, sine dubio exortis, quæ tamen fueris medicamentis diaphore- tics & discutientibus facillè cedebant. Post Solstitium æstivale mense Julio ulcera aurium quamplures infesta- bant, suppurata plerunque, quæ vel spontè vel sudoriferis & balsamicis curabantur. Tandem sub Æquino- ctio autumnali Augusto decrepito in- flammatio gingivarum, linguæ & oris in hominibus, in brutis verò pedum inflammationes observavi hinc inde, quarum priores præmissis præmittendis Tinctura ligni sancti felicissimè sustu- li, posterioribus Veterinariis relictis.

*Constitutio epidemica Augustana An. 1696.*

Dn. D. Luca Schröckii,

Academiæ Cæsareo-Leopoldinæ Naturæ Curiosorum Præsidis.

**Q**UAMVIS ANNI hujus ingressus aerem serenum, nebulis tamen matutinis & vespertinis ut plurimum comitatum, cum acri frigore ostenderit, mox tamen temperatior ac se- renus, quem subinde frigidiusculus, ut & mutabili sub Euri Zephyrique flatu pluviosus, rariùs nivofusus inter- cedebat, fuit subsequutus; à Solis præ- cipuè in Pisces ingressu, usque dum Arietis signum attingeret, blanda adeo spirabat aura, ut arbores con- sueto citiùs gemmas protrudere inci- perent, ac præmaturo Ver adesse videretur. Quæ tamen constitutio varias in corpore alterationes produ- xerat, atque latentia in eo morborum

semina suscitaverat; unde ineunte mox anno seri in faucibus stagnatio- nes catarrhosæ, tussisque pertinaces, ultra æquinoctium vernale plures ci- vium infestantes, ut & postea febres purpuræ, variolæ, intermittentesque febres oboriebantur. Quas tussis, præter Pilulas de cynoglossa, vel sty- race, nocturnam quietem, serum acrius temperando, spiritusque agitato sopiendo; parvâ dosi sumtas, feliciter conciliantes, variis tempe- ratoribus pectoralibus, Aquis, si- rupis, Pulveribus, Electuariis, Tin- cturis, fibras partium spiritualium ir- ritatas demulcentibus, pungentia acris lymphæ spicula obtundentibus, ejus-



ve visciditatem solventibus, interpositis blandissimis laxativis, praesertim Infuso theae vel veronicae, aut hydromelite, foliis senecae impraegnatiss, profligare datum fuit. Phthisicos tamen aliquot citatiori gradu ad sepulchrum deductos vidimus. Febres purpuræ in adultum usque Ver non puerilem saltem ætatem, sed provectiorem quoque, adolescentes æquæ ac seniores, passim invadebant; aliquos mitissimè habebant, ut nec lecto se committere opus haberent, neque etiam liberiori aeri expositi læderentur, ac sine ullo medicamento, intra biduum vel triduum convalescerent; in nonnullis verò gravius insurgebant, & cum notabili calore, debilitate, ac præcordiorum compressione, vigiliisque lecto per octiduum, vel longius affigebant; temperatioribus tamen diaphoreticis, antimoniatiss, cinnabarinis &c. effervescentiam impuriorum massæ sanguineæ particularum refrænantibus, coagulationem ejus inhibentibus, illarumque per cutis poros eliminationem promoventibus, cedebant: nec deerat in quibusdam contagium, quod uxori à marito, & vice versâ communicatum observavimus: oriebantur, præcedaneo ut plurimum horrore, primò per universum corpus parvæ, rubræ maculæ, sensim dein majorem in amplitudinem se dilatantes, ac tandem aliquibus in locis, dorso imprimis, squamularum instar cuticula decidebat; aderatque in omnibus oculorum pruritus, in nonnullis rubedo, tussis molestissima, corporisque pruritus. Quibusdam erysipelatis nomine donabatur; mihi febris purpuræ benignæ species, quæ D. Thomæ Sydenhamio in obs. medd.

circa morbos acut. sect. 6. c. 2. febris scarlatina audit, commodissimè adpellari posse videbatur; quamvis hanc ipsam commodè quoque ad morbillos referri potuisse, cum D. Richardo Mortono Pyretolog. part. 2. exerc. 3. c. 5. non negaverim; quo etiam nomine Vulgo nostro communiter adpellabatur. Variolæ puerili saltem ætati infestæ, primò mitissimæ comparuerunt; quamvis enim pro more suo ante eruptionem calore præternaturali, capitis, oculorum, ventrisque dolore, vomitu, levioribus convulsionibus, atque deliriis, timorem in quibusdam incuterent, ubi tamen prodire inceperant, cuncta pacatiora fuerunt reddita, atque inter paucorum medicamentorum, v. g. antimonii diaphoretici, cornu cervini philosophice præparati, lapillorum gammarorum &c. vitiosæ lymphæ turgescenciam moderantium, & acriores ejus particulas absorbentium, usum, tempus suum absque insigni molestia decurrerunt: imprimis ubi primæ corporis viæ prius lenioribus laxativis fuerunt mundatæ, à qua lustratione vidi, qui, signa imminentium variolarum, cephalalgia, dolor ventris, & calor febrilis licet jam comparerent, ipsique in eodem cum aliis variolosis loco decumberent, sine iis convaluerunt. Postea tamen, vere adulto, quosdam vehementius, & non sine malignitatis nota affligere ceperunt, quin & trucidarunt; quos inter puella septennis facilè earum eruptionem ferens, erat, in qua tamen, præsertim in facie, die quinto, post iteratos aquæ frigidæ potus, quasi subsistentes, crustâ saltem



quasi aliquâ depressione eandem obducebant, sanguis alvo crebrior exercebatur, & hinc inde, in faucibus potissimum, nigræ pustulæ comparebant; cæterum mente sibi constans, nec aliàs malè se habere adstantibus visa; die septimo obiit; postquam ejusdem sororcula, paucis ante diebus, sine ulla ferè cura medica decumbens, depressioribus etiam variolaceis crustis ubique obducta, itidem esset demortua. Febres intermittentes non quidem in adeo multis observabantur; quos tamen invadebant, in iis sine intenso calore aut siti, nulloque; ut plurimum cum horrore, alternis, aut singulis diebus recurrebant: in omnibus, paroxysmo præsentem, maxima de præcordiorum compressione, atque in regione dorsi his opposita, usque ad nucham se extendente dolore querelæ audiebantur, ab austeriori lymphæ, quæ in glandulis stomachicis & œsophagi colligebatur, spasmodicasque fibrarum nervearum corrugationes excitabat, inductæ; pro varia etiam ægri constitutione, varia alia symptomata concurrebant: virum consistentis ætatis curandum habui, qui post superatam feliciter febrem continuam, paulò post alterâ illâ, nono tantum die recurrentem, & tertio paroxysmo terminatam, intensissima cum pectoris & præcordiorum compressionem, pulsu debili, respiratione tamen liberâ, correptus fuit; cujus etiam uxor, septimo mense gravis, post unicum talem eodem tempore perpeffum vehementem paroxysmum, immediatè partus doloribus prehensa, sævissimisque totius corporis convulsionibus exagitata,

fœtum vivum, pauculos post dies demortuum, inscia excluserat, sensimque denuo convaluerat. Cæterum pro morbofo austero viscidoque humore attenuando & enervando, præter urinosa volatilia, cortex Peruvianus suo hîc egregiè fungebatur officio; ita tamen ut alvus simul esset sollicitanda, partitisque vicibus excrementii humores lenioribus pharmacis educendi.

Nec hysterici adfectus non multum diversa à causa oborti, atque loco tantum, in quo sedem fixerat illa, fortasse discrepantes, hîc reticendi erunt, qui hoc tempore aliquot maritatas feminas, non gravidas, tum quæ menstruæ sanguinis evacuationi erant expositæ, tum quæ per ætatem eandem destituebantur, vehementer excruciarunt, dolores nempe in lumbis ardore molestissimi, versusque pubem se extendentes, ac incertis periodis quotidie ferè affligentes, quos tepidæ, & uterinis herbis alteratæ aquæ balnea multum demulcere, essentiaque castorii volatilis opio simmixto, profligare poterant.

Post Æquinoctium vernum horridior magis constitutio amœnitatem priorem exceperat, mutabilisque primò aëris temperies, mox frigore & Euri inclementiâ modestior fuerat; quam Sole in Tauro versante, calidior, pluviis tamen subinde comitata, exceperat; & postquam die 11. 21. Maij horâ decimâ vespertinâ levior terræ motus, quem post quinque horum vehementior subsequēbatur, Urbem concussisset, atque manens densior nebula (utrùm à vaporibus motu illo ex terra in auram emissis elevata? nescio; quamvis per integros



gros duos menses, neque ante, neque post hanc terræ conquaſſationem ulla alia Urbem noſtram ambierit,) à ſole tamen orto facile diſcuſſa, ſucceſſiſſet, frigidiorẽ ſubinde Jovem, & ubi ſereno calore mitiorem quandoque ſe præberet, mox à tempeſtate ingruente denuo deferveſcentem, crebrisque pluviis terram madefaciẽtem, perſenſimus; interea verò, præter dictas purpuras, tuſſes, variolaſque, pleuritides etiam veræ, cum deliriis, febre, cæteriſque conſuetis ſymptomatibus, exſerere ſe ceperunt, à venæ ſectiõne, ubi dolor urgebat, diaphoreticisque abſorbentibus dictis, & expectorantibus auxilium expertæ.

Nec deerant, cum Sol ad Gemellos accederet [præter tertianas & leviores ad guttur catarrhos ac uvulæ prolapſus,] febres petechiales, in ſuperiori ferè Civitatis parte tantum, qua meridiem ſpectat, inprimis etiam in Xenodochio publico, ſtragem multorum è plebe edentes; quarum contagium ex vicinia à famulitio Xenodochii allatum credibile erat. Mihi quamvis pauciſſimi talium ægrorum tractandi occurrerint, deprehendi tamen, hos, qui in morbi principio alvum adſtrictam Antimonii diaphoretici largiori doſi, pauciſſimis Dacrydii ſulfurati granis permixti, multis inde excretionibus ſubſequentibus, expurgarant, evaſiſſe; aliis duabus feminis, quæ ſine tali medicamento fuerant, mortuis; quamvis utramque diu morbum celafſe, & nonniſi extremè ab eo coactas, lecto ac medicamentis ſe commiſiſſe, ſicque morbi periculoſa principia neglexiſſe, fatendum ſit.

Toto ferè Menſe Junio, & Julii principio, Zephyri ferè ſemper inclementiam experti fuimus; qui præterquam quòd terram, pluviis equidem multoties madefactam, plurimum exſiccaret, frigore etiam ingratiffimo corpora noſtra offendebat, ſicque à natura ſua planè deſciviſſe videbatur, cum aliàs humidam calidiorẽque temperiem nobis conciliare ſoleat; Euro e contra, ſerentatis aliàs & ſiccitatis nobis indice non fallaci, in menſis Junii initio pluviæ præter morem accumulante. Sed ante ſolis in Leonis ſignum ingreſſum, poſteaue ad ejusdem uſque inde egreſſum, calores huic temporì convenientes ſatis inſignes perſenſimus; quos tamen continua ferè ventorum, Zephyri imprimis ſpiratio, pluviis ſubinde intermiſtiſ, nunquam diuturnos eſſe permittebat. Interea Morbona magnas dabat inducias, niſi quòd circa Caniculæ occaſum variolæ & morbilli (qui poſteriores per reliquam ſubſequentem anni partem in aliquibus paucioribus ſparſim effloreſcere pergebant) denuo puerilem ætatem majori numero, admodum tamen benignè invaderent, ut major ægrotorum pars levioribus remediis, ſine Medici-opera convaſceſceret.

Et quamvis, à lymphæ, ob turbatam inſenſilem tranſpirationem, viſcidioris coacervatione, & hinc in varias ſtagnationes pronitate, atque ex admixtis heterogeneis particulis aliis depravatione, quatuor poſtremis menſibus, vagi articulorum dolores, primâ in aliquibus invaſione coxæ tantum inſeſti; Menſe Septembri inſuper, poſt frigidos ſiccòſque



cosque Zephyri impetus, diarrhœæ & dysenteriæ; Octobri, tolerabiliorem aëris temperiem usque ad Decembris finem, qui frigore intensioribusque stipato comparuit, reducens, præter febres petechiales, immaturæ æquæ ac proveciori virginum ætati; nescio quo fato? imprimis infestas, catarrhi, qui tussis molestiam excitabant, aut etiam in apoplexiam fortem, leviorēve desinebant, observarentur; quin & adultus Autumnus indolentes genarum tumores Oedematosos, tussē humidam, asthma, in quibusdam febre intensā

comitatum, & catarrhos suffocativos produceret, non adeo multi tamen hisce epidemicè, morbisve aliis sporadicè ægrotare deprehendebantur, tamque otiosa alcyonia nobis notabantur, ut non leves ad nauseam usque, aliquorum, quibus ex morbo aliorum infortunio lacrum capere volupe est, querelæ subinde exaudirentur; cum interea, quæ lymphæ stagnanti debitam fluiditatem conciliare, abundantemque ex corpore eliminare valebant, medicamenta salutarem operam navarent.

*Constitutio epidemica Berolinensis An. 1696.*

Dn. D. Gustavi Casimiri Gahrliæ missa d. 25. Februarii

An. 1697. Berolino Augustam Vindelicorum.

**A**Nni 1695. mensis ultimus vario variatus Æthere, temperatum rigido miscuerat gelu. Hoc ipso tempore, in gelu tamen adhuc quam calorem magis propenso Januarii sequentis Millesimi, Sexcentissimi nonagesimi sexti anni initium, stylum Gregorianum si sequaris ad 10. ejusdem usque perseveravit, à 1. 10. st. Juliano ad ultimum ejusdem seu 22. 31. aeri uvido, pluviis ac nivibus quandoque intermixtis, paucis tantum sparsim intercalatis diebus gelidis, ac paucioribus adhuc serenis, remisso ferè penè penitus frigore delans hyemis, alias ordinariæ hoc mense, loco veris primordia substituens, integrum sui dimensum absolvit.

Succedit hinc Veris quasi prænuncius Februarius, quem, si paucas no-

ctes exceperis, aliquatenus gelidas, nonnullosque dies nubilos ac pluviosos, serenitate atque amœnitate, prolectis etiam in hortis, meo quoque, floribus, Colchico, Croco vernali, & similibus præcocibus, cum verè certantem, Majum potius, quam Februarium dixisses.

Quem Martius excepit frigus, noctibus præsertim gelu rigentibus, ac diurnis nivibus, pluviis, & grandine quandoque, cum solis splendore sed rariori alternantibus, florum ulteriorem proventum intercipientibus ad 17. 27. usque qui cum sequentibus verno sudo ac tepore gratus, hunc primum anni quadrantem terminavit.

Venti uti in hoc, sic in sequentibus fuerunt pro Ætheris varietate varii, nec ullo ordine enumerandi.



Januarii morbi fuerunt præcipui, Febres ardentes ac malignæ diversis symptomatis stipatæ, ac malignitatem, nunc hujus, nunc alterius generis exanthematis prodentes, præsertim variolis, epidemicè grassantibus, partim malignis, & confluentibus, partim benignis, quæ à subsequentibus postea morbillis exceptæ nonnunquam & petechiis mixtæ.

Februarii febres variæ, catarrhales, ardentes, malignæ etiam, petechiis & morbillis suspectæ, ut & pleuritides nonnullæ fuerunt.

Martio mense rariores fuere febres, moleste tamen ac quædam malignitatis non expertes: præterea & intermittentes nonnullæ, tertianæ potissimum, raræ quartanæ. Ophthalmiæ denique & oculorum inflammationes, tam hoc, quam præcedentibus & sequentibus mensibus frequentes, contumaces valdè, ac quædam etiam periculosæ. Defluxiones plurimum à capite ad partes subiacentes, pro causa agnoscentes.

Febrium illarum epidemiarum occasionem præter ætheris & aeris perpetuâ varietate turbati, varia contenta cum aere hausta, ac in corporibus continuâ illâ aeris mutatione, præcedente diætæ nonnunquam inordinatæ vitiis, sic vel aliter prædispositis, humores fermentando momentia & in orgasmum illum præternaturalem cientia, sicque nunc hanc nunc aliâ ratione exagitantia, atque separationem & expulsionem particularum noxiarum ipsis communicatarum, sed iisdem infestarum stimulantia. Qualia autem sint illa iasmata, cujus naturæ, substantiæ, materiæ, formæ, quarumve

qualitatum & accidentium, aut, ut cum modernis loquar, cujus configurationis, texturæ, motus, activitatis &c. determinare meam transeundit, ut ipsum Æther, ingenii mediocris, & ob ætatem quodammodo jam torpentis, sphaeram, hujusmodi subtilitatibus neutiquam, quadrantem.

Aprilis à primo die styli Gregoriani aut 22. Martii Juliani paucissimis sparsim intercedentibus diebus pluviis uti 31. 10. Martii hujus circa vesperam, ac quibusdam ventosis uti 5. 15. 8. 18, 9. 19, 10. 20, 13. 23. & sequenti ad meridiem usque, omnes ferè à frigore nocturno, diurno verò tepore remittentes, ad æstivum calorem paulatim & serenitatem transeuntes, æstatem penè loco veris induxit.

Quo prope tenore Majus etiam, variato licet nonnihil & aucto dierum ab æstiva amœnitate deflectentium, frigidorum, turbidorum, & pluviosorum numero & ordine processit ac transit.

Junius magis fuit Majo & quotidie ferè, serenitate tamen nonnunquam sed transitoria intercedente, pluviosus & quandoque nimbosus.

Morbi mense Aprili parci fuerunt, paucisque funesti, præter enim continuantes adhuc oculorum inflammationes illas contumaces, sparsasque hinc inde febres, tam intermittentes, & inter eas & quartanas simplices & duplices, sed raras, quam continuas, imo & quasdam malignas erysipelatodes, pleuriticæ, & morbillosas, vix alii occurrerunt hoc mense morbi.

Majus paulo copiosiores morbos



tulit, sed epidemicum nullum, nisi prædictas sæpius ophthalmias & inflammationes oculorum, febresque quas cum Aprili ferè communes ac convenientes habuit.

Junio Mense, pauciores adhuc, scorbutum, præcedentibus quoque mensibus non rarum & veneream luem, fororios illos, illam malignitatis pravæ, hunc pravitatis spurcæ, sed sub illius larvâ sæpius latentis, stigmate notatos, nimis hic, prohi! omni tempore frequentes, si demeris, fuerunt.

Cum pauci hi, qui hoc trimestri fuerunt morbi, cum prioris trimestris morbis genio & moribus ferè convenerint, causæ quoque eadem aut parum diversæ procul dubio eos produxerunt, insolitus præsertim his locis hoc anni tempore calor æstivus ferè; Quod verò rariores fuerint, aeris æquabilitas & perpetua ferè calori moderato juncta temperies, serenitas & amœnitas. Talis enim cum fuisset Aprilis, nec Majus ab eâ admodum deflecteret, pauci quidem plures, sed ejusdem ferè faritæ morbos aluit: Prædictos si exceperis, qui omnium hâc temporum dici merentur, sicque ex parte endemii. Qui etiam Junio mense magis, ob æris majores turbas, frigusque cum cœlo pluvioso quandoque recrudescent, illis affectibus præcipuè infestum malitiæ suæ & infamiae notas exseruerunt, ac Medicis proinde plus atque Chirurgis negotii facesserunt.

Julii initium turbido primâ die cœlo, tonitru secunda superaddidit. Succedente æstivo unius alteriusve æstivi æstu, pluvias tandem sudo ac

tranquillo temperatoque aëri nonnunquam intersparsit ad Caniculæ usque ortum, qui aliam aeri faciem frigidam procellosam ac nimbosam induit, sudo tamen sequentibus diebus interpolatam, ac æstu gratis subinde Etesiiis, ac pluviolis suavibus temperato emendatam.

Augustus Julio, variato tamen nonnihil mutationum tam aëris quam æstus ordine, amœnitate ac temperamento respondit.

September 22. Aug. st. v. 1<sup>m</sup>. die mox procelloso & nimbofo ab æstivo aliquatenus calore, simulque amœnitate præcedentium mensium gratia recessit, atque frequentiores aëris turbas, ventos, pluvias, temperamento præcedentium addidit.

Morbi mense Julio, præteriti Junii morbos tam paucitate quam moribus æquarunt, propter affinitatem forte temperiei aeris. Nisi quod Catarrhi ac tussis ob repentinam cum Caniculâ ingruentem caloris æstivi præcedentis in frigus, pluvias & nimbos mutationem, ac affectus alii scorbutici paulo frequentiores hoc mense, quam præcedenti fuerint pleuritides quoque nonnullæ & anginae satis frequentes, a defluxionibus scorbuticis ortæ, valdè contumace ac periculosa, eo præsertim symptomate, quot ut plurimum in tumorem grandem ac apostema tandem juncturam ac processus maxillæ inferioris occupans, idque cum cruciatibus insignibus, donec nimirum maturaverit ac internè spontè crepuerit maxillam immobilem reddens, sicque oris apertionem ac sibi assumptionem plures dies præcluderent fame ferè pereundum fuerit affectis, desierint



Quod tamen incommodum & periculum nonnulli imposito, maturè emplastro resolvente & discutiente, sicque discusso tumore evaserunt.

Causam hujus symptomatis sanè peculiaris, si quis præter communem omnium phlegmonum ac tumorum, affluxum nimirum & stagnationem incrassati aere prædicto frigido ac uvido sanguinis, desideraverit, ac cur juncturam illam potius quàm aliam faciei aut colli partem affecerit? quæsierit & flagitarit è principis mechanicis eruendam juxta hodiernam Medicinæ theoriam, hunc ad perspicatiores me, nondum in his apicibus satis exercitato, & veterum adhuc placitis quadantenus inhærente remittere cogor.

Augustus, ut & ex parte September sequens, quasdam adhuc affectus servavit reliquias, in cæteris quoque Julio mensi morborum varietate ac febrium præter catarrhales nonnullas, raritate conformis.

September prædictis febres quasdam, etiam ardentes, asthmata, anginas, rariores tamen, inflammationes oculorum, aliaque similia symptomata superaddidit, aëris proculdubio abæstivo fervore in auctumnale frigus & udum ætheris temperamentum jam degenerantis, soboles.

Octobris primum biduum Septembris æquavit exordium frigore, aëre turbido, ac pluviis; Alterum biduum sudo ac temperate calido Æthere acceptum, sequens triduum pluviæ, vento frigido, ac aëre turbido incommodum, quatrinduo tandem amœniori rursus pensatum. Cæteri ad 10. 20 usque, vario cœlo, si frigus auctumnale, moderatum tamen

exceperis, temperati, pruina nocturnâ sequentis gelu nocturni prænuntiâ, hiemem præcocem minatâ, dubiam reliquis diebus serenitate satis stabulis ventris rariùs pluviosisque interpellatâ, cœli faciem, ac frigoris intensioris aliqualem tandem metum fecerunt.

November à primo, excepto solum 27. 7. Octobris, qui totus undosus, ad 5. 15. usque serenitate ac amœnitate aëris, Verni ferè commendabilis, frigore postea auctiori & intercalatis diebus nubilis ventosis atque pluviosis paulò inamœnior, temperatus tamen adhuc, hyemis exordium satis tolerabile, ad ipsum usque sui finem effecit.

A Decembri non minus, quâ initium tolerabili, exceptus, ad 30. 10. Novembris usque serenum ac gelidum. Qui mutatâ facie nivem primam pluviis nonnullis intermixtam, sequenti manè tulit, cui gelu postea, ad ipsum usque sui ipsius & anni finem, remissius quidem nonnunquam ac nivibus paucis interpolatum continuans successit.

Morbos October præter prædictam inguttur & Maxillæ juncturas febris catarrhali junctam, defluxionem, nondum planè desævientem, Arthritidem vagam scorbuticam, Nephritim, Hypochondriacos quosdam affectus & scorbuticos aluit, Præterea diarrhæas nonnullas, parcas tamen, choleram: Dysenteria verò, utut proventus hoc anno fructuum arborum satis fuerit, gulâ adhuc non oriante, oppido raræ, id quod admiratione non indignum.

November Pleuritides frequentiores, ut & affectus nonnullos hyste-



ricos, colicos, scorbuticos, oculorum inflammationes, catarrhos, tusses, & id genus alios, autumn frigido & pluvioso, nimbofo & aliàs variato Ætheri debitos; Febres præterea catarrhales, continuas initio, mox, accessionibus & paroxysmis interpellatas, in ardentes quoque quandoque easque malignas degenerantes induxit.

December præter enumeratos Hæmoptoën quandoque, etiam non præsentem aut præcedentem pleuritide, Rheumatismos; aliasque defluxiones varias, scorbutis nonnunquam mixtas prodidit.

Causas horum morborum & symptomatum eos stipantium, præter

diætæ vitia, & obnoxiam hinc fortè aut ob natiuitatis stigma, corporum ad recipiendas varias tum ab aëre frigido & humido autumnali, frigido vero & sicco hyberno injurias, tum ab exorbitantibus animi pathematis molestias ac vicissitudines prædispositorum diathesin, indeque nascentes humorum alterationes, fermentationes, ebullitiones, alias assignare aut determinare vix ausim; Quod si vero quis certa quædam, sed vix præcognita aut dignoscenda, nedum definienda Ætheris miasmata; occultis, sed nunc in exilium actis, qualitatibus valde affinia, accusare velit, huic haud difficulter astipulabor.

---

Cæsareo Leopoldinæ Naturæ Curiosorum Academiae Præsidi, Per Illustri ac Generoso domino Dn. L U C Æ S C H R O K K I O, Sac. Cæsareæ Majestatis Archiatro, ejusque Personæ Imperialis Medico, S. R. I. Nobili, Aulæ Cæsareæ, Palatii Lateranensis, & Consistorii Imperialis Confiti, Academiae Patavinæ Recuperatorum Collegæ, ac Reip. Augustanæ physico ordinario. Patrono ac Fautori Magno.

*Salutem Officiosam*

Conradus Bertholdus BEHRENS.

**C**Um nullas unquam ab Illustri Generositate Tua literas accipiam, in quibus non subinde, continuatione historię Epidemicę semel cœptę, hortaris; Tum imprimis singulare illud Societatem nostram exornandi, ac medicam rem promovendi studium, ex proximis luculenter apparet. Ego verò, quamvis hætenus urgentibus viris magnis, & quorum jussa capeßere fas est. Genea-

logicis edendis occupatus sim, non tamen parerga hæc, tanto apud me loco sunt, ut res, quibus totum me dedicavi, artis scilicet nostrę, sive apud ægros faciendę, sive scriptis illustrandę iis postponam; Ac propterea multo citius Generosa Tua magnificentia me officio meo defunctum vidisset, modo materia historię Epidemicę consignandę apta se obtulisset.



2. Post solstitium enim vernalis anni elapsi, & luctuosissimam patriæ nostræ variolarum lue, vix cum media æstate defervescentem, quin adhuc sporadicè grassantem, parum dein ea æstate circa morbos accidit, quod quidem epidemici nomen mereri, aut descriptioni ansam suppeditare posset; Neque enim quod unus atque alter inordinata diæta usus, animique affectibus abreptus, tertiana seu duplici, seu simplici, colico dolore, vel si sexum attendas hysterico corripiatur, hic sanguinem spuat, istum calculus torqueat, hypochondriaci ære nubilo, & circa solstitia magis angantur, alius alio modo laboret, Epidemium statim est, si quidem nec adeo multi eodem tempore, & ex causa communi uno dictorum morborum affligebantur. Pleuritides quidem nothæ, & peripneumoniarum pituitosæ uti apud nos omnium temporum morbi sunt, ita & subinde his quidam tam adultæ quam minoris ætatis decumbunt, verum nec illæ singulari aliquo symptomate, seu vulgo in constitutionibus Epidemicis fieri solet, stipatæ erant, nec causæ alicujus universalitas accusari poterat, inter sporadicos affectus tum potius numerandæ.

3. Illud vero forte huc referri posset, quod mulieribus, quales ego intra duorum circiter mensium spatium non paucas novi, circa æstatis declinationem frequentes effluxus essent; cum mensibus per duos tresve circuitus subsistentibus, & nausea quadam comitante, ut & aliquali ventris intumescencia superveniente, gravidæ se arbitrarentur, postea vero abortis derepente dorsi lumbo-

rumque doloribus, parturientium haut absimilibus, cum maxima anxietate; hystericaque syncope, grumi sanguinis enormes, massula informis, substantiam modo vesicalem, modo pinguedinem membranosa referens, in medio tamen cava, humoremque mephitin olentem continens, excideret, ac sanguis primo foetidus, grumosus, dein verò floridus in magna copia excerneretur, & agræ, veluti puerperæ, per aliquot septimanas lecto affixæ decumberent, donec sensim resiliuntæ, pristinae sanitati redderentur. Forte autem quis dubitaret, an circa generationis & pariendi negotium epidemici quippiam accidere posset, egoque ipse primo anceps hæsiti: Cum vero annum hujus seculi octuagesimum quintum gravidis valde noxium & perniciosum exstitisse, & haut absimiles abortus provenisse diversis in locis, Excellentissimi Viri *Hannæus* & *Müllerus*, in Decuria secunda, anno quarto & sexto Miscellaneorum nostrorum, notarint, expedita res est, nec video quo pacto & effluxus ejusmodi Epidemicæ contingere posse quispiam negare posset; Ab ære vero sanguineam massam concitante eisdem dependisse non arbitror, namque eo modo & alios ejusmodi fermentativos effectus, diarrhæas scilicet contagiosas & dysenterias habuissimus, de quibus tamen illo autumno vix quippiam apud nos auditum, siquidem unum atque alterum junioris ætatis viridia dejicientem, aut colicas quasdam adultorum excretiones exceperis. Nec malum cibum potumque, quamvis alias ad constitutiones morborum



epidemias suum symbolum conferant, hic quippiam attulisse opiner, alterius enim sexus tantum labes erat, & personarum in statu certo constitutarum. Arbitror vero ejusmodi mulieres, individuali, si ita loqui liceat, sua corporis massæque sanguineæ constitutione ad effectus hujusmodi concurrisse. Cum enim pleraque illarum circa tempus vernalis febriles insultus perpessæ fuissent, ac ab eo tempore ventriculi imbecillitate laborarent, hinc massa sanguinea nondum debite restaurata, nec spiritus animales vigorosos suppeditante, ovula quoque muliebria debite constituta esse non potuerunt, ut ea propter, quamvis à semine virili fecundata, & ad uterum promota, tamen contentorum staminumque expansionem pro corpusculo fœtus sensim effigurando, adipisci non potuerint, sed in informes massulas excreverint, ac mora putredinem contrahentia partes uterinas ad excretionem ejusmodi & effluxus stimularint, conferente symbolum suum sanguine matris ichoroso & acriori. Rem certe ita se habuisse, vel inde palam evadit, quod quædam eo malo affectarum in cachexias lethales delaberentur, aliis cum tempore ad statum naturalem devenientibus. Cum vero debilis ejusmodi constitutio à causa communi, febribus scilicet vernalibus dependerit, hinc quoque ratio epidemia effluxuum magis patescit. Uti enim recte observat Illustris *Ramazzinus* in Dissertatione prima, Epidemii morbi non constitutionum præsentium, sed præcedentium producta sunt.

4. Et hæc quidem ante solstiti-

um hyemale; Illo vero ingruente, ac aëre magis boreali existente, juniores, qui circa æquinoctium vernalis variolis laboraverant, maxime infestabant tussis acres & convulsivæ, peripneumonix, febresque forte eandem ob rationem, quod digestionem scilicet ab eo tempore imbecilliori existente, sensim sensimque exhalantibus scilicet per æstatem partibus tenuioribus multa viscida ac acris pituita in præcordiis se accumularit, & superveniente aëre boreali, acorem contraxerit, similique modo sanguinem infecerit, ut dein cuncta hæc quasi in peripneumonias & pleuritides notas, aut quoque simplices diaphragmatis irritationes, quarum producta convulsivæ tussis sunt, collimarent. Atque uti in tussi nihil magis conducebat ac lenientia, acrimoniamque demulcentia, ita quoque plurimi laxativorum imprimis beneficio in integrum restituebantur, non pauci tamen convulsionibus supervenientibus ante primum septendium suffocabantur.

5. In Adultis vero eo tempore præ cæteris quoque affligebant peripneumonix, pleuritides, phthises, arthritides vagæ. Peripneumonix, pleuritidesque, post solstitium hybernæ in majori copia, pituitosæ magis, ac tunc quidem senibus maxime lethales. Incipiebant cum dolore ventriculi tensivo, dorsi quoque ac cordis angustis. In quibusdam pleuritide notha decumbentibus, & quibus alias hypochondrii sinistri dolores molesti erant, diarrhæa quædam seorsâ, ramentis interdum sanguineis comitata, cum levamine superveniebat.

6. Phthi-



6. Phthises quidem omnium annorum circa autumnum morbi sunt, tum tamen vitio magis præcordiorum existere videbantur, cum eorundem, hypochondriique imprimis sinistri dolores frequenter concurrerent, flatulentia vomitusque æruginosi, nec sputum cruentum esset, quod ipsum tamen, siquidem phthises hæ primario à pulmonum ulcere dependissent, continuo cruentum esse debuisset. Non autem novum, dari phthisicos toto morbi decursu nihil omnino cruoris ejicientes, notavitque post alios id anno nono Decuriæ primæ Miscellaneorum nostrum Excellentiss. *Dn. D. Scharfius* in juvene phthisi ex sputo sensim post nimium opiatorum usum suppresso, exemplo licet huc non admodum quadrante illud tamen, quod volo, abunde probante. *Zacutus Lusitanus* ejusmodi phthises incruentas Asthmaticas vocat, quæ ipsa tamen denotatio apud ægros nostros locum non invenit, non enim memini quosdam ex iis Asthmate simul laborasse, nec in iis qui forte obierunt, Vomicas simul adfuisse suspicor. Phthises enim nostræ pleræque vel ex catarrhis existebant, vel ab humoribus in præcordiis corrosivam ferè aciditatem contrahentibus, similique qualitate serum sanguinis, sputi materiam, imbuentibus, dependebant. Hinc etiam in non uno sputa æruginosa notabantur, in aliis etiam biliosa; Non tamen adeò semper lethales erant, quin aliquot ab omnibus pro deploratis habitos, solo lactis caprilli potu, utpote optimo & nunquam satis laudato corrosivam ejusmodi succorum sanguinisque acrimoniam cor-

rigente, partim restitui, partim adhuc servo, cum reliqua auxilia acri opposita, modo ignea suâ volatilitate febrem comitem augerent, modo salinis spiculis tussim magis irritarent, decocta autem pectoralia tonum ventriculi admodum laxarent, & agris appetitum omnem auferrent, Lac vero ipsum, methodice tamen usurpatum, notante id simul Illustri *VVeppfero*, medico quondam nulli secundo, in Epistola ad *Veizascham*, hypochondria emendet, febri lentæ resistat, habitum firmiorem; colorem nitidiorem, viresque robustiores conciliet, quin novos plane homines efformet, methodice dico usurpatum, namque in biliosis complexionibus, aut ructibus jam existentibus acidis assumptum, per Vomitus instar materiæ caseosæ rejectum vidi, quique in prandio pisces, aut alios cibos inconvenientes subjungebant, iis febris de nocte augebatur.

7. In febribus tertianis quartanisque, quæ tamen admodum paucæ, magis ac alias insignis dorsi dolor notabatur, & vomitus in paroxysmis molesti erant. Quartanæ tamen non admodum rebelles existebant, & aliquot vulgarissima methodo, & remediis fere domesticis absque corticis peruviani usu fugavi.

8. Arthritides autem vagæ præludia erant scorbuti cum novo anno secuturi. Dolores modo totum corpus corripiebant, de membro in membrum, aura citius, desilientes, in quibusdam etiam tubercula subito erumpebant, mox iterum evanescentia, cum subsequente leviori paralyti. Inter consueta contra hunc morbum remedia mixturam simplicem in-



tis laudare nequeo, quæ uti alias divinum remedium in plurimis morbis existit, ita & hic debita cum circumspeditione usurpata, nunquam me quod sciam fefellit.

9. Cum novo vero anno aër, rarissimo valde, nec senibus observato exemplo, plane æstivus tepidus achumidus ultra duos menses constanter perstitit, ita ut ne pruina quidem noctu terras obregeret, & ranæ coaxare inciperent. Sub ipsum æquinoctii tempus nix iterum & hyems per aliquot septimanas valde aspera, unde & morbi tum majori numero ingruiebant, ceu fieri consuevit temporibus anni debitam suam constitutionem non servantibus. Ex iis vero erant Apoplexiæ, defluxiones, Febres varii generis, cachexiæ, scorbutus.

10. Apoplexiæ, non senibus tantum, quorum alias morbus est, sed & iis, qui vegetæ adhuc ætatis, contingebant; Ægri subito animo linqui videbantur, quibusdam per somnum obveniebat malum. Non tamen adeo lethales erant, sed lymphæ nervosarum partium obstructionem extravasatione sua causante, seu ope sudoriferorum volatiliū, seu quoque propter febrem interdum unâ supervenientem resoluta, inque motum iterum comitata, circa diem octavum plerumque terminabantur, absque remanente paralyfi. Quibusdam rubedo in parte quapiam externa, altero ab insultu die superveniebat, quæ tamen topicis solventibus facile cedebat. Nec tamen omnes qui subito ita interibant apoplexia proprie dicta extinctos opiner. Quidam non infimæ sortis vix trigesimum ætatis annum excedens, & ex frequen-

tiori erysipelate sinistrum pedem tumidiorem gerens, per octiduum de gravitate cordis ac oppressione ejusdem, ut & punctione in latere dextro querebatur, cui ut levamen daret, venam in brachio aperit, sanguine nimis largiter educto. Altero vesperi inter choreas subito animo defecit, stertit & dicto citius exstinguitur, cadaver mane apertum, & quantum in tumultuario isto casu licuit, pervestigatum, viscera partesque omnes, præterquam pulmones sanas retulit. Ex his enim lobus dexter undique annatus, & parenchyma ejusdem per transversum dissectum, abscessibus sinuosis obsessum se præbuit, haut absimilem in modum, quem notarunt in Miscellaneis nostris Excellentissimi Viri, & quidem Decade prima, Anno secundo *Dn. VVinclerus*. Decade secunda, Anno octavo, *Dn. Dolaus* & Anno decimo, *Dn. Hartmannus*. Præterea attractu difflebat pulmo, nigriorque erat, ut adeo sanguis per choreas ejusmodi concitator redditus, per illum pulmonis lobum, juxta proportionem motus acquisitam, moveri non potuerit, atque hinc in dextro cordis ventriculo, in quo magna ejus grumescens, copia existeret, sufflaminatus fuerit, illeque quasi syncope correptus, momento citius expiravit. Nulla interim incute livoris macula, aut sanguinis ex naribus, ore vel auribus eruptio, eoque modo plerosque extinctos arbitror, qui circa æquinoctium illud passim subitanea morte obibant; Vix octiduo post, alius subito inter eundem in platea expirabat, vesperi, sexagenarius fere, & colicis doloribus obno-



xius. Animo sensim defecisse, & se deficientem de momento in momentum percepisse supervenientes notarunt. Post mortem pars illa sinistri lateris à collo ad costarum notharum extremitatem livida deprehensa, quod etiam sanguinis in corde & vicina regione grumescentiam arguit.

11. Febres varii generis erant sine dubio juxta temperamentorum, constitutionumque in individuis varietates ita discrepantes. Aliquibus ephemerae, sed adhuc semel post unum alterumve diem repetentes. Quaedam primis diebus intermittentes erant, & remittere videbantur, dein vero evadebant continuæ. Verè verò intermittentes, quo magis vernum tempus appropinquabat, eo minori numero. Quæ vero primo statim insultu continuæ apparebant, in iis modo calor modo frigus, de cætero acutæ valde, cum dolore nuchæ invadentes, & levi delirio primis statim diebus, circa diem nonum pleræque seu ad salutem, seu ad mortem terminabantur. In quibusdam petechiæ apparebant, quas à malignitate scorbutica haut erronee quispiam deduxerit. Aliis vermes in principio, præcedentibus magnis cordis angustis, & comitante delirio proveniebant, quorum tamen aliquot, quamvis ætate proVectos, servatos memini, cum alias in malignis pro pessimo signo vermium in principio excretio habeatur. Quorum vero sanguis per venam sectam eductus in superficie instar pultis albæ concrelcebat, iis quamvis in principio nulla pleuritica, aliave pectoris affecti symptomata adessent, tamen circa

septimum calore remittente tussis & phlegmatum expectoratio superveniebat. Malignitas verò major, quò magis ad æquinoctium accedebant. Quibusdam in locis adeo acutæ & contagiosæ, ut ægros altero die obisse, superveniente pustula magna & nigra in femorum altero fama referret. Alio in loco junioribus bubonum in inguinibus tumor superveniebat. Quidam circa diem octavum melius habentes, & sanorum similis imprimis quibus urina post quartum diem apparebat citrina, circa duodecimum malignè relabebantur, maximo cum delirio, & generis nervosi symptomatibus, in quibus desperata res erat. Video hoc ipsum ab Excellentissimo *Ridlingo*, Anno primo Lineatum medicarum, vocari, Febrium malignarum inducias, nec ineleganter, nostri tamen ægri in medicamentorum usu continuabant, & nihilominus cum fœtore redibat malignitas. Alii, qui videbantur restituri, levi circa res non naturales commisso errore recidebant. Certa vero methodo omnes ii, qui continuo ægrotabant, tractari non poterant, citius vero evadebant, qui temperato tam medicamentorum, quam aliorum rerum regimine tractabantur, imprimis vero acidorum medicamentorum usui, si quidem pectoris constitutio eadem concedat, facile cedebant.

12. Desfluxiones, neque enim vox adeo absurda semper, ut non interdum retineri queat, cum catarrhorum in externis partibus descensus omnino accidat, & evidenti exemplo à Generosa T. Magnif. anno tertio, decuriæ secundæ Miscellancorum no-



strorum probatus, & à me quoque circa initium februarii, in quodam Societatis Jesu Professore observatus, cui post acerbum scapulæ sinistræ dolorem juxta tractum spinæ dorsi humor sensibiliter deorsum ruebat, ad os sacrum usque, ubi per aliquot dies substitit. Exin tam diaphoreticis internis quam topicis resolutus quasi, seu potius mobilis factus, per femur istius lateris & pedem ad plantam usque descendit, de nocte magis affligens, donec tandem remediis convenientibus plane discuteretur. De fluxiones inquam, magno numero circa id tempus occurrebant, ad oculos, aures, maxillas, uvulam, cum ejusdem & faucium erosione interdum, ad pectus, scapulas, & quorsum non. Interdum subito, ut ita loquar recedebant, calore aliquo febrili & lassitudine per octiduum subsequente, in quibusdam vero membrorum contractura, aliisque latentis scorbuti symptomatibus. Imprimis quoque frequens humorum serosorum ad sinistram scrotum decubitus, præcedente quadam quasi horripilatione, sinistri hypochondrii dolore, & in inguine tensione. Ad hydroceles vero pertinebant, hydragogisque internis, & topicis his in casibus consuetis curabantur.

13. Cachexiæ pedumque tumores imprimis circa æquinoctium vernum notabantur, præsertim in iis, qui Asthmæ & catarrhis obnoxii erant. In plerisque cum diminuta urinæ excretionem, eaque modo viscidum & album, modo rubrum sedimentum referente. Etiam in puerperis quibusdam observatum hoc malum, quibus alias nihilominus lochia rite flue-

bant. Causa vero imminutæ hujus excretionis, cum nulla circa vesicæ regionem gravitas deprehenderetur, hinc in massa potius sero sanguinea nimis viscosa & tenaciori quærenda, cui etiam curatio consentit, namque ægri à nullis remediis melius habebant, quam ab attenuantibus incidentibusque, salibus scilicet diureticis fixis cum volatilibus combinatis.

14. Restat scorbutus qui ipse quamvis Endemium apud nos malum sit, non memini tamen intra aliquot annorum spatium, adeo frequentem extitisse, ac post solstitium hyemale. Non quidem me fugit, prudentes medicos interdum ejusmodi affectus, quorum genuinas appellationes ac causas ægri aut horrent, aut propter terminorum artis subtilitatem capere nequeunt, scorbuti nomine efferre, nec minus & illud commune dictæ me latet, scorbutum esse asylum ignorantie medicæ, plurimosque affectus, quorum nomine eum incusamus, vel morborum fientium nullumque adhuc certum typum adeptorum effecta esse, vel etiam infelices reliquias existere morbi alicujus nondum penitus destructi, à quibus sanguis & cæteri humores contaminentur, ceu utrumque recte animadvertit *Sydenhammius*. Cum tamen superioris ævi medicis placuerit ejusmodi dyscrasie massæ sero sanguineæ, in qua partes nitro sulphurææ cum quadam viscositate, præ cæteris magis exaltatæ, & spiritus vitales (utor termino communi) simul depressæ existant, scorbuti nomen imponere, & verba usu valeant, ceu nummi, hinc quoque præ-



præfente ejusmodi sanguinis ftatu, ac fymptomatibus ab eodem dependen-  
tibus, voce hac uti nolle, nescio  
quæ animi fingularis opinio exifte-  
ret. Et certe non apud adultos fo-  
lum, fed & qui junioris adhuc æta-  
tis erant, & in infantia conftituti,  
frequentia ejus generis fymptomata  
notabantur. Morbillorum enim ra-  
dices haud incommodè quis in dia-  
thefi fcorbutica quæfiverit, in aliis  
laffitudines, hæmorrhagiæ, qualem  
infignem in puella octo annorum de-  
prehendi, quam fuppreffam maculæ  
magnæ fanguinæ in pectore & pe-  
dibus fequebantur, cum vermium ex-  
cretionem. Supervenit dein brachio-  
rum pedumque contractura, & ho-  
rum circa vefperam intumefcentia;  
In Adultis vero non modo morbis fu-  
pra enumeratis comitem fe adjun-  
gebat fcorbutus, fed & in fuper ali-  
is fymptomatibus moleftus erat. Hinc  
frequentes de laffitudine cum appe-  
titu profttrato, fudoribus nimis,  
ptyalifmo, doloribus membrorum  
nocturnis, immobilitate & contra-  
cturis querelæ, alii tuberculis infe-  
ftabantur, maculisque, quidam ve-  
ro tantum, quando in lecto inca-  
lefcerent, gingivæ plurimis fangu-  
inolentæ, & in iis qui alias per to-  
tam vitam nec quicquam de fcorbuto  
perceperant, quique diætæ malum  
hoc caufanti non affueri erant. Aliis  
phlogofes eryfipelatofæ in facie par-  
tibusque externis, quibus ceffantibus  
punctiones in præcordiis cum febre  
erratica fuperveniebant, phthifin  
minantes, nifi præventum fuiffet.  
Singulare in vitriario quodam, ali-  
as arthritidi fcorbuticæ obnoxio, lin-  
guæ fymptoma initio hujus men-

fis deprehendi. Huic cum per ali-  
quot dies ptyalifmus præceffiffet, fu-  
bito palpitatio tremula apicis linguæ  
cum aponia fupervenit, fectione  
venæ raninæ fublata. Exemplo *Au-  
guftini Thönneri* fymptoma hoc adf-  
corbutum refero, qui haut abfimi-  
lem linguæ convullionem, in quo-  
dam arthritide fcorbutica laborante  
obfervavit. Ex fola certe lingua ex-  
coriata, puftulisque in eadem valde  
dolentibus latentis fcorbuti indicia  
defumpfit Excellentiff. *Ridlinus*,  
Linearum medicarum Anno primo,  
medela opinionem comprobante. Ad  
fcorbuticam quoque claffem fympto-  
mata à fpirituum defectu exiftentia  
referas, uti vertigines, oculorum  
caligines, lipothymias, melancholi-  
as, five illis inordinatæ diætæ, ani-  
miquæ alterationes progreflæ, five  
in altero fexu menses fuppreffi & gra-  
viditas anfam darent. Denique nec  
illius oblivifcendum arbitror, nul-  
lo anno majores de ventriculi im-  
becillitate querelas apud illos fui-  
ffe, quibus ex fui cœtus inftituto tempo-  
re quadragefimæ pifcium efus incum-  
bit, quam digestionis debilitatem,  
an ad fpirituum propter diathefin  
fcorbuticam defectum, & fermen-  
tum ventriculi proin non fatis ex-  
altatum recte referam, penes alios  
judicium efto. In curatione vero  
fymptomatum fcorbuticorum illud  
imprimis magni momenti deprehen-  
di, cujus etiam in aureis fuis obfer-  
vationibus meminit Illuftris *Pechli-  
nus* acidiusculos liquores, amaritudi-  
ne balsamica delibutos palmam ob-  
tinere. Siquidem fi quopiam in mor-  
bo, certe in fcorbuto ebullitionis  
tempora, à reliquo ejus motu, maffæ-



que sero sanguineæ statu probè dignoscenda, & medicamenta juxta varianda.

15. Et hæc quidem de constitutione morborum apud nos à solstitio æstivo anni superioris communicare potui; Non quidem talia sunt, quæ ab aliis consignari non potuissent, sed quorum continuationem à me fieri posse Illustris T. Magnif. censuit, ego vero maxime vellem. Quod super est, neque enim ulterius progredi termini Epistolares patiuntur, Te, Magnifice Domine Præses, ut in præsidium ac incrementum artis societatisque nostræ, quin & totius Reip. literariæ in multuos annos quam

felicissime superstitem Deus seruet; ex animo voveo, & nemo non ex societate mecum, quo summas ingenii dotes, atque elegans imprimis maximeque subactum iudicium practicum in lectissimis scholiis ulterius demirari liceat. Ipse ego profecto tota vita mihi gratulabor, quod ILLUSTRIS SCHRÖCKIO PRÆSIDE, eam felicitatem nactus sum, quâ in SOCIETATEM LEOPOLDINAM recepto, impofterum cum Exercitissimis in arte viris conferendi occasio mihi suppeditetur. Scripsi Hildesii d. xxviii. Aprilis Anni clodc LXXXVI.

*Constitutio Epidemica Augustana Anni 1699. & 1700.*

Dn. D. LUCÆ SCHRÖCKII,

Academ. Cæsar. Leopold. Nat. Curiosorum Præsidis.

Uti Anni proxime præcedentis exitum Zephyri, pluviosi & tepidi, vehementia comitata fuit, ita præsens Annus 1699. simili cum austrina temperie incepit, atque tam constans venti hujus, cum Austro tamen & Africa subinde reciprocantis, ferocia usque ad Solis in Aquarii signum accessum notabatur, ut Incolarum nemo tam diu horum impetum continuasse recorderetur, & rariora ac breviora hyemis indicia intercurrerent. Et quamvis austrina constitutio aliàs pessime Medicis, ipsi etiam Hippocrati Sect. 3. aph. 5. non bene audire soleat, hic tamen vires exferere suas non valuit, ventorum potentia atomos morbificos, quæ in putredinem proclives, & aerem inquinata-

re aptæ fuerant, feliciter ubique discutiente; impedire tamen eadem non prorsus poterat, quò minus ex collectis jam antea, & porro hucusque coacervatis lymphæ superfluitatibus, aereque interdum frigido intensibilem transpirationem retardante, Pleuritide aliqui corriperebantur; Catarrhi autem in prægresso Decembri faucibus infesti, nunc magnam Incolarum partem, gravius mitiusve, & modò fauces solas, sed rariùs modo simul & frequentius pectus, live glandulosam asperæ arteriæ texturam ex improvviso, cum horrore occuparent, concomittante ut plurimum capitis dolore, & febrili intenso calore subsequente (sed diaphoretico sumto paucas intra horas denuo recedente,) nec



nec non diuturniore, dum reconvalescentes aeri citius quam decebat se exponebant, tussi humida superstitere qua multum crassi sputi expellebatur. Et hæc anginae nothæ species hyemali tempore quod epidemica evaserit, quæ aliàs inter vernaes morbos ab Hippocrate Sect. 3. aph. 20. refertur, minus mirari licuit, cum præsens hyems naturam primi veris induerit, sicque prægressum mensibus prioribus frigus viscosi feri collectioni ansam cum dedisset, mitior illa succedens temperies fluxionem ejusdem sive liquationem promoverit. In ipsa morbi invasione, quæ suffocationis merum sæpe incutiebat, aliquot olei amygdalorum dulcium, aut olivarum cochlearia præsentaneo cum emolumento fuisse propinata, reliquum autem curæ blandis diaphoreticis, cephalicis temperatis, expectorationem promoventibus, aliisque pro circumstantiarum & symptomatum diversitate, externis etiam, emplastro de meliloto, malactico simplici, & Officinis nostris dicto filii Zachariæ, non inanes suppetias ferentibus, absolutum fuit. Qui ipsi Catarrhi, faucibus, pectori, dentibus infensi, in vernali usque tempore, mitiores tamen ut plurimum, epidemice grassari continuarunt. Præter hos Morbilli quoque plurimos in puerili imprimis ætate, licet nec adultioribus parcerent, invaserant, & per aliquot, vernaes etiam, menses se exseruerant; benigni tamen & facile iterum dissipati, quamvis intenso ut plurimum calore incipientes, quin & capitis Erysipelas in multis notabatur, molesta quidem febrili incalescentia, tumore & pruritu periodum suam decurrens, aut cum cuticulæ desquama-

tione, moderatoque sub caloris externi regimine non difficulter admodum iterum evenescens.

Erant eodem, & subsequo tempore, quibus febricula, hæctica fere æmula, & quotidie calore quodam præternaturali, vel præcordiorum, circa ventriculi superius orificium compressione, incerta periodo recurrens, cum appetitu imminuto, siri vel nulla vel tolerabili, & virium lassitudine, infesta fuerat, Tinctura autem bezoardica bis in die, sine sudoris coactione, sumta, interpositoque pilularum nostratibus Immanuelis nomine venientium usu, citiori vel tardiori circuitu, prout causa morifica, viscosa, in glandulis fortasse minoribus ventriculi vicinarumque partium hærens, incuneata magis vel minus erat, sine periculo finita. Licet & hæctica febriculæ puerili ætati infestæ essent, à collectis viscidis acidisque in sanguine particulis, & glandulosas in primis viis partes obstruentibus oriri à me creditæ, Essentiisque alcalicis & absorbentibus terrestribus medicamentis, post laxativorum usum, maturè propinatis, non admodum difficulter abigendæ.

Dehinc Eurus penetrante quidem frigore, serenos tamen dies comitante, nos aliquamdiu infestabat, cum sol in Aquarii signo esset constitutus; quo tamen dimidio emenso, novas Zephyri, ab Africo sæpius intercurrente adiuti, impetus ingruerat, ac nives plures spargebat, quæ vero brevi, cum aeris temperies ut plurimum ad temperatiorem statum inclinaret, iterum liquecebant; usque dum aer non multum amplius à ventis agitatus, aliquot ante Equinoctium vernale die-



bus copiosam nivem demitteret, atque exin frigoris inclementia per longum tempus nos adficeret, sub potiori Zephyri dominio, qui post Calendas Martiales vehementia sua vernalium deliciarum proventum tardabat, tandemque in longiores pluvias resolvebatur; cui cum circa Solis in Geminos ingressum Eurus succedens serenitate grataque calidiore temperie nos refecisset, lætior terræ facies vernantes suas amœnitates eò liberalius protruserat. Sub vario deinde, modò pluvioso, modò sereno Jove, præter reliquorum ventorum reciprocationes, Zephyri porissimum nova violentia concuti aer cepit, usque dum Euro leniori spirante, calor æstivus mense Julio constantior ingrueret, Siriusque campos exsiccaret, messem quidem ita maturiorem nec illaudabilem reddens, succum tamen granis cerealibus, ut justò macriora existerent, subduceret. Interea febres continuæ petechiales, quandoque insuper pustulis miliaribus aquosis stipatæ, interdum verò malignitate equidem non carentes, sine tamen istiusmodi efflorescentiis periodum suam absolventes, cum horrore, virium prostratione, cephalalgia, dorsi dolore quandoque & siti non admodum molesta, nec appetitu prorsus prostrato incipientes, per urbem, usque dum Virginem sol accederet, notabantur: non paucis, inter succedentia in morbi progressu deliria & faucium ariditates, exitiales factæ, ubi vel ab imperitis tractatæ, vel per initia neglectæ, aut etiam decubentes immorigeri monitis Medicorum fuerant; quam ipsam ob causam habitantibus in pagis viciniæ nostræ Hebræis non levem cladem in Majo attulerant: Leniorum etiam familias in Ur-

be, quas præ aliis invaserant, crebris funeribus contristaverant; ast in principio ubi ex arte tractabantur, non admodum refractarias eas notare licuit, ita ut etiam in prima, quod dicitur, herba oppressas, paucoque alixipharmacorum, tincturæ bezoardicæ, theriacæ cœlestis cum chinchinæ extracto &c. usu abactas non una vice notaverim; sicut etiam reliqui sub tepidiori per morbi decursum corporis custodia, per continuatum diaphoreticorum usum haud difficulter evaserant. Alvus in nonnullis obstructa per plures dies nullum incommodum attulisse, nec somnolentia in morbi decremento diutius instans nocuisse observabatur.

Sole in Virgine versante, cœlum, Euro crebrius perflatum, humidius & frigidiusculum primò, postea constanti radiorum solarium præsentia animatum, denuo excalesfactum cum esset, Diarrhææ simplices, paucioribus cruentæ tenellam præsertim puerilem ætatem, imò vixdum in lucem editos fœtus, hoc æstivo tempore infestarunt, excretionem aquosam, pituitosam, acidum redolentem; quorum ægrotulorum magnam partem, ob parentum & qui curam puerorum agebant, negligentiam, remediorumque intermissionem trucidarunt; quibus enim medicæ manus prudenter adhibitæ, non infelicitè evasisse, atque coralliorum imprimis aut terræ signatæ pulverem, cum theriacæ cœlestis tantillo maritatum, aliaque stomachi fibras roborantia conduxisse notavi causam vix aliam fuisse suspicatus sum, quàm pulmentorum ex farina cum lacte coctorum esum, quæ ipsa farina ex tritico ante annum tempore humido cælo collecto, atque ex-



Etiam maturitatem non adepto parata, plurimas crudiores particulas absconditas, non infrequenter mucidam, quod sapor odorque testabatur, corruptionem expertas habuit, quæ dein tenero in pusionum ventriculo in liquorem acido viscidum abeuntes, digestionem vitiarunt.

Interca etiam magna illa Solis Eclipsis d. 23. Septembr. comparuit, quam multi nostratum ex plebe, vana persuasione seducti, licet multum reformidassent, ut sanitatis inde jacturam si fecissent, haud mirari quis potuisset; quamvis nec tunc temporis, nec postea ullos morbosos effectus observare datum fuerit; quæ enim in Octobri & Novembri lymphæ stagnationes in plurimis odontalgias & Catarrhos leviores produxerant, aeris potius, quæ Eclipsin à d. 27. Septembris usque ad d. 27. Octobris infecuta fuit, inclementiæ, nebulis crebris, pruinis, pluvius, frigore horridæ debebantur? Ipsa Solis obumbratio, quam cælo prius admodum sereno, nubium sparsarum ab orientali plaga progressus antecesserat, cum sensim incresceret, remissioremque caliginem induceret, Eurus subito exorians, non tamen impetuosus, horridiusculam auram reddidit, campique, ex nonnullorum relatione, quasi rore maduerunt; quæ tamen cuncta tum obnubilatione cessante & ipsa recesserunt.

Sol in Scorpionis signum ubi pervenerat, & Eurus præsertim, ad meridionalem tamen plagam quandoque inclinans spirabat, plures serenos frigidiusculos numeravimus dies, matutinis tamen crebris nebulis turbatos; Novembre autem ineunte Zephyrus (qui altero post Solis in Sa-

gittarium ingressum die vehementissimus erat,) temperatiores eos, varietate constitutos, ut plurimum tamen serenos reddidit, & tandem sub multivaria in Decembri aëris alteratione, atque cum reliquis ventis, videlicet primum cum Euro frigido, circa medium mensem Austro temperato, & tandem Borea frigido alternatione, in nives & frigus despumabat. Nec singulares morbi notabantur, nisi quod in dicto mense ultimo puetilem ætatem, non quidem admodum multos, Variolæ benignissimæ, quas nostrates aureas dicunt, quibus verò majores pustulæ, longiori quàm priores decursu finitæ, in nonnullis interspersæ fuerant, occuparent, omnes tamen absque singulari periculo paucis temperatioribus remediis, & blando externo regimine facile abigerentur; insuperque Febres quotidianæ, quales jam circa Anni principium infestæ fuerant, repullulascerent: quæ majori cum calore, sine horroris ut plurimum sensu ingruiebant, & facile in hecticam declinabant, difficilioremque in multis curam reddebant, tandem tamen, cum interpolato laxativorum usu, pulveribus absorbentibus, nitratis, chinchinatis, martialibus medicamentis cedebant.

Principium Anni 1700. serenitate, frigori junctâ, cum se commendasset, paulò post varia cœli facies, nebulosa, nubila, nivosa, pluviosa, serena, frigida, temperata comparuit, quin & d. 28. Januarij tonitru ac fulgure tempestuosa exstitit, cum per aliquot dies Zephyrus, hucusque semper, nisi quod ad semimeridionalem plagam sæpius inclinaret, se exserens

aërem



aërem multum prius concussisset; qui etiam venti M. Februario continuarunt, & hyemale frigus constans inter nives sæpius delapsas, induxerunt; quod circa Solis in Pisces ingressum ab Euro incrementum sumit, nivesque, in M. Martio sensim liquatas, subinde spargere non intermisit. Interea Januarius febres quotidianas in fine præcedentis Anni memoratas producere non prorsus cessabat; & nonnullos Apoplexia, diverso facto terminata, alios Rheumatismo artuum superiorum, qui usque in Aprilem, juxta cum febribus nominatis notabatur, atque à repetitis sudoribus, præcipuè quos Laconicum coriariorum proliciebat, soluto, infestabat; Infantes autem in glandulis faucium, ipsisque pulmonum vesiculis, non sine febrili incalescentia invadens, atque grave asthma inducens stagnatio periculo non levi exposuit, multosque eorum, præsertim aut seriùs, aut negligentius curæ commissos in sepulchrum præcipitavit, cum reliqui orgasmum istum refrenantium absorbentium, & viscosam colluviem blandè per alvum sputumque educentium usum salutarem experirentur: Quæ cuncta sicut inæqualitati aëris, lympham modò incrassantis, modò in fluorem iterum eliquantis deberi arbitror, ita ejusdem etiam aëris effectum fuisse non dubito, quòd diversas puerperas abdominis, præcipuè in hypogastrica regione tormina corripere, eaque lochiorum evacuationem non ad votum succedentem, & hinc ex sanguinis stagnatione nervosam fibrarum tensionem inducentem comitem haberent; quæ ipsa medicamentis ca-

storinis, alijsque fluorem sanguinis debitum blandè restituentibus, ac viscosas impuritates una per alvum eliminantibus idèò cedebant. Ab eadem aeris inæqualitate etiam, antequam Æquinoctium vernum advenisset, Icteri, Martialibus remedijs debellati, & Febres petechiales continuæ, cum cephalalgia ingruentes, in quibusdam Pleuritide comitatæ cæterum nihil singulare ostendentes, nec admodum letales, usque in Aprilem, frigidum & primò quidem ab Euro serenum, postea succedente Zephyro, cum semimeridionali vento alternante pluviosum, sparsim ut vix epidemicos inter morbos referri mererentur, notabantur, sed Majus, crebros Zephyri flatus expertus gratiori cœli amœnitate illuxit, in fine tamen frigidus evasit. morborumque seminia (præter Variolarum, nunquam uti hætenus, ita per totum reliquum Anni decursum plane cessantium,) prorsus suppressisse visus est; quos nec postea repullulare variorum ventorum, aërea, si quæ ingruerent, inquinamenta ex omni mundi plaga dissipantium vicissitudo. sub grata calidioris, nec non temperatioris auræ alternatione, permiserat. Quamvis postea per æstatem Febres quotidianæ & Rheumatismi subinde denuo caput extollere conarentur, inque Mense Augusto Dysenteriae aliqua vestigia notarentur, vix tamen memorari hic merentur. Post caniculares dies primò frigidiuscula aura spirabat, postea longior aëris serenitas non levem terræ siccitatem inducebat, usque dum post Æquinoctium autumnale Zephyri vehementia, ab alijs ventis sæpe in-



interrupta, crebras pluvias suscitaret, tepidioremque ut plurimum auram redderet, quæ aultrina constitutio, paulò post non tantum Variolas in plures infantes diffuderat, sed etiam Tusses contumaces in multis, & Febres petechiales in quibusdam produxerat; & has quidem non sine contagij nota, ut integræ etiam domus alicubi inficerentur, & non pauci succumberent, quos tamen non tam morbi violentia quàm quòd negligeret & imperitè, præsertim à stupida fœdi carnificis temeritate, quæ nescio quo infortunio plures dementaverat; tractarentur, mortis prædam fecerat; cum alij ritè & maturè curati, paucis assumtis alexipharmacis, primos morbi impetus prorsus, vel intra biduum retunderent, vel salvitandem evaderent. Omnes præcedaneo horrore, subitam virium prostrationem & præcordiorum oppressionem patiebantur; nonnulli cephalalgia per initia torquebantur, deliria verò & inquietudines interdum subsequerentur, sitis rariùs urgebat, nec caloris præternaturalis externa indicia aderant, urina ut plurimum & pulsus non multum à naturali flatu recedebant. Talia etiam Civis cujusdam uxorem cum filio 17. annorum invaserant, qui empiricæ etiam illius imperitiæ expositi mortui sunt; filia autem 19. annorum eodem malo correpta, in morbi augmento vermem duas spithamas longum mortuum vomitu excreverat, moribusque membrorum convulsivis & continuis delirijs agitata, nil cibi & medicamentorum ulterius assumere voluerat, quin & potum omnem, quamvis fauces aridæ essent & muco

viscidissimo incrustarentur, per biduum respuerat; quæ tamen, cum utrique humero vesicatoria adplicare curassem, tumque ipsa deglutire iterum aliquid inciperet, sicque cephalica alexipharmacis mixta admitteret; mentem paulatim & membrorum tranquillitatem resumserat, & circa tertiæ hebdomadis à decubitu finem subortâ diarrhœâ evaserat: altera filia duodecennis tertio & quarto morbi die vomitu crebro agitata, nil cibi, potus vel medicamentorum retinere poterat, datâ verò theriacâ cœlesti cum chinchinæ extracto motus ille ventriculi perversus sedatus est, die autem decimo caput intumescere & immensum dolere cepit, sed propinatis ibidem cephalicis & alexipharmacis, nec non vesicatoriis utrique humero impositis; parotidisque sinistræ tumore suborto, postquam ille à cataplasmatibus usu discussus fuisset, atque diarrhœa supervenisset, convaleuit. Filia 14. annos nata, & filius undecennis cum parem morbi insultum passi, intra octiduum sanitatem recuperarunt. In omnibus his sudor ferè nullus prolici poterat: maculæ etiam punctulares lentè nec satis ad votum prodierant: Pater prima morbi indicia sentiens, sumtâ bis Tincturâ bezoardica ejus violentiam elisit, inter medicamenta etiam Pulveris nostri alexipharmacis officinalis, qui ex terr. sigill. C. C. phil. præp. rad. angel. Zedoar. cort. citr. & myrrh. componitur, repetitum usum imprimis proficuum expertus sum; qui non tantum lymphæ visciditatem corrigere, ejusque coagulum resolvere, sicque ad diaphoresin disponere, sed



etiam balsamicis suis partibus sanguinem à corruptione præservare valuit, Tusses magnâ vehementiâ adultis æquè ac pueris infestæ, convulsivi aliquid alere visæ fuerunt, & magnam humoris viscidæ copiam excreverunt; quibus verò, ut alia taceam, con-

tinuatum herbæ thæe vel veronicæ, cum radice liquiritiæ infusæ usum præcipuam medelam attulisse observavi. Quo sub Morbonæ dominio reliquum anni, varias cœli mutationes, temperatiorem imprimis auram produciens, transegit.

*Constitutio epidemica Berolinensis An. 1699.*

Dn. D. GUSTAVI CASIMIRI GAHRLIEP

von der Müllen.

**J**Anuarii 1mâ dies tota pluviosa, vespertino tonitru sexies satis vehementer reboante insolito & hoc saltem tempore raro phænomeno tremendum edidit ostentum. 2da inconstans manè ex parte serena & sicca, reliquo nimbis ingrata. 3tia manè pluviis molesta in Caurum à meridie valdè impetuosum desit. Sequentes ad decimum varii ut plurimum pluviis, quandoque nivium flocculis mixti, nonnunquam frigore temperato in grave tandem gelu degenerante distincti, succedente demum nive, hisque pluviis, vernam ferè cum sudo temperiem ad 19num usque reducentes, Cœlo nimirum de die sereno, noctu verò gelido, revertente sic paulatim fortiori gelu, triduum durante; tum verò rursus in pluvias ac temperiem aeris leniorem per quatrimum declinante, ac succedente denuo 28vo gelu satis acris sed ephemero, in nebulosum & pluviosum quatrimum unâ cum mense terminante.

Februarius eodem typo cœpit, mox verò 2do, succedente gelu ad 11mum usque continuavit, in pluviolam ves-

peri solutum, sed 12mus manè rursus gelidus, cœlo quidem obscuro & flocculos subinde niveos spargente, octiduum continuavit, 19nus tandem remissior toto biduo pluviosus ac nimbosus. Verum 22do post mane obscurum sequens 23us sereno cœlo pluvias ac grandinem miscuit, succedente post pacatiori 24to, rursusque nimbofo ac nivoso 25to, tandem à modico manè gelu in amœnum triduum 28vo & ultimo transiit.

Martius à pauca nive, sereno mox rursus cœlo exorsus variis & inter se alternantibus tempestatum vicissitudinibus, Aprilem potius referens, nivibus pluvias, gelu deliquia miscens ad 12mum usque perrexit. Constantiori postmodum frigore, sereno ut plurimum cœlo, nivibus, nonnunquam parvis interpellato ad 24tum usque continuavit. Inde remittens, post biduum pluviolis quibusdam aspersum, vesperam versùs clarescens, 27mo in amœnam serenitatem, sequenti tamen 28vo turbida tempestate, nimbis, pluviis ac grandine fœdâ interceptam, mox verò tolera-

bilio-



biliori biduo redditam, 32mo una cum trimestri hoc primò in vernam amœnitatem desit,

Morbi hujus trimestris initio frequentiores ac Epidemicæ fuerunt præcipuè febres peculiæ catarrhales, malignitatis non expertes, difficiles, periculosæ & quibusdam exitiosæ, qui ardentes postea succedere, pleuritide ut plurimum comitatæ, eaque acuta quandoque & maligna, nonnullis lethali, tandem & variolæ. His ob varium adeò cœlum Februatio mense substitutæ febres acutæ ardentes & continuæ intermittentes, aut subinde potius exacerbatae, malignitate ac petechiis infames, aliæque paulò mitiores quidem, sed variis exanthematis, purpura, morbillis malignitatis latentis indicibus fœtæ, quæ & sequenti Martio, totoque adeo trimestri & ultra durarunt ac haud paucos & plures miserunt.

Aprilis primus cœptam sub finem mensis præcedentis amœnitatem vernam, quibusdam 4to præsertim, 6to & 8vo cum æstivis de serenitate & æstu certantibus, ad nonum usque serie vix interrupta, nisi nubilum, utut rarius, horis potissimum pomeridianis intercedens, cœlum variationis insinulaveris, continuavit. Sequens quatrimum à nono ad 10m serenity pluvias induxit leves ac fœcundas Inde ad 18vum Euro in Aquilonem paulatim deviante, aer quandoque serenus, ut plurimum turbidus, siccus tamen, simulque frigidus, nonnunquam ventosus. 18vus serenus ferè totus, circa vesperam fœcundam sparsit pluviam. Succedente hinc cum sudo temperato &

amœno octiduo, 21mum procellosum & subfrigidum si exceperis, ad vigesimum septimum usque, qui varius, manè turbidus à meridie tonitru, pluvia ac grandine horridus, circa vesperam demum serenus, triduo comitatus, turbido tandem in pluviolam sub ipso mensis exordio delicuit.

Majus totâ & amœnâ serenitate ver initiavit; sed à successore paulò asperiore, Aquilone nimirum afflante, destitutus, Zephyro tandem subeunte in pluviosum transiit quatrimum, à biduo sereno denuò exceptum, sed 10mo sub vespera pauca aspersum pluvia. 11mus manè serenus à meridie udus, successore 12mo sereno ac sicco interserto, pluviam & circa vesperam tempestuosum substituit triduum. Cui biduum æquè turbidum, sed præcedenti ternario siccus accessit, donec 18vus serenus & amœnus vernam gratiam ac jucunditatem, quindecim dierum continua serie ad ipsum usque mensis terminum durantem redintegravit.

Junius eodem quidem tenore inchoavit ac biduo ad vesperam usque sereno continuavit, in pluviam verò satis grandem aut imbrem potius & tonitru circa hanc defecit. 4tus nubilosus & frigidulus, siccus tamen successorem tota die Cauro impetuosius flante nimbosum habuit, triduum tamen serenius & amœnius accersentem, ad nonæ (quæ pentecostes prima erat) usque meridiem in pluvias fatiscentem. 10mo succedenti vario, turbido ac subinde madido, 11mo manè nubiloso à meridie claro 12mo sereno amœno ac temperato toto. Huic 13us manè serenus ac ventosus, à meridie pluviosus, Iride



bis apparente, ac biduanam serenitatem nunciante, notabilis successit. Quæ tamen à biduo inconstante excepta, quattridum addidit paulò constantius, mox tamen in biduum è sudo & pluviis mixtum deciscens 21mum totum pluviosum ad meridiem usque 22di à meridie clarescentis succedaneum habuit, 23tius sudo & æstivo calore gratus. 24tum ejusdem amœnitatis ad occasum usque solis imbre degenerem, socium sibi ascivit, ut & triduum sequens, & pluviolis tamen quandoque madens, 28vus pluviosus à 29no sicco & à meridie sereno correctus, cum 30mo toto æstu ac sudo acceptissimo ultimum secundæ hujus anni quadræ mensem clausit. Trimestre hoc secundum morbos haud adeò frequentes aluit præter scorbuticos nonnullos aliis ut plurimum complicatos, utpote Arthritidi vagæ, Nephritidi, Colicæ, Febres quasdam Catharrhales, quandoque, utut rariùs malignas. Majus scorbuticis prædictis hypochondriacos quosdam &, at rarò maniacos junxit. Hisque Epilepsias infantum præsertim & puerorum diarrhœas, subinde & dysenterias hoc anni tempore alias insolitas, febres quasdam cum colica scorbutica aut hystericiis passionibus combinatas accensuit. Junius his malignas nonnullas cum pleuritide, quandoque & in peripneumoniam degenerante concurrentes, exanthematum quoque miliarium peculiari quodam genere, ut & petechijs, iisque periculosis ac quibusdam lethalibus, infames superaddidit.

Julii primus die sudum ultimo Junii inchoatum per quattriduum ad 3tum usque propagavit, cujus vesperta pluviolam sparsit raram. Sextus ma-

nè serenus, rorantibus subinde tamen pluviarum guttulis, aspersus, à meridie imbrem fudit valdè largum, sequentes septem nubilo, aliquando & imbribus & nimbis turbato cœlo varii fuerunt. 14tus æstivum redintegravit sudum, ac excepto 10no tonitru & pluviis circa vespertam turbido, & 21mo pluvia vespertina madente, ad 28vum usque jugi sudo & æstu gavisus est; Hic tandem serenitati huic satis durabili triduum tonitruosum, pluviosum ac quandoque grandinosum succenturiavit, ac 31mo demum sereno & amœno finiit.

Augustus à triduo sic satis sereno, pluviis tamen quandoque interpellato exorsus, 4to sudum produxit amœnum, ad vespertam usque sequentis durans, tum verò tonitru horrendo ac imbre valdè largo turbatum, 6to sudo subinde pluvias miscuit, 7mo tonitru superaddidit, subsequente vario quandoque ventoso, turbido ac pluvioso ad 20mum usque cœlo, postea vero seniori ac tranquilliori, non tamen omninò à pluviis immuni ætheri abblandivit ad 28vum usque; una cum triduo sereno toto, ac æstivo calore amœno, mensem hunc claudentem.

September sudum æstivo fervore jucundum primo die continuavit, 2do à meridie pluviolas quasdam miscuit, sequens nubibus id subinde temperavit, 5tus idem reparavit, à meridie pluviolam asperxit, 6tus à pluviis immunis, 7mus & 8vus raras sereno pluvias intercalavit; A nono ad 18vum æther æstivum, sudo rursus & temperato calore amœnum affulsit, 18vus pluvie pauxillo asperso, 19no & 20mo redintegratum sed frigidulam, 21mo & sub-



& subsequente biduo paulò mitius, 24to nebulosum, sed mox rursus serenum cum successore toto 26to sudum pluvia matutina modica ac nubilo postea interpellatum ad 30mum usque adeoque postremum reduxit, sicque trimestri huic tertio gratum reddidit terminum.

Tertii hujus trimestris à priori haud multum abludentis Julius hypochondriacas nonnullas & scorbuticas affectiones variis comitatas symptomatis, & hæc inter præcordiorum præcipuè oppressionibus & angoribus molestas; febres continuas ardentes, aliasque paroxysmis subinde vehementibus graves, nec omni malignitate vacantes, symptomata periculosa, pleuritides, hæmoptoes, deliria, ad phrenesin durantia, inducentes. Epilepticos insultus; frequentissimè adeoque Epidemicè diarrhœas nonnunquam & dysenterias periculosas, à tergo trahentes. Augustus eodem fere tenore transit, nisi quod febres continuæ ardentes, malignæ admodum, frequentiores adhuc ac petechiis quoque stipatæ successerint, atque Septembri quoque continuarint, in hecticam haud raro, tussis contumacissimas, colicas quoque passiones, diarrhœas & dysenterias transeuntes, periculosas, rarò tamen lethales, purpura sæpius, variolis rarò, morbillis frequentius notatas.

October autumnò congener à primo ad 19num usque vario cœlo sæpius pluvio, rarò sereno, semper horridulo transit; Hic Serenus, præter parum pluviae 23tio sparsæ octiduum adduxit serenum & 25to præsertim æstivo sudo ferè compari, à biduo paulò nebulosiori exceptum,

29no nebuloso turbido ac pluviis raris tamen interpolatum, biduo alio sereniori sed Euro afflante frigidulo surrogata compensavit, tandem postremo biduo in primam glaciem sub ipso exitu dirigit.

Novembris primus, ejusdem cum prædictis postremis genii, serenus nimirum & gelidus, 2dus gelidus adhuc, sed nubilosus ac turbidus sequenti nocte primas sparsit nives, remittente parum gelu; noctu rursus pruinam, tum manè nebulam in pluvio-lam deliquescentem tulit. Subsequente 5to sicco, mitiori æthere grato, tum pluviosa nocte ad meridiem usque sequentis intersepta, inde clarescente rursus aere post turbidum 7mum, triduum subsecutum sudo temperato valdè amœnum ad vespèram usque 11mi pluvia rorantem, cui quatrimum rursus serenum successit, ac 18vum manè pluviolam spargentem, si exceperis, ad 21. usque à meridie pluvia quoque rara cum sequentibus duobus madentem. 24tus ejusque successor nimborum affeclas habere turbidos ac pluviosos, solo 30mo mensis nimirum ultimo sereno ac temperato excepto.

Decembris primus & secundus alternatim pluvias serenitati, ille manè, hic vesperi subordinarunt, 3tius in gelu pronus à nocte gelida, meridie nivoso, reliquo sereno in triduum brumali frigore rigens transit; 7mus mitior, cum 8vo toto nives addidit; 9nus temperato gelu serenus: 10mus totus nivosus à procellosa nocte in serenum ac temperatum gelu migravit, quod 11mo fortius; 12mo subturbido cœlo per triduum subsequens satis rigorosum, in



gelicidium tandem desit, 16to nebuloso cum sequente, cœlo etiam sereno paululum remittens, biduum substituit penitus degelascens, sed reintegrato zona gelu ad meridiem usque mitiorem, 21mo & 22do nebulosis ac pluviosis, 23. à nocte serena gelicidium à meridie adduxit ad 24ti usque sequentis meridiem, in pluviam tandem fatiscentem. 25tus nebulosus ac nubilosus totus mite restituit gelu, cœlo sereno cum nivibus quandoque alternante, ad 31um usque & postremum hujus ut trimestris sic anni totius, robur successive validius acquirens.

Postremum hoc trimestre, perinde uti priora, febres obtulit varias satis frequentes satisque vehementes,

acutas & arduas nonnullas simulque malignas pleuritide, & peripneumonia quandoque, ut plurimum funestis, diarrhœa, cholera, Ictero, Catarrhis cum defluxionibus molestis indentes, tonsillas, guttur, pulmones &c. depluentibus contumacibus; Cephalœa, cardialgia, palpitationibus cordis intensis, purpura subinde, morbillis, variolis & haud raro petechiis stipatas. Præcipue autem Colica quædam scorbutica valde frequens fuit, prima facie levis, ac haud magni momenti visa, mox verò nunc diarrhœæ, nunc dysenteriae, nunc pleuritidis in peripneumoniam sæpè degenerantis, contumacis, periculosæ & haud raro lethalis, Protei instar larvas induens.

*Constitutio epidemica Basileensis An. 1699.*

Dn. D. JOH. JACOBI HARDERI,

**P** Rincipium Januarii fere ad usque hujus medium, varia tempestatis eaque subita dyscrasia ac mutatione, novi anni auspiciis prælusit: imminente paulatim novilunio cœlum læta serenitate, aerque desiderato Pruinæ incremento ac siccitate ad usque finem hujus mensis favere perrexit: inde vero obscurior aer ingruit, Februariique initium nunc nebulosum fuit, nunc pluviosa cum nive mixtum, ventis per intervalla fortiter spirantibus: Pleuritides & pleuropneumoniæ cum febribus continuis jam frequenter homines invadebant: neque catarrhi ferini iisdem pepercunt, variolis tenerior infantia subinde infestis.

Martii Principium pluvialis nix

ingratum reddidit quæ instante Plenilunio, magna & insolita cohorte, arva montesque adeo obsedit, ut itinerantibus non parvo fuerint obstaculo: inde blandiore accedente aere, nix paulatim fundi, & fertilis tempestatis spes major affulgere cœpit: usque tamen interpolatæ circa finem hujus, & Aprilis initium nivales pluviae, eandem rursum extinguere cœperunt. 8. 9. & 10. April. interdum calore blando terræ gremium reficiente, noctu vero pluvia cum tantilla nive idem irrigante: febres continuæ hoc tempore satis adhuc infestabant.

Die 12. April. calidiusculæ pluviae fugata in arvis montibusque adhuc dum hospitans nix maxima sui parte, afful-



affulgente deinceps serena tempestate, cum exoptato calore solis, florum fructuumque fecundo parente, tantum non prorsus evanuit.

Maii initium multa pluvia comitabatur, in montibus heic illic nive per intervalla interspersa inde optata tempestas ingruit, solis desiderato calore singulis terræ fructibus & seminibus, in vitam excitatis, cujusmodi in Junium usque & ultra fecundissime continuavit: Julius quem canicula promittit fervorem minus largum sensit frequentibus pluviis præter votum illum attemperantibus: neque ejus defectum Augustus majori calore, quem ab hujus medio ad

finem usque demum experti sumus sarcire potuit: unde uvarum maturitas quam Septembri mortales præstolantur versus finem usque hujus à nobis desiderata fuit, & quamvis dies calidi interpolatè alluxerint, noctes tamen frigidiusculæ, eandem non parum sufflammarunt; sub finem Octobris nivalis tempestas jam ingruere cœpit, quæ subsequenter hinc Novembri & Decembri mensibus, imprimis circa medium finemque hujus cum multa Brumæ sævitia, ingravit; præter febres continuas & in quibusdam locis satis malignas, alii morbi rarius frequentes erant.

Dn. D. RUDOLPHI JACOBI CAMERARII,

Academici Naturæ Curiosæ,

*Schediasma Tubingæ missum ad Historiam Epidemiam.*

Ann. 1699. & 1700.

**L**audabile est institutum historiæ epidemiæ Germanicæ, in appendicem Ephemeridum ab annis aliquot referri solitæ, quod ex multitudine observationum per diversas provincias collectarum progressu temporis acquirendam spondet notitiam meliorem & plenior de subdolis alias & occultè, utut populariter, grassantibus morbis. Hanc ego collectaneorum suppellectilem hac quidem vice non venio locupletatum, nec plenam descriptionem constitutionum utriusque anni hic inferere necesse duco; Quoniam qui suis temporibus grassari solebant ca-

rarissimi & inflammatorii pectoris morbi, quæque intercurrerant variolæ, cum aliis levioribus, tanti momenti non videbantur, epidemiarum autem febrium pristina frequentia & malignitas ab aliquot retro annis per Dei gratiam in urbe dominium non obtinebat: Sed ea fata, quæ per tristes olim annos communiter plures experiri solebant, jam paucis & vel uni atque alteri solum obtingere, idque modo quodam sporadico potius quàm epidemio, hoc annotare cum licuerit, communicare etiam operæ pretium visum fuit.

Exemplum quod huic rei fidem faciat.



faciat singulare pro anno 1699. suppetit in una domo : Scilicet Aprili mense primus in familia pater, vir robustus, idemque hactenus sanus bibliopegus, febre maligna planè ex improvise modoque acuto abripitur, hunc post breve tempus, liberis interim etiam correptis, sed evadentibus omnibus, intra mensem ultima sequitur in familia mater; sic viduata domus, cum altum de simili malo in urbe esset silentium, nec per hunc annum antè & post ita acutè abriperetur quisquam. Nihil etiam contagii hinc retulerunt vicini, aut qui aliàs tristes illas ædes visiterunt. De causa illa manifesta non constabat: Audiebantur quidem tum temporis hinc indè varij pauperum morbi sub annonæ caritate ob diætæ vitia, vertigines, tormina alvi fluxus, sed hæc in pagis potissimum, minus in urbe; Constitutio autem aeris per istum mensem, utut sæpè blanda, mitis, velut æstiva, hinc & leviter tempestuosa, in principio tamen & fine fuit frigida, humida, cum & vicinis alpibus diu inhæreret nix, quin nova sub medium & finem ibi caderet.

Pro anno 1700. duo suppetunt exempla, notata in binis ædibus: ubi principium continuæ non communis febris iterum deducendum est à mense Aprili, qua sub ejus finem correptus fuit sartoris filius, absque omni, quantum quidem constat, causa evidenti, nec ab alio quocunque infectus; Hunc sequitur soror major, hanc minor natu; omnes medico nullo consulto vel absque vel cum medicamentis ut ajunt domesticis evadunt, ita tamen ut ad quinque & sex septimanas pro-

tenderetur apud singulos plena convalescentia. Quarta in ordine mater demum die septimo vel octavo Junii [ non enim simul tres priores personæ decubuerant, sed una ferè resurgente dejecta fuerat altera ] cum malè habere circa præcordia inciperet, sumit purgans, nescio quale aut cujus suavis, & movetur fortiter, sed abhinc statim lecto affigitur, alvum ad tredecim dies habet clausam, tunc suppositoriis & enemate tardè & parcè motam, jacet soporosa, omnium negligens, excitata & interrogata sibi non malè esse dicit, tandem subdelira, nullis usa medicamentis, in tertia demum septimana die vigesimo quarto Junii moritur, lividè post mortem nigricans. Ipso die sepulturæ frater defunctæ, lanio robustus, quinquagenarius, tabellarius, post varios quidem errores diætæ, largos certè in vino excessus, ægrotare incipit, sc. prævio horrore malignè deicitur die vigesimo sexto Junij; Dicitur autem turbatus & vestibus indutus diu mansisse extra lectum, ludens, garriens, cum pulsus præ spasmodis jam explorari vix posset, & ut ajunt pleuriticus. Quidquid sit de ipso, quem non vidi, moritur satis acutè mane diei secundi Julij, convulsus. Abhinc terrore perculsa alterius fratris uxor etiam deicitur, sed evadit; Cum verò insuper binæ personæ alijs in ædibus, quibus cum ista familia nihil intercesserat commercij, febre, sed mitiore & remittente, corripentur, caderetque vir sanus hactenus ex improvise apoplecticus lethaler, imò de subitaneis per patriam casibus tristes hinc inde advolarent nuncii, magna utique tum pavido-



rum commotio. Sed redeundum ad ædes sartoris; Die altero post sepul-  
 rorum matris, filia annorum sep-  
 tendecim nondum menstruata, manè  
 circa horam octavam agrotare inci-  
 pit, friget, à meridie incalescit, at-  
 que ita hinc continenter febricitat,  
 ut extra lectum planè non degere,  
 quin sæpè in eo ne quidem se erigere  
 posset, plerisque tamen diebus horas  
 matutinas experiretur meliores, po-  
 meridianis autem sentiret exacerbati-  
 ones omnium symptomatum, quo-  
 rum præcipua erant dolor capitis &  
 ut aiebat cordis, cum levi tussicula,  
 alvo tarda, pauca, siti non nimia,  
 appetitu nunquam plenè abolito,  
 lingua mucofa, molestia quadam de-  
 glutitionis, absque maculis, (uti &  
 priores omnes) absque singulari de-  
 lirio, mittens urinam nunquam ru-  
 bram, cum nebula post moram cras-  
 sa albide pallida: Hæc filia post di-  
 es quatuordecim evadit feliciter, usa  
 decocto rasur. corn. cerv. rad. gly-  
 cyrrhiz. sem. fœnicul. pulveribus pan-  
 nonico, alexipharmaco, cervino,  
 (prout hic in officinis juxta descri-  
 ptionem B. Parentis in gratiam pau-  
 perum prostant. minus pretiosi) bis  
 in die aut ter, alternis enim nocti-  
 bus dabantur grana quatuor extracti  
 bezoardici, descriptionis ejusdem,  
 cum vehiculo & mixturâ aquarum  
 melissæ, card. bened. cerasor. tiliæ,  
 Syr. acetosif. citr. cui addebantur  
 cornu cervi ustum, antimonium dia-  
 phoreticum, & tinctura bezoardica,  
 cum pulveres illos, porro summere  
 recusaret. Tandem ultimus in domo  
 pater, die duodecimo Julij langue-  
 re visus, sibi que metuens, ne ordo  
 iam ipsum tangeret, à deglutitis no-

ctu septem pilulis bezoardicis, &  
 drachma dimidia theriacæ Androma-  
 chi mane in vino hausta, largiter su-  
 dans præservatur, nilque ultra mali  
 passus, finem ita imponit malæ feбри,  
 inducias hinc iterum urbi nostræ (uti-  
 nam benè longas) concedenti.

Hæc de hac familia: Interim ali-  
 bi in urbe lotrix, cum prioribus  
 non communicans, circa idem tem-  
 pus cum ista muliere, sc. die octavo  
 Julij, post loturam linteorum, sub  
 horam vespertinam septimam horro-  
 re gravi correpta, hinc ob æstum,  
 sitim, acutum capitis dolorem, car-  
 dialgiam, tussim frustraneam, do-  
 lores costarum pleuritidem æmulan-  
 tes, die decimo Junij manè venam  
 secari jubet in brachio, [unde san-  
 guis extractus mota temporis nullam  
 contraxit crustam, sed mundam ser-  
 vavit superficiem] decursu dierum  
 mane & meridie melius à vespera in  
 noctem semper pejus habet, tum dys-  
 pneica subindè & subdelita; Die  
 decimo tertio mensis observantur in  
 collo ipsius & pectore maculæ mi-  
 nutæ rubentes, die decimo octavo  
 per collum efflorescentes vesiculæ mil-  
 liares; Alvus die decimo quarto  
 ante meridiem spontè novies non  
 torminosè soluta per morbi decursum  
 manet lubrica, laxior communiter sub  
 exacerbationibus; Urinamittitur nun-  
 quam tincta, plerumque turbida,  
 cum sedimento post moram laxo,  
 crasso, pallido. Sic afflicta fœmina  
 sub usu prædictorum medicamento-  
 rum, quibus hic accesserat decoctum  
 pectorale alexipharmacum, electua-  
 rium diascordium, & cortex Pe-  
 ruvianus evasit feliciter; equidem  
 in sexta septimana jam iterum lotri-



cem agens ; notabile adhuc sub declinatione emergens narravit phænomena, pruritus sc. ferè universalem, valdeque molestum, quo ad fricandum vehementer corpus urgebatur, unde & in squamulas elevata & exsiccata cuticula abscesserat passim. Cæterum hæc non uti prior, infecit quenquam, sive nemo ab ea laboravit similiter, nisi quòd filiola annorum quatuor eam videretur sequi, febricitabat enim per dies quatuordecim continenter, cum exacerbationibus vespertinis, sine maculis; convaluit autem absque medici ope, cum post longam anorexiæ & abstinentiam appetitu ferebatur in lac acidum eoque satiaretur.

Hæc sunt fata familiarum, quas in alta velut pace securas hostis improvisus diversimodè aggressus graviter exercuit, modò unam & alteram in domo eligens personam, reliquis parcens, alias nulla pretermissa paucas fataliter abripiens; Ibi in una domo persistens, decursu intra breve tempus absoluto, hic extra domum ad consanguineos & affines sese extendens, diu tamen protracta successione in eadem, ad mensem sc. usque tertium. Illum alias novimus morem talium febrium, quòd cum epidemiam minantur invasionem, accedentes subdolè & sparsim se prodant, & cum finis earum adest, re-

cedentes subindè tamen, cum minimè credis recurrant; Hic autem neutrum locum habere, videtur, sed alia ratione tristem sui memoriam renovasse malignitas; idque non tam hyberno, quo major olim communiter notabatur, quàm æstivo potius hac vice tempore, quo Mars apud nos (utinam per Dei gratiam diu) quiescit, & qua mediocre fuit annonæ pretium. Addendum hac occasione post hyemem inconstantem, ventosam, lurulentam & gelidam, non minus varium successisse vernum tempus, nive iterum alpibus diu, ad finem usque Aprilis, inhærente; Junium in specie sæpe, ipso die septimo, fuisse pluviosum, ad exundationem fluviorum in utraque circum urbem valle. Respondebant interim tali constitutioni morbi varii inter quos præcipuæ hybernæ variolæ, vernæ scabies, pleuritides, peripneumonix, sub initium Mai perquam frequentes: Abhinc autem inter benignos nec multos morbos observabatur singularis illa malignitas, ad paucas determinata personas. Quibus sub finem pro declaranda temporum istorum de cæter bonitate addi potest; quòd à quo tempore fama de nova remedio atridysenterico percrebuit, nullus observatus inter nos fuerit æger, quicquid ejus periculum fieri potuerit.





*Serius Missa* Dn. D. AMBROSII STEGMANNI

*Historia Epidemica Mannsfeldiaca Anni 1697.*

**C**UM Temporum inæqualitas, Hippocrate & Experientia teste, plurimos pariat morbos, nec minima utilitas, iudice Per-  
Illustri Domino Præsidente ex Epidemica Annorum constitutione, diligentique illorum observatione resul-  
ter in Rempublicam Medicam, operæ pretium duxi & Ego, ut circa Comitatum Mannsfeldiacum ex epidemica constitutione propullulantes morbos, quantum mihi observa-  
re datum fuit, annotarem & Ephemeridibus adderem, Ab Anno itaque 1697, bono cum DEO, initium faciam: Cujus Mensis JANUARIUS incepit gelu riguroso congelare aquas, & nive conspergere terram ad summum usque diem, quem inconstans ingruente ultima Lunæ quadra, æris tempestas excepit, & per reliquos hujus mensis dies mox pluviis, mox nive, mox turbinibus continuavit.

MORBI: Per hunc mensem tumores insoliti hominum capita occuparunt, ut tertio majores extiterint, quas tamen sudorifera & vesicatoria optimè dissiparunt. Sic & Pleuritis notha in gravidas nimium quantum sæviit. Nec non catarrhi suffocativi primæ, mediæ & ultimæ ætatis homines invaserunt, qui Affectus tamen appropriatis suis remediis auscultarunt.

FEBRUARIUS inconstante Aë-  
ristemperie, multis comitatus ne-  
bulis matutinis & vespertinis ad no-

num usque diem continuavit, quo frigus intensum ingruit & ad 24. Quatembriis scil. diem, duravit, reliquos hujus mensis dies rursus Aer pluviosus, udolus & nebulosus excepit.

MORBI: Mense hoc Morbus Hungaricus, superveniente utpl. 7ti-  
mò die Anginâ, Febresque Petechiales multis exitiales fuere. Petechiæ in plerisque absque ullis datis Medicamentis 2do statim & 3tio die maximâ cum virium prostratione & malignitate eruperunt. Et licet multi his laborantes sanis similes viderentur, tamen præter omnium opinionem die 7tino extincti sunt. Die 5to utpl. in sexu nobiliori hæmorrhagiæ narium in sequiori menstrua cum infallibili lethality indicio, erumpebant. Quibus mox ab initio delirium superveniebat, morbo absoluebantur sic & diversos ex pauperioris sortis hominibus vidi superstites, qui negligentius vivebant, in frigore jacebant nec ullam sui corporis curam habebant. Ex decumbentibus etiam quidam recidivam sunt passi, ita, ut intra mensem his fuerint petechiis insigniti, qui tamen omnes vita privari sunt. In quibusdam febre hac demortuis, facies vivorum simillima & sudore guttatim conspicua, deprehensa est. Admirationem etiam subit, quod bubones pestilentiales, in quibusdam peste, tempore ultimæ contagionis, olim infectis,



hoc mense rursus intumuerint, purulentamque materiam de se dederint. Opima Bezoardica lege Artis & summo studio adhibita respuebat omnia hæc febris; Itidemque vomitoria & Venæ sect. in principio etiam ministrata erant de nihilo. Sola vesicatoria, quæ tamen plurimi recusabant, primis statim diebus in diversis corporis partibus simul applicata, multos eripiebant è faucibus mortis.

MARTIUS & APRILIS mox pluviis & tonitru, mox nive, mox turbinibus mutarunt suos dies.

MORBI: Catharri & tusses nimium quantum infestarunt Homines, in his Pillul. de Succin. Craton. it. de Cynogloss. associatis Elixiriis pectoralibus multum profuerunt.

MAJUS insolito Aeris fervere & tonitru ingruit, & usque ad X. diem continuavit. Reliqui hujus mensis dies pluviosi & ventosi noctes verò ob flantem Boream summè frigida extiterunt, ut & exinde fructus & fruges ob glaciem obductam frigore sint tactæ & læsæ.

MORBI. Hoc mense Pleuritis, Hæmoptisis: Arthritis vaga scorbutica, & imprimis febres Catarrhales multo infestarunt.

JUNIUS intravit rursus insolito Aeris fervore, cujus Xlimum diem Boreas excepit & usque ad XX. diem duravit, quo rursus Aeris fer-

vor cum tonitru ingruit et mensem finit.

MORBI. Hoc Mense Melancholia multos utriusque Sexûs homines invasit, qui truculentas manus sibi suisque intulerunt, supervenit & quibusdam Melancholicis Epilepsia pauca post horas lethalis.

JULIUS crebrioribus pluviis, flante Borea, per totum mensem ita molestus fuit, ut Vulcanus tunc temporis superbiret in nostris fornacibus.

MORBI: Hoc mense febres Tertianæ & Quartanæ, it. Partus difficiles sequiori sexui periculosi fuere.

AUGUSTUS, SEPTEMBER & OCTOBER pluviosi & ventosi flante Borea & Euro extiterunt.

MORBI. Catharri Tusses & Pleuritis vagarunt hinc inde.

NOVEMBER & DECEMBER maximè inæquales fuerunt & mox pluviis, mox nive, mox frigore mutarunt suos dies.

MORBI. His mensibus Icterus in quibusdam cum diarrhœa, in aliis cum vomitu, in plurimis cum tumore ventris observatus est & totas familias infecit, paucos tamen intra dies pillulis meis Martialis & Sale Cachectico Ludovici profligavi hunc morbum. Sic & Arthritis vaga Scorbutica & Podagra multos infestavit.

*Epidemia Mannsfeldiaca. Anni 1698.*

**J**ANUARIUS frigore intenso per 4. dies spirante Subsolano continuavit, 5to die Aer nebulosus ingruit. 6to & 7tmo Aqu-

lo nivem, d. 12. 13. 14. Zephyrus pluvias protulit, d. 15. 16. 17. 18. 19. 20. Euro - Notus nivem & intensum frigus reddidit. Reliqui mens-

sis



sis dies, flante Zephyro, rursus pluviosi extiterunt.

MORBI. Tussis, Catarrhi & Pleuritis notha multis molesti fuerunt.

FEBRUARIUS pluvioso & australi aere usque ad Sextum continuavit diem, 7mo frigus intensum, spirante Euronoto, ingruit & per reliquos hujus mensis duravit.

MORBI. Pleuritis, tumores sub axillis & morbilli admodum familiares fuere hoc mense omnis ætatis hominibus.

MARTII primi VI. dies, flante Zephyro, pluviosi extiterunt, VII. frigus, spirante Euro-noto, intensum rursus ingruit & usque ad XX. continuavit, quos reliquos mensis hujus dies aer meridionalis cum pluviis & tonitru absolvit.

APRILIS totus pluviosus, spirante aer meridionali extitit.

MAJUS eodem aere & pluviis usque ad 18. diem continuavit, d. 19. Subsolanus radiis Solaribus terram siccavit, quam tamen d. 27. pluviae & grandines rursus humectarunt, & ad finem usque hujus mensis perdurarunt.

JUNIUS, JULIUS AUGUSTUS, SEPTEMBER & OCTOBER mox pluviis, mox radiis Solaribus & aere validiori, mox frigidiori, variante Aquilone & Austro admodum molesti, extiterunt.

MORBI. Licet maxima Aeris inæqualitas per totum ferme Annum extiterit, minimi tamen morbi has oras visiterunt. Nam præter Melancholiam, Maniam & furorem uterinum planè nullus alius in Comitatu Mannsfeldiaco per Mensem Julium, Junium & Augustum obser-

vatus est morbus. Hi autem affectus permultis familiares fuerunt. Nam XV. Melancholiâ VII. mana & octodecim furore uterino laborantes meam solummodo implorantur opem, quibus etiam ad unum omnibus appropriatis sissis remediis & imprimis vesicatoriis & Venæ Sect. Deo auxiliante pristinam reddidi sanitatem. Nymphamoniacæ imprimis mira passæ sunt symptomata. Quædam nil nisi obscœna proferebant verba, verneremque intendebant. Quædam insomnia phantastica recitabant, & modò hunc, modò illum Sanctum. I. Principem. I. alium Magnum pro sponsis habebant. Aliæ cantabant, saltabant & modò in caput, modò in pedes se conjiciebant, variaque absurda immiscebant. Aliæ rythmos componebant, totas paginas è Bibliis recitabant & Chiliastras se profitebant. Extitit autem, quod mirandum, furor uterinus contagiosus, nam iisdem in ædibus sæpè 2. 3. & plures decumbebant mulieres hoc affectu. Vidi etiam meis: Quòd præfecti cujusdam uxor in paroxysmo ejusmodi furente constituta, ex adstantibus mulierculis rusticam quandam virginem ad osculandam manibus arriperet, recusantique colaphum impingeret, ex quo terrore rustica hæc, altero die post, eodem affectu infecta fuit.

NOVEMBRIS initium frigidum fuit, reliqui verò ejusdem dies mox pluviis, mox nive rursus molesti extiterunt.

DECEMBER mox frigore, mox pluviis, mox nive, mox turbinibus Annum absolvit.

MORBI. Hisce mensibus vario-



læ suis maculis primæ, mediæ & ultimæ ætatis homines signarunt. Vidi enim vetulam septuagenaria propinquiorem, & virum sexagenario majorem, variolis absque vitæ jactura decumbentes. Sic & bruta à variolis non immunia fuere, ex quibus pennata, ut pote anseres & gallinæ,

tum domesticæ, tum indicæ, hisce infecta perierunt ferme omnia. Oves & porci verò, quibus expellentia [utpote cineres ex stipitibus fabarum, vel frumento secalino cum urina humana, vel rob. Sambuci &c.] ab Oeconomis curiosis propinata sunt, utpl. evaserunt superstites.

*Constitutio epidemica Berolinensis An. 1700.*

Dn. D. GUSTAVI CASIMIRI GAHRLIEP

von der Müllen.

**J**Anuarii imus st. Greg. gelu quod annuum præcedentem finierat, cum degelascente tepore imbribus ac nivibus mixto commutavit, & ad festum Apparitionis s. ut vulgo vocant trium Regum usque continuavit, sequenti festum die gelu cælo sereno vires recuperavit, ac per triduum servavit, 10mo rursus & sequentibus; 12mum gelu aliquali & nivibus diversum, cum 16to, 17mo & 18vo blandum gelu nocturnum cælo nubiloso à meridie pluviis rorantibus, si exceperis ad 25um usque remittens, 26tus priorem vigorem reassumit, illique nives superaddidit; eoque tenore sequentibus, 29no excepto, ad 30um usque duravit, tandem 31mo ac ultimo illius mensis, pluvioso, à meridie vario desit æthere.

Februarius temperato quidem frigore cœpit, sed nivibus quandoque aliàs pluviis, utut raris, interpolato varius fuit ad 22dum usque, à quo redintegrato per triduum brumali rigore, sereno interdum cælo, 25to sensim remittente, 28vo circa vespe-

ram in pluviam tandem delicuit.

Quam prima Martii serenus excepit dies, huncque sequentibus gelu nocturnum, subinde & diurnum, nivibus 3tio & 4to opertum, succedentibus à 5to ad 11mum satis rigidum, remittens 12mo ad 25um usque Cauro impetuosius flante noctu valdè gelidum & hujus tequaces ad finem usque mensis, Cauro licet ab Aquilone repulso ac hinc 30mo succedente Euro eodem ferè tenore perdurantes.

Morbi hoc anni quadrante præter scorbutum ferè endemium ejusque assecclas, ut & cognatum malum hypochondriacum, fuere frequentiores Catarrhi, tusses, febribus, quandoque Catarrhalibus, variis defluxionibus, in genas, dentes, maxillas, guttur, scapulas, ipsum quoque pectus & pulmones, pleuritide item tam verâ, quàm sputia, indeque utplurimum pullulante hæmoptoë, hancque nonnunquam excipiente aut Phthisi aut hæctica, haud rarè etiam nephriticis doloribus complicatæ. Præterea febres quoque aliæ variæ, inter-



interque illas quædam malignitate non vacantes, morbilis & variolis ut & purpura sese prædentes.

Aprilis primis diebus Euro-noto spirante paulò remissior, 6to Vernæ amœnitatis prænuntio, variantibus subinde ventis & nonnunquam satis asperè flantibus, sereno tamen plerumque cœlo, rarius pluvias rorantes spargens, ad extremum usque diem temperatus fuit.

Cui Majus ferè totus respondit, frigidior equidem paulo præter 12mum & 17mum sudo & tepore verno amœnos, ad 22dum in pluvias comite tonitru circa vesperam cum sequenti toto & 24to manè uvido solutum, succedente biduo sereno ac temperato, postque 27mo manè pluvio, tandem ad 31mum adeoque ultimum serenus & amœnus.

Junius serenitatem & amœnitatem vernam Majo cœptam ad 6ti usque vesperam cum pluvia tonitru advehentem continuavit, 7mus & 8vus præcedentibus nubilosiores, circa vesperam rursus pluvii fuerunt, reliqui ad 12mum obscuri & frigidi, siccitamen; à 12mo verò, 20mo manè pluvioso, vesperi tonitruoso excepto, ad 22dum & 23. serena & amœna temperie commendabiles, ac hos inter 14tum, 15tum, 16tum & 17mum æstivo ferè æstu graves fuerunt, subsequentes pluviosi, quandoque tota die ac nubili ad 30mum usque & ultimum manè nubilum, postea præcedentibus sereniorum.

Morbos hoc trimestre præter prædictum scorbutum & ab illo dependentes Cachexiam, dolores, tumores & id genus alia symptomata, febres genuit omnis generis, commu-

nes, Ephemeræ, intermittentes varias, etiam septiduanam, paroxysmo septimo quoque die recurrente, rariùs, si unquam antehac in praxi occurrentem; continuas, ardentes, cum & sine exacerbationibus, Catarrhales, malignas haud rarò, pleuritide, arthritide, Catarrhis allisque variis defluxionibus tussi, doloribus præcordiorum & hypochondriorum, asthmate, interdum convulsivo infestas, purpura, morbilis atque variolis aliisque exanthematis fædas, passionibus item hystericas, nephritides, diarrhœas, hæmorrhagias etiam uteri, &c.

Julii primadies serenitatem ultima Junii cœptam continuavit; Verum sequentes mense ferè toto alternis diebus sudum cum pluviis nunc parvioribus, nunc copiosioribus alternando, æstivum sereni cœli æstum sic imbris & pluviis temperarunt.

Augustus à primo ad 7mum ferè pluviosus, triduum ad 10mum usque serenum intercalavit, sequens triduum manè siccum vesperi pluvia maduit; 14tus vento nubes dissipante serenitas, 15tum successorem habuit totum udum & imbrosum, 16tum manè pluviam, postea serenum, serenitate triduum continuante, biduum rursus manè nebulosum post raras spargendo pluvias videri. Sudo 22do interfecto 23io nubilo, tonitruoso ac pluvioso in serenitatem tandem declinanti 24tus successit serenitas & amœnus, atque huic frigidulum pluviis subinde madens ad finem usque mensis septendium.

September fasie à primo rorante nonnunquam aliàs sereno, in sudum æstu sæpiùs grave mutata, ad 13ium usque



usque manè serenū, licet à meridie post tonitru grave imbridum, commendabilis, triduum accivit varium pluviis serenitati interspersis, ac frigore, moderato tamen, non usquequaque gratum; triduo alio sudo gratiori exceptum, biduo rursus interpolatum vario, 22do sicco, 23. toto ferè pluvio ac frigido 24to manè nebuloso ac nubilo, à meridie sereno, substituti triduum ejusdem ferè tenoris frigidum tum serenitas bidui postremi mensē nunc simulque trimestre hoc absolvit.

Qua morbos id precedenti ferè compar, nisi quòd frequentiores adhuc fuerint febres praesertim ardentes & malignae, petechiales quoque, pleuritides item phthisin quandoque declinantes, quaedam veræ, quaedam etiam nothæ, dysenteriae & diarrhæa, æstui partim & inordinatæ, in potu praesertim & fructuum horariorum ingurgitatione, diætæ originem debentes nonnunquam lethales variæ, febribus interdum comitatæ defluxiones cum tumoribus artuum, præcipuè genarum valdè contumacibus.

October à primo ad 4tum usque nubilum & à meridie rorantem, indeque ad 8tavi usque vespertinam pluviam serenus, temperatus ac sudo ferè jugi veris instar amœnus, Noctu inter 8vum & 9num Tonitru horrendo terribilis, nono; sparsis à meridie pluviis paulò horridior, 10mo sine pluvia nubilus, 11mo sudum redintegravit, biduo succedente vario ac quandoque pluvio, 16to vesperti pluvia madens, cætera cum sequentibus quinque serenus, 21mo nubilus subindeque rorans ac Austro

flante frigidus, 22do manè pluvius ac nubilus cum sequentibus quinque sicco; 27mo nubilus totus ac imbrofus, 28vo vulturno aspirante nebulosus manè, postea cum insequentibus ad 31mum ac mensis hujus postremum, paululum rorantem & frigidum, serenus atque sicco.

Novembris primus durante adhuc Vulturno gelu induxit, & per biduum continuavit, quod tertio rorante manè parumper cælo remisit, succedente 4to toto pluvioso; tum biduo turbido sicco tamen, manè praesertim atque huic ad 12mum usque varia, quandoque nubila, alias serena, sicca subinde, rursusque pluvia tempestate; tandem Cauro afflante gelu 13tio serenum accessit ac sequenti mane turbido & à meridie nive prima comitato, usque ad 19num à rigore remittentem & pluviis madentem duravit. Tum post biduum pluvium, biduum successit gelidum procellosum & grandinosum; huic dein nix manè pluviis mixta, à meridie ac sequenti 24to in imbres deliquescent, sequenti verè nocte Austro flante rursus gelascens, diurno succedente per quadriduum sudo, vesperti vento paulatim ad Eurum regrediente in nivem resoluta ac biduo subsequente toto pluvioso, nebuloso ac inamœno mensē terminante.

Decembris primus gelu reduxit ac nives, quod ad 5tum usque circa vespertinam pluvia sparsa remittentem duravit, hunc sequens biduum adhuc remissius prima die pluvias vespertinas tulit, altera siccior fuit, 8vus manè nebulosus valdè ac pluvius, postea siccior, 9vus, totus nebulosus &



lus & Zephyro aspirante imbrofus, romus manè paulò serenior, vesperti pluviosus. Iimus mane turbidus, post serenior tandem nubilus & udus, 12mus blandum gelu, nonnunquam nivibus nonnunquam gelicidio interpolatum reduxit, ad usque 20mum, qui rigorem majorem addidit ac quadrimum continuavit, circa vesperam 24ti remittens ac vario cœlo, ut plurimum tamen uvido, ad 31mum usque perseverans, sicque hoc trimestre simulque annum ipsum temperato, at ingrato frigore claudens.

Ultimum hoc trimestre morbos produxit prioribus nec frequentia, nec varietate nec gravitate cedentes, passiones hypochondriacas, Iliacas, Colicas, hystericas, nephriticas,

Febres varias, præsertim acutas, ardentes continuas, catarrhales, pleuriticæ, malignas quoque variolis & petechiis infames & quandoque funestas. Defluxiones & Câtarrhos, suffocativos quoque, in genas, guttur, pulmones &c. depluentes. Asthmata convulsiva quoque nonnunquam & anginas causantes. Diarreas & dysenterias, Cephalalgias, hemicranias, cardialgias, odontalgias, hemiplegias, Apoplexias, Epilepsias, præsertim infantum. Tumores varios & dolores, ut plurimum contumaces, & innumera alia scorbuto præsertim & Venereæ lûi familiaria symptomata, brumali frigori, cœlique frigidiori ac humidæ constitutioni variabili & inconstanti ex parte tribuenda.

### *Constitutio Epidemica URATISLAVIENSIS*

Anni 1699. 1700. & 1701.

**E**Xcellentissimi Domini Uratislavienses uti hætenus inter Naturæ Curiosos solertiæ & curiositatis palmam non paucis aliis dubiam reddere allaborarunt, ita laudabili instituto, circa conscribendam morborum in Germania epidemicorum historiam, & ipsi favere, ac Patriæ suæ celeberrimæ similem statum delineare decreverunt; Cujus priores tres Anni de Morbis qui Anno 1699. 1700. & 1701. Uratislaviæ grassati sunt, publicis typis jam exscripti legantur, & pro hoc nostro Volumine paulò prolixiores sint, synopsis eorum hîc dare libuit! omissis iis morbis, qui epidemicorum censum haud ingrediuntur.

Cum Anni millesimi, sexcentissimi, nonagesimi noni Januarius horridum Uratislaviensibus reddidisset Nebulæ & Venti, variis vicissitudinibus, potissimum intercurrente pluvîâ, subinde tamen & frigore, quamvis remissione graves; initium quoque, imò majorem ferè partem Februarii sub eadem cœli inconstantia transegerunt, nisi quòd alterna frigoris vis majori imperu corpora concuteret, & aër circa plenilunium serenus languentes animos excitaret; quæ cœli inclementia ineunte mense Martio continuavit, non rarò tamen effusis ad plenilunium usque, quæ illicò tabescebant, nivibus, & terrâ pruinis hor-



rente; cum econtra mollior aër, vergente ad finem mense, ac sudum, tellurem foveret. Primus ergo hic anni quadrans toto ferè decursu excessit in humida constitutione, quam etiam adcuratæ tam barometricæ, quam thermometricæ observationes confirmarunt. Quo tempore, cum primis sub Januarii principium, Dolores spasmodici sanguineo-cholericos, & melancholico phlegmaticos affligebant, frequens erat Arthritis, prædominabatur tamen in subjectis iracundiæ obnoxiiis & diætæ aromaticæ ac vinosæ deditis, præcipuè liberaliori vini Hungarici, à solo calore vivâ ferè penitus substrato infecti, potui inhiantibus. Plures interpestivo frigidi & humidî aëris accessu admissi, Pleuritis notha occupabat; temperatioribus diureticis magis, quam diaphoreticis cedens. Multi de dolore lumbos infestante conqueſti, pro nephriticis promiscuè à Medicis non satis exercitatis, & vulgo habiti fuerunt, cum tamen non semper renes, sed plurimas etiam alias partes in illa corporis regione latentes, adfici posse, sagaciores Medicos fugere nequeat.

Sub finem ejusdem mensis in scenam prodibat Febris petechialis, quæ licet post 14. Aprilis diem conticesceret, mense tamen Majo iterum ferocire, & quidem cum catarrho suffocativo, præprimis in ætate teneriori incipiebat, ac non æquè in infantes, pueros & senes, sed in feminas, & frequentius in mares sanguineos & sanguineo-phlegmaticos sæviit, ac præprimis iis gravis ac infesta incubuit, qui vino atque spiritu vini se obruerant, ac

corpus cacochymicum pravâ victus ratione contraxerant; cæterum prævio horrore, cum quadam gravedine, tussi, imò & faucium inflammatione & tumore invadebat, aderat præceps subita virium prostratio, pulsus exilior & imbecillior, frequens tamen & inæqualis; calor qui horrorem sequebatur, in sanguineis intensior totum corpus occupabat, maximè verò caput, undè in fluidioris habitus corporibus, cephalalgia acutior, rubor faciei, oculi scintillantes, vigiliæ, deliria furiosa, jactatio corporis, sitis &c. in sanguineo-phlegmaticis, quorum sanguis sero viscido abundat, calor multò mitior apparebat, qui non paucis imponere solet ægris & Medicis, ut parum periculi subesse, cum magno suo discrimine credant; à quo fallaci calore fortè febris illa maligna vocari meruit, sumptâ metaphorâ ab hominibus malignis, qui aliud fronte promittunt, aliud in intimiori cordis recessu premunt; in his calori respondebat sitis tolerabilis, & quies corporis sine manifesta jectigatione, sed debilitas gravis ac continua in somnum propensio, ac non consulta antea taciturnitas, cardialgia, lingua modò lento succo obducta, modò fissuris asperis & scabris dehiscens, aut retortido calore cum vicinis faucibus arebat. In hominibus melancholici temperamenti, quorum tamen non nimis multi hac infirmitate detenti fuerunt, statim ab assumpto alimento vel medicamento flatu & hypochoadriorum murmura. Cholericis loquacitate suâ aliorum aures obtundebant, & calore acriori tangentis manum, urebant.

Omnes



Omnes cujuscunque complexionis , graviter nausea cibi & appetitus dejectio infestabat. Sensim deinde æstus invalescebat , ut luculentus calor in partibus externis deprehenderetur. Exerebant se etiam dolores varii , modò pungentes , modò mordicantes. Circa quartum , septimum , imò etiam undecimum diem , in pectore , dorso , brachiis , lumbris & cruribus , maculæ rubentes , puncturis pulicum similes , sine levamine erumpebant , aliquando etiam majores lenticularum magnitudinem æquantes ; rubræ illæ meliores , deteriores verò citrinæ , lividæ , violaceæ , imprimis si hæmorrhagia gingivarum circa dentes incisivos superioris maxillæ enormior juncta fuerint ; nigræ , præprimis majores omnium pessimæ. Urina non uno modo comparata erat ; nec alvi excretio ; hæc liberalior salutaris admodum post diem septimum observata , & accedente sudore solutionem morbi promittebat ; cum econtra siccitatem alvi hæc febris pessimè tulerit. Vermes per alvum cum sedibus aliquoties rejecti. Pejus cum iis agebatur , quos vomitus partim humorum variorum , partim quorumvis assumptorum , aut etiam inanum cum nausea & cardialgia affligebant , præsertim si singultus iis se comitem adjungeret. Sudores primis statim morbi temporibus sine levamine , sed post quartum morbi diem , circa septimum , undecimum &c. felicioris eventus indices erant : cadaverosus erat funestus. Cum hæmorrhagiis quidam evaserunt. Morbus nequaquam intra quatuordecim dies finiebatur , sed ad 21. imò &

ultra ad 40. usque extandebatur. Solvebatur rarissimè per hæmorrhagiam , aliquando per abscessum , frequenter per sudores , sæpissimè autem tum per hos , tum per diarrhæam ; quandoque etiam per tumores in variis corporis partibus , cum primis in ano , per exanthemata miliaria , pedum scabiem , icterum &c. Cura sine V. S. ( qua sanguis eductus in superiori parte , crusta albâ spissâ , tenacissimâ obductus , in inferiori verò , modò floridus & fluidus , modò concretus & coagulatus fuit deprehensus , ) peracta feliciter successit. Quibus statim ab initio mite evacuans datum , facilius morbum superarunt , quale fuit potio Sydenhamiana in dosi aliquantulum minori , pulvis ex Antimon. & Nitro depur. Tart. Vitriolato ac grano j. vel ij. scam. sulphur additis apud ditiores granis paucis auri fulminantis , vel etiam quæ simul ad malignitatem habent respectum. Vomitoria in principio hominibus phlegmaticis aut melancholicis robustis & nauseantibus , præsentem conatum vomendi , interdum cum successu data. Cæterum ferè tota cura per placidum sudorem , seu potius madorem , bezoardicis , pulv. Bez. Sennerti, *Rhumbaum*, *Döring*. Pannon. rub. &c. Mist. simp. Essentia scordii saturatori , myrrhâ , diascordio , absoluta ; fortiora , volatilia salia , bezoardica calida ac spirituosâ omissa , quia obfuerunt : camphora planè præterita , cum vis ejus alexiteria non nisi nudâ traditione & opinione hominum nitatur , & internè plus detrimenti quàm auxilii spondeat. Diarrhæam , nisi esset colliquativa , aut inflammationi in-



testinorum superveniret, nequaquam suppressere studuerunt; quinimo non raro laxans ordinarunt, ac internè per totum morbi cursum nitrosa cum sufficienti potus quantitate eâ intentione ægris propinarunt, ut ventriculus & intestinorum volumina ritè abstergerentur, & materia biliosa acris ac urens è corpore proscriberetur; alvi tamen profluvii modum excedentibus nitro in exigua dosi exhibitio, interpositisque terreis, pulveribus, aut diascordio Fracast. frenum injecerunt; reliquis etiam symptomatibus convenienter obviam ivērunt.

In Januario Odontalgia seu Hemicrania laborabant ista potissimum mulieres, quibus negotium mensium magis impeditum; nec nulli erant, qui Ophthalmia vexarentur; Illis Tinctura odontalgica Myns. & VVedelii &c. his decoctum cort. granator. &c. profuit. Occurrebant etiam, quos Icterus fœdabat, & Marcialia liquida præcipuè cum salinis, aliisque juvabant.

Mense Februario, præter Variolas & Morbillos, aliæ quoque Maculæ cum febre sub noctem ingravescente, & tussi ferina, corpora infantum occuparunt, latæ rubæque, Morbillis non admodum dissimiles in facie, minutissimæ verò & puniceæ in dorso, lumbis & pectore; nonnullæ elevatiores ad naturam Variolarum accedebant, ac pruritu & fervore molestissimæ, tandem per abscissionem epidermidis in squamulas resolvebantur. Grassabantur etiam aliæ mitiores Variolæ, à forma acuminata *die Spitzblatteren* vocantur, nec non quas *Schaafts Blatteren*

nominant, pustulæ scil. latiores minusque acuminatæ. Graviore ob intensiorem æstum erant Rubeolæ, diaphoreticis fixis curatæ.

Fuere etiam qui difficulter admodum respirabant, & de gravedine solum quadam ventriculi conquerebantur, paratam in scorbuticis medelam invenientes, acetosa, acetosella, rad. ari, helenii &c. non in cochlearia, si maculæ fervidioris intemperiei indices deformabant.

Infantes Tussis convulsiva fatigabat satis frequenter, in qua Pulvis antepilepticus Ludovicianus utilis.

Alii, lactantes æquè ac ablactati, omni hyeme Atrophiam corripuntur, cum febricula circa vespèram ingruente, inquietudine & siti nocturnâ, fame, torpore, abdomineque tumente; à ductuum lacteorum & glandularum, viscerumque glandulosoformis lenta ac viscida obstructione, in qua Tinctura aperitiva vitriolata, arcanum duplicatum &c. profunt.

Erant etiam quidam Hæmoptoici, atque inter hos pauci, qui sine noxa evaserunt, in lentam tabem & phthisin præcipuè prolapsi; V. S. malum hoc cessisse compertum est, nec non largiori Nitri exhibitioni.

Non paucos quoque malum hypochondriacum torquebat, solitis stipatum symptomatibus, hypochondriorum distensione, ventriculi concoctione languidâ, ructibus acidis, vomitu, rugitibus, sputatione crebrâ, alvo segni, duritie, tumore in regione lienis, anxietatibus præcordialibus, cordis palpitationibus, vertigine, pavoribus in somno, aurium tinnitu, doloribusque variis.

Cura



Cura eorum in crassis humoribus attenuandis erat, per nodulos aperientes, martialia, urinosa volatil. myrram, crocum, mixturam simpl. tincturam vitriol.  $\mathcal{O}$ . tart. D. L.

Illucescente Martio turmatim scabiosi occurrerunt curandi; id quod, præter externa, blandis diaphoreticis imprimis fuit præstitum.

Circa idem tempus non paucos tantum non exanimabat molestissimus pruritus, præprimis senibus & cœlibus gravissimus, ac inter hos hominibus siccioris constitutionis. Conducebant iis medicamenta nitrofa, & diuretica saponaria, quæ salfos & acres atomos ad vias urinarias deducunt.

Primus Aprilis dies serenus illuxit, & calore suo Veris delirias sperare iussit. Non diuturna tamen hæc felicitas fuit, nam nebulæ & pluvix à meridie primis diebus gratum solis adspectum ad breve tempus ademerunt. Qui secuti dies, vernali tepore ad plenilunium omnia brumali aurâ quasi rigentia blandè vegetabant. Deinde cœlum varium erat, interdum serenum, interdum nebulis obductum, nimbos ac pluviam effundebat. Majus, quo aliàs omnia ridet & est formosissimus annus, nebulis, pluviis & ventis, si paucos amœniores dies excipias, rigidus erat. In Junio iterum amœnior ac serenior aër, cujus jucunditatem etiam vergente ad finem Majo degustare licuit, comparuit; neque tamen ad finem processit sine imbribus, quorum iram proximi Uratislaviæ incolæ, perruptis aggeribus, gravem, cum damno sanitatis & facultatum experti sunt. Grassabantur tum mor-

bi plerique ab Hippocrate enumerati, ubi de vernalibus ei sermo, furores, melancholiæ, epilepsiæ, fluxiones sanguinis, anginæ, gravedines, raucedines, exanthemata varia, & articulorum dolores, febres insuper intermittentes: in ætate puerili & adolescentia sanguinis excretiones è naribus, hæmoptyses iuvenibus magis familiariter evenère, quemadmodum vomitus cruenti viris & feminis, vitæque sedentariæ deditis, hæmorrhoidales autem depletiones paulò annosioribus acciderunt; miæctus quoque cruenti exempla notata. Circa loca illa corporis, quibus sanguis erumpit, ingeniosissimum D. Stahlum, Hallensium Practicum, & Professore secuti, spasmodicas pressiones, sanguinis congestionem, vasorum & pororum tensionem, atque turgescenti- am, cum sensu ardoris, laciniationis & pulsationis observarunt, quin etiam ferè ad ejus mentem, curam felici cum successu instituerunt: violentioribus verò sanguinis depauperationibus, efficacissimis remediis occurrerunt. Insolita uteri hæmorrhagia septuagenatiis proximas, quæ nullo remediorum genere cohiberi potuit, in mortem præcipitavit.

Typus febrium intermittentium non unius generis erat: nonnullis paroxysmi omni die, aliis tertio quovis molesti erant: erant, quibus quovis die duo paroxysmi erant superandi. Nec infrequentes tertianæ duplices, in quibus paroxysmo primo non responderet secundus, sed tertius, secundo quartus, tertio quintus, quarto sextus &c. ita tamen, ut non tantum tertio die, sed etiam



intercalari febricitarent. Semitertia-  
na paulò quidem rarior, at non pro-  
fus defuere, qui omni die quidem  
febre corripenterentur, sed tertio quo-  
vis die duorum paroxysmorum im-  
petum sustinerent. Vigebant quoque  
febres erraticæ; quæ incertis recur-  
rebant diebus & horis. Ambigeba-  
tur, an in censum febrium intermit-  
tentium referri debeant etiam illæ,  
quæ contra communem intermitten-  
tium indolem, tragœdiam à calore  
satis intenso auspicabantur, nam utut  
*ἀνωγειν*, quæ initio adesse vide-  
tur, genium intermittentis redoleat,  
languor tamen magnus, pulsus ali-  
quā agitatio, & cœtera symptoma-  
ta continuitatis opinionem confir-  
mabant. Eadem ferè mens erat de il-  
lis, quibus malignitas conjuncta est,  
& tamen remissione quadam non ca-  
rent, sc. doloso intermissionis cine-  
ri primorum dierum suppositum fuis-  
se ignem continuarum, elucet ex eo,  
quod sequentibus exacerbationem  
quidem caloris & symptomatum, non  
item veram remissionem observare  
liceat. V. S. omisâ, Vomitoriorum  
tempore intermissionis frequentior  
usus fuerat; nec purgantia omisâ.  
Quoniam verò hæ febres focum ha-  
bent in primis viis, incidentibus cu-  
ra fuit peracta, præsertim tartaro  
vitriolato, arcano dupl. sale lixiv.  
absinth. centaur. min. card. ben. &c.  
quæ cum acria sint, incidunt, dis-  
solvunt pituitam, & reluctantur aci-  
do, addita iis, præprimis post ali-  
quot febrilium paroxysmorum de-  
cursum, subinde præcipitantia; in  
exanthematica, antiscorbutica; in  
contumacioribus cortex Peruvianus,  
in pulvere vel electuario, cum es-

sentia segnior sit; in vino generoso  
albo, maceratus rarissimè spem expec-  
tationemq; implevit: in febribus  
cum inflammatione quadam conjun-  
ctis nunquam non noxius deprehen-  
sus, in febribus etiam aliis calidio-  
ribus obscurè remittentibus funestus  
fuit; quibus non alia, quàm quæ  
malignis debetur, ratione meden-  
dum: & eximie prudentiæ medicæ  
statuitur, etiam verè intermittentes,  
epidemicè grassanti aliquâ malignâ  
febri, alexipharmacis & bezoardicis  
oppugnare, ne ægri in prædominan-  
tem epidemicam prolabantur.

Vehementius eodem anni tempo-  
re dentientes laborabant, ob tur-  
gescentes nutricum, & ipsorum in-  
fantium humores.

Sæviebant quoque pathemata spa-  
smodica, ac Epilepsia passim pu-  
sillorum corpora hoc mense torque-  
bat, multosque jugulabat: In sym-  
ptomatica, fomitem in pituita vis-  
cida & acida habente, resolventia,  
incidentia, & modestè evacuantia  
omne ferunt punctum; in idiopa-  
thica quò te veritas, vix appa-  
ret, specificis voto non responden-  
tibus.

Multis negotium facessere visa est  
Cardialgia: alii morsus, punctio-  
nes & lincinationes, alii rosiones  
se se percipere aiebant: nonnulli de  
tensivo & compressivo tantum dolo-  
re, ad utrumque latus pertingente,  
& cinguli alicujus instar constrin-  
gente conquerebantur: plurimi ve-  
rò gemitibus & altè ductis suspiriis,  
anxietatis interpretibus, adstantium  
aures obtundebant. Inanes vomitus  
ut plurimum cardiagmi erant comi-  
tes, quos imperiti emetica indicare



credebant ; sæpe etiam in feminis , passionibus hysteriis obnoxiiis , deliquia superveniebant ; singultus etiam jungebatur.

Nonnulli Bubonibus infestabantur ; alii tumoribus aliis , præprimis Parotidibus , quæ iis , quorum vires violentia morbi fractæ erant , mortem denunciabant ; profuerunt autem emollientia , maturantia , discutientia , his verò non satisfaciuntibus , suppurantia.

Frequens erat illis diebus Coryza , conjuncta cum *καρσβαγία* , dolore capitis , sternutatione ; nec non depravata auditio , modò enim erant , qui sonum talera tintinnabulum pulsatum edit , sibi percipere viderentur , modò qui de sibilo quererentur ; nec nulli , qualem , qui pulsationem intra autem sentirent ; pulsus autem ille exactè cum pulsu arteriæ convenit , nec aliunde , nisi ab arteria dilatata pendere verisimile est ; senes nonnulli sonum fluctuum allisioni similem , vel strepitus varios in auribus suis excitari aiebant : ubi sanè aër aliis fatus corpusculis in ejusmodi sonitu non tantum organum immediatum auditus , sed & partes cerebri , in quibus filamenta nervi auditorii terminantur , concutit , ac eo ipso varios sonos excitat. Varia contumaci huic malo , & aliquando in omnimodam surditatem abeunti opposita , non semper optatum eventum consecuta fuerunt.

Raucedo etsi hyberno tempore maximopere soleat esse frequens , ac facile curetur , quia fortassis tantum ab exasperatione superficiiei glottidis à frigore aut acris salsisque humoribus inducta , dependet , occurre-

runt tamen aliquot etiam in Maio exempla raucedinis omnem artem eludentis.

Mense Junio aliquot Anginæ exempla oblata fuere , i. e. laryngis seu pharyngis inflammationis , in juvenibus potissimum sanguineæ constitutionis , post motus corporis impetuosiores , aut nimias spirituosorum potuum ingurgitationes ; horrorem ingens æstus cum siti Tantalea excipiebat , pulsus erat frequens , durus , inæqualis , urina saturatissimè rubra , magna aderat respirationis difficultas , apertoque ore anxium ægri spiritum ducebant , & crescente malo strangulationis periculum instabat ; deglutitio tantopere impedita , ut potus faucium angustias vix superaret , quin sæpe in nates refunderetur ; in faucium isthmo interdum apparebat tumor , interdum autem in externo collo , ubi morbus mitior est , vel oculis cernebatur , vel manibus palpabatur , in iis verò , quorum vita in majori periculo , nullus planè tumor deprehendebatur. Non tantum isthmus ita exurebatur , sed spectabatur simul in ore rubor flammeus , urgebat dolor acutus pulsatorius & punctorius , lingua tumida , obscurè rubra canum instar exerebatur , fauces arebant ; si agrotantium os aperias , omnia tensa videbantur ; venæ infarctæ , oculi prominentes & sanguine suffusi , præterea aderat jacendi difficultas , ac frequens sedendi cupiditas. Ingens præforibus periculum , cum articuli gelido torpore rigeant , vultus livescat , vox intercepta , & stridor quasi in gutture & pectore audiebatur ; inexorabilis mors instat , deficiente



ficiente pulsu & voce quasi in caninam mutatâ, apparente etiam subinde spumâ oris. Omnia verò symptomata sunt mitiora in notha Angina. In vera, post venæsectionem, leniorem purgationem, resolventia seu discutientia, & in sanguine viscidiori etiam attenuantia profuere, non neglectis lenissimis adstringentibus; si verò conatus discutiendi essent irriti, & dolor pulsatorius quarto vel quinto die suppurationis admoneret, eadem fuit debite promota. Notha purgantibus mercurialibus, & blandioribus diaphoreticis, post V. Snem. in plethoricis, feliciter intra paucos dies fuit sublata.

Occurrerunt etiam eo tempore quidam alii inflammatorii affectus, quorum sedes an in hepate, an in pleura, an in membrana pulmonum quærenda, dubium, signis vulgò traditis fallacibus; cum econtra curandi eos methodus una eademque observari tutò possit; quæ in stasi sanguinis discutienda consistit, per V. S. in plethoricis, & diaphoretica fixa, non exclusis in phlegmatico sanguineis volatilibus in doli valde mediocri; externè verò per vini spiritum camphoratum.

Julius naturam suam planè exuerat, ac majori ex parte imbris, procellosis aëris agitationibus ac frigore squalidus erat; benignior Augustus, non tamen absque pluviis cursum absolvit. Æstiva amœnitas verò denuò in Septembri affulsit.

Mense Julio vagabantur iidem prope modum morbi, qui præcedentibus mensibus stragem ediderant, sed præ reliquis ferociebant Catarrhi,

qui difficillimè medicamentis compescebantur, ac præprimis admodum rebelles erant illi, qui sedem in artubus, & potissimum in superiori brachii parte fixerant, ac ex dolore gravativo motu partis impedito, imò etiam tumore aliquo, sine inflammationis signis, ex decubitu ferossæ materiæ oriundo cognoscebantur; Unde lympham stagnantem vel motui suo restituere, vel ex corpore, ac præcipuè partibus laborantibus evacuare decuit.

Catarrhalis quoque profapiæ alii morbi notati, Oralgia scilicet & Tumores palati; nec non Diarrhœæ frequentiores comparuerunt, quas rhabarbarum tostum, c. nuce mosch. & bolus Tockaviensis ac caryophyllata compescuerunt.

Obvenire etiam quædam melancholicæ femine; O. ætatis annum supergressæ, mœstæ, alta suspiria ducentes, taciturnæ, à communi hominum consortio se subtrahentes, & ad nescio quem strepitum expavescentes, ac mirabilis suspicionum procellis jactatæ, levique causâ in epilepsiam hysterica devolutæ. Cum verò dyscrasia humorum, ac impeditior eorundem motus in vena portæ, ac excretionis menstruæ mora adesset, post venæsectionem, vomitoria, pedilavia, sanguinis attenuatio procurata fuit per volatilia, sudorifera, martialia &c.

Mense Augusto nonnulli laborabant feбри, quam Veteres dixerunt biliosam, (quæ subinde in lipyriam abit, cum gravitate & angustia in scrobiculo cordis, conjuncta, non rarò cum nausea incipiens; aderat horripilatio non nimia, sed frequen-



rer, recurrens, capitis turbatio, & sanguineo-cholericis etiam dolor. Exacerbabatur quotidie horis matutinis, subsequis vel vomitu vel sedibus; quæ si deessent, æstus gravior; fauces aridæ, & sub fine deliriâ comatosa, semper ferè funestum minabantur exitum; hypochondria tendebantur & acerbissimis puncturis infestabantur. Juncula tenuissima, nitrosa, chertiaca, optimo cum successu adhibita; locum etiam habebant acida temperatiora, decoctum hordei &c.

Nonnulli etiam patiebantur febrem, quam synocham Scholæ Medicorum antiquæ, alii causum nominant; scilicet plethorici hæmorrhagiis vel venæsectioni assueti, ante solis ortum horrore quodam corripiebantur, subsequente æstu valde gravi, respiratione anhelosâ & suffiriosâ, lipothimiâ ac ἐπιδρωσες; dolores capitis lancinatorii, ac tinnitus aurium, ut & vertigines indivulsi comites erant; tensiones dorsi & artuum non minori molestiâ afficiebant; sitis premebat maxima, ejus defectus non semper malus; in junioribus circa diem septimam hæmorrhagia narium largior morbum solvebat, in paulò annosioribus die 14. copiosis cessabat sudoribus; calamitosa autem horum fors, si soporosi supervenirent affectus. Eximius usus V. S. in principio hujus febris, modò illa non ortum trahat à nimis laboribus, aut quod neopuptis aliquando accidit, abusu veneris; Cæterum bezoardica & diaphoretica, analeptica & diaphoretica in usum venerunt.

Spectatæ insuper fuere aliæ febrium species, affodes, elodes syn-

copales.

Mense Septembri Ophthalmia frequentius occurrit; cui interdum venæsectio, purgantia ferè omnibus aliquod auxilium attulerunt, diaphoretica apprimè juvarunt.

Diarrhœæ satis erant frequentes, neque tamen nisi ad medium mensis durabant, ac locum deinceps cedebant redeuntibus febribus continuis, cum doloribus capitis, nuchæ, faucium, orificii ventriculi, lassitudine ulcerosa &c. quæ bezoardicis fixis & temperatis optimè curabantur.

Plurimæ feminae de mensium perturbatione & suppressione conquerebantur, quæ cum ab ingurgitatione ciborum insalubrium proveniat, emetica, in quibus malum nondum egerat radices, cum salutari effectu data sunt; reliquis verò lenioribus purgantibus, ac incidentibus, & aperientibus subveniendum erat.

Nec nulli erant, quos tum vexabat Dysenteria; qua de prolixum discursum Excellentiſſ. Dn. D. Helvichii in ipso tractatu legere licet.

Initia mensis Octobris æstivâ amœnitatē ablandiebantur, & à novilunio ad primum Cynthiæ quadrantem demulcebat sudum, quod reliquis hujus mensis diebus, ventis, nebulis, ac pluviis sæpe obscurabatur, donec Luna denuo nasceretur mense Novembri, ubi iterum benignior aëris temperies, sed ad breve tempus, nam primus Lunæ aspectus ad plenilunium usque, rigido frigore horrescebat, quod quidem iterum minuebatur, ac insigniter remittebat, sed ut tantò major vaporum copia ex terra humida ascenderet, ac



crassiores inde nascerentur nebulae, saepe propter admixtiones sulphureas, terrum spirantes odorem, ac nubes huc illuc agitatae, donec in pluviam fatiscerent. Sud exordium Decembris tempestas varia, ac inconstans erat; circa medium mensis, & Anno in finem vergente intensius frigus dominabatur.

In Octobri, praeter febres tertianas, etiam quartanae occurrebant: horis pomeridianis homines melancholici temperamenti, ac seignioris naturae, qui jam aetatis provectioris erant, adoriebantur, aut etiam febres male curatas aut diarrhaeas ab Empiricis suppressas sequebantur in cujusvis temperamenti & aetatis hominibus, ne infantibus quidem & pueris exceptis. Praeter vomitoria in robustioribus, allis vero lenissima evacuantia, aperientia inprimis data; quorum usu cum impetus febris quodammodo fractus esset, cortex Peruvianus (ad quem ab initio nonnulli malo consilio confugiunt,) plerumque subjugavit.

Ferox quoque erat Autumnus febrium lentarum & hecticarum, quae partim quartanis male curatis, partim haemorrhagiis, per adstringentia interna & frigida externa cohibitis, aliisve morbis succedebant; quae, causam earum per res solventia, mundificantia & balsamica tollendo, & excedentem corporis calorem debite temperando, exturbatis acribus recrementis per absorbentia lenia diaphoretica, & diuretica, inprimis nitrosa, nec non corpora vix ossibus haerentia commode restaurando, curatae fuerunt.

Eodem mense Variolae infantibus

rant infestae, quas aphthae ac tussis pertinacissima commitabatur. Adultos febres continuae cum levi rigore, aestu mitiori, dolore capitis & pleurae, lumborum & artuum infestabant, sub finem vero in remittentes mutabantur, ac diarrhoeis quasi criticis, non tamen sine omnibus torminibus, finiebantur.

Feminis solito frequentius haemorrhagiae uteri erant molestae. Longe autem communissima erant apostemata ac ulcera, quae non tantum callosa, varicosa, & sinuosa, ac cum carie ossium conjuncta, aut quae circa articulos erant, aut partes glandulosas, membranosas obsidebant, Chirurgis crucem figebant; sed alia benigniora in iis etiam corporibus, quae cacochymicis humoribus non adeo turgebant, aut ex cachexia laugebant, difficulter curabantur. Nam & symptomata, sigulis autumnis, plura eaque graviora, curam alio tempore facilem, plerumque reddunt difficiliorem.

In Decembris Tumores circa latus sinistrum (quos antiscorbutica, res solventia, & distentionem ac flacciditatem fibrarum respicientia, juvant,) in hypochondryacis, ac minime raro in mulieribus hysteriis spectati; molles ii & fungosi, in non paucis fere universam sinistri abdominis partem obsidebant; fere sub costis nothis incipiunt, & quando supini jacent aegri, lineam albam aut transcendunt, aut proximè attingunt, & vacuum spatium inter costas & spinam ilii impleant; tactu interprete non obscure constabat, quod tumefactus lien supra mesenterium, intestina, ventriculi partem,



tem, ac in mulieribus supra uterum emineat.

Phlegmatici & phlegmatico-melancholici, inter 20 & 30. ætatis annum, catarrho correpti, quotiescunque prioribus quinque diebus ex bronchiis rejectio non rite procedebat, in febrem incidebant catarrhalem, seu continuam periodicam quotidianam veterum; scilicet post quartam pomeridianam, horrore & frigore levi tentantur ferè per horam unam, succedit calor acris, & ferme per noctem durat; lingua est albo & lento humore obducta; non urget magnopere sitis, pulsus est frequens, non adeo magnus, urinæ colorem aurantium æmulantur, ac post brevem moram parietibus vitri inducunt cutem ex albo rubentem; lassitudo artuum gravis est; torquet & anorexia ac agrypnia, cum cephalalgia gravativa, aurium susurro, ut & tussi, quæ tamen nec patientes nec Medicum terrere debent; aliquid tamen monstri alunt pleuritides & deliria, periculum autem maximum

denunciant angina & aphtæ, si quando cum ea complicantur. In qua medicamenta facultate resolvendi mucum, & salia diuretica commodo tempore exhibita votis ægrotorum satisfecerunt.

Nephriticæ passiones etiam, ferè in sanguineis, & hæmorrhagiis antea assuetis, observatæ, sive renum inflammationes, quas non solum dolor & ardor vehemens comitatur, sed & dysuria, fibrosæ excretiones, arenosæ cum sanguine aliquo, subsequæ ordinariò lithogenesi. In quo affectu inprimis decoctum Foresti, & pulvis famigeratissimi nostri quondam Præsidis Volckameri laudantur.

Nec minus podagrici dolores illo tempore satis erant communes; quibus in paroxysmo, horis matutinis, lenia diapnoica, cum nervinis, sine sudore coacto; pomeridiano aperientia, ac sub noctem pulveres nitrosi, cinnabarini &c. exhibita; externè camphorata omnibus præferri merita fuerant.

*Constitutio Epidemica Vratislaviensis.*

*Anno 1700.*

**I**N Januario frigus usque ad Lunam *ανσέληνον* satis erat remissum, quod nec nerveas fibras spasmodice corrugare, nec glandularum subcutaneorum meatus constringere, aut poros cutis coarctare aptum; reliquis verò ejusdem mensis diebus usque ad Interlunium nebulæ corporibus infestæ, aërque humidus, & feri copiam accumulare, hujusque inter glandulas laxiores stagnationi ansam præbere, tonum-

que relaxare, ac enervare potis erat.

Februarium jam gratum Solis jubar illustrabat, jam pluviis & nivibus exposita torporem corpora ægrè declinare poterant; frigus verò per aliquod dierum intervalla quodammodo adurebat, cum Luna tota nocte luceret. Usque ad medium ferè Martii perpetuæ frigidi & tepidi aëris vicissitudines notabantur, quas ad finem mensis usque turbida



ventis ac pluviis molesta tempestas excipiebat.

Præter morbos superiori Anno enumeratos Variolæ grassabantur, & quidem multò frequentius distinctæ, quàm confluentes. Primis ab invasione diebus, seu tempore ebullitionis, nunquam non febris acuta aderat; cujus exacerbationes satis incertæ, nisi quòd tertio die recurrentes aliquibus tertianæ febris suspensionem moverent: præcedebant ferè lassitudo & gravitas corporis, pandiculationes & oscitationes, dorsi lumborumque dolores, pulsus ad spinam dorsi, & sensus pruritus ac punctio- nis in cute, sed horror & rigor, præsertim recurrens, rariùs vulgò; frequenter vomitus à primo morbi insultu fatigabant, iique interdum immanes, aut si hi abessent, præcordiales anxietates gravissimæ cum inani vomendi conatu conjunctæ ægis negotium facecebant; alvi fluxus rariores observati; in pluribus alvus sine damno ad aliquot dies adstricta; in paucissimis etiam urina suppressa; vix visi qui sæpe se ad reddendam urinam urgeri conquererentur, Urina varia erat, quorundam flammea, & intensè rubra, nonnullorum turbida, & opaca, qualis jumentorum esse solet, quæ post eruptionem variolarum interdum clarior reddebatur; interdum verò per aliquot dies à protrusione adhuc turbida excernebatur; aliorum autem pallida, in uno alterove cruenta; nares frequenter sanguinem stillabant. Propensio in sudorem ingens; nonnulli, præprimis qui erant temperamenti phlegmatici, dormituriabant, alii de turbulentis conquerebantur

insomniis; ac sæpe expavescebant, ac altos subinde in illis tollebant clamores; capitis dolores jam gravati- vi, jam punctorii, cum temporum pulsationibus molesti; facies tume- bat, atque maxillæ rubebant; oculi prurientes, rubentes ac splendentes, quinimo aquâ suffusi, palpebræ ac nares dolore pruriginoso vexabantur; anhelitus difficultas; vox rauca; tussis sicca, cordis palpitationes & tandem etiam deliquia non rarò observabantur; in aliquibus habitu corporis densiori præditis etiam saliva in majori quantitate rejiciebatur; pars magna ægrorum corpus variè jactitabat; in genere musculofo subinde motitationes; minimè etiam rarò teneriores invaserunt motus convulsi- vi, iique vel particulares in labiis, oculis, vel magis universales, in multis deliria. Ordinario die quarto prorumpabant, in quibusdam tardiùs vel citiùs, subrubræ pustulæ tenuissimarum acicularum puncta æ- quantes, sensim dein subeunte humore agebantur in altum, & evadebant fastigiatae ac distinctæ, quæ multò erant tutiores, si in basi essent rubræ, supra autem albæ, eminentes & molles, quàm illæ quæ in latum exporrigebantur; mali ominis erant, quanquam non adeò frequentes, lividæ, violaceæ; certi verò lethi prænunciæ, quæ maculâ nigrâ in medio deformabantur. In quibusdam cacochymicis corporibus notatæ fuerunt in interstitiis variolarum petechiæ, aliæque maculæ, nonnunquam etiam vesiculæ aqueæ, cum funesti ut plurimum eventus præsagio: Nonnulli etiam post eruptionem nihilominus febri, difficultate spirandi, anxie-



anxietate, cruciatibus insignibus circa lumbos vexabantur; atque hi non erant extra periculum constituti; evasere nihilominus plerique, modo abessent inexpugnabiles vigilæ, phrenitis, crebra deliquia, palpitatio- nes cordis, motus convulsivi; urina nigra, vel hæmorrhagiæ enormes, alvi profluvium. In aliquibus admissio frigore, alioque incommo- do regimine, retrocedebant, non sine summo discrimine vitæ. Circa octavum diem in facie intervalla pu- stularum prius alba rubere incipie- bant, in tumorem attolli, & dolo- re tensivo affici; extendebantur pal- pebræ, & ut vesica inflata, haut raro oculos claudebant; proximè dein intumesciebant manus, digiti- que distendebantur. Calamitosum, si pustulæ subito iterum conciderent. Tandem pus fundebant satis coctum, quod sensim exsiccabatur, variolæ- que circa diem 14. decidebant. Va- riolis exsiccatis, majores tumores & abscessus subinde in artubus observa- ti, pus accerrimum plorantes, & ni- si in tempore occurreretur, venas exedentes, carnes consumentes ac ipsa ossa vitiantes, membrisque om- ne robur adimentes. Omissis cali- dioribus remediis, si motus & agi- tatio sanguinis jam satis magna in corporibus calidioribus deprehende- retur, ut & V. S. ac purgatione, victus refrigerans, & moderatissime calidus aer fuit commendatus; in effervescencia justò minori lenis & blanda diaphoresis cardiacis modera- tis, matre perlar. coral. ꝯ. diaphor. C. C. lap. bezoar. utroque, emul- sionibus; ægris phlegmaticis etiam ca- lidiora. Tinct. bez. Ess. myrrh. scor-

dii &c. exhibita: appetente exulce- rationis tempore, & pustulis non debite se attollentibus, pulveres be- zoardici tantillo myrrhæ, & croci grano uno alterove remixti, suppe- tias tulere exopratas: planè matu- ræ & pure acriori turgentes quibus- dam non malè apertæ: dum exares- cerent, pulveribus supra dictis lapi- des cancr. additi: In Macularum ve- stigiiis certò tutoque sapo Neapolita- nus balsamicus profuit.

Varia morborum spasmodicorum species eodem tempore, ac convul- sionum non unum genus visum. In spasmo cynico topica non tantum in principio nervorum, sed & bono cum successu musculis in latere oppo- sito applicata. Satis communis erat in feminis hysteris ac spleneticis il- lud deliquium, quo omnium sensu- um ac motus exercitio privabantur & concidebant, quod vulgò audit epilepsia uterina, & curabatur me- thodo à Practicis præscripta. E con- trario interdum corpus variis moti- bus concussum, sensusque maximam partem fuisse integros notatum fuit, ita ut omnium, quæ circumstantes egerant, recordarentur, finito pa- roxysmo.

Erat etiam hisce diebus Odontal- gia non paucis molesta, quemad- modum etiam aliis anni temporibus esse solet, quando aer frigidus, tu- midus, & pluviosus existit; quan- quam & plurimis aliis à causis ea- dem alias oriabatur. Unde etiam varia opponenda sunt remedia.

In Aprili terra blando tepebat calore, quæ aliquando etiam calidis fovebatur pluviis, de cætero ferè semper grato Solis jubare illustrabatur.



In Majo major aëris inconstantia erat, visus post nubila Phœbus, ac post phœbum fulgur, & nonnunquam tonitrua audita.

Ineunte Junio calor Solis temperatus refocillabat, qui etiam in procedente mense non tamen absque intermixtis pluviis recreabat; circa finem verò turbida fuit tempestas, ac frequentes imbres.

Sub initium hujus trimestris febres petechiales quadantenus remittebant, ac in quotidianas, tertianas, aliquando etiam utut paulò rarius, quartanas degenerabant.

Passim verò tum temporis Erysipelate infestabantur, præprimis sanguinei, & sanguineo-cholericici, rarius sanguineo-Phlegmatici, & tantò magis, si consuetæ sanguinis evacuationes ad tempus suppressæ, aut patientes terroribus, aliisve animi pathematibus concussi fuissent: Præcedit ferè horripilatio, sequitur verò calor præternaturalis totius, æqualis & ferè vaporosus, cum aliqua tamen acredine & morificatione conjunctus, ac cætera adsunt, quæ aliàs in inflammationibus observantur, rubor, dolor, febris, aliqua partis intumescencia. Cura sine V. S. & purgatione absolvi potest, Solis diaphoreticis, & externè discutientibus.

Purpura alba solito frequentius hisce diebus infantes, pueros ac feminas, & imprimis puerperas cholericico sanguineas &c. corripiebat. Ultimas quidem omni tempore post lochia suppressa invadere suevit, at verò si hæc causa absit, nec iracundia gravior, ac illa quidem ferè suppressa præcesserit, aliis anni parti-

bus non æque multis infesta est. Typus morbi sequens est: Initio quidem mediocri corripiantur horripilatione, quam excipit æstus non adeo vehemens; magis molesta est angustia præcordiorum, quam dolor capitis, qui non acutus, sed ferè turbulentus existit; adest etiam faucium dolor & ardor; Somnus prope modum omnis cessat, & paucæ sunt quæ sub initium morbi, per unam alteramve noctem somno non interrupto fruuntur, alvus plerumque officio non satisfacit; pulsus celer est & quasi oppressus: urina cruda ineunte morbo, sub exitum satis copiosum deponit sedimentum; appropinquante die quarto, quanquam interdum etiam citius illud fiat, in artubus, collo, pectore, elevantur & extuberant pori cutis cum rubore, instar cutis anserinæ, ac sensim oriuntur numerosissimæ pustulæ magnitudinis exiguæ, pelluentes; aquea quadam humiditate gravidæ, quæ in siccioribus satis maturè ferè intra 24. horas exsiccantur; In humidioribus & junioribus aliquantò diutius, erosâ cute, aliquid humoris exstillant, non sine aliquo corporis pruritu & ardore, qui ab initio vix observabatur. Conveniunt nitrosa & salina aliquoties per diem exhibita, præmissis manè diaphoreticis & bezoardicis fixioribus, aut etiam decoctis ex fumaria, sambuco cum sero lactis caprini paratis.

Satis etiam communis erat Fluor albus uterinus in feminis quibuslibet ultra pubertatem annis, frequentius tamen paulò provectioribus ætate; cujus mali non ita facilis est cura, quippe in qua & viscerum chyli se-



cretioni, & feri depurationi inservientium, & lymphæ ratio habenda; ut nempe abundantia feri & excrementitii ac viscosi ex corpore eliminetur, materiæ fluxum hunc constituentis proventus impediatur, & uterus corroboretur; inprimis per nodulos ex stomachicis, uterinis ac purgantibus, & diuterica, succinata, terebenthinata &c. per diaphoretica, &c. lignorum decocta. Salivatio generosum illud remedium est, quo etiam inveterati fluxus debellari possunt &c.

Qui isto tempore in ætate puerili fuerant immunes ab exanematibus, sub finem Veris, Achoribus & Tineâ infestabantur; ubi optime conducunt, quæ alias in scabie profunt: non sine fundamento Nicotiana laudatur, at camphoratorum usus noxius, & tantum excitant dolorem, ac si carbores vivi capitibus impositi essent.

In Julio terra per totum mensis cursum benigno Solis calore animabatur, ac simul calidis fovebatur pluviis, subinde tamen etiam tonitru audiebantur. Per Augustum eadem gratæ inter Phœbum & nubila vices durabant. Nec alia aëris in Septembri constitutio, nisi quod frigidior aura post benignum Solis calorem allaberetur corpori ac aliquam ei afferret molestiam.

Hoc tempore grassabantur febres continuæ intermittentes, cum dolore hypochondrii dextri, Pleuritides spuria, in infantilibus corporibus excretio miliaris notabatur. Multos cholera, Diarhœa ac Dysenteria fatigabant. Multi Catarris obnoxii degebant, ac perinacissimis Tussibus concutiebantur.

Vidimus etiam in æstate motus quosdam febriles, qui nullum typum observabant, neque statis exacerbantur periodis. Mirabilis in istis vicissitudo est, eaque satis crebra: qui hac hora exangustia cordis gemit & trepidat, de fatigatione summa conqueritur, post unius alteriusve horæ spatium, erecti animi est, & frontis exporrecta. Propemodum autem febriles ejusmodi excandescantias experiuntur homines scorbuticis maculis, modo rubicundis, modo lividis deformes. Hæ quando numerosiores in corpore comparent, ferè abest ejusmodi ebullitio, sed quando pauciores adsunt præprimis in loco minus consueto, tum ejusmodi alterationes sentiuntur, præsens quoque est manifesta coloris macularum mutatio. Non carent hæ inordinatæ febres suis symptomatibus; nam & anxietates gravissimæ præcordia premunt, languor totius corporis & ossifraga omnium membrorum lassitudo invadit, ac interdum alii graves impetus ac tumultus corpus affligunt; partes autem maculis obsideri solitas dolor tensivus, gravativus, imò & rigor occupat, adest vertigo, non rarò æstuantem calorem sequuntur horripilationes; pulsus ferè magnus est, interdum aliquo modo inæqualis & parvus; urina ferè crassa est, & statim, postquam reddita est, conturbatur, ac deponit corpora rotunda; instar arenularum, & superior substantia nihilominus crassa manet, & quasi pinguedo quædam vitri parietibus adhæret; vix post sumpta cathartica, ut alias fieri solet, clarescit, sed turbida manet. Prodest excretionem macularum promote-



movere, aut materiam earum subigere & corrigere, cum antifebrilia sola non sufficiant.

Vicissim eodem tempore excruciantur aliqui dolore artuum, statis horis, singulis diebus per aliquod septimanas redeuntibus, sine ullo febris signo. In cortice Peruviano inventum est remedium.

Viri quidam & mulieres fervido cœlo de tormentis pruritus, interdum ad lipothymiam usque, interdum certis tantum in partibus, præsertim ano & pudendis, fuerunt conquesti. Quædam gravidæ cum aliquibus exanthematibus tortorem hunc per multas septimanas sustinuerunt. Qui non tam ab humoribus acribus, quam à vermium morso excitatus fuisse videtur, præsertim quod remedia anthelmintica præ cæteris conduxerint, ut topica amara in vino decocta &c.

Cœlo sereno & calenti frequentissimæ erant sternutationes, & jungebantur hæ etiam morbis tum grassantibus. Præter hydragoga, suus sudorificis hic constat honos; eximie vero præ cæteris juvant frictiones & ligaturæ extremorum, ut & V. S. nec non Spiritus retentio.

Octobris initia benigno calore grata, reliqui autem mensis huius dies turbidiores, & propter pluvias ac frigus inamceniores erant. In Novembri temperatus erat aer, usque ad plenilunium, postea autem nebulosus ac pluviosus; mense ad finem vergente, inconstans ingruerat frigus, ut plurimum tamen satis remissum. December inter nebulas, ventos & pluvias transactus. Multi sub hac æris constitutione tussi infesta-

bantur. Regnabant etiam febres cum mordaci calore, doloribus hypochondriorum, dorsi, sibi immodica, exanthematibus serosis, purpurâ, pleuritide, ictero, & diarrhæa, singultuque conjunctæ; & bezoardicis fixis & volatilibus, intermixtis anodynis, oppugnatae fuerunt. Jungebantur etiam paralyces linguæ, & insultus apoplectici, sine evidenti periculo. Circa solstitium hybernæ etiam Asthma convulsivum, aliquando Parotides supervenerunt.

Parturientes in autumnæ experiebantur dolores & spasmodicas vellitationes ac contorsiones in diversis locis, quas ex fructuum ingurgitatione ortas, suspicio fuit, iisdem autem Essent. carn. D. Mich. D. VVedel. &c. obviam ibatur.

Creber affectus erat inflatio ventriculi, interdum satis enormis, quam ructus, difficultas deglutiendi comitabantur per evacuantia, & carminantia non nimium calida facile curabilis.

Alii Lienteria corripiebantur, & egregie stomachicis sublevabantur, præprimis ex mentha & absinthio paratis, nisi quod aliquando eveniebat, cum ictero, hydrope, febribus tertianis lentis eadem complicaretur. Quidam cœliaco laborabant fluxu, atque iisdem remediis sanabantur. Exempla etiam Asthmatis stomachalis offerebantur, sive cruditates in flatus resolutæ diaphragma comprimerent, sive ventriculus à contentis suis in spasmus concitatus, contiguum sibi diaphragma simul afficeret; imò unum alterumve datum fuit exemplum febris anhelosæ & asthmaticæ, quam describit Syl-



vius l. 1. prax. c. 30. Cura in eumetis, ubi circumstantiæ permittunt, vomitorio expediri potest.

Consilium Medicorum hoc tempore à Chirurgis non minus requisitum fuit, quomodo in ulceribus sinuosis inveteratis internè ortis & oblongis, exterius vero callosis, ritè sese gerere deberent. Hæc enim ulcerata tum aliis temporibus Uratislaviæ, tum maximè in Autumno Chirurgis crucem figunt. Ubi totum imprimis ductum discindere, callosam cavita-

tem septicis tollere, consolidationem balsamicis promoveri &c. consultum fuit.

Omni quidem etiam tempore gummi Gallia observantur, maximepe- rè tamen circa autumnum sæviunt, quæ post sanguinis depurationem, eorundem par emplastrum diachyl. c. Gum. & mercur. &c putrefactione, per causticum apertione, unguento basilico mundificatione, imprimis curata fuerunt.

### *Constitutio Epidemica Vratislaviensis.*

*Anni 1701.*

**I**N Januario variæ erant ratione frigoris vicissitudines, modò enim àër liquefcere & quodammodo diffilere, ac in ampliora spatia sese diffundere videbatur, modò autem frigore constipatus in angustum coge- batur; finem vero mensis imponebant nebula illæ insalubritatum fomites. Februario tum his, tum etiam nivibus, & variis ventorum mutationibus horridus erat, nonnunquam tamen quodammodo placidus & æquabilis àëris fluxus observabatur. Sub initium Martii frigidiuscula aura subito cum blandiori àëre commutabatur; nec tamen Mensis ad finem sine nimbis, grandine, variis ventorum tumultibus decurrebat, sicutamen, ut blandus solis calor in his àëris variationibus nonnunquam Silesiæ incolas exhilararet.

Mense Januario febres continuæ periodicæ, variis stipatæ Symptomatibus præprimis autem cardialgia, vomitu, spasmis, hypochondriacis

&c. non paucis erant molestæ. Grassetabatur etiam Pleuritis Spuria; erant quos Erysipelas capitis in periculum vitæ conjiciebat. Lumbago quoque iis, qui Baccho & Venere delectabantur, molestiam creabat. Nec minus febres petechiales satis erant frequentes, qua etiam ad domesticos incaute cum ægris conversantes, præprimis si hic essent meticulosiores, per contagium propagabantur. Tractati fuerunt hi morbi non sine felici successu, methodo superius adumbrata.

Catarrhi, Tusses ferinæ &c. etiam grassatæ sunt; in quibus hoc tempore opiata minime profuerunt.

Mense Aprili admodum inclemens erat àëris constitutio, & miris ventorum, frigoris, grandinum, nebularum, nivium, pluviarum vicissitudinibus, etsi ad teporem nonnunquam inclinaret, ingrata. Nec in Majo Veris dabatur frui deliciis, sed sub turbido & nebulis obducto ac plu-



via cœlo major mensis pars agebatur, eoque gratior erat blandus in Junio Solis calor, qui tamen & ipse pluviiis & tonitru subinde turbabatur.

Hoc tempore omnis generis febres grassabantur; præprimis crucem figebat illa, quæ typum talem observabat: primo die horror satis gravis homines catarrho obnoxios & crassiori victui assuetos, ætisque injuriis crebrius expositos, aut ad tabem pronos invadebat, horrorem sequebatur calor valde inæqualis, pulsus autem ferè debilis erat; æstus per horas modò pauciores septem, novem, modò plures, v. g. 12. 14. &c. perseverabat, post quem aliquibus sudores effluebant, quibus manantibus, utut febris remitteret, plenè tamen non cessabat. Erant qui post calorem nondum sopitum, eodem die denuo horrore & frigore concuterentur, ac illis jam dicto die vomitus, erant molesti; iis præprimis horis, quibus febris intendebatur; die secundo perseverante adhuc calore, denuo propemodum eadem horâ, quâ primo, miseros opprimebat alius horror, aliudque frigus, & tandem etiam calor, qui sensim augebatur, sed tamen longè adhuc aberat à ferocia ejus, qui primo die ægros exurebat, sed neque tot horis, quàm illic continuabat; tertio die eadem, quæ primo, ludebatur fabula; quarta iterum secundo respondebat, verbo: semper uno die febris erat gravior & quasi composita ex tertiana & quotidiana, altero autem erat levior, typum unius quotidianæ referens. Solvebatur intra 14. aut 20. dies per diathæam, mutabatur etiam in tertianam duplicem, in aliquibus sca-

bies succedebat per totum corpus diffusa. Cedunt etiam hæ febres adhibitâ ordinariâ methodo curandi superius adumbratâ. Lenia evacuantia eximiè profuerunt secundo aut quarto die, imò & aliis diebus paribus etiam repetitis vicibus exhibita. Omnia Symptomata erant leviora, si illis diebus, quibus unus tantum affligit paroxysmus, sub declinationem blanda dabantur alexipharmaca. Ante paroxysmos præcipitantia cum salibus alcalinis & nitro rectè etiam morbo huic opponuntur omissâ venæsectione.

Præter has febres occurrebant etiam, quæ iidem tertio quoque die ut priores ingravescebant, sed abque rigore & horrore statâ observantur tempora, nisi quod rigores *ἀτάκτοι* inordinatè & erraticè, non unâ cum paroxysmo invadent. Non mali videbantur esse moris ab initio, sed præcedente morbo ferè in pejus ruebant, ac criticis præsertim diebus excandescebant; adet motus ventriculi, aliaque symptomata maligna, in his lethargus, & aliis vigiliæ cum deliriis conjunctæ impeditus erat urinae fluxus eo tempore, quo rigebant. Satis erant contumaces, nec nullos interimebant. cura nihil peculiare observatum, nisi quod è re fuerit, superato rigore, æqualem sanguinis distributionem obtinendam diaphoretica & alexipharmaca propinare.

Cæteræ febres ferè omnes conjunctæ erant cum Otalgia, quæ certè ægris & Medicis facessit negotium. Omissis emeticis; purgantibus, V. S. fuerunt internè exhibita, quæ aliàs in viscerum & meningum infla-



mationibus præscribi consueverunt; externè verò potissimum linimenta spiritiosa, & hæc quidem camphorata & crocata sæpius applicata: aliquod etiam in pediluvii solatium, si dolor ille, quod tum temporis observatum, solitariè absque febris affligat.

Primiparæ habitiores lautioris conditionis, imò & aliæ puerperæ partus doloribus defunctæ, hisce diebus ferè omnes conquerebantur de dolore compressivo satis vehementi in dorso, quem nec mulierculæ suis remediis domesticis, nec Medici selectis etiam pharmacis depellere poterant. Acerbiores erant cruciatus earum, quæ jussulis consummatis, ut vocant, lapides reponere vires gestiebant, præprimis si infantes essent debiliores, & in uberibus sollicitandis negligentiores. Nihil æquè his profuit, quam victus tenuior, & evacuatio lactis ex mammis liberalior, evidari certè argumento, dolorum hunc non aliunde pendere, quam ex vasorum lacteorum, ipsiusque ductus thoracici chylosam materiam pro lactis generatione advehentium repletionem ac nimia distensione.

Præcipuè autem hoc tempore communes de vertigine, tinnitu aurium comitatæ, querelæ audiebantur. Occurrebant satis multi, quibus caput & visus objecta circumagi videbantur. Nec nulli erant, quorum, oculis tenebræ, aut intra tenebras splendida quædam observabantur, & caput in turbinis modum circumduci videbatur. Hoc autem malo vexabantur, qui in otio viventes liberalius subinde se vino invitarunt, aut qui antea hæmorrhagiam narium,

vel fluxum hæmorrhoidalem experti his evacuationibus per tempus aliquod caruerant; aut qui alios catharsi fuerunt assueti eandemque omiserant. In cura V. S. imprimis, frictiones etiam, ligaturæ & pediluvia fuerunt adhibita; post V. S. purgantia, raro emetica in plethoricis data; inter sudorifera Tinctura bez. D. M. omnium minimè expectationi satisfecit, ut & spiritiosa aromatica, aliaque plura. Aliquantò major virtus fuit in Succin. Spec. de hyacinth. maxima autem inter usitatiora in cinabari nativa.

Præterea multorum infantum corpora hisce diebus moribus convulsivis concutiebantur, quorum non pauci a parentibus suis per mortem avellebantur; nec infrequens in illis erat Rana.

Sub illud tempus, quo fraga & ribium bacca passim apponebantur, & ayidè, ut sit, ingerebantur, alii Diarrhæa corripiebantur, alii autem Cholera, præprimis si vinum in glacie refrigeratum ingurgitarent. Cholericæ non tantum sursum & deorsum magno cum impetu humores biliosos egerebant, sed & ingenti siti torquebantur, & assidua corporis jectigatione fatigabantur: mens earum percellabatur, aderant vigilæ & partium extremarum refrigerationes; quæ symptomata, nisi statim ab initio blanda data abstergentia aut levissima evacuantia ac præcipitantia, cum diaphoreticis & discutientibus, ipsa mors excipiebat.

Varii oculorum affectus tunc etiam occurrebant. Nonnulli laborabant Epiphoriâ, & renuis humor calidus & mordax, lachrymarum specie



cie in oculos irruebat. Ex his aliqui in febres intermittentes lapsi non modò molestiæ levamen ex febre superveniente non senserunt, sed & dolorem augeri; eò quòd fortè acerrimum remaneret, dissipatis humidis & aquosis particulis, crebrò conquesti sunt. Alios acres & falsi humores cum rubore & palpebrarum exulceratione, gravi afficiebant tædio. Inflammationes quoque oculorum aliæ aliis erant pertinaciores. Interdum oculi erant satis squalidi, & vasa supra modum extumescebant & tamen totum malum remediis debitis facile tollebat. Nonnunquam verò inflammatio multò minor erat, & tamen quicquid etiam ageretur, frustra tentabatur. Erat autem hoc in casu cum ophthalmia dolor capitis diuturnus indissolubili nexu conjunctus, qui satis ostendit, in consortium mali meninges & intimas cerebri partes trahi, quod etiam subinde in aliis fieri morbis patet ex Cl. Baglivi scripto de Fibra motr. Visus autem eorum, qui ita affecti erant, indies magis obscurabatur, nec in minimo cæcitatæ secuturæ periculo versabantur. Id creberrima docuit experientia, alvi profluvium, sive sponte naturæ motum, sive pharmacis excitatum, ophthalmicis esse admodum utile.

Porro sæviebant maximopere brachiorum dolores, qui omnem remedium applicationem eludebant.

Mulieres etiam sanguineæ constitutionis, quæ paulò liberalius vinum bibunt, dolebant hypochondrium dextrum, Spirandi aderat difficultas sine tussi, quæ in horas increbescebat; accedebat nonnunquam

febricula, quæ dolorem, modò is esset mediocrius, ne ad claviculam aut ilià pertingeret, solvebat; de quo ipso dolore loqui videtur Hippocrates l. 6. aph. 40. Nihil æquè profuit, quàm primo quovis tempore sanguinem liberaliter ex venis in pede detrahere, id quod argumento est, aut hepar phlogosi in hoc dolore corripitur, aut sanguinem in trunco venæ portæ vicinisque ramis stagnare. Difficilior est cura, si dolor hic sit conjunctus cum tussicula inani, ex hoc enim non vanè colligi potest, etiam diaphragma in societatem doloris rapi, id quod fit, cum gibba hepatis pars inflammatur, ut pote quæ propius diaphragma attingit. Si paulò gravior sit inflammatio, ne digitorum quidem pulsus ægrotantes ferre possunt; jactantur plurimum, lingua arida & scabra est ob ingens in sanguine incendium.

Mensis Julius erat amœnissimus, nam & gratum solis jubar exhilarabat, ac tepidis aliquando pluviis terra refocillabatur. Major æstus erat, in principio Augusti, & crebra audiebantur tonitrua; eoque gratiores erant, quæ subsequerentur pluvie. Etesiae quoque gratè spirantes nimium temperabant fervorem. Nec minus blanda & grata erat aëris constitutio in Septembri; nisi quòd circa Novilunium rigidior aër corporibus esset molestus.

Præter morbos æstivales in præcedentibus enumeratos, scenam hoc tempore ingrediebantur dejectiones dysentericæ, quas in corporibus cacochymis, tum etiam quando symptomata remittunt, & scybala minus sunt cruenta, nec sedes adeo tormi-



nosæ , sed ad legem naturæ accedentes , nec non somnus recurrit , & de-  
nuo alimenta appetuntur , adeoque  
in portu ægri sunt , ex improvise  
sequebatur diarrhæa , quæ corpus va-  
riis humoribus repletum deplens , ni-  
hil sinistri portendebat , sed , etiamsi  
vires aliquo modo dejiceret , firmio-  
rem impostero sanitate pollice-  
batur ; conf. Hipp. sect. 7. aph. 77.

Post propulsas ejus temporis fe-  
bres , in diversis hinc inde corporis  
partibus , præsertim autem in volis  
manuum & plantis pedum , recon-  
valescentibus epidermis discedebat ,  
& quasi per squamas abradebatur.

Alias iisdem diebus multi ex ege-  
nis cacochymi deformabantur Porri-  
gine , præter blandam catharsin , dia-  
phoresin , & diuresin , juxta cum  
dieta laudabili , topicis abstergenti-  
bus circumspèctè adhibitis curata.

In hac ipsa æstate passim etiam au-  
diebantur querelæ de doloribus artu-  
um & infirmi ventris : crurum dolor  
potissimum multis infestus erat : hunc  
alii tensivum , alii obtusum , alii mor-  
dicantem , alii autem pungentem &  
erodentem in profundo circa os ex-  
periebantur , qui in motu corporis  
graviter efferebatur. Alii dolorem  
hunc ita describebant , ut dicerent ,  
malleolis sibi quasi crura contundi :  
Nec minus brachia gravissimis tor-  
quebantur doloribus , qui non secus  
ac à lue venerea oriundi nocturno  
tempore ingravescabant. Alii per in-  
tervalla læstabantur cum doloribus &  
lancinationibus intestinorum intole-  
rabilibus , qui exhibitis carminanti-  
bus & anticolicis remediis magis in-  
tendebatur. His autem aliisque va-  
riarum partium cruciatibus obnoxii

illi erant , qui cibis crassis , salitis ,  
pane non benè à furfuribus purgato ,  
cervisia crassa , turbida & feculenta ,  
aut vino nondum satis benè defecato ,  
vel nescio quibus mangoniis corrupto  
utebantur. Hic unice antiscorbuti-  
ca cum radd. chinæ , sarsaparillæ , &  
lignis exoticis decocta aliquo modo  
ægris erant solatio ; quibus ipsis etiam  
remediis sublevabantur ii , qui de lan-  
guore , nullo etiam præsentem morbo ,  
lassitudine totius corporis cum aliqua  
oris siccitate conquesti fuerunt.

Multi in teneriori ætate constituti ,  
circa dies caniculares , etiamsi nulla  
dysenteria aut diarrhœa essent corre-  
pti , assidua desidendi cupiditate cum  
torminibus quibusdam conjuncta ve-  
xabantur. Post frustra adhibita ene-  
mata , lenia evacuantia , humorem  
acrem demulcentia , balnea , tandem  
cum ab ascaridibus malum foveri su-  
spicio esset , majori cum successu an-  
thelmintica enematibus addita atque  
per os data fuerunt.

Initia mensis Octobris blando ca-  
lore grata , sed plerique sequentium  
dierum ventis , pluviis & variis aëris  
mutationibus horrida erant. In No-  
vembri modò pluviae decidebant , mo-  
dò nives ; & utut aura subinde esset  
satis temperata , nonnunquam cor-  
pora frigore rigeant ; hoc autem in  
Decembri erat intensius , præprimis  
circa Plenilunium ; at paulò post &  
intercurrentes nebulæ & pluviae So-  
lisque jubar violentiam frigoris miti-  
gabant.

Inter varios hujus temporis mor-  
bos , non rarò occurrebat Gonorrhœa  
virulenta , quæ ab omni tempore Ve-  
neris amafios mulctat , autumno ta-  
men , qui exulcerationibus omnibus



minùs favet, inclementiùs sævit.

Porro inter communiore morbos erant febres, quæ nec statum tempus servabant, nec eodem modo semper invadebant, sed modò diebus singulis, diversis tamen horis, modò alternis homines opprimebant; jam diurno, jam nocturno tempore ingravescebant; hoc die cum horrore notabili aut rigore, alio autem sine sensu frigoris paroxysmus ingruerat; hodie immanis cardialgia molesta erat, cras ventris tormina affligebant; jam hoc symptoma, jam aliud miseris magis fatigabat. In cura placuit Hippocratis consilium lib. de rat. vict. in acut. *inconstantes & erraticos morbos curare non expedit, priusquam constiterint*, seu certum typum & periodum observaverint, quod circa septimum diem hic evenire solebat; nam tum vel in tertianas vel in continuas degenerabant, & methodo convenienti curabantur.

Quartanæ quoque autumnalium morborum numerum augebant, in quarum cura plebejis quibusdam illa non malè cessit temeritas, qua feбри-

citantes subito terrore graviter percellunt, si vel sedes, ut fit, vel deinceps sudores copiosi, aut alia quædam evacuatio largior succederet. Nec methodus illa, quæ has per anodyna, præmissis lenibus evacuantibus, febres tollit, inutilis deprehensa est.

Præterea urinæ stillicidia, vel ab humorum ad renes per arterias delatorum acrimonia, aut, quod verisimilius, à renum ulcere oriunda exasperabantur. Trichiæsis, in quibusdam notabatur, incidentibus & purgantibus lenioribus curatæ Tabidi pejus habebant. Grassabantur etiam iterum ischiatici dolores. Multi qui coelo pluvio sub dio laboraverant, aut etiam in aquis ac paludosis locis manuum opera exercuerunt, difficili respiratione & orthopnoea sine conchis vexabantur, quibus non tam expectorantia, quam evacuantia, diuretica & sudorifera conducebant. Magnus etiam inter egenos epilepticorum numerus erant. Aliquos passio iliaca horrendo modo afflixit.

### Constitutio epidemica Berolinensis

Anni 1702.

**J**Anuarius biduo gelido paucis nivibus, ventoque valido turbido, 3tium remissiorem nivibus aspersis degelantem substituit. 4tus gelu rigidum redintegravit, sed sequente 5to post gelicidium matutinum in deliquium ac pluvias frequentes nunc uberiores, nunc parciores, 19no tantum & 22do moderato gelu ut & 29no post pruina matutinam

sereno exceptis, solutus toto mensis reliquo degeneravit.

Februarius 1mus frigidus præcedentibus paulò serenior, circa vespem in pluviam 2do toto durantem & 3tio serenitate aliquali interpolatam desit. 4tus serenus ac frigidus. 5tus totus paucâ intercedente serenitate pluviosus. 6tus & sequentes [11mo & 17mo manè pruinosi exceptis]



exceptis ] ad 18vum usque Vernâ serenitate ferè & temperie amœnum quarto compares. Reliqui ad finem usque mensis varii, alii uti 19nus & 20mus ante meridiem sicci & frigidi, circa vesperam pluvii sereni uti 21mus, alii turbidi & frigidi, uti 22dus, alii uti 23. cum frigore manè sereni, post turbidi, alii uti 24tus manè udi, à meridie sereni, alii uti 25tus post pluvia rorans mane sicci & turbidi. Alii mane nebulosi post sereni, à meridie pluvii, ut 26tus, & 27mus succedente procellâ & 28vo adhuc continuante & admixtâ nive grandine & gelu, redditâ tandem cum meridie serenitate mentem terminante.

Martius frigus cum nive continuatum primo biduo, interspersis de die serenitati nivibus interpolavit, 3tio in pluviam matutinam descivit, recuperatâ tamen à meridie serenitate, 4to quoque continuante ad vespertinam usque pluviam, 5tus serenus quidem sed algidus, grandines nonnunquam Favonio fiante sperfit, quatruidi sereni gelidi & pruinosi prodromus, 10. biduum successit, Africo tumultuante turbidum, procellosum grandinosum ac nimbosum. 12mus serenitatem restituit matutinam nivibus à meridie comitatam, atque biduum sequens gelidum & serenum induxit, moxque intercalato 15to remissiori, sereno tamen adhuc, gelu satis hactenus rigidum cœlo sereno Boreâ aspirante, ac succedente huic post Euro, ad 23tium usque serenitate vernâ cum sequente biduo commendabilem reduxit. 26tum mane turbidum aligidum ac ventosum cum triduo succedente turbulento, secutus

pluviolis quidem sparsis à prioribus diversis 30mus 31mo socio manè quidem pruinoso, serenitate tamen commendabili biduo mensem hunc simul ac trimestre finiit.

Morbi hoc trimestri præter scorbutum endemium febres intermittentes nonnullas ardentes quoque & cephalæâ ac hemicraniâ valde molestas continuas, malignas paucas, variolis ac purpurâ notata, catharrales & pleuriticas sporaticas, Epidemicifere nulli fuere, nisi catharros & tussis, hæmoptoes quasdam & pleuritides, ut & arthritides præsertim vagas scorbuticas ob hybernas aëris variâs turbas indeque nascentia sanitatis incommoda, satis frequentes iis annuumerare velis.

Aprilis primum biduum frigidulum cæterâ serenum leni gelu cœpit ad tertii meridiem usque nubilum in pluviolas circa vesperam solum, cui 4tus compar, 5tus noctupluvius, de die procellosus ac nimbosus. 6tus nivibus sereno cœlo mixtis variis & inconstans successit, Huic congener 7timus, Octavus noctè interser à nivibus fœta frigidulas & potissimam partem turbidus, post noctem gelidam, nonum frigidum & serenum, postquæ nocturnas denuo nives biduum degelascens ac pluviosum induxit. Sequentes, præter 12mum sic satis serenum, vesperi tamen ad huc specade rorantem, eique similem 23ium & 24tum totum serenum omnes ad finem usque mensis genio illius conformes, varii, turbidi, frigidi, nivosi, nimbofi, quandoque & procellosi fuerunt.

Maji primus vernâ serenitate commendabilis, frigidulus tamen adhuc  
Euro



Euro noto flante, triduum sequens turbidum paucis aspersis pluviolis udum ac horridum adduxit, succedente vernâ amœnitate integrum mensem reliquum, paucis immo nimirum mane turbido à meridie specade grato 17mo vento, 23io procellâ 25. pluviâ vento mistâ 27. grandine ac imbre ut & 31mo seu postremo paululum ventoso exceptis durante.

Junii primus ultimo Maji compar, à biduo sereno ac temperato exceptus, 4tum obscurum in vesperam & noctem pluviam deficientem, cum subsequente biduo sibi non absimili successorem habuit, quos biduum aliud serenum ac temperatum correxit; successit huic 9nus totus turbidus in pluviam vespertinam desinens, quem temperatus ac ficcus 11mus atque 12mus sudo æstivo insignis secutus. Huic biduum rursus obscurum ac frigidum in pluviam tandem fatiscens successit, eique quatrimum sudum ac æstivo ardore ferè molestum, subsequente 19mo tonitru temperatum, 20mum pluviâ nocturnâ quandoque & diurna fœcundum, triduum versus serenum ac temperatum secutum in pluviolam vesperi 23tio solutum, quod 24to imber nocturnus, tandemque, 27mum manè obscurum à meridie serenum, & 29num frigidulum sed serenum, si exceperis, reliqui vario cœlo aliquando & nimbo rarius sereno inamœni, mense tristem addidere colophonem.

Morbos hoc trimestre epidemios præter morbillos & paucas variolas nullos aluit: Sporadici fuerunt febres varii generis, intermittentes tertianæ nonnullæ, & continuæ ardentes Cephalalgia & Cardialgia in-

festæ, Catarrhales tussi & Asthmate molestæ, quandoque & anginâ, oculorum & gutturis ac tonsillarum inflammationibus; His hæmorrhagiæ narium, hæmoptoës, Arthritides universales, & vagæ quoque Scorbuticæ, Cachexiæ & Cacochymiciæ passionibus hypochondriacis & Hystericis pleuritide, imò & paralyfi & apoplexiâ nonnunquam stipatæ accessere.

Julii dies quinque priores æstivo calore insignes, 3tius præsertim fervore æstuoso molestus; Quibus biduum successit ventosum ac subinde pluviosum, huic 8vus obscurus ac ridulus, ut & 9nus sudo & temperato calore amœnus. 10mus post pluvias nocturnas cum septem subsequentibus sudo ac æstugenium hujus mensis exprimentibus 16to subvesperam, ac 18vo à meridie, 19mo, mane pluvio à meridie tonitru addidit. Sequens triduum sudo pluvias miscuit, succedente quatrimum imbroso. Unde ad finem usque mensis sereni & æstivo sudo grati successere dies.

Augusti primus sudo æstuoso gravis, vesperi tonitru leve cum pluviâ moderatâ, sequenti vero triduo post pluviam matutinam modicam temperiem amœnam substituit. Quæ triduo alio ob temperatum sudum commendabili succedente, ac octavo ante & post meridiem lene stillicidium intercalante à biduo pluvioso excepta. Cui aliud rursus biduum verè æstivum ac serenum successit atque huic 13tus mane specade rorans, 14tus præter tonitru breve imbre comitatum cætera serenus. 15tus manè serenus, circa vesperam tonitru horrendum procellosum ac nimbosum tulit.



16tus manè serenus post fufas à meridie pluvias frigidior. 17mus serenus ac temperatus 18mus à pluviam matutinam septem subsequentes dies serenos, ac nonnunquam satis æstuosos, si 25tum excluseris manè pluviolis madentem, adduxit. 27. cæteroquin serenus pluviam vespertinam in noctem usque intempestam protraxit, 28vum frigidulum, licet sereno, 29num totum pluvium & imbrosum ac sub frigidum 30mum pluviolis quandoque rorantem tandemque 31mum & postremum mensis siccum quidem & serenum sed frigidum pariter successores habuit.

Septembris primordium 1. & 2da die serenâ & amœnâ temperie acceptum circa vespertinam in tonitru horrendum & imbrem degeneravit; à 3tio ad 24tum vario, quandoque subfrigido, quandoque æstivo calore, plerumque sudo pluviis ac speculato interpolato, temperatoque æthere continuavit. 25to ventosiori paulo & pluvio biduum successit procellosum & nimbosum, atque huic aliud sedatius, sed ad vespertinam usque pluviosum; inde serenitas gratâ comitata temperie; unum simulque mensem & trimestre tertium absolvit.

Morbos æstiva Ætheris cum temperie ambiens subinde intemperies præcedentis æstatis frequens æstus præter endemios penè scorbutum illicque affinem veneream luem, epidemios genuit varias febres tam intermittentes quam continuas, cautos aliasque ardentes paroxysmis interpolatas, quasdam plenè inordinatas nullum typum servantes, cathartica nonnullas malignas quoque ex-

anthematis variis, miliaribus præsertim semet prodentes, pleuriticas insuper, alias Cephalæâ, cardialgiâ, colica, hæmoptoë, defluxionibus in buccam gulam, dentes, ut & inflammationibus oculorum indeque ophthalmiis gutturis tussibus porro variis, quibusdam etiam ex illarum numero, quas convulsivas Villifus appellat; Præterea Epilepsias præsertim infantum; Arthritides tam uniwersales quàm particulares, unus lateris, Ischiadicas, vagas scorbuticas satis frequentes, omnium tamen frequentissimas ob fructuum immaturorum ingluviem intemperantem, & immoderatum aliarum illecebrarum gulæ usum, Choleras, diarrhæas, Lienterias & dysenterias copiosissimas, easque satis vehementes, pertinaces, periculosas ac sæpe numero lethales.

October post pluviam imo matutinam, triduo sereno ac gratâ temperie amœno æstu successit triduum nimbosum, subinde grandinosum, tandem & pluviis, nivibus pruina vacuum ac frigidum. Illi rursus quadrimum, autumnalis temporis ratione satis temperatum ac gratum. 14tus manè ad meridiem usque nebulosus, inde serenus fuit. 15mus serenus ac temperatus à meridie paucas sparsit pluvias. A. 16to ad 20mum æstivo ferè calore serenum & amœnum quadrimum, à 20mo, 28vo sereno ac temperato excepto, obscuri ac frigiduli, interspersis 23io, 24. 26to, utut rarius pluviis ad 31: adeoque extremum usque mensis, dies secuti mensem terminarunt.

November à siccitate ac frigore aliquali auspiciatus, ad serenitatem



ac rigorem satis validum sed ephemerum transit triduum obscurum ac specade subinde udum inducens. Quod quatrimum à siccitate ac temperie ad aliqualem algorem, mox & gelu satis rigidum pergens, secutum. Cui 9nus nivem copiosam aspersit, perseverante romo adhuc gelu atque post densam primo nebulam, & subsequentem serenitatem, ad 14mum usque paulò mitiorem in persecadem à meridie fariscentem continuante. 15tus præcedenti ferè similis specade pariter udus, 16tus ad vesperam usque siccus, postea pluviosus 17mum procellosus & nimbosus ascrivit. 18vus à pluvia modica matutinâ in serenitatem, 19mo adhuc ad vesperam usque pluviam durantem transit. succedente 20mo sereno ac temperato, in turbidum temperatum tamen adhuc nunc siccum ut 21mo & 23tio, nunc pluvius & nivibus quibusdam, ut 22do, 24to & 25to mutato cœlo, succedente biduo paulo gelidior & nebuloso, aspersa tandem quoque nive, alioque rursus biduo pluvioso totæ ad vesperam usque 29mi à pluvia inclarescentem, sicque 30mo Æthere sic satis sereno & frigido mensem simul claudentem.

December subfrigidus, vernâ tamen ferè temperie præter morem accepto biduo orsus 3tium manè pluvium, cætera turbidum sed siccum, postea que triduum temperatum attulit, sub vesperâ 6ti nive parcâ aspersum. 7timus à gelu nocturno serenus triduum sibi quadantenus excepta serenitate nivibus & nubibus interpolatâ conforme adduxit. 11mo obscuro in pluvias deliquescenti, ac 12mo sereno post specades substituen-

ti, biduum turbidum ac algidum successit, mox post 15tum manè pluviosum, postea triduum, à nive ac gelu moderato & Æthere sereno in horridum mutatum substituit; sed 19no ac 20mo rursus post gelicidium & nivem cœlo sereno remittente, 21mo magè specade rotante à serenitate Aeris 22do in gelu satis rigidum abiit, rursusque 23tio post gelicidium matutinum in pluvias 24to à procellâ, aëre turbido sicco tamen ad vesperam in pluvias, 25tum totum durantes fariscentem. 27mo nivem noctu diuque spargit, 28vum moderatum gelu & circa vesperam nix pauca excepit. 29nus totâ die gelu rigidus fuit, 30mus à gelu in nivem, à nive in gelicidium à gelicidio in pluviam toto ferè 31mo durantem sicque Æthere nimbofo hunc mensem simulque trimestre ultimum adeoque annum hunc 1702. dum finientem desinit.

Morbi hoc ultimo trimestri occurrerunt satis frequentes, ~~Febres~~ intermittentes variæ, continuæ, hæque sæpius intermittentibus sociatæ, simulque ardentes, malignæ quoque exanthematis varii generis conspicuæ; præterea Catarrhales, pleuritide nonnunquam comitatæ, Erysipelatodes, aliæque diversis & periculosis nonnunquam symptomatis, alia inter Paralyti linguæ, aliarumque partium, inflammatione gutturis, Rheumatismo, Cardialgiâ, Cephalæâ periodicâ nonnunquam; Hemicraniâ, Hæmorrhagiâ narium vehementi & periculosa comitatæ. Prætereaque uteri quoque hæmorrhagiæ graves & perrinaces solitariae aut aliis morbis sociatæ. Diarrhœæ & Dysenteriae mali-



malignitatis nonnunquam participes Epilepsiæ cum primis Infantum, non-  
excessuum autumnalium reliquiæ : nunquam & aulorum Hemiplegiæ  
Colicæ & hystericae passionēs scor- & Apoplexiæ vehēmentēs & ut plu-  
buto sæpius complicatæ , tandem & rimum lethales.

*Constitutio Epidemica A V G F S T A N A*

*Ann. 1701. 1702. 1703. 1704. & 1705.*

L U C Æ S C H R O E C K I I.

*Licet initium Anni 1701. frigidum comparuisse &c. &c. &c.  
In hisce quoque deprehensum fuisse animadverto.*

**Q**Ualem Anni præcedentis exitus habuit æris constitutionem, talis per biduum etiam primum Anni 1703. continuavit; & quamvis Zephyrus prædominium porro obtineret, ac tolerabiliorem ut-  
cunque temperiem redderet, sæpius tamen ab iis diversis ventis excipiebatur, Eurusque inprimis ante Solis in Aquarium ingressum, à die 18. Januarii usque ad d. 26. frigore intento molestus erat, multis subinde interea nebulis, & nive, paucioribus serenis diebus observatis; à quo dein tempore inconstans admodum æris ventorumque Austro tamen prævalente, alternatio, usque dum Sol in Piscium signo versaretur, ubi post nivolum Boream Zephyrus temperatiorem ut plurimum & pluviosam auram redderet; quæ post Æquinoctium vernale variis mutationibus, præsertim frigidis humidisque obnoxia, vernali amœnitati multum obstitit, ac tardiorem plantarum vegetationem effecit: Quæ eò felicior postea successit, cum grata temperies, fertilitatem admodum prom-  
veret.

Interea morbi, præter Tusses in hyeme non insolitas, & omnibus ferè aliis morbis se complicantes, multas inducias concedebant; Arthriticis tamen doloribus obnoxii novæ invasiones contumacioresque patiebantur, nec non Febres quotidianæ, non intermittente calore suo continuas sæpe in principio æmulantes, pauciores etiam tertianæ (postsumtum vel purgans, vel vomitorium, quod solum quandoque febrilem fomitem expellebat, arcano duplicato ubi biliosa impuritas, unicornu fossili ubi acidæ particulae, chinachina verò dum viscidior pituita prævalebant, utraq; facile curabiles, in primis mensibus deprehendebatur, in pueris potissimum, vermium suspitionem ob victum prægressum, calorem faciei luridum, ventris morificationes, deliria nocturna &c. Sæpe præbentibus; & præter medicamenta recensita, cinnabaris nativæ, terræ signatæ, mithridatii &c. usum salutarem ideo expertis. Subinde quoque continuæ catarrhales notatæ fuerunt, majori vehementia, post hor-



## *Historia Epidemica Germaniae.*

rores, magno calore circa vesp̄am incremente, nec non cephalalgia & virium languore periodum suam decurrentes, sed continuato blandorum diaphoreticorum & alexipharmacorum usui cedentes. Intermittentes illæ præsertim tertianæ, in æstate se in plures utriusque sexus, omniumque ætatum diffundebant; imò in autumnum usque passim se exferebant; nec deerant in diebus canicularibus, calore non admodum molestis, sed per primū decendium inprimis frigidiusculis & humidis, postea serenis & calidis, circa finem autem pluviosis, quos malignæ, pustulis crystallinis stipatæ, & nisi alexipharmacis mox atque sedulo obuiam ipsis iretur, letales invaderent.

Post caniculares varia aëris temperies, Zephyrique & Euri alternatio, illo autem circa d. 8. Septembris prævalente, plurima pluvia & horridiuscula aura per aliquot dies infesta erant; cui fortasse Dysenteria tum ingruens non male adscribenda fuerat; quanquam & metum ex turbis bellicis, quæ Urbem ubique cingebant, & ultimam incolis internecionem minitabantur, incessum, quin & cerevisiæ recenter coctæ nec satis defecatæ potum contulisse suum symbolum, sit credibile; quibus tonum ventriculi atque intestinorum labefactari, succosque naturales visciditatem & acorem contrahere, non est dubium. Quamvis illa rarò graviori insultu noceret, atque ex chyli acrioris vellicatione potius inducta videretur, cum sine prævio vel notabili calore aliisve symptomatibus, præter tormina tolerabiliora & stomachi gravitatem, mox in principio

cruentæ dejectiones contingerent; facile etiam, post rhabarbari rosti [quod solum quandoque curæ sufficiebat,] & moderatum stypticorum vel traumaticorum, catechu, tormentillæ &c. cum pauculo opii accessu, usum recederet: in nonnullis, ubi stomachus cruditatibus oneratus indicabatur unicum lene vomitorium, quale vel unicum tartari emetici granum suppeditabat, opem tulisse observatum fuit. Præter hunc cruentum fluxum, postea Diarrhœa quoque frequenter ingruerat, eadem fere methodo curata. In Autumno insuper Morbilli frequentissimi, & solitis symptomatibus febrili nempe, quandoque ad delirium usque intensa sanguinis effervescentia, tussi, oculorum inflammatione stipati, cæterum sine magno discrimine [ita ut non pauci etiam sine decubitu, & pharmacis easdem paterentur,] suum decursum intra breve tempus, octiduum ut plurimum, sub pulveris Pannonici, antimonii diaphoretici &c. usu feliciter absolverant, adultiores etiam ac juvenilem ætatem frequenter, pari sed intensiori insultu tractaverant.

Æquinoctium autumnale cum Zephyro austrinam ut plurimum constitutionem adducebat, usque ad Novembris initium, ubi Eurus crebrior serenos ac nebulosos dies aliquandiu interponebat; quem post medium Novembrem excipiens Auster plures serenos dies quoque producebat. Tandem verò December multas nebulas & magnos Zephyri impetus, cum vario aëris, nebuloso tamen potissimum ac nubiloso statu adferebat; post Solstitium autem hyemale Eurus horridio-



ridiorem auram ac frigus intensum pariebat, sicque cum anni fine præsentiam hyemis ostendebat. Interea febres malignæ superius indicatæ in plures se diffundebant, multosque trucidabant, præcipue cum Urbs diuturna quasi e longinquo obsidione cincta, vario infortunio quin & postea hostili insultu, [ubi cives insuetæ continua per aliquot dies sub Jove frigido & humido in excubiis statione plurimum defatigabantur,] atque fatali præcipue igne gravissimo premeretur, ac subsequa infelici deditione multi varie torqueretur ac enervaretur: quanta verò ab externa hac aëris & fati iniquitate sanguini labes fuerit impressa, vix opus erit pluribus exprimere: Omnes maligna febre decumbentes, atque ut pyrobolorum periculum evaderent, in tutiorem Urbis partem deportati, quantum scio, perierunt; infantes etiam morbillosi eandem ob causam ignis metui subducti, diuturniori postea tussi & hæcticæ discrimine salutem hanc suam redemerunt.

In Anno 1704. hyemali frigori continuando Eurus multum perrexit, usque dum post Solis in signum Aquarii ingressum Zephyrus, pluviis crebrioribus, cum nive tamen & serenitate alternantibus, gravidus, temperatiorem auram produceret; quæ equidem temperies ita continuavit, ut vernalis constitutio deinde citius, quàm pluribus aliis præcedentibus Annis compareret, atque cum aëris ac ventorum non adeò ingrata mutatione diu, usque in mensem Junium perduraret: quamvis circa Solstitium æstivum pluviae frequentiores essent, major tamen serenitas,

silentibus utplurimum ventis, cum ineunte Julio redibat; quæ ipsa continuans, caniculares dies admodum calidos, grato tamen pluviarum interventu subinde mitigatos efficeret; usque dum occidente Sirio, à d. 19. Augusti ad finem usque ejusdem mensis, Solis nunquam à nubibus interrupti radii fervorem intenderent; sed cum d. 2. Septembris acrior insurgens Zephyrus frigidiusculum ac pluviosum aërem per quintiduum produxisset, & succedens ipsi Eurus quadriduum serenitate ornasset, Zephyrus tamen mox iterum dominio potitus, frigidos ac pluviosos dies (serenis tamen quandoque intercurrentibus,) reproduxit. Interea Febrium puncticularium malignitas (horrore, virium lapsu, adperitu prostrato capitisque ac dorsi dolore primò se prodens, in nonnullis amaritie oris, anxietate præcordiorum, fluxu alvi seroso, bilioso, quandoque sanguinolento, tussi &c. concurrente,) magnam circa anni principium incolarum stragem dare continuavit, ut quinque primis mensibus ultra mille ducentos homines, (quos inter equidem plures quàm centum & quinquaginta milites Galli fuerant,) tum aliis morbis, tum hac febre potissimum demortuos numerare licuerit; cum aliàs per integrum annum tot Urbs non videbat. Ubi quidem tantæ cladis causam non tam morbi atrociam, quàm ægrotorum in prima morbi invasione ab ipsis parum æstimati negligentiam, atque ob prægressas ac indies renascentes, quin majores subinde ab infensissimo inquilino hoste pertimescenda calamitas, vitalium succorum enervationem ac depravationem accusare



possum. Quæ ipsæ etiam miseræ aliis morbis, Ictero inprimis, vero tempore multos invadenti, ansam suppeditare, bilemque justo viscidiorē, atque ita ad obstructions excitandas proniorem reddere potuerunt; prout non minus eodem ex fonte Tertianas ac quotidianas febres frequenter tum, & reliquis etiam anni partibus se exerentes profluxisse credibile est: Unde etiam haud differentibus remediis ut plurimum, & quidem facile tolli potuerunt; quæ inter arcanum duplicatum non saltem vi qua pollet incidendi & aperiendi, sed quoque correctas hac ratione biliosas impuritates in multis per alvum educendi, egregie profuisse expertus sum. Cæterum mense Junio Dysenteriae in scenam prodire, & usque in Octobrem observari, in Augusto inprimis plures invadere ceperunt, ut non facile domus, quæ immunis ab ea foret, inveniretur; atque licet malignitate carere viderentur, plurimos tamen, minoris æque ac perfectioris ætatis homines trucidarunt, ut defunctorum numeros, qui mense Junio & Julio nonnihil decrescere inceperat, in Augusto & Septembri admodum augetur; quod equidem non morbi truculentiae, sed incauto in cura regimini adscribendum arbitror; cum variis domesticis, ut vocant, præter rationem propinatis remediis unice confidens incauta plebecula, vel etiam multivarie diætā negligendo, aut justo tardius medici opem implorando, vehementer peccaverit; neque tamen negari potest, aliquot ægotantes brevi tempore, deglutito ex. gr. cochleari Spiritus vini cum pulvere nucis moscha-

tæ, morbi primordia elusisse; ubi nempe non tam Dysenteria, quam simplicior Diarrhœa, à ventriculo cruditatibus labefactato, adesset: prout etiam non paucos sumto morrhabarbaro nonnihil tosto, vel sibi relicto, immunes esse factos scio. Quod etiam rhabarbarum in principio curæ, vel durante morbo, ubi stomachus gravari sentiretur, profuit. Radice Ipecacoanha non fui usus neque ejusdem vi emetica opus habui; aliquibus verò, quibus vomendi conatus erat molestus, cum convulsivi quid adesse ostenderet, præter externa calefacientia spirituosam idem rhabarbarum in pauca quantitate ad gr. xij. xx. cum coraliis rubris, vel terra sig. &c. mixtum, felici cum successu propinavi. Reliquum curæ per absorbentia, & acridinem humorum temperantia potissimum fuit peractum; ubi præter dictam terram sigillatam, coralia, flores ferri, crySTALLUS inprimis montana egregiam opem attulit; quibus ubi nimiae dejectiones molestæ erant, adstringentia ex catechu, radice tormentillæ &c. in pulvere, electuario, pilulis; tinctura, dosi non nimis larga, sed sæpius repetita, & quando dolores admodum urgebant, laudanum cydoniatum, extractum opii, vel theriacæ cœlestis moderate addita, profuerunt: potum eadem radix tormentillæ, caro cydoniorum sicca, cum paucis cinamomo & saccharo in aqua cocta, convenientem præbuit; neque vinum Neccarinum, aut Tirolense antiquum rubrum noxam attulit, cum rarò febrilis calor jungeretur. Undenam verò origo huius mali sit deducenda, anceps hæ-



reo. Fructuum horroerum immoderatum esum multis nocuisse non dubito; cerevisiæ haud probe defecatae potum plurimos in hunc morbum præcipitasse, eo magis est credibile, cum non paucos jam convalescentes, vel cum malo adhuc conflictantes, unico etiam haustu cerevisiæ in recidivam lethalem incidisse, aut doloribus auctis, gangrænâ intestinorum obisse noverem; contagium insuper non raro ægrorum numerum auxisse, successiva in una eademque domo invasio suadere posset; bellicæ vix tolerabiles adversitates, cum foetoribus ex varia militis Galii spurcitie, & excrementis equinis stramini semiputrefacto immixtis, quorum copiam insignis equorum multitudo indies publice in plateis, nec non in ædibus cumulaverat, quid efficere valuerint, neminem fugere potest; intensus ille æris calor, spirituum & sanguinis vigorem minuendo, quantum obesse queat, in me ipso sum expertus, qui nullo in cibo potuve errore commisso, ob continuas tamen per integros dies Sirius urente, ægrotorum visitationes, & sudorum inde largiores effusiones, defatigatus, post biduanam ævæ diarrhœam, eundem cruentum fluxum pati coactus fui, qui licet magnopere me non affligeret, vires tamen mox adeo debilitaverat, ut diuturniori earum recollectioni opus habuerim, ad roscidas nempe & balsamicas lymphæ particulas restituendas, ac segnius per vasa circulates vitales humores ad naturalem motum reducendos, cum lymphæ depauperationem & crassitiem ex variis signis colligere licuerit, unde sa-

linæ acriores in ea particulæ concentratæ per tubulos minimos intestinales segnius moveri, spiculisque suis pungendo nocere potuerunt. Erant quibus inconsuetæ muscarum multitudini causam adscribere placuit, quarum nempe excrementis cibus potusvè contaminatus turbas hasce in corpore concitaverit, quod suis domesticis ut persuaderet curiosior aliquis paterfamilias, carnem spurcitie tali imbutam cani devorandam dederat, qui ipse mox fœdo isto morbo correptus fuerat. Neque tamen alii etiam morbi per æstatem & autumnum aberant: Ut Variolas pueris æque ac adolescentibus magis molestas quam periculosas, adultiores etiam non paucos in exigua copia & ferè sine morbi sensu invadentes, Febres insuper petechiales, nec non puerorum verminosas, & cum uterinis malis sociatas M. Julio observatas taceam, M. Augusto Arthritis vaga masculinum præsertim sexum satis obstinata, multos etiam Angina notha prompte remediis cedens, excrucieverant. In adulto autem Septembri, nec non Octobris initio Febres continuæ pustulosæ plurimos in adulta æque ac puerili ætate constitutos cum præcordiorum angustia, inquietudine, deliriis, angina spuria, pustulis albicantibus universam corporis peripheriam occupantibus, rarius inferiorem solum abdominis partem occupantibus, invaserunt, in cuticulæ tandem desquamationem, prævio tædioso pruritu, abeuntes. Quas (præter Icterus, martialis remediis, acidulis præsertim & Essentiæ Martis D. Ludovici haud ægre cedentem,) Tertianæ & Quotidianæ irregularibus



bus paroxysmis Medicorum exercentes patientiam, exceperant; ibi alexipharmacis temperatis, hic pro diversa morbi natura, biliosam tamen intemperiem ut plurimum ostendente, arcano duplicato & cortice Peruviano officium suum egregie præstantibus.

Reliquum anni, sub moderato aëris & ventorum alternantium statu, tranquillius fuit peractum, morbis epidemicis cessantibus, ac reliquis etiam, quos sporadicos vocamus, rarius occurrentibus; cum cœli non tantum clementia, sed etiam ob hostes ex Urbe profugos, totaque vicina expulsos, civium animi novo vigore animali, morbosas dispositiones feliciter averterent.

Cum Zephyrus, Anno 1705. illucescente, moderatis nivibus terram conspersisset, Eurus succedens, die duodecimo frigus hyemata induxit, aëremque per biduum serenavit, mox tamen iterum nubibus textit; quibus circa finem primi mensis denuo discussis, d. 8. Februarii, post nebulas, cum Zephyro crebriores nives deciderunt; & aliis quandoque ventis, Euronoto inprimis, Austro, & Zephyro borea interpolatus Zephyrus diversas aëri temperies impressit donec circa finem mensis Eurus serenitati favens nivium liquationem successive promoveret; Quæ serenitas ad vernale usque Æquinoctium continuavit rarius nebulis, & semel nive interrupta, frigore autem comitata.

Post Æquinoctium variæ subinde ventorum mutationes, & frequentiores pluviae vernalem gratiam retardarunt, atque Aprilem potissimum (cujus dies decimus nonus vesperi alta,

sed paulo post rursus linguata nive, sine Cereris & Pomonæ noxa, terram oneraverat, (nec non Majum valde inamœnum atque frigidiusculum reddiderant, sicque morbosas corporibus humanis dispositiones, & tertianas præcipue febres procrearunt; quæ licet jam in Januario sparsim comparerent, in Martio tamen, Aprili & Majo plures invadere ceperunt, gravi cephalalgia & præcordiorum pressione, rarius præcedaneo horrore, molestæ, sed post cholagogi aut emetici usum, chinchinatis medicamentis utplurimum non difficulter superari potuerunt; quod observare etiam licuit, cum circa finem Maji vires sumendo, plurimos in Urbe; quin & vicino agro invaderent, post horrorem magno atque sæpe ad deliria usque intenso calore ægros torquentes. In Martio quoque Pleuritides veræ, non admodum vehementes & exquisitæ, blandioribusque diaphoreticis & pectoralibus, sine venæsectione, interdum etiam absque suppuratione, curabiles; circa Aprilis autem finem Apoplexiæ lethales passim observatæ fuerunt. Febris porro scarlatina in Aprili, Majo & Junio in plurimos variæ ætatis, sexus & conditionis homines, quin totas etiam in familias sese diffudit, post exiguum, aut nullum horroris sensum, faciem primo inflans & rubore suffundens, postea universam cutem maculis vel tuberculis rubris; crebrioribus, latioribus, interdum magis, quandoque minus quam in Morbillis rubentibus, interdum quoque totam cutem unica quasi macula tingens, ad duas tresve potissimum dies per-



persistens, quin diutius quandoque & per octiduum durans, modo in squamulas abiens, modo insensibiliter discussa. Nullum equidem vidi qui periculose ex ea ægrotaret, nonnullis tamen, ob maiorem sanguinis effervescentiam, diaphoreticis temperatioribus; antimonio diaph. terra sigillata unicornu fossili &c. succurrere opus fuit; aliquibus libero se exposuisse aëri, & sine medicamentorum usu, nunquam decubuisse haud nocuit. Quo in morbo licet Clariss. Th. Sydenham in obsc. med. circa morb. acut. historiam sect. 6. cap. 2. omnem medicamentorum usum intermittat, in libello tamen, qui ejus nomen præ se fert, & *Processus integras in morbis curandis* ab eo conscriptos exhibet, atque Londini typis prodiit, medicamenta supra memoratis similia non improbari deprehenditur; cujus eo lubentius mentionem facio, cum Libellus iste in *Ephemeridum nostrar. Dec. 2. Ann. 10. Appendice* recusum censuram acerbiorum cujusdam Anonymi subierit, qui Anno 1693. Londini eundem denuo impressum publicare voluit, nostrum *inepta mole inutilem*, nescio quo jure vocans, cum tamen idem omnino cum Anonymi specimine sit, atque juxta exemplar [cujus viginti circiter tantum Londini primo fuerunt impressa,] ab Exc. D. D. Mich. Fausto, Argentoratensi, jam Medico Francofurtensi ad Mœnum dexterrimo, Acad. N. Curioso, cum ex Anglia redux Norimbergam transiret, beato nostro Præsidi, incomparabili D. Volckamero, tunc temporis in edenda prædicta Appendice occupato, communicatum, ingenue

recusum fuerat; ut ita quo pacto non irreplisse, sed accessisse Ephemeridibus nostris dicendus sit, Lector benevolus inde cognoscere valeat.

Mensis Junius multam ventorum omnium vicissitudinem ostendere pergens, serenitate quidem ut plurimum gaudens, cerebriori tamen frigore inamœnus comparuit; elapso autem primo octiduo, constantior Zephyrus, post pluviarum frequentiam, temperatiorem auram reddidit; quam ante Solstitium æstivum calores, circa finem mensis remissiores facti, insequabatur; cum interea serenos dies pluviosi sæpius interpolarent, ideoque tolerabili sæpius temperiei ac telluris fecunditati faverent; usque dum una cum sirii ortu calores ingravescerent, & usque post ejus occasum continuarent, multamque terræ siccitatem adferrent; nisi quod sextiduum ante occasum caniculæ deciduis cum tonitru & fulgure pluviis eadem refocillaret; quas eo uberiores postea per septembrem Zephyrus adduxerat, post intentiores illos calores temperiem admodum humidam & frigore horridiusculam reddiderat, simulque catarrhis glandulosas inprimis & musculosas colli exteriori partes obnoxias fecerat, temperatiori tamen aëris regimini non difficulter cedentibus.

Post æstivum Æquinoctium continuante ventorum varietate, serenos dies plures usque ad Novembris initium vidimus; quos dein multa hyemis indicia à secuta; & juxta cum aura frigida, nubibus & nebulis aër turbidus, atque modo in pluvias, modo nives resolutus, humidam admodum constitutionem effecerat, us-



que dum tandem post hyemale solstitium, prævalente æteris ventis Austro, quæ ab eo denominatur austri-  
na temperies succederet. Interea lymphæ viscidæ & salsæ (ab humida  
aëris post magnos æstivos calores in-  
temperie probabiliter coacervatæ,]  
stagnationes non deerant, Odontal-  
giæ præcipue, sed tolerabilis, in pluribus ob conjunctam cephalal-  
giam magis molestæ; quin & tussis  
humidæ contumacioris, nec facile  
sine absorbentibus abigendæ feraces.  
A qua etiam Hæcticæ febris, quæ  
nonnullis insidiabatur, & non mi-  
nus medicamentis potissimum acredi-  
nem temperantibus haud difficulter  
cedebant, originem derivare licebat.



## EPISTOLA RESPONSORIA SECUNDA

A THOMA SYDENHAM M. D.

DE LUIS VENEREÆ HISTORIA  
ET CVRATIONE

Ad HENRICUM PAMAN M. D.

*Doctissimo Amicissimoque Viro*

THOMÆ SYDENHAM, M. D.

**M**agnum rei medicæ exortum est & lumen, & commodum, Vir Claris-  
sime, ex consummatâ tuâ de Morbis Acutis historiâ, eâque sedu-  
lâ observatione, & fidâ experientiâ stabilitâ, non lucri aut famæ  
auctorio scriptâ, sed sincerâ fide, & mente honestâ; Cum tibi amplum  
satis theatrum sit officium fecisse, & præsentî seculo quovis modo profuif-  
se. Ipse hætenus celavi penitus quod volui, at sortasse quid jam parem  
tibi è longinquo subolet. Qui laudat quod facis, urget ut facias quod ad-  
huc laudetur. De morbis Acutis scribere summa difficultas est, utpote  
quos tam rapida volvit rota, ut nisi opportuno sistatur sufflamine, in  
princeps ruat vita, nullis in posterum auxiliis, nullis suppetiis redimen-  
da. Tu singula eorum momenta notas, & quid quovis temporis articu-  
lo fieri necesse sit. Opus quidem perfectum, & absolutum, cui nihil ad-  
di poterat, nisi majus promiseras, De Morbis scilicet Chronicis. Hi in-  
ducias ferent, & tutiores examinandi, & judicandi moras.



Sape nobis incidit sermo de propudio illo Morbi Venerei, cujus ignominiosam originem Gentēs Europæ à se invicem sedulo satagunt propellere, & ut ejus magis adhuc occultentur vestigia ad ipsos Indos remotissimos amandant. Scortatorum audit flagellum, furiosa; & indomita libidini aptissimè respondens pœna, eo fortasse sine tardius remota, ut tanti constet pœnitere. Et humanitatis, & peccati simul sensu tactus videbatur, qui palam optavit impurissimam hanc luem semel tantum curari posse. Cum jam autem ad Agyrtas, Tonsores, & infimos quosque sciolos ejus sæpe devoluta sit curatio, illi aut fraude, aut imperitiâ magno eam sumptu, majori etiam molestiâ tamdiu differunt, & protollunt, ut vita planè tædeat inter carnificum tormenta, & longissimas Medicinæ moras protractæ, & ferè levius sit agrotasse, quàm sanari. Ius igitur promissi, amicè tamen, exigo; præmittas oro, in arrhabonem reliquorum, si quid habes hâc in re confectum. Humaniter, & sincerè explices quâ methodo, quibus auxiliis hoc morbo captus se redimat quàm queat minimo. Satis est ut ager sub Deo, non etiam pejus sub Medico vapulet. Hoc gratum pluribus fiet, & ad me aliqualis saltem pars gloriæ redibit, utpote cujus precibus desideratissimum hoc opus in lucem dederis.

Tibi omni officio addictissimus,

Ex Ædib. Lambeth.

Febr. 12. 1679. 80.

H. PAMAN.

Ornatissimo Eruditissimoque Viro

HENRICO PAMAN, M. D.

Divi Iohannis Cantabrigiensis Socio, Academiæ Oratori Publico, & in Collegio Greshamensi apud Londinenses in Medicina Professore.



Uanquam eum, quem de *Acutis Morbis*, Vir Spectatissime, nuper edidi Tractatum, quæ est tua tam humanitas, quàm animi in me propensio, ceu opus undique consummatum deprædicare digneris; usque adeò tamen tenuitatis tùm meæ, tùm istius opellæ mihi sum conscius, ut me nihil aliud egisse existimem, quàm viam præmonstrasse, quâ qui ingenio magis valent, dictorum Morborum & Historiam & Curationem queant investigare.

-----Fungor vice Cui, Actum

Y Y 2

Reddere



*Reddere quæ ferrum valet, exors ipsa secandi.*

Et profectò ita multiplex, incerta, & delicata, ut ita dicam, est natura, atque ita ludit in his morbis producendis, ut unius non sit hominis, utut vivacis, varia eorum *Φαινόμενα*, & curationes iisdem accommodatas graphicè depingere. Unum hominem dixi? quid quod vel decem quidem homines per tot sæcula sibi invicem succenturiati, atque iidem tum maximâ ingenii vi, tum indefessâ industria præditi, tum etiam in Praxi quæ numerosas observationes suppeditaret versatissimi, perpulchrè hîc operam suam collocare possint? Tantum abest ut ad Artem Medicam vel pervenerim ipse, vel me putem pervenisse.

*Mecum habito, & novi quàm sit mihi curta subellex.*

Morbos istos *Chronicos* quod attinet, quorum Historiæ perscribendæ spem tibi feceram, ita penitus animo meo insedit ejus rei studium, ut non tam aliâ de causâ, si bene me novi, vitam mihi prorogari exoptem, quàm ut istiusmodi aliquo conamine communi hominum utilitati inserviam: At verò singuli me dies docent quàm sit arduum cœptum id, & quàm periculosæ plenum alexæ (mihi præ cæteris qui isto ingenii acumine atque solertiâ, quibus hîc est opus, non satis valeo,) cùm apud Scriptores rei Medicæ, (Divinum *Hippocratem* si demas, atque alios paucissimos numero) vix ulla deprehendi queant vestigia, quibus adjutus per rerum avia spinis & sentibus impedita iter faciam; cùm quæ promittunt subsidia Authores & lumina ostendant, magis Ignes Fatui sint, quàm veræ faces, & in salebras potius ac præcipitia sequentem agant, quàm mentem fideliter & rectâ dirigant in genuina naturæ Methodo indaganda atque invenienda: utpote quorum scripta ferè omnia *Hypothesibus* innituntur, quas peperit lascivientis ingenii & Phantasæ luxuria; ipsaque adèò Morborum Phænomena (in quibus eorundem Historia vertitur) prout ab iis describuntur, ex eadem Hypothesew officinâ prodeunt; quin & ipsa Praxis qua Morbos aggrediuntur (quod humani generis Pestis est certissima & pernicies) ad hujusmodi Postulata componitur, non ad rei veritatem. Usque adèò grassantur, & regnant ferè in singulis paginis Cerebrosorum hominum commenta, jacent interim naturæ judicia. Quibus non obstantibus, si vitam Deus atque otium concesserit, experiar fortassis aliquando quid valeant humeri. Impræsentiarum, ut animum agnoscas in tui obsequia paratissimum, en tibi offero, ceu ejus quod molior operis specimen, dissertationem hanc, brevem illam quidem de *Lue Venereâ*, & quam solam adhuc prælo adornavi.

Primum autem id attingere volo, me haud paucos convenisse, qui sive præ studio honesto quidem eo, incontinentiores à peccato coercendi metu insecuturæ pœnæ, sive ut Castimonix laudem sibi arrogarent, non dubitabant asserere *Luis Venereæ* Curationem docendam non esse. His ego non assentior, utpote qui existimem nullum ferè locum Charitati atque operæ mutux relictum iri, nisi ea quæ sibi suâ ipsorum culpâ improvidi accersunt mala, humaniorum officiis sarciantur. Omnipotentis Dei est fontes castigare, nostrum



nostrum verò miseris pro virili succurrere ; atque ægris opem ferre ; non autem curiosâ causarum indagatione illos acrius urgere aut censorio vexare fastu. Tradam itaque quæ in hoc morbo observavi atque expertus sum: non quo hominum animos deteriores efficiam, sed ut corpora [ quod mihi negotii datum est ] reddam saniora.

\* *Lues Venerea* ex *India* primùm *Occidentali* An. Dom. 1493. *Europam* appulit ; cùm ante id tempus ne quidem nomine tenus, quantum scire licet, nostro orbi innotuerit : Undè etiam Morbus vulgò censetur iis tractibus, *America Endemius* in quos nos primi Colonias deduximus. Mihi verò potius è regione aliquâ *Nigratarum Guineæ* conterminorum originem traxisse videtur ; cùm à plurimis nostratum, iisque fide dignis, qui *Insulas Caribes* dictas incolunt, didicerim, mancipia recens à *Guineâ* allata, etiam antequam in terram descenderint, tum alia ibidem degentia hoc morbo tentari, nullâ copulâ imputâ prægressâ ; ita ut non rarò universam aliquam eorum familiam, viros scilicet, mulieres, liberosque malè mulctet. Neque ista Lues quæ afflictissimos hosce sæpe sæpius invadit, vel hilum à *Venereâ* nobis dictâ, quantum ego quidem intelligo, quoad symptomata, *Dolores* scilicet, *Ulceræ*, &c. habitâ nempè diversorum Climatum ratione, videtur discrepare, licet nomine prorsus abludat, cùm *The Yavus* ab illis dicatur. At nec medendi methodus quâ utuntur illi, à nostrâ abhorret, uti obique enim *Salivatio* ex *Hydrargyro* utramque facit paginam ; non obstante eo quod hîc apud nos dicitur de eximiâ *Guaiaci* & *Sarsaparillæ* vi quam in natali solo exerant, quæ ex longo ad nos itinere tantum non exhausta putatur. Probabile itaque mihi videtur *Hispanos* qui in *Europam* primi hunc morbum traduxere, eodem infectos fuisse ex contagio *Nigrorum* emptorum in *Africa*, quorum genti alicui [ multi enim sunt populi *Guineæ* confines, apud quos invaluit mos ille barbarus homines Europæis mercibus permutandi ] *Endemius* esse potest. Ut ut sit, contagiosa ista Lues paulatim serpens, has orbis terrarum partes eo usque inquinavit, ut sicâ celeritate grassaretur adhuc quâ primùm invasit, intra sæcula aliquot actum esset de genere humano, vel saltem Nosocomiis de cætero addictum, prorsus impar esset iis rebus gerendis quibus continetur hominum societas : nisi quod, Vegetabilium instar, in alienum a patrio solum quasi transplantata, *Europæo* nostro non perinde lætatur, sed languet indies, & minoribus Phænomenis fatiscit. Novus apud nos hospes cùm esset, si quem arripuerat, mox omnem sanguinis massam contaminabat, & diris capitis atque artuum doloribus, tum etiam ulceribus variis in partibus se prodebat. At verò Centum retrò annis *Gonorrhœæ Violentæ* specie se primùm ostendebat, ostenditque adhuc, hâc sibi portâ exitum quærens ; nullo alio manifesto symptomate, nisi quod in perpaucis ulcusculum in pudendo (vulgò a *Shanker*) primum morbi est indicium ; cuius virus cum per *Gonorrhœam* non ejiciatur, sanguinis massam dicto citius pervadit inficitque.

Propagatur autem Venerea hæc Lues vel per *generationem*, undè misel-



lus Infans ab inquinato parentum altero mala ducit stamina vitæ; vel per *contactum mollioris alicujus partis*, quo virulentia atque inflammatio corpori insinuantur ex occasionibus hoc in loco dicendis. Primò in lactatione v. gr. vel *Infans* Nutricem per rariores mammillarum poros, vel *Nutrix* Infantem per os tenerum inficere potest. Secundò Infantes si nudi cum inquinatis in eodem lecto dormiant. Licet enim Adulti quorum caro jam firmior ætate obduruit, vix nisi intercedente impuro coitu, quamvis simul dormiant, possint infici, Infantium tamen laxior caro & texturæ rarioris venenum faciliè excipit; quod non semel observavi Infantibus à genitoribus, quibuscum dormiebant, infectis contigisse. Tertiò autem, partis mollioris contactus maximè in Coitu impuro fit, ac proinde eo pro cæteris modo serpit Lues; cum scilicet penis Spiritibus Generationi dicatis turgidus, à Venereo sive ulcere, sive etiam pustulâ in uteri vagina stabulante noxam de facili haurit, quorum alterutro intus latente Mulier nihilominus sana videri potest; veneno nempe vel istarum partium illuvie ita detento ut segniùs invadat sanguinem, vel per menstruas purgationes diluto sæpius, & quodantenus exterminato. Contagio hæc carnosam virgæ substantiam, quantum ego judico, primum adurit, quam quidem corrumpens, eidemque primò inflammationem, mox ulcerosam *σάδερν* sensim inducens, efficit ut sanies, qualem in *Gonorrhœâ* cernimus, in urethram lentè extrillet: quod ut credam hæc ratione promoveor, ipse scilicet vidi virulentam hujusmodi materiam per substantiam glandis porosam exudare, non per urethram ejectam, nulloque ulcere vel glandem occupante, vel præputium. Tandem verò altiùs penetrans, glandulas *Prostatas* efferato ulcere solet depascere; quod haut rarò cernitur in eorum cadaveribus quos hic morbus è medio sustulit.

Gradibus mox dicendis procedit hic morbus, *Æger*, [ocyùs aut seriùs, prout mulier quâcum consuevit magis minusve fuerit inquinata, pro ratione etiam temperaturæ *ψάσματι* excipiendo magis minusve idoneæ] primum dolore genitalium insolito cruciatur cum quâdam rotatione quasi testiculorum; postea, si recutitus non sit, macula primò Morbillum jam erumpentem magnitudine & colore æmulans glandis partem aliquam invadit. Statim ab hujus maculæ exortu, liquor quidam lentè extrillat, seminis instar, qui quotidie à seminis tam colore, quàm consistentiâ recedens, flavescit tandem aliquanto dilutius ovi vitello; & in Lue virulentiore intensioreque non modò virescit, sed & aqueo humori permiscetur sanguine affatim tincto. Pustula jam dicta *ulcus* tandem fit, primò haud ab simile, *Apthis* Infantium ora obsidentibus, quod indies latiùs & profundius depascatur, supervenientibus orificii callo & duritie. Animadvertendum est autem quòd memorata pustula rarò *Gonorrhœam* comitem habet in iis qui aut jam pridem *Gonorrhœâ* laborarunt, aut recutiti sunt; utpote quorum Glans tum ab ære cui exposita est, tum à frequenti linteorum attritu indurefcens, noxam non ita faciliè suscipit. Hujusmodi Verpi igitur glandis ulcere ferè non



tentantur, sola *Gonorrhœa* dicto modo nascitur. Hanc alia mox sympto-  
mata excipiunt, ut primò magnus doloris sensus in pene quoties erigitur,  
perinde ac si validâ manu transversus fortiter constringeretur, qui noctu  
præcipue urget, quoties in lecto æger cœpit incallescere: quam quidem  
constrictionem penis dolorificam morbi hujus in hoc statu existentis signum  
*παθογνωμονικώτατον* existimo. Incurvatut etiam veretrum à fræno jam con-  
tractiore, quòd cum in erectione extenditur pro natura sua, acutissimum  
dolorem adfert. Accedit etiam *ardor urinae*, qui plerumque inter mingen-  
dum vix percipitur, at verò æger jam à mictu cessans per omnem urethrae  
ductum acriter admodum uritur, maximè qua in glandem definit. Non-  
nunquam etiam erosâ atque excoriatâ urethra jugi puris acrioris fluxu, na-  
tura in carne nova vice jam deperditæ justo occupatior laxam quandam &  
spongiosam substituit, quæ mole quotidie aucta & sensim indurata *Carun-  
cularum* excrescentiis ita meatum urinarium infercit, ut tandem lotio non  
detur exitus; quæ quidem carunculæ nihilominus ex ulceribus sibi adnatis  
ichorem quandam evomunt, & tum Medico crucem figunt inter curandum,  
tum ægro magis ipsâ morte timendum malum. Quinimò sæpe accidit ut  
sanies quæ per *Gonorrhœam* deplenda erat, vel à motu violentiori, vel  
Astringentium usu in Scrotum deposita, atrocissimum dolorem & Scroti in-  
flammationem accersat, nunc alterutro, nunc utroque ejus latere in mo-  
lem ingentem elato; *Gonorrhœa* interim progreditur tardius, at verò uri-  
nae ardor non mitius urget. Atque hæc sunt communiora morbi hujus sym-  
ptomata, manente hoc ejus statu.

At vero quoties sive Morbi diuturnitate & in dictis partibus morâ con-  
tagio sursum fertur & sensim sanguini labem impiimit, aut materiâ viru-  
lentâ indebito Adstringentium usu in corpore retentâ humores putrescunt,  
*vera Lues* exoritur, in quâ Tumores sive *Bubones* sæpe in inguine com-  
parentes primum ejus gradum constituunt. *Dolores* tum caput, tum ar-  
tus in articularum interstitiis, humeros scilicet, brachia, & talos crude-  
liter laniant, nullo ordine invadentes, & per intervalla, licet noctu æ-  
grum lectuli calore perfusum rarissimè destituant, nec nisi sub auroram li-  
benter evanescant, Crustulae etiam & *porrigines* varias corporis partes de-  
turpant. lavescentiæ ferè ad instar favi, quo signo à cæteris omnibus  
queant internosci. Quandoque superficie latiore varia occupant corporis  
spatia ad eummodum, quo *Lepros* in Medicorum scriptis depingitur. Quan-  
to autem magis scabies hæc diffunditur: tanto minus æger discruciat. Uni-  
versa symptomata pedetentim incrudescunt, dolor præ reliquis, qui  
tandem eò usque exacerbatur, ut se nequeat miser diutius in lecto conti-  
nere, sed protinus exiliens, huc illuc in cubiculo cursitet irrequiescens ferè,  
donec illucescat. Adde quod præ doloris vehementia Cranium atque ossa  
tibiarum brachiorumque hinc inde attolluntur in perdura tubera, *Exosto-  
ses* dicta, excrescentiæ ossæ in equorum tibiis (vulgò *a Spavin*) haud  
absimilia: quæ quidem ossa tuberculis obsessa jugi dolore ac inflammatione tan-  
dem



dem cariosa redduntur & putrescunt. *Ulcera* etiam *Phagedænica* varias corporis partes depopulantur, quæ fauces ut plurimum primò aggredientia, sensim per palatum in nâsi cartilaginem propagantur, quam mox absumunt, ita ut is jam fulcro destitutus planè concidat. Crescentibus indies ulceribus, & dolore aucto, æger partim indefinenti carnificinâ enectus, partim ulceribus confectus & putredine, vitam trahi cruciatu, fœtore, carie, opprobrio molestissimam, & quavis morte longo intervallo miseriores, donec tandem, pereuntibus per vices membris, lacerum cadaver, & jam superis grave, humo condatur.

Intrinsicam hujus morbi naturam, Essentialem quam vocant, nisi quatenus ea ex istis, quæ jam depinximus, symptomatis elucescat, non mihi magis perspectam esse arbitror, quàm est Essentia sive Plantæ cujuslibet, sive Animalis: Quicquid verò de ea sit, certò mihi constat humorem hunc committentem inflammationis haud mediocris participem esse, unde hæc tot malorum Ilias: constat etiam dictum humorem evacuandum esse, idque iis mediis, quorum efficacix Experientia, medicorum Magistra, suffragatur. Cum nondum inveniatur immediatum aliquod *Specificum*, cujus ope sine evacuatione prægressa Lues debellari queat. Neque enim vel *Mercurius*, vel *Ligna Exiccantia* dicta, Specificorum titulo sunt donanda, nisi exemplis in medium allatis probare quis possit; vel Mercurium absque Salivatione, vel Lignorum Decoctum nullo subsequente sudore Luis Venereæ curationem quandoque absolvisse. Urque experienciâ didici sudorifica vulgaria haud minùs profecisse in hoc morbo quàm lignorum decoctum, ita nullus dubito quin si reperiri possit aliud quid, sive in Regno Vegetabili, sive Animalis, quod in excitandâ salivatione pares cum Mercurio vires haberet, pariter etiam ad sanandam Luem valeret. Quandoquidem autem hic morbus adhuc intra Gonorrhœæ limites subsistens, longè ab eadem distat cum jam omnem sanguinis massam contaminaverit, & Venereæ Luis nomen præcisè mereatur, ita etiam Evacuatio quâ Gonorrhœæ materia ejicitur, alia prorsus est atque illa, quâ Lues jam formata eliminanda est.

\* *Gonorrhœam* itaque quod attinet de quâ primò agemus, in remediis *Catharticis*, quantum huc usque usu comperimus, Curationis omnis cardo vertitur, quorum auxilio vel educitur humor peccans, vel procuratur divertio succorum corporis naturalium qui aliter hosti in pabulum cederent. Quamvis autem tum ratio, tum experientia mihi dictant hunc morbum quolibet demum Cathartico sæpe diuque exhibito sanatum iri, ea tamem cæteris *ῥασιμώτερα* mihi videntur quæ bilem, maximè verò quæ ichorem serosum fortiter è sanguine expurgant & subducunt. Ac proinde solâ *Salappii radice* pauperibus aliquoties subveni, quorum tenuitati & rebus domi angustis consulendum erat. Cum verò & morbus conspicuam secum trahat inflammationem, & medicamenta purgantia quibus expugnandus is est, calida etiam sint, *Diata refrigerans* omnino est imperanda à carceribus, quod dicitur, ad metas.

\* *Gonorrhœæ virulenta Curatio.*

Sic



Sic itaque soleo præscribere. ℞. *mass. Pilul. cochiar. maj. ʒiij. Extract. Rudii ʒj. resin. Galap. & diagryd. an. ʒʒ. cum s. q. Opobalsami f. Pil. e singulis Drachm. vi.* Quatuor ex his singulis auroris deglutiendæ sunt hora quarta vel quinta (ita ut æger superdormiat) ad dies 12 vel 14, vel etiam plures, donec sc. urinæ ardor & materiæ semini formis color flavus admodum imminuantur; quæ cum pro voto successerint, satis esse autumo, si æger interjecto semper die uno, easdem repetat ad septimanas adhuc duas; quo tempore elapso, sufficit ut bis in septimana sumantur Pilulæ, donec humor ex urethra stillare solitus prorsus evanescat, quod ut plurimum non nisi post multos dies contingit. Quamvis enim vulgò affirmetur, quòd ejusmodi ichor qui ardore urinæ & flavo materiæ extillantis colore disparentibus, manè præsertim, in summitate colis digitis compressi ad guttulam unam alteramve cernitur, à debilitate tantum & à laxitate partium ob diutinam virosi fomitis in eis moram oriatur; miseri tamen experiuntur magno suo malo reliquias has esse contagii non penitus deleti; quod licet quadantenus subactum, ex levissima quaque occasione [à potu scilicet nimio, aut exercitio quolibet vehementiori aut simili alia] novas excitat tragœdias, Gonorrhœa postliminiò recrudescente, si nempe æger catharseôs molestiam defugerit, nondum extirpato radicitus morbo.

Si post hujusmodi purgationem Gonorrhœa nondum cedat, ex usu erit loco pilularum, maximè in iis, qui difficilius purgantur, potentius aliquod medicamentum subinde intercalare, cujusmodi est Potio sequens, quæ semel tantum hausta magis aliquando fecit ad sistendam Gonorrhœam, quàm leniora Cathartica sæpenumero ingesta. ℞. *Tamarind. ʒʒ. fol. sen. ʒij. Rhei ʒiʒ. Coq. s. q. aq. Colaturæ ʒiij. dissolv. Manna, & Syr. Rosar. solut. an ʒj. syr. de spinâ Cervin. ʒ. Electuar. è succo Rosar. an. ʒij. M. s. f. potio.* Vel curatione tardiùs procedente detur *Turbith. minerale ad gr. viij.* tantum bis vel ter, (idque interposito debito temporis spatio, ne fortè oboriatur Ptyalismus; quod quidem remedium in eradicanda Gonorrhœa pervicaciori facilè primas fert. Vel bis in septimana pil. sequentes exhiberi poterunt. ℞. *pil. ex duobus ʒʒ. Mercur. dulc. ʒj. cum s. q. Opobalsami f. pil. iij. sumenda summo mane.*

Est autem ubi æger à Catharsi dicto modo repetitâ usque adeo abhorret, ut ne conspectum quidem, vel odorem solum remediorum ferre queat. Est etiam ubi corpus ex ἰδρωσυρρακία quadam ita pertinaciter purgantibus tefragatur, ut debita peccantis humoris quantitas nequeat educi; atque ita dum impensius in hoc laboratur nullo cum fructu Lues tandem obrepit, quæ eos sæpissimè, ægros adoritur, quorum corpora catharticis fortius obsistunt: cum ita se res habeat, *Enematis* agendum est, quibus injectis utrique indicationi, humoris scilicet tum expurgandi, tum ab affecta parte derivandi satis fieri potest. Quin etiam hæc Methodus expeditior est nonnunquam præmemorata ista, at non æquè tuta, me judice, cum prior illa licet diuturnitate molestior, minùs tamen habeat periculi ne qua



contagiosi fomitis particula in visceribus hæreat, novos datura tumultus; Hoc verò incommodum facillimè evitatur, si Cathartica per os assumpta diebus ab usu Clysterum liberis, mutuam iis operam commodent.

Hâc itaque viâ incedo, *Pilulas* jam prædictas, aut alias ejusmodi duabus tribusve auroris continuis exhibendas curo; postea *Enema* sequens manè, & horâ quintâ pomeridianâ quotidie injiciendum, donec penitus cessaverint symptomata; nisi quod semel aut bis in hebdomade Catharticum impero, misso die isto Clystere. *℞. Electuar. è succo Rosar. 3vj. Terebint. Venet. vitello ovi solut. 3℔. dissolvantur in aq. Hordei 1℔j. Colatura adde El. Diacathol. 3ij. m. f. Enema*: Singulis etiam noctibus *Opobalsmi* vel *Balsami è Mecha gut. xxv.* sacchari frustulo exceptas concedo, sub lecti ingressu; quod quidem medicamentum, cum *Terebinthina* quoddam genus sit liquidum ac purum, iisdem quibus illa facultatibus pollet, & ulcerosæ genitalium diathesi apprimè succurrit; hujus itaque defectu *Terebinthina Cypria* ad quantitatem avellanæ dictis temporibus devoranda substitui possit.

Procedente Curatione, quâcunque ea demum methodo tentetur, ægro cibis omnibus sale conditis, vel alias dyspeptis [quales sunt carnes Bovinæ, Porcinæ, Pisces, Caseus, Radices, Olera] & fructibus horariis quibuscunque interdico; quibus substituo carnem Vervecinam, Vitulinam, Pul-  
lorum, Cuniculorum, & cætera *ὑπερπτα* Volo etiam ut vel his pacissimè utatur, tantum ut ægri vires non labascant. *Potus*, vino in genere abdica-  
to, ut & liquore omni sive spirituofo, sive acescente, *Hydrogala* esto, ex  
tribus aquæ coctæ partibus & lactis unâ, nisi quod in prandio & cœna Ce-  
revisa tenuis in parvâ quantitate possit indulgeri. Ad contemperandam insu-  
per inflammationem, & mitigandum ardorem urinæ, refrigerantem aliquam  
*Emulsionem* ad sequentis normam compono, in Purgationum interstitio  
frequenter potandum. *℞. Sem. Melon. & Pepon. an. 3℔. sem. Papav. albi  
3ij. Amygdal. dulc. excorticat. n. viij. contund. simul in mortario marmo-  
reo, sensim affundendo aq. Hord. 1℔. i℔. Colatura adde sacchari Crystalli-  
ni q. s. m. f. s. a. Emulsio.*

In temperamento admodum sanguineo, & affectu pertinaciore, post men-  
sem catharsi datum, aut circiter, ut plurimum *sanguinis Uncias octo vel no-  
vem* è brachio dextro detrahendas suadeo; ut maturius celebretur venæsectio  
author non sum, ne hâc *προφάσει* contagium penitus inferatur. *Injectione*  
in urethram non magni facio, utpote quæ sive acrimoniâ sua mordaci, siv  
stipticitate non rarò magis officere soleant, quàm prodesse: veruntamen su-  
morbi exitu *Aqua Rosacea* in pauca quantitate potest injici.

Hâc methodo, quæ mihi semper pro voto cessit in Gonorrhœâ sananda  
meliolem nondum comperi; maximè in iis qui facile purgantur. In i-  
is enim qui purgantur ægrius, curatio, licet nunquam fallax, tamen non ni-  
post longum temporis spatium perficitur. In his itaque sanguis iterum mi-  
rendus, & acuenda sunt Cathartica, tum etiam repetenda sæpius, atque i-  
eorum usu diutius est perseverandum, aut Clysteres modo jam signato usui  
pano



pandi. Etenim *Catharsis* hîc ad instar omnium est. Atque in hoc affectu, si in alio quopiam, verè, asseritur, quòd qui mundificat bene, bene sanat: modò ab *Aquis Mineralibus* sibi temperet, quas certò mihi constat morbi reliquias è corpore eliminandas vi astringente & plus satis sanativâ arctiùs constringere, & quasi clavo figere trabalî; unde quòd sæpius observavi, *Scroti tumores* enascebantur quoties in morbi principio, vel statu, pejoraque adhuc symptomata ut *Caruncula*, si quando sub ejus exitu potarentur. Quod quidem ego fidenter assero, quantumlibet ex more hodiè recepto *Aquæ Mineralis* in dicto casu haud rarò præscribantur.

Neque sum nescius quantum se ventitent *Practicorum* nonnulli in hujus symptomatis curatione, quâ brevioris temporis spatio, quâ remediis magni nominis & tituli absolvendâ; interim observatione plus satis frequenti certò deprehendi, materiam, quæ eliminanda fuit, astringentium vi in corpore detentam maximum ægris dedisse malum, ex quo per sæpe sanguinis massam de novo subiens ipsam demum Lucem parit. Nec majore cum fructu, licet periculo minore, decoctum *Lignorum exiccantium* usurpatum comperi; quo scilicet, sub prætextu *Specificorum*, tum universum ægri corpus, tum præ cæteris affecta pars jampridem nimis incalescentia ulteriùs adhuc inflammabantur; nonnunquam etiam *Gonorrhœa* quæ paulò antè evanuerat, quod me observasse memini, deinde in conspectum prodiit.

Animadvertendum est autem, quòd si ægri glans *Præputio* undiquaque contegatur, atque ejusdem ora præ inflammatione usque adeò tumida, dura, ac callosa reddantur ut nullo modo queat reduci; laterem lavat quisquis *Gonorrhœam* remediis purgantibus, fortissimis licet, & quotidie ad nauseam repetitis, aggreditur, nisi eodem tempore id agatur ut pars ita affecta ad statum sibi naturalem redeat, sublatis & duritie & tumore, undè *Gonorrhœæ* novus utique fomes subministratur. Quod quidem ego admolior *Fotus* sequente. ℞. Rad. *Althææ*, & *liliorum* an. ℥i℥. fol. *Malv.* *Verbasc.* *Sambuc.* *Hyoscyam.* flor. *Chamamel.* & *Melilot.* an. M. j. sem. lini & *Fœnugraci* an. ℥i℥. Coq. s. q. aq. font. ut f. *Fotus*, parti affectæ admoveendus per horæ unius spatium bis vel ter in die. Peractâ fomentatione partem affectam Oleo è semine lini recenter extracto perungendam curo, deinde *Emplastrum* è *Mucilaginibus* alutæ agninae inductum labiis præputii tumidis circumponendum. Quòd si *Vlcus* vel in ipsius præputii labiis, vel in subjectâ glande hærens suâ callositate facit ut illud non nisi ægrè possit retrahi, præter fotum jam dictum sequens etiam *Linimentum* præscribo. ℞. *Vnguent.* *Basilici* ℥vj. *Vnguent.* è *Nicotianâ* ℥ij. *Præcipitat.* aq. *Ros.* lot. & optimè levigat. ℥i℥. m. f. *Linimentum*, quo lintei rasura imbuatur, & ulcusculo admoveatur semper post *Fotus* præscripti usum.

Ubi verò sive quòd iusto maturiùs *Gonorrhœa* sistatur, sive ab exercitio vehementiori, aut aliâ quacunque de causa, *Scrotum* jam morbi sedes ab eadem in tumorem insigniorem attollitur, prædictum *Fotum* bis in die parti affectæ admoveo, modò non imminuantur & dolor & tumor *Cataplasmate* vulgò



noto ex *Oxyrato & farinâ Fabarum*. Hæc dum foras peraguntur, non desino remediis & Catharticis, & Refrigerantibus, quæ modò præscripsimus, introsumptis, tum etiam Diætâ supradictâ hostem urgere; neque mihi religio est quovis hujusce mali tempore sanguinis  $\frac{3}{4}$  x, vel x. è brachio isto detrudere quod testiculo tumefacto responder, si tumoris magnitudo & vehementia doloris id mihi suadeant. Atquæ hæc hæctenus de *Gonorrhœâ*.

\* Cùm verò eò usque invaluerit morbus, ut jam *Venerea Lues*, vel *Lues confirmata* præcisè dici mereatur, alia omnino porta quærenda est, & duriori huic nodo cuneus itidem durior est adhibendus: quandoquidem nullum adhuc experimentum, quod sciam, adferri possit extirpati hujusce morbi, nisi per *Salivationem* ab *Hydrargyro* excitatam: quicquid tam doctorum nonnulli, quàm indoctorum de aliis sanandi modis satis temerè & audacter effutiverint. Cùm itaque *Salivatio* omnem hîc numerum absolvat, id tantum mihi incumbit, ut quæ in ea excitanda, tum etiam regenda, & ratio (qualis qualis ea demum fuerit,) & observatio rationi suffragata mihi dictaverint, edisseram.

In principio autem ne conjectura quidem assequi possum, quid sibi velint crebra ista monita, quibus de corpore remediis *Catharticis & Digerentibus*, Balneo putà & cæteris id genus, ritè præparando, ita seriò cavetur; Ut de Venæ-sectione jam taceam, cui nonnulli hîc loci primas deferunt. Quum enim, si veritati sit litandum, eò res redigatur, ut *Veneno Salivatio* procuranda sit, (neque enim adhuc innotescit salubre aliquod medicamentum, quo possit excitari, neque æger sine ejus ope in tuto collocari potest,) quæritur utrum corpori constantibus adhuc viribus, vegeto & valenti, ac proinde frangendis inimici conatibus haud impari; an eidem missione sanguinis & tenui diætâ jam debilitato rectius committatur Venenum. Haud dubiè satius esse duxerit æquus rerum æstimator nihil agere, quàm ita importunè satagendo nocere. Quid quòd experientia testatur, nullis evacuationibus, aut alio modo infirmatos salivationis impetum multò melius sustinere, quàm eos, quorum quasi ante prælium incisi sunt nervi?

Missio itaque damnofo omni hujusmodi præludio, statim atque accersor *Unguentum* præscribo ex *Axungia Porcinæ*  $\frac{3}{4}$  j. & *Mercurii crudi*  $\frac{3}{4}$  i. Neque oleum aliquod è calidioribus, neque aliud quid admisceo; cum deterius fiat Unguentum, si quod adjecta ista frænum injiciant, & nihilo efficacius, si nihil prorsus agant: Et fortasse additamenta ejusmodi sub nomine *Correctivorum*, idem hîc præstant [si quid tamen præstant] quod *Catharticis* adjuncta iudice experientia, solent præstare; tormina nempe excitant, & catharsin reddunt laboriosiore, à lucta scilicet inter Antidotum & Catharticum, cujus vis omnis purgans in eo posita est quod naturæ hominis inimicetur. Verùm ut *tertiâ parte* dicti *Ungenti* brachia, crura, & tibias ad tres noctes continuas (primam qua accersor includendo) manibus suis æger perungat injungo; ita tamen, ut neque axillas, neque inguina attingat uspiam, & ab-

\* *Luis confirmata Curatio.*



& abdomen panno lanco tenuiore circumposito & posterius confuto, à linimenti contactu diligenter muniat. Post tertiam inunctionem gingivæ ut plurimum intumescunt, & *Ptyalismus* suboritur. Si verò intra tres dies post ultimam inunctionem idem haud procedat, tum gr. viij. *Turbith. Mineral. in Conserv. ros. rubr.* exhibeantur ægro, qui post singulas vomitiones aut sedesumat haustum liquoris possetrici calidè. Cùm expuere inceperit, id jam medico negotii tantum est, ut gradum salivationis scrupulosè expendat, ne invocatis temerè suppetiis, salivationem eò usque evehat, ut æger de vita periclitetur. Ubi jam *Ptyalismus* statum debitum fuerit adeptus (in quo expuuntur ut plurimum libræ quatuor spatio Nycthemeri,) vel symptomata, etiamsi parcius expuat æger, evanuerint (quod plerumque contingit post quartam diem à statu salivationis;) & indusium & tori lintea aliis, quæ à quo ultimò lavabantur usurpata aliquandiu fuere, sunt permittenda: cùm priora ista unguento infecta salivationem & magis quàm erat opus intendere, & longius protrahere, quàm ægro expediat, apta nata sint. Quod si fortè prius elanguescat salivatio quàm symptomata penitus disparuerint, extimulanda subinde est *Mercurio dulci* ad ℥j. pro dosi exhibito.

Nonnunquam accidit, præsertim in corporibus *ευμεταβλήτοις*, quòd post unam vel alteram inunctionem [nempè simul ac *Hydragyrio* sanguis affici inceperit] natura illicò per intestina hunc hostem expellere satagat, undè non solum dejectiones mucosæ & tormina ventris, ut in iis qui dysenteria laborant, eveniunt, verum etiam curatio morbi impeditur, utpote qui salivationi tantummodò cedere soleat. In hoc casu à *Mercurio* sive extra applicito, sive intrà assumpto, prorsus abstinendum, donec hæc symptomata penitus evanuerint; atquè porrò dictus alvi fluxus (qui plerumque accidit, antequam salivatio bene assurgat) sistendus est usu *laudani liquidi*, ita dosim augendo atque repetendo prout urgeat symptoma; aut *Diascordii sesquidrachma*, aliquoties prout opus fuerit, devorata. Diarrhœa tandem cohibita, salivatio debito modo procedere solet, quæ antea vix appareret.

Convalescente de cæteris ægro, nisi quod os adhuc exulceretur [qui genuinus est ptyalismi fructus] salivatio quæ jam indies imminuitur, nec purgatione nec alio modo quocunque sistenda est: fieri enim potest ut etiam post consopitum dolorem, atque exiccata ulcera aliquid de morbi fomite adhuc in corpore delitescat, bella denuò moturum, nisi sibi permittatur sputatio illa moderata, quæ postquam redintegrata sanitate homo se auræ liberiori aliquandiu exposuerit, desitura est. Periculosum itaque esse arbitror ptyalismi jam abiturientis & mox evanituri reliquias vel *Catharsi* deducere, vel *Lignorum decocto* exiccare velle; à qua Praxi, quæ vulgò obtinet specie vel *Mercurii* è corpore eliminandi, vel corrigendæ ejus malignitatis, nascuntur sine dubio frequentes istæ *Recidivæ* quæ miseris accidunt, sanitatem tandem aliquando post tantum impensarum, tot exantlatos labores, tantum tædii devoratum anhelantibus, ad quam etiam certò pervenissent, si salivatio



non nisi suo tempore determinaretur. Longè itaque consultius esset, Ptyalissimum promoveri *Mercurio dulci* semel in hebdomade exhibito, etiam postquam omninò convaluerit & jam sub dio versetur (quod & ego per menses aliquot fieri aliquando jussi,) quàm eundem præmaturius inhibere.

Quantumlibet autem à catharsi in salivationis declinatione ob jam dictas causas abhorream, fieri tamen potest ut in ejusdem statu ea nec prætermitti possit, nec debeat, quoties scilicet re malè gesta eouque fuerit evecta salivatio, ut jam ægri vitæ metuatur: quo in casu non tutum modò est, sed & necessarium etiam Cathartico ingesto Ptyalissimum ad eum gradum deprimere, ut cum ægri *ὑπογῆ* procedat qui deindè suo juri relinquendus.

Si quis jam quærat, an nudâ Salivatione contenti esse debeamus, nec Catharticis, nec aliis remediis solennibus inusum, post eam peractam, revocatis? Respondeo, præter jam dicta, quibus & ratio astipulatur, & experientia, me velle doceri quam ob causam magis sit necessarium purgare post Salivationem, quàm Salivationem excitare post Catharsin, cum remedia purgantia (*Scammoniata* maximè & id genus acria) malignitatis quidpiam in corpore relinquant, quod naturæ tamen committimus, cujus vi tandem subjugatur istud, quicquid est veneni, eo scilicet qui purgatus fuit ad regimen consuetum, exercitium, & liberiores aëris usum se recipiente. Atque id porrò libenter scire velim, quâ demum arte freti Mercurii reliquias per Catharsin expellere conamur, cum genuinam illam ac propè unicam methodum [per salivationem scilicet] quâ natura id efficere solet ac debet, non solum negligamus, sed etiam impediamus? Hujusmodi autem hallucinationes minimis istis rationis scintillis imputandæ sunt, quibus nos miseri mortales tantum præditi, ad veritatem in profundo demersam non penetrantes, quamlibet ejus umbram & speciem amplectimur, pro Junone, quod ajunt, captantes nubem; mox colloquia miscentes, præjudicia malè fundata ita penitus nobis invicem infigimus, ut tandem phantasmata nostra & delirantium insomnia pro principiis Apodicticis haberi velimus; cujus specimen, ni fallor, præ manibus nobis est.

Quamvis autem in plerisque Curatio modo jam dicto absolvatur, *viz.* *Inunctione* per tres noctes continuas, & exhibito *Turbith Minerali*, Ptyalissimo haud ritè procedente, *Mercurio* item *dulci* ad vices aliquot, eodem justo citius fatiscente; seriò tamen animadvertendum est, in quibusdam reperiri idiosyncrasiam sive temperamentum quoddam peculiare tam salivationis respectu, quàm purgationis (atque eadem plerumque in iisdem, ut qui ægrè pugantur, ægrè etiam ad Ptyalissimum perducuntur,) ita ut in nonnullis Methodus laudata vix gingivarum exulcerationem queat efficere, multò minùs salivationem eam procurare, quæ malo eradicando par sit. In hujusmodi ægris Medico summopere cavendum est, ne animo nimium obstinato salivationem importunius urgeat, recalcitrante naturâ, atque ab isto evacuationis genere prorsus abhorrente; quod qui minùs intellexerunt ægros haud paucos letho dederunt: Etenim in corporibus ita factis, quotiescunque medicamenta, sive externa illa



illa fuerint, siue interna, pertinaciter ingeminaveris, loco salivationis perfectæ nil præter ventris tormina, & dejectiones dysentericas obtinebis, naturâ per hanc portam Hydrargyri virus amoliente; vel dolores ventriculi & ægri-  
tudes, sudores frigidos, horrendaque alia symptomata accerfes, ita ut æger tantum non agat animam, fortè etiam mox eam evemat. In his licet Medico concedi possit, ut postquam ad dies quatuor vel quinque à postremâ inunctione salivationem frustra præstolatus fuerit, inunctionem jam sæpè dictam, & *Turbith Minerale* denuò repetat [interjectis inter singulas inunctionum vices diebus aliquot;] religiosè tamen cavere debet, ne cum tanto conamine salivationem incassum sollicitaverit, eam per vim invitæ naturæ extorquere pergat. Hic itaque modus, quantum ego iudicio valeo, Medico tenendus est, ut ubi primum vel ægri-  
tudo ventriculi, vel ventris tormina succedant, statim sibi temperet à remediis adhibendis donec ea penitus evanuerint symptomata; pluribus enim & fortioribus remediis ad cogendum φύσιος ἀντιπαύσεως salivationem accumulatis, *Dysenteria* certò certius tormina ventris, & ventriculi ægri-  
tudinem Mors excipiet. Cum ex adverso si lentè festinet, & moras trahat. *Mercurii dulcis* ℞j. semel aut bis in septimanâ exhibendo, vel per se, vel cum ℞j. *Diascordii*, si æger in Diarrhœam propensior sit, tandem aliquando cum bonis ægri rebus optata porietur arenâ. Quantumvis enim Ptyalismus ad plenum nunquam assurgat, æger tamen copiosius quàm pro more solito expuet, & scætor justæ salivationis comes neque immunitiorem hanc destituet: unde evincitur sanguinem & humores eam siue putrefactionem siue alterationem, quæcunque ea demum sit, attigisse, quæ vel parit salivationem, vel cum ea nascitur. Atque hac Methodo universa hujus morbi symptomata tandem expugnabis, concesso utique debito temporis spatio.

Observandum est autem, quod licet salivatio remedia alia, qualiacunque ea fuerint, in extirpandâ *Lue confirmatâ* longe exuperet, *Gonorrhœam* tamen cum *Lue* concurrentem neutiquam valet sanare; nec sistetur illa, hac jam penitus devictâ: undè rectè colligitur nullam vim specificam Mercurio inesse qua Venerea *Lues* immediatè debellari possit; quamlibet *Specificum medicatum* fortè dici mereatur, in quantum mediante ptyalismo morbum expellat; pari fermè *καταχρησας* [quod aliàs subinnui] atque scalpellum Chirurgicum Laterali morbo Specificum queat appellari. Sed ut ad rem redeam. Quoties *Lues* & *Gonorrhœa* unâ stabulantur, vel ante Salivationem, vel ea jam peracta, *Gonorrhœæ* curatio tentanda est; quod & tutius fit, me iudice, & facilius etiam post finitam salivationem, cum *Lue* habens *Gonorrhœa* ægrius dometur; quæ verò à prægressa salivatione quadantenus subacta fuit, minori negotio expugnari soleat. At verò Catharticis religiosè abstinendum est quousque vel minimæ salivationis reliquæ supersint; Quamobrem *Turbith Minerali* semel aut bis in hebdomade exhibito securius rem committemus; quàm aliis Purgantibus, quibuslibet, cujus vi promovebitur aliquantulum ptyalismus, dum interim materia *Gonorrhœam* committens paulatim excernatur.



Potè observandum est, si tumor ossi alicui, *Exostosis* vulgo dictus, infideat, qui etiam tamdiu permanferit, ut os jam carie afficiatur; incassum prorsus erit sive salivatione, sive alia aliqua methodo curationem aggredi, nisi etiam huic malo obviam eatur; ac pròinde os ope *Caustici* denudandum, & quamptimum idem, quod ajunt, *exfoliandum*, usu scilicet remediorum quæ intentionem hanc implere solent.

In *Ore exulcerato*, quod Salivationem passis ita familiare, si vel æger dolori ferendo par non sit, vel eo usque illud excorietur ut sanguine diffluat, idem nocte dieque vel *aquâ Rosarum Damascenarum*, vel *lacte aquæ permisto*, vel *hordei*, *radic. Althææ*, & *semin. Cydoniorum decocto* sæpissimè proluendum est. Unicum hoc symptomata memorabile, quod scio, salivationi accidit, saltem quoties ea more debito administratur; & sanè si *dolor & oris exulceratio* arte aliqua protelari potuerit, haud multo esset molestior morbi hujus curatio, quàm est aliorum aliquot longè minus famigeratorum.

*Dietam* quod spectat & reliquum ægri regimen, eadem prorsus in *Salivatione*, saltem donec ad finem jam ferè vergat, ac in *Catharsi* imperanda censeo: Cùmque ei qui medicamentum aliquod purgans assumpsit, id tantum incumbat, ut se in cubiculo à vi frigoris defendat, & cibis *εὐαέρτοις* moderatè vescatur, nondum mihi constat quo nomine vel lecto semper addicatur qui *Ptyalismum* subit, vel à victu modico arceatur, qui scilicet naturæ cum veneno conflictanti vires animumque addat; unde etiam naturâ tanto oneri succumbente, haud pauci, spiritibus, atque omni vitæ robore, diaphoresi, purgationibus, & jejuniis supervacuis (præter vulnus ab *Hydrargyro* inflictum) tandem penitus exhaustis, miserè confecti sunt: Persæpè etiam morbo jam pulso, æger eâ spirituum copiâ quâ erat opus ad redintegrandam sanitatem destitutus, præ imbecillitate concidit; aut si forte *Libitinam* valeat effugere, tot tantisque cruciatibus vitam redimit, ut tanti non sit vivere. De quibus Poeta è Neotericis haud ineleganter:

*Graviores morbis patimur remedia;*

*Nec vita tanti est, vivere ut possis, mori.*

Hic autem in promptu est istam objectionem diluere, qui fit ut nonnulli hoc morbo, (scilicet in statu ejus modò dicto) malè multati in *Galliam* commigrare cogantur ut ab eo liberentur? Cujus rei hanc esse rationem, quantum judicare possum, existimo; Hujusmodi ægris, œconomia illorum corporum eversâ ac viribus prostratis, apud nos aer crassus ac humidus refarciendis minùs idoneus est, cùm iste *Gallia*, utpotè qui salubrior ac magis serenus, spiritus corporis & vires deperditas instaurare aptus sit: Non quod Practici ibidem degentes, utut docti quidem, methodum qua hic morbus devinci possit, meliùs calleant, quàm nos hic in *Angliâ*. Sed ut ad *Dietam* revertar.

Existimo itaque (& experientia mecum facit) quòd præter jusculum *Avenaceum*, *Panatellam*, *Lac cerevisiatum*, & *Cerevisiam tenuem tepescitam*,



Atam, &c. jufcula infuper è carne Vitulinâ, Pullorum, atque alia ejufmodi in mediocri quantitate, ægro & poffent concedi, & debeant; atque ut, ubi primùm eoufque fubfederit gingivarum tumor ut dentes conferere valeat, Cuniculorum, Pullorum, Agnorum carnes, atque ejufmodi teneriores, at par-câ manu, fint indulgendæ; ut vel in lecto fe contineat, vel ad ignem fe-deat, prout hoc vel illud magis allubefcat animo: Cùm enim *Ptyalifmo* expugnetur hic morbus, non *Diaphorefi*, hâriolando non fum, quorfum æger, nulla urgente neceffitate, nimio calore mactetur.

Dieta Methodus uti expeditior eft, cùm neque tot dies corpori ante fali-vationem præparando inutiliter insumendos, nec frequentes iftas purgatio-nes, aut decocta folennia poft falivationem, ægris imponat; ita certiffimus fum eandem longe faciliorẽ effe, minùs itidem periculofam, & minùs re-cidivæ obnoxiam: quod experimento fuo difcet quifquis in altera praxi ver-fatus, ad hanc fe demum conferet. Mihi faltem ex animi fententiâ fuccellit in quamplurimis ægris; quorum nonnulli falivationis tædium & laborem plus fæmel irritò conatu exantlaverant, recidivam fæmp̃er denuò paffi, ex occafionibus, & propter caufas quas fuprà memoravimus.

Non eft autem, Vir Candidiffime, cur tuam fidem verborum ambagibus anxie follicitem, qui jamdudum de probitate mea perfuafiffimus, exiguari ftimationi etiam noftræ favere dignaris. Plura itaque de hoc morbo non addo, cùm mihi neutiquam placeat, nec placebit unquam, longis verbo-rum ambagibus & sermonibus ἀπεργασίας nucleum involvere, quo rei ca-put, feu *Nili* fons, ægriùs innotefcat. Quantulicunque autem fit hoc opus-culum five pretii, five molis, id ut boni confulas rogo; cùm illud eo præ-cipue fine elaboraverim, ut & in bonum publicum cederet, & quo in te effem animo palàm testarer: quantumlibet autem magni te faciam, major tamen adhuc tibi honos debetur & à me, & ab iis quibus fuma illa tua eru-ditio, morum fua vitas, animique candor, cæteræque virtutes laude dignif-fimæ ita clarè elucefcunt. Haud equidem tibi affentor, quoties profiteor me tuam amicitiam, ex quo me primùm ea condecorabas, inter illa, quæ mihi comparavi, pretiofiffimâ luculentiffimæque fæmp̃er habuiffe. Inter alia enim in brevi vitæ curriculo à me obfervata eximium eft iftud, [ quod etiam filio meo commendatiffimum effe volo ] hominum fc. probitate cæterifque virtutibus præcellentium confuetudinem fæmp̃er mihi commodò vertiffe atque emolumento; atque ex adverfo pravorum amicitiam [ nifi ea potius, com-binatio, five etiam conjuratio dicenda fit, quæ in virtute non fundatur ] quamvis nec dictu, nec vultu quidem me læferint unquam, tamen nẽfcio quo pacto, tandem aliquando aut mihi, aut rebus meis mali, aut damni quippiam affricaffe. Vale, Vir Humaniffime, & amare perge.

Tui fæmp̃er Obfervantiffimum

THOM. SYDENHAM.

Aaa

Tuu.



**I**nnumeri propè Autores scripsere, de Lue venerea, quam paucis explicat Clariss. noster Autor. Longum nimis foret illorum vel partem aliquam hic recensere; pro pleniori fædi ejusce morbi, ac ipsius curæ, illustratione. Sufficiat itaque Doctissimi aliûs Angli perbreve, sed verè accuratam, eodém in argumentô Dissertationem, cujus hæc est inscriptio.

## GUALTERI HARRIS, M. D.

*Celeberrimi Medicorum Londinensium Collegii, Socii*

D E

### LUE VENEREA *Ejusque* Origine, Naturâ & Curatione, DISSERTATIO.



**H**IC morbus tam gravis & acerbus est; tam latè serpit, & perniciem suam undique spargit; tantis cruciatibus miseros plerumque opprimit; & pristina sanitas tam difficulter restituitur, ut ab annectendo quædam eò spectantia non potuerim prorsus abstinere. Primordia hujus mali quæ pudendis solis labem inurunt, contemptui & ludicro habeant, si ita placet, ganeones & Belli nostri, & petulantibus facetiis, tanquam nugæ & crepundia, ea excipiant; sed quodocunque aut prima illa inquinamenta aut succedentia, in sanguinem denuò transferentur, atque per totum corpus virus distribuetur, pænas insipientiæ debitas illi abundè persolvent.

De Origine hujus morbi ambigitur, an ab omni ævo, post homines natos, extiterit; an superiori fere sæculo in *Europam* ex *Indiâ* Occidentali fuerit advecta. Multa sunt testimonia, aut saltem suspensiones non contemnendæ, de antiquitate hujus Luis, quanquam tot fere Regna non ità pridem contra ejus Natales probrosos decertarunt, alterum in alterum illud opprobrium rejiciens, quot urbes olim *Homerum* sibi gloriôsè vendicarunt. Cerrè nomen ejus legitimum usque ad nostra hæc sæcula in tenebris latuit. Nec forma & figura hujus Monstri à prioribus Medicis satis clarè & distinctè sunt descripta, neque ante novam suam denominationem nisi confusè admodum cognita. Hoc autem proculdubio scimus, plurima olim apud nos Nosocomia



comia leprosis recipiendis fuisse ex-  
tracta; & multum fallor, si unica  
& singularis domus apud nos etiam-  
num maneat, Leprosis vulgò reci-  
piendis peculiariter dicata. Porro  
Venerei contagii eadem semper cau-  
sa tyrannidem exercuit, nempe vaga  
& promiscua scortatio; nullisque sæ-  
culis defuerunt meretrices infames,  
quæ corpore prostituto vilem quæ-  
stum facerent: *posita* verò *causa po-  
nitur* etiam *effectus*, quemadmodum  
& *sublatâ* semper *tollitur*. Qui-  
buscunque enim in regionibus, qui-  
buscunque demum locis prostibulæ  
istæ, ac corruptelæ juventutis vulga-  
res prorsus exulant; legumque aspe-  
ritas scortationem omnem coercet,  
deest etiam unâ cum impuris scortis  
Lues hæc Venerea. Ubicunque verò  
lupanaria palam permittuntur, re-  
misso magistratu aut dissimulante; vel  
ubicunque meretriculæ latebras ali-  
quas fædas securè nanciscuntur; ea-  
dem Lues cum horridâ malorum tur-  
bâ, cumque omni suo miseriarum  
famulitio, longè latèque dominatur.  
Atque, ut mihi quidem videtur, in  
utero impuro meretricum vulgarium,  
quæ plurimis viris, quantumlibet sa-  
nis, sese prostant & comiscant, cer-  
tò & naturaliter progignitur Lues,  
perindè atque in nido ex ovibus nascun-  
tur volucres. Et quoniam *corruptio*  
*optimi* est *omnium* semper pessima,  
cur non ex seminis prolifici, & in  
tantos naturæ usus destinati, corrup-  
tione pravâ & incongruâ venenata il-  
la Lues possit *Quoniam* propagari? Et  
nullus dubito, paucissimos uspiam  
esse scortatores, qui, quantumvis pæ-  
nas meritas aliquamdiu effugerint,  
non seriùs aut citiùs in laqueos illos

inciderint, qui non turpi & funesto  
illo veneno fuerint tandem aliquando  
contaminati.

Sanè Lues hæc perniciofa est Su-  
premi Judicis tremendum quoddam  
flagellum, instar ensis illius stricti ca-  
pitis Damoclis inter epulandum im-  
pendentis, omnibus scortatoribus  
semper interminans, quod sapientes ab  
impuris amplexibus facilè deterrebit,  
quodque insipientes severissimis fla-  
gris aliquando cædet. Quis enim mu-  
lierosus certus esse potest, meretricu-  
lam qualemcunque sibi uni, ut videtur  
stipandia facientem, non aliis pluri-  
bus fuisse priùs aut denuò fore per-  
vulgatam, atque idè obnoxiam ve-  
nereo inquinamento, utcunque ista  
mendaciis suis, perjuriisque usitatis,  
pudorem aliquem comminiscatur?

*Neapolitanus* hic morbus vulgò  
nuncupatus est, & ab obsidione *Ne-  
apolitanâ* primùm eius contagium  
originem traduxisse ut plurimum cre-  
ditur, anno scilicet post *Christum*  
millesimo, quadringentesimo, no-  
nagesimo tertio; cum *Neapolim* ca-  
stris suis circumdaret *Carolus* octavus,  
Gallorum Rex. Sed cum rumorum  
popularium tanta sit incertitudo, ut  
sapientes vix quicquam pro certo  
pronuncient, quod non manifestis  
& sibi notis testimoniis confirmatur;  
cum aliorum morborum primus exor-  
tus in tenebris æquè permaneat; cum  
ita constitutum sit rebus humanis, ut  
in singulis sæculis quædam continuò  
pereant, oblivioni tradantur, &  
alia quædam rursùm emergant & sus-  
citantur; cum virus Venereum in  
omnes ferè regiones totius orbis,  
quantum nobis innotescit, ab oriente  
ad occidentem, à septentrione ad



meridiem, jamdiuspargatur, & usquequaque diffundatur; cum denique Medici aliquot gravissimi Luem istam infamem ante obsidionem illam Neapolitanam contagio suo virulento Europam jamdudum invasisse constanter afficiunt, sanè difficile est aliquid certi & indubitati in re ita obscurâ stabilire & decernere; quam antiquam Luis prolapiam admodum apertè indicare videatur antiqua, ac permanens causæ existentia, nempe scortatio illicita, vaga, & promiscua, primordiis fortè rerum humanarum, aut saltem effreni hominum libidini, ac corruptelæ meretriciæ coæva.

Sed ut hanc rem paulò altius perscrutemur, Hippocrates, cujus autoritas apud omnes doctos plurimum valet, libro tertio de Morbis Epidemicis plurima horrenda symptomata enumerat, quæ ad formam Venereorum quam proximè accedunt: ut, *pustulas magnas, & pustulas corpore universo erumpentes, maximeque caput impetentes, ulcera fœdissima circa pubem & pudenda, inflammationes Erysipelatodes malignas & depascentes, diarrhœas & cibi fastidia, tabes multas, aut atrophias, nunc sine febre nunc cum febre contingentes; carnum, nervorum, & ossium mutilationes ex decidentia magnas, à carie præcedente, prolapsus partium abscessibus corruptarum, & denudationes femoris integri, tibiæ, aut pedis totius, prolapsus brachii, aut cubiti totius, & omnium miserissimas carnum jacturas, cum pubem pudendaque malum affecerit; ichores ulcerum & abcessuum*

*puri absimiles, & pure omni deteriores, capillorum defluvia fluxiones ad pudenda multas, dolores gravissimos cum vigiliis, ulcera oris serpentina, & tubercula tam interna quam externa circa inguina, aut bubones, tubercula faucium, ulcerationes pudendorum, & similia, quæ quidem breviter tradit, & more suo conciso. An verò hæc omnia à Peste verâ, an à Pestiferâ hâc Lue oriantur, in utramque partem ut differant par est doctis liberum relinquere,*

Quicquid verò de turpibus Luis natalibus sit statuendum, certè dolendum est maximè, Curationem tantæ Aegritudinis, omnes corporis partes, tam internas quam externas, à capite ad calcem, polluentis, è manibus Medicorum doctorum & peritorum ita profugisse, atque Chirurgis, nec non tonsoribus imperitis, ignatisque quibuslibet vulgò concedi. Quis enim tam fatuus & insulsus, quis tam illiteratus ardelio, qui non Medicafter in hoc morbo circumforaneus facile evadat, sine instituto, sine sumptu, & sine arte; qui non curationem Luis, aut saltem Gonorrhœæ Infallibilem perfrictâ fronte polliceatur? Quales autem hi sunt Medici? Sartores ut plurimum & fabri, similesque artifices, popinatores inertes & decoctores, qui in officinis suis fidem prius labefactaverant. Quam infelix igitur & misera est Infectorum conditio, qui duplices sustinent penas, damnanturque tum atrocissimi morbi cruciatibus, tum rudis agyræ ignorantie periculosa! Quasi levissimi quilibet affectus peritiam Me-



dicam jure efflagitarent, morbus verò maximè anceps, medullisque penitus infixus, cuivis illiterato possit tutò demandari!

Ut autem summum discrimen Lue Infectorum manifestius appareat, considerandum est, hunc morbum frequenter esse Protei-formem, & post primam ejus subjugationem, sæpè novas postea induere facies. Illud equidem facile adducor ut credam, propterea quòd tot tabidos, & atrophiam confectos, pulmonibus ferè intactis, nec nisi secundario læsis, viderim perire. Et nisi ex acuto aliquo morbo illos contigerit extingui, varcore & atrophiam vix intellectam tandem contabescere semper observavi. His lac Asininum, pectoralia, narcotica, & similia, primam venenatam causam nihil respicientia, ad supremum usque diem frustra exhibentur. Chirurgi salivatione absolutam, & mercede laborum acceptam, integram sanitatem audacter promittebant; atque denuò ægrotantes, longè diversis symptomatis quàm prius affecti, neutiquam somniant de reliquiis fomitis venenati, aliquamdiu consopiti, & intus delitescents, sed sub novâ formâ revirescentis. Interim Medicus quantumlibet peritus, nihil causæ Venereæ facile suspicabitur, atque ægrotus partim ex verecundiâ, partim præteritæ curationis securus, de pristinis rebus oblivioni jam traditis nullam mentionem facit. Heu quanto igitur discrimine versantur hujusmodi ægrotantes, cum nec ipsi de causâ ægritudinis primariâ nè verbum mustitent, cumque Medici contra morbum incognitum, Andabatarum more, cœcutientes

militent! Certè Autores nonnulli, magis emunctæ naris, veritatem horum suboluerunt, cum ita prudenter illi consulerent, quoties aut dolor Ischiaticus, aut Rheumaticus, aut alius valdè pertinax, remediis propriis & usitatis nequaquam cederet, ut ad Diætam sudorificam, è Ligno sancto, Sarsaparillâ, & consimilibus, tanquam ad sacram Anchoram confugeremus.

Ex his Luis reliquiis spretis, & aliquamdiu abditis, non solummodo pender valetudinaria, & misella parentum, æquè ac aliorum scortatorum conditio; sed & hinc morbi aliquot puerorum tralatitii, & ferè immedicabiles, & quos nominare minimè convenit, nè nati infantes, viri tandem facti, contumeliam, mæstitiam, atque animi perturbationem aliquam exinde immeritò patiantur. Quamlibet enim majus est reverà dedecus à vitiorum suorum, quàm natalium, turpitudine & infamiâ, tamen novi viros eximios & fortes, clarâ & illustri stirpe, sed illegitimè prognatos, qui præter modum dolore opprimebantur, quoties de natalibus suis spuris mentionem aliquam factam ex susurris clanculariis in communi hominum consortio illi suspicarentur. Atque in eâ re major est Turcarum justitia & sapientiâ, apud quos nemo parentum culpam in filios iniquè transfert, & nulla est ignominia natis ex partu illegitimo prodisse.

Porrò statuendum est Lucem Veneream esse morbum venenatum, & maximè deleterium. Et quanquam non ita repente interficiat, ut ictus



& morsus animalium venenatorum, tamen temporis aliquo spatio, modò longiore, modò breviorè, vitam infectis certissimè adimit, nisi remediis propriis & salutaribus sanitati pristinæ tempestivè restituantur. Paucis igitur agamus de veneni hujus, cæterorumque naturâ, & breviusculâ comparatione. Inter alias notas sunt signa venenorum, insignis faciei totiusque corporis pallor, & extremorum perfrigeratio, quæ in Veneris sunt maximè conspicua. In venenis assumptis, natura materiam venenatam omni vi expellere nititur in superficiem corporis & partes externas, undè maculæ variæ, papulæ, & exanthemata oriuntur: Similiter in Lue Venereâ prodeunt maculæ, interdum parvæ, lentiginum instar, interdum latiores; eæque modò rubræ, modò flavescentes; & primum circa frontem ac tempora, deinde caput reliquum, tandemque per totum corpus diffusæ; nec solummodò maculæ, sed & pustulæ & tubercula in cute erumpunt. Venenis per os assumptis, calidis dico & erodentibus, magnum exoritur incendium in faucibus, & ventriculo, atque intestina doloribus aut torminibus exquisitis cruciantur: Lue infecti faucium inflammatione, & paulatim exulceratione, semper corripuntur; ventriculus illorum sensim prostermitur; & quanquam artus dolorum sævitiam & atrocitatem ut plurimum ferunt, tamen plus semel novi, aut intestina, aut hypochondria, eisdem diris cruentibus affecta, hisque tempore vespertino recrudescuntibus, quos artus ut plurimum & magis regulariter sustinent. Denique Vene-

na propria sua & peculiaria medicamenta, sive Antidota, ut ritè expellantur, requirunt: Lues, nisi propriis & quasi specificis Antidotis perniciës ejus virulenta depellatur, vulgaria omnia pharmaca, & methodos omnes quantumlibet doctas, solet aspernari.

Sed natura hujus Veneni est alia atque alia, tum secundum regiones magis ad Septentrionem aut Meridiem positas, tum secundum Temperamentorum varietates. Etenim in Hispaniâ & Lusitaniâ, de hoc morbo [sæpe tam mitis iste est illic] vulgò colloquuntur, quemadmodum nostri solent de Liene & Scorbuto. Siquidem illorum Medici ad febricitantes matronas nobilissimas ac virtute præditas accersiti, solenniter quærent, an Lue Venereâ laborent, sicut nostri de Catameniis, quam & verecundè interrogant. Et in illis regionibus, ubi Veneni aliqua portio indefinenter perspirat, Infecti multi sese totam vitam hoc morbo comite satis placidè traducere nonnunquam posse, sæpe confitentur. Apud nos verò longè aliter se res habet, & hæc Lues ferocem & immanem tyrannidem exercet. Nullus hic symptomatum & cruciatuum finis, nisi aspera aliqua, aut diuturna mitior, medicatio interponatur, donec aut dolores contorquendo, aut ulcera depalcendo, aut ichor venenatus ossa corrumpendo, miseriis finem imponant, & lacerum putridumque cadaver tandem abjiciatur, pabulum sanè ingratum, & vix vermibus acceptum.

Quinetiam juxta Temperamentorum diversitatem Venenorum hoc dissimiles



miles vires apud nos obrinet. Temperies Melancholica, & Biliosa ejus exterminationem ægrius sustinent, quàm Sanguinea, & Phlegmatica. Multò facilius restituantur juvenes quàm ætate provecti. Idemque est dicendum, de Scabie, Herpete, & nonnullis aliis morbis varia temperamenta affligentibus. Et sicut Temperamentorum differentia efficit, ut Cathartica longè dispares effectus obtineant; hoc corpore mitissimis medicamentis faciliè purgato, illo fortissimis ægrè cedenti; utque idem dejectorium medicamentum eodem pondere diversis hominibus exhibitum, in uno celerem ac violentam, in alio tardam ac mitem, & in alio nullam omninò operationem concitaverit: ità & de Venenis dicendum est, quòd illa citius aut ferius interimere soleant, non modò ex propriâ & innatâ vi perniciosâ, sed secundum fortio rem aut debilio rem repugnantiam naturæ ejus, qui venenum accepit. Nam opinio ista vulgaris ficta est & falsa, quæ *Indos*, ab iisque *Italos*, ita artem veneficam statuit calluisse; ut in statum diem, aut tempus prædeterminatum, sive fuerit septimana, sive mensis, sive annus, Venenatos omnes certò conficere possint. Natura enim unius quàm alterius, quemadmodum dictum est de catharticis, veneno magis se opponit, & lethale virus reprimat, aut frustratur.

Sunt qui Luem arbitrantur, fractis & attritis senio viribus tyrannidem suam ferme omnem jam depoluisse, & ad interitum suum cum senectutâ demùm vergere. Eademque apud lures doctos sententia jamdiu obti-

nuit, quandoquidem blanditiis verborum tam literati quàm aulici spe vana ductis nonnunquam se accommodant, & gratiam lenociniis solent sibi conciliare. Qui verò sic sentiunt, nosocomia hodierna paulisper adeant, aut Chirurgos probos ac exercitados consulant; videant ulcera multiplicia, cancrosa, & depascentia, tophos & gummata, ossium caries, & carniū putrilagines; videant tabes, lipothymias, cachexias, denique totam Pandoræ pyxidem ibidem apertam; exaudiant etiam horrendas miserorum execrationes, gemitus acerbos, & ululatus permoestos; tandemque dicant, an Venus egregiâ illâ mansuetudine mancipia sua hodierna excipiat; dijudicentque pariter, utrùm Mars an Venus plures ex numero viventium tollat; uter denique istorum amasiorum exitium pejus & frequentius cultoribus suis inferat.

Quod ad Therapeiam attinet Luis, alii Salivatione curationem moliantur; alii sine Hydrargyro, & nescio quibus ineptis Arcanis eandem audacter pollicentur; alii denique emeticis, & catharticis Mercurialibus, & Diætâ Sudorificâ intercalatâ, similibusque, venenum illud penitus subigere annuntiant.

Medici ferme omnes, totumque Chirurgorum sodalitium, uno consensu, Salivatione tanquam brevissimâ, & maximè efficaci methodo, Luis curationem aggrediuntur. Nec denegandum est cuiquam in Arte Medicâ mediocriter versato, Salivationem esse omnium Methodarum quas hactenus excogitavit peritia Medica, maximè expeditam, atque efficacem,



ad vitus illud Venereum valde obtundendum, & malignitatem ejus perniciosam abunde frangendam, si minus ea valeat non raro ad venenum istud penitus delendum. Certè in his regionibus Borealibus, frigoris prædominio obnoxiiis, ubi labes Venerica tantâ immanitate sævit, Salivatio præ aliis adhuc notis inducias maximè veloces, pernicipiei dilationem, & symptomatum omnium vehementium cessationem obrinet celerissimam; nec non in quibusdam infectis, & potissimum in junioribus, curationem perfectam aliquando complet. Sed si consideretur horrenda illa, terribilis, & nonnunquam intolerabilis medicatio, tantis cruciatibus & periculis extremis stipata, saltem exoptanda est, & omnium votis exposcenda, alia aliqua jucundior methodus, tutior illâ minusque molesta.

Potentissimum, & efficacissimum Salivandi genus est id, quod per inunctionem Mercurialem excitatur, & quod solum, tanquam *dignum nodo cuneum* Sidenhamius noster præclarissimus laudat. Sed refert scire, attentèque contemplari, in quot vitæ discrimina Salivatio ista conjicit infectos; quot ex eâ solent vulgò interire; quàm horrendas capitis, fauciumque efficit intumescencias, suffocationem repentinam frequenter imminantes, & vix fræno manûs peritissimæ rectè gubernandas. Nôrunt quidem aliptæ quàm periculosas diarrhæas, dysenterias, lipothymias, in temperamentis maximè Mercurio repugnantibus, ista crebrò producit; sed aliam vix exercebunt artem, vix quærent aliptæ, nisi quam

in tyrocinio à Magistris suis didicerunt. Tanta verò est in hoc Salivationis genere humorum fusio, tanta succorum omnium corporis sæpè exantlatio, ut nil mirum sit, si spiritus vitales unâ dissipentur; & maxime si in hac terrâ, aliter sælicissima, ubi Melancholia tantum obtinet imperium, complures ex tam rapidâ fluidorum profusione succumbant ac pereant. Quàm fugax scilicet voluptas acerbissimas sustinet sæpenumero pænas! Quantâ curâ & industria Sirenarum illarum ueneficarum blanditiæ sunt ab omnibus fugiendæ, quicumque aut sanum corporis temperamentum conservare volunt, aut vitam longævam jucundâ lenique senectute finiendam cupiunt.

Porro si facultates Hydrargyri tantâ copiâ in corpus intromissi, ac sanguinis motu circulari omnes corporis partes pervadentis, velut in Salivatione vulgari contingit; si illius vires naturæ humanæ tam noxias, ac inimicas; si virus ejusdem nervis & cerebro peculiariter adversum, attestante id paralyti, & tremoribus frequentibus; si onus & tormina, quæ ventriculo & intestinis vulgò infert; si pallidissimum plumbeumque colorem, quem vultui impertit; si denique quòd à veteribus omnibus medicis Hydrargyrum in catalogo Venenorum annumeretur, diligenter perpendamus: sanè Medico probò incumbit, quando duobus Venenis tam Morbi quàm remedii unâ convenientibus sit necessario occurrendum, de Antidoto aliquâ propriâ, salutari, & excellenti, sollicitum esse. Et si tela ad hunc morbum



ritè expugnandum magis apta & idonea unquam reperiantur, è Medicorum pharetrâ magis magisque denuò instructâ, potius quàm ex aliorum quorumcunque sive armamentario, sive officinâ, nî plurimum fallor, certò extrahentur.

Et quicquid delirum vulgus, alique nonnunquam saniore judicio præditi, contrâ sentiant, sanè nescio, an quisquam omnium morborum qui miseros mortales solent ex-cruciare, judicium acerrimum, Medici periti & exercitati, potius quàm agyræ aut indocti alicujus artificis, requirat ac mereatur, quàm Lues ista immanis & venenata.

Quamquam verò Salivatio omnibus aliis Methodis ubique palmam præripuit, tamen notatu dignum est, quod *Julius Palmarius*, Medicus Patiensis clarissimus, & eruditissimus copiosius disseruit, qui Magni illius *Fernelii* fuit discipulus, & qui librum de Morbis Contagiosis tum doctè tum eleganter scripsit. Ille Salivatione, quantumlibet tunc populari, quantumlibet nunc vulgò usitatâ, vix contesimam quemque Lue correptum, perfectè sanari tradit; sed recidivo illos morbo, ex scintillis aliquamdiu consopitis recrudescente, nonnunquam citius, nonnunquam post plures annos affici, & languescere. Atque alii, inquit, decies, alii duodecies suo tempore Salivationem frustra sunt experti, tantâ interim cum doloris acerbitate, malorumque miserrimorum acervo, ut forti viro multò satius sit semel mori, quàm vitam morte pejorem sic proferre.

Ego itaque hæc animo diu multumque evolvens, nunquam com-

plecti potui, quamobrem *Fernelii*, *Palmarii*, aliorumque medicorum doctissimorum methodi tutiores ac jucundiores tam paucos sectatores consequutæ sint, & praxi hodiernâ ita proscribantur, nisi ob has potissimum rationes:

i. Medici illi præclarissimi odio adversus Hydrargyrum nimis acri flagrant, propter noxas illas gravissimas quas sæpius infert corpori. Et *Fernelius*, primus omnium Medicorum, curationem Luis sine quocunque Mercurialium usu interno, & fortè nimis temerè suscipiebat, & palam pollicebatur; Amuletis suis selectis ac saluberrimis, Diætæ Sudorificæ, victui tenui & frugi, & catharsi intercalatæ solummodò confisus. Et certè propter ausum ac tentamen tantum, tamque salubre generi humano, si fortè minùs sælix fuisset successus, omni laude dignissimus est egregius ille Medicus, quamquam in pestifero hoc morbo usus illius medicamenti periculosi, quod à Plinio vocatur *Venenum omnium rerum*, summè necessarius nobis hactenus videtur. Nam *malum ovum malo corvo* apprimè convenit. *Palmarius* autem Hydrargyrosi vulgari infensus fuit, tum ob perniciem ejus, tum propter extremos cruciatus, doloresque asperrimos quos inuncti sustinere necessariò damnantur; tum denique, quia proposita sua curatio per Guaiacum & Amuletum, aut per Alexipharmaca sua Hydrargyro conjuncta, tutior fuit, & longè salubrior inunctione vulgari, sputantium vires exhaurienti. Quocircà alias Luem extirpandi methodos, tutiores, ac magis salutares, necnon



jucundiores, licet nonnunquam paulò cunctabundas, fusè proponebat.

2. Chirurghi uno ore Salivationi præ aliis curandi modis favere videntur, aut quia præmiis donantur majoribus, isto modo valetudini propicientes, summâ cum assiduitate, infectumque sub imperio quodam despotico vitæ ac mortis clanculum in conclavi, remotis aliis plerumque arbitris præterquam nutrice, tamdiu tenentes; aut quia durante tyrocinio nullam aliam æquè certam Lui mendedi artem illi hætenus didicerunt; aut quia aliam discere vix unquam volunt.

3. Quoniam Chirurghi technis suis hanc Medicinæ parrem, quantum in illis fuit, tanquam sibi jure propriam ubique attripuerunt; & Medici, sive ob molestias tam fædæ curationis, sive aliis negotiis impediti, illam provinciam quasi derelictam nimis neglexerunt, ac vilipendunt.

4. Quia curationes temporaneæ & Palliativæ in hoc morbo, ut in aliis nonnullis, magis placent, ægrisque gratificantur, quàm Eradicativæ, quæ magis operosæ sunt, & exercitatione non parvâ egent. Quam ob rationem induciæ multorum dolorum gravissimorum Narcoticis derepentè comparatæ, & ægrotantibus sæpè magis placent, & medicis nonnunquam præferuntur, quàm quæcunque alia, permanentibus interim aliquamdiu doloribus, salutaris medicatio. His adde, Salivationem symptomata omnia Venerea ita ut plurimum tollere, ut nulla recidivæ suspicio impræsentiarum restet, aut præmii procrastinandi ratio convalescentibus ampliùs appareat.

Quod ad Impositores illos imperitos, turpissimos lucriones, ac nebulones vulgares attinet, qui sine Mercurio, sine regimine, sine quâcunque molestiâ, & nescio quibus *Arcanis* insulsis, curationem brevissimam, nec non infallibilem, omnibus Lue infectis cum insigni impudentiâ publicè pollicentur, argumento sunt Bacillino quàm Medico digniores, & fascibus Magistratuum aut collistrigio, prout veteratores perfidi, sunt potius castigandi, quàm disceptationibus, aut ullis rationum momentis accipiendi.

Denique tertium Lui Venereæ mendedi genus, quod posthabita Salivatione solenni per inunctionem instituta, & spretis deceptorum insciolorum fallaciis, catharticoꝝ aut emeticoꝝ Mercurialium vi & efficacia, cum Diætâ è Lignis & Radicibus exiccantibus, ac regimine debito, conjunctoꝝ nititur, fusioꝝ orationis copiam planè requirit. Sed nè tot impostores & agyræ dolis & insidiis suis hinc ansam aliquam avidè arripiant, vela dicendorum contraham, & pauca haud prorsus inutilia jam dictis adjiciam.

Et 1. Notandum est, Ligna exiccantia, Gummi, corticem, & lignum Guaiaci, lignum Sassafras, atque Radices Sarsaparillæ & Chinæ, tantum ferè emolumenti naturæ humanæ conferre, & debilitatæ suppetias salutare præbere, quantum damni & nocimenti Hydtargyrum corpori infligit. Sunt hæc salubria quædam hujus morbi venenati, licet imperfecta, pariter atque Mercurii ipsius Alexipharmaca, quandoquidem & citrà Mercurii auxilium ope-



ra & oleum nostrum sine fructu perdi solent. Et quanquam illa ex se nunquam apud nos scopum attingunt, Hydrargyro prætermisso, venenumque Venereum nequeunt penitus delere & extinguere, tamen robur nativum erigunt & fovant, palloremque huic morbo congenitum, in vividum ac sanum colorem certocertius immutant.

2. Notandum est Cathartica deleteria dicta huic morbo expugnando, qui vires corporis validissimas ipse infringit, & robur summum facile comminuit, quandoque minus convenire, quam mitiora & blandiora medicamenta. Et quoties fortior & validior requiritur catharsis, illa longè tutius obtinenda est, in debilibus scilicet naturis, sennâ, rhabbaro, agarico, jalappâ, epithymo, poly-podio, mannâ, hermodactylis, aut eorum quibusdam, additis etiam cœstimulis, sale mirabili, cathartico amaro, polychresto, prunellæ, aut crystallis tartari; his, inquam, sæpè securius & commodius alvus movetur; neque plura eorum identidem repetita ita corpori imbellium nocent, quemadmodum scammonium, colocynthis, & helleborus, quæ aut ventriculum conturbant, aut intestina corradunt, gravibusque torsionibus excruciant, aut visceribus omnibus, partibusque principibus, malignâ suâ qualitate sunt infensa.

3. Quanquam Mercurialia, & Hydrargyrosis, in omnibus temperamentis Lue inquinatis indiscriminim vulgò usurpentur, tamen notandum est, corpora crassa, obesa, phlegmatica, & frigida, ab illis maxime omnium plædi, & constat inju-

rias insignes quas Hydrargyrosis talibus facit, vix unquam postea deleri, adeò ut non minus discriminis à medicamento quàm ab ipso morbo illis contigerit. Atqui Sanguinea, Biliosa, & præfervido calore redundantia corpora, incommodo minore Hydrargyri usum paulò copiosorem sustinent, quàm aut prius nuncupata, aut Melancholica Temperamenta. Etenim calida & sicca viscerum intemperies, contrariis quibus pollet facultatibus Hydrargyrum, corrigitur, emendatur, & nonnunquam insigniter juvatur, atque bilis ferocientis acrimonia plurimum demulcetur.

4. Quotiescunque Lue jam pridem infecti, qui Ptyalismum prius subierunt, aut qui aliis modis ad tempus tantummodò sunt restituti, morbo recidivo è latibulis erumpente, aut novam formam sortito, turbas novas commovente; quoties, inquam, illi in atrophiam, neque à Pulmonibus tabidis, neque à Lumbricis pendentem, inciderint, quanquam Diarrhæâ admodum violentâ exhaustantur, à Narcoticis quibuscunque abhorrendum est Medico, & restringentibus interdendum. Nam Malignitate veneni Venerei intus delitescens sic imminuta, & per sentinam corporis depositâ, propria Antivenerea optato eventu non diu frustrabuntur, & corpusculum strigosum deleteriâ Lue pænè confectum, præter expectationem rursùm pinguescet.

5. Cum virus Venereum sit benè retusum ac fractum, omnisque symptomatum ferocia refrænata; at fomes venenatus haud penitus extinctus



sub cineribus delitescat, novos postea tumultus suscitaturus: quemadmodum & in aliis nonnunquam casibus, ubi symptomata anomala, doloresque vagi infirmos detinent, Medicamenta nervina, arthritica, amara, & antiscorbutica *salubria*, aliquamdiu usurpata, catharticis blandis identidem intercalatis, reliquias Veneni istius infracti tuto profligabunt, integramque tandem sanitatem præ aliis restituere valebunt. Si quidem talia corruptelæ humorum deleteriæ contraria, sanitati tuendæ, amissæque recuperandæ, vitæ producendæ, staminibusque vitalibus tenuioribus confirmandis apprimè conducunt.

6. Infantes à nutricibus lactantibus infecti, quanquam maculis, pustulis, ulceribusque scatent, quanquam & nocturnis illis doloribus erunt excruciiati, facillimè omnium restituuntur. Farina sarsaparillæ ferè insipida, saltem nullo gustu ingrato, aut fastidioso prædita, panatellis aut puliculis suis, ut par est, *commista*, addito etiam, ventriculi gratiâ, Santali citrini polline, nullâ pariter nausæâ donati, catharticisque debitis intercalatis, tenerrimæ ætati, ut lætè nonnunquam observavi, salutem perfectam reddidit. Quod verò infantuli à contaminatâ nutrice infecti, tanquam à Peste quâdam, sint ante inceptam curationem quamprimùm amovendi, non opus est ut admoneamus.

Denique 7. infectis, cum curatio modis mitioribus magisque benignis ac salutaribus, quàm Salivatione illâ acerbâ & excrucianti instituat, non est iis persistendum ad certum

quendam ac determinatum dierum numerum, sed nunc brevius, nunc diutius, pro ratione veneni, naturæque reluctantis, remediis immorandum, quousque sub regimine debito venenum penitus subigatur, & symptomata omnia prorsus evanescant.

Antequam finiam, nequeo tacitè prætermittere errorem popularem insulsum, at valdè perniciosum, qui longè latèque inauspicatò increbuit. Nimirum didicit, aut fortè audivit ignarum vulgus, si quispiam infectus cum sanâ muliere mutuis amplexibus se commiscuerit, à labe omni Venereâ se confestim fore tutos & immunes. Quot innocuæ virgines inter alias ex hoc stupido errore perierunt! Sed cum sanguinem pervaserit virus pestilens, & viscera afflatu illo impuro imbuantur, credat etiam plebecula insipiens pari ratione, se clavam *Herculi*, quod aiunt, & fulmen *Jovi*, extorquere posse, & se montes excelsos, virtute cujusdam incantamenti, posse radicibus avellere, & alioversum transferre.

Ut verò finem faciam, nonnullis videri possam nimis acriter perstrinxisse morbum Venere clementi proguatum, Deâ scilicet illâ amabili, cui tam principes summi, quàm vulgus infimum, vota sua nimis frequenter faciunt, & cujus illecebræ pectora ferè omnium æstu quodam impotenti facilè percellunt. Acrius, inquam, hujus morbi sævitiam perstrinxisse videar, quàm plurimi medicastri, qui eundem in postremis habere solent, ac pro nihilo, ut aiunt, ducunt; ut scilicet artis cujusdam exquisitæ, quam alicubi didicerunt, ostentationem gloriosè faciunt,



ciant; atqui ut reverà crumenas incautorum aliquando emungant, ut familiares suos opprimant, omniaque ad quæstum commodumque proprium iniquè referant. Atverò longè præstat medico probo, liberalibusque disciplinis instituto, verum dicere, quàm quæstu quovis duci, communique utilitati quàm suæ consulere. Modici rerum statûs, modò res sint benè partæ, nemini pœniteat. Nam pauca nonnunquam desiderium explent, permulta animum rarissimè satiunt. Paucitas rerum commodè benèque vivendo necessariarum facilè suppletur, virisque bonis rariùs deest. Sed in Superfluis accumulandis nullus vulgò finis gravissimarum sollicitudinum, nullum molestiarum maximarum tædium rapinarum terminus; quasi dira illa execratio, aut fascinatio, avaros injustosque semper comitaretur, ut in opulentiâ inopes, in abun-

dantiâ egeni vitam prorsus inquietam traducere damnarentur. Præcipiti cursu breviuscula labitur vita. Nec magna pompa impedimentorum necessaria est, ut amana sit profectio, neque requiritur tanta viatici copia, ut breve iter conficiatur. Præclare illis actum puto, quibus in benè agendo deponitur vita. Nec sapientibus *lugendam esse corporis mortem, quam animæ immortalitas consequitur.* Etenim tum demum nos verè victuros constar, cum è vitâ hâc excesserimus. Quid eò olim eximiè dixerit Philosophus, [pectore spe tumido, consolationis pleno, animoque futuris gaudiis admodum aspirante] in senectam vergens, & *Senectutem* ornatissimè laudans? Si in hoc, inquit, erro, quòd animas hominum immortales esse credam, lubenter erro: nec mihi hunc errorem, quo delector, dum vivo, extorqueri volo.







# DISSERTATIO EPISTOLARIS

A D

GUILIELMUM COLE, M. D.

D E

Observationibus nuperis circa curationem VARIOLARUM  
Confluentium ;

*Nec-non*

DE AFFECTIONE HYSTERICA.

*Humanissimo Viro.*

THOMÆ SYDENHAM, M. D.



Iraberis fortasse, Clarissime Vir, quisnam importunus  
interpellator graviora tua interturbet negotia : sed  
veniam, confido, dabis, postquam intellexeris,  
eâ potissimum de causâ hanc tibi molestiam creari,  
ut grati animi sensa exprimat venerabundus Tui  
cultor. Quippe tantos ex elaboratissimis tuis circa  
Morbos acutos commentarius, agnosco me accepisse fructus, ut ad gra-  
tes authori persolvendas me prorsus obligatum teneam. Tam accura-  
tè singulas annorum, aerisque quas tractandas suscepisti, Constitu-  
tiones, cœpto antehâc inaudito, observasti; tam genuinas, facileque  
obvias, pro singulis, qui in illis occurrebant, affectibus sanandis,  
indicationes excogitasti; tantoque ingenii nitore totum opus exornasti,  
ut meritò tantam sagacitatem, tam indefesso labori junctam, suspi-  
ciamus : unde & ægrotos, & medicos tibi æternum devincis.

Quamquam verò cuncta, quæ pertractas, accuratè adeò absolviisti,  
ut pronum sit de singulis in laudes tuas erumpere; præ cæteris tamen

band



haud mihi temperare possum, quin impensè tibi gratuler methodum tuam circa Variolarum curationem; cuius ope, quin feralis ille hactenus affectus terrificam suam exuat larvam, interque facillimè curabiles (nisi malignitas, vel quiddam valde insolitum accesserit) persistat, nullus ambigerem, si per nutriculas (turbam raro non inimicissimam hominum saluti) liceret, quæ calido suo regimine, & medicamentis omnia usque adeò pessum dant, totque ubivis in sepulchrum ante tempus præcipitant, ut meritò Tu, Doctissime Vir, humani generis Vindex audire merearis, qui ægrotis, miserè, cumque extremo vitæ discrimine palantibus, te ducem fidissimum præbes, ut in salutis viam, si ductum tuum sequi volent, redeant. Ut de me loquar, quanquam meis fidere ratiociniis aliquatenus reformidarim, diu tamen credidi, Variolarum eruptionem, sicut non ipsum esse morbum, sed febris crisim, sic par reliquis crisibus desiderare regimen, in quibus, omnium Medicorum effatis sancitur, totum negotium naturæ committendum, si cuncta rectè procedant; id quod plerumque in isto affectu cernitur, nisi plus justo prius exagitatus fuerit sanguis. Postquam verò, per lecto aureo tuo libro, senseram tandem panicos esse, qui me aliosque tam diu detinuerunt, timores, aususque fueram juxta tui præcepta (reclamantibus licèt quandoque non solum vulgò; sed etiam Medicis) ægros regere, tantum inde emolumenti iis, ubi in obtemperantes incidi, obvenisse comperi, ut, quicquid alii senserint, me felicissimum reputem, cuius in manus tantus devenit thesaurus. Porro & ubi ad Variolis confluentibus laborantes (quod tamen haud admodum sæpè contigit) accitus fuerim, non dubitavi, quanquam animam jam agere viderentur, ad paregorica, tua fretus autoritate, confugere, idque successu haud pœnitendo, imò verò stupendo. Tam multum equidem hanc in parte præstitisse mihi videris, ut nil superesse, quod vel aliorum, vel etiam Tui industriam exerceat, facile crederem, nisi nuperrimè à doctissimo Viro, amicoque meo integerrimo, D. Kendrickio (qui humanitatem tuam plurimum celebrat) audissem, te innuisse novas quasdam (quas & ad praxin ritè exercendam perutiles fore non possum non augurari, utpote à te factas) circa idem subjectum tibi occurrisse Observationes; quas nisi publico impertias, & in Tui famam, & in humanum genus injurius eris. Proinde (si quid apud te ignoti valeant preces) haud graveris, obsecro,



cro, Celeberrime Vir, eas in lucem emittere.

Sed nec hîc subsistam: Nempe ab eodem accepi, rariora quædam tibi observata fuisse circa *Affectus*, *Hystericos* dictos; qui sanè sicut doctissimorum Medicorum, ab omni memoriâ, exercuerunt, imò lassarunt ingenia, sic (proh numis sæpe:) & medicandi traditas methodos eludunt; documentaque dant, quàm parùm tutum sit, in Philosophicis, nostræ rationi nimium fidere, nisi iis in rebus, quarum certitudinem à sensuum testimonio petere valemus. Plurimum, Dignissime Vir, ulterius & à præsentî sæculo, & à posteris, haud dubiè mereberis, si & quæ circa hanc materiam meditatus es, propagare dignatus fueris. Hoc saltem à te mihi impetrare liceat, ut æquibonique consulas, quòd, non mei solum, sed publici etiam causâ, ignotus tibi licèt, petere non erubuerim; utque me inter innumeros eos habeas, qui tibi se quam maximè devotos profitentur,

Devotissimum

Vigornîæ,  
Novemb. 17. 1681.

G U I L I E L M U M C O L E.



Spēctatissimo Doctissimoque Viro

G U I L I E L M O C O L E, M. D.

**S**I usque adeò Philantiæ indulgerem, Ornatissime Vir, ut eas quæ ad me nihil attinent laudes mihi arriperem, ægrè admodum me ab aliquali animi elatione continere valeam, laudatus tantopere à laudato viro, qui eruditissimis suis lucubrationibus orbî literario, mihi verò nec de facie, quod sciam, innotescit. At verò quòd me tanto, licet immerentem, honore dignatus fueris, id demum humanitati tuæ acceptum refero; cum maximos quosque & præstantissimos viros ita natura comparaverit, ut non tantùm leviter errantibus, ut fit, æquiores sint, sed etiam in mediocrium studiis deprædicandis, datâ vel quâlibet ansâ, ingenio suo candori morem lubentes gerant. Cujus quòd & in ipso me, & meis istis conatibus, ut ut tenuibus, publico tamen commodo destinatis, præclarum edideris specimen, gratus agnosco.



Ea quod spectat, quæ à me præstolaris, sive jam editis de *Variolis* observationibus addenda, sive etiam de *Passione Hysterica* de novo tradenda, ita habe. Horum primum idcirco aggressus sum, ut quæ olim deficere viderentur, ex iis quæ experientia jam annosior mihi suggererat, possim sarcire. Alterum verò ideo in me recipiendum duxi, tum quoniam *Affectus Hystericos* omnium, post Febres, morborum frequentissimos occurrere, tum quia emolumentum aliquid è levidensibus meis observationibus capi posse existimarem. Neque tamen diffiteor aliam quandam, præter hanc publicum juvandi spem, mihi causam subfuisse, ut otium scilicet benè locarem, & tædium brumalium noctium honestiùs fallerem; cum jam ingravescente ætate non amplius Congerrones foras quæram. At quicquid id fuerit, quòd me primum instigaverit, me non ita atque speraveram inceptis ac votis meis parem esse sentio, cum continua illa cogitationum series, quâ mens obstinatius defigenda est, mihi jam à multis annis *παραγῶντι* nunquam non officiat, maximè verò, jam appetente Senectâ. Cum itaque tam opportunæ appulerint humanissimæ tuæ literæ, brevi Responsionis limite expediam eorum summam, quæ prius fusius deducenda meditabar.

Sumpto itaque à *Variolis* exordio, illud prælibandum censeo, quòd scilicet ea Febrium Intermittentium species, quæ primum Anno 1677, uti alibi diximus; caput extulit, atque etiamnum regnat, Anno videlicet, quo hæc conscribo, 1681; hæ Febres, inquam, pro more Epidemicorum omnium, iis maximè tempestatibus grassabantur, quæ cum earum indole magis faciebant, per annos istos omnes, quibus vigeabant; alienâ autem tempestate appetente, iis protinus Epidemicis cedebant, quibus illa magis favebat. Exempli gratiâ, ingruente hyeme, nunquam non *Tussi*, & *Febribus Peripneumonicis* ab illa pendentibus locum dabant, ut & *Variolis*. Redeunte autem Vere dicta Febris postliminiò reversa est. Ita Anno 1680, postquam Febris hæc per Autumnum omnia fuerat depopulata, *Variolæ* brumali tempore eam excipiebant, ubique locorum grassantes. Anno autem vertente, 1681 sc. Febres intermittentes denuò recrudescebant, haud usquequaque Epidemicæ, fractis jam & succisis earum viribus; unde etiam *Variolæ*, hîc illic sparsæ, unâ cum illis subpululabant. Æstate verò jam ingressâ *Variolæ* increbrescere quotidie, tandemque *ἐπιδημικώταται* factæ stragem haud vulgarem edebant.

[Hoc anno, sc. 1681. luce meridianâ, quod ajunt, clarius mihi constabat, quod jam olim ratio suadere videbatur, ægrum scil. lectulo noctes atque dies continuos non prius addicendum esse, quàm *Variolarum* examen omne in conspectum se dederit: Etenim tum Veris, tum etiam Ætatis temperie sicciore diutiùs, quàm post eorum, qui nunc sunt homines, memoriam invalescente (adeò ut omnis fermè ubique locorum herba exaruerit) sanguinem ferè omnis illa humiditas, quam aer aliàs solebat suppeditare, destituebat; ex quo *Variolas* jam grassantes major quàm pro morbi indole



inflammatio accendebat, cæteraque exinde nata symptomata præter modum sæviebant. Atque hanc ob causam, si quid ego iudico, *Maculae Purpureæ* plenam Exanthematum eruptionem haud rarò præveniebant, & quæ eas extrudebat vehementior inflammatio, debitam sanguinis crasin interturbans atque disperdens, etiam ante justam materiæ morbificæ expulsionem, præmaturam mortem accersebat. Id verò maximè factorum levitiam promovebat, quòd jam exanthemata ob supra dictam causam ita facillimè confluerent, vel ipsa acris intemperie id mali sponte suâ procurante, quod aliàs ferè solent Scioli & Medicastrî, regimine & Cardiacis calidioribus in ipso morbi limine inauspicatò imperatis atque admotis. Etenim (quod diligenter animadvertendum est) post omnium vel exquisitissimas observationes, rei cardo in hoc vertitur, ut in Variolosis salutis spes omnis in *Exanthematum paucitate* reponatur; discrimen in eorundem *multitudine*: & prout plura sunt hæc, vel pauciora, aut moritur, aut vivit æger. Interea fatendum est, & *sanguinis mictum*, & *maculas purpureas*, quæ ita certe mortem prænunciant, quandoque accidere, vix ullo adhuc comparente Variolarum indicio, vel etiam paucissimis pustulis erumpentibus; hæc verò ut Variolas denso agmine confluentes ut plurimum comitantur, ita aliquando tam præproperè invadunt, ut ægrum ante plenam eruptionem è medio tollant, sicut jam præmonuimus.

In proclivi est autem, ut mihi videtur, rationem reddere, quare æger plus minusve periclitetur pro majore minoreve exanthematum numero; cum enim quælibet Pustula *Phlegmone* primò sit, licet sub exigua mole, mox in *Apostema* evadat, fieri non potest, quin *Febris secundaria* a *Pure* jam in fieri pendens, magis minusve exacerbetur, pro puris excoquendi quantitate jam in morbi statu; quod in mitissimo confluentium genere, die à primo morbi insultu *undecimo*, in mediocri *decimo quarto*, in crudissima verò & ægrius domabili specie, *decimo septimo* fieri consuevit. Quemadmodum enim (quod est notandum) *Confluentium Variolarum* genus, *Distinctum* quod dicitur, ratione periculi imminentis, in tantum superat, quantum ab ipsa *Peste* superatur, ita etiam supra dictæ tres Confluentium species aliæ aliis præsentius discrimen adferunt. Quòd insuper tam in ætate quàm sexu locum habet; cum nemini non sit notissimum, Adolescentem in ipso iuventutis flore multò magis periclitari ab hoc morbo, quàm vel fœminam vel impubem. Sed hæc obiter.

Neque sanè mirabitur tam ingens discrimen à majori pustularum numero pendere, qui secum reputaverit, quòd si cujuslibet sive humeros, sive brachia, sive aliam quamlibet partem *Phlegmone* (vulgò a Boyle fortè invaserit, idem tempore maturationis, quâ jam Pus fit, febricitavit; cum scilicet sanguis à purulentis particulis, per venas ex lege circulationis in ejus massam resorptis, incitatus, Febriculæ fomitem subministret. Quanto magis Medicus ubi primis morbi diebus ægrum invisens, faciem ad instar pulveris è limatura acicularum undique respersam contemplabitur, mortem



prædicet uno aliquo è diebus jam memoratis involutarum ; idque præ indomita vi Febris succedaneæ, quam, pro ratione quantitatis puris ex innumeris istis apostematibus in sanguinem reiecti, desævire necesse est. Quæ quidem hominis funesta ruina aliquot diebus antequam ingruat, facile prævideri potest, utut bellè se habere æger, & sibi videatur, & astantibus etiam in hujus morbi Historia minus exercitatis.

Quocirca si non aliunde periclitetur æger (purpureis maculis & sanguinis mictu jam sepositis) quàm ex pustularum frequentia, seriò mihi perpendendum est, quibus potissimum de causis ita densæ protruduntur, & si tutò fieri potest, iisdem omni ope coercendis incumbendum. Quod quidem rei caput est, & in quo præcipuè ægro suppetias ferre queam; cum periculosa plenum sit alex quicquid moliamur, jam constituto in hac specie morbo; nec si tandem mortem æger evaserit; id tam meæ debetur solertiæ, quàm vel insigni narium Hæmorrhagiæ, vel fortuitæ alicui, quæ morbo accidebat, mutationi. Profusissima autem illa crebrarum pustularum eruptio, si quid ego conjicere possum, à præcipiti nimis materiæ Variolosæ assimilatione ortum dæcit; quæ quidem præcipitatio maximè videtur contingere, vel quod ægri natura medicamenti ad instar *Cardiaci*, calore & spiritu plus satis turgat, vel quod ipse æger, sive præmaturè se lectulo includendo, sive adhibitis Cardiacis calidioribus, aut liquore quovis spirituofo, fermentum plus debito exaltaverit; quibus omnibus modis disponitur sanguis ad excipiendas & intimius admittendas morbi impressiones, ipsaque natura, seu furis agitata, præ exuberanti materiæ Variolosæ copia & plenitudine, omnem ferè succorum & carniū molem in exanthemata evomere satagit.

Nullâ verò magis *αποφάσει* promoveretur immodica materiæ Variolosæ assimilatio, quàm si æger intempestivè se lecto addicar, viz. ante diem sextum à prima invasione, vel quartum inclusivè ab eruptione, quo tempore jam omnis pustularum cohors in conspectu est, nec sunt plures expectandæ.

Et licet moderatus lecti calor etiam post elapsos dies istos Phrenesi, vigiliis, aliisque symptomatis accersendis nonnihil conferat, ea tamen ejusmodi sunt, quæ à medicamenti cum judicio propinatis vinci possint: cum ingens illud vitæ periculum, quod die undecimo instat, ab innumeris istis pustulis prognatum, omnem medicam opem respuat & aspernetur.

Hic itaque seriò monendum est, ægrum nullo pacto se lectulo interdium debere committere, si sibi cavere velit à nimio pustularum confluxu, nisi sexto die jam advesperacente, unde se plurimum usque refocillari sentiet: à quo tempore vix se continebit à jugi in lecto decubitu, si insignior fuerit pustularum *συνδρομή*, tum ob acriorem jam pustularum molestiam, tum quod ab ipso sessionis habitu in animi deliquium sit propensior: quod cum sæpenumero animadvertendum, in mentem mihi venit, ex communi hujus morbi lege naturam ipsam quasi digito mihi monstrasse, quo



primùm morbi tempore æger lectulo continuò adjudicandus est.

Sed ut non solùm dicti Problematis veritatem adstruam, quod tanti est momenti ad minuendum à Variolis impendens periculum, verùm etiam ut n iisdem à carceribus, ut ita dicam, ad metam pertractandis, rationem nostram quasi manu ducam, non abs re fuerit, opinor, quoddam quasi Schematotius morbi animo depingere, & diligenter expendere, quæ sit ejus natura, ac qualis methodus; quo demum ex certo sensu hominum, fidissimis observationibus utentium, non ex opinione incerto Phantasiæ fundo innixâ, rem clarè dijudicare valeamus.

Imprimis itaque ejus essentia [ quantum nos rerum essentias conjecturâ assequi valemus ] in peculiari quadam sanguinis *inflammatione* comprehendi videtur, in qua, Natura primis aliquot diebus id negotii habet, ut particulas inflammatas præparet subigatque, quo facilius in corporis ambitum eliminantur; quo tempore, motâ seditione, & perturbato jam sanguinis statu, Febris ut accedat omninò necesse est: quinimo incensæ ac jam furentes particulae, per omnem circulantis sanguinis ditionem tumultuantes, ventriculi ægritudines, dolores capitis lancinantes, & quæcunque alia Symptomata præcedunt expulsionem, necessariò excitant, prout has vel illas partes motu agitatae appellant. At cum jam victrix Natura rebelles particulas in corporis habitum propulsaverit, ut priùs in sanguine, ita deinceps in carnea mole id quod superest Tragœdiæ peragitur. Et sicuti Natura non alia quidem methodo quam accensa Febre materiam in sanguine peccantem novit amoliri, ita etiam non nisi facto Apostemate massam carneam à re qualibet extranea liberat: ut si forte sentis aut quippiam ejusmodi carni inhæserit, partes circumjacentes mox Apostemate obsidentur, nisi id quicquid est molesti protinus extrahatur. Hæ itaque particulae in carnibus demum stabulantes, primùm *Phlegmonas* haud ita spectabiles excitant, in quibus latitant; quæ quidem augescentes in horas, atque efferatiores & inflammatiores redditæ, tandem in *pus* & vomicas desinunt; quo quidem tempore fieri non potest, quin aliquid ex illa Apostematum colluvie, in massam sanguinis, per venas circulari motu reducti, resorbatur; quòd si sanies ista nimia copia sanguini ingeratur, non tantùm febrem accersit, qui ægri vires planè sunt impares, sed etiam omnem ejus massam putredine, ceu veneno quodam, inquinat. Sed neque hoc mali caput est: quinetiam ab intensiore Febris calore, postremis hisce diebus à nimia puris vi excitato, *Ptyalismus*; qui variolis confluentibus comes indivisus esse debet, præproperè sistitur, unde ægro spiritus continuò intercluditur. Quòd si dicta materia purulenta parcius sanguini infundatur, insurgens Naturæ robur secundariæ hujus Febris impetum nullo negotio reprimit, & abscessulis indices magis, magisque exarescentibus, æger brevi convalescit.

Si vera sit hæc & justa hujus morbi Historia, cæcus sit oportet qui non videat, omnem ejusdem in utramque partem eventum, à Curationis fundamento rectè aut secus primis in diebus jacto, pendere. Nam si calidorum, & præcipuè jugi lectuli usu, calentes hæ ac spirituosæ particulae acuantur,



neceſſe eſt ut aſſimilandi facultas [quâ jamdiu plus ſatis pollent] adhuc intendatur & augeſcat.

Adde quòd ſanguis & reliqui humores his modis excalefacti, fortiori particularum impreſſioni promptius cedunt, unde plures quàm reſpoſtulabat, emergunt puſtulæ, & æger nullâ neceſſitate cogente in vitæ diſcrimen conjicitur. Quando oppoſitum huic regimen, & modicè frigidiusculum, atque aeris uſus liberior, non tantum fervidarum ac ferocientium particularum vim retundit, ſed etiam condenſat obſeruatque humores, quo ſe validius ſpiritibus morbiſicis opponant, atque eorundem ſuſtineant impetum, unde non major materiæ Varioloſæ copia conflatur, quàm pro genuina morbi indole.

Sed nec unico hoc incommodo, quòd ſcilicet nimia materiæ morbiſicæ quantitas aſſimiletur, & ſuperexaltetur fermentum morbi, multatur is, qui juſto citius ad lectum damnatur: at ex eodem fonte ſæpiſſimè profluunt tum miſtus ſanguineus, tum etiam maculæ purpureæ, æſtivo maximè tempore, atque in juventa adhuc florentibus. Utraque hæc ſymptomata, niſi fallor ego, ortum ducunt ab æſtu & furore, in quem agitur ſanguis à ferventibus & ſpirituofis particulis, à quibus exagitatus atque inſigniter attenuatus, vaſorum clauſtra diffringit, nunc in miſtu ſanguineo, quoties in renes irruit, nunc purpureis in maculis, quoties per arteriarum extremitates in muſculos & cutem terminatas, percolatur, unde totidem quaſi *ſphaceli* oboriuntur iis in partibus, in quibus extravafatus ſanguis coagulatur. Atque ut præcaveri facile poterant duo hæc ſymptomata primis morbi diebus, quibus plerumque emicant, regimine & diætâ in frigidum vergentibus, ita ubi jam actu comparuerint, pariter operam ludet, qui iſdem mederi conabitur, ægrum lecto includendo & Cardiaca exhibendo, ac luderet anicula, quæ nimiam aquæ in olla ebullitionem, igni fomitem ſubminiſtrando, ſufflaminare fatagat.

Sed ut verum fateamur, utut offendantur Dogmatici & hujus rei ignari, ac proinde iniqui judices, non ſolùm malè tutum fuerit, ægrum primis diebus lectulo jugiter affigi, verum enim verò eſt ubi æger libero aeri omninò eſt exponendus, ſi æſtas ſcilicet fuerit, atque æger ætatis florem nondum prætergreſſus, aut liquoribus ſpirituofis aſſuetus, præſertim ſi morbus nimix computationi originem debeat: His inquam in caſibus, præcipitem nimis puſtularum eruptionem haud equidem arbitror ſatis coerceri poſſe, tum à lectulo abſtinendo, tum etiam à Cardiacis; at ſanguis etiam ſine horum ſubſidio, ſpirituum præfervidorum & morbo congenerum largo penu auctus, magno cum impetu, ut explodatur quaſi, neceſſe habet; atque inſuper tanta humorum congeries in exanthemata faceſſet, ut præ nimia puris copia in ſanguinem regurgitantis ſub fine morbi, æger quaſi obrutus, fato omnino ſuccumbat.

Quamvis haud rarò fermentum immodicè exaltatum tantam colluviei Varioloſæ vim conficiat, ut æger incipiente adhuc morbo è medio tollatur; cum ſcilicet materia morbum committens, tum præ nimia ſui copia, tum præ motu inordinato ac confuſo in ſanguinis maſſa excitato, ſe nequit extricare



& foras educere, cuius loco mictus sanguineus & purpureæ maculæ tragœdiæ catastrophe fiunt. Quod etiam & in Morbilibus, & in Febre, Scarlatina dictâ, sæpiusculè occurrit, ubi scilicet intempestiva opera in iisdem ad eruptionem vehementius sollicitandis infelicitè collocatur.

Neque sanguinis missio, quantum mihi videtur, licet maturè celebrata, ita efficaciter præproperam materiæ Variolosæ assimilationem cohibere valet, ac sanguinis contemperatio ab aere intromisso, maximè si statim ab emissio sanguine æger lectulo committatur, & cardiacis calidioribus mactetur, his etenim modis, sanguis propensior redditur excipiendis adventitii caloris impressionibus, quam ante venæ sectionem fuerat. Et sanctè assero, insignissimum ferè omnium, quos mihi unquam videre contigit, è Confluentium genere morbum, & qui ægram undecimo die jugulaverit, juvenulæ supervenisse, ubi primùm à Rheumatismo usitatâ illa methodo copiosæ & iteratæ venesectionis fuerat liberata. Atque hinc mihi primum innotuit, Phlebotomiam non perinde, atque ego prius arbitrabar, Variolis intra justos limites coercendis conducere: Tamen si sæpè numero observaverim, reiteratam catharsin sanguine nondum inquinato, subsequentes Variolas laudabiles & distinctas ut plurimum reddidisse.

Neque verò me fallit permulta esse, quæ contra sententiam hanc nostram, quâ ægrum interdum lecto eximimus, possint objici; eaque haud exigui, tum apud hominum vulgus momenti, tum etiam apud minus hac in palæstra exercitatos; quos Judices appellare solet vulgus medicorum, ut eorum auctoritate malè fundata theoremata statuminent, utpote quæ magis, & quasi ad amussim horum captui quadrent, quam quæ ab ingeniis penetrantioribus maturè sunt excogitata; unde sequitur, ut cum pars hominum longè maxima exteriori tantum rerum cortici contemplando apta nata sit, paucissimi autem veritati in profundo latitanti inde extrahendæ pares sint, Sciolli isti τῶν πολλῶν suffragio adjuti primas faciliè ferant, hi autem perspicaciores calumniantium maledicentiâ excipiantur, Πολλοὶ γὰρ παρθινοφῶγοι, παύροις δ' ἐπὶ Βάκχοι. Qui tamen æquo id animo ferunt, veritate freti, & saniorum, paucorum licet, consensu. Primò itaque objicietur, quòd lecto abesse primis morbi diebus pustularum eruptioni officiet, & ex consequenti ægritudinem, aliaque symptomata ab impedita eruptione pendentia, in longum ducet. Hoc verum esse minimè nego, cum experientia ferè quotidiana ei suffragetur. Quærendum est autem, ubi gravius periculum, vel in sufflaminanda paulisper materia Variolosæ, atque ea de causa ægritudinem à non eruptione pendentem aliquantisper protrahendo; vel ex altera parte nimis urgendo morbi fermentum, & tam insignem materiæ Variolosæ quantitatem assimilando, ut æger ad orci fauces sistatur à Febre secunda, die morbi undecimo. Si rem rectè expendamus, liquebit, opinor, paucissimos idèò fato defunctos, quod exanthemata seriùs ocys non efflorescerent, nisi fortè ex iis aliquot, quorum sanguis præ nimia excalefactione, motu inordinato, quasi cestro quodam, percitus, materiæ morbificæ leniter



excernendæ otium non concedebat ; quod à meis partibus militat , non pugnat mecum. Neque enim extimescendum est , quin , si nihil prorsus agamus , materia Variolosa ( utut primis hisce diebus hinc illinc transvolans , quamcunque occupaverit partem , fatiget , unde vehementiora illa symptomata , vomitiones enormes , dolores variis in partibus , &c. enascuntur ) tandem tamen à victrice natura debellabitur , & in corporis habitum extrudetur , præsertim cum ægri alvus hucusque ut plurimum adstricta , pustularum eruptionem , seram licet , certam tamen fore spondeat. Ast è contrario quot quantique letho patent aditus , quoties pustulæ intempestivè & nimio opere exiguntur ? Longum foret omnes percurrere : præcipuos jam indigitavimus. Sunt autem hi , 1. Nimirum auctus exanthematum numerus , cui ex æquo respondet Febris ultimis diebus succedentis majus minusve discrimen. 2. Mictus sanguineus & maculæ purpureæ , quorum utrumque ab extravasato sanguine oritur , qui plus justo attenuatus & quasi præ æstu ferociens , disruptis vasorum repagulis , qua data porta ruit. 3. Ut supra dictum est , debitæ eruptionis suppressio totalis , à nimis sedulo in præcipitanda eruptione conamine , quo non magis scopus medico propositus attingitur , quam si quis id agens , ut densa hominum turba spatiosis ædibus inclusa , seriatim & servato ordine inde exiret , machinâ chartaceâ pyrio pulvere refertâ ac in medio disposâ usque ad eò omnes percelleret , ut singulis ad portam omni ope contendentibus , proindeque constipato agmine in ejus faucibus hærente , exitus universis , quasi cuneo factò , præcluderetur.

Jam si quis roget , quorsum debita materiæ Variolosæ separatio non perinde primis hisce diebus promoveri possit , si æger moderato lectuli calore foveatur , ac si ab eodem arceatur ; sciscitabor ego ex adverso , an non testetur experientia quemlibet lecto inclusum tempore brumali , stragulis modicè contextum , foco non accenso , magis percalescere , quam si idem probè vestitus in eodem cubiculo extra lectum versetur. Quod si de differentia notabili satis constet tunc erit querendum , quænam ex his methodis magis apta sit ad reprinendam exuberantem fermenti Variolosi agitationem ; ad quam metam , si quid nostra mediocritas judicando valet , à Medico , incipiente morbo , præcipuè collimandum est , & prout ab eadem plus minusve is aberraverit , ita cum malis bonisve ægri rebus medicinam fecerit.

Incautioribus id verò præsertim hac in re imposuit , quòd sc. animadvertent ægrum suapte sponte in sudores proclivem , qui cum jugiter manarent , quoties lecto continerentur æger , æstus febriles haud parum minuebant , secus ac in iis , qui non sudabant. Primum autem perpendamus , quam ob causam Febri coercendæ ita impensam navemus operam , quum sit illa solennis naturæ machina , qui , tum in præparanda , tum in eliminanda materia quavis inimica in sanguine latenti , præcipuè utitur. Quis autem non videt , quòd dum ira sedulo sudorem provocemus ad mitigandum



Febrē , eādē operā , ceu Fructum præcōcem , humorem crudum & in-  
concoctum extrudentes , atque iis ipsis sudoribus immaniori postmodum Fe-  
bri ansam præbeamus ; cū hoc modo serum sanguinis [ quo tum ipse san-  
guis , tum etiam recens natæ fervidæ istæ & Variolosæ particulæ dilu-  
untur ] forās propellitur ; his interim particulis vires sumentibus , & fe-  
rociam , eo quōd jam liberæ sint à colluvie serosa , quam sudores exhau-  
ferant. Verbo dicam , Febris aliorumque symptomatum alleviatio à pro-  
vocato sudore , & pustulis exinde præmaturè exactis , quamplurimis ma-  
lè cessit , qui eam ob causam , vitam cum morte die undecimo commu-  
tarunt.

Observandum est autem , me ægro primis morbi diebus lecto interdicere  
ex hypothēsi tantū Variolarum è Confluentium genere subsecutarum :  
Namque distinctum genus quod attinet , modò certò prævideri possit , ut  
nulla ægro imperat necessitas se in lecto jugiter continere , ita illum ab eo-  
dem nullus abigo ; cū exanthematum paucitas , sive hanc , sive illam  
viam incedentem in tuto collocet.

Nihilominus non usque adeò mihi assentor , ut ea , quæ jam tradidi , ex  
authoritate iudicii mei ( quod scio quàm sit exiguum ) credenda autemem. Et  
profectò , ita parum firmas , & nullius ferè ponderis hominum quorumcun-  
que opiniones semper duxi , ut proprias etiam ubique pro suspectis habue-  
rim , quoties cū aliorum sententiis pugnant : quod & hīc etiam mihi usu  
veniret , nisi Phænomena practica quasi uno ore rationis iudicio suffragaren-  
tur. Seclusis enim practicis observationibus , id quod vel mihi , vel alii  
cuilibet pro ratione habetur , nihil fortassis erit aliud , quàm rationis um-  
bra aut phantasma , hoc est , mera opinio. Et quoties inter homines fue-  
rim , certior inde redeo , quàm sit periculosum , vel acutissimo ingenio præditis ,  
cerebrum in qualibet sive Artē sive Scientiā indagandā agitari perpetim & quasi  
concalefieri , nisi factum ipsum veri ac falsi iudicem ac sequestrum constitu-  
ant ; quodque istiusmodi magni Opinatores , ut cū Cicerone loquar , in  
controversiis purè speculativis , gradibus vel spatiis infinitis , quantum cui-  
quam possit innotescere , à veritatis scopo aberrant. Cū qui ad illa tantū  
applicuerit animum , quæ Praxis certò determinare queat , si quid fortè fuerit  
hallucinatus , nullo negotio ab errore liberabitur , ad hanc ceu ad Lydium la-  
pidem probatis , quas animo conceperat , rerum Ideis. Nam in hoc nostro  
negotio , an non mihi licet observare à quo maximè regimine adhibito , mi-  
tius aut sævius Variolarum genus producat , atque adeò conformem rei evi-  
dentiæ sententiam animo procudere ? Quod si alii idem fecerint , satis ha-  
beo. Iniquissimum est autem , cū ne semel quidem per omnem vitam fue-  
rint experti , quantum ægro profit noceatve jam sæpè memorata è lecto in-  
terdiu immunitas , me tanquam falsarium convitiis proscindere. Quod si jam  
olim vera , licet inopinabilia , sentientes calumniandi libido obtinisset , ne-  
mo quicquam tentasset quo invento homines juvari possint. Et sanè quorsum  
ego has mihi facerem molestias , nisi repetita sæpè & ferè quotidiana expe-  
rientia,



rientia, hanc methodum vulgari istâ longè tutiorem esse, inclamaret? Non sum usque ad eò delirus atque inops mentis, ut famam mihi quæram ab exagitata atque explosâ eorum opinione, qui, si plausum venarer, omni obsequio mihi ambiendi erant; neque malitiæ tam deploratæ cuiquam videri possim, ut hominibus, etiam seculis aliquàm multis post mea fata nascituris, ex meâ, si quæ erit illa, autoritate insidias struam, & vel mortuus, quod horreo referint, perinde ac vivus, illos occidam. Utut sit, hâc ego methodo meos ipsius liberos, sanguine & propinquitate conjunctissimos quosque, & quotquot se mihi liberè permiserunt omnino curavi. Si quid deliquerim, in eo à me erratum est; quòd obstinatæ contra sentientium pertinaciæ, ne durus ac præfractus haberer, aliquoties cessi, atque hâc de re eorum fidem appello quibus maximè familiaribus usus sum: Sed hoc ad infecilitatis meæ cumulum accessit, quòd aliquoties, etiam ubi astantes, ea quæ suaseram omnia per integrum morbi cursum fuerant aspernari, ægri tamen fatum (etiam si à calore quem promovebant amici & curatrices, me ad ravim usque reclamante, extincti) mihi crimini dabatur. Quâ de causâ accedente insuperabili τῶν πολλῶν præjudicio, benè mecum agi putarem, si nunquam deinceps ad Variolis laborantes accerferer.

Haud equidem inficias eo, Variolas, quocunque demum modo tractentur, nonnunquam tamen insigniter confluxuras, unde etiam nunquam vacant periculo, quicquid suppetiarum afferatur; id autem assero (quod mihi satis esse debet) diuturnâ atque iteratâ sæpè sæpius experienciâ innixus, eum in longè minori discrimine versari, qui à primo morbi insultu lecto interdii, & carnibus omnino abstinuit; nec nisi potum tenuiorem sibi indulgit, quàm qui statim lecto adjudicatus, medicamenta etiam Cardiaca assumpsit. Hæc enim methodus, quod suprâ etiam innuimus, ut plurimum densam nimis exanthematum segetem cohibebit, & ex consequenti etiam immodicam Febris secundariæ effervescentiam, quæ non solum suo Marte perimit, sed etiam salivam (de quâ in hujus Morbi Historia fusè egimus) præproperè incrasando, ægro perniciem ultimis morbi diebus minitatur. Quid quod hoc pacto tum sanguinis mictus, tum maculæ purpureæ præcaveri possint; quæ duo symptomata primis morbi diebus invadunt, idque persæpe nullo adhuc manifesto eruptionis indicio: quod etiam in Morbillis, Scarlatinâ Febre, atque Acutis aliis ab intensiore inflammationis gradu ortis, fieri assolet. Mitto jam jucundissimum istud refrigerium quo se æger perfundi animadvertit ab aeris appulsu liberiore, quoties à lecto calente dimittitur; quod etiam singuli, quibus id per me licuit (maximas agentes gratias, quasi vitâ & spiritu receptis, hâc aurâ postliminio vescerentur) pleno ore agnoverunt.

Unde mihi subiit cogitare, quanto sæpius fucum nobis facit illa, quam talem esse opinamur, ratio, quàm sensus iste certissimo nobis cognitus; quodque in morborum curatione, plus dandum est ægrorum appetitionibus & desideriis impensioribus [modò perquam enormia non fuerint & quæ vitam ipso facto extinguant] quàm magis dubiis ac fallacibus Medicæ Artis regulis.



Exempli gratiâ. Febre ardente laborans, tenuioris potûs refrigerium liberaliori manu concessum iri vehementer efflagitat; Artis jam Theoremata Hypothesi alicui innixa, quæ sibi alium scopum proponit, quocum pugnat liquoris frigentis indulgentia, appetitui adversantur, & hujus loco medicamentum Cardiacum imperant. Idem æger alimenti omne genus, dempto potu tenui, maximopere fastidit; hîc Ars, maximè illa quam profitentur Curatrices & Amici adstantes. omnino comedendum esse acriter contendit. Alter post diuturnum ab eâdem causâ languorem, absurdi aliquid, & quod fortè nocere posse videatur, obnixè petit; Ars iterum molesta se opponit; & mortem intentat morem non gerenti; nisi fortè ipse Artifex sanum illum prudentissimi Hippocratis Aphorismum probè concoxerit, *Cibus & Potus paulo deterior, suavior tamen, melioribus quidem, sed insuavioribus* (hoc est minus gratis) *est anteponendus*. In his omnibus, naturæ ut videtur, aberrationibus, quilibet in Praxi medicâ vel mediocriter versatus, modò animum diligenter adverterit, facile concedet ægròs haud paucos, ubi primùm spreto Medici dictamine, Genio suo obsecundaverint, se meliùs habuisse. Neque hoc sanè mirabitur, qui secum reputaverit, sapientissimum rerum omnium Conditorem Statoremque universa tam exquisito ordine absolvisse, ut sicuti omnia naturæ mala ad concinnandam totius operis harmoniam egregiè conspirent, ita eorum singula divino quodam artificio, propriæ essentiae quasi intertexto, donantur, quo subjectum eadem mala à se amoliantur; quod in morborum quàm plurium Acutorum exitu naturali satis cernitur, (*Acutos* dico, qui ut plurimum Deum habent Authorem, sicut *Chronici* ipsos nos) uti etiam in propensionibus istis quæ tales comitantur morbos, & ad ægrum ab illâ pernicië liberandum viam struunt, quam Ars adfert, quoties in fatuos cadit. Atque in hoc sanè bene cum hominibus agitur; quorum genus universum aliter se perquam malè habuisset, tam cum Ars medica intra breves *Hellado* cancellos tota staret; quæ quidem eam ferè ad terrarum orbem proportionem habet, quam habet ignobilis aliqua Villa ad nostram hanc *Britanniam*. Et quid vel impræsentiarum de tot tantarum regionum incolis fiet, cum omnis *Asia*, *Africa* omnis, atque omnis etiam *America* [demptis aliquot nuperis *Coloniis* haud ita populosis,] atque insuper magna *Europa* pars, Arte medicâ prorsus destituantur? Attamen ut eleganter *Comicus*, viros rationis ac virtutum usu præstantes, ab eorum grege, qui formam humanam vitâ ad instar brutorum ἀλόγων actâ conspurcant, distinguens, Ὡς χελὴν, inquit, ἴσ' ἀνδρῶν, ἀν' ἀνδρῶν ἢ ita etiam Ars medica, si revera Ars fuerit, & non solum nomine tenus, maximum est donorum omnium quæ hanc vitam respiciunt, tantoque cæteris omnibus præferendum, quanto ipsa vita iis quibus in illâ gaudemus, præcellit.

Sed ut ad rem redeam: Quantumcunque conducat plerumque ægro ut primis morbi diebus lecto non addicatur, est tamen (quod observandum) ubi etiam ante eruptionem omninò addici debeat. Exempli gratiâ, *Infans*  
de



de symptomatis Dentitionem comitantibus jam securus, derepente *Spasmo* corripitur: in hoc casu cogitandum est mihi, convulsionem istam fortassis à nataræ conatu quo *Variolas*, *Scarlatinam Febrem*, aut *Morbillos* in corporis habitum protrudere satagit, pendere, licet hucusque lateant sub cutis tegmine. Ut itaque tam periculoso symptomati eamus obviam, *Emplastro Epispastico* nuchæ mox applicito, lecto quamprimum committendus est; exhibito insuper medicamine aliquo *cardiaco*, cui etiam *Paregorici* pauxillum est admiscendum, quo & potentiùs morbi causam eliminet, atque etiam tumultum à quo oritur Paroxysmus consopiat: Verbi gratiâ, puero trienni, *gutta v. Laudani liquidi in Aquæ Epidemicæ cochleari uno* (aut quid simile] sunt propinandæ. Et profectò suspicor admodum, nè dicam certus sum, millenos aliquot infantes, & nonnullos etiam ætate provectiores, idcirco letho fuisse datos, quod non satis animadverterint Medici hujuscemodi Convulsiones nihil aliud fuisse, quàm morborum jam dictorum prænuncios: cum enim Practici paulò incautiores, paroxysmos hosce revera symptomaticos pro affectibus Essentialibus habeant, Enematis sæpe repetitis & aliis evacuationibus eos aggressi, Variolarum eruptioni officiunt, ac proinde permanentiores etiam reddunt paroxysmos istos, quos tanto molimine opprimere student, quique aliàs, ubi primùm pustulæ eruperint, suâ sponte certo certius evanescerent. Hic autem, fausto lætoque omine (quod alibi diximus] Variolæ, quæ cum spasmo teneriores pueros invadunt; rarò insigniter conflunt, unde æger longè tutiùs lecto conceditur primis hisce diebus. Licet observaverim Variolas, quoties *Affectus Comatosos* à tergo insequuntur, admodum confluere; quo in casu ipsemet Vesicatorium, & Paregoricum, quale suprâ descripsi, potius adhiberem, quàm ut ægro jugem lecti usum ante eruptionem permitterem. Quinimò animadverti ejusmodi *Convulsiones* quandoque (oppidò tamen rarò) *Intermittentium Februm Paroxysmos* præcedere; *Affectus* verò *Comatosos* cum dictis paroxysmis unâ invadentes & non nisi cum iisdem terminantes, tam in infantibus quàm adultis persæpe vidi, quorum similiter nulla in curatione ratio habenda est, sola autem Febris, utpote morbus primarius & essentialis, omni ope est expugnanda. Si enim Comatosis hisce Affectibus Febrem comitantibus curandis præcipuè incumberem, ac proinde Venæ-sectione, Catharsi, atque Enematis repetitis, sopori vincendo operam navarem, Febrem inde magis accenderem, & ex consequenti eò usque augerem Coma [quod mihi erat tollendum] ut æger tandem ab eo æternum consopiretur; quando si in Febre debellandâ totis viribus contendam, symptomata omnia ab eâdem pendentia nullo negotio unâ facessent. Quod seriò notari velim, cum in hac re tam crebrò tamque fataliter errari soleat. De hoc verò alio in loco fusiùs dixi.

Aliquando etiam (quod proximè tradam) quantumlibet ægro conferat ut lecto interdium absistat, nihilominus non potest id solatii eidem indulgeri, ægritudine sc. *vehementiori*, *intensiori Febre*, *Vomitu enormi*, *Vertigine*, *Artuum dolore* quasi Rheumatismo laboret, & similibus contra,



indicantibus : quæ quidem symptomata omnio sæviora si fuerint , maxime in sanguineis & ætate florentibus , ingentem materiæ Variolosæ copiam intus natam , & discrimen haud vulgare , à pustulis exitum certatim quærentibus ac mox valde confluxuris , præsagiunt. Cùm itaque frænum fermento ita exorbitanti omni ope injiciendum sit , attamen hinc quidem illud continuo lectuli calore adjutum ferociet magis , illinc verò præ nimia ægritudine eodem abstinere nequeat ægrotans , nisi suppetias afferamus ; has ob causas omnino necesse erit , rebus sic stantibus , *sanguinem* primùm è brachii venis educere , & post aliquot horas *Emeticum* eradicativum *ex Infusione Croci Metallorum* exhibere , quod non solum materiam , à qua oritur ægritudo ista insolentior , foras propellit , sed etiam ægrum ita refocillat , ut jam quasi sanus lectulo abesse queat. Neque huic soli methodo innitendum est ad infringendas fermenti vires , sed quo magis æger in tuto collocari possit , præter evacuationes jam memoratas percommodum erit *Vitrioli Spiritum* potui tenuiori , quoties eum haurit , liberaliùs immiscere , etiam usque ad plenam pustularum eruptionem. Non obstantibus tamen hisce evacuationibus , tùm etiam usu potius refrigerantis , æger nihilominus non nisi nocturno tempore lectulo permittendus est , si quidem fieri potest , quoniam hæc universa longè minus ad inhibendam præproperam materiæ Variolosæ assimilationem faciunt , quàm una sanguinis contemperatio à novo aere per pulmones subinde reciprato : quæ quidem sola mirum in modum ægritudinem symptomaticam , de qua suprâ , sublevar confestim , quod à me non uno experimento comprobatum est. Hæc autem methodus paulò insolentior non nisi in ætate florentibus , quorum quidem sanguis sive à Venere , sive à Baccho incaluit , atque in aliis ( Infantes renellulos semper excipio ) quos unâ cum Variolis vehementiora atque enormia ista symptomata jam dicta adoriuntur , necessariò requiritur. Ubi sanguis non usque adeò accenditur , neque ita urget symptomatum violentia , uti materiæ Variolosæ præmaturè assimilandæ longè minor est suspicio , ita ex consequenti & evacuationes præmemoratae , & Vitrioli Spiritus omitti possunt.

Longior in his fui , quia sat scio Curationis exitum sive lætum , sive funestum , ab ea potissimùm , si non in solidum , ratione pendere , qua æger primis morbi diebus tractatur. Jam verò omni pustularum acie quasi in campumeductâ ( quod *die* ab invasione *sexto* , quarto autem inclusivè ab eruptione primâ , fieri jam diximus ) haud amplius interrumpendus est ægro lecti usus per reliquum morbi decursum : qui quidem ut ante hunc diem concedi non debeat : ita ut diutius differatur , vix patitur ægri status , modò confluentibus Variolis laboret. Hoc autem est genus [ quod notari velim ] de quo hætenus verba fecimus. Quæ enim & pauca & distincta emergunt Exanthemata , parum habent momenti sive in hanc , sive in alteram partem , si vel mediocriter in arte valeat is qui medetur. Quanquam etiam in genere hoc , utut suapte ingenio omni periculo vacet , haud pauci ( quod seriò dolendum est ) Libitinæ cesserint , quoties sc. malo suo fato in eos inciderint , qui



qui in promovendo calore spem omnem ponentes, cum morbo ad jugulandum ægrum, licet inscii, conspirabant.

Tempore ab hoc Pustulæ augescere & corporis superficiem undique concalescere incipiunt, at caput imprimis, unde æger, nisi fuerit infans, ad somnum difficilior est, & inquietudine vexatur: Quod proximo loco in hoc morbo diligenter expendendum esse arbitror; prout enim sedatior fuerit sanguis, ita debitum augmentum & magnitudinem acquirunt pustulæ, atque ex adverso, pro ratione orgasmi quo tumultuatur dictus sanguis, pustulæ marcescent, intercepto ulteriori progressu, unde non solum peccantis materiæ eliminatio sufflamatur, sed insuper singularum phlegmonum œconomia & genuina crasis interturbatur; indeque vel non omnino debito tempore ad separationem pertingunt, vel ichor demum fit puris vice, & loco flavi liquoris favum colore referentis, nigricans aliquis humor, vel succus alius non naturalis, & à genuinis Variolarum pustulis alienus, egeritur. Quapropter Medicamenta *Paregorica* æquè indicari in Variolis Confluentibus mihi videntur, ac indicatur quodvis remedium in quovis morbo; cum hîc quasi *Specificæ* sint, perinde ac Cortex Peruvianus in Febribus intermittentibus: quamvis haud ignorem Paregorica non virtute aliquâ præcisè specifica operari; sed isti solum Indicationi respondendo, qua sanguini & spiritibus consopendis & in ordidem redigendis operam damus. Atque hic quidem sanguinis & spirituum motus inordinatior (Variolarum Confluentium in adultis comes individuus) Anodynorum usum præ cæteris deposcit; necdum ei satis innotescit hujusce morbi Genius, qui ista Vigiliis tantum deberi existimat. Sicuti enim fieri quandoque potest, ut etiam non dormiens bene compositis ac sedatis fruatur spiritibus: [quod ab assumpto Laudano persæpe accidit] ita etiam nonnunquam fit, ut spiritus vehementius agitati laudabili pustularum eruptioni officiant, etiam ubi æger multum dormiat, quod observatione dignum.

Ut de genere Anodynorum jam loquar. Tamen si ego à multis annis *Laudanum liquidum* satis auspiciatò exhibuerim, quoties huic Indicationi satisfaciendum erat, nihilominus *Syrupum de Meconio* ipse præferendum censeo; licet enim utrumque ad eundem scopum dirigatur, tamen Laudanum paulò magis calefacere mihi videtur, Syrupus autem minus. Dosis quod spectat Syrupi, ea non solum ægri ætati est adaptanda, sed & symptomatum gradui, & quæ homini, qui sedatos habet spiritus & probè compositos, nimia forrè erit, alteri cujus spiritus ferociunt magis, vix sufficiet. Exempli gratiâ, ponamus in genere sex Drachmas plerisque convenire; jam in Variolosis, quoties, id remedii indicatur, vix intra *Unciam*, si quid præstare velimus, est subsistendum; quæ quidem quantitas singulis vicibus morbo decurrente imperanda est. De adultis agimus impræsentiarum, etenim si infantibus propinetur, dosis pro ratione ætatis erit minuenda. Et sanè Paregorica non perinde indicantur in infantibus Variolosis, ac in adultioribus, cum illi in somnos perdurante morbo proniores sint. Quamvis & in his quo-



ties à morbo periclitantur magis , à Paregorico abstinere multum extimescerem. At , quod dicere animus mihi erat , difficile est admodum Paregoricorum dosin , quocunque in casu ista indicantur , certo determinare. Etenim sive in quocunque *Spirituum motu inordinatiori* , sive in *vomitum enormi & alvi fluxu* , sive etiam in *dolore atrociori* [ in quibus affectibus tribus praesertim usum paregoricorum indicari alibi docui ] eâ methodo sunt exhibenda , ut si prima dosis metam non attingat , alia atque alia debito tempore assumatur , donec tandem medicamentum Medici votis responderit , non tam ad ingestam Anodynæ quantitatem , quàm ad effectum quod in ægro producendum erat , respectu habito , quod ubi primum successerit , nec citius , à Paregorici usu ita copioso ac frequenti cessandum est : interposito tamen semper inter singulas doses spatio aliquo , ut pernoscere valeamus utrum dosis ultima , id quod quaerimus praestiterit , antequam nova ingeratur. At ubi semel finem propositum obrinuerimus , dosis Anodynæ in morbi progressu exhibendi , jam minor pro re nata definienda erit.

Exempla haud pauca in promptu mihi sunt , quibus eis quæ hætenus tradidi fidem adstruam , at unicum impræsentiarum adducam. Aprilis 13. Anno 1681. Quædam è nostrâ viciniâ , nomine *Crosse* , ad me accedens atque fletus obnixè , petiit ut filium ejus decennem adirem , qui à die quarto malè habens , Variolis , ut ipsa metuebat , jam laborabat. Ego à podagrâ , quæ me tunc temporis excruciatum , detentus , Pharmacopolam , quo uti solco , rogavi ut ægrum inviseret , ac mihi de ejus statu referret : rediens ille mihi narravit pueri matrem è nescio cujus mulierculæ consilio , *pulverem Comitisse* & alia calidiora remedia filio propinasse ; quin & stragula adjecerat matris indulgentia , sub quibus quasi defossus latebat æger , ut horum pondere sudores ( ad quos ceu ad sacram anchoram in hoc morbo foeminae confugiunt ) exprimeret ; ad hæc magnam *Posseti* calentis vim , *floribus Calendulae & cornu Cervi incoctis* , ægro infuderat ; unde adaucto Febris calore , tantam spiritibus confusionem induxerat , ut præter modum deliraret æger , totis adstantium viribus vix lectulo affixus , ac incondita quædam , furentium ad instar , submurmurans. Nondum tamen in lucem prodibant exanthemata , vel saltem obscurè , sed denso agmine curim impetebant , inhibitâ planè eruptione ab hac methodo violentiore , quæ ad eam sollicitantiam destinabatur. Jubeo ut è lecto eximatur quanto ocyus , neque eundem nisi noctu ingrediatur ante elapsam *sextum diem* : dein ut syrupi de Meconio unciam dimidiam statim sumat , quo nehilum proficiente post horæ spatium eandem dosin repeto , at nullo cum fructu ; quippe quod sanguis tam immensi furebat orgasmo , ut non nisi uncis duabus cum dimidiâ [ spatio tamen inter singulas semiuncias interjecto , quo liqueret quid prostrema dosis praestiterat ] introassumptis frænari posset ; quo facto , unciam dimidiam tantum singulis noctibus hauriendam præscripsi usque ad finem morbi : quæ qui-



quidem illam spirituum requiem, quam crebrior exhibitio paraverat, tueri jam partam valebat. Unde etiam convaluit æger.

Hic minimè reticendum est, quòd in quantâcunque demùm dosi & quantumlibet repetitâ exhibeatur primis hujus morbi diebus Narcoticum, modò sanguinis æstus atque enormis spirituum agitatio magnopere ferociant, vix scopum attingere poterit id, nisi æger è lectulo eximatur: Calor enim lecti calorem morbi ulteriùs augetur atque incendit; proindeque vim ita magnam Narcotici exhibere necesse erit, cui fortean Natura impar fuerit: Quod etiam usu venit, etsi haud tanto vitæ discrimine, quando Cortex Indicus exhibetur in Febre Intermittente, agro per ejus usum in lecto se continente. Et hoc, ni fallor, in causâ fuit quod curatio hujusce Febris nonnunquam protelata fuerit, quæ aliàs citiùs absoluta esset, & quandoque etiam si Febris Remittens tantummodo, & non interstincta erat, eadem adèò intendebatur, ut mortem ipsam æger haud effugerit.

Missis autem casibus extraordinariis, in quibus nullo non morbi tempore indicari potest hoc remedium, ego istâ primùm nocte exhibendum suaserim quâ lecto jam in totum addicitur, *sextâ* nempe à prima invasione, à quo tempore usque ad *diem decimum septimum* omni vesperi est propinandum, vel saltem donec æger *ἔξω βέλων* quod ajunt, fuerit constitutus. Sexto enim die caro Phlogosi quali corripitur, unde caput ab humoribus exinde concalefactis turbari incipit & vacillare.

Curandum est autem sedulò, ut Anodynum temporius sumatur hîc, quàm in aliis morbis; quoniam quidam caloris & inquietudinis quasi paroxysmus Variolosos sub vesperam semper affligit; & quandoque accidit quòd, nisi maturius exhibeatur sub ultimis morbi diebus, æger, repente paulò hebetior factus, mox incalescat, post de ægritudine queratur, quæ brevi in ipsâ morte terminatur; attonitis haud parum amicis, qui paulo ante magnam de agro, ceu convalituro, spem foverant. Cui tanto malo occurrî fortean poterat Anodyno confestim ingesto. His itaque diebus, *undecimo* verò præ cæteris, Paregoricum temporius propinandum impero, etiam horâ quintâ sextave pomeridianâ, utque in promptu sit, si quando fortè ægritudo ex improvîso invaserit. Quinimo persuasissimus sum nonnullos ex mihi notis ideò fato functos, quòd dicto medicamento, re jam postulante, destituerentur; cujus ope, si adfuisset, adhuc inter viros numerari potuissent. Atque hoc in loco maximè, si in quo unquam alio, *Occasio præcepti est.*

Quapropter cum tam ingens discrimen impendear, si Narcoticum vel sat citò non fuerit propinatum, vel si è diverso ita præmaturè, ut ejusdem vis paregorica & spirituum sedatrix priùs exoleverit, quàm illud repetendum veniat; idcirco cum res in lubrico sit, tutissimum omnino est Anodynum statim horis tam manè quàm serò exhibere, ultimis sc. & periculosis morbi diebus. Neque hoc tempore syrupi dicti uncia semper sufficit,



sufficit, cum ea quantitas nihil magis præstet in intensiori sanguinis inflammatione & spirituum animalium exorbitantiâ insigniore, quàm uncia dimidia in morbo mitiore. Quinimo iterata experientia me edocuit, *Sesquiunciam* in juvenibus & sanguineo temperamento præditis pro singula dosi, violentiæ symptomatum, quæ tunc ingruunt, & in quibus præcavendis toti sumus, frangendæ parem tantum esse; quodque hæc ipsa dosi in talibus subjectis, atque iis temporibus, manè & serò, non tutò tantum, sed cum magno etiam ægrorum commodo, repeti possit, donec illi convaluerint.

Neque verò hoc reticebo, quòd in ultimis diebus Variolarum egregiè confluentium quandoque necesse habui etiam ter in spatio diei naturalis, i. e. Octavâ quâque horâ, Narcoticum exhibere; quando scilicet vel ob violentum spirituum orgasmum, vel ob eorundem confusionem ægritudinem aliqualem inducentem, longiora ab usu ejus intervalla haud concederentur. Hoc autem notandum, quòd si tam frequens Diacodii exhibitio ægro nauseam creet [quod in dictis diebus sæpe accidit] hoc in casu *Laudanum liquidum* propinandum; cujus gutt. xvj. idem valent, ac ℥j. *syr. de Meconio*, nempe si eodem modo præparetur quem in *Libro de Morbis acutis & in Cap. de Dissenteria* ibidem descripsimus.

Objicient, sat scio, illi, quibus hæc minus placent, materiam peccantem à Narcotico toties & in tam larga dosi repetito, fixam iri, & Ptyalismum retundi. Quibus respondeo, omnino fatendum esse Salivationem aliquatenus imminui, nunquam tamen ita penitus cessare, ut non longissimis ab assumpto Anodyno intervallis, atque ejus vi jam fatiscente, nonnihil recrudescat, imò verò gemino hoc commodo stipetur. Primò quòd æger, viribus à Narcotico instauratis, pituitam validius expectorare valeat. Dein quòd Saliva, quæ excreatur, licet parcior sit, rectius tamen excocta est, quàm si Anodynum non fuerit exhibitum. Proximo loco, Ptyalismi defectus hîc partialis plusquam compensatur faciei manuumque tumore, qui ex repetito Paregorici usu & certior est & major in iis diebus, quibus hæc partes solent intumescere: facies scil. ab octavo die usque ad undecimum, (quo tempore ferè incipit subsidere) manus verò ab undecimo, usque dum pustulæ eas obsidentes maturuerint. Atque fidenter assero, neminem in hoc morbo probè versatum posse negare utriuslibet horum tumorum absentiam, quo tempore se debent ostendere, pejoris esse ominis, quàm Ptyalismum interceptum. Me quod attinet, longè tutius esse autumo Ptyalismi compescendi discrimen subire, quàm à Narcotico abstinere: quod ita impensè morbus hîc efflagitat, ut in eo rudis sit oportet & parum observationi deditus, qui ægros suos subsidio tanto defraudat. Non verò ita capienda sunt, quæ hæcenus differui, ac si ego quotidianum Diacodii usum, vel eâ quæ convenit dosi, in tenellulis Infantibus, qui Variolis Confluentibus laborant, suaderem, nisi morbus periculum grave intentat, idque duabus de causis; primò, quia usque adeò non



calent infantes , atque illi , quorum vitæ fax plenius accensa jam luculentius ardet ; dein quod Narcoticorum jugiter assumptorum vim non ita benè ferat ætas mollior , & magis infirma. Adde quòd sponte suâ somno ferè perpetuo morbi tædia fallunt Infantes. Nihilominus quoties vel phrenesi illi corripiuntur , vel pustulæ mali moris sunt , Anodyna omninò indicantur , horum enim utrumque sanguinis atque spirituum animalium motum interturbatum plus satis evincit.

Duo hæc , quæ adeo prolixè tractavimus , nempe ista methodus , quâ inhiberi debet præproperea materiæ Variolosæ primis in diebus assimilatio , tum & altera , quâ motus spirituum inordinatus ab externarum partium inflammatione excitatus , est præcavendus , duo sunt quasi Cardines , in quibus omnis hujus morbi Curatio vertitur , quandoquidem quæ ex eo oriuntur mala , quòd utrique huic discrimini non satis occurreretur , funesta illa symptomata invitant , quibus Variolarum tragœdia absolvitur , Quocirca cum præcipuæ hæ fuerint Indicationes Curativæ , ubi iis modo jam tradito fecero satis , nihil amplius mihi restat agendum , in quantum sc. Medicus sum , non verò formularum medicarum Præscriptor : Quas ego duas , sive Artes , sive Dotes , sive etiam Provincias appellare libeat , toto cœlo à se invicem distare arbitror.

Unum adjicio , si *Epispastico* opus fuerit , id peramplum & satis acre ægri Nuchæ applicandum ; quod ita opportuno tempore fieri debet , ut neque præmaturè appositum vim epispasticam ante diem undecimum , in quo de summa rerum agitur , amiserit ; neque in eum ipsum diem rejiciatur , quo jam tardiùs adveniens , illo temporis articulo obesse possit , præ calore & æstu , quem sanguini imprimit , cum Febre Secundaria vix pari Marte tunc decertanti. Opportunissimè itaque applicabitur Epispasticum nocte illâ , quæ magnam morbi crisin præcedit , mox ab assumpto Paregorico , quod tunc erat exhibendum. Apposito per id temporis Vesicatorio , dolor , quem ejusdem morbus adferet , desinet ante diem illum , quo æger vel agonizaturus , & materiæ peccanti eo ipso tempore dabitur exitus , quo eo est opus ad vincenda mala ista , quæ illum diem præstolantur. Hoc enim primùm tempore , quod in hujus morbi Historia fusè deduxi , facies , quæ hætenus inturgescebat , jam detumescere incipit , & salivatio , quæ hucusque pleno anne fluebat , decrescere , condensato jam , & non nisi ægrè excreto , qui eam excitabat , humore. Ut verò mitramus Epispasticum illud tum faciei detumescentiæ , tum etiam imminutæ Salivationi quadantenus substitui , Febri insuper Secundariæ perdomandæ aliquatenus conducit , quæ nunc temporis invalescit , sanguine quasi obruto & penitus infecto puris copiâ à totidem abscessulis resorptâ ; adeò ut in omnibus ferè , quos unquam tractavi , Variolis laborantes , observaverim , pulsum in carpo salientem ægrè percipi posse hoc tempore , utut facile se pridie hujus diei & postridie etiam , digito exploratori se proderet.

Sed inter ea , quæ à capite sive derivant sive revellunt , nihil æque mihi

Ecc

vide-



videtur operari ac *Allium* pedum plantis applicitum. Quod *Allium* revera attrahat, manifestum est à vesiculis, quas sæpè excitat; & à dolore illo non ferendo, quem nonnunquam, licet rarò, affert, etiam non excitatis vesiculis, humores scil. in partes illas invitando; unde dolor tam vehemens quandoque exortus est, ut cataplasmate è mica panis similaginei in lacte cocti eundem sedare necesse habuerim. In adultis itaque qui Variolis Confluentibus laborant, *Allium* incisum & linteo involutum plantis pedum admoveo soleo; à die octavo, in quo primùm facies intumescit, donec jam morbus periculo omni vacet; singulis diebus renovandum.

Neque interim istud mihi prætereundum est, ægrum scil. à carnibus, durante morbo, arcendum omninò esse, & cerevisiam lupulatam eamque tenuissimam tantùm pro potu concedendam. Jusculis avenaceis, pomis coctis, & jam dictâ Cerevisiâ commodissimè interea vitam tolerabit. At verò instante jam maturatione, ubi particulæ purulentæ in sanguinis massam regurgitantes eandem tabo suo inquinaverint, utile erit cochlearia vini aliquot, singulis auroris & noctibus ægro indulgere. Stragula quod attinet, & lodices, quibus æger in lecto est contegendus, neque plura sint illa, neque pauciora, quàm quibus sanus utebatur. Quin & liberum ei sit, quoties voluerit, se ab hac in illam lecti partem transferre, quò præpediri possint sudores isti symptomatici, quos ægro nocere satis opinor, evici, Eodem pacto etiam præcavebitur effe-ratior exanthematum phlogosis excita à nimio calore, quem carnes contrahunt, quoties æger semper eodem in loco, ceu palo defixus, jacet. De hoc autem aliàs prolixius disserui.

Casum nuperrimum, ceu specimen integræ hujus Praxeos, subnectam. Hâc ipsâ hyeme me accersebat fœmina nobilis, Domina *Darres*, ut quendam suum nepotem, Dominum *Thomam Chev*, temperamento perquam sanguineo & ætate florentem Medicus curarem. Pridie cœperat febricitare vehementer; colluviem biliosam in magna copia per vomitum rejiciebat; dorsum plurimùm dolebat. His malis solatium quærens & levamen, lectum petebat, & tum stragulis acervatim injectis, tum calidis assumptis liquoribus sudores per diem integrum omni ope sollicitabat, sed frustra, cùm tanta ad vomendum proclivitas, & alvi fluxus, licet modicus, omnem sudorificorum vim eluderent; Oleum interea Febris igni affuderat, quo illa multùm increverat. Ego jam Variolas brevi exorituras suspicabar, easque insigniter confluxuras, rùm ob ætatis vigorem, tum etiam quòd sanguinem multùm excalefecerat irritò sudoris extorquendi conatu, [quo quidem, si modò æstare ægrotaverat, & mictum sanguineum & maculas purpureas certò advocaverat] tum verò maximè; quòd semper observaverim in juvenibus imminui vomitione, ægitudine, & dolore præter solitum vexatis, Variolas insequentes ultra modum confluxisse. Meum itaque esse ratus, ut nullum non lapidem moverem, quo præproperam materiæ Variolosæ assimilationem obstruerem, à lecto illum arcebam, nisi statis prius horis somni. Die sequenti [tertius is erat] Variolis nondum comparentibus, sanguinis uncias octo è dextro brachio manè extrahi curabam.



curabam : optimus erat ille floridusque , cū adhuc spirituosum tantum ~~maius~~ exceperat , nondum verò putredinem illam , quam conciliat longior morbi mora , & in eorum sanguine ut plurimum conspicitur , qui nuper ab hoc morbo , convaluerint. Horâ quintâ post meridiem diei ejusdem, Infusionis Croci Metallorum unciam unam exhibui ; ex qua satis commodè vomebat , & ægritudine levatus , longè melius habere visus est , jam haud invitus à lecto abstinens , à quo prius ægerrimè se divelli patiebatur , ægritudine & vertigine mactatus. Die quarto manè accedens , exanthemata , quibus præcavendis tanta fueram molitus , eo numero prodeuntia conspexi , ut ab insigniori quem minitabantur , confluxu , ægri vitæ metuendum esset. Diligenter itaque cavebam , ne lecto interdium committeretur , consulebam etiam , ut Cerevisiam tenuem Spiritu Vitrioli instillato acidulatam potaret. In his ad sextum usque diem perseverabat ; quibus diebus licet non ægrotaret , sed aurâ liberius vascens multum reficeretur , tamen alvo subinde laxiore fuit. Jam sub meridie non valebat ulterius , quod hîc fieri assolet , se à lecto abstinere , decubuit itaque usque ad finem morbi , me non reluctante , cū nunc erupissent pustulæ omnes , quæ , non obstante meo omni conamine , plus satis confluebant. Quamvis enim pauciora erant exanthemata iis , quæ in nonnullis observavi ab hoc morbo extinctis , plura erant tamen , quàm plerisque eorum , qui sanantur , solent prodire. Hâc primùm nocte Syrupi de Meconio Unciam unam in Aq. flor. Paralyf. propinabam , singulis deinceps noctibus repetendam ; suadebam etiam , ut non aliis stragulis , quàm quibus sanus assueverat , tegeretur ; ut Jusculis Avenaceis , & Hordeaceis , nonnunquam etiam pomo cocto vesceretur ; Cerevisiam etiam tenuem hauriret. Die octavo Allium incisum & panno lineo inclusum pedum plantis applicandum curavi , & renovandum quotidie ; donec extra aleam consisteret. Post hæc pro augescentium pustularum genio omnia cedebant , usque ad decimum diem ; quo tempore manè cum invisens , licet mediocriter se haberet , Febris tamen Secundariæ quendam quasi prodromum deprehendi , cum jactatione aliquali. Mox itaque procellam veritus imminentem , Paregoricum supra laudatum exhibui , à qua tranquilla omnia & pacata ; eadem nocte Syrupi de Meconio Sesquiunciam præscripsi. Sequenti aurorâ , diei scil. undecimi , cū post exolefcentem vim Anodynî , quod hesternâ nocte sumplerat , jam de novo esset irrequietior , Diacodii iterum Sesquiunciam extemplò ingessi , vesperi item tantundem , atque eandem dosim manè & serò ut assumeret quotidie consulebam , donec omnino convalesceret. Paruit æger ; neque aliquod nos deinde symptoma exterruit , nisi quòd urina ei quandoque supprimeretur , ( malum junioribus hoc in morbo familiare ) quam tamen genibus innixus in lecto reddebat. Ptyalismum quod spectat , quantumvis salivæ copia frequenti Anodynorum in tam larga dosi repetitione aliquantulum interciperetur , tamen longiore ab eorum usu intervallo pituitam concoctam excreabat , ac facies manusque debito tempore pro votis intumescabant. Die decimo octavo electo



surgerebat, & tunc primum jusculum è pullorum carnibus indulgebam, à quo per gradus indies ad victum consuetum redibat. Die vicesimo primo sanguis mittebatur è brachio dextro ad uncias octo, qui Pleuriticorum sanguinem æmulabatur, & puris ferè instar erat. Denique ad quatuor vices, spatio interposito, purgatus fuit.

Hic subinnuam, quod quoties in his pagellis dies ab invasione v. g. sextum, undecimum, &c. nominaverim, non ita accipi id velim, quasi Variolæ Confluentes tertio nunquam non die erumperent; cum satis sciam quandoque ita accidere, etiam in iis, qui vel maximè confluunt, ut pustulæ non nisi post aliquod à die tertio temporis spatium se exerant. Eruptio autem ut plurimum in diem tertium ab invasione incidit, & ut plurimum, qui (e. gr.) die Lunæ confluentibus Variolis primum laborare incipit, die Mercurii sequenti pustularum primitias in cute summa deprehendet, & Jovis dies ab illo die Lunæ secundus, undecimus ille erit, periculi plenissimus, nisi interposuerit se Medicus.

Atque hîc iterum repero Theoremata hæc omniâ ad *Confluentes* tantum *Variolas* referri debere, quæ in genere distincto nullum prorsus usum habent, nec ab illo exposcuntur. Etiam sibi quam aliis imponunt, qui attollunt cristas, quoties eos sanaverint, quibus Exanthemata numero pauca, eaque inter distincta efflorescebant. Si tentare libeat, quantum in Arte valeant, in Variolis Confluentibus vires experiantur; maximè quoties vel florentes ætate, vel eos qui immodicâ vini ingurgitatione nimium incaluerint, hic morbus invaserit. Ne in levioribus exercitari, ita toto cœlo aberrant, ut se eos servasse existiment, quos ipsi adstantes non occiderint.

Verum dissertatiunculam hancce non prius finiam quam ubi retulero quæ mihi, dum hæc scriberem, suo ore narravit Amicissimus Dominus *Carolus Goodall*, M. D. Collegii Medicorum Socius, atque impræsentiarum Censor: quod mihi ideò faciendum duxi, quo melius iis fidem conciliem, quæ cum hic, tum alibi & de Petechiis & de mictu sanguineo affirmavi: utrumque nempe hoc symptoma quoties Acutis morbis accedit, atrociori sanguinis inflammationi omnino deberi, ac proinde Refrigerantia indicare remedia. Casus se ita habuit.

*Juvenis annorum quasi 27. habitu corporis extenuato, & calido temperamento præditus, Febre violentâ & continuâ correptus est mense Junio, Anno 1681. Lingua erat sicca & scabra, suis vehemens, pulsus celer, dolor regionem cordis scrobiculo vicinam discruciat, dorsum verè imprimis, (in quo jugiter deserviebat,) sanguinem subinde mejebat, tum & Petechiæ coloris subfusci collum, pectus, & carpos densè insidebant, Die sexto accersitus Medicus, & agrum de vitâ periclitari à nimia urina sanguinolenta excretionem comperiens, Indicationes curativas ad sanguinem refrigerandum incrassandumque, cum etiam ad vasorum oscula, qua in Renibus relaxata dehiscebant, obturanda dirigenda censebat.*

*Premissis itaque tum Vena-sectione, tum Balo lenitivo, agrum, n. à lecto, quan-*



quantum fieri potuit, se abstinere, seriò monuit, cùm a continuo lectuli calore mictum sanguinis promoveri non dubitaret: suadebat etiam ut in culcitra corio tectâ ager potius dormiret, supinus non nisi rarissimè jaceret, lac aqua permistum, ut potaret, Panatellâ, oryza lacti incoctâ, pomis coctis, sive solis, sive aqua fontana intritis, & saccharo edulcoratis visceretur. Medicamenta ordinabat sequentia.

℞. Fl. ros. rub. ℥vj. cort. inter. Querc. ℥ß. Sem. Plantag. parum contus. ℥iij. Aq. Fom. ℥iij. Sp. Vitriol. q. s. ad gratam aciditatem: infundatur in vase clauso calore leni per quatuor vel sex horas. Colat. add. aq. Cinnam. hord. ℥iij. Sacch. albiss. q. s. ut f. Tinctura gustui grata, de quâ sæpiusculè bibat die noctuque.

Enema à lacte cum Syrupo Violaceo injiciebatur horâ à meridie secunda: & horâ somni sequens Haustus propinabatur.

℞. Aq. fl. Paralys. Plantag. Cinam. hord. an. ℥ß. Aceti stillat. ℥ij. Syr. de meconio ℥vj. M.

Die septimo, symptomatis vix se remittentibus, Enema jam descriptum singulis diebus injiciendum curabat, tum etiam Emulsionem, Haustumque ad hunc modum prescribebat.

℞. Sem. Cichor. Endiv. Lactuc. Portulac. an. ℥ij. Sem. Cydon. Papav. alb. an. ℥iß. Amygd. dulc. excort. n. iij. contendantur simul in Mortar. marmor. sensim affundendo Aq. Hord. ℥iij. colat. add. sacchar. Crystall. q. s. f. Emulsio, de qua bibat cochl. xij. quartâ quaque horâ.

℞. Aq. fl. Paralys. Nymph. germin. Querc. Plantag. an. ℥ß. Aceti stillat. Aq. Cinam hord. an. ℥iij. confect. de Hyacinth ℥ß. syr. de meconio ℥j M. f. Haustus horâ somni sumendus.

De octavo, cùm adhuc instaret Febris, sanguis Urina immixtus copiosius exiret, & Petechie in pramemoratis partibus numerosa comparerent, omnia hac symptomata à sanguinis calore, tenuitate & acrimoniâ, oriri conjectans, sanguinem secundâ vice detraxit, liberaliorem cerevisie tenuis usum, cui Vitrioli spiritus ad gratam acorem prius instillabatur, concessit: quam cum fastidiret ager, possetum è succo limonum & lacte ei indulgit, uti etiam limonum pulpam in taleolas divisam & saccharo involutam. Addebat & sequentia.

℞. Conf. Lujul. Cynorrhod. an. ℥ß. confect. de Hyacinth. ℥iij. Diastord. ℥iß. corall. rub. preparat. sang. Dracon. Bol. Armen. an. ℥j. Syr. è. Symphyt. & Pilefell. q. s. ut f. Opiata, de qua capiat quantitat. Avellana sextâ quaque horâ, superbibendo haustulum seri lactis succo limonum facti & sacch. alb. edulcorati, vel decocti Vulnerarii Spiritu Vitrioli acidulati.

Haustus hesierna nocte prescriptus repetatur, cum Syr. de Mecon. ℥x.

Nono die Petechie paulatim evanescabant, Urina minus sanguine scatebat, quique inerat sanguis facilius separabatur, & macula fundum libentius petebat: hortabatur itaque agrum ut in Remediorum horum usu perseveraret, & diebus aliquot elapsis sequentia adjiciebat, ad eundem scopum collimantia.

℞. Conf. Ros. rub. per setaceum traject. & Vitriolat. ℥iv. balsam. Lucat.



*℥ij. Bol. Armen. Sang. Dracon. Spec. Electuar. Diacoral. an. ℥j. Syr. è Coral. q. s. ut. f. Elect. de quo cap. quant. Nuc. Moschat. bis de Die, superbibendo haustum Emulsionis sequentis.*

*℥. Sem. Lactuc. Portulac. an ℥iij. Cydon. ℥jβ. Papav. alb. ℥β. Amygd. dulc. excort. n. v. contund. in mortar. marmor. sensim affundendo Aq. Plantag. ℥ij. Aq. Cinam. Hord. ℥ij. Colat. add. Sacch. q. s.*

*His remediis, favente numine, ager intra septimanas tres à Febre & horrendis illis quæ memoravimus symptomatis liberatus, Petechiis abolitis, atque urinatum colorem naturalem tum consistentium recipiente, paulatim ad sanitatem & vires pristinas rediit.*

Quamvis autem symptomata ista jam dicta Febri continuæ accrescerent, non verò illi morbo, de quo nos suprà egimus; cùm tamen quoties utrumlibet ea comitantur, à vehementi inflammatione & sanguinis nimia attenuatione, unde sanguis per oscula vasorum quasi vi exigitur, semper ortum ducant; nullus dubito quin par Methodus in tantâ causarum paritate omnino si adhibenda; quantum sc. fert utriusque morbi Genius. Quamobrem Virum Optimum rogabam, ut mihi per illam liceret hanc ejus Curationem hîc subnectere. Quam quidem si quis vel mihi infensissimus, (cùm tamen alienos mores è propriis æstimans, nullum inimicum habere sperem] præstiterat, tamen veritate victus, præclarissimam eam fuisse omnium, quas unquam novi, curationum, lubens faterer: quoniam jamdiu compertum habeam quàm sit fatale Febricitantibus sanguinem cum Urina excernere. Cum verò idem amicitia mihi sit conjunctissimus quanto cum animi pro lubio & Veritati & Viri Amantissimi famæ mihi litandum erat. Hic enim ille est, qui cùm pauci admodum me vel minimum quid in re medicâ sive indagandâ sive etiam excolendâ profecisse asserere auderent, maledicorum torrenti se medium objicere sustinuit, atque me pari zelo ac fide rutabatur, quo Parentem Filius. Quantumlibet autem beneficio tam insigni devinctus, nunquam tamen nisi eas, quas commereuit laudes, prædicarem, cum perinde ferè sit improbum sive opprobrio sive laudatione indignos afficere, quandoquidem utrinque à veritate discedatur. Nemo itaque mihi vitio vertat, si Virum hunc ego nemini, inter eos qui mihi hætenus innotuere, probitate secundum fidenter affirmaverim, cùm in tot annorum spatio, quibus eo familiariter usus sum, nec dicto quemquam lædere, quanto minus facto, sibi permiserit. Quantum verò in ea quam proficitur Arte præcellat, modò Deus vitam ei concesserit, brevi satis elucescet; cum Eruditioni haud vulgari qua omnes Medicinæ tam Antiquæ quàm Modernæ tractus perlustraverit. exquisitissimam in subtilioribus Praxeos minutiis indagandis solertiam [sine qua nemo unquam Medicinam merita cum laude faciet] catus attulerit: Unde etiam Ægrorum suorum votis, Bonus Felixque cum primis responderet.

Hæc demum sunt quæ ipse de hoc morbo sentio, quæ non mihi suggestit phantasie imaginatricis temeritas, sed Phænomena Practica edocuerunt. Ne-



Neque sane capio, quâ fieri possit, ut fallatur is, qui cogitationes suas omnes mera ac nuda ejus sive Artis sive Facultatis Praxi limitat & determinat, quam sibi perdiscendam & cum laude exercendam proposuit: aut è contrâ quâ possit fieri, ut non tam in ipso se, quàm in aliis decipiendis omnes vitæ annos prodigat ille, qui in iis excogitandis operam disperdit, quæ cum Praxi nihil prorsus habent commune. Et sicuti haudquaquam faustus probusve *navis ad Clavum Gubernator* fuerit ille, qui non tam ad breviam & laxa sub marina agnoscenda evitandaque, quàm ad causas Fluxûs Reflexûsque maris speculandas animum adverterit (quod quidem cum Philosofo sit dignissimum, ab eo tamen perquam est alienum, cui id tantum negotii datum est ut navis non submergatur,) ita neque Medicus, cui non alia quàm curandorum morborum provincia decernitur, quantumlibet ingenio cæterisque animi dotibus valeat, in Arte verè Medica proficiet, qui non tam in occulta & tortuosa illa Methodo, qua Natura morbos parit alitque (à qua etiam eorundem Historia pender) indaganda, atque in remediis eidem adaptandis omnes animi vires intendat, quàm in curiosis & *ωαγέγυος* speculationibus cerebrum fatiget, ad homines orco eripiendos (quod sponder Medicina) nehilum facientibus. Quæ quidem prævaricatio non solum in causa est, quod genus Humanum commodis illis & emolumentis privetur, quibus à plurimorum ingenio animique dotibus augeri potuisset, sed etiam effecit tandem, ut quæ Medica appellatur, revera Confabulandi Garriendique potius sit Ars, quàm Medendi. Atque eò tandem deventum est, agris vivendum moriendumve sit, prout Philosophus vel conjectando scopum attigerit, vel labecodem aberraverit, quod in lubrico semper est atque ancipiti, cum primi isti speculationum repertores, non minùs quàm eorum mancipia, & servum pecus, de cerebrosis istis commentis bello quasi internecino invicem digladiantur, attamen nemo fortasse omnium ipsam veritatem assequatur. Quamvis enim, si mentem seriò applicuerimus, quid de facto agat Natura, & quibus in operatione suâ utatur organis deprehendere valeamus; modus tamen quo illa operatur, mortales, aut ego fallor, semper latebit. Neque hoc mirum est, cum longè (imò supra omnem humanum captum longè) credibilis sit nos misellos homunciones ab illustri vitæ lucisque regione exulantes, methodum qua in fabricanda machina usus est sapientissimus Artifex, capere nullatenus posse; quàm Fabrum Ferrarium rudem prorsus & imperitum, nescire quo pacto concinetur Automaton Horarum index, cujus structura & motus exquisitissimam artis elegantiam præ se ferunt. Sicuti de facto constat Cerebrum omnis tam Sensûs quàm Motûs fontem esse, tum etiam & Cogitationum & Memoriae officinam, & tamen non est possibile à diligentissima ejus inspectione contemplationeve mentem usque ad eò illuminari, ut intelligere possit, quo pacto substantia ita crassa & quasi pulpa, quædam, neque operis, ut videretur, usque ad eò affabrè elaborati, usui ita nobili & facultatibus tam præcellentibus queat sufficere; neque exinde assignare quis potis est, qua ratione ex



naturæ ejus vi & structura partium, siue hæc siue altera ista facultas necessario fuerit exerenda.

Atque hæc de Variolis Confluentibus: Quibus si adduntur quæ in Historia Morborum Acutorum de hoc affectu tradidi, summam habes eorum quæ mihi hætenus innotuere, eaque omnia diligentissime quod à me fieri potuit, trutinata atque expensa.

Accingo me jam [ quoniam tu id postulas, Vir Eruditissime ] ad ea exponenda, quæ de *Affectionibus Hystericis* hætenus observatione comperi. Quas quidem, perobscuram & difficilem, præ cæteris qui homines vexant, morbis, diagnosin habere, tum etiam ægrius curationem admittere, lubens fateor. Attamen ut potero morem tibi geram, ea, quæ Epistolæ convenit, brevitate; quam sanè à me exigit valetudo infirmior & quasi vacillans, hac præsertim anni tempestate, qua mihi verendum est, ne si pertinacius cogitationibus indulsero, Podagræ mox paroxysmum accersam. Paucis itaque expediam, quæ hîc habeo dicenda; methodo, qua uti soleo, insistens; brevem sc. morbi Historiam tradens secundum verâ Naturæ Phænomena; tum etiam medendi rationem subnectens quæ mihi optime cessit; quamque non tam librorum lectio, quàm experientia propria, Magistra haudquaquam infida, jam olim suggessit.

Hic morbus, si rectè calculum pono, Chronicorum omnium frequentissime occurrit; & sicuti Febres cum Appendicibus suis duas partes Tertias, ad Chronicos morbos simul sumptos si comparentur complent, ita Affectus Hysterici (vel isti saltem qui eo nomine insigniuntur) ad reliquæ partis Tertiæ dimidium assurgunt, hoc est, Chronicorum pars media sunt: Fœminarum enim paucissimæ [ qui sexus Adultorum dimidia est pars ] ab omni horum affectuum specie prorsus liberæ sunt, si istas excipias, quæ laboribus assuetæ durè vitam tolerant. Quinimo non pauci ex iis Viris qui vitam degentes sedentariam chartis solent impallescere, eodem morbo tentatur. Et quamlibet omnis retrò Antiquitas symptomata illa Affectibus Hystericis adnascencia Uterò semper vicio verterit, si tamen *Affectiones Hypochondriacas* vulgò dictas, quas Splenis aut Viscerum nescio quorum obstructioni imputamus, cum mulierum Hystericarum symptomatis conferamus, vix ovum ovo similis, quàm sunt utrobique Phænomena,prehendemus. Neque tamen reticendum est, Fœminas multò crebrius hoc morbi genere corripì quàm solent Mares, non quòd se Uterus magis male habeat quàm alia quævis corporis regio, sed ob causas infra explicandas. Sic nec spectabilior est hujus morbi frequentia, quàm varietas illa multiformis qua se ostendit, & nullos ferè non æmularur ex iis affectibus quibus atteruntur miseri Mortales. Quamcunque enim corporis partem infederit, symptomata, qualia ei competunt parti, statim producit: Et nisi Medicus tam sagaci quadam solertia & Devotione, quam in Arte peritia valeat, fraus ei fiet, atque ista symptomata à morbo aliquo essentiali hujus vel illius partis, non verò ab affectione Hysterica, pendere arbitrabitur.

Quan-



Quandoque v: gr. *Capitis* arcem occupans, *Apoplexiam* facit, quæ similiter *Hemiplegia* solvitur, eam omnino referens *Apoplexiam*, quæ tum ætate, tum mole corporis grandiores siderantur, & quæ ex eo nascitur, quòd, Cerebri Cortice pituitæ copiâ referto ac scatente, Spirituum animalium meatus ac semitæ intercludantur: à qua quidem causa, quæ fœminis Hystericis accidit *Apoplexia*, oriri nullatenus videtur, cum easdem haud infrequens adoriatur confestim à partu, magnâ sanguinis vi simul ejectâ, & vel partui laboriosiori; vel vehementiori alicui animi commotioni debeat.

Quandoque *Spasmos* horrendos gignit, *Epilepsia* per similes, *Ventre* & præcordiis guttur versus intumescantibus, & nixus ita fortes edente ægrâ, ut licet aliàs mediocrium tantum fuerit virium, jam omni adstantium ope vix retineri queat, incondita interim atque inarticulata quædam vociferans, & pectus feriens. Fœminæ, quibus hæc species, quæ *uteri Strangulatus* vulgò audit, familiatior est, temperamento sunt ut plurimum plusquam solet sanguineo, & habitu corporis ad Viragines accedente.

Nonnunquam *exteriolem Capitis partem* occupat, *Pericranium* inter *Craniumque*, dolorem vix tolerabilem adferens, in quadam tantum particulâ, quæ transverso pollice contegi possit, jugiter defixum. Dolorem hunc etiam comitantur Vomitiones enormes. Hæc species *Clavus Hystericus* mihi est, istas præcæteris fatigans, quæ *Clorosi* laborant.

Nonnunquam in *partes* incidens *vitales*, ita vehementem *Cordis Palpitationem* excitat, ut quæ eam patitur fœmina pro indubitato habeat, sonitum Cordis in Costas arietantis etiam ab adstantibus omnino debere percipi. Hæc species eas maximè infestat, quæ extenuato sunt corpore, & crassius firmâ, quæque Extabescentium pene formam præ se ferunt; tum etiam Juvenculas *Febre Albâ* pallescentes.

Nonnunquam *Pulmones* obsidet, unde æger creberrimè tussit & ferè sine intermissione, nihil prorsus expectorans: & quantumlibet hæc Tussis species non ita valido nisu thoracem concutiat atque illa quæ Convulsiva dicitur, Explosiones tamen longè frequentiores sunt, æger præterea non ita sensu valet. Hæc autem *Tussis Hysterica* species oppidò rara est, & fœminas pituitâ scatentes præcæteris exagitat.

Nonnunquam in *Colon*, & regionem *Scrobiculo Cordis* subtensam impetum faciens, dolorem vix ferendum infligit, *Iliacæ Passioni* haud ab similem; ubi ægra immodicè vomit, colluviem quandam Viridem, Bili, quam *Porraceam* appellant, ferè parem, nunc etiam insoliti alicujus coloris, rejiciens. Sæpè etiam postquam ægra ad multos dies jam dicto dolore [qui vel Stoicorum *ἀνὰ θώρα* expugnaret) & continuo vomituritionis conatu tantum non fuerit enecta, tandem *Ictero* intensiore omnem corporis superficiem ad instar Croci tingente, solvitur Paroxysmus. Ægra intetea diris mentis angoribus pressa, omnem recuperandæ Sanitatis spem prorsus abjicit: quæ quidem animi dejectio & quasi *desperatio* quædam, non magis, quantum



ego observavi, ab hac Hystericorum Affectuum specie sejungitur quàm si-  
ve dolor, siue Vomitus præmemorati. Atque hoc genus in istis præcipuè locum  
habet, quæ corporis habitu laxiore crudoque sunt, tum & in iis, quæ  
Infantes grandiusculos, cum ingenti sui & naturalium vitæ staminum dispen-  
dio, sunt enixæ.

Quandoque hoc malum in alterutrum ex *Renibus* incurfans, atrocissi-  
mo quem illic parit dolore, *Paroxysmum Nephriticum* omninò mentitur,  
idque non solum doloris genere loquere quo sævit, sed & adscitis Vomi-  
tionibus immanioribus, tum etiam nonnunquam ex eo, quòd dolor per  
Ureterum ductus propagetur. Ita ut ægrè admodum dignosci queat, utrum  
hæc symptomata ab incluso Calculo, an verò ab effectu aliquo Hysteri-  
co enascantur, nisi fortè Casus aliquis acerbior ægræ animum paulo ante-  
quam corripere discrucians, aut materiæ viridis per vomitum rejectio,  
symptomata ista Affectioni potius Hystericæ quàm Calculosæ tribuenda esse  
docuerint. Sed neque *Vesica* ab hoc Pseudosymptomate atque e mentito Af-  
fectu immunis est; cum non tantum ipsa ab eo doleat, sed & Urina sup-  
primatur, perinde ac si Calculus eam obstrueret, qui tamen nullus est. Ra-  
rissimè autem cernitur postrema hæc species Vesicam attingens, quæ verò  
Renum calculum imitatur, non ita rarò. Utraque eas solet invadere fœ-  
minas, quarum vires repetitis sæpè paroxysmis Hystericis jam fractæ sunt, &  
sanitas corporis detrita.

Nunc in *Ventriculum* decumbens, continuas *Vomitiones* excitat; nunc  
etiam *Diarrhæam*, quoties scil. in Intestina effunditur: at neutrum horum  
symptomatum sequitur dolor, licet in utroque persæpè compareat dictus il-  
le succus viridis. Utraque hæc species iis familiaris est, quas frequentiores pa-  
roxysmi Hysterici debilitaverunt.

Atque ut hic morbus omnes fermè partes *Internas* infestat, ita etiam  
nonnunquam & *Exteriores*, carnemque musculosam occupat, *maxillas* sc.  
*humeros*, *manus*, *crura*, *tibias*, nunc dolorem adducens, nunc tu-  
morem: in quo genere is qui tibias distendit tumor præ reliquis conspicu-  
us est. Cum enim in Hydropicorum tumoribus duo hæc semper observari  
possint, ut tumor sc. sub vesperam se majorem exhibeat, tum etiam ut pa-  
stæ instar madentis, vestigium digiti fortius impressi formamque referat; jam  
in hoc altero, tumor matutino tempore protuberantior est, nec digito ce-  
dit præmentis, aut vestigium ullum manet. Plerumque etiam tibiarum alte-  
rutram tantum inflat: de cætero siue magnitudinem spectes, siue etiam su-  
perficiem. Hydropicorum tumores ita ad amissim æmulatur, ut ægrè se  
haud faciliè ab ea quæ insedit sententia, dimoveri patiantur.

Sed neque ipsi *Dentes* (quod vix credas,) ab hujusce morbi insultu so-  
possunt defendere: licet neque vel minima cavitas, neque humoris alicu-  
jus defluxus, saltem qui percipi queat, doloris siue ansam præbuerit, si-  
ve vehiculum; qui nihilominus nec mitior est, nec contractior, aut ex-  
pugnatu facilior. Isti verò tum dolores, tum tumores, quibus afficiun-  
tur,



tur, partes exteriores, quas supra memoravimus, eas præcipuè fœminas adoriuntur, quæ, longâ paroxysmorum Hystericorum serie ac impetu violento tantum non examinata, vitam ducunt vix vitalem.

Inter omnia verò morbi hujus tormenta, nullum se tam crebrò ingerit quàm *dolor* in *Dorso*; quem certo certius persentiscunt, quotquot vel levissimè hoc affectu tanguntur. Quinimo id habent effectum commune dolores prædicti, quòd illa, cui inhælerant regio, etiam post eorum discessum, tenera sit, & quasi fustibus probè fuerit dedolata, tactum refugiat; quæ quidem teneritudo sensim evanescit.

Hoc inrerim observatu dignissimum est, quòd non rarò notabilis quædam *externarum partium refrigeratio* symptomatis his omnibus viam quasi sternit, & plerumque non nisi paroxysmo finito dispellitur: quam quidem refrigerationem haud semel isti ferè, quâ rigent cadavera, parem comperi, pulsu nihilominus rectè se habente,

Addo, quòd Hystericæ ferè omnes, quotquot ego hætenus tractavi, de *spirituum* dejectione sive *subsidentia* (ut cum illis loquar) conqueruntur; pulmonis regionem indigitantes, quoties locum, in quo hæc spirituum contractio seu subsidentia sentitur, volunt designare.

Demum mulieres Affectione Hystericâ laborantes, nunc in *risum* effundi, nunc in *lacrymas* pariter immodicas solvi, nullâ *προφάσει* manifestâ sive illum, sive has extorquente, nemini non est notum.

Inter omnia verò, quæ in hoc morbo comparent Phænomena, illud maximè proprium est, atque ab eo ferè inseparabile, quòd sc. ægræ *urinam* subinde reddam planè *limpidam* ad instar aquæ è rupibus scaturientis, idque satis copiosè; quod quidem ego sigillatim percontando, in omnibus ferè didici signum esse Pathognomonicum eorum Affectuum, quos in Fœminis *Hystericos*, in Maribus *Hypochondriacos* appellandos censemus. Atque in Masculis nonnunquam observavi, quòd mox ab excreto lotio coloris Citrini [ imò verò proximo temporis momento ] violentiori aliquo animi motu derepente perculsi, statim urinam, Crytallum claritate æmulantem, magnâ copiâ & impetu diu continuato ejecerint, eò usque se malè habentes, donec urina pristinum colorem induerit, & paroxysmus simul evanuerit.

Quin & omnibus tam Hystericis, quàm Hypochondriacis, quibus scilicet jam malum inolevit, id accidit, ut *flatus* quandoque *nidurosos* è ventriculo emittant, quoties aliquid comederint, licet moderatè tantum & pro ratione appetitûs, tum etiam alipquando *acidum* eructent, acetum sapore referens, quoties in eos ascenderit; læsâ nempe utrobique concoctione, & succis proinde à naturali statu interversis.

Neque hoc tantum nomine infelices sunt, quòd corpus ita malè affectum & quasi conquassatum ad instar ædium ruinas undiquaque minitantium, tantum non corruat & fatiscat, cum magis adhuc animo ægrotent, quàm



corpore : Cùm enim desperatio planè insanabilis de hujusce morbi natura sit, indignantur admodum quoties aliquis vel minimam de sanitate recuperanda spem injecerit ; facile interim credentes omnia sc. quæcunque in homines cadere possunt incommoda , quæque adeò fert rerum natura , perpeffuros, tristissima quæque sibi ominantes , atque timorem , iram , zelotypiam, suspiciones , & si quæ atrociora sunt animi pathemata, vel ex levissima , vel etiam nullâ datâ ansâ , arripientes , & sinu fovescentes itrequieto anxioque ; ab omni interim gaudio, spe, lætitiâ abhorrentes : quæ si fortè occurrant , quando hæc raræ aves sunt , velocissimè avolant , animum interim haud minus vehementer exagitantia , quàm solent mœstiora illa *πάθη*, ita ut nulli bi mediocritatem servant , in una levitate constantes ; nunc amant præter modum , mox odio eosdem sine causa prosequuntur ; nunc hoc illudve sibi agendum proponunt , mox à proposito resiliunt , & quod cum eo pugnat , aggrediuntur , sed neque hoc peragunt, ita animi pendentes , ut nunquam liceat quierâ mente consistere. Quodque de Superstitiosis asserit Orator Romanus , nostris hisce Melancholicis pulchrè quadrat. *Perfugium videtur omnium laborum & sollicitudinum esse somnus , ac ex eo ipso plurimæ curæ , metuque nascuntur* ; cum funera tantùm in somniis , & datorum Amicorum umbræ repræsentantur. Ita tam animo quàm corpore excarnificantur , quasi hæc vita omnis Ignis esset Expurgatorius , in quo scelera alio in statu perpetrata jam luerent atque expiarent. Neque hoc tantùm Maniacis accidit & furiosis , quos dicimus , sed etiam illis , qui , si hos animi impetus excipias , prudentiâ ac judicio valent , quique & meditationum profunditate , & sapientiâ orationis longè eos superant , quorum mentes his cogitationum aculeis nunquam fuerint excitatæ. Ita ut non sine ratione observaverit Aristoteles, Melancholicos cæteris ingenio præstare.

At verò tam horrendus animi status , qualem supra delineavimus , non aliis competit , quàm iis , qui diu multumque cum hoc morbo conflictati , tandemque subjugati quasi victas manus dant : maximè si res adversæ , animi mœrores , sollicitudinesve , nimia in literarum studio assiduitas , atque animi contentio , cum prava corporis diathesi conspirantes , oleum camino adjecerint.

Dies me deficeret , si omnia quæ affectus Hystericos gravant symptomata enumerare velim ; tam diversâ atque ab invicem contrariâ specie variantia , quàm nec Proteus lussit unquam , nec coloratus spectatur Chamaeleon. Proinde rectè mihi videtur rationem subduxisse *Democritus* [ quantumlibet in morbi causa hallucinaretur ] ubi in Epistola ad Hippocratem missa disertè asserit ; *Sexcentarum ærumnarum , innumerarumque calamitatum authorem esse Uterum*. Neque tantùm multifaria sunt ista , sed nec regulâ aliquâ aut Typo uniformi se contineri patiuntur , quod in aliis hominum Affectibus tamen usu venit , sed quasi farrago sunt quædam *φαινόμενα* incomposita atque inordinata , unde per arduum est hujus morbi Historiam describere.



*Causæ* autem hujus morbi *Procatartica* seu externæ, vel sunt vehementiores corporis motus, vel etiam multo sæpius, violenta quædam animi commotio à repentino aliquo, sive iræ, sive doloris, sive etiam timoris, & similibus Pathematibus insultu. Quoties itaque me consulunt Fœminæ de hoc illove corporis affectu, cujus ratio è vulgaribus Morborum dignoscendorum Axiomatis nequeat reddi, nunquam non diligenter ab eis, exquiro, An non eo de quo conqueruntur malo, tum præcipuè fatigentur, cum tristitia, ærumna, aut alia aliqua perturbatio eas malè habeat; quod si annuerint, jam satis superque mihi constat morbum in hac, de quâ agimus, Tribu censendum; præsertim verò si diagnosi id clariùs illustret, quod sc. certis aliquot temporibus urinam limpidam & Crystalli æmulam, eamque copiosam simul excernant. His verò animi motibus, qui usitatioribus sunt hujus morbi *opopædes*, accedunt vel Stomachi vacuitas ab inediâ pertinaciori, vel nimia humorum evacuationes, sive à sanguine intemperanter effuso, sive ab Emetico, aut Cathartico, cui impares erant ægræ vires.

Jam verò ab hac totius morbi imagine, secundum vulgatissimam ejus *Φαινόμενα* depictam, proximo loco ejus *Causæ Efficientes internæ* sive *επονομείας* mihi veniunt pensandæ, quantum eas, ex omnibus quas descripsimus Circumstantiis simul junctis, expiscari valeam. Pendent ergo Affectiones istæ, quas in fœminis Hystericas, in maribus Hypochondriacas insignire libet, quantum ego judico, à spirituum Animalium *ἀνάγξα*, unde facto impetu in hanc illamve partem plus quàm pro ratâ densi nuntique feruntur, ipsamque utri & dolorem excitantes ubi in partes sensu exquisito præditas irruunt, atque organorum, tum ejus in quod se ingerunt, tum istius à quo abscedunt, functiones pervertentes; cum utrumque ab hac tam iniquâ partitione, quæ naturæ œconomix penitus adversatur, haud parum detrimenti capiat.

Cujus quidem *ἀνάγξα* origo atque *causa Antecedens*, est debillior dictorum Spirituum Crasis, sive nativæ ea fuerit, sive etiam adventitia, unde quavis *εποπῶδες* dissipatu faciles sunt & eorundem systema nullo ferè negotio dirimitur. Quemadmodum enim *Homo* quidam *Exterior* conspicitur ex partibus sensui obviis compaginatus, ita procul dubio & *Interior* est quidam *Homo* è debitâ spirituum serie & quali Fabricâ constans, solo rationis lumine contemplandus. Hic vero cum temperie corporis intimiùs conjunctus & quasi unitus, tanto ægriùs faciliùsve de statu suo dejicitur, quanto major est minorve ea, quàm à natura sortimur, Principiorum constituentium firmitas. Quamobrem Fœminas longè plures quàm Masculos hic morbus aggreditur, quoniam videlicet istas natura magis delicatulo rarioreque corporis habitu ceu vitæ molliori, & hominum deliciis destinatas) blanda donavit; Mars autem toroso corporis robore, utpote qui laboribus exantlandis in tellure colendâ, & repastinanda, & feris, quibus alantur, capiendis, aliisque similibus, apti nati sint.

Dictam autem Spirituum *ἀνάγξαν* hujus morbi causam esse, Phænomena jam descripta satis probant; quorum præcipua tantum attingam, à no-



tissimo illo Affectu Hyfterico, qui *Vieri Strangulatus* vulgò dicitur, initium faciens. Hic jam Spiritus, factò quasi agmine in ventre inferiore, catervatim magnoque impetu in fauces irruentes, spasmos excitant per omnem quam transeunt regionem, ventrem inflantes ad instar Globi prægrandis, qui tamen nisi aliud est quam partium spasma tentatarum convolutio & quasi conglobatio quædam, quæ non nisi magnâ vi reprimi potest & coerceri. Partes interim externæ massæque carneæ à spiritibus, jam aliò raptis, magnâ ex parte destitutæ, eò usque frigescunt persæpè, non in hac solâ Affectûs Hyfterici specie, sed in aliis omnibus, [ quod priùs adnotatum ] ut cadavera non frigeant magis. Pulsus interim qualis sanarum est, nec ægra ab hoc frigore de vitâ periclitatur, nisi illud ab evacuatione aliqua enormiori præcedente originem ducat.

Idem etiam dici potest de violentiori isto Affectu Hyfterico, qui externa facie *Colicam Biliosam*, vel etiam *Passionem Iliacam* æmulatur: in quo ægra dolore vix tolerando in regione Cordis Scrobiculo circumposita, una cum immani materiæ herbam colore referentis, evomitio, discruciat. Quod quidem symptoma haud aliunde nasci existimo, quàm à vehementi spirituum densè conglomeratorum in dictas partes impulsu, undè & spasmus, & dolor, & earum totalis facultatum subversio.

Neque ex eo quòd ista quæ in hoc Affectu sive per os, sive per sedem egeruntur, colore quandoque viridi tingantur, statim conficitur morbum hunc in humoribus residere, aut atrocissimum illum dolorem ab humoris aliqujus acrimonia partem cui inhæret dilanantis, produci; quem idcirco pro minera morbi habeamus, ac proinde Remediis tam *ἄνω* quàm *κάτω* Catharticiis radicitus extirpandum censeamus. Etenim de factò constat, ægritudinem illam, qua laborant Navigantes [ à spirituum animalium agitatione ortam, in fluctuanti ac itrequieto mari [ colluviem coloris planè herbacei ex hominum vel sanissimorum ventriculo exantlare, ubi primùm in mare longiùs sunt provecti, quibus tamen ante semihoram ultimò elapsam non inerat Bilis hæc, quam Portaceam appellare libet. Annon & Infantes in Paroxysmis Convulsivis, in quibus spirituum Animalium maximè res agitur, tam per superiora, quàm per inferiora materiam ejusdem planè coloris ejiciunt? Quibus addendum est id, quod experientia fermè quotidiana docet, sc. quantumlibet ejusmodi sive foeminas, sive infantes iteratâ Catharsi exhauserimus, attamen color jam dictus in eis, quæ vel per vomitum, vel per sedem exeunt, usque visetur. Quin etiam à Pharmacis tam Emeticis quàm Catharticiis frequentius propinatis uberior materiæ viridis nascitur seges, cum ab utroque genere spiritum *ἀταξία* provehatur: quæ vel, nescio quomodo istarum partium fermentum destruit ac pervertit, vel in ventriculum intestinaque vi spasmorum succum aliquem alienæ indolis intorquet, qui humores ejusmodi coloribus inficere potis est. *Chymici* Sectatores, licèt nondum ita bene cum illis sit, ut quæ in Organis suis *πολυτέχνη* Medicamenta elaboraverint, majus aliquid in morbis debel-



landis præstent, quàm quæ contunduntur in Mortario, vel in Ollâ decoquantur, tamen curiosorum ~~neglexia~~ eorumque gratificari norunt, ut duos liquores æquè limpidos clarosque ostendentes, ex iisdem invicem commistis saturatum colorem aliquem, quasi præstigiantes, possint exhibere. Et profectò, ita lubrica est & evanida Colorum speculatio, ut nihil certi ex illis, de corporum in quibus apparent naturâ, queat deprehendi. Neque magis sequitur ea quæ colore viridi sunt, acria esse omnia, quàm omnia quæ sunt acria, viridi esse colore. Re itaque undique perpensâ, satis liquet dolorem immanissimum qui hâc Colicâ Hystericâ laborantes penè examinat, tum etiam materiæ viridis rejectionem, à Spiritibus nimio impetu in partes sub cordis Scrobiculo positas incurfantibus, atque easdem spasmo contrahentibus. omnino excitari.

Huic etiam Spirituum enormitati tribuendum est symptoma istud, quod superius *Clavi Hysterici* nomine indigitavi, in quo Spiritus ab omni corporis ambitu in certo Pericranii quasi punctulo concentrantur, dolorem haud minùs perterebrantem, quàm si Clavus ferreus in caput vi adigeretur, accercentes, unâ cum insigni materiæ viridis evomitione. Quæ quidem Spiritum ab universo corpore quasi in punctum contractio non multùm abludit ab istâ radiorum Solis collectione, quæ fit ope Vitri Incensorii: utque hi vi unitâ exurunt, ita & isti ob eandem rationem dolorem infligunt, membranas quasi diserpentes lacerantesque junctis viribus.

Deinde ab hâc inordinatâ Spirituum agitatione sanguinem perturbante, exoritur Symptoma illud, tam Hystericis, quàm Hypochondriacis haud insolens, ut suprâ notavimus, quòd nempe sæpenumerò *urinam* reddant *claram* limpidamque simul & copiosam: cum enim sanguinis œconomia subinde interpellatur, quod importatur serum latis diu retinere nequit æger, sed illud priùs dimittit, quàm istis particulis salinis quarum ope color ad Citrinum traduci debuerat, imprægnari potuerit. Cujus rei quotidianum habemus experimentum in eis, qui, cum plus satis liquoris, maxime tenuioris atque attenuantis, ingurgitaverint, lotium mox limpidissimum excernunt. Quo in casu sanguis ab ea feri quantitate, cui retinendo prorsus impar est, planè devictus, illud omnino limpidum amittit, nec dum à corporis succis infectum, ob moram justo brevior.

Terrius jam agitur annus, à quo Nobilis quidam me sibi Medicum volebat, qui *Colicam Hypochondriacam* pati mihi videbatur, ad *Passionem Liacam* fere accedentem doloreque & vomitu enormiori; quo morbo diu multumque fuerat vexatus, & tantùm non fractus. Per omnem morbi decursum sedulus animadverti, quòd ubi pessimè se habuerit, urina limpidâ & exors coloris semper fuerit, quando verò paulo melius, ad Citrinum vergeret illa. Hunc die quodam adiens, urinam conspexi quam tribus vicibus excreverat, in Matulis totidem reservatam, Citrino colore præditam: lætus ipse hilarisque cibum ex ~~intempus~~ aliquem jam assumere medi-



meditabatur, invitante, quod mihi dicebat, appetitu: in quo temporis articulo superveniens quidam eousque bilem commovebat, ut extemplò ægrotans, Matulam deposceret, quam urina limpidissima crystallum colore æmulante, ferè implevit.

Fortè etiam à Spiritibus sanguinem ita molestantibus pendet *Ptyalismus* ille Hystericis familiaris, cùm ad multas Septimanas salivam expuant tenuem, perinde ac si Unguento ex *Mercurio* fuerint delibutæ: durante enim hoc turbido sanguinis statu, in quo excretionibus ad naturæ methodum exigendis impar is est, serum motum hunc inversum fortè sibi vendicans non jam in Renes pro lege naturæ exoneratur, sed per arteriarum extremitates in glandulas deponitur, & per *Ductus salivales* salivæ forma prodit. Idem dici potest de nocturnis istis sudoribus, quibus fœminæ Hystericæ nonnunquam profunduntur, qui non ab alia causa fluunt, quàm à feri sanguinis diathesi, qua in corporis habitum gestit effundi, ob modò memoratam sanguinis *ἀταξία*.

*Frigus* quod attinet, quo toties algent partes externæ in Affectibus Hystericis, luce clarius est, illud ex eo accidere, quod Spiritus suam in illis stationem deferentes, se nimio opere in hanc illamve partem inferant: Nec est dubitandum; quin tam *Fletus*, quàm *Cachinnus*, quem tollunt haud rarò Hystericæ, etiam nulla data ansâ; à Spiritibus Animalibus procuretur, Organa, quæ his functionibus Animalibus inserviunt, magna vi pullantibus.

Obiter dicam, Mares etiam, quamvis rariùs id eveniat, Fletui ex nulla *αποφασί* quandoque obnoxios reperiri. Accersabar aliquando ad Virum tam ingenio, quàm genere nobilem, qui non nisi paucis diebus à Febre convaluerat, alterius Medici consilio usus, qui & sanguinem detraxerat, & pharmacum Catharticum ter exhibuerat, tum etiam carnibus illi interdixerat. Hunc ubi vestitum conspexerim, & de rebus quibuslibet cum iudicio differentem audierim, rogabam quorsum me conveniret; respondit Familiaris quidam ejus, modò expectarem paulisper, res ipsa loqueretur; confidens itaque & sermones cum ægro trahens, mox observavi labrum inferius pendulum protrudi cum motitatione crebrâ [uti solent Infantes morosiores fletum adornare] & exinde ægrum in tantas solvi lachrymas, quantus vix aliàs vidi unquam, cum gemitu ac suspiriis tantùm non Convulsivis. Qui tamen repentinus torrens non ita multò post detumuit prorsus. Hanc ego Affectionem à spirituum *ἀταξία*, (partim à morbi diuturnitate, partim ab evacuationibus, quas *δρασκεία* necessariò exigebat, ortâ) pendere existimabam: partim etiam ab exinanitione, & abstinentiâ à carnibus, quam etiam ad dies aliquot posteaquam convaluerat, imperaverat Medicus, quo eum à recidivâ præstaret securiorem. Hinc eum pronunciai extra omnem Febris aleam jam constitutum; symptomæque prædictum, inanitioni tantùm deberi, ac proinde suadebam, ut pullum Gallinaceum assum in prandium juberet parari, & simul Vinum



modicè hauriret, quo facto, & carnibus deinceps moderatè vescens, nunquam deinceps Flerum hunc Convulsivum passus est.

Ut tandem finiam, (cætera enim, quæ in hoc morbo spectantur Phænomena, jam missa facio) ab hâc ipsâ Spirituum inordinatione nascitur perturbatio illa, & varians subinde tam animi quàm corporis intemperies, quæ tum in Hystericis, tum Hypochondriacis dominatur: cum enim utrisque defit ea spirituum firmitas, quæ in robustioribus atque iis, quorum facultates jugi spirituum vegetorum subsidio actuantur, semper invenitur, impressiones rerum minus gratarum nequeunt perferre, sed vel irâ vel dolore subito perciti, perinde sunt irritabiles, atque illi, quorum *ἡμερονισμός* mollius & debilius vel natura primò procudit, aut longior ægritudinum sive series, sive mora tandem reddidit. Etenim animi robur & constantia, quamdiu hoc corporis luto is incrustatur, à firmitudine spirituum eidem famulantium maximè pendet, qui quidem supremum in scala materiæ gradum constituunt, in ipso *Entis Immaterialis* confinio positi: Cumque Animi compages, si fas est ita dicere, longè magis affabra sit & delicata, quàm est corporis structura, utpote quæ in harmonia facultatum præstantissimarum & penè diuinarum consistat, si hujus *ὁλκας* quoquomodo fuerit interrupta conturbataque, major inde consequetur ruina, quanto præcellentius erat & magis exquisitum opificium, dum integrum perstaret. Et hic quidem miserorum quos depinximus, animoque fractorum status est; cui malo non citius remedium adferet pertinax aliquod vel insolentissimi Stoici Decretum, quàm *ὁδὸν ἁλγίαν* præcaverit is, qui firmiter statuerit, se nullo modo permissurum, ut dentes dolore pertententur.

Satis itaque jam constar opinor, omnem hunc morbum ad spiritus animales non ritè dispositos referri debere; nec à semine aut sanguine menstruo corruptis (quod asserunt nonnulli Authores) & halitus malignos in partes affectas elevantibus, produci; nec à succorum nescio quâ perversâ depravatione, sive etiam humorum acrium congestionem, ut alii volunt, sed ab iis quas modò assignavimus causis. Quòd enim morbi fomes in materia non delitescat, unicâ hâc instantiâ satis elucescet. Fœmina v. g. quæ rectissimâ semper valetudine uti solet, modò delicatula sit illa, & teneriore corporis habitu, si fortè errore aliquo, sive Emetico, sive Cathartico quovis fortiore nimium fuerit debilitata exhaustaque, certo certius symptomate aliquo, ex iis, quibus hic morbus stipatur, multabitur; quod tamen ejusmodi Vomitus vel Catharsis amoliretur magis quàm invitaret, si morbi minera in humore contineretur. Idem dici potest de immodico sanguinis dispendio, sive phlebotomiâ is fuerit extractus, sive in puerperio debito copiosius manaverit, uti & de exinanitione, & justo longiore à carnibus abstinentiâ, quæ omnia ad Affectus Hystericos præcavendo potius facerent, quàm ad eosdem accersendos, si illorum fomes in materia aliqua involveretur: cum è diverso non alia causa ita constanter pariat hujusmodi Affectus, ac solent dictæ Evacuationes.



Quamvis autem satis pateat originarium hujus morbi fomitem in humoribus nullatenus stabulari, fatendum est tamen (quod res est) spirituum ἀταξίαν illam, cui morbus debetur, humores putridos in corpore coacervandos gignere, cum tam illarum partium functio, quæ vehementiori spirituum impulsu distenduntur, quàm earum, quæ illis privantur, omninò pervertatur. Cumque harum pleræque *Organa* sint quasi *Separatoria*, excipiendis Cruoris recrementis designata, si earum functiones quovis modo lædantur, fieri non potest, quin ingens sæculentiæ colluvies accumuletur; quæ quidem eliminata fuisset, totaque proinde sanguinis massa depuratio facta, modò singula organa munus suum explevisent, cui nullo modo defuissent, si debita spirituum œconomia universas invigorasset. Huic egò causæ adjudico *Cachexias* insigniores, ἀνορεξίαν, sive *Appetitûs prostrationem*; in Juvenulis *Chlorosin*, sive *Febrim albam* [quam quidem speciem esse *Affectiōis hystericae* nullus dubito,] aliamque omnem malorum Lernam, in qua immerguntur *Misellæ*, quotquot hoc morbo diu elanguerunt, quæ omnia à succis putrescentibus in sanguine congestis, atque exinde in organa varia depluentibus, succrescunt. Hujus farinae est *Hydrops Testium* in fœminis, quæ jam diutius affectu *Hysterico* laboraverint, natus à succis depravatis è sanguinis massa in Organâ rejectis; unde perversis eorundem facultatibus, primò steriles fiunt mulieres, & destruitur prorsus œconomia partium, indeque serum & sanies gignuntur, quæ non tantum *Nodulos ovaque Testium* interficiunt sed etiam in *Tunicarum* interstitia se insinuantia, *Testes* in molem ingentem elevant, quod in earum dissectionibus cernitur, quæ hoc morbo pereunt. *Diathesis* interim *Hysterica* horum aliorumque humorum similium causa est primaria, quamlibet ejusdem cum illa *Prosapia* non fuerint.

Quemadmodum in *Febre quartana*, quâ vel pancreaticè valens quispiam corripitur, si modò duos tredecim dies in locis paludosis ac lacustribus egerit, primò, spirituosum quoddam πλάσμα morbi hujus sanguini imprimitur, quod diuturnius inhærens, læsâ tandem naturæ œconomia, omnes corporis succos inquinat, alienâ prorsus indole eos imbuens, unde æger (maximè si ætate grandior fuerit ac in senium jam vergeat) *Cachexiis* aliisque malis obnoxius redditur, quæ *Febribus* *Intermittentibus* diu affligentibus superveniunt. Quæ tamen *Febres* non sunt profligendæ remediis, quibus rectissimè expurgantur hujusmodi humores, sed *Specificis* iis, quæ abigendis istis *Febribus* immediatè dicantur.

Ex omnibus, quæ nos hætenus congesimus, abunde mihi constare videtur, præcipuam in hoc morbo *Indicationem Curativam* eam esse, quæ sanguinis (qui spirituum fons & origo est) corroboracionem indigitat; quo facto spiritus invigorati eum servare possint tenorem, qui & totius corporis, & singularum partium œconomia competit. Cum verò hæc spirituum ἀταξία [quod supra fieri posse concessimus] morâ longiore humores vitiaverit, è re fuerit eosdem jam corruptos & *Plebotomia* & *Catharsi* prius imminuere, modò ægræ vires permiserint, quàm ad sanguinem corroborandum nos ac-



cingamus; quem quidem scopum vix assequi poterimus, quamdiu faculenta humorum colluvies se mediam, quasi obicem, interposuerit. Quandoquidem autem *Dolores* atrociores, *Vomitiones*, & *Diarrhæe* enormes ita nonnunquam efferebant, ut inducias non ferant usquequo primariæ illi fortificandi sanguinis intentioni possit satisfieri, quandoque ab effectis consopendis [missâ aliquantisper causâ] Curationis tela necessario ordienda est, Exhibito sci. Medicamine *Anodyno*: dein spiritibus, quorum crasis infirmior morbi causa est; re-  
ctificandis opera danda est, quo ejusmodi symptomatis deinceps occurratur. Cumque experientia doceat permulta esse, quæ fœtoris exhalatione repellendis spiritibus seditionem molientibus, & in loco suo continendis apta nata sint, ( quæ idcirco *Hysterica* audiunt, ) neque illa sunt negligenda, quoties dictis intentionibus implendis operam navamus.

Ad hanc ego metam collimans, venam in brachio secari jubeo, dein ut purgetur ægra tribus quatuorve auroris continuis. Per hos dies, in quibus *Venæsectio* & *Catharsis* celebrantur, ita planè nihil emolumenti capere ægra, ut in pejus ruere, sibi videatur, cum dictæ Euacuationes tumultu concitato *αἰσχία* promoveant, quâ de re ægram diligenter præmoneo, ne animum despondeat, suadente morbi Genio: utut fuerit, vitiosi isti humores, quos à morbo diuturniore coaggeatos supponimus, quadantenus sunt detrahendi, antequam primariæ Intentioni percommode satisfacere queamus.

Post has Evacuationes, ad sanguinem confortandum & proinde etiam spiritus ex eo prognatos, *Remedium* aliquod Martiale seu *Chalibeatum* ad dies triginta præscribo assumendum, quo non aliud certiùs hîc votis responderet. Etenim massæ sanguineæ, jam effætæ & languescenti, volatile quoddam Fermentum, ceu calcaria, subdit, à quo excitantur & quasi eriguntur spiritus antea jacentes & suo pondere pressi. Cujus rei indicium est vel apertissimum, quòd quoties *Chalybs* in *Chlorosi* propinatur, pulsus derepentè major fit & celerior, exteriora corporis incallescere; facies non amplius pallida & mortuis concolor, sed vivida cerni & sanguine purpurata: Attamen hîc notandum, quòd non semper Venæsectio & Cathartica Chalybis usui sint præmittenda, cum viribus admodum imbecillis & diuturnitate morbi attritis fractisque omit- ti ea possint ac debeant, & cum Chalybe statim incipiendum; quod diligenter advertendum.

Commodissimè verò, aut ego fallor, in *substantia* exhibetur; atque ut nec observavi unquam ipse, nec fando accepi, cum ita sumptum cuivis nocuisse, ita certio- rem me fecit experientia multiplex, nudam Chalybis substantiam & felicius & breviori temporis spatio curationem absolvere, quam si is quovis, ex iis qui vulgò feruntur, modo fuerit præparatus. Cum tam in hoc quam in aliis melioris notæ remediis, id quandoque præstiterit Chymicorum officiosa sedulitas, non tantum ut *σπασμωγικά* non sint, sed etiam à perversa eorundem diligentia & opera plusquam otiosa, magis evilescant. Audivi etiam (quod si modò verum sit, assertionem hanc nostram fortiter sustinebit) ipsam Mineram, prout à terræ visceribus effoditur, crudam efficacius in morbis subju-



gandis operari, quàm Ferrum ignem jam passum & fusione depuratum: cuius rei fides tamen penes Authorem sit, me nondum experto; siccine se res habeat, an verò aliter. Id certò scio, nullum remedium præclarum atque *ἐξαι-  
εῖ* uspiam gentium fuisse procusum, quòd non à natura præcipuas vires acceperit: unde *Θεὸν Χεῖρας*, non verò Hominum præcellentiora quævis medicamina Antiquitas grata compellavit. Quòd verò nativâ quidpiam bonitate præstans & efficacîâ, mirandos edat effectus, quacunque demum formâ ingerratur, testes hîc adduco Par illud nobile, Papaveris lachrymam sive *Opium*, & *Corticem Peruvianum*. Neque enim tantum in medicamentis præparandis medica cernitur peritia, quàm in iis seligendis appropriandisque, quæ Natura, suo igne elaborata atque evecta, liberali manu porrigit. Id tantum nobis agendum restat, ut Medicamenta in eam formam reducantur, quâ vel eorundem substantia, vel saltem vis & efficacia meliùs corporibus nostris imper-  
tiri queat: cui muneri obeundo facultates nacti sumus plus quàm pares. Post Chalybis substantiam, ejusdem *Syrupo* lubentiùs & præ cæteris utor. Fit autem è ferri aut Chalybis limaturâ, in Vino Rhenano in frigido infusâ, usque dum vinum satis imprægnatum fuerit, quo factò liquor colatus cum sacchari quantitate sufficienti in Syrupi consistentiam excoquendus est.

Nec mihi solenne est toto illa spatio, quo ægra Chalybeata sumit, Catharticum aliquod statis intervallis exhibere. Cum tam in genere Hysterico quàm Hypochondriaco, Chalybis vires à Cathartico intercidi atque infringi mihi videantur. Quando enim id mihi palmarium sit, ut spiritus in ordinem redigam, atque eorum systema redintegrem firmemque, quod toto vix Octiduo resarciveram Chalybis ope, Cathartico vel lenissimo exhibito die unicâ rursus demolior; atque ita diruta extruendo, atque à me extructa subruendo, & ægros & operam ludo, vanus & infelix Ardelio. Qui quidem mos cum etiam in usu Aquarum Mineralium obtineat, quæ Ferri mineræ sunt participes, haud mihi dubium est, easdem exinde minus efficaces reddi. Non sum nescius quosdam fuisse sanatos, Catharticis non tantum intercalatis, sed etiam quotidie cum chalybe propinatis, quod tamen non tam Medici prudentiam, quàm Chalybis virtutem *ἐμπειρίαν* mihi comprobat, cum, si ea omittantur, breviori temporis spatio Curatio succedat.

Neque sanè video in aliis affectibus multis præter jam dictum, quid emolumenti, sive potius quid non incommoditatem repetita Catharticorum exhibitio ægris adferre queat. Quamvis enim haud negandum est, quin intestina ex impuritatibus liberent ea, & pariter è massa sanguinea humores noxios in ea stabulantes aliquantulum extrahant; è contra tamen haud minus certum est, quòd frequenter repetita in corporibus imbecillis (maximè verò in ætatibus tenellis) plurimum officiant; cum ex hac *ἀπορροή* ingens humorum colluvies in viscera eliciatur, atque iis in partibus deposita fermentationes præternaturales invitet; ex quibus deinceps *Tumores* in infimo ventre oriuntur, tanto magis indies mole augescentes, quanto sæpius æger purgetur. Atque id demum accidit, ut istæ partes præ imbecillitate & caloris nativi [jam sub humorum



onere quasi obruti] defectu, *tabe* facile afficiantur ac putrescant. Quandoque etiam, Oeconomiam viscerum ob causas jam dictas penitus everſa, *Glandulae* praeternaturales, *Strumae* soboles, & id genus similia Mesenterio accrescunt, & ad mortem viam sternunt. His rationibus adductus tutissimum esse iudico in *Infantibus* post evacuationes universales, easque perpaucae, eò Indicationem Curativam dirigere, ut confortentur sanguis & viscera. Quod *Vinum Hispanicum* vel solum, vel *Herbis corroborantibus* alteratum efficere potis est, modò manè & serò cochlearia aliquot [pro ratione aetatis aegri] satis diu exhibeantur. Cùm verò quae exterius admoventur, tenera Infantum corpora facile penetrent, proindeque sanguinem ipsum qualicunque virtute suâ penitus afficiant, è re erit in *Tumoribus* qui ventrem eorum occupant, sive *Scrophulis*, sive *Rachitidi verae* originem illi debeant, *Linimentis* uti quae sanguinem ac viscera corroborandi ac pariter labem aliquam morbificam iis inductam delendi vi pollent. Ut *℥. Fol. Absint. vulg. Centaur. min. Marrub. alb. Chamadr. Chamepit. Scordii, Calaminth. vulg. Parthenii, Saxifrag. pratens. Hyperic. Virgæ Aur. Serpill. Menth. Salvæ, Rutæ, Card. benedict. Puleg. Abrotan. Chamomel. Tanacet. Lilior. Corvall. (omnium rec. collectorum & incisorum) an. m. j. Axungia porcina ℥ iiij. sevi ovini, & vini Clareti an. ℥ ij. Macerentur in ollâ fictili super cineres calidos per horas 12. Deinde ebulliant ad humiditatis consumptionem, & postea colentur, ut fiat *Vnguentum*; quo venter ac *Hypochondria* illinantur mane & serò per 30. vel 40. dies continuas, ut etiam *Axilla utraque*. Quoad *Rachitidum* autem hoc notandum, quòd in tumoribus istis qui ventres Infantum post longas *Intermittentes Febres* olim infestarent, verae *Rachitidi* non multum abludentes, repetita Catharsis omnino videretur indicari, cùm ante usum *Corticis Peruviani* istæ Febres in diuturnitatem longam se extenderent, ac proinde sedimentum deponerent, huiusmodi Tumorum causam, quæ ideò non nisi purgatione repetitâ abigi poterat: Attamen in *Rachitide vera* Cathartica locum non habent, nisi ut semel vel bis ad plurimum aeger purgandus antequam usum Alterantium aggrediarur. Per totum autem tempus quo partes illinantur, intus assumat vel vinum modò dictum; vel, si fieri possit, pro potu omni bibat Cerevisiam in quâ quantitas sufficiens herbarum praedictarum, vel earum saltem aliquam multarum, unâ in dolio inclusa fuerit. Denique hoc quod innui diligenter advertendum volo, cùm non paucos Infantes atque pueros à Catharticis sæpe repetitis (quæ fortè ventris tumor invitaverat) interemptos fuisse satis sciam. Sed hæc obiter.*

Si quis objecerit, *limaturam Chalybis*, nisi aeger subinde fuerit expurgatus, in visceribus hærentem, ei, qui illam devoraverit, nocere posse; respondeo primùm me nihil unquam tale in quoquam deprehendisse: deindè longè verisimilius esse eandem muco & excrementitiis partium humoribus involutam unâ cum istis tandem omnem elabi, quàm medicamentis purgantibus exagitatam, quæ adstrictiones insolitas, & Viscerum torsiones contractio-



nesque afferunt; quâ quidem compressione, Chalybis particulæ viscerum tunicis impactæ in iisdem penitiùs defigi possunt.

Interea dum Chalybs administratur (ad confortandum scil. sanguinem & spiritus Animales) Remedia vulgò dicta *Hysterica* in usum quasi obiter revocanda sunt, idque eo modo atque ea forma, quæ maximè conveniunt ægris; quæ quidem si in formâ solidâ fuerint deglutitæ à minus fastidiosis, potentiùs longè spiritus in officio & loco suo retinebunt, quàm si in liquidâ hauriantur, hoc est, sive Decocta, sive Infusa. Ipsa enim substantia ventriculum diutiùs sapore suo afficit, & corpus inficit penitiùs.

In summâ, indicationibus, quas surprâ attingi, universis satisfactorius, paucula hæc & vulgaria præscribere soleo; quæ licet nihil magifici præ se ferant, ut plurimum tamen id præstant, quod volo.

*Mittatur sanguis è brachio dextro ad ℥viij.*

℥. Galban. in tincturâ Castor. solut. & colat. ℥iij. Tacamahac. ℥ij. f. Emplast. Umbilico admovendum.

*Sequenti manè aggrediatur usum sequentium Pilularum.*

℥. Pilul. Coch. maj. ℥ij. Castor. pulv. gr. ij. Balsam. Peruv. gutt. iv. f. Pilulula n. iv. Cap. horâ quintâ matutinâ superdormiendo. Repetantur per duas vel tres alias vices, idque singulis vel alternis auroris pro ratione virium, aut operationis.

℥. Aq. Ceras. nigr. Rutæ, & Brion. comp. an. ℥iij. Castor. in nodulo ligat. & in vitro suspend. ℥ss. Sacchar. Crystall. q. s. f. Iulapium, de quo capiat cochlearia iv. vel v. in omni languore; instillando primâ dosi, modo paroxysmus urgeat, spir. C. C. gutt. xx.

Post Pilulas purgantes modo suprâ descripto sumptas, utatur & sequentibus.

℥. Limatur. Chalyb. gr. viij. cum s. q. extracti Absynth. f. Pilula n. ij. sumat summo manè, repetanturque horâ quintâ pomeridianâ, per dies xxx. superbibendo haustum Vini Absynthitis.

Vel pro usu quotidiano, ℥. Limatur. Chalyb. & extract. Absynth. an. ℥iiij. mss. asservetur pro usu. Capiat iisdem temporibus gr. xvj. vel ℥j. in pilulas tres redact.

Vel si forma boli magis arrideat, ℥. Conserv. Absynth. Roman. & conserv. flaved. Aurantior. an. ℥j. Angelic. condit. Nucis moschat. condit. & Theriac. Andromach. an. ℥ss. Zinzib. condit. ℥ij. cum s. q. syr. Aurantior. f. Electuarium. ℥. Electuarii præscript. ℥ss. Limaturæ Chalybis probè triti gr. viij. cum s. q. syr. Aurantior. f. bolus, sumendus manè, & horâ quintâ pomeridianâ, superbibendo haustum vini Absynthitis.

℥. Myrrh. elect. & Galban. an. ℥ss. Castor. gr. xv. cum s. q. Balsami Peruv. f. Pilula, è singulis Drachmis xii. sumat ij. singulis noctibus, superbibendo Aq. Brion. comp. Cochlear. ij. vel. iv. per totum decursum hujus processus.

Sin autem Pilulæ ultimò præscriptæ ventrem moverint, quod in cor-



poribus quæ facillimè purgantur præ *Gummi* quæ insunt quandoque fit, tum sequentes substituantur.

4. *Castor.* ʒj. *sal. succini volatil.* ʒʒ. cum s. q. extract. *Ruta* f. *Pilula exigua numero xxx. cap. iij. singulis noctibus.*

Hic autem observandum, quod *Chalybeata* in quacunque forma aut dosi exhibeantur, fœminis quandoque magnas tum animi tum corporis perturbationes inducant, idque non solum primis diebus (quod ferè omnibus solenne est) sed etiam per totum tempus quo illis utuntur; in hoc casu non statim Chalybis usus dictis temporibus interrumpendus, sed, quod melius eundem ferre poterint, *laudanum* aquâ aliquâ hysterica mistum singulis noctibus ad tempus aliquod propinandum.

At ubi symptomata mitiora sunt, & res sine Ferro introsumpto transigi posse videatur, (in minore sc. morbo) satis habeo sanguinem mittere, atque alvum solvere ad dies tres quatuorve, ut supra diximus: Dein *Pilulas Hystericas* alterantes præmemoratas *manè & serò per x dies* capiendas imperare. Quæ quidem methodus in affectu leviori rariò à icopo aberrat. Imò *Pilulæ* istæ solæ, vel omissis Phlebotomiâ & Catharsi, sæpe magnos effectus edunt.

Seriò interim animadvertendum est, nonnullas fœminas *Idiosyncrasia* quadam, ab *Hystericis* illis medicamentis (quæ plerisque hujus morbi symptomatis levamen afferunt & solatium) ita penitus abhorrere, ut non solum non juventur, sed etiam insigniter ab eorum usu lædantur. In his itaque omnino sunt omittenda ista: *Φύσεως γὰρ ἀντιπαθήσεως*, ut divinus Senex, *νεκρὰ πᾶντα*. *Invita Minerva* nihil quicquam monendum.

Quæ quidem *Idiosyncrasia* adeò insignis ac frequens est, quod respectu ad eam non habito ægræ in discrimen vitæ conjici possint; idque non solum quoad Hysterica, sed quoad multa Remedia alia: Cujus impræsentiarum instantiam unicam adferam. *Fœminæ* nonnullæ *Variolis* laborantes *Syrupum* à *Meconio* usum ferre non possunt, utpote à quo Vertigines, Vomitiones, & id genus symptomata ad affectus Hystericos pertinentia, accersantur, quibus tamen *Laudanum liquidum* apprimè conveniat. Quod & dum hæc scriberem in Adolescentulâ Nobili observavi, cui *Variolis* laboranti cum sextâ ac septimâ nocte syrupum dictum exhibuissem, symptomata prius memorata singulâ exhibitione ei ingruiebant, neque pustulatum inflammatio debito modo procedebat; sed cum in posterum Laudano uteretur, à Symptomatis dictis prorsus immunis erat, faciei tumore ac pustulis indies augeturibus, &, quod non minus læti ominis erat, *anxietas* ista, cum *inquietudine* quâdam tam mentis quàm corporis, (quæ quasi *paroxysmus Variolarum* tolet esse) prorsus tolleretur, quoties Paregoricum hoc propinabatur, ægra mox vires atque animum exinde recipiente. Hoc obiter.

Atque ita *hystericus Affectus* quoad plurimum sanantur, ut & pleræque *mulierum*, quas appellant; *obstructiones*, at præ cæteris *Chlorosis* seu *pallidi*



*pallidi virginum colores*, uti etiam *menstruum suppressiones* qualescunque. Attamen si sanguis usque adeò effectus fuerit, tantaque proinde spirituum *atonia*, ut Chalybs præscriptâ methodo usurpatus malo vincendo par non sit, ædeundæ *Aquæ minerales* aliquæ Ferri minerâ saturæ, quales sunt nostræ *Tunbrigenses*, aut aliæ nuper repertæ. Harum enim virtus Chalybeata, tum ob insignem quantitatem quâ hauriuntur, tum etiam ob earundem cum natura convenientiam intimiùs sanguini permiscetur, & potentiùs morbos expugnat, quàm Ferrum quocunque demum artificio nobilitatum, ut volunt Ciniffones imprudentiores.

Hoc autem præ cæteris interbibendum observandum; si ægritudo quavis ad symptomata affectionis hystericae referenda accadat, hoc in casu per diem unum alterumve æger aquis absistat donec symptoma illud transitum Aquarum aliàs impediturum, penitus abeat. Etenim tamen si hæ Aquæ humoribus agitandis ac proinde spiritibus confusio inducendæ minùs aptæ natæ sint, quàm Cathartica vel lenissima ex Officinis deprompta, aliquantulum tamen idem præstant, quatenus sc. diureticae sunt; ut taceam quòd sæpe etiam ventrem movent. Quod si ipsæ Aquæ humores ac spiritus exagitando turbandoque àditum sibi met ipsis præcludant quo minùs facile transeant, videant illi quàm importunè agunt, qui medicamenta *purgativa* per harum usum imperant, semel aut bis in septimana assumenda, vel, quod adhuc ineptius, ipsis aquis immiscenda præcipiant; Unde fit tam in his quàm in aliis aquis mineralibus, ut non solùm non promptiùs sed, & planè tardiùs ac difficilius eadem operentur.

Hic mihi non reticendum, quòd tamen si his Aquis ferrum inesse in principiis solutis nonnullis videatur [quod idem planè est ac si *ferrum liquidum* supponamus] nullus tamen dubito quin eadem nonnisi simplices aquæ extant virtute mineræ per quam transeunt imprægnatæ ac infectæ. Quod cuipiam liquido constabit, si aquæ communis congiis aliquot satis magnam vim Clavorum veterum ex calceis equinis extractorum infuderit. Sentiet scilicet aquam hanc cui pulvis *Gallarum*, *fol. Tea*, vel similia fuerint immista, eodem planè colore infici, ac si aqua esset fontis Mineralis. Neque sanè diversos effectus hæ aquæ sive artificiales sive inartificiales [utrum enim mavult quis appellet] epotæ edent, modò tempore æstivo, atque aere salubri assumantur.

Sed ut hoc sit, si ob contumaciam ejus hic affectus ferreis aquis minùs cedat, ædeundæ sunt *aquæ calidæ Sulphuræ* quales sunt nostræ *Bathonienses*; atque æger, postquam tribus auroris continuis eas intus assumpserit, sequenti die *Balneum* ingrediatur, & postero die iterum eas bibat; idem faciendo alternatim per duos menses integros. Etenim tam in his quàm aliis, cujuscunque demum generis sint, hoc sedulò notandum, quòd in earum usu eousque ægro persistendum, donec non tantùm levamen aliquale sentiat, sed, quo minùs symptomata omnia brevi postliminiò revertant, donec omnino convalescat.

*Theriaca Andromachi*, vel sola, si crebro diuque usurpetur, magnum



est in hoc morbo Remedium. Neque verò in hoc solo, sed in aliis quamplurimis à coloris & Concoctionis sive Digestionis defectu ortis, omnium fortè potentissimum, quæ hætenus nobis innotuere, utut à plerisque fastidiatur, quòd & pervulgata sit, & à tot jam sæculis cognita.

*Vina Hispanica Gentianâ, Angelicâ, Absinthio, Centaurio, Corticum Aurantium flavedine*, aîisque corroborantibus infusis medicata, si ad aliquot cochlearia ter in die potentur, admodum conferunt, modò ægra tenui non fuerit bilioloque corporis habitu. Profectò vel *Vini Hispanici simplicis* liberalior haustus horâ somni aliquot noctibus, meo suasu propinatus Hystericis nonnullis perquam salutaris fuit, cum ex eo robustior universi corporis habitus redderetur, ipsæque adeò fœminæ è Cachecticis vividæ simul ac vegetæ fierent.

Adhæc *Peruvianus Cortex* eximias mirandasque vires in sanguine & spiritibus confortandis invigorandisque habere nonnunquamprehenditur, cujus *Scrupulum unum manè & sero* ad septimanas aliquot deglutitum, sanam firmamque corporis crasin (tàm Viris *Hypochondriacis*, quàm *Hystericis* Fœminis diu multumque ægrotantibus, dejectâque jam quasi corporis œconomia) restituisse, ipse observavi. In nullo autem Hystericorum Affectuum genere feliciùs succedit, quàm in illo quo *Spasms* afficiuntur fœminæ, nixus edentes fortissimos & plusquam muliebres, pectora simul ferientes. Interim tamen confitendum est, quòd hoc medicamentum non ita certò crebroque huic malo succurrat, ac *Febris Intermittentibus*. Quamvis verò (ut id obiter dicam) in harum curatione egregia præstet, ne dicam miracula, dictus Cortex, atque eodem tum ipsi nos libenter utamur, tum Uxoribus Libertisque usurpandum imperemus, quoties res postulet; sunt tamen, quibus haud minus jam displicet, quòd tàm certò subitoque morbos expugnet, quàm olim displicebat, quòd non nisi nuper his terrarum oris innotuerat. Quo quidem fato tum Optimi quique Viri, tum etiam præstantissima quæque ac *Spasmodica* Remedia semper ferè urgentur. Veruntamen ad hanc notam, seu *Lydium Lapidem*, indolem nostram licet adductam experiri, atque ex indè dignoscere, Hominesne boni simus, an verò probrosi; pro gradu sc. quo vel exultamus, vel dolemus ac ringimur; quoties Publica Res hominum communi aliquo beneficio, ac Numinis favore augetur.

Si quæ verò ex remediis supra recensitis minus conveniant, quod temperamento bilioso ac tenui præditis sæpè accidit, tunc *Dieta Lactea* possit usurpari. Etenim Mulieres aliquot [quod primâ statim fronte mirabitur quis] cum Affectibus Hystericis diu conflictatæ, etiam iis qui omnes Medicorum conatus spreverant eluserantque, tandem Lacte solo aliquandiu vescentes convalescere. Atque illæ quidem maximè quæ ea specie laborabant, quam ego Colicam Hystericam appello, quæ non nisi à Narcoticis potuit deliniri; quibus itaque per intervalla repetendis multum assueverant hæ Fœminæ, dolore rectudescere ut primum emarcuerit Anodynæ virtus. Id verò in hac Curandi methodo præcipuè mirandum, quòd cum Lac frigidum tantum crudumque ali-



mentum præbeant, Spiritus nihilominus ejus usu corroborentur invigorenturque. Nec tamen hoc à ratione abhorre illis videbitur, qui secum reputaverint, Lac, cum simplex omnino nutrimentum suppeditet, naturæ minus in coquendo negotium facessere, secus ac solent cibi ac liquores magis compositi; quodque perfectissimam illam Concoctionem æqualis sanguinis spirituumque crasis necessario sequatur. Illud etiam est animadvertendum, quod non nuda Spirituum debilitas per se considerata, sed eorundem debilitas ad sanguinis statum comparatorum, à *Ætate*, quam patiuntur, causa sit. Fieri enim potest, ut infanti spiritus satis firmi robustique sint pro sanguinis ratione, qui tamen debitam ad sanguinem adulti hominis proportionem non teneant. Jam verò cum ex jugi Lactis usu & Diætâ, quantumvis illa sit cruda atque invalida, sanguis mollior & tenerior evadat, si spiritus ab eo nati sanguini pares tantum sint, satis bene se res habet. Non omnibus tamen contingit, quantumlibet à lacte alias juvari potuerint, ea incommoda superare posse, quæ primis ferè diebus apportat, quod nempe tum in ventriculo coaguletur, tum etiam viribus corporis in statu conservandis sustentandisque minùs sufficiat.

At verò nihil ex omnibus quæ mihi hæcenus innotuere, adeò impensè sanguinem spiritusque fovet firmatque, ac diu multumque singulis ferè diebus *equo vehi*. Cum enim in hac Gymnasticæ specie impetus ferè omnis in ventrem inferiorem fiat, in quo vasa Excretoria (quotquot sæculentiis, in sanguinis massa stabulantibus, educendis à naturâ instituntur] sic sint; Quæ tanta functionum perversio, aliave organorum naturalis impotentia vel fingi potest, cui tot succussionum millia eodem die ingeminata idque sub dio, opem non attulerint? Cujus calidum innatum usque adeò deferbuerit, ut hoc motu non excitetur, & denuò effervescat? Quæ verò sive præternaturalis substantia, sive succus depravatus in aliquo harum partium sinu recondi potest, qui non hoc corporis exercitio, vel in statum naturæ consentaneum perducatur, vel quaqua versum dissipetur elimineturque? Quid quod sanguis perpetuo hoc motu indefinenter exagitatus ac permixtus quasi renovatur ac vigescit. Quæ quidem methodus licet Fœminis vitæ desidii atque imbelli assuetis, minus accommoda sit, utpote quæ à motu, maxime in principio, possint lædi, Viris tamen est aptissima, & sanitatem præ cæteris conciliat.

Nostrorum quidem *in Sacris Artistes*, Vir prudentiâ atque eruditione celeberrimus, postquam diu studiis intemperantius incubuerat, omnesque animi, qui permagnusei est atque excelsus, nervos seriis cogitationibus nimio opere intenderat, tandem in *Affectum Hypochondriacum* incidit, quo diutius læssente, omnia corporis Fermenta erant vitiata, Concoctionesque penitus subversæ. Medicamentorum Chalybeatorum tædium plus semel devoraverat: Aquas Minerales ferè omnes, cum Catharsi sæpè repetitâ, fuerat expertus; Uti etiam Antiscorbutica omnium generum, pulveresque Testaceos quamplurimos, sanguinis edulcorationem promittentes. Ita partim morbo, partim medicatione per tot annos continuatâ, tantum non fractus, *Diarrhæa Colliqua-*



*liquativa* [quæ in *Tabe*, aliisque Morbis Chronicis, ubi omnes omnino Digestiones sunt prostratæ, mortem anteire solet] demum corripiebatur. Ubi me tandem consuleret, statim mecum reputavi Pharmacis nullum amplius locum relinqui, cum tot tantaque nullo cum fructu jam deglutiverat. Suadebam itaque ob causas suprâ memoratas, ut statim se Equo vehendum curandumque traderet; modico primùm itinere, quale ferre possit valetudo ita infirma, ut, nisi iudicio valuisset rerum interiora altius penetrante, nec ad tentandum quidem illud exercitii genus potuisset adduci. Rogabam autem, ut quotidie in eo persisteret, donec ex animi sententia convalesceret; majora indies spatia gradatim conficiens, donec tandem ad tot milliaria ascenderet, quot uno die percurrunt prudentiores ac moderati Viatores; qui iter longiusculum negotii alicujus gratiâ susceperunt: Nullo interim sive ad cibos, sive potum, sive etiam aeris temperiem respectu habito, sed ad instar Itinerantis omnia, prout fors dederit exciperet. Ne longior sim, hanc ille viam incessit, productis gradatim itinerum spatiis, donec tandem ad vicesimum, imò ad tricesimum usque lapidem quotidie vectaretur: cunque se longè meliùs habere post pauculos dies experiretur, ipso rei eventu penè mirabili animatus in eodem cursu ad menses aliquam multos perseverabat, quo temporis spatio plura miliarium millia, quod ipse mihi narrabat, emensus est, donec tandem non convaluerit modò, sed satis validum etiam vegetumque corporis habitum fuerit indeptus.

Neque magis *Hypochondriacis* prodest hoc exercitii genus, quàm *Tabidis Phthificisque*, quorum nonnulli mihi sanguine juncti multum terrarum equo vectore peragrantes, ex meo consilio, sanitati sunt restituti; cum certò sciam me vel Medicamentis quantivis pretii, aut aliâ methodo, quæcunque demum ea fuerit, nihil magis iisdem proficere potuisse, quàm si multis verbis hortatus fueram, ut rectè valetent. Neque in levioribus tantùm malis, crebrâ tussis & macie stipatis, id remedium obtinuit, sed & in *Tabe* tantùm non deploratâ, ubi *nocturnis sudoribus* jam etiam accesserat *Diarrhœa* ista superiùs dicta, quæ Phthisi confectis mortis prænuntia solet esse, atque adeò ut plurimum ultima rerum lineâ. Verbo dicam. Quantumcunque exitialis *Phthisis* & sit & audiât, utpote quâ intereunt duo ferè Trientes eorum quos *morbi Chronici* jugulant, hoc tamen sanctè assero, quòd neque *Mercurius* in *Lue Venerea*, neque *Cortex Peruvianus* in *Intermittentibus* efficaciores extent, quàm in *Phthisi* curanda *Exercitium* jam laudatum; modò ager curret, ut linteamina lecti probè fuerint arefacta, atque etiam ut satis longâ itinera emetiatur. Attramen hoc notandum quod vitæ æquum prætergressis multo diutiùs in hoc exercitio persistendum, quàm infra istam ætatem positis. Atque hoc multiplici experienciâ, quæ vix me fefellit unquam, didici: Et licet equo vehi Phthificis præcipuè conferat, tamen & itinera curru facta mirandos sanè effectus quandoque ediderunt.

Sed ut ad propositum revertar. Hæc est Generalis hujusce morbi curandi ratio, quâ causæ originariæ, quæ est debilior sanguinis crasis, occurritur; ac



### Dissertatio

proinde extra Paroxysmum tantum locum habet. Quoties verò *Paroxysmus* invaserit adjuncto quolibet ex prædictis symptomate, si tale aut tantum sit malum ut inducias ferre nolit, donec, sanguine & spiritibus corroboratis, quasi per ambages sanari possit, confestim ad Remedia *Hysterica* ista confugiendum est quæ odore viroso ac gravi Spiritus, ut dixi, exorbitantes ac desertores, in proprias stationes remandant, sive intra corpus sumantur, sive naribus admoveantur odoranda, sive exterius applicentur; cujusmodi sunt *Asa fætida*, *Galbanum*, *Castoricum*, *Spiritus salis Armoniaci*, & quicquid est denique quod odorem tetrum admodum ingraturumque spirat.

Hic enim quod res est dicam. Quæcunque fœtent, ea omnia Intentioni huic apprimè inserviunt, sive natura, sive etiam ars ea putido odore donavit. Atque, ni fallor, *Spiritus C. C. Sanguinis humani*, *Urina*, *Ossium* ac similia, inde præcipuas suas vires acquirunt, quod, dum vi ignis præparentur, Empyreuma contrahant tetrum ac malè olens, quasi essentia eorum intimius annexum. Quod pariter cernitur in fumis à Corio, Pennis, & id genus Animalium partibus, cum exurantur, exhalantibus. Et enim id habent commune singulæ Animalium substantiæ, ut inter exurendum fumum emittant olidum & olfactui ingraturum; qui si importuno igne affatim eliciatur, ac Organis excipiat condensatus is in liquores istos abit ac convertitur, qui *Spirituum Volatilium* nomine insigniuntur, quique facultates eas faciliè reportant quæ subjectis suis haud primitus inerant; utpote qui *Ignis* solummodò *Creatura* existunt, & singuli eorum eandem planè Virtutem cum cæteris nanciscuntur, ex quacunque demum substantiâ [ modò *Animalis* ea sit ] procudantur extrahanturve.

Proximo loco animadvertendum est, quod si paroxysmus comitetur *Dolor* aliquis intolerabilis in quâcunque demum parte, aut *Vomitio* enormior, aut etiam *Diarrhæa*, tunc præter *Hysterica* jam laudata, *Laudanum* in usum revocari debet, quod solum vires habet his symptomatis cohibendis prorsus pares.

At verò in iis doloribus sedandis, qui Vomitiones excitant, cavendum est sedulo, ne illi sive Laudano, sive alio Paregorico mirigentur, non præmissis debitis Evacuationibus, nisi patientiam ferè humanam omnem vicerint. Primum, quia tanta nonnunquam sanguinis & humorum copia est aggesta (maximè in fœminis sanguineo, & Masculis proprio habitu præditis) (quanta Narcotici vel efficacissimi, ejusque sæpius repetiti, operationem valeat sufflaminare. Unde in talibus sanguis è brachii venis necessario est extrahendus, & Catharticum eis propinandum est, antequam ad Laudani usum accedamus; his enim ritè peractis, quod prius vel in maximâ dosi exhibitum, nihil proficiebat, jam in dosi mediocri scopum attinget. Deinde quia multiplici experientiâ edocti sumus, quod quoties ægra paulatim Laudano assueverit, non præmissa evacuatione debitâ, necesse habuit ob dolorem mox ab evanescente remedii virtute denuo revertentem, Paregoricum rursus ingerere, idque

quoties



quotidiè annos aliquot continuos, dosi subinde per gradus auctâ, ita ut nullo modo jam à Laudano abstinere queat, licèt omnes ab illo digestionēs viri-entur & functiones naturales debilitentur. Quamvis non sentiam Laudani usum siue Cerebro, siue Nervis, siue Facultatibus Animalibus immediatè nocere. Judico itaque ego, quod expertus loquor, Evacuantiā Anodynīs debere præmitti: v. g. Viraginibus & fœminis in quibus sanguis prædominatur, Vena secanda est, & alvus subducenda, præsertim si non jam à longo tempore paroxysmo fuerint correptæ. Si verò fœminæ debiliores, & quæ temperamenti à prioribus illis planè diversi sunt, hujuscemodi paroxysmo & dolore affligantur, atque eodem subinde haud ita pridem laboraverint, sufficiet eorum ventriculos Congio uno, plus minus, lactis Cerevisiati hausto, & mox per vomitum rejecto detergere; dein largam dosin imperare siue *Theriacæ Andromachi*, siue *Electuarii Orvietani*, & cochlearia aliquot liquoris alicujus spirituosi & gustui non ingrati cum paucis Laudani liquidi guttulis superbibenda.

Quod si ægra jam pridem vomuerit, antequam accerferetur Medicus, & metus sit ne si Emericis ulteriùs sollicitetur, in furorem agantur spiritus, & ægræ vires nimium deiciantur, hoc in casu *Laudanum* sine morâ propinari debet, eo dosis modo numeroque, quæ symptomatis magnitudinem ac durationem non tantùm exæquare possit, sed & vincere.

Duo autem hîc præ cæteris diligenter sunt notanda. Primò, quòd cum semel post evacuationes justas & necessarias, Laudano uti cœperimus, eâ dosi, atque illâ toties repetitâ, sumendum est istud Pharmacum, donec symptoma omnino fuerit debellatum; interjecto tantùm spatiolo inter singulas doses, ut quid prior præstiterit antè noscamus, quàm alteram repetamus. Sed de hoc fusiùs alibi egimus. Deinceps dum Laudano morbum aggredimur, nihil prorsus movendum est, nihil evacuandum, cum vel mitissimum illud Ene-  
ma è lacte Saccharato possit destruere, quicquid reparaverat Paregoricum, & tam dolorem quàm vomitionem postliminò revocare.

Utut verò dolores, quod jam innuimus, suprâ memorati importuni sint in Anodyno efflagitando, tamen Vomitiones enormes & dosin ejusdem longè maximam & sæpissimè repetitam indicant, cum ab inverso motu ventriculi peristaltico [ quo in eo contenta versus inferiora erant protrudenda ] remedium Paregoricum prius eliminetur per œsophagum, quàm opis aliquid afferre queat, nisi post singulas Vomitiones Narcoticum de novo toties quoties iteretur, idque in forma potissimum solida; aut si in liquida detur, vehiculum ita parcum esse debet, ut ventriculum imbuat tantum, & præ materiæ inopia ab illo sursum evehi nequeat. v. gr. *Gutta aliquot in cochleari uno Aq. Cinnamomi fortioris*, aut similis. Monenda interim est ægra, ut statim ab assumpto Laudano conquiescat, ac caput præsertim quantum fieri potest immotum teneat; quando vel levissimus capitis motus præ cæteris omnibus Vomitionem provocat, unde medicamenti modo deglutiti jactura fit. Quinimo, etiam cessante & quasi perdomita Vomitione, expedit Anodyno ad



pauculos dies mane & sero exhibito, seu injecto fræno, recidivam præcavere. Quod itidem post dolorem Hystericum Narcotico sedatum, aut Diarrhœam, omnino observari debet.

Atque ita demum methodo jam tradita & *Dolori & Vomitioni* symptomatice mederi in promptu est; à quibus, cum aliorum persæpe morborum speciem præ se ferant, Medicis facilius imponitur, quàm ab aliis quibuslibet symptomatis, quotquot manum medicam deprecant, de quo pauca subjungam v. gr. in ista Hystericæ Affectionis specie jam descriptâ quæ *Paroxysmum Nephriticum* imitatur, quis non videt quanta sit paritas morbi utriusque & similitudo, tum quòd pars eadem utrobique doleat, tum quòd in utroque affectu vomituriant ægræ, cum tamen à causis ita ab invicem variantibus pendeant, & tam impari methodo debeant sanari, ut quòd in hoc lædar, in illo juvet, & è contrariis? Si enim sive *Calculus*, sive *Arenula* Renum substantiam atterentes, dolorem inferant, atque ex partium consensu Vomitionem, nihil æquè conducet ac prælonga & frequens Causæ Antecedentis per Phlebotomiam revulsio, tum ut dilatentur laxenturque meatus, per quos Calculus excludendus est, Enematis emollientibus sæpenumerò repetitis, aliisque ejus generis remediis internis: Quibus Medicamenta Diuretica, & Lithontriptica addenda sunt. Jam si dicta symptomata à Calculo nullatenus oriantur, sed à spiritibus Animalibus nimiam copiâ Renes impetentibus (quo in casu Paregorica tantum indicantur, nec vel Enema è mitioribus, post primas Evacuationes, sine periculo injicitur,) in quanto vitæ discrimine versetur infelix ista de cujus jam corio luditur, non opus est dicere. Idem potest affirmari de affectu illo Hystericò qui *Colicam Biliosam*, vel *Iliacam Passionem* simulat. Hic ubi pro concessio habeatur Affectum istum (licet indolis omnino sit diversæ, imò contrariæ) Colicam Biliosam esse, & ab humore acri in viscera per Arteriarum Mesentericarum oscula excreto nasci [in quem errorem dolor intolerabilis, & viridis color qui in materiâ cernitur tam per os quàm per sedem expulsâ, Medicum incautiorum & cogitationibus minus assuetum haud ægrè perducant,) quæ methodus tam commoda, quàm ut in contemperandâ, remediorum Refrigerantium atque Incrassantium ope, humorum acrimoniâ operam locemus? Atque, quo humores è visceribus exterminentur, præter Enemata quotidiana, ut Cathartica frequenter propinemus; inter cætera verò etiam Mercurium dulcem Diagrydiatis permixtum ad pleniorum materiæ morbificæ eradicationem? Quàm malè autem cum ægris agatur, quantumque eis periculum immineat, dum huic methodo insistamus, si Affectus qui Colica biliosa censetur, re ipsâ Hystericus tantum fuerit, aut Hypochondriacus nemini non liquet: cum clamet experientia, quòd post primas evacuationes universales (quæ humorum putrescentium, quos peperit *Atēlia* jam sæpe dicta, quique Anodynis obstaculo esse possint, saburræ amoliendæ dicantur,) nihil jam restat nisi ut tumultuantes spiritus consopiamus, donec tandem symptomata evanuerint, atque iis cessantibus opportune Chalybeata imperemus, vel si quod aliud est remedium quod sanguinem accendendo at-



que invigorando morbum radicitus extirpet. Meum non est plurimas atque ingentes illas calamitates enumerare, quas Fœminis contigisse ipse novi, ubi Collica hæc Hysterica à Bile ortum ducere existimaretur. Veruntamen affir-  
mo Evacuationes sæpe repetitas, quæ quidem in Colicâ Biliosâ omnino in-  
dicantur, dolorem vomitumque non solum non compescere, sed irritato  
magis, spirituum sc. perturbationem, quæ vera horum symptomatum causa  
est, promovendo Tandemque malum ad menses aliquot prolongatum,  
metathesi derepentè in cerebrum factâ, desinit in *Spasmos*, à quibus ægra  
brevis è medio tollitur; idque vel maximè, ubi post alias evacuationes diutius  
repetitas, suadente colore viridi eorum quæ per os è ventriculo excernuntur,  
Emeticum fuerit propinarum. Verbo dicam. Si quid ego observando didi-  
ci, imprimis cavendum est, ne Symptomata Fœminis Hystericis familiaria ab  
aliis quos sæpe æmulantur morbis, diagnosi errante putentur oriri.

Hic non est reticendum, quod præter errores jam recensitos, à quibus Fœmi-  
næ Affectibus Hystericis obnoxia de vita periclitantur, permultæ insuper er-  
rore non minus funesto dictis Affectibus multantur eâ tempestate, quâ hic mor-  
bus, licet suâ naturâ non sit lethalis, tamen vi malorum *ἐπιπλομένων* ac subse-  
quentium haud pauca è medio tollat. Exempli gratia: Fœmina teneriori  
atque infirmo corporis habitu Infantem parit, cui omnia fœliciter & secun-  
dum naturam cedunt: Obstetrix, sive rudis & impetita, sive jactabunda, &  
quàm præclarè suo illa munere functa sit palam ostentans, suadet ut Puerpera  
paucis à partu diebus surgat, & se à lecto aliquandiu abstineat, hæc morem  
gerens, statim à primo corporis motu *Affectione Hystericâ* corripitur, & pro  
ratione qua morbus inaugescit, *Lochia* primum imminuuntur, deinde sistun-  
tur penitus; quorum suppressionem præmaturam longa symptomatum se-  
ries excepit: quæ, nisi permagna tam diligentia quàm in medendo peritia  
intercedat, ægram brevi perimunt. Nonnunquam enim *Phrenesi* laborant  
ex hac occasione, quæ indies efferatior reddita *Spasmos* primum, dein morrem  
affert: Si verò mortem evadant, mitius aliquantulum insaniunt, quan-  
doque ad ultimum vitæ terminum. Nonnunquam post lochiorum suppres-  
sionem in *Febrem* incidunt, quæ vel in earum, quæ tum grassantur, Epide-  
micarum castra transit, vel ab eâ solâ pendet origine. Adde quòd iidem Affe-  
ctus Hysterici, quibus Lochiorum suppressio imprimis debetur, jam magis  
sæviunt, tanquam ex se denuò nati. Diu est à quo mihi subiit in mentem,  
quòd ex eis quæ moriuntur Puerperis, vix Decima quæque, ut modeste  
computemus, vel ex eo perit quòd vires partui necessariæ eam defecerint, vel  
ex doloribus partum laboriosiores comitantibus; at eo maximè nomine,  
quòd debito citius lecto exurgat, excitatis à motu illo paroxysmis Hy-  
stericis, à quibus cum sistantur *Lochia*: mox ingens ineluctabilium sym-  
ptomatum turba ingruit. Quamobrem istis quæ me audiunt ubique Author-  
sum, ut ad diem saltem *Decimum* usque in lecto se contineant, si modò  
naturâ paulò debiliores sint, præcipuè si *Vaporibus*, qui vulgò dicuntur,  
jam-



j. impridem fuerint tentata. Præterquam enim quod ista, quâ in lecto fruuntur, quies a malis jam toties commemoratis eas immunes præstet, non interruptus lecti calor spiritus pariter reficit tum à pariendi doloribus, tum ab evacuationibus in hoc casu solennibus exhaustos fractosque; quinimò & naturæ suppetias fert, atque omnes, quas gestationis tempore mulier con-gesserat, cruditates digerit & amolitur.

Verum, si ab admissio hoc errore quodvis è dictis symptomatis super-  
venerit, Indicationes Curativæ eò dirigendæ sunt, ut spiritus ab hoc mo-  
tu jam irrequieti redditi sedentur, & ut *Lochia* rursus fluant, quandoquidem  
eorum suppressio horum symptomatum causa sit proxima atque immediata.  
Neque tamen huic methodo pertinaciùs insistendum, sed exhibitis aliquan-  
diu remediis quæ in hoc casu cum successu usurpari solent, si votis ea non  
respondeant, ab iis temperandum est; cum neque fortiora hîc locum habe-  
ant, neque in mitiorum usu perseverare debeamus, propter attritas & ferè  
prostratas Puerperarum ita affectarum vires. Exempli gratia, ubi primùm Lo-  
chia jam suppressi constat, è re fuerit fœminam è vestigio lecto addicere,  
mox *Emplastrum Hystericum* umbilico admove-re, atque quamprimum *Ele-  
ctuarium* sequens propinandum imperare. Ut *℞. Conserv. absinth. Ro-  
man. & ruta an. ℥j. trochisc. è myrrha ℥ij castor. croci Angl. sal. vola-  
til. salis Armoniaci, & assa fœtida an. ℥ss. cum s. q. syr. de s. radicibus,  
f. Electuar. Cap. ad magnitudinem nucis moschat. majoris tertiâ quâque ho-  
râ, superbibendo seq. Iulavii cochl. iij. vel v. ʒ. aq. ruta, bryon. comp. an.  
℥iij. sacchari Cand. q. s. m. s. f. Iulav. Atque hæc, si statim à primo sup-  
pressionis indicio exhibeantur, hoc malum plerunque devincunt. Sin au-  
tem dictis Remediis eousque continuatis donec tota quantitas assumpta fue-  
rit, *Lochia* adhuc supprimantur, hoc in casu *Laudanum*, unâ saltem vice,  
tentandum. Hîc *Laudanum*, quantumlibet suapte indole astringat, cum  
tamen spirituum perturbationem, à quâ solennis *Lochiorum* evacuatio fue-  
rat interrupta, compescat, quandoque plurimùm juvare, & *Emmena-  
gogis* nihil proficientibus, *Lochiorum* fluxum postliminio revocare possit.  
Commodissimè verò Narcoticâ unâ cum *Hystericis* & *Emmenagogis* propi-  
nantur; v. g. *Laudani liquidi gutta xiv. in Aquâ Bryonia composita*; vel  
*Laudani in forma solida granum unum semis cum scrupulo dimidio Assa-  
fœtida in Pilulas duas redactum*. Sedulo interim animadvertendum est,  
quod si telo hoc semel taino scopum non attingamus, nec sequantur Lo-  
chia, *Opium* nullo modo est repetendum, ut in aliis casibus fieri solet ac  
debet: Etenim si reiteretur hîc *Paregoricum*, *Lochia* ita potenter sistet,  
ut ea nullâ deinceps arte provocari queant. Verum enim vero si & hoc mi-  
nus succedat [interjecto aliquo temporis spatio, quo certiores simus quid  
istud præstiterit] ad medicamenta iterum *Emmenagoga* & *Hystericis* permixta  
redeundum est, & dein ad *Enematis ex Lacte saccharato* injectionem. Ve-  
rum quod de *Opio* supra, hîc de *Enematis* dicendum est; nisi enim primo  
injectum *Lochia* educat, nihil prorsus à pluribus est sperandum: cum unum*



humores leniter sollicitando, ut fluant Lochia efficere possit, plura vero eadem aliò divertant. His itaque peractis, [quæ tamen leviter tangenda sunt) tutissimum est, & Prudentis Medici officium, temporis *supremam* præstolari; cum singulo quoque die curationis negotium magis magisque extra aleam ponatur, & si ægra *Vicesimum diem* superaverit, jam ferè in vado est. Etenim cum à morbo, quisquis is fuerit, jam diuturniori scæmina aliquantisper respiraverit, viresque quadantenus receperit, eam methodum valebit ferre quæ aptissima videbitur isto malo averruncando quod à Lochiorum suppressione accreverat: quando remedia obstinatius ingesta, primis ne hilum promoventibus, tum etiam spirituum perturbationem, à quâ morbus oritur, augere possint, quod sedulo advertendum velim.

Nuper Matrona, tam natalibus quàm moribus honestis ac probis, me sibi Medicum volebat: huic ex modò dicta occasione statim à partu paroxysmis Hystericis affectæ, Lochia penitus defecerant. Conabar medicamentis suprà memoratis eadem proritare; at frustrà, Affectione Hysterica vehementiore omnem opem medicam respuente. Unde, cum ita demum eam salvam fore præviderem, si nihil prorsus molirer, rem omnem Tempori, Medicorum facilè Principi ac Coryphæo, committendam censui. Hoc meum consilium ad diem usque Decimum quartum optimè illi cessit; quotidie enim illam invisens, nullo die eam in pejore loco, quàm pridie fuerat, deprehendi: Post hunc mulierculæ adstantes, quas hætenus à noxa illi sub officii specie inferendâ ægrè arcueram, Maritum impellebant, ut sine mora sanguinem è pede uxoris extrahi curaret: quo factò, Paroxysmi Hysterici adeo invalescebant, ut intra paucas horas Spasmi accederent, & non ita diu postea, ærumnarum requies, Mors.

Et si fas mihi sit liberè quæ sentio effari; jamdiu in ea Hæresi fui ut arbitrarer me, non tantum in dictis Puerperarum morbis, sed etiam in Acutis omnibus, ubi Curationem ab hac illave, quâ uti placet, methodo certo insecuturam polliceri nequeam, & Viri & Medici Boni Probique pulchrè defungi munere, quoties nihil omnino tento, modò ægrum invisens, illum non se pejus habere hoc die quàm heri habuit comperiam, nec cras habiturum quàm hodiè conjecturâ assequi possum. Cum si in ægro curando eâ methodo incedam, de cujus efficacità nondum mihi certò constet, tam ab experimento quod ex eo capturus sum, quàm ab ipso morbo is periclitabitur: Neque ita facilè geminum discrimen effugiet, ac simplex erat evasurus. Quamvis enim impræsentiarum nullum vel incipientis Convalescentiæ signum manifestum se prodatur, certissimus tamen sum morbi Acuti cujuslibet naturam non ferre ut quis eo semper laboret: ac proinde dies quilibet res ægri magis magisque in tuto collocat, vel saltem Medico ansam præbet, ex quâ opportuniùs ac certiùs morbum feriat confodiatque, quàm in præcedentibus liceret. Quod quidem uti de Acutorum plerisque verè affirmatur, ita præcipuè de Puerperarum morbis, quibus error vel leviusculus



fatalis esse possit; & in quibus ita parùm valeamus naturalem illam Evacuationem regere, à cuius suppressione mala, de quibus diximus, proveniunt.

Cùm verò *Affectus Hysterici* non semper primariæ causæ, spirituum nempe debilitati nativæ, sed adventitiæ aliquando originem suam debeant, huiusmodi itaque causam, antequam finiam, hîc recensere liber, quæ frequentissimè *Vaporum*, quos appellant, pararia existit. Atque ea est *Fluxus mensium immodicus*, sive in *Puerperio*, sive extra idem invadat. Quoad primam speciem, ea primis diebus post partum laboriosiores maximè infestat, & longâ symptomatum hystericorum catervâ stipatur. Et sicuti in primis hisce diebus solum ingruit ac urget, ita etiam brevi se proripere solet. Etenim si victus paulò incrassans instituitur, facilè abigitur; cui & sequens potus addi poterit.

Assumatur *aq. plantag. & vini rubri an. ℥i. Coq. simul ad tertias, & deinde edulcoretur f. q. sacchari albiss. Cujus, cum frigescat, capiat. ℥ss. bis vel ter in die.* Interim *fulvium* aliquod *Hystericum*, at satis mite, subinde propinetur, & *nodulus* seq. naribus admoveatur. *℥. Galbani & Assæ fœtid. an. ʒij. Castor. ʒiʒ. sal. succini volatil. ʒss. mss. f. nodulus.* Vel *℥. spir. salis Armoniac. ʒij.* quem sæpius olfaciat.

Quod verò ad huiusmodi *extra Puerperium fluxum* attinet, licet idem omni tempore fœminis accidere solet, eas tamen paulo ante tempus illud quo sponte sua omnino menses cessaturi, sæpissimè invadit; circa ætatis scilicet annum 45. si modo temporius fluere inceperant, circa autem 50. si serius in vita prius prorumpabant. His, uti dictum, paulò ante totalem eorundem discessum [instar Candelæ jam fere absumptæ deflagræque, quæ subito flammam edit insigniorem, mox penitus disparitam] cum magno impetu affatim excidunt, & ob copiam sanguinis ingentem qui continuo excernitur, in paroxysmos hystericos ferè continuos miseras dejiciunt. Hîc licet *Hysterica* tam interna quàm externa obiter usurpanda (fortiora devitando ne fluxum ulterius ea provocent,) omnis tamen curationis cardo in menstruâ cohibendis vertitur, quæ hunc in modum quàm primùm sistenda.

Mittatur *sanguis è brachio ad ʒviii.* Seq. manè exhibeatur *potio purgativa communis*, quæ repetenda est tertiâ quâque die per duas alias vices; & singulis noctibus per totum morbi decursum sumat *Paregoricum ex syr. de meconio ʒj.*

*℥. Conserv. rosar. siccar. ʒij. trochisc. de terrâ Lemn. ʒiʒ. Cort. granator. & Coral. rubr. præp. an. ʒij. lapid. hematit. sang. dracon. & bol. Armen. an. ʒj. cum f. q. syr. è Coral. simpl. f. Electuar. de quo sumat ad magnitud. nuc. Moschat. maj. mane & quintâ pomerid. superbibendo seq. fulvii Cochli. vj.*

*℥. Aq. germin. quercus & plantag. an. ʒiij. aq. Cinnamom. hord. & syr.*



*Syr. de rosis siccis an. ℥j. Spir. Vitriol. q. s. ad gratam aciditatem.*

*℥. Fol. Plantag. & urtica an. q. s. contundantur simul mortario marmor. & succus exprimatur, qui postea clarificetur. Cap. cochl. vj. frigide ter vel quater in die. Post primam purgationem applicetur Emplastr. seq. regioni lumborum. ℥. Emplastr. Diapalm. & ad Herniam an. part. equal. ms. extendatur super Alutam, & f. Emplast.*

Diæta refrigerans incrassansque imperanda, nisi quod è re erit semel vel bis in die Vini Clareti haustulum Ægræ indulgere, quod etsi minus conveniat in quantum ebullitionem ciere aptum natum sit, ad vires tamen refocillandas concedi possit. Atque hæc quidem methodus ut fœminis hoc modo affectis apprime proficua sit, ita eadem iis, quibus *Abortus* periculum imminet, non minus confert. Atqui Cathartica & Succus hîc omittantur.

Est & alia, etsi minus frequens, affectuum hystericorum causa. Nempe post partum laboriosiorum *Vteri procidentia*, magnam hujusmodi malorum *Ilia-*da secum trahens, quæ tamen citò ac facilè hoc modo sanatur. *℥. Cort. quercus ℥ij. Coq. aq. font. ℥iiij. ad ℥ij. sub finem addendo Cort. granator. contus. ℥j. rosar. rubr. flor. granator. an. M. ij. deinde adde Vini rubri ℥ss. Colatura sit pro Fotu, qui cum pannis laneis parti affectæ admoveatur manè horis duabus antequam è lecto assurgat, & nocte post decubitum donec symptomata penitus evanuerint. Sed de his plus satis.*

Habes tandem, Humanissime Vir, eorum summam quæ à me in hujusce morbi sive *Historiâ*, sive *Curatione* hætenus fuerint observata. Restat ut si quid fortè peccaverim, ista minus quàm oportuit accuratè describens, veniam à te petam; tum ut opellam hanc, eo animo exaratam ut gratias tibi referrem, quòd alia nostra conamina, qualia qualia illa fuerint, tuo calculo probare haud dedigneris, æqui bonique consulas. Quæ quidem Gratulatio mihi ita rarò obvenit, ut vel nihil prorsus ab hominibus sim promeritus, vel candidi ingenuique isti, quos eâ mentis præstantiâ natura effinxit, ut grati esse nôrint, perpauci sunt; Vix totidem quot *Thebarum porte*, vel *divitis ostia Nili*. Quo non obstante pergo adhuc, imò & pergam, in ediscendâ promovendaque quoad potero Methodo Curandorum morborum, atque iis, qui me minus in Praxi valent (si qui sunt ejusmodi) instruendis. Famæ meæ interim arbitrium penes alios sit. Æqua enim lance & scrupulosè expendens, Hominesne juvare præstet, aut ab iisdem celebrari, prius illud præponderare comperio, & maximi sanè momenti esse ad Animi Tranquillitatem; Famam vero populique halitum pluma leviolem aut bulla, atque umbra insomni magis evanidum. Quod si opes ejusmodi nominis celebritate partæ majus aliquod pondus habere videantur, fruantur illis per me licet, qui jam corraferint; Meminerint tamen Mechanicorum nonnullos, artes vel sordidissimas exercentium, uberiolem quotidie quæstum facere, & majorem Auri Argentique vim posteris legare; neque tamen in hoc Brutis Animalibus superiores evadere; qui sibi suisque pro sua indole prospiciunt; & si recta ex animi



arbitrio & virtute, nata excipiamus ( quorum non est capax Brutorum natura ) hos planè exæquant Belluæ, imò & alios qui non eum sibi viræ scopum proponunt ut profint quamplurimis. Commendatum me habeas, rogo. Viro sagaci & eruditissimo Domino *D. Kendrick*, tibi mihiq̃ue amicissimo; utpote cui debeam quod tuum in me ita propensum animum resciverim, eamque qua me complecteris amicitiam, eo internuncio, didicerim. Conabor quantum in me est, mutuas officiorum vices reddere, & par pari referre, utpote qui sis jure meritoque, Vir Dignissime,

Londini,  
Jan. 20. 1681.

*Tibi Devotissimus, Tuique  
semper Studiosissimus*

THOMAS SYDENHAM.



**D**E variolis hætenus Clarissimus noster Autor, in variis hujusce Operis locis, ac præcipue in primis ultimæ hujus Dissertationis paginis, accuratissime pro more scripsit, ejusque morbi contagium inter homines tum juniores, tum etiam adultos & senes, ita sub inde se spargens, ut ejus necessitatem, si ita loqui liceat, vix ex centenis paucissimi evadant, abundè explicuit, curamque, tam atroci quandoque morbo aptissimam exhibuit. Verum in eodem argumento aliquid se nobis offert infrequentius ac minùs familiare; contagium scilicet Variolicum Armenta quandoque invadens, de quò docte ac præleganter commentatus est Clarissimus Ramazzini, postque eum Clariss. Dnus. Herment, Medicus in Galliis Regius, ac Peritiss. Dnus. Drouin Legionis Prætorianæ, ibidem chirurgus Primarius, in id à Rege Christianissimo deputati. Horum autem ultimorum Schedas hic omittimus, unicâ Clarissimi Ramazzini Dissertatione, quam jam exhibemus contenti. Illa autem sic inscribitur, & hæc est.





D E

## CONTAGIOSA EPIDEMIA

Quæ in Patavinô Agro , & totâ ferè Venetâ  
ditione in BOVES irrepsit

DISSERTATIO *Habita in* PATAVINO *Lyceô*

A

BERNARDINO RAMAZZINI

Practicæ Medicinæ Professore Primario

Die IX. Novembris MDCC. XI.

*Serenissimo* VENETIARUM DUCI

JOANNI CORNELIO *Dicata.*



I veri speciem præfert quod vulgò dici consuevit , & apud Sapientes quoque receptum , Consuetudinem vim quandam legis obtinere , ut, qui illam violarit , si non plecti , laudari tamen haud quaquam mereatur , qualem mihi legem ipsemet imposuerim , modò quamvis serò nimis agnosco. Etenim cum annus iste secundi Sexennii , ex quo in hoc celeberrimo Lyceo Practicam Medicinam profiteor , sit complementum , ac quotannis in solenni studiorum Institutione , ut diù feriatam Inventum ad Studia capeßenda allicerem , Oratione aliqua proludere consueverim , nunc mihi jam effæctis corporis atque animi viribus , quanto ætas prædatrix omnia secum aufert , mag-

num onus incumbere video , si consuetudini meæ nondum interruptæ obsecundare velim , ac vestram expectationem non omninò fallere. Audendum tamen ratus , in unum coactis , qui supersunt spiritibus , ita me comparaveram , ut quod antea præstiteram , hoc anno quoque pro viribus præstarem. Post aliquot igitur meditationes , argumentum non incuriosum , ut reor , nactus fueram , circa quod ingenii mei vires exercebam , cum præsens hæc autumnalis Constitutio præter modum insolens , atque ominosa , Opus quod moliebar , & ad umbilicum penè deduxeram , mihi è manibus excussit , & aliud argumentum à Medicis amœnitatibus longè diversum suscipere coegit , vestra tamen attentione A. O. non



indignum. Nemo non novit, quam inopinatè, quam violenter Bubulum genus dira Contagio pervaserit flammæ ad instar, quæ ope nulla humana consopiri, ne dum restingui potuerit: Hæc primùm quidem in Vicentino Agro subobscurè observari cœpit, mox in Patavinum transgressa, apertè se prodidit, ac longè latèque effusa, usque ad ipsa Urbis Pomæria, tam magnam ac horrendam Boum stragem edidit, ut tum Rura, tum Civitatem mœrore, ac metu complerit. Mœret rusticana Plebs, imò stupet attonita, dum ampla Bovilia vacua, ac deserta intuetur, dum quotidie ferè Tumulos adspicit, in quibus sepulta sunt Fortunæ suæ pigora, propriis natis forsan etiam cariora, dum Bobus extinctis, Equos ad Frumenti sationem parum aptos cogitur sufficere.

*Quid labor, aut benefacta juvant, quid vomere terras*

*Invertisse graves?*

Sic miserandam Agricolarum sortem deflere liber cum Poetarum Principe, qui tertio Georgicorum huic non absimilem Boum cladem carmine descripsit. Mœrorem dissimulare nequeunt Cives, & Nobiles Viri, dum prædia sua, & Villas, præcipuo ornatu, & patrimonio orbata intelligunt, atque etiam vident. Tristatur, ac dolet Plebs urbana, dum Annonæ, rerumque omnium, quæ ad victum spectant, charitatem brevi secururam prænoscit. Nemo est igitur, quæcunque sit ejus conditio, qui damnum aliquod non sentiat, & graviora quoque non timeat. De hac igitur tam portentosa Boum clade hodierna hac mea Differ-

tatione, seu potius prælectione, quam hoc Anno ad tractatum de Febribus, ac præsertim de Febre maligna ac pestilenti, sum habiturus, verba facere constitui, hujus morbi Indolem, causas pervestigando, quibus remediis illi obviam sit eundum.

Nec obtudat quisquam, in hoc tam celebri Lyceo, ab hac Exedra, quæ ordinis sui primatum obtinet, indecorum esse pro Hippocratica doctrina M. Varronis, Palladii, Columellæ, Vegetii, aliorumque Veterinariæ Artis Scriptorum documenta tradere, regeram enim ego, magnam Hippocratem, cui nullius rei scientia vilis habita est, non puduisse de Boum morbis verba facere, in Libro enim de Articulis, rationem adfert, cur Bobus tam facile contingant femorum luxationes, Præterea si Congruentia, quæ omnibus in rebus momentum habet non leve, hic quoque suam meretur animadversionem, tractatio de hac Boum Epidemia nostri muneris est, Illustrissimi, & Spectatissimi Professores, Vobis quæso succurrat, quonam in loco nos simus, & Professorium munus exerceamus? Nonne in Lyceo, cui à Majoribus nostris Bovis nomen est inditum? neque inauspicatò, quando Bos iste suis mugitibus, hoc est Doctrinæ robore totum litteratum Orbem implevit, ut nulla pars sit tam longe dissita, quæ ad illius celebritatem non reboet, ac ubi non colatur magis illius nomen, quam olim Serapis in Ægypto. Si ergo sub signo Bovis militamus, si Bos iste nos pascit, quis erit tam vecors, seu tam malignæ Indolis, qui indecorum putet provinciam hanc suscipere, quam de-



detrectare velle impium, & nefas esset; eoque magis, quò ab Excellentissimo Magistratu, qui sanitatis tutelæ Venetiis præsidet, ac postremo ab ipso SERENISSIMO PRINCIPE demandatum est celeberrimo huius Civitatis Medicorum Collegio, serio exquirere, quænam sit huius morbi conditio, quæ causa, & quibus præsidiis ferocienti in dies malo possit occurrere.

Affectiois genus, quod Bubulo generi bellum ad internecionem usque videtur indixisse, ex frigore, rigore, horripilatione, mox ex calore acri, & vehementi per universum Corpus diffusò cum pulsus frequentia, febrem esse satis liquet, malignam vero, exitialem, pestilentialem etiam, si mavis, esse aperte testantur, quæ illam comitantur symptomata; qualia sunt, magna anxietas, & gravis anhelitus, etiam cum stertore, & in principio febris, stupor & species quædam veterani, continuus ex ore, & naribus graveolentis materiæ descensus, fætidissima alvi proluvies, interdum etiam cruenta, anorexia, & abolita penitus ruminatio, pustulæ quinta vel sexta die per totum corpus erumpentes, ac tubercula variolarum speciem referentia, communis tandem omnium eodem modo circa quintam, & septimam interritus, cum Boves paucissimi evadant, ii que sorte potius quadam, quam remediorum dynamia. Hæc quidem ex se patent, quid vero intus patiantur miserandi Boves, cum jacent anxii, ac stertentes, ac dum stant immoti, capite usque ad terram demisso, conjectare equidem possumus, sed ex mutis animantibus, quæ

per nutus nihil significare possunt, nil certi rescire possumus, quod forsitan in causa est, ut difficilior sit curatio. Causam igitur huiusce malignæ febris pro viribus perscrutemur.

Omnibus epidemiis, si à sporadicis affectibus differre debent, id peculiare inest, quod communem causam habeant, siue ab Aeris vitio, siue à corruptis alimentis, aut ab alio contagioso fomite prognata fuerit, qui ab uno corpore in aliud transmigret, illique eandem labem communicet. Dissimulare quidem non licet, tempestatum huiusce anni non adeo legitimam fuisse temperiem, juxta illarum naturam, Æstatis præsertim, quæ Veris speciem præferre visa est non admodum latrante Syrio, nec Cicadis arbuta rumpentibus. Annus tamen in universum non insalubris fuit, neque multum in quæstu Medicis, ac Pharmacopolis; nec solum in hac Civitate sed in aliis quoque, & in transpadana regione, ut per litteras accepi, ut parum verax visus fuerit Hippocrates, quod *cum æstas veris similis est autumnales morbos expectare oporteat*. Nulla in aere à Meteoreleschis portenta visa sunt, nulla in herbis, & fugibus apparere rubiginis signa, quemadmodum Anno elapso, quo carbunculari morbo laborarunt fruges, nec tamen noxam ullam persensere Armenta, & Pecudes; in fructibus tum Æstivis, tum Autumnalibus, qui omnes serotini fuere, nullæ deprehensæ sunt notæ, quas nebulæ vredo inusserit.

Cælum equidem non consului, ut



viderem, num ex aliquo maligno aliorum influxu, pestilentiae bubuli gregis causam divinare liceret, ut ex Saturni cum Marte syzigia, in Tauri signo; quemadmodum olim Marcellus Ficinus, in Consilio quodam Tusco Sermone edito, ut ab omnibus intelligeretur, Pestis quae Anno 1478. totam Etruriam, ac praecipue Florentiam, depopulata est, causam retulit in conjunctione Martis cum Saturno in signo humano [quasi Asterismorum in hæc inferiora virtus ab inditis nominibus esset petenda, ut si fortè huiusmodi conjunctio observaretur in signo Arietis, aut Piscium, posset, aliquis ovilli generis, aut marini populi excidium prædicere] Sed postquam, cum Juvenis essem, Pici Mirandulani libros adversus Astrologos legi, Judiciariam à studiis meis valere jussi, Aerem itaque, & pascua, ab hoc crimine quod huius morbi in causa fuerint absolvere fas erit. Quis enim unquam sibi persuadeat, campos, & prata, talem ab Aere humorem combibisse, qui solis Bobus tam dirum esset venenum, cæteris vero animantibus, quæ easdem herbas pascere, esset omnino innoxius? Aliam igitur causam comminisci oportebit, quam nonnisi à contagioso fomite licebit deducere, cuius rei non simplices conjecturas, sed argumentum habemus apodicticum.

Jam satis constat, & in acta publica relatum, ex Boum turmis, quos è Dalmatia & conterminis regionibus, mercatores in hæc loca solent adducere, Bovem unum à cæteris secessisse, qui à Bubulco repertus, & perductus in latifundium Illustris-

simi, & Reverendissimi Comitis Trojani Borromæi, Canonici Patavini, pro hospitio, eadem labe qua erat infectus, hospites suos fœdavit, illo enim paucos post dies mortuo, paulatim eodem morbi genere omnes miserè periit, uno tantum superstite, cui in collo factum fuerat setaceum. Casus iste totam viciniam perterrefecit, sed nulla juvit diligentia, ut domus suas, & causas à flamma nimis vicina præservarent. Isthæc itaque contagio paulatim serpens, totam Patavini agri amplitudinem brevi pervasit, quin postremò Padum transgressa, Æmiliae Populis, idem minatur excidium.

Quoniam autem morborum seminii ea est indoles, ut facile sobolescat, & in immensum se propaget, si in subjectum proprium, & mumiatum, ut vocant, incidat, cuius rei amplissimum specimen habemus in luc gallica; quæ ex Indiis occidentalibus, a paucis navigantibus ad nos delata, Italiam primò, mox universam Europam, fœdissima, & ineluibili labe citissimè inquinavit; Non est quòd miremur, si per aporias, & effluvia, quæ ad modum atmospheræ expirant à Bobus ægris, ab extinctis, à Stabulis, à Pascuis, quæ ipsimet Boves pascendo infecerint, promptius autem & facilius ab ipsis Bubsequis, & illorum vestibibus, (pesti enim volupe est, in lana molliter cubare) non est inquam, quòd miremur, si hæc contagio tam longè latèque se se effuderit. Ubi igitur hæc Aura venenata subtilissima Bovem aliquem antea sanum afflarit, spiritibus vitalibus, & seroso latici se consocians, dum in



Orbem agitur, naturalem sanguinis consistentiam lædit, & viscerum fermenta corrumpit; quare naturales viscerum functiones paulatim vitari, & debitas excretiones coerceri necessum est, quod paulatim fieri fas est credere, non enim subito ac Bos aliquis venenum istud hauserit, vel quoquomodo illud susceperit, non illico inquam virulentiam persentit; ut qui à cane rabido commorssi fuerint, ad longum tempus sibi sani videntur, at postea ex improviso, ad aquæ conspectum palam faciunt, quam dirum venenum intus gestarent. Naturalem sanguinis consistentiam ab hoc contagioso fomite lædi paulò ante diximus, suppono etenim, imò pro certo habeo venenum istud esse de illorum genere, quæ sanguinem potius figant, & coagulent, quam dissolvant; id primum attestantur symptomata, quæ febrem comitantur, nempe anxietas, gravis anhelitus, stertor, & stupiditas, ocularis quoque inspectio, dum à Lanis Boves extincti dissecantur, qui licet adhuc calentes parum aut nihil sanguinis effundunt. Bos præterea piger ac tardus ex sua natura est, & Carnes habet duras, & graves ad stateram, ut ait Hippocrates, data nimirum paritate molis ad carnes cæterorum Animalium, idcirco illius sanguinem talem esse oportet. Taurinum sanguinem inter venena recensuit Dioscorides eo quod epotus ad coagulationem in stomacho sit facilis, Prænotius autem propter flatulentiam; Themistoclem sanguine taurino calido epoto sibi mortem conscivisse, ex Plutarcho, in ejusdem vita habemus. Mirum itaque non est si vene-

natus hic fomes, in hujus animantis genere sanguinem ex sua natura crassum coagularit. Hanc cruoris concretionem in malignis febribus observarunt Scriptores, uti Petrus Salius, qui refert in quadam ex maligna febre extincta repertum fuisse in Arteria magna sanguinem ita concretum, *ut prehenso illius sanguinis altero principio, totus sanguis coalescens, ita integer eductus fuerit, perinde ac gladius è vagina extrahi solet.* Idem quoque aliquando in pestilentibus accidere testatur Richardus Lover in tractatu de corde: Nisi autem talis esset in hac Epidemia sanguinis conditio, non protraheretur ad tot dies febris; ubi enim sanguis est nimis dissolutus, & vis deleteria humorum corruptioni prævalet, febrilis calor est adeò mitis, ut ægri interdum se febrere non putent, sed citissime intra unam vel alteram diem occumbant. Postquam igitur fermentificus, & pestifer hic fomes per venas, & arterias tanquam per cuniculos totum corpus peragravit, tunc, tanquam hostis ex insidiis erumpens feritatem suam patefacit, febrem malignam excitando, quæ intra quintam, aut septimam, laniem suam absolvit, indiscriminatim Boves aratores, Tauros, Vaccas, Juvencos, Vitulos jugulando.

Hujus autem Pestis primam originem, num Bos ille peregrinus eam aliunde susceperit, vel in ipso primum genita fuerit, exquirere ad rem nostram parum refert. Necesse est enim quemadmodum in libro de Contagione tradit Fracastorius, ac pariter Joseph Aromatarius, in libro de rabie contagiosa, quod ad aliquod



Animal tandem sit deveniendum, in quo productum fuerit morbosum seminum. Extra enim controversiam est non solum in Brutis, sed etiam hominibus per varios corruptionis gradus, generari posse venena, ac talis naturæ humores, qui ad alia corpora symbolica, & analogae facillè transeant: sic qui tabe pulmonari laborant, consanguineos suos facillè inficiunt, sicut illis consuetudinem habeant; Lippitudinem contagiosam esse vetus est observatio.

*Dum spectant oculi laesos leduntur & ipsi,*

*Multaq. corporibus transitione nocent.*

In Boum cadaveribus, quotquot Lanionum secespitæ subiecta fuere coram Excellentissimis Anatomes Professoribus D. Molinetto, & Viscardo; id singulare in omnibus repertum est; in Omaso nempe, corpus quoddam durum, & compactum, ventriculi parietibus fortiter adhærens, magnæ molis, & intolerandæ graveolentiæ; in aliis verò partibus repertæ sunt hydathides. in cerebro, pulmonibus, sicuti etiam ingentes vesicæ solo flatu plenæ, quæ dissectæ diram Mephitim exhalarent, ulcera in radice linguæ, & ad illius latera vesiculæ sero plenæ. Illud verò corpus durum, & compactum ad instar calcis, quod in Omaso observatur, primum productum esse contagiosi miasmatis, pro certo habeo, dum tacite sævitiam suam exercens stomachicum fermentum labefaciat, & corrumpit; non enim est credibile post febrem excitatam conflare hoc corpus intra paucos dies, dum Boves ubi primum febrile cœperint,

quodcumque alimentum adversantur, nec quidquam, nisi liquidum per os infundi potest: cætera verò, quæ memoravimus, malignæ febris producta esse, facillè crediderim, sed omnium Phænomenorum exactam rationem adferre velle non patitur unius horæ ambitus; ampla enim materia suppeteret ad integrum tractatum conscribendum.

Verum ne amplius vos morer, A. O. ad ea properabo, quæ sunt dicenda, conjectando nempe quem finem habitura sit hæc contagio, & num aliquid gravius portendat, ac quod magis refert, quid agendum. Quoad primum in hac Epidemia, idem quod in cæteris evenire solet, secuturum existimo, nimirum quod post tot tentamina tot experimenta, ac præsertim post observatam methodum, quam morborum Medicatrix Natura servat in iis Bobus sanandis, quos maligna febris non sustulerit, felicior curatio possit institui, ac forsitan huius veneni verum, & specificum remedium reperiri, quo malignum istud miasma penitus extirpari possit. Levamen quoque aliquod expectare licet ab adventante Hyeme, ac à ventis aquilonaribus, qui tanquam Aeris scopæ australes flatus pessimæ semper indolis procul abigant, quales venti pertotum Octobris Mensem dominatum obtinuerunt. Memoratu dignum est, quod de ventorum potestate supra humana corpora refert Vitruvius. *In insula Lesbos (inquit ille) Oppidum Mitylene magnificenter est ædificatum, & eleganter, sed positum non prudenter. In qua Civitate Auster cum flat, homines egrotant, quando*

*Corus*



*Corus tussunt, cum Septentrio, omnes in salubritatem restituntur.*

Quantum sævierit Pests Octobris mense, Austro, & Euronoto flantibus, satis vulgatum est, cum plures dies adeo nefasti fuerint, ut neque quotidianis hecatombis, interdum etiam geminatis, furialis hæc, & execranda febris mitior fieri, nedum placari potuerit. Scio equidem, calori, & frigori morbos pestiferos non admodum auscultare, cum alias fuerit observatum, in summo æstu, & summo frigore pariter sævisse hominum pestem; attamen cum feralis hic morbus, qui celeris est motus, ortum habuerit æstivo tempore, incrementum, atque etiam suum acmin autumnali, sperare licet, quod hyemali tempore finem, & sui desitionem, ope divina sit habiturus.

Num autem hic Epidemicus Bovini populi morbus longum in tempus perseverans, humanis corporibus labem aliquam affricare valeat, ut nonnulli suspicantur, non alienum est disquirere. Si in morbis malignis, qui ratiocinia nostra persæpè eludunt, quidquam ponderis habent rationum momenta, sperare licet homines intactos, & illæsos relicturum esse; etenim si trium mensium spatio lues ista alia Ruminantia, & Cornigera non attigit, quamvis inter ea magnus sit symbolismus, nec Equos, sues, ac alias Sylvestres feras hætenus quidquam læsit, non apparet ratio, cur homines, qui ab istis Animantibus tam longè distant, debeat afficere.

Non sum nescius inter futuræ pestilentiae signa, quæ plurima sunt, recenseri solere non Boum solummo-

do, sed aliorum quoque animantium stragem, qualis ea fuit, quæ Aegyptum insulam depopulata est, de qua Ovidius.

*Strage Canum primo, Volucrumque Aviumque Boumque.*

ac ea, quam memorat Livius, quæ in Sicilia Romanum exercitum, & Carthaginensem pene delevit, de qua Silius Italicus:

*Vim primi sensere Canes, mox nubibus atris*

*Fluxit deficiens penna labente, Volucris.*

Cui aliam non absimilem refert Dionysius Halicarnassæus, quæ primò Equorum, Boumque armenta invasit, mox pecudes, & alia quadrupedia aggressa est, deinde Pastores, & Colonos attigit, & totum Romanum agrum pervagata, Urbem invasit. Ast illorum temporum pestilentiae non in solis Bobus, sed in omnibus animantibus, ut ipsis etiam Maris Piscibus non parceret, [qualis ea fuit, quam Lucretius carmine descripsit,] sævitiam suam exercere, ut quæ ab Aeris vitio ortum duxissent; de quo non habemus quod suspicemur; in solis enim Bobus, & facilius in iis, qui habitiores, & pinguiore essent, quam in gracilibus, hæc lues alimentum invenit, quo rabiem suam pasceret. Magna tamen cautione utendum est in tumultu cadaveribus, terra altè defossa, quemadmodum publica edita præscribunt; si quid enim timendum, præcipuè à nimia cadaverum copia, ex quibus minus apte humanis, ac postea putrefactis, redeunte Vere, pravi halitus Aerem inquinare possint. Bonum autem esset, in



loco inculto, seu in pratis, quæ arationi non sunt subjecta, cadavera humare. Ubi enim de morbo contagioso agitur, nunquam satis cavemus, dum cavemus. Quoniam autem, solutis in liquamen Cadaveribus, necesse erit terram subsidere censerem, bonum esse, novam terram superingere, in illam conjiciendo graminis, aliarumque herbarum semina. Refert Petrus Forestus Delphis apud Baravos Peste jam sopita, & cœmeterio Templi vetusti, cadaveribus oppleto habitam consultationem inter medicos, num Calce, aut Lapidibus illud cœmeterium esset obruendum, ac decretum fuisse ut multa terra superinduceretur atque in eam varia herbarum semina conjicerentur, *ut crescente gramine, & clausis spiraculis lues minus denuò suppullularet.*

Silentio tamen præterire non licet, observatam aliquando pestem in solis Bobus, ac postea secutam hominum pestilentiam; interdum etiam hominum Pestem in Boves terminasse. Primum exemplum habemus ex Livio, qui scribit pestem magnam in Boves ingruisse, sequenti anno ad homines vertisse. Secundum vero apud Ripamontium Chronistam Mediolanensem, qui in Libro de Peste, quæ anno trigesimo exacti nuper seculi cispadanam, & transpadanam regionem pessimè multavit, pestilentia hominum, pestem Boum subsequutam refert. Hisce tamen duobus monumentis totidem habemus, quæ opponamus nec longe perenda. Primum à celeberrimo Fracastorio, qui in Opere doctissimo de Contagione scriptum reliquit, Anno

decimo quarto supra sesqui millesimum diram pestem in solos Boves irrepsisse, quæ in tractu Foro-Julien-si primum nata, exinde usque ad Euganeos, postmodum in Veronensem agrum, aliasque Venetæ Ditionis regiones delata, magnam Boum cladem ediderit eodem fermè modo, ac iisdem symptomatibus, ut hæc nostra illius soboles videatur. Alterum monumentum suggerunt nobis manuscripti Artis Lanionum, quibus non est deneganda fides, quales libri in hac Civitate asservantur, in quibus ad posterorum memoriam ab Antonio Faccio scriptum legitur, Anno nonagesimo nono ejusdem seculi, quo vixit Fracastorius, adeò gravem in Boves pestem grassatam, ut publicis Augustissimi Senatus Veneti Edictis vetitum fuerit, ne Caro Bubula, Caseus recens, Butyrum, Lac sub capitali pœna in hac Civitate divendi possent, sed solis carnibus Vervecinis vesci liceret; attamen iis annis nihil sinistri, præter rei familiaris damnum hominibus obtigisse, certo scimus; habemus igitur unde spes nostras alamus.

Utrum autem, grassante hac Epidemia, carnis bubulæ sanæ creditæ adeò tutus sit usus, ut noxam ullam humanis corporibus non possit inferre, abs re non erit disquirere. Res equidem suspitione non vacat; etenim, etiamsi Bos antequam ad lanienam ducatur, fuerit observatus vegetus, atque hilaris, ac postea in illo jugulato, & excoriato, nullæ in visceribus deprehendantur corruptionis notæ, quæ in cæteris, qui ex hoc morbo intereunt, deprehenduntur, attamen certi non sumus, quod



quod Bos ille contagiosum fomitem non gestaret, quod aliis etiam communicare posset; credibile est enim, paucos apud nos esse Boves, qui afflatum hunc malignum non persenserint, licet sani degant, morbofi enim seminii ea est subdola malitia, ut hominum iudicia non raro fallat; persæpe enim evenit, ut qui illud in se continet, & secum circumfert, læsionem nullam sentiat, nec forsitan sensurus sit, in alium tamen ejusdem speciei possit facile transferre. Hujus rei exemplum habemus in gallico morbo; non raro enim contingit, ut aliquis à muliere infecta luem suscipiat, nec quidquam sentiat, & Uxori postea eam communicet, sic ut illa paucos post Dies gonorrhæa, vel bubone corripiatur; ex quo fit, quod non leves rixæ, & jurgia inter conjuges oriantur, & Uxor pudicitix suæ conscia virum maledictis incessat quod ab illo tam fœda labe inquinata fuerit, ille autem, qui se perfecte sanum agnoscit nec quidquam de infectione suspicatur; de conjugis fide non parum dubitet. Qua de re legentis Paulus Zachias, Mercurialis, Gaspar à Rejes. Circa etiam carnis bubulæ memoratu dignum est quod refert Theodoricus Skenkius in Hist. humor. gen. cap. 2. his verbis: *oline decertatum Venetiis, & Patavi inter Lanios, & incolas, quod illi ex Hungaria Boves advectos, emptos & mactatos in Macello venditassent, quos tamen Cives lue quadam infectos fuisse noverant, cum fluxu alvi cruento tentati plurimi perissent, translato nimirum ab uno a alterum contagio. Hac de re consulti*

*Medici Patavini, in ea fuisse sententia, Carnes hujusmodi esui adhibitas innoxias esse, eo quod esset contagium particulare, & specificum, ac omnis malitia fuisset emendata ac discussa à prævia agitatione gymnastica, antequam Boves mactentur. Contrariam opinionem sustinuisse Medicos Venetos tradit Christophorus Fridericus Garammannus in Opere suo eruditissimo de Mortuorum miraculis, eo quia carnes hujusmodi, essent contagiosæ, & cadaverosæ. Fabius Paulinus Medicus Utinensis controversiam hanc dirimere aggressus est, suam enim sententiam dixit, nimirum si necessitas urgeat in cibum carnes vocare, sale aut aceto prius probe esse macerandas, visceraque cum aliis intertaneis esse abjicienda, cum in iis causa morbifica focus & Nidus existat, qualis cautio num sufficiat, & omnem dubitationem tollat, liberum cuique esto iudicium.*

Quid ergo agendum in tam exitiali morbo, qui bubuli generis extinctionem videtur interminari? In id unum incumbendum esse, persuasum habeo, ut per universalia alexipharmaca (quando particulare, & specificum hujus Veneni remedium non habemus) miasma istud pestiferum extinguatur, aut saltem enervetur, ut natura roborata illud ad cutis ambitum ableget, atque extrudat, quando per ulcera, pustulas, & tubercula in iis Bobus, qui evasere, sponte excitata ipsamet natura, nobis indigitavit, qua via sit incedendum. Crédiderim itaque in curatione hujus malignæ febris, ea Methodo procedendum, quæ à bonis Medicis servatur in curanda vario.



variolosa puerorum febre, distinguendo tempus ebullitionis à tempore expulsiōis; tempore nimirum ebullitionis erit caute utendum remediis calidioribus, ne intendatur calor febrilis, & plus æquo effervescat massa sanguinea, cui facile succedit perturbata coctio, quam Natura rectrix intendit, qua in re non leviter peccatum esse censeo, cum hujus febris initio ad calidiora cardiaca ventum fuerit, & præcipue ad vina meraciora cum multa theriaca; quare præposterum remediorum usum, stragem longè majorem edidisse censeo, quam febrem ipsam. Non desunt Medicæ Praxis docti Scriptores, qui in variolosis constitutionibus in principio febris præcipitantibus utendum esse volunt. Dum hæc sub prælo essent, apud amicum ea legi quæ Illustrissimus, D. Joannes Maria Lancisius Clementis XI. P. O. M. Archiater meritissimus, ac Intimus Cubicularius perdocte, & erudite, ut solet in omnibus, de hoc morbo consultus, scripsit; nam inter varia monita, hoc habet, quod cardiacis acida sint maritanda. In Febris itaque principio moderatè agendum per alexipharmaca, in progressu verò morbi, & despumationis, & expulsiōis signis liberalius Bezoardicis utendum.

Ut autem ad remediorum materiam descendamus, quando id unum est, quod expetitur, & à nobis exigitur, nequaquam vero nuda verba. Quoad præsidia externa, sanguinis missio visa est improspere cessasse, idcirco coepta est omitti; nihil tamen sævitæ suæ remisit morbus; imo truculentior factus est. Equi-

dem in omnibus Epidemiis suspecta est Phlebotomia, sicuti purgatio, unde Celsus: *Sanguinem non facile mittere, alvum non facile ducere*; in febre tamen variolosa passim mittitur sanguis, in pueris bimis, aut trimis per cucurbitulas scarificatas, & quibusdam in locis etiam per venam sectam, in principio tamen febris. In hac itaque Boum febre, non salubrem tantum, sed necessariam fore venæ sectionem crediderim, ad sarcinam minuendam, ut mitior fiat ebullitio totius massæ sanguineæ, & per sua vasa circulatio. Cum enim, ut diximus, Bovis cruor ex sua natura sit valde crassus, & ad facilem concretionem pronus, atque venenum istud de illorum sit genere, quæ massam sanguineam coagulandi vim habent, quo precor remedio laboranti Bovi, & anhelanti ob sanguinis concretionis in vasis sanguifluis, in pulmone, in Corde, quam per ipsam sanguinis missionem promptius, & facilius poterit succurri? Animadversione dignum est, quod lues ista, Boves robustos, & valde obesos facilius corripit, macilentos vero, qui vix ossibus hæreant, prætergrediatur; propterea in hac febre, quæ non absimilis est iis, quas appellant inflammatorias (quales sunt, quæ in pleuritide, peripneumonia, angina observantur) sanguinem in fervorem actum, & aliquin ad coagulationem aptum, detrudere, salutare consilium erit. Clamitet autem ad ravim usque contra hanc operationem, quisquis velit; non enim video (si tamen per analogismum in curanda hac febre licet procedere, ut in curatione febris



bris pestilentis, quæ homines corripit] ego, inquam, non video, cur miseranda hæc Animalia, dum febriunt, & oculis lacrymantibus, operam aliquam quodammodo implorant, hoc magno remedio debeant destitui morbi enim magnitudo, plethorica dispositio, ob pascua hoc Anno solito uberiora, phlebotomiam manifeste exposcunt, in principio tamen febris, dum vires validæ permittunt, quam doctiores Medici in febre pestilenti, uti Sennertus, Septalius, Antonius Ponce Sancta Crux, Fracastorius, & alii gravissimi Scriptores admittunt. Certe vires horum animalium, in ipso etiam vigore morbi satis validas esse observavi, e stabulis enim educti, & per campos circumducti, xperiundi causa, num herbam aliquam velint pascere, robuste incedunt, & suæ libertati relictæ, ad stabula prompte recurrunt. Circa porro venarum delectum, non adeo laborandum; ubi enim ad vasorum plenitudinem tollendam mittitur sanguis, parum refert, an ab hac, vel illa vena mittatur.

Inustiones quoque lato ferro candenti faciendæ in collo utrinque, sublata enim eschara, apparebunt ulcera, quæ vesicantium loco esse poterunt; aures quoque rotundo ferro perforandæ, indita postea radice hellebori, ut Veterinarii Scriptores suadent; similiter sub mento perforanda palcaria, injecto postea funiculo, quem setaceum vocant, indiget enim Natura aliquo emissario, per quod venenum istud exanthlet; nulli enim comperti sunt evasisse Boves, nisi per pustulas in cute excitatas, multum crassæ, ac foetidæ materiæ fundentes, nec Bovem ul-

lum, qui sic purgatus fuerit, recidivam passum fuisse adhuc accepi; nam ex Hippocratis oraculo in sexto Epidemiorum; *Quidquid suppuratur non revertitur; ipsa enim maturatio; & judicatio simul, & abcessus.* Observatione dignum est, quod refert laudatus Fracastorius, ait enim, eos *Boves, quibus labe à faucibus ad armos decendebat, & inde ad pedes, sanatos fuisse, quibus autem hæc permutatio non fiebat, ut plurimum interiisse.* Linguam, & palatum, aceto, & Sale colluere sæpius oportebit; frictiones pluries in die faciendæ ad faciliorem perspirationem obtinendum, ac ut cutis paratior sit ad recipienda rejectamenta nervorum & arteriarum in glandulas. Cum persæpe in faucibus generentur tumores & crustæ, uti fit in variolis, ut nihil per os possit infundi; compertum est baculum salignum viridem Butiro inunctum, longitudinis ulnæ, & amplius per os inditum, valde contulisse ad impedimentum illud tollendum.

Quoad præsidia interna, hæc è triplici regno erunt petenda. E vegetabili plantas multas habemus cardiacas, quarum magna est supellex; Decoctio itaque in aqua fieri poterit ex foliis Scordii, Cardui Benedicti, Dictami Cretici, Centaurii, Radicibus Gentianæ, Tormentillæ, Scorzonæræ, & similibus, quibus addi poterunt cicoracea ad illarum calorem temperandum, quæ decoctio, bis, vel ter in die per os infundi poterit ad duas, vel tres libras. Cum vero febris ad statum pervenerit, decoctio ista ex prædi-



His plantis debet esse saturatior ad expulsionem promovendam. Camphora quoque magnum antipestilentiale, accensa, & in aquam conjecta, potionem efficiet aptam ad pestiferum Miasma perdomandum, & Diaphoresim promovendam. Pulveres quoque ex iisdem plantis parati, & in aqua cardiaca dissoluti, exhiberi poterunt.

Ut autem præter universalia alexipharmaca, quæ pro malignæ febris curatione à vegetabilium classe abunde suppetunt, aliquod singulare proponamus, placet expendere, num solenne illud antipyreticum, h. e. cortex peruvianus, vulgo China Chinæ, ad malignam hanc febrem expugnandam salutare remedium esse possit. Equidem hoc præsidii genus in febribus periodicis miranda præstat, ac præsertim intertitanis intermittentibus malignis, quæ in ipso impetu accessionis, ægros interdum necant, quarum febrium in Constitutionibus meis epidemicis mutinentibus mentionem habui; hoc enim febrifugum, fermentum illud malignum, sive penitus restinguit, sive ita enervat, ut periculum illud tollatur, ne æger in ipso febris accessu intereat; at in febribus continuis, & inflammatoriis, perraro ex corticis peruviani usu, febrem solutam observavi; si tamen habenda fides Richardi Mortoni rationibus, & experimentis, qui in quacunque febre venenum quoddam spiritibus vitalibus hostile agnoscit, cur in hoc Bovini generis morbo experiri non licebit hujus febrifugi virtutem? Istæ enim Bovi febris continua, & acuta, à febribus continuis ab ali-

qua inflammatione comitatis, quæ homines corripuit, nullatenus differt; licet Joseph Aromatarius ex Antiquorum doctrina differentiam aliquam statuatur inter febres brutorum, & febres hominum, ut brutorum febris *νεαυγ*, hominum vero *πυρετός* vocetur. Possent itaque uncie tres pulveris Chinæ Chinæ (quando hujus remedii largior dosis esse cœpit, quàm olim) infundi in libris decem vel duodecim aquæ cardiacæ, seu vino non admodum generoso, quæ infusio inservire poterit pro quatuor, vel quinque dosibus, bis illam in die exhibendo, in febris tamen principio, & cum primum Bos ægrotare cœperit.

Sua quoque remedia suppeditabit regnum animale; Cornu Cervi primas tenebit, infusio itaque ac decoctio, & quæ ex eo parantur remedia erunt ex usu. Pulvis viperinus, qui febrilem calorem non adeo intendet, bis in die exhiberi poterit ad dracmam unam, in aqua cordiali tepida pariter dissolutus; efficacior tamen esset vipera una, vel altera in aqua cordiali decocta, febris enim ista intra paucos dies cursum suum absolvit. Quoniam autem inter cœtera symptomata, gravi anhelitu, & stertore Boves premuntur, sperma ceti tanquam remedium aptum ad dissolvendas sanguinis concretiones, & in asthmate usurpari solitum, præscribi poterit ad drachmas duas in vino tepido dissolutum. Mineralia quoque, ut quæ non tam facile à calore nativo, & digestiva facultate alterantur, uti vegetabilia, & animalia, sed integris viribus corpus pervadunt, symbolum suum con-



ferent. Antimonium diaphoreticum, paratu facile, & exiguae impensae, quod nihil aliud est, quam Antimonii crudi in pulverem contriti, cum aëquis partibus Nitri, in crucibulo, vel mortario Aëneo per carbonem ignitum, aut bacillum ferreum candentem, conflagratio, ter, vel quater repetita, addita semper novae conflagrationi aequali portione salis nitri, erit proficuum remedium ad obtinendam illam, quae expetitur, expulsionem diri veneni ab intimis ad extrema. Quoniam vero, repertos ajunt esse lumbricos, & Ascarides in intestinis, quod perfacile est credere, cum etiam in pestilentiis hominum observari soleat verminatio, non solum in ventriculo, & intestinis, sed etiam in aliis partibus, quod in scrutinio Pestis tradit, Pater Athanasius Kircher è S. J. & animatam putredinem appellat, ad remedia anthelmintica erit confugiendum; Mercurii infusio, ad libram semis super cineres calidos, in aliqua ex praedictis aquis optimum erit remedium, cæteris quae decantantur præferendum; quando enim inter helminthicos scriptores disputari solet, num acida, an dulcia ad vermes necandos sint usurpanda, Mercurium, licet insipidum, id valenter præstare, & frequenti in usu esse, pro certo habemus. Idem quoque efficiet Mutinensis Agri petroleum; præter enim id, quod vermes enecat, putrescentiam quoque corrigit, & diaphoreticos erit stimulus. Nostrates rustici, cum vitulos habent verminantes, quod facile deprehendunt ex odore, quem Vituli expirant, cum lacte exhibent istud

petroleum, ad guttas aliquot per os infundendum.

Quoad alimentum, potiones parari poterunt, ex farina hordei, tritici, panis contriti ad instar ptisanæ. Pro potu laudatur fœni puri, odorati, mense Maji collecti, in aqua Maceratio, quod potionis genus hisce animalibus gratum esse observavi. Externorum quoque habenda est ratio. In loco calido Boves detinendi, & custodiendi stragulis cooperti, cavendo quantum licet ab Aere frigido, quotidie stabulum suffumigando ex baccis Juniperi, Galbano, & similibus.

Atque hæc quidem à Therapœjam, modo pauca quædam documenta pro hujus meæ prælectionis Coronide, in prophylaxeos gratiam lubet proponere, quando longe præstantius est præservare, quam curare, sicuti satius est tempestatem prævidere, ac illam effugere, quam ab ipsa evadere. Cum igitur Boves ab agris post labores in stabulum ad hyemandum jam sint deducti, ut milites ad castra hyberna, magna diligentia studendum erit, ut ea loca in quibus Boves sani degere debeant munda sint, quantum fieri potest, ac sæpe suffumiganda, quæcunque animalia, ut sues, oves etiam ab illis arcendo. Solent rustici, ut stabula hyeme sint calidiora, finum, & excrementa Boum in iis cumulare, sed satius si quotidie aluinas fœces alio adsportent. Consilium salubre erit parietum crustas abradere, eo modo, quo Judæi ex legis edicto jubebantur cubiculorum, in quibus leprosus aliquis habitasset, parietes crusta denu- dare, & flore calcis obducere, solum



aurem in hoc casu muros eradere sufficiet; timeat enim licet, ne recentis calcis odor hyemali tempore Bobus inibi conclusis possit officere. In id quoque erit incumbendum, ut pura, & munda sint illorum alimenta, cavendo, ne fœnum, paleæ, & alia, à pluviiis, & illuvionibus fuerint inquinata; parcius quoque erunt alendi, ne plus æquo pinguescant; non enim hoc anno polysarcia, sed sanitas procuranda. Æstate quidem, quo tempore, in frugum tritura, aratione, & plaustrorum vectura exercentur, ac multum est quod disflatur, plenius sunt alendi; aut hyeme, hoc anno præcipuè, quo suspecta est saginatio, & macies tutior visa est, moderata diæta in iis nutriendis erit utendum.

Frictiones pluries in die adhibendæ, non solum manu, sed strigilibus quoque, multum enim conferent ad sanguinem in sua fluiditate continendum, simulque ad superfluitatem exhauriendam, si præsertim frictiones sint validæ: habet enim hoc præsidii genus varias facultates, modo implendi, modo extenuandi. Celsus ex Hippocrate scripsit; *Frictione, si vehemens sit, durari corpus, si lenis molli, si multa minui, si modica impleri.* Si nimis pinguescant, quandoquidem hoc anno copiosa erit bubuli generis annona, posset etiam institui phlebotomia, sed diæta si fuerit conveniens, venæ sectionis, atque etiam purgationis erit vicaria. Postremo cum ex observatione Boum, qui in hac tempestate evaserint, satis constet, naturam per crustas, & ulcera excitata in corporis ambitu, & multam saniei expurgationem, morbosum illud miasma,

laem hanc expugnasse, sanum consilium foret emisserum aliquod in bobus sanis aperire, per quod si qua sint vestigia morborum seminii, illa lenim extrudantur. Aureum documentum habemus ex Hippocrate in 6. Epid. ad rem nostram accommodandum, hisce verbis. *Decubitus quidem, in quibus facta tollit, hæc ante facta prohibet.* Locus quidem subobscurus est, uti sunt Hippocratis Oracula, sed illum egregiè explicat Vallesius, ait enim, decubitus à natura factos, qui sunt aliorum morborum medela, eosdem morbos antevertere, & præservare, si tales decubitus arte procurentur, non simpliciter tamen, quemcumque decubitum, sed illum, qui facta tollit. Non inutile igitur foret sanis Bobus, palearia sub mento candenti ferro perforare, atque funiculo indito, apertum, illud diu servare, ut per illud paulatim egerantur impuritates illæ, quæ hujus contagiosi fomitis sunt soboles, & in capite potissimum acervari solent.

Sed cur ingenii mei tenuitatem frustror, ac divexo, ut morbi hujus Naturam, & causas explorem, ac Medicinæ præcepta ad veterinariam traducam? Jamdudum veram, & immediatam hujus ferini morbi causam agnovit, ac patefecit Purpurati Principis, ad hujus Urbis incolumitatem cœlitus demissi admiranda pietas; & sollicitudo: nullam aliam scilicet esse causam, quàm Deum justissimum criminum vindicem, nobis iratum; sicuti etiam ipse unicum & verum aperuit antidotum, decretis ad plures dies supplicationibus ad cœlestem iram placandam. Magna sane frequentia clausis ubique Officinis, ad excellam



excellam hujus Urbis Basilicam concursum est, ut nunquam alias tantus in unum populi conventus fuerit observatus, nec tanta erga Superos reverentia, ac pietas. Neque vero fervor hujusmodi postea refrixit, uti aliquando fieri consuevit, sed perstitit, magno ad alia celebriora Urbis Tempia Populi confluxu, quin cæteris Civitatibus, quæ eodem malo premuntur, exemplo fuit, ut ad divinam opem implorandam publicis precibus confugerent. Hæc tam subito mutata rerum facies & recens nata hic, & alibi pietas, quam graviorum malorum metus expressit, in mentem revocant magnam illam Romanæ Urbis consternationem, quam Livius hujus Civitatis immortale Decus, tam egregie descripsit, quando nimirum Annibal, fufis, ac deletis Romanis exercitibus, ex improvviso Romam petiit, ac illam tam arcta obsidione preffit, ut trepi-

dantis Civitatis clamores audiret; subito enim terrore perculsus Romanus Populus, ad Tempia, & Aras Deorum turmatim concurrebat, ut victimas mactaret, & pro publica salute vota conciperet; visebantur mulieres passis crinibus, effusæ in lachrymas, cum parvis liberis ad Tempia convolantes, ac ibi ad Simulacra Deorum armillas, annulos, aurea monilia appendere, ferreas scilicet Pœnorum catenas, & asperrima vincula metuentes. Hanc eandem consternationem eleganti carmine descripsit Silius Italicus. Labet hic Carmina hujus Poetæ verè aurea ad rem nostram apponere.

*Tanta adeò, cum res Trepida,  
reverentia Divum.*

*Nascitur, & rara fumant felici-  
bus ara.*

Nunc hisce temporibus congruant hi duo versus, Vobis A. O. judicandum relinquam.



Handwritten text, likely bleed-through from the reverse side of the page. The text is arranged in two columns and is mostly illegible due to fading and the quality of the scan. Some words are difficult to decipher but appear to be in English.

ENCLOSURE























